



BIBLIOTECA NAZ.
Vittorio Emanuele III

XXIV

C

25

NAPOLI

29

Proibito

Bibliotheca Coll. Reg. Soc. in Jura Catal. inscripta die 28. aug.

THOMÆ HOBBS 1672

Malmesburiensis

OPERA
PHILOSOPHICA,

Quæ Latinè scripsit,


OMNIA.

Antè quidem per partes, nunc autem, post cognitâ omnium
Objectiones, conjunctim & accuratiùs Edita.



AMSTELODAMI,
Apud IOANNEM BLAEV,
MDCCLXVIII.

xxiv. G. 31





te
i-
o-

D-

Continent autem

- I. *Problemata Physica, una cum Magnitudine Circuli
‡ Duplicatione Cubi, ad Regem.*
- II. *Dialogos sex de emendatione Geometriæ hodiernæ
contra Wallisium, ad Verduſium, nobilem Aquitanum.*
- III. *Libros tres de Corpore; ad Comitem Devonie, Logicam, Philosophiam primam, ‡ Physicam complectentes.*
- IV. *Librum de Homine, ubi doctrina Optica demonstratur; ad eundem.*
- V. *Libros tres de Cive; ad eundem.*
- VI. *De Natura Aëris; ad clarissimum virum Samuellem Sorberium.*
- VII. *De Principiis ‡ Ratiocinatione Geometrarum; contra Fastum Professorum Geometriæ. Ad Henricum Bennet, Baronem de Arlington.*
- VIII. *Leviathan, sive de Materia, Forma, ‡ Potestate Civitatis Ecclesiasticæ ‡ Civilis. Ad Franciscum Godolphinum, Equitem Ordinis Balnearum.*

ADMONITIVNCULA

AD

LECTOREM.



Partitio Operis quam facies prior hujus paginæ continet in **VI I I** Libros, sententia & dispositione nititur **D. Auctoris** priore, juxta quam etiam opus impressum & divisio præmissa. Quandoquidem verò in divisione illa ultra libros nulla sectionis totius Tractatus in partes, quique libri huic illive membro maxime congruerent habita, idque cum ob alias rationes ordinis in primis suavitatem quæ quemlibet per se allicit, tum concinnioris compactionis, seu, ut loquuntur, ligaturæ causâ: perutile vitium **D. Auctori** etiam jam excuso & ad finem perducto opere, omnia Philosophica sua in **II I I** tomos seu partes dirimere, ita ut

contineant

Tomus seu pars I. 1. Libros tres de Corpore. 2. Librum de Homine. 3. Libros tres de Cive.

Pars II. 1. Dialogos sex de emendatione Geometria hodierna. 2. De Natura Aëris. 3. Problemata Physica, una cum magnitudine Circuli & duplicatione Cubi. 4. De Principiis & Ratiocinatione Geometrarum.

Pars III. Leviathan, sive de Materia, Forma, & Potestate Civitatis Ecclesiasticæ & Civilis.

Tuum jam erit, Benevole Lector, hac novissima distributione frui, & juxta eam opus compingendum curare, habenda simul ratione figurarum ne divellantur, ubi hæ suis locis aptæ reperiuntur. Vale.

P R O-

ELEMENTORVM
PHILOSOPHIÆ
SECTIO PRIMA
DE
CORPORE.

EXCELLENTISSIMO
V I R O,
G V L I E L M O
C O M I T I
D E V O N I Æ,
Domino meo Colendissimo.



Elementorum Philosophiæ, Obsequii mei, tuæque erga me Benignitatis futurum Monumentum, Sectionem primam (post editam Tertiam) diu dilatam, tandem tibi (Excellentissime Domine) absolutam Offero Dedicoque; Libellum mole exiguum, plenum tamen, & siquidem valeret pro magno rectum, satis magnum. Eundem invenies Lectori attento, & in demonstrationibus Mathematicorum benè exercitato, id est, Tibi intellectu facilem & perspicuum; novum etiam ferè totum, nec tamen novitate sua cuiquam offensam præbiturum. Scio Philosophiæ partem illam, quæ versatur circa Lineas & Figuras traditam nobis esse benè cultam à Veteribus, simulque veræ Logiciæ per quam tam præclara Theoremata sua invenire & demonstrare potuerunt exemplar optimum. Scio etiam Hypothesin diurni Telluris motus excogitatam esse primò à Veteribus, sed & ipsam, nascentemque ab ipsa Astronomiam, id est, Physicam cœlestem à succedentibus Philosophis verborum laqueis strangulatam esse. Itaque Astronomiæ initium (præter Observata) non ultra referendum esse puto, quam ad

E P I S T O L A

Nicolaum Copernicum, *Placita Pythagora*, *Aristarchi*, *Philolai*, proximè superiore sæculo referentem. Post hunc, agnito jam Telluris motu, ortaue inde difficili quæstione de descensu gravium, cum difficultate illa certans nostris temporibus *Galiæus* primus aperuit nobis Physicæ universæ portam primam, naturam Motûs. Adeo ut neque ultra hunc computanda videatur esse ætas Physicæ. Postremò, Scientiam Humani Corporis, Physicæ partem utilissimam, in libris suis de Motu Sanguinis, & de Generatione Animalium, mirabili sagacitate detexit & demonstravit *Gulielmus Harvæus* R.R. Iacobi Carolique Medicus primarius; solus (quod sciam) qui doctrinam novam superatâ invidiâ vivens stabilivit. Ante hos nihil certi in Physica erat, præter experimenta unicuique sua, & Historias naturales, si tamen & hæ dicendæ certæ sint, quæ civilibus Historiis certiores non sunt. At post hos Astronomiam & Physicam quidem Universalem *Ioannes Keplerus*, *Petrus Gassendus*, *Marinus Mersennus*, Physicam verò Humani Corporis specialem Ingenia & Industria Medicorum (id est, verè Physicorum,) præsertim vero nostrorum è Collegio Londinensi doctissimorum hominum, pro tam exiguo tempore egregiè promoverunt. Physica ergo res novitia est. Sed Philosophia Civilis multò adhuc magis; ut quæ antiquior non sit (dico laceffitus, utque sciant se parum profecisse obrectatores mei) libro quem *de Cive* ipse scripsi. Quid autem? Nulline erant Philosophi apud Græcos antiquos, neque Physici neque Civiles? Fuere certe qui sic appellabantur, teste *Luciano*, à quo irrisi; testibus nonnullis civitatibus unde edictis publicis sæpius sunt expulsi. Sed non ob eam rem necesse est fuisse Philosophiam. Versabatur in antiqua Græcia Phantasma quoddam, propter superficiem gravitatis (nam intus plenum erat fraude & sordibus) Philosophiæ aliquatenus simile, quam incauti homines Philosophiam esse arbitrati, professoribus ejus, etsi inter se discordibus, alii aliis adhærescebant, iisque ad sapientiam Magistris

stris tradebant liberos suos magnis mercedibus nihil docendos præterquam disputare, neglectisque legibus de omni quæstione suo quemque arbitrio constituere. Nati illis temporibus Ecclesiæ (post Apostolos) Doctores primi, dum fidem Christianam contra Gentes ratione naturali defendere conabantur, creperunt Philosophari etiam ipsi, & placita nonnulla ex Philosophorum Ethnicorum scriptis Scripturæ Sacræ Placitis admiscere. Et primo quidem dogmata admiserunt nonnulla ex Platone minus noxia. Deinde vero etiam ex libris *Physicæ Auscultationis*, & *Metaphysicorum* Aristotelis multa inepta & falsa assumentes, Fidei Christianæ quasi introductis hostibus arcem prodiderunt. Ex eo tempore pro *θεοσεβεία*, habuimus Scholasticam dictam *θεολογίαν*, pede incedentem altero quidem, quæ est Scriptura sacra, firmo; altero autem putrido, quæ est Philosophia illa quam Apostolus *Paulus* appellavit *vanam*, potuit *perniciosa*; Innumerabiles enim illa in orbe Christiano de Religione Controversias, & ex Controversiis Bella excitavit. Similis existens Empusæ apud Comicum Atheniensem. Ea enim Athenis Dæmonium habebatur, mutabili specie, pedibus altero Æneo, altero Asinino, missa ut credebatur, ab Hecate, imminenti Atheniensibus infortunii prænuntia: Contra hanc Empusam Exorcismus (credo) melior excogitari non potest, quam ut Religionis, id est, Dei Honorandi Colendique Regulæ, à Legibus petendæ, à Philosophiæ regulis, id est, à privatorum hominum dogmatibus distinguantur, quæque Religionis sunt Scripturæ sacræ, quæ Philosophiæ sunt rationi naturali tribuantur. Quod certè factum erit si Philosophiæ Elementa seorsim verè & lucidè, ut conor facere, tractavero. Itaque cum in Sectione tertia (quam Tibi, jamdudum editam dedicavi) Regimen omne tam Ecclesiasticum quam Civile ad unum idemque imperium summum firmissimis rationibus, verbo divino non repugnante, revocaverim; aggredior nunc, fundamentis Physicæ veris clareque ordinatis, Empusam istam

EPISTOLA DEDICATORIA.

Metaphysicam, non pugnando, sed diem inferendo exterrere atque abigere. Confido enim (si quam fiduciam scripti, scribentis timor, respectatio, diffidentia præstare potest) in tribus libelli hujus partibus prioribus, ex Definitionibus; in quarta ex Hypothesibus non absurdis omnia esse legitimè demonstrata. Quod si qua tibi demonstratio minus plena videbitur, quam ut possit omnibus satisfacere, causa erat quod non omnia omnibus, sed aliqua Geometris solis scribere profiterer. Quin autem Tibi omnia satisfactura sint dubitare non possum.

Restat jam Sectio secunda *de Homine*, cujus partem eam qua tractatur *Optica*, octo Capitibus scriptam Figurarumque singulis Capitibus adjungendarum Tabulas ante sex annos sculptas paratasque habeo. Cætera, favente Deo, ut potero, adjiciam; etsi de Natura Hominis, apud Homines vera loquuturo, quanto minor mihi habebitur quam debetur gratia, ex nonnullorum imperitorum contumeliosis verbis, pudendisque injuriolis jam expertus sciam. Atamen susceptum onus perferam, nec invidiam deprecabor, sed potius augendo ulciscar. Sufficit enim mihi gratia tua, quam quidem (quantam tu potestas) habeo; Deum autem Optimum Maximum pro tua incolumitate comprecando (quantam ego possum) semper referam.

Excellentia tua humillimus Servus

Londini die 23
Aprilis, 1655.

THOM. HOBBS.

AD LECTOREM.

Philosophiam cuius Elementa hic ag gredior ordinare, non credere eam esse (Amice Lector) per quam sunt Lapides Philosophici, neque illam quam ostentant Codices Metaphysici. Sed Rationem Humanam Naturalem per omnes res creatas sedulo volutantem, & de earum Ordine, Causis & Effectibus ea quæ vera sunt renuntiantem. Mentis ergo tuæ, & totius Mundi filia Philosophia in te ipso est; nondum fortasse figurata, sed genitor Mundo qualis erat in Principio informis similis. Faciendum ergo tibi est quod faciunt statuarii qui materiam exculpentes supervacaneam, Imaginem non faciunt, sed inveniunt. Vel imitare Creationem. Super Abyssum cogitationum experimentorumque tuorum confusam (si Philosophiæ operam seriam daturus sis) superferatur Ratio tua. Confusa discutienda, distinguenda, & suis quæque signata nominibus ordinanda sunt, id est, Methodo opus est ipsarum rerum Creationi congruâ. Creandi autem Ordo erat, Lux, Noctis & Diei distinctio, Expansum, Luminaria, Sensibilia, Homo. Deinde post Creationem, Mandatum. Contemplandi ergo ordo erit Ratio, Definitio, Spatium, Astra, Qualitas Sensibilis, Homo. Deinde adulto homine, Civis. In prima ergo Sectionis huius parte quæ Logica inscribitur, accendo Lucem Rationis. In secunda (quæ est Philosophia prima) rerum communissimorum Ideas ad sublationem ambigui & obscuri, Definitionibus accuratis inter se distinguo. Tertia pars versatur in Expansione spatiorum, id est, in Geometria. Quarta habet motum Astrorum, & præterea Quæritatem sensibilem. In sectione secunda considerabunt, volente Deo, Natura Hominis. In tertia Civis jam ante consideratus est. Hanc ego Methodum sequutus sum, quæ & tu, si attigeris uti poteris; non enim commendo tibi mea, sed propono. Quæcumque autem Methodo usus sis, Philosophiam tamen, id est, studium sapientiæ, ob cuius defectum multa nuper mala passi omnes sumus, commendatum tibi valde velim. Nam illi etiam qui divitiis student, sapientiam amant; thesauri enim sui non aliter ipsis placent, quam ut speculum in quo intueri & contemplari possint sapientiam suam. Nec qui ad Negotia publica adhiberi amant, aliud quam locum querunt in quo sapientiam quam habent explicare possint. Ne voluptuosi quidem Philosophiam ob aliam causam negligunt, nisi quod nesciunt quantam perpetui valentissimique pulcherrimi Mundi cum Anima congressus voluptatem sit allaturus. Postremo, etsi ob nihil aliud, tamen (quoniam animus humanus non minus Temporis Vacui, quam Natura Vacui Loci impatiens est) ne hominibus occupatis importunus, vel male feriatis cum damno tuo accedere a nimio otio coactus sis, quæ otium tuum iucunde implere possis, Commendo tibi Philosophiam. Vale.

THOM. HOBBS.

LE'M.

LEMMA TA C A P I T U M.

Pars prima, five Logica.

Cap.

- 1 **D**E Philosophia.
- 2 De Vocabulis.
- 3 De Propositione.
- 4 De Syllogismo.
- 5 De Erratione, Falsitate, & Captionibus.
- 6 De Methodo.

Pars secunda, five Philosophia prima.

- 7 De Loco & Tempore.
- 8 De Corpore & Accidene.
- 9 De Causa & Effectu.
- 10 De Potentia & Actu.
- 11 De Eodem & Diverso.
- 12 De Quantitate.
- 13 De Analogismo, five eadem Ratione.
- 14 De Recto, Curvo, Angulo, & Figura.

Pars tertia, De Rationibus Motuum, & Magnitudinum.

- 15 De Natura, Proprietatibus, & variis considerationibus Motus & Conatus.
- 16 De Motu accelerato, & uniformi, & de motu per concursum.
- 17 De Figuris Deficientibus.
- 18 De Rectarum & Paraboliformium linearum Aequatione.
- 19 De Angulis Incidentie & Reflectionis Aequalibus.
- 20 De Dimensione Circuli & Arcuum five Angularum Sectione.
- 21 De Motu circulari.
- 22 De cetera motuum varietate.
- 23 De Centro Equilibrii.
- 24 De Refractione & Reflectione.

Pars quarta, Physica five de Naturæ Phænomenis.

- 25 De Sensatione & Motu animali.
- 26 De Universo & Syderibus.
- 27 De Luce, Calore, & Coloribus.
- 28 De Frigore, Vento, Nive, Glacie, Flexorum restitutione, Diaphano, Fulgure, & Tonitru, & Origine Fluviorum.
- 29 De Sono, Odore, Sapore, & Tactibus.
- 30 De Gravitate.


C O M.

COMPUTATIO SIVE LOGICA.

CAPUT I.

De Philosophia.

1. *Introductio.* 2. *Philosophiæ definitio explicata.* 3. *Animi ratiocinatio.*
4. *Proprietas quid.* 5. *Quomodo proprietas à generatione derivatur & contra.*
6. *Philosophiæ Finis.* 7. *Utilitas.* 8. *Subjectum.* 9. *Partes.* 10. *Epilogus.*

I.  Erfari mihi inter homines videtur hodiè Philosophia, quem admodum frumentum & vinum fuisse in rerum natura narratur priscis temporibus. Erant enim ab initio rerum vites & spicæ sparsim per agros, sed satio nulla. Itaque glande vivebatur, aut si quis ignotas dubiasve baccas tentare ausus esset, cum detrimento id fecit sanitatis suæ. Similiter, Philosophia, id est, *Ratio naturalis*, in omni homine innata est; unusquisque enim aliquo usque ratiocinatur, & in rebus aliquibus; verùm ubi longa rationum serie opus est, propter rectæ methodi, quasi rationis defectum deviant plerique & evagantur. Ex quo contingit sanioris iudicii vulgo haberi & esse eos, qui quotidianâ Experimentiâ tanquam glande contenti Philosophiam, aut abjiciunt, aut non expetunt, quàm ii qui opinionibus minimè vulgaribus, sed dubiis leviterque arreptis imbuti, tanquam parùm sani perpetuè disputant, & rixantur. Fateor quidem Partem Philosophiæ eam, in qua magnitudinum, figurarumque rationes supputantur, egregiè cultam esse. Cæterùm quia in reliquis partibus similem operam positam nondum vidi, Consilium in eo, quoad potero, Philosophiæ universæ pauca & prima elementa, tanquam semina quædam ex quibus pura & vera Philosophia paulatim nasci posse videtur explicare.

Quam difficile sit inveteratas, Eloquentissimorumque Scriptorum auctoritate confirmatas opiniones mentibus hominum excutere, non ignoreo. Præsertim cùm Philosophia vera (id est accurata) orationis non modo fucum, sed etiam omnia ferè ornamenta ex professo rejiciat; cumque scientiæ omnis Fundamenta prima, non modo speciosa non sint, sed etiam humilia, arida, & penè deformia videantur.

Attamen cum sint aliqui certè, quantum pauci, quos in omni re
Elem. Philos. B b h *veritas*

veritas & rationum firmitudo ipsa per se delectat, paucis illis operam hanc navandam esse censui. Itaque ad institutum venio. Incipiam autem ab ipsa Philosophiæ definitione.

2. *Philosophia est Effectuum sive Phenomenon ex conceptis eorum Causis seu Generationibus; & rursus Generationum quæ esse possunt, ex cognitis effectibus per rectam ratiocinationem acquisita cognitio.*

Ad quam definitionem intelligendam, considerare oportet primo, Sensationem atque Memoriam rerum, quæ communes homini sunt cum omnibus animantibus, etsi cognitiones sint, tamen quia datæ sunt statim à natura, non ratiocinando acquisitæ, non esse Philosophiam.

Secundò cum Experientia nihil aliud sit quam memoria; Prudentia autem sive prospectus in futurum, aliud non sit quàm expectatio rerum similium iis rebus quas jam experti sumus; nec Prudentiam quidem Philosophiam esse censendum est.

Per Ratiocinationem autem intelligo computationem. Computare verò est *plurium rerum simul additarum summam colligere, vel unâ re ab aliâ detractâ, cognoscere Residuum*. Ratiocinari igitur idem est quod *Addere & Subtrahere*, vel si quis adjungat his *Multiplicare & Dividere*, non abnuam, cum *Multiplicatio* idem sit quod æqualium *Additio*, *Divisio* quod æqualium quoties fieri potest *Subtractio*. Recidit itaque ratiocinatio omnis ad duas operationes animi, *Additionem & Subtractionem*.

3. Quomodo autem animo, sine verbis tacita cogitatione ratiocinando addere & subtrahere solemus, uno aut altero exemplo ostendendum est. Si quis ergo è longinquo aliquid obscure videat, etsi nulla sint imposita vocabula, habet tamen ejus rei ideam eandem propter quam impositis nunc vocabulis dicit eam rem esse *Corpus*. Postquam autem propius accesserit, videritque eandem rem certo quodam modo nunc uno, nunc alio in loco esse, habebit ejusdem ideam novam, propter quam nunc talem rem *animatam* vocat. Postremo cum stans in proximo figuram ejus videat, vocem audiat, aliasque res quæ signa sunt animi rationalis perspiciat, habet quoque ideam tertiam, etiamsi nomen ejus nullum adhuc fuerit; eandem scilicet propter quam dicimus aliquid esse *rationale*. Denique quando totam rem ut unam plenè jam & distinctè visam concipit, illa idea composita est ex præcedentibus, atque hoc modo componit animus ideas prædictas, eodem ordine quo in oratione componuntur hæc nomina singula *Corpus, Animatum, Rationale*, in unum nomen *corpus animatum Rationale, sive hominem*. Similiter ex conceptibus *quadrilateri, æquilateri, rectanguli*, componitur conceptus *quadrati*. Potest enim animus concipere *quadrilaterum* sine conceptu *æquilateri*, & *æquilateri* sine conceptu *rectanguli*, & concepta hæc singula potest conjungere in conceptum unum, sive ideam

unam

unam quadrati. Patet ergo quo modo animus concepta componit. Rursus si quis hominem astantem videat, concipit totam ejus ideam, si verò recedentem sequatur oculis tantum, amittet ideam earum rerum quæ signa erant rationis, attamen idea animati oculis inhærebit, itaque ex tota idea hominis, id est, corporis animati rationalis subducitur idea Rationalis, residua est Corporis Animati; Deinde paulò post in distantia majore amittetur idea animati, residuebit idea corporis tantum, tandemque cum præ distantia amplius conspici non potest, tota idea ab oculis evanescit. Atque his exemplis qualis res sit animi ratiocinatio interna sine vocibus, satis exemplificatum esse puto.

Non ergo putandum est computationi, id est, ratiocinationi in numeris tantum locum esse, tanquam homo à cæteris animantibus (quod censuisse narratur Pythagoras) sola numerandi facultate distinctus esset, nam & magnitudo magnitudini, corpus corpori, motus motui, tempus tempori, gradus qualitatis gradui, actio actioni, conceptus conceptui, proportio proportioni, oratio orationi, nomen nomini (in quibus omne Philosophiæ genus continetur) adjici adimique potest.

Rem autem quamcumque addimus vel adimimus, id est, in rationes referimus, eam dicimus considerare, Græcè λογίζεσθαι, sicut ipsum computare sive ratiocinari συλλογίζεσθαι nominant.

4. Effectus autem & Phænomena sunt, corporum Facultates sive potentia quibus alia ab aliis distinguimus, id est, unum alteri æquale aut inæquale, simile vel dissimile esse concipimus; ut in superiore exemplo, Postquam ad corpus aliquod satis appropinquatum est, ad percipiendum motum & incessum ejus, distinguimus ipsum ab arbore, à columna & ab aliis certis corporibus defixis, unde incesus ille, proprietas ejus est, quippe animalium proprius, quo à cæteris corporibus distinguitur.

5. Quomodo autem effectus cognitio, ex cognita generatione acquiri potest, circuli exemplo facile intelligetur. Proposita enim figura plana, ad figuram circuli proximè accedente, sensu quidem circulus necne sit cognosci nullo modo potest; at ex cognita figuræ propositæ generatione, facillimè; facta enim sit figura ea, ex cujuspiam corporis circumductione, cujus alter terminus maneat immotus; sic ratiocinabimur, corpus circumductum eadem semper longitudine applicat sele primò ad unum radium, deinde ad alium, & ad tertium, quartum, & successivè ad omnes; itaque ab eodem puncto, attingit circumferentiam eadem longitudo undequaque, id est omnes radii sunt æquales. Cognoscitur itaque à tali generatione procedere figuram à cujus puncto uno medio ad omnia extrema æqualibus radiis attingitur.

Similiter à cognita Figura pervenimus ratiocinando ad generationem

aliquam, & si fortè non eam quæ fuit, tamen eam quæ esse potuit; nam cognitâ proprietate circuli quam modo diximus, scire, si corpus aliquod ita ut diximus circumducatur circulum generari facile est.

6. Finis autem seu scopus Philosophiæ est, ut prævisis effectibus uti possimus ad commoda nostra, vel ut effectibus animo conceptis per corporum ad corpora applicationem, effectus similes quatenus humana vis & rerum Materia patietur ad vitæ humanæ ulûs, industriâ hominum producantur.

Nam ut quis de rerum dubiarum difficultate superatâ, vel de abditissimarum veritatum detectione, apud se tacitus gaudeat & triumphet, tantæ operæ quanta Philosophiæ impendenda est, pretium esse non judico; neque verò cuiquam ut se scire, sciat alter, si modo nihil inde aliud consequuturum se putet, magnopere studendum esse censeo. Scientia propter potentiam; Theorema, (quod apud Geometras proprietatis investigatio est,) propter Problemata, id est propter artem construendi; omnis denique speculatio, actionis vel operis alicujus gratiâ instituta est.

7. Quanta autem sit Philosophiæ utilitas imprimis verò Physicæ & Geometriæ tum optimè intelligemus, cùm præcipua humani generis, quæ nunc sunt commoda, enumeraverimus, & institutiones eorum qui eis fruuntur cum eorum institutionibus qui eis carent contulerimus; Commoda autem humani generis maxima sunt Artes, nimirum Mensurandi tam corpora quam eorum motus; Movendi gravissima pondera; Edificandi; Navigandi; instrumenta ad omnem usum Fabricandi; motus cœlestes, syderum aspectus, temporis momenta, Calculandi; orbis terrarum faciem Depingendi; quibus quanta bona hominibus acquisita sunt faciliùs intelligitur quam dicitur. His fruuntur gentes Europææ ferè omnes, Asiæ præterque, Africanæ aliquot, Americanæ verò, & quæ gentes propinquæ sunt utrique polo, omnino carent. Cur autem? an illæ his acutiores sunt? an non sunt omnibus hominibus ejusdem generis animæ, eadem animæ facultates? quid ergo alteris adest, alteris deest, nisi Philosophia. Harum ergo omnium utilitatum causa est Philosophia. Moralis verò & civilis Philosophiæ utilitas non tam ex commodis quæ ab ea cognita quàm ex calamitatibus quas ab ejus ignorance habemus, æstimanda est. Calamitates autem omnes quæ humanâ industriâ evitari possunt à bello oriuntur, præcipuè verò à bello civili; hinc enim cædes, solitudo, inopiaque rerum omnium derivatur. Causa autem horum non est quod homines ea velint, voluntas enim nisi Boni saltem apparentis nulla est; neque quod mala hæc esse nesciant; quis enim est qui cædes & paupertatem mala & molesta sibi esse non sentit? Causa igitur belli civilis est, quod Bellorum & Pacis causæ ignorantur; & quod paucissimi sunt qui officia sua quibus pax coalescit

&

& conservatur, id est, veram vivendi regulam didicerunt. Est autem hujus regulæ cognitio moralis Philosophia. Quare autem eam non didicerunt, nisi quod à nemine clarâ & rectâ methodo hæcenus tradita sit? Quid enim? multitudini hominum imperitorum, doctores olim Græci, Egyptii, Romani, alique innumera dogmata de naturis deorum suorum, quæ ipsi an vera essent necne nesciebant, quæque manifestissimè falsa atque absurda erant, persuadere potuerunt, officia sua eidem multitudini, si ea ipsi cognovissent persuadere non potuerunt? vel pauca illa quæ extant Geometrarum scripta, ad controversiam omnem in iis rebus quas tractant tollendam valebunt; innumera illa & ingentia volumina Ethicorum, si certa & demonstrata continerent nil valebunt? Quid denique causæ excogitari potest, cur scripta illorum scientifica, horum, ut ita dicam verbifica tantum sint, nisi quod illa à scientibus, hæc ab hominibus doctrinam quam tractant ignorantibus, Eloquentiæ, vel ingenii sui ostentandi causâ prodierunt? Quin tamen talium librorum aliquorum lectio jucundissima sit, non negaverim: Sunt enim eloquentissimi, sententiasque multas continent lucculentas & salubres, minimèque vulgares, sed quæ pronuntiatae ab illis universaliter, non tamen plerumque universaliter veræ sunt; unde fit ut mutatis temporum, locorum, personarum circumstantiis non minus sæpe ad sceleratorum consiliorum confirmationem, quam ad præcepta officiorum percipienda adhibeantur. Quod autem maximè in illis desideratur, est regula actionum certa unde sciri possit justum an injustum sit quod facturi sumus. Quod enim in unaquaque re *facere jubent id quod rectum est*; antequam Recti Regula aliqua & mensura certa constituta sit, (quam hæcenus nemo constituit) inutile est. Quoniam igitur officiorum, id est, moralis scientiæ ignorance bella civilia atque inde calamitates maximæ consequuntur, ejusdem cognitioni, commoda his contraria meritò attribuemus. Videmus itaque universæ philosophiæ (ut laudem, cæteramque jucunditatem inde provenientem taceamus) quanta sit utilitas.

8. Subjectum Philosophiæ, sive materia circa quam versatur, est corpus omne cujus generatio aliqua concipi, & cujus comparatio secundum ullam ejus considerationem institui potest. Sive in quibus compositio & resolutio locum habet; id est omne corpus quod generari, vel aliquam habere proprietatem intelligi potest.

Deducitur autem hoc ex ipsa Philosophiæ definitione, cujus munus est vel proprietates ex generatione, vel generationem ex proprietatibus investigare; ubi ergo generatio nulla, aut nulla proprietas, ibi nulla Philosophia intelligitur. Itaque excludit à se Philosophia, Theologiam, doctrinam dico de natura & attributis Dei, æterni, ingenerabilis, incomprehensibilis & in

quo nulla compositio nulla divisio institui, nulla generatio intelligi potest.

Excludit doctrinam de Angelis & rebus illis omnibus quæ nec corpora, nec corporum affectus existimantur; quia in illis locus non est compositioni, nec divisioni, ut in quibus non est magis nec minus, id est, nullus locus ratiocinationi.

Excludit Historiam tam naturalem quam Politicam, etsi Philosophiæ utilissimas, (imò necessarias,) quia cognitio talis aut experientia est, aut autoritas, non autem ratiocinatio.

Excludit Scientiam omnem quæ oritur ex divina inspiratione, vel revelatione, quippe quæ non est acquisita ratione, sed gratiâ divinâ & actu instantaneo (quasi sensu quædam supernaturalis) dono data.

Excludit doctrinam omnem non modo falsam, sed etiam non bene fundatam; nam quæ recta ratiocinatione cognoscuntur, ea falsa, aut dubia esse non possunt; itaque excluditur Astrologia qualis hodiè ostentatur, & cæteræ hujusmodi divinationes potius quam scientiæ; Postremò excluditur à philosophiâ, doctrina de cultu Dei qui non à ratione naturali, sed ab autoritate Ecclesiæ cognoscendus est, neque ad scientiam sed ad fidem pertinet.

9. Philosophiæ partes principales duæ sunt; Corporum enim Generationes, proprietatesque quærentibus, duo corporum quasi summa genera maximeque inter se distincta sese offerunt; Unum, quod à natura rerum compaginatum, appellatur *Naturale*; alterum, quod à voluntate humana conventionibus pactionibusque hominum constitutum *Civitas* nominatur. Hinc itaque oriuntur primò duæ partes Philosophiæ, *Naturalis*, & *Civilis*. Deinde verò quia ad cognoscendas civitatis proprietates, necessarium est ut hominum ingenia, affectus, mores, ante cognoscantur, Philosophia civilis rursus in duas partes scindi solet, quarum ea quæ de ingeniis moribusque tractat, *Ethica*, altera quæ de officiis civium cognoscit, *Politica*, sive *Civilis* simpliciter nominatur. Dicemus itaque (postquam ea quæ ad Philosophiæ ipsius naturam pertinent præmiserimus) Primo loco de *Corporibus naturalibus*; Secundo de *ingenio & moribus Hominis*; Tertio, de *officiis civium*.

10. Postremò cum sint fortasse nonnulli, cui definitio Philosophiæ supra tradita non placet, quique libertate ad arbitrium definiendi concessa, quidlibet ex quolibet concludi posse dictitant (quamquam hanc ipsam definitionem convenire cum sensu omnium hominum non difficulter ostendi posse putem) tamen ne ea de re disputandi aut mihi aut illis causa sit, profiteor me hac opera traditurum esse Elementa scientiæ ejus quæ ex cognitâ rei generatione investigantur effectus, vel contra ex cognito effectu generatio ejus, ut illi qui Philosophiam aliam quærunt, eam aliunde perere admoneantur.

C A-

C A P V T I I.

De vocabulis.

1. *Monimentorum sensibilibus sive Notarum ad memoriam necessitas.* 2. *Notæ definitio.* 3. *Eorundem necessitas ad significandos animi conceptus.* 4. *Virumque horum præstant Nomina.* 5. *Nominis definitio.* 6. *Nomina signa sunt non rerum sed cogitationum.* 7. *Nomina Positiva & Negativa.* 8. *Nomina Contradictoria.* 9. *Nomen commune.* 10. *Nomina primæ & secundæ intentionis.* 11. *Universale, Particulare, Individuum, Indefinitum.* 12. *Nomen Univocum, & Æquivocum.* 13. *Nomen absolutum & Relativum.* 14. *Nomen simplex & compositum.* 15. *Prædicamenti descriptio.* 16. *Notanda quædam circa prædicamenta.*

1. **Q**Uàm sint cogitationes hominum fluxæ & caducæ, quàmque fortuita earum repetitio, nemini deesse possunt certissima in semetipso experimenta. Neque enim quantitatum sine sensibilibus & præsentibus mensuris, neque colorum sine sensibilibus & præsentibus exemplaribus, neque numerorum sine nominibus numeralibus (ordine dispositis, memoriterque recitatis) meminisse quisquam potest. Itaque absque aliquo tali adjumento, quicquid homo apud animum suum ratiocinando collectum habuerit, statim elabitur, nec potest nisi iterato opere revocari. Ex quo sequitur, ad *Philosophiæ* acquisitionem, necessaria esse monimenta aliqua sensibilia, quibus & reduci cogitationes præteritæ, & suo quæque ordine tanquam registrari possint. Hujusmodi monimenta sunt quas vocamus *Notas*; nimirum, *res sensibiles arbitrio nostro adhibitæ, ut illarum sensu, cogitationes in animum revocari possunt similes iis cogitationibus quarum gratia sunt adhibitæ.*

2. Rursus etsi unus aliquis homo quamquam excellentis ingenii, partim ratiocinando, partim *notas* ad memoriam adjuvandam inveniendò atque ediscendo tempus suum omne contereret, quis illum non videt neque sibi multum, & aliis nihil profuturum? nisi enim monimenta quæ invenerit sibi, communia quoque aliis sint, scientia ejus cum ipso peribit. Quod si communia sint multis eadem monimenta, sive *notæ*, & quæ ab uno inveniuntur aliis tradita fuerint, cum universi generis humani utilitate, scientiæ augeri possunt. Itaque ad *Philosophiæ* acquisitionem, necessarium est ut sint signa aliqua quibus quæ ab aliis excogitata sunt, aliis patefieri & demonstrari possint. *Signa* autem vocari solent *Antecedentia*
Conse-

Consequentium, & Consequentia Antecedentium, quoties plerumque ea simili modo *præcedere & consequi experti sumus*. Exempli gratia, Nubes densa signum est Consequuturæ Pluviæ, & Pluvia signum Antecedentis Nubis, ob eam causam, quod raro nubem densam sine sequente pluvia, pluviam autem sine antecedente nube numquam experti sumus. Signorum autem alia naturalia sunt quorum exemplum est quod modo dixeramus; alia arbitraria, nimirum quæ nostra voluntate adhibentur; qualia sunt, suspensa hedera, ad significandum vinum vœnale; Lapis, ad significandum agri terminum; & voces humanæ certo modo connexæ, ad significandas animi cogitationes & motus. Notæ ergo & signi differentia est, quod illa nostri, hoc aliorum gratia institutum sit.

3. Voces humanæ, sic, ut cogitationum signa sint, connexæ, *Oratio* partes vero singulæ Nomina appellantur. Cum autem Philosophiæ ut diximus & *Notæ* & *signa* (*Notæ* ut recordari, *signa* ut demonstrare cogitationes nostras valeamus) necessaria sint; Nomina utramque rem præstant. Sed *Notarum* prius quam *signorum* officio funguntur. Nam homini, etsi unicui in mundo existeret, inservirent quidem ad memoriam, cum tamen ad demonstrationem, nisi alius sit cui demonstraret, inservire non possent. Præterea, Nomina per se singula *Notæ* sunt, nam cogitata, revocant, etiam solæ, signa vero non sunt, nisi quatenus in oratione disponuntur & partes ejus sunt. Verbi gratia, vox *Homo* excitat quidem in audiente, Ideam Hominis, non tamen (nisi quis addat, est animal, vel aliud aliquid æquivalens) significat aliquam ideam fuisse in animo loquentis, sed voluisse eum aliquid dicere, quod potuit quidem incipere à voce *Homo*, potuit vero etiam à voce *Homogeneum*. Natura itaque *Nominis* consistit primario in eo quod sit *nota*, adhibita memoriæ causâ; accidit autem ut serviat quoque significandis, demonstrandisque iis rebus quas memoriâ tenemus. Definimus igitur Nomen hoc modo.

4. *Nomen est vox humana arbitrium hominis adhibita, ut sit Nota quâ cogitationi præteritæ cogitatio similis in animo excitari possit, quæque in oratione disposita, & ad alios prolata signum iis sit qualis cogitatio in ipso proferente præcessit vel non præcessit*. Quod autem nomina ab arbitrio hominum orta esse supposuerim, rem minimè dubiam brevitatis causa assumi posse judicavi; cui enim, qui verba quotidie nova nasci, vetera aboleri, diversâ diversis gentibus in usu esse, denique qui inter res & verba neque similitudinem esse, neque comparisonem ullam institui posse videt, in animum venire potest naturas rerum sibi metipsis nomina sua præbuisse? Quamquam enim nomina quædam animalium, aliarumque rerum quibus parentes nostri primi uterentur docuerit Deus, ea tamen arbitrio suo posuit, & postea tum ad turrim Babel, tum etiam procedente tempore passim in desuetudinem

dinem & oblivionem abierunt, aliaque in eorum locum, arbitrio hominum inventa & recepta successerunt.

Porro quicumque vulgò vocabulorum usus sit, Philosophis tamen qui scientiam suam aliis tradituri sunt, nomina ad sensus suos significandos quæ voluerint, modo se intelligi faciant adhibendi potestas semper, etiam necessitas quandoque fuit, atque erit. Nam Mathematicis, ut figuras à se inventas *Parabolas, Hyperbolas, Cissoedes, Quadraticas, &c.* appellarent, vel ut magnitudines nominarent aliam A, aliam B, non erat à quoquam impetrandum nisi à se ipsis.

5. Quoniam autem Nomina, ut definitum est, disposita in oratione, signa sunt conceptuum; manifestum est ea non esse signa ipsarum rerum; quo sensu enim intelligi potest sonum hujus vocis *Lapis* esse signum *Lapidis*, alio quam ut is qui vocem eam audisset colligeret loquentem de lapide cogitasse? Itaque disputatio illa an nomina significant *materiam*, an *formam*, an *compositum*, aliaque ejusmodi *Metaphysicorum*, errantium sunt, nec intelligentium verba de quibus disputant.

6. Neque vero ut omne nomen, alicujus rei nomen sit, necessarium est. Sicut enim voces *Homo, Arbor, Lapis*, ipsarum rerum nomina sunt, ita quoque imagines Hominis, Arboris, Lapidis, quæ occurrunt somniantibus, sua sibi habent nomina, quamvis res non sint, sed rerum signenta tantum & Phantasmata. Datur enim ipsarum meminisse, ideoque nominibus eas non minus quam res ipsas notari & significari oportet. Etiam vox hæc *Futurum* nomen est, sed res Futura nondum ulla est, neque sciimus quod futurum vocamus, an futurum unquam sit; attamen quia cogitatione, præterita præsentibus subnectere soliti sumus, Nomine *Futuri* talem subnexionem significamus. Porro quod neque est, neque fuit, neque erit, neque esse potest, nomen tamen habebit, hoc ipsum scilicet, quod neque est, neque fuit, &c. vel brevius hoc, *Impossibile*. Denique vox hæc *Nihil* Nomen est, Rei tamen Nomen esse non potest. Nam si (exempli gratia) subducentes binarium & ternarium ex quinario, non videmus ullum residuum, si illius subductionis meminisse velimus, Oratio hæc *Nihil residuum est*, & in illa, nomen *Nihil*, inutile non est. Propter eandem rationem etiam *Minus quam Nihil* dicetur rectè de residuo, ubi majus detrahitur à minore. Hujusmodi enim residua doctrinæ causâ fingit sibi animus, cupitque, quoties opus est, in memoriam revocare. Quoniam autem Nomen omne ad aliquod *Nominatum* relationem habeat, etsi Nominatum non semper Res sit, existens in rerum natura, Licebit tamen doctrinæ causâ, pro *Nominato, Rem* dicere, tanquam idem essent, sive *Res* illa verè existat, sive ficta sit.

7. Nominum distinctio, prima erit, quod alia sint *Positiva* sive *Affirmativa*, Elem. Philos.

C c c

maiva,

positiva, alia *Negativa*, quæ & *Privativa*, & *Infinita* appellari solent. *Positiva* sunt, quæ propter similitudinem, æqualitatem, vel identitatem; *Negativa* quæ propter diversitatem vel dissimilitudinem, vel inæqualitatem rerum cogitatarum imponuntur. Illorum exempla sunt, *Homo*, *Philosophus*, nam *Homo*, quemlibet è multis hominibus, *Philosophus* quemlibet è multis *Philosophis* denotat propter omnium similitudinem; item *Socrates*, positivum nomen est, propterea quod unum semper atque eundem denotat. *Negativorum* exempla sunt, quæ fiunt ex adjuncta ad *Positivum* particula negativa *Non*; ut non-*Homo*, non-*Philosophus*. Sunt autem *Positiva Negativis* priora, neque enim nisi præexistentibus illis, usus horum esse potuit; nam cum nomen *Albi* certis rebus impositum est, deinceps vero aliis rebus nomina, *Nigri*, *Cerulei*, *Diaphani*, &c. non potuerunt horum omnium cum *Albo* dissimilitudines quæ numero infinitæ sunt, uno nomine præterquam *Albi* negatione, hoc est, nomine *Non-albi*, vel huic æquipollenti in quo vox *Albi* repetitur (quale est *Albo dissimile*) contineri. Atque his negativis revocamus in animum, & significamus quid non cogitavimus.

8. Nomen autem *Positivum* & *Negativum* contradictoria inter se sunt, ita ut ejusdem rei nomina ambo esse non possint. Præterea contradictoriorum nomen, alterum quidem cujuslibet rei Nomen est. Quicquid enim est, vel *Homo* est, vel *Non-Homo*, *Album* vel non *Album*, & sic de cæteris. Quod quidem manifestius est quam ut probari aut explicari amplius debeat. Nam qui hoc sic enuntiant *Idem non potest esse, & non esse obsecrè*: qui verò sic, *Quicquid est, vel est, vel non est*, etiam absurdè & ridiculè loquuntur. Hujus Axiomatis certitudo nimirum (duorum nominum contradictoriorum, alterum cujuslibet rei nomen esse, alterum non esse) Principium est & fundamentum omnis ratiocinationis, id est omnis *Philosophiæ*; itaque accuratè enuntiari debuit, ut omnibus per se clara & perspicua esset, sicut revera est; nisi iis qui longos de hac re sermones apud *Metaphysicos* legentes, ubi nihil vulgare dici putant, id quod intelligunt, intelligere se nesciunt.

9. Deinde, Nominum alia sunt pluribus rebus communia, ut *Homo*, *arbor*; alia singulis rebus propria, ut *is qui scripsit Iliadem*; *Homerus*. *Hic*. *Ille*. Nomen autem commune, cum sit plurium rerum sigillatim sumptorum nomen, non autem collectivè omnium simul (ut *Homo*, non est generis humani nomen, sed uniuscujusque, ut *Petri*, *Iohannis* & cæterorum hominum scorsim) vocatur ob eam rem *Universale*; Est ergo nomen hoc *Universale*, non rei alicujus existentis in rerum natura, neque *Ideæ*, sive *Phantasmat*is alicujus in animo formati, sed alicujus semper vocis sive nominis Nomen. Ita ut cum dicatur *Animal*, vel *Saxum*, vel *spectrum*, vel aliud

aliud quicquam esse *Universale*, non intelligendum sit ullum hominem, saxum &c. fuisse, esse, aut esse posse *universale*, sed tantum voces eas *Animal*, *Saxum*, &c. esse nomina *universalia*, id est, nomina pluribus rebus communia, & respondentes ipsis in animo conceptus sunt singularium animalium vel aliarum rerum imagines & Phantasmata. Ideoque non est opus ad vim *Universalis* intelligendam alia facultate quam imaginativa, qua recordamur voces ejusmodi modo unam rem modo aliam in animo excitalle. *Communium* etiam *Nominum*, alia sunt magis, alia minus *communia*; magis commune est quod plurium, minus quod pauciorum rerum nomen est. Ut *Animal* magis commune est quam *Homo*, vel quam *Equus*, aut *Leo*, quia illud hæc omnia complectitur; itaque nomen magis commune, respectu minus communis, quod sub ipso continetur, *Genus* vel *Generale* dici solet, hoc vero illius *species* vel *speciale* dicitur.

10. Atque hinc distinctio nominum tertia existit, videlicet ut alia *primæ* alia *secundæ intentionis* dicta sint. *Primæ* intentionis sunt nomina rerum, ut *Homo*, *Lapis*, *secundæ* sunt nomina nominum & orationum, ut *Universale*, *Particulare*, *Genus*, *Species*, *Syllogismus* & similia. Quare autem illa *primæ*, hæc *secundæ intentionis* dicta sunt, difficile est pronuntiare; nisi fortè iis rebus nomina imponere quæ ad vitam quotidianam conducebant, intentio prima, deinde verò iis rebus quæ pertinebant ad scientiam, id est nominibus dare nomina, posterior & secunda cura fuerit. Sed quacunque de Causa hoc factum sit, manifestum tamen est *Genus*, *Species*, *Definitionem* non esse nomina aliarum rerum præterquam vocum & nominum; & propterea non rectè Poni in *Metaphysicis* *Genus* & *Speciem* pro rebus, & *definitionem* pro rei natura, cum sint tantum cogitationum nostrarum de natura rerum significationes.

11. Quartò *Nominum* alia sunt significationis certæ sive determinatæ, alia indeterminatæ, sive indefinitæ. *Determinatæ* & certæ significationis est primò nomen quod unius tantum rei est, & vocatur *Individuum*, ut *Homerus*, *Hæc arbor*, *illud animal*. Secundo quod habet adjectam vocem, *Omne*, *quodlibet*, *utrumque*, *utrumvis*, vel aliam æquipollentem. Vocatur autem *Universale* quia nomen est uniuscujusque in illis pluribus quibus commune est. Sunt autem significationis certæ propterea quod is qui audit concipit animo rem quam loquens conceptam vellet. *Indefinitæ* significationis nomen est, primò cui adjicitur vox aliqua, quædam, vel alia his æquipollens, & vocatur *Particulare*. Deinde nomen commune nudè positum sine notâ ullâ aut universalitatis aut particularitatis, ut *Homo*, *Lapis*, vocaturque *Indefinitum*, utrumque autem *Particulare* & *Indefinitum* ideo incertæ sunt significationis, quia is qui audit, nescit de qua re is qui loquitur sese intelligi velit. Itaque in oratione nomen *Inde-*

finium & Particulare pro æquivalentibus censeri debent.

Sunt autem voces illæ universalitatis & particularitatis *omne, quodlibet, aliquod, &c.* non nomina sed Nominum partes, ut idem sit *omnis Homo*, & *Homo ille quem audiens animo concipiet*, & quidam *Homo*, idem quod *Homo ille quem loquens animo jam concepit*. Ex quo intelligi etiam potest, hujusmodi signorum usum esse homini non propter se, live ad scientiam propria meditatione acquirendam, (habet enim unusquisque cogitationem suam sine his determinatam) sed propter alios, id est, ad docendum, & ad conceptus suos aliis significandos; nec fuisse ea memoriæ, sed colloquii causâ excogitata.

12. Solent etiam distingui nomina, in *univoca*, & *equivoca*, ut *univoca* sint quæ in eadem seriè ratiocinationis idem semper significant, *Æquivoca* verè quæ nunc uno nunc alio modo intelligenda sunt. Ut si quis Nomen Trianguli *univocum* esse diceret quod in eodem sensu semper accipitur, Parabolam verò *Æquivocum* quia quandoque allegoriam aut similitudinem, quandoque figuram quandam Geometricam denotat. Etiam omnis metaphora ex professo *Æquivoca* est; sed distinctio hæc non est ipsorum nominum, sed iis utentium, quorum alii, vocibus (ad eliciendam veritatem) propriè & accuratè utuntur, alii ad ornatum, vel ad fallaciam abutuntur.

13. Quintò nominum alia Absoluta, alia Relativa appellantur. Relativa sunt quæ imponuntur propter comparisonem; ut *Pater, filius, Causa, effectus, Simile, dissimile, æquale, inæquale, Dominus, servus, &c.* Quæ verò non ad significandam comparisonem imponuntur, ea vocantur *Absoluta*. Sicut autem de universalitate dictum est, eam vocibus, non rebus attribui oportere, sic etiam de cæteris nominum distinctionibus dicendum est; nimirum, nullam rem *univocam* aut *equivocam, relativam* aut *absolutam* esse. Est quoque alia nominum distinctio, in *concreta & abstracta*, sed quoniam nomina abstracta, orta sunt à propositione, nec potuere constitui sine supposita affirmatione, de iis dicemus * suo loco. * Cap. 3. art. 4.


14. Sexto. Nomina alia *simplicia*, alia *composita* sive conjuncta sunt. Imprimis autem monendum est, nomen non ita in Philosophia sumi, sicut in Grammatica, ut unum nomen sit, quod una constet voce, sed quod simul sumptum nomen sit unius rei. Nam Philosophis totum hoc, *Corpus animatum sentiens* unum Nomen est, quia unius rei, nimirum uniuscujus-cunque animalis, quæ tamen Grammaticis tria sunt nomina. *Simplex* à *composito* non distinguitur ut in Grammatica, per *præpositionem*. *Simplex* nomen hic appello, quod in unoquoque genere communissimum sive universalissimum est. Compositum vero quod per adjunctum aliud nomen fit minus universale, significatque plures conceptus extitisse in animo pro-

propter quos nomina illa posteriora addita sunt. Exempli causa, in conceptu hominis (sicut in superiore capite indicatum est) primus conceptus est, cum aliquid esse extensum, cui rei notandæ adhibitum est nomen *Corpus*; itaque *Corpus* est nomen simplex positum scilicet pro unico illo primo conceptu, deinde cum video illam moveri tali modo, alius nascitur conceptus, propter quem nominatur *Corpus Animatum*, quod nomen hic compositum appello, sicut etiam nomen *Animal* quod corpori animato æquivaleret. Eodem modo *Corpus animatum rationale* ipsique æquivalens *Homo*, magis adhuc compositum est. Atque sic videmus compositionem conceptuum in animo respondere compositioni nominum; nam ut in animo una idea sive Phantasma alteri supervenit, & huic aliud, ita nomini uni aliud atque aliud superadditur, & sic ex omnibus unum nomen compositum. Cavendum tamen est ne putemus eodem modo componi ipsa corpora extra animum, nimirum, Esse in rerum natura corpus sive existens aliquid imaginabile, quod primò nullam omnino habeat magnitudinem, deinde addita magnitudine fiat quantum, & pro magnâ vel parvâ quantitate appositâ Densum aut Rarum, & rursus adjunctâ figurâ fiat figuratum; & postea injecto lumine vel colore, Lucidum, & Coloratum, quamquam sint nonnulli qui sic Philosophati sunt.

15. Scriptores Logici Nomina (per omnia rerum Genera) minus communia magis communibus subordinando in quasdam scalas sive gradus digerere conati sunt; Velut in Genere corporum, primo & summo loco *Corpus* simpliciter ponere, deinde sub ea, nomina minus communia quibus Limitetur & determinatius fiat, nimirum *Animatum*, & *inanimatum*, & sic deinceps donec perveniatur ad *individua*; similiter in genere quantitatum, primo & summo loco ponunt *quantum*, deinde, *lineam*, *superficiem*, & *solidum*, nomina minus lata; Atque hos ordines nominum sive scalas appellare solent *Prædicamenta*, & *Categorias*. Ordinantur autem Nomina non modo *Positiva* sed etiam *Negativa*. Exempla autem sive *Formula* Prædicamentorum hujusmodi esse possunt.


Formula Prædicamenti Corporum.

Non Cor-
pus five
Accidens.




Consideratur autem tum Ac-
cidens tum Corpus { absolutè { Quantitas ; tantum.
ut { Qualitas ; tale.
vel
Comparatè, & dicitur Relatio.

Formula Prædicamenti Quantitatum.




Vbi notandum est *lineam*, *superficiem*, & *solidum* tanta dici, id est, æqualitatis & inæqualitatis capacia esse primario & naturâ suâ; *tempus* autem nisi propter *lineam*, & *motum*; *velocitatem* nisi propter *lineam* & *tempus*; postremo *vim* nisi propter *solidum* & *velocitatem* alia aliis majora minora vel æqualia, aut omnino quantitatis dici non posse.

Formula Prædicamenti Qualitatis.



Formula Prædicamenti Relationis.



16. Circa quæ Prædicamenta notandum imprimis est, quod sicut in primo factum est, ita fieri posse in cæteris, ut divisio semper sit in nomina contradictoria; nam ut ibi *Corpus* dividitur in *Animatum* & *Non-animatum*, ita in Prædicamento secundo potest *quantitas continua* dividi in *lineam* & *non-lineam*, & rursus *non-linea* in *superficiem*, & *non-superficiem*, & sic in cæteris, sed non fuit necesse.

Secundo observandum est, quod nominum *positivorum* inferius semper continetur à superiore, Negativorum vero superius ab inferiore. Nam exempli gratia, *Animal* nomen est uniuscujusque Hominis, & idèd continet in se nomen *Homo*, cum contra *Non-homo* nomen sit uniuscujusque rei quod non est Animal, Ideoque nomen *Non-Animal* quod ponitur superius continetur ab inferiore nomine *Non-homo*.

Tertiò cavendum est ne putemus, sicut nomina, ita etiam rerum ipsarum diversitates hujuscemodi distinctionibus per contradictoria exhaustiri aut numero limitari posse; aut argumentum inde sumi (ut ridiculè quidam fecerunt) ad probandum rerum ipsarum species non esse infinitas.

Quartò nolo quemquam arbitrari, prædictas has formulas pro certa & vera nominum ordinatione à me exhiberi; nam hujusmodi ordinationis nisi à Philosophiâ perfectâ *stabiliri* non potest; neque si ego, exempli causa, lucem in prædicamento qualitatum, alter in prædicamento corporum collocet, ob eam rem aut ego illum, aut ille me ullo modo dimovebit à sententia; hoc enim argumentis & ratiocinando, non dispositione vocularum faciendum est.

Postremò fateor me prædicamentorum usum in Philosophia hætenus non magnum perspexisse. Cepit opinor Aristotelem libido quædam pro autoritate sua, cum rerum non posset, verborum tamen censum peragendi; ego autem idem hic feci, sed eo fine, ut qualis res sit intelligatur, non ut pro vero vocum ordine, nisi postquam ratione comprobabitur, habendum sit.

C A P U T I I I.

De Propositione.

1. *Orationum species diversæ.* 2. *Propositionis definitio.* 3. *Quid sint Subjectum, Prædicatum & Copula, & quid Abstractum, & Concretum.*
4. *Usus & abusus nominum Abstractorum.* 5. *Propositio Universalis & Particularis.* 6. *Affirmativa & Negativa.* 7. *Vera & Falsa.* 8. *Verum & Falsum in oratione, non in rebus esse.* 9. *Propositio Prima & non-prima, Definitio, Axioma, Petitio.* 10. *Propositio Necessaria, & Contingens.*
11. *Categorica & Hypothetica.* 12. *Propositio eadem multis modis profer-*

INT.

111. 13. *Quæ ad eandem Categoricam reduci possunt æquipollentes esse.*
 14. *Universales conversas per nomina contradictoria æquipollentes esse.*
 15. *Negativas easdem esse, sive Negatio ante sive post Copulam ponatur.*
 16. *Particulares simpliciter conversas æquipollentes esse.* 17. *Quæ sint*
Subalternæ, contrariæ, subcontrariæ, contradictoriæ. 18. *Quid sit*
Consequentia. 19. *Falsum ex veris non sequi.* 20. *Quomodo propositio*
propositionis sit causa.

1. **E**X connexione sive contextu Nominum, orationis diversæ oriuntur species; quarum aliæ desideria & affectus hominum significant, quales sunt *Interrogationes*; quæ desiderium significant cognoscendi, ut *Vir bonus est quis?* ubi nomen unum ponitur, alterum desideratur, atque ab eo quem interrogamus expectatur. *Preces*, quæ desiderium significant aliquid habendi; *Promissiones, comminationes, optiones, iussiones, lamentationes*, aliæque aliorum affectuum indicia. Potest etiam esse oratio omnino absurda, & insignificans, nimirum ubi nominum seriei, nulla in animo respondet series conceptuum; quemadmodum sæpe accidit hominibus qui de rebus valde subtilibus cum nihil intelligant, intelligere tamen videri volunt, ut verba proferant incohærentia; Nam verborum etiam incohærentium connexio, etsi orationis sine (id est significatione) careat, oratio tamen est; occurritque apud scriptores *Metaphysicos* non multò minus sæpe quam oratio significativa. *Philosophiæ unica orationis species est*, quam vocant alii quidem *Dictum*, alii *Enunciatum*, & *Pronuntiatum*, plerique autem *Propositionem*; videlicet orationem affirmantium, vel negantium, Notamque veritatis & falsitatis.

2. Est autem *Propositio oratio constans ex duobus nominibus copulatis* quæ significat is qui loquitur, concipere se, Nomen posterius, ejusdem rei Nomen esse, cujus est Nomen prius; sive (quod idem est) nomen prius à posteriore contineri, Exempli causa, Oratio hæc *Homo est Animal*, in qua duo nomina copulantur per verbum *Est*, *Propositio est*; propterea quod quisque dicit, significat putare se nomen posterius *Animal* nomen esse rei ejusdem cujus nomen est *Homo*, sive Nomen prius *Homo* contineri in nomine posteriore *Animal*.

Solet autem Nomen prius *Subjectum* vel *Antecedens*, vel *Contentum*, posterius *Predicatum*, *Consequens*, vel *Continens* appellari; Signum connexionis in plerisque gentibus, vel est vox aliqua, ut illa *Est*, ut in propositione *Homo est Animal*, vel vocis casus sive terminatio aliqua, ut in hac propositione *Homo ambulat* (quæ idem valet quod *Homo est ambulans*) terminatio illa quæ dicitur *Ambulat* potius quam *Ambulans*, signum est ea nomina concipi ut copulata, sive ut nomina ejusdem rei; Sunt autem

Elem. Philof.

D d d

tem

rem gentes nonnullæ, vel certe esse possunt, quæ vocem respondentem verbo nostro *Est* nullam omnino habeant, formant tamen propositiones sola nominis unius post aliud positione tanquam pro *Homo est Animal* diceremus tantum *Homo Animal*, nam & ille ipse ordo nominum, connexionem suam satis indicare potest; neque ob eam rem quod careant voce *Est*, minus ad Philosophandum idonei sunt.

3. Itaque in omni Propositione tria consideranda occurrunt; Videlicet duo nomina *Subiectum* & *Predicatum*, & *Copulatio*. Et nomina quidem in animo excitant cogitationem unius & ejusdem rei. *Copulatio* autem cogitationem in lucit causæ propter quam ea nomina illi rei imponuntur, ut cum dicimus exempli gratia. *Corpus est mobile*, quamquam rem ipsam cogitamus utroque nomine designatam, non tamen ibi acquiescit animus, sed quærit ulterius, quid sit illud esse *Corpus* vel esse *mobile*, id est, quæ sint in ea re diversitates ab aliis rebus, quare illa sic vocetur, aliæ non vocentur; quærentes itaque quid est esse aliquid, ut esse *mobile*, esse *Calidum*, &c. quærent in rebus nominum suorum causas.

Atque hinc nascitur nominum illa (quam præcedente capite tetigimus) distinctio in *concreta* & *abstracta*; *Concretum* autem est quod rei alicujus quæ existere supponitur nomen est, ideoque quandoque *suppositum*, quandoque *subiectum* Græcè *ὑποκειμενον* appellatur; ut *Corpus*, *Mobile*, *Motum*, *Figuratum*, *Cubitale*, *Calidum*, *Frigidum*, *Simile*, *Æquale*, *Appius*, *Lentulus*, & similia. *Abstractum* est, quod in re supposita existentem nominis Concreti causam denotat, ut esse *Corpus*, esse *Mobile*, esse *motum*, esse *figuratam*, esse *tantum*, esse *calidum*, esse *frigidum*, esse *simile*, esse *æquale*, esse *Appium* vel *Lentulum*, & similia; vel nomina his æquivalentia, quæ communiter *Abstracta* dici solent, ut *Corporeitas*, *Mobilitas*, *motus*, *quantitas*, *calor*, *frigus*, *similitudo*, *æqualitas* (& quibus vocibus Cicero usus est) *Appietas*, *Lentulus*. Ejusdem generis etiam sunt infinitiva, nam *Vivere*, *moveri*, idem sunt quod *vita*, & *motus*, vel esse *vivens*, & esse *motum*. Nomina autem abstracta causam nominis concreti denotant, non ipsam rem. Exempli gratiâ cum aliquid videamus, vel visibile aliquid animo concipiamus, apparet illa res, vel concipitur non in uno puncto, sed ut habens partes à partibus distantes, id est, ut extensa per spacium aliquod; quoniam igitur rem ita conceptam voluimus appellari *Corpus*, causa ejus nominis est, esse eam rem extensam sive *extensio* vel *corporeitas*; sic cum videntes aliquid modo hinc modo inde apparere, vocamus illud, *motum*, vel *translatum*, causa nominis ejus est, *moveri* eam rem, sive *motus* ejus.

Causæ autem nominum eadem sunt quæ nostrorum conceptuum, nimirum potentia aliqua vel actio; vel affectio rei conceptæ, vel ut aliqui loquuntur *modi* ejus, plerumque autem vocantur *Accidentia*; *Accidentia* dico

dico non eo sensu quo Accidens opponitur *Necessario*, sed quia non sunt res ipsæ, nec rerum partes, ita tamen res ipsas comitantur ut (excepta extensione) perire & destrui possint, abstrahi non possint.

4. Inter nomina *Concreta* & *Abstracta* hoc quoque interest, quod illa, propositione ex illis Constat, priora sint, Hæc verò (quia nisi esset propositio, à cuius copulâ oriuntur, esse non possent) posteriora. Est autem nomen Abstractorum tum in omni vita, tum præcipuè in Philosophia, magnus & usus & abusus; usus in eo quod sine his Ratiocinari, id est, computare corporum proprietates plerumque non possumus; Cùm enim calorem, lucem, velocitatem, multiplicare, dividere, addere, vel adimere vellemus; si duplicarem, vel adderemus ea per nomina Concreta, dicendo (verbi gratia) calidum calidi, lucidum lucidi, motum moti duplum esse, non proprietates duplicarem, sed ipsa corpora calida, lucida, mota, &c. quod non volebamus. Abusus autem in eo Consistit, quod cum videant aliqui considerari posse, id est, ut diximus inferri in rationes quantitatis, caloris, & aliorum accidentium incrementa & decrementa sine consideratione corporum sive subjectorum suorum, (id quod appellatur *Abstrahere* sive seorsim ab illis existere) loquuntur de accidentibus tanquam possent ab omni corpore separari. Hinc enim originem trahunt quorundam metaphysicorum crassi errores; nam ex eo quod considerari potest cogitatio sine consideratione corporis, inferre volunt, non esse opus corporis cogitantis; & ex eo quod quantitas considerari potest, non considerato corpore; existere etiam putant quantitatem sine corpore, & corpus sine quantitate, ita ut addita ad Corpus quantitate tum demum fiat quantum; Ab eodem fonte nascuntur illæ voces insignificantes, *substantiæ abstractæ*, *Essentia separata*, aliaque similia; Etiam Confusio illa vocum à verbo *Est* derivatarum, ut *Essentia*, *essentialitas*, *entitas*, *entitativum*, & *realitas*, *aliquiditas*, *quidditas*, quæ apud gentes quibus copulatio non sit per verbum *Est*, sed per verba adjectiva ut *civis*, *legit*, &c. vel per meram nominum collocationem audiri non potuissent, quibus tamen gentibus, cum Philosophari ut cæteræ possunt. Non sunt necessariae hæ voces, *Essentia*, *Entitas* omnisque illa Barbaries ad Philosophiam.

5. Propositionum distinctiones multæ sunt quarum prima sit, quod alia *Universalis* sit, alia *Particularis*, alia *Indefinita*; alia *Singularis*, quæ distinctio *quantitatis* appellari solet. *Universalis* est, cujus *subjectum* affectum est signo *Universalis* nominis; ut *Omnis homo est Animal*. *Particularis* cujus *subjectum* affectum est signo *Nominis Particularis*; ut *Quidam homo est doctus*. *Indefinita* cujus *subjectum* & commune nomen est, & sine signo; ut *Homo est animal*, *Homo est doctus*. *Singularis* est, cujus *subjectum* est nomen *singulare*; ut *Socrates est Philosophus*. *Hic homo est niger*.

6. Secunda distinctio, quæ *qualitatis* dicitur, est in *Affirmativam* & *negativam*. *Affirmativa* est, cujus *Prædicatum* est *nomen Positivum*, ut *Homo est animal*. *Negativa* cujus *Prædicatum* est *nomen Negativum*, ut *Homo est non lapis*.

7. Tertia distinctio est, quod alia *Vera* est, alia *Falsa*. *Vera* est cujus *Prædicatum* continet in se *Subjectum*; sive cujus *Prædicatum* nomen est uniuscujusque rei, cujus nomen est *Subjectum*; ut *Homo est animal*, vera propositio est, propterea quod quicquid vocatur *Homo*, idem vocatur quoque *Animal*. Et *quidam homo est egrotus* vera est, cum sit cujusdam hominis nomen *Ægrotus*. Quæ autem vera non est, sive cujus *Prædicatum* non continet subjectum, ea *Falsa* appellatur, ut *Homo est Saxum*.

Voces autem hæ *Verum*, *veritas*, *vera Propositio*, idem valent. *Veritas* enim in dicto, non in re consistit: nam etsi *Verum* opponatur aliquando *Apparenti*, vel *Fælo*, id tamen ad veritatem Propositionis referendum est; nam ideo simulachrum hominis in speculo, vel spectrum, negatur esse verus homo, propterea quod hæc Propositio, *Spectrum est Homo*, vera non est; nam ut spectrum non sit verum spectrum, negari non potest. Neque ergo *Veritas*, rei affectio est, sed Propositionis. Quod autem à Metaphysicis dici solet *Ens*, *unum* & *verum*, idem sunt, nugatorium & puerile est; quis enim nescit, *Hominem*, & *unum hominem* & verè *hominem* idem sonare.

8. Intelligitur hinc veritati & falsitati locum non esse, nisi in iis animantibus qui oratione utuntur. Etsi enim animalia orationis expertia, hominis simulachrum in speculo aspicientia similiter affecta esse possint, ac si ipsum hominem vidissent, & ob eam causam frustra eum metuerent, vel abblandirentur, rem tamen non apprehendunt tanquam veram aut falsam, sed tantum ut similem, neque in eo falluntur. Quemadmodum igitur orationi bene intellectæ debent homines, quicquid rectè ratiocinantur; ita eidem quoque malè intellectæ debent errores suos; & ut Philosophiæ decus, ita etiam absurdorum dogmatum turpitudine solis competit hominibus. Habet enim oratio (quod dictum olim est de *Solanis* legibus) simile aliquid telæ aranearum; nam hærent in verbis & illaqueantur ingenia tenera & fastidiosa, fortia autem perrumpunt.

Deduci hinc quoque potest, veritates omnium primas, ortas esse ab arbitrio eorum qui nomina rebus primi imposuerunt, vel ab aliis posita acceperunt. Nam exempli causa verum est *Hominem esse Animal*, idèd quia eidem rei duo illa nomina imponi placuit.

9. Quartò, distinguitur propositio in *Primam* & non *Primam*. *Prima* est cujus *Prædicatum* est nomen, quod per plura nomina subjectum explicat; ut *Homo est corpus animatum rationale*; idem enim quod comprehenditur

henditur in nomine *Homo*, fufius dicitur nominibus conjunctis *Corpus*, *Animatum*, *Rationale*; dicitur autem *prima* quia prima est in ratiocinatione; nam nifi nomide rei de qua quæritur, prius intellecto, nihil probari potest. Sunt *Prima* autem nihil aliud præter definitiones, vel definitionis partes, & hæ solæ principia demonstrationis sunt, nimirum veritates arbitrio loquentium audientiumque factæ, & propterea indemonstrabiles; Sunt qui his addunt alias quasdam propositiones quas appellant *primas* & *principia*, nempe *Axiomata* sive *communes notiones*; quæ quia (etsi probatione non egent propter evidentiam) probari possunt, non sunt vere *Principia*; ideoque minus recipienda pro Principiis, quod sub nomine *Principiorum* multa ignota & quandoque falsa clamore hominum qui omnia quæ ipsi vera esse putant, pro clavis obtrudunt. Solent quoque *Petitiones* quædam in numerum recipi *Principiorum*, ut verbi gratia, *Posse inter duo puncta duci lineam rectam*, cæteræque *Petitiones* Geometrarum. Et *Principia* quidem illa sunt artis, sive constructionis, non autem scientiæ & demonstrationis.

10. Quinto distinguitur *Propositio*, in *Necessariam* (id est necessario veram) & *veram quidem sed non Necessario*, quam vocant *Contingentem*. *Necessaria* est, quando nulla res concipi potest sive fingi ullo tempore, cujus nomen sit *Subiectum*, quin ejusdem Nomen sit etiam *Predicatum*. Ut *Homo est Animal* necessaria propositio est, quia quocunque tempore supponimus rei alicui convenire Nomen *Homo*, eidem rei conveniet quoque nomen *Animal*. *Contingens* verò est quæ modo vera, modo falsa esse potest, ut *Omnis corvus est Niger*; hodiè quidem contingere potest ut sit vera, alio tempore ut sit falsa. Rursus in omni propolitione *Necessaria*, *Predicatum* vel æquivaler *Subiecto*, ut in hac *Homo est animal rationale*, vel pars æquivalentis est, ut in hac *Homo est Animal*; Componitur enim nomen hoc *Animal rationale*, sive *Homo*, ex duobus, *Animal*, & *rationale*. At in *Contingente* hoc non fit, nam etsi vera esset *omnis homo est mendax*, quoniam tamen vox *mendax*, non est pars nominis compositi, cui æquivaler nomen *Homo*, non dicitur illa propositio *Necessaria* sed *Contingens*, etiamsi semper ita contingeret. *Necessariæ* itaque propositiones illæ sunt quæ sempiternæ veritatis sunt.

Hinc quoque manifestum est veritatem non rebus sed orationibus adhærere, veritates enim aliquæ æternæ sunt; semper enim verum erit si *homo*, tum *animal*; ut autem *homo*, aut *animal* in æternum existat necesse non est.

11. Sexta distinctio propositionum est in *Categoricam* & *Hypotheticam*. *Categorica* est quæ simpliciter sive absolute pronuntiata est; ut *Omnis Homo est Animal*, *Nullus Homo est Arbor*. *Hypothetica*, quæ condition-

naliter; ut si quis *Homo est*, is etiam *animal est*; si quis *homo est*, is *lapis non est*. *Categorica*; & *Hypothetica* ipsi respondens in propositionibus *Necessariis* idem significant, in *Contingentibus* non idem; exempli causa, si hæc *Omnis Homo est Animal* vera sit, vera quoque erit, si quis *homo est*, is etiam *animal est*; sed in *Contingentibus* etsi vera sit *Omnis corvus niger est*, falsa tamen erit si quid *corvus sit*, id *nigrum est*. Propositionem autem *Hypotheticam* tum veram esse rectè dicunt quando consequentia est vera, ut veram esse *omnis Homo est Animal*, quando si vera sit, illud est *Homo*, non potest non esse vera, *Idem illud est animal*. Itaque quoties *Hypothetica* vera est, *Categorica* ei respondens non modo vera, sed etiam necessaria est; id quod adnotandum putavi, pro argumento ut tutius plerumque sit Philosophis per propositiones *Hypotheticas* quam per *Categoricas* ratiocinari.

12. Quoniam autem propositio quælibet pluribus modis & profecti, & scribi possit & soleat, & si loquendum semper sit sicut plurimi loquuntur, ab iis tamen qui philosophiam à doctõribus ediscunt, cavendum est ne varietate illa loquutionis decipiantur. Itaque si quando obscuritas aliqua occurrat, reducenda est propositio ad formam suam simplicissimam, & *Categoricam*, in qua sit expressa copulativa vox est, & *Subjectum* apertè separetur & distinguatur à *Predicato*, neutrumque ullo modo cum *Copula* misceatur. Exempli gratia, propositio hæc, *Homo potest non peccare*, collata cum hac, *Homo non potest peccare*, quomodo differant tum cognoscitur, si reducantur ad has, *Homo est potens non peccare*, *Homo est non potens peccare*, ubi *Prædicata* apertè diversa sunt; sed hoc tacitè apud se, vel ad solum præceptorem faciendum; nam sic loqui in congressu hominum, absurdum & ridiculum est. Dicturus igitur de propositionibus æquipollentibus primo loco pono propositiones omnes quæ ad unam & eandem purè *Categoricam* reduci possunt, esse æquipollentes.

13. Secundò *Categorica* necessaria, suæ *Hypotheticæ* æquipollens est; quales sunt *Categorica*, *Triangulum retilineum habet tres angulos æquales duobus rectis*; & *Hypothetica*, si quid *Triangulum sit*, illud tres habet angulos æquales duobus rectis.

14. Tertiò duæ quælibet universales, quarum unius termini (id est *subjectum* & *prædicatum*) sunt alterius terminis contradictorii & positi ordine converso; ut hæc, *omnis homo est animal*, & *omne non animal est non homo*; quoniam enim vera est *omnis Homo est animal* nomen *Animal* continet nomen *Homo*, est autem utrumque nomen positivum, itaque per articulum ultimum præcedentis, nomen negativum *non Animal* continet nomen negativum *non Homo*, vera ergo est *omne non Animal est non Homo*;
vel

vel hæ, *nullus homo est Arbor*, *nulla Arbor est Homq.* Nam si verum sit *Arbor* non esse nomen ullius hominis, nulli rei conveniet utrumque Nomen *Homo* & *Arbor*, est ergo vera *Nulla arbor est homo*. Item propositioni cujus uterque terminus est negativus, ut huic *omne non animal est non homo*, æquipollet hæc *solum Animal est homo*.

15. Quarrò, *propositiones negativæ*, sive particula negationis ponatur post copulam, ut faciunt Gentes nonnullæ, sive ante ut sit *Latine* & *Græcè*, si termini iidem sint, æquipollent. Exempli gratia *Homo non est Arbor*, & *Homo est non Arbor* æquipollent, quamquam hoc neget *Aristoteles*; item hæ, *Omnis homo est non arbor*, & *nullus homo est arbor* æquipollent; idque ita apertè ut non egeat demonstratione.

16. Postremò, *particulares omnes converfis terminis*, æquipollent, ut hæ, *quidam homo est cæcus*, & *quoddam cæcum est Homo*, nam nomen utrumque, alicujus unius & ejusdem hominis nomen est, ideoque eandem veritatem significant connexæ utrovis ordine.

17. Earum quæ terminos eosdem & eodem ordine positos, sed varia quantitate, vel qualitate modificatos habent, aliæ dicantur *subalternae*, aliæ *contrariæ*, aliæ *subcontrariæ*, aliæ *contradictoriæ*.

Subalternae sunt, universalis & particularis ejusdem qualitatis, ut *Omnis homo est animal*. *Quidam homo est animal*; vel *Nullus homo est sapiens*. *Quidam homo non est sapiens*. Harum si Universalis vera est, etiam particularis vera erit.

Contrariæ sunt universales diversæ qualitatis, ut *Omnis homo est beatus*; *Nullus homo est beatus*. Harum si una vera est, altera est falsa, possunt quoque esse ambæ falsæ ut in exemplo propositio.

Subcontrariæ sunt particulares diversæ qualitatis, ut *Quidam homo est doctus*, *quidam homo non est doctus*; quæ non possunt esse ambæ falsæ, sed possunt ambæ esse veræ.

Contradictoriæ sunt quæ differunt & quantitatè & qualitate, ut *Omnis homo est animal*, *quidam homo non est animal*; quæ neque ambæ veræ, neque ambæ falsæ esse possunt.

18. Propositio ex duabus aliis propositionibus sequi dicitur, quando si hæ veræ esse supponantur illam non esse veram supponi non potest. Exempli causa, sint duæ propositiones *omnis homo est animal*, & *omne animal est corpus*, quæ intelligantur esse veræ, & propterea corpus esse nomen unius cujusque *animalis* & Animal unius cujusque hominis; quoniam his intellectis, intelligi non potest Corpus non esse nomen unius cujusque hominis, id est propositionem hanc *omnis homo est Corpus*, esse falsam, dicetur hæc ex illis duabus sequi, sive inferri necessario.

19. Veram ex falsis sequi aliquando potest, falsum ex veris nunquam; si enim

si enim hæc *omnis homo est lapis*, & *omnis lapis est animal* (quæ falsæ sunt) concedantur esse veræ, conceditur *animal* esse nomen uniuscujusque Lapidis; & *Lapidem* uniuscujusque hominis, id est, *animal* esse nomen uniuscujusque hominis, hoc est, propositionem hanc *omnis homo est animal* esse veram, sicut vera est; itaque sequetur aliquando vera ex falsis; sed sint ambæ veræ, quæcunque eæ sint, falsa non sequetur; cum enim vera ex falsis sequatur, ob eam causam quia et si falsæ sint concedantur tamen esse veræ, vera etiam ex veris concessis sequitur eodem modo.

20. Quoniam autem ex veris non sequetur nisi vera, ideoque intellectio verarum causa est intellectiois alterius veræ ex illis derivatæ; solent propositiones duæ antecedentes, propositionis illatæ, sive consequentis, causæ appellari; dicunt ergo Logici *Premissas esse causas Conclusionis*; & ferri quidem potest hoc, et si locutio ea propria non sit, cum intellectiois intellectio, non oratio orationis causa sit. Quod vero iidem rem ipsam suæ proprietatis causam esse dicant, ineptum est. Exempli causa, cum figura quædam sit triangulum, habeatque omne triangulum angulos suos simul sumptos æquales duobus rectis, unde sequitur figuram illam habere angulos suos omnes æquales duobus rectis, propter eam rem dicunt figuram illam causam esse illius æqualitatis, cæterum quoniam figura suos angulos non ipsa facit, neque ergo causa efficiens dici potest, vocant eam *causam formalem*, cum revera causa omnino non sit; neque figuram omnino sequitur proprietas ejus, sed simul cum ipsa existit; sed solummodo cognitio figuræ antecedit cognitionem proprietatis; una autem cognitio alterius cognitionis vere causa est, nimirum causa Efficiens.

Et de propositione, quæ progressionis Philosophicæ quasi uno tantum pede promotus primus passus est tantum esto; cui si debito modo addatur alter fiet syllogismus, tanquam gressus integer, de quo in capite sequenti dicturus sum.

C A P V T I V.

De Syllogismo.

1. *Definitio Syllogismi.* 2. *In Syllogismo tres tantum sunt termini.* 3. *Major, minor, & medius terminus, item major & minor propositio quid sint.* 4. *Medius terminus in omni Syllogismo debet esse in utraque propositione determinatus ad rem unam & eandem.* 5. *Ex duobus particulatibus nihil inferitur.* 6. *Syllogismus esse collectionem duarum propositionum in unam summam.* 7. *Syllogismi figura quid.* 8. *Quid sit in animo Syllogismo respondens.* 9. *Figura indirecta prima quomodo sit.* 10. *Figura indirecta secunda quomodo sit.* 11. *Figura indirecta tertia quomodo sit.* 12. *Modi*

12. *Modi in unaquaque figura multi, sed plerique inutiles ad Philosophiam.*
 13. *Categorico Syllogismo, æquipollet Hypotheticus.*

1. **O** Ratio quæ constat tribus propositionibus ex quarum duabus sequitur tertia, vocatur *Syllogismus*. Et ea quidem quæ sequitur *Conclusio*, reliquæ *Præmissæ* appellantur. Exempli gratia, Oratio hæc, *omnis Homo est animal, omne animal est Corpus, ergo, omnis homo est corpus*, syllogismus est; quoniam tertia ex præcedentibus sequitur, id est, si illæ veræ esse concedantur, concedi necesse est hanc quoque veram esse.

2. Ex duabus autem propositionibus quæ terminum communem non habent *Conclusio* nulla sequitur, neque ergo fit syllogismus; sint enim quælibet duæ *Præmissæ* *Homo est animal, arbor est planta*, ambæ veræ; quoniam tamen ex his non colligitur *Plantam* nomen esse aut *Hominis* aut *Hominem* *Plantæ*, non necesse est ut vera sit *Homo est planta*. Corollarium. Itaque in syllogismi *Præmissis* tres tantum termini esse possunt.

Præterea in *conclusionem* terminus nullus esse potest qui non fuerit in *Præmissis*; sint enim duæ *Præmissæ* quælibet *Homo est animal, animal est Corpus*, si tamen in *Conclusionem* ponatur alius quilibet terminus, ut *Homo est bipes*, etsi vera sit, non tamen ex *præmissis* sequitur; cum ex iis non colligitur nomen *Bipes* convenire homini; quare rursus in unoquoque syllogismo termini tres tantum sunt.

3. Horum terminorum *Major* dici solet is qui est in *Conclusionem* *Prædicatum*; *Minor*, is qui est in *Conclusionem* *Subiectum*, reliquus *medius* Vocatur, ut in hoc Syllogismo, *Homo est Animal, Animal est Corpus, ergo, Homo est Corpus*, *Corpus* est terminus *Major*, *Homo* terminus *Minor*, & *Animal* *Medius*. Item *præmissarum* ea in qua reperitur terminus *Major*, *Major Propositio*, ea quæ habet terminum *Minorem*, *Minor Propositio* dicitur.

4. Si *medius terminus* non sit in utraque *præmissa*, determinatus ad unam eandemque rem singularem, *Conclusio* ex *præmissis* non sequetur, neque fiet *Syllogismus*; sit enim *Minor terminus* *Homo*, *Medius* *Animal*, *Major* *Leo*, & sint *Præmissæ* *omnis Homo est animal*, quoddam *Animal est Leo*, non sequetur tamen, *omnem aut aliquem hominem esse leonem*. Ex quo intelligitur in omni syllogismo, illam propositionem quæ habet *medium terminum* pro *subiecto*, debere esse aut *Universalem*, aut *Singularem*, non autem *Particularem* neque *Indefinitum*. Exempli causa, syllogismus hic *Omnis Homo est animal, quoddam animal est quadrupes, ergo quidam homo est quadrupes*, ideo vitiosus est, quia *medius terminus* *Animal* in *priore præmissa* ad hominem solum determinatur, dicimus enim hoc tantum *Animal* esse nomen *Hominis*, in *posteriore* verò de aliquo alio animale præter hominem intelligi potest. At si posterior fuisset *universalis*, ut hic, *omnis Homo*

Elem. Philosf.

E c c

est

est *Animal*, omne *Animal* est *Corpus*, ergo, *Omnis homo est corpus*, syllogismus fuisset legitimus, sequutum enim esset *Corpus* esse omnis *Animalis*, id est, etiam *Hominis* Nomen, id est, veram fuisse Conclusionem *Omnis Homo est Corpus*. * Similiter si *Medius terminus* sit singulare nomen, fiet syllogismus, inutilis quidem ad Philosophiam, sed tamen syllogismus, ut hic, *quidam homo est Socrates, Socrates est Philosophus*, ergo, *quidam homo est Philosophus*; nam concessis Præmissis, negari Conclusio non potest.

5. Ex duabus ergo Præmissis in quibus ambabus *Medius terminus* est Particularis, non fit syllogismus; nam sive *Medius terminus* sit in utraque Præmissa *Subiectum*, sive in utraque Prædicatum, sive in altera *Subiectum* in altera Prædicatum, non necesse est, ut ad eandem rem determinetur; sint enim Præmissæ,

Quidam Homo est cæcus }
Quidam Homo est doctus } ubi *Medius terminus* est *Subiectum*.

Non sequetur neque *cæcum* alicujus docti, neque *doctum* alicujus cæci nomen esse, cum nomen *doctum* non contineat nomen *cæcum*, nec hoc illud, non est ergo necesse ut ambo sint nomina ejusdem hominis, sic ex præmissis his

Omnis homo est animal } in quibus ambabus *Medius terminus* est
Omnis equus est animal } prædicatum.

Nihil sequetur, nam cum *animal* utrobique indefinitum sit, ideoque æquivalet particulari, possitque homo esse quoddam animal, & Equus aliud quoddam animal, non necesse est ut *Homo* sit nomen Equi, aut Equus *Hominis*. Vel si præmissæ sint

Omnis homo est Animal }
Quoddam animal est quadrupes } in quarum altera *Medius terminus* est sub-
jectum in altera prædicatum.

Non sequetur Conclusio, propterea quod cum nomen *Animal* non sit determinatum, potest in altera de homine, in altera de non homine intelligi.

6. Manifestum autem est ex præcedentibus, syllogismum nihil aliud esse præter collectionem summæ quæ fit ex duabus propositionibus (per terminum communem quem *medium* appellant) inter se conjunctis; & ita *Syllogismus* esse additionem trium nominum, sicut *propositio* duorum.

7. Distingui solent syllogismi diversitate *figurarum*, hoc est diversa positione *medii termini*; & in figura rursus distinguuntur quidam *modi*, hoc est differentiæ quædam in propositionum *quantitate* & *qualitate*. *Prima figura* numeratur ea in qua termini ordinantur secundum latitudinem significationum,

tionum, ut *Minor terminus primus* ordine fiat. Deinde *medius*, tertius *major*; ut si ponamus pro *minore termino Homo*, pro *medio Animal*, pro *maiore Corpus*; Syllogismus in prima figura erit.

Homo est Animal, Animal est Corpus.

In qua Minor propositio est, *Homo est Animal*, Major, *Animal est Corpus*, Conclusio sive summa collecta *Homo est Corpus*. Appellatur autem hæc figura directa, quia termini ejus directum ordinem observant, variatur autem per quantitatem & qualitatem quatuor modis, siquidem enim omnes termini sint positivi, & minor terminus universalis, ut omnis Homo est Animal, omne animal est corpus, fit modus primus; in quo omnes propositiones sunt Affirmativæ universales; si major sit nomen negativum, & minor universalis, fit secundus modus; ut *Omnis Homo est animal*, *omne animal est non Arbor* in quo Major propositio & conclusio sunt Universales negativæ. His duobus addi solent alii duo, faciendo minorem terminum particularem. Potest quoque fieri ut tam major quam medius terminus nomen sit negativum; quod cum fit, oritur alius modus in quo omnes propositiones negativæ sunt, & tamen legitimus fiet syllogismus, ut si termini sint *minor Homo*, *medius non lapis*, *major non silex*, syllogismus, *nullus homo est lapis*, *quicquid non est lapis non est silex*, *ergo nullus homo est silex*, etsi ex tribus constet negativis, est tamen legitimus. Sed quoniam in Philosophia cujus est de proprietatibus rerum regulas statuere universales, & negativa non differat ab affirmativa, nisi quod in hac nomen positivum, in illa negativum de subjecto affirmatur; superfluum est alium modum considerare in figura directa, præter eum in quo omnes propositiones sunt & universales & affirmativæ.

8. Syllogismo directo cogitatio in animo respondens, est hujusmodi; primò concipitur Phantasma rei nominatæ cum accidente sive affectu ejus propter quem appellatur eo nomine quod est in minore propositione *subjectum*; deinde animo occurrit Phantasma ejusdem rei cum accidente sive affectu propter quem eo nomine appellatur quod est in eadem propositione *Predicatum*. Tertio redit cogitatio rursus ad rem nominatam, cum affectu propter quem eo nomine appellatur quod est in Prædicato propositionis majoris. Postremo cum meminerit eos affectus esse omnes unius & ejusdem rei, concludit tria illa nomina ejusdem quoque rei esse nomina; hoc est Conclusionem esse veram. Exempli causa, quando fit syllogismus hic, *Homo est animal*, *animal est corpus*, *Ergo, homo est corpus*, occurrit animo imago hominis loquentis vel differentis, meminitque id quod sic apparet vocari *Hominem*. Deinde occurrit eadem imago ejusdem hominis sese moventis, meminitque id quod sic apparet vocari *animal*, tertio re-

currit eadem imago Hominis locum aliquem sive spatium occupantis, meminitque id quod sic apparet vocari *Corpus*. Postremò cum meminerit rem illam quæ & extendebatur secundum locum, & loco movebatur, & oratione utebatur unam & eandem fuisse, concludit etiam nomina illa tria *Homo*, *Animal*, *Corpus*, ejusdem rei esse nomina, & proinde *Homo est Corpus*, esse propositionem veram. Manifestum hinc est conceptum sive cogitationem quæ respondens syllogismo ex propositionibus universalibus in animo existit, nullam esse in iis animalibus quibus deest usus nominum, cum inter syllogizandum oporteat non modo de re sed etiam alterius vicibus de diversis rei nominibus, quæ propter diversas de re cogitationes adhibita sunt, Cogitare.

9. Reliquæ figuræ, à primæ sive directæ figuræ inflexione, vel inversione, quod fit per majoris, vel minoris, vel utriusque mutationem in conversam ipsi æquipollentem, oriuntur; ex quo sequuntur tres aliæ figuræ, quarum duæ inflexæ sunt, tertia inversa. Harum trium prima fit ex conversione majoris hoc modo; sint termini indirectum positi, minor, medius, major, hoc ordine *Homo est animal est non lapis*, fit figura directæ quæ retorquetur, per conversionem majoris, hoc modo

Homo est animal,

Lapis est non animal, & fiet figura secunda sive indirectarum prima; cujus Conclusio erit, *Homo est non lapis*.

Nam cum ostensum sit Cap. præcedente articulo 14. conversas universales, per terminorum contradictionem esse æquipollentes, uterque syllogismus idem concludet; nam si legamus majorem ordine contrariò (more Hebræorum) *Animal est non lapis*, eadem omninò erit ratio quæ fuerat prius directæ.

Similiter directus est, *Homo non est arbor non est Pyrus*.

Conversa autem majore in suam æquipollentem per terminorum contradictionem stabit indirectè sic; *Homo non est arbor,*

Pyrus est arbor.

Ex quibus rursus fit Conclusio eadem *Homo non est Pyrus*.

Oportet autem in convertendo figuram directam in figuram indirectarum primam, ut *Major terminus* in figura directæ sit *negativus*, nam etsi ex directæ hac, *Homo est animal est Corpus*, fiat indirectus per majoris conversionem;

Homo est animal,

Non Corpus non est animal,

Ergo omnis homo est corpus; tamen conversio apparet adeo obscura ut modus ille prorsus inutilis sit. Per conversionem Majoris patet Medium terminum in hac figura semper esse in utraque Præmissa *Prædicatum*.

10. Indi-

10. Indirectarum secunda fit ex conversione Minoris, ita ut *Medius terminus* utroque sit *subjectum*. Sed nunquam concludit Universaliter, neque itaque in Philosophia utilis est, Exemplum tamen ejus ponemus. Sit ergo directus, *Omnis homo est animal, omne animal est corpus*, conversa Minore stabit sic:

Quoddam Animal est Homo,
Omne animal est Corpus. Ergo,
Quidam Homo est corpus.

Nam *Omnia homo est animal*, converti non potest in hanc, *omne animal est homo*, & proinde si syllogismo huic restituatur sua forma directa, fiet minor *quidam Homo est animal*, & per consequens conclusio erit *quidam Homo est corpus*, cum minor terminus, Homo, qui subjectum est Conclusionis, sit nomen particulare.

11. Figura inversa sive indirecta tertia fit per conversionem utriusque præmissæ. Exempli causa, si directus sit:

Omnis homo est animal,
Omne animal est non lapis. Ergo,
Omnis homo est non lapis.
 Fiet inversus *Omnis lapis est non animal,*
Omne non animal est non homo. Ergo,
Omnis lapis est non homo.

Quæ conclusio Conversa, & æquipollens est Conclusionis directæ.

Figuræ itaque, si earum numerus solius medii termini situs varietate definiatur, tres tantum sunt; in quarum prima, medius terminus medium locum, in secunda ultimum, in tertia primum locum obtinet; at si figuræ numerentur secundum situm terminorum simpliciter, quatuor erunt, nam prima rursus in duas distinguetur, nimirum in directam & inversam. Ex quo patet controversiam quæ est inter Logicos de quarta figura non tam esse quam videri nam de re patet, propter terminorum situm (nulla quantitate neque qualitate, quibus distinguuntur modi, considerata) quatuor esse syllogismorum differentias quas quilibet vel figuras, vel alio nomine, pro arbitrio suo appellare potest.

12. In singulis his figuris, si præmissas, per eas quæ possunt esse à quantitate & qualitate differentias variare velimus, multi in unaquaque earum oriuntur modi; nimirum in figura directa 6. in figurarum indirectarum prima 4. in secunda 14. in tertia 18. Sed quoniam à figura directa rejecimus omnes modos, ut superfluos, præter eum qui constat ex universalibus; & cujus minor affirmativa est, rejecimus una eos modos cæterarum figurarum, quæ oriuntur ex præmissarum directæ figuræ conversionibus.

13. Sicut autem in propositionibus necessariis ante ostensum est Ca-

regoricam & Hypotheticam æquipollentes esse ; ita quoque syllogismum Categoricalum & Hypotheticum æquivalere manifestum est. Syllogismus enim Categoricalus quilibet, hic

Omnis Homo est animal.

Omne animal est corpus. Ergo,

Omnis Homo est corpus.

Eandem habet vim quam Hypotheticus hic,

Si quid est homo, illud est animal,

Si quid est animal illud est corpus. Ergo,

Si quid est homo, illud est corpus.

Similiter in figura indirecta Categoricalus hic,

Nullus lapis est animal,

Omnis homo est animal. Ergo,

Nullus homo est lapis, vel

Nullus lapis est homo.

Æquivalet Hypothetico huic,

Si quid homo est, animal est,

Si quid lapis est, animal non est. Ergo,

Si quid lapis est, homo non est, vel

Si quid homo est, lapis non est.

Et videntur quidem quæ dicta sunt sufficere ad cognitionem naturæ syllogismorum; nam & quæ de Modis & Figuris fuscè ab alijs utiliter tractata sunt, in illis clarè continentur; neque tam præceptis ad legitimam ratiocinationem, quam praxi opus est; citiusque multò veram logicam discunt qui mathematicorum demonstrationibus, quam qui logicorum syllogizandi præceptis legendis tempus conterunt; haud aliter quàm parvuli pueri, gressum formare discunt non præceptis sed sæpe gradiendo. Itaque de gressu Philosophiæ qualis esse debet, tantum dictum esto. Dicemus proximo loco de Vitiorum sive errorum in quos incautè ratiocinantes incidere solent, speciebus & causis.

C A P U T V.

De Erratione, Falsitate & Captionibus.

1. Erratio & falsitas quomodo differunt; Error animi circa vocabulorum usum, quomodo contingit.
2. Septem modi incoherentie nominum, in quibus propositio semper falsa est.
3. Exemplum primi.
4. Secundi.
5. Terti.
6. Quarti.
7. Quinti.
8. Sexti.
9. Septimi.
10. Falsitatem propositionum detegere per terminorum resolutionem per continuas definitiones usque ad nomina simplicia sive summa genera.
11. Vitium syllogismi ex implicatione terminorum cum copula.

copula. 12. Vtium syllogismi ex equivocatione. 13. Captiones sophisticæ peccare sapius in materia quam in forma syllogismi.

1. **E**Rrare non modo affirmando & negando, sed etiam sentiendo, & in tacita hominum cogitatione contingit. Affirmando & Negando, quando rei alicui nomen attribuunt quod nomen ejus rei non est. Ut si simulachro solis viso, tùm per reflexionem in flumine, tùm directè in cœlo, utrique nomen solis attribuendo, diceremus duos esse soles; id quod nisi hominibus accidere non potest; nam aliis animalibus usus nominum nullus est. Falsitatis nomen, solum hoc genus erroris meretur, ut quod non à Sensu, aut à rebus ipsis, sed à temeritate oritur pronuntiandi. Nomina enim non à rerum speciebus; sed à voluntate hominum constituta sunt; quo fit ut qui à pactis rerum appellationibus discedit, non à rebus neque à Sensu fallitur (nam illam rem quam videt, appellari solem non videt, sed voluit) sed negligentia sua sententiam falsam dicit. Sensu & cogitatione erratur, quando ex præsentì imaginatione aliud imaginamur; vel quandò præterita quæ non præcessere, vel futura quæ sequutura non sunt, tamen tanquam præterita vel futura fingimus; ut quando ex viso solis in flumine simulachro, rem aliquam cujus illud simulachrum est eo loci esse imaginamur; vel quando ex conspectis gladiis pugnam fuisse vel fore ex eo quod plerumque ita fieri consuevit; vel ex promissis, promittentis animum, vel denique ex quocunque signo, rem significatam frustra fingimus. Atque hujusmodi errores omnibus rebus sensu præditis communes sunt; neque sic tamen aut à sensibus, aut à rebus quas sentimus, sed à nobis ipsis ea quæ non sunt fingentibus & quæ simulachra tantum sunt, plus quam simulachra esse præsumptibus fallimur. Falsæ autem neque res, neque imaginationes dici possunt cum & verè sunt id quod sunt, neque promittunt, ut signa, quicquam quod non præstant; non enim illæ promittunt, sed ex illis nos; neque nubes, sed nos ex visa nube pluviam promittimus. Erroribus itaque qui contingunt ex signis naturalibus occurreret, primò & ante ratiocinationem, si ad hujusmodi conjecturalia compareremus nos tanquam ignorantes; deinde per ratiocinationem. Proveniunt enim à defectu ratiocinationis. Cæteri errores qui in affirmationibus & negationibus consistunt (id est falsitas propositionum) pravæ ratiocinationis vitia sunt. De his igitur ut qui Philosophiæ contraria sunt præcipuè dicendum est.

2. Errores qui contingunt inter ratiocinandum, id est, inter syllogizandum; vel in alicujus præmissæ falsitate, vel in illatione consistunt. In primo casu, syllogismus peccare dicunt Materiâ; in secundo, Formâ. Considerabimus primò materiam, quibus scilicet modis propositio aliqua falsa esse

esse possit, deinde Formam, & quibus modis contingit, quando præmissæ sunt veræ, illationem esse non veram.

Quoniam omnis propositio vera est per Cap. 3. Art. 7. in qua copulantur duo nomina ejusdem rei, falsa autem in qua nomina copulata diverfarum rerum sunt, quot modis contingit nomina copulata non esse ejusdem rei, totidem modis falsa fiet propositio.

Rerum autem nominatarum genera quatuor sunt, nimirum *Corpora*, *Accidentia*, *Phantasmata*, & *nomina ipsa*. Itaque in omni vera propositione, necesse est nomina copulata vel ambo esse *Corporum*, vel ambo *Accidentium*, vel ambo *Phantasmatum*, vel ambo *Nominum*. Nomina aliter conjuncta incohærentia esse & constituere Propositionem falsam. Potest etiam contingere ut nomen Rei cum nomine Orationis copuletur. Septem ergo modis copulata nomina non cohærent.

1. Si nomen Corporis	} copuletur {	cum nomine Accidentis.
2. Si nomen Corporis		cum nomine Phantasmatis.
3. Si nomen Corporis		cum nomine Nominis.
4. Si nomen Accidentis		cum nomine Phantasmatis.
5. Si nomen Accidentis		cum nomine Nominis.
6. Si nomen Phantasmatis		cum nomine Nominis.
7. Si nomen Rei		cum nomine Orationis.

Quorum omnium exempla subjungemus.

3. Juxta modum primum falsæ sunt ubi nomina abstracta copulantur cum concretis, ut *Esse est Ens*, *Essentia est Ens*, τὸ τί ἦν εἶναι, (i.) *quidditas est ens*, & multa istiusmodi quæ reperiuntur in *Metaphysicis Aristotelis*; item *intellectus agit*, *intellectus intelligit*, *visus videt*, *Corpus est Magnitudo*, *Corpus est quantitas*, *Corpus est extensio*, *Esse hominem est homo*, *albedo est alba*; simile enim est ac si quis diceret *Cursor est Cursum*, vel *Ambulatio ambulat*, item, *Essentia est Separata*, *Substantia est Abstracta*, atque harum similes, vel ab his derivatæ (quarum Philosophia communis est plenissima) cum enim nullum subjectum Accidentis, id est, nullum corpus est accidens, nullum nomen Accidentis, corpori, neque corporis accidenti tribuetur.

4. Secundo modo peccant propositiones hujusmodi, *Spectrum est Corpus*, vel *Spiritus*, id est, *Corpus tenue*. *Species sensibiles volitant per aërem*, huc, illuc *Moventur*, quod proprium est corporum. Item *Umbra movetur*, vel est corpus. *Lumen movetur*, vel est corpus. *Color est objectum visionis*, *sonus auditionis*; *spatium vel locus est res extensa*, aliæque hujusmodi innumeræ; cum enim spectra, species visibiles, soni, umbra, lux, color, spatium, &c. somniantibus non minus adsunt quàm vigilantibus, non sunt eæ res externæ, sed animi imaginantis Phantasmata; nomina itaque eorum cum nominibus Corporum copulari in veram Propositionem non possunt.

5. Tertii

5. Tertiū modi propositiones falsæ sunt tales, *Genus est Ens. Vniuersale est Ens. Ens de ente prædicatur.* Genus enim & Vniuersale & Prædicare, nomen, non rerum nomina sunt. Item, *Numerus est infinitus*, falsus est, nam numerus nullus est infinitus, sed nomen tantum sive vox hæc, Numerus, cui cum in animo nullus certus numerus subternitur, nomen quidem appellatur indefinitum, non tamen numerus aliquis est infinitus.

6. In quartum modum incidunt falsæ tales, *Objecti magnitudo vel figura, ea quæ est, spectantibus apparet; Color, Lumen, Sonus, est in objecto, & harum similes; apparet enim objectum idem quandoque majus, quandoque minus, quandoque quadratum, quandoque rotundum, pro diuersitate distantiarum & mediorum; una autem & eadem semper est vera rei visæ magnitudo & figura, adeo ut eæ quæ apparent magnitudines & figuræ eorundem objectorum magnitudines & figuræ esse non possint.* Sunt igitur Phantasmata, coniunguntur itaque in huiusmodi propositionibus nomina accidentium cum nominibus Phantasmatum.

7. Quinto modo peccant qui dicunt, *Definitionem esse rei essentiam; albedinem vel aliud accidens esse Genus vel Vniuersale.* Definitio enim non est rei essentia, sed oratio conceptus nostros de rei essentia significans; similiter non albedo ipsa, sed vox *albedo* Genus est, & universale.

8. Sexto modo errant qui dicunt *Ideam alicuius rei esse Vniuersalem*, tanquam esset in animo imago quædam hominis quæ nullius unius hominis esset, sed hominis simpliciter, quod est impossibile, nam Idea omnis, & una est, & unus rei; decipiuntur autem in eo quod nomen rei pro Idea ejus ponunt.

9. Septimo modo errant qui distinguentes Entia, dixerunt. *Entium aliud esse ens per se, aliud per accidens;* nimirum quia hæc *Socrates est homo*, propositio necessaria est, & *Socrates est Musicus*, propositio contingens, ob eam causam faciunt Entia alia necessaria sive per se, alia contingentia sive per accidens; itaque cum *necessarium, contingens, per se, per accidens*, Nomina sint non rerum sed propositionum, dicentes Ens aliquod esse ens per se, copulant cum nomine rei, nomen Propositionis. Eundem errorem errant, qui ideas alias in intellectu, alias in Phantasia ponunt; quasi alia esset Idea sive imago hominis quæ orta à sensu in memoria retinetur, alia quæ in intellectu est, quando intelligimus *Hominem esse Animal;* id quod imposuit est quod *Nomini* unam, *Propositioni* aliam respondere rei *Ideam* putaverint, quod est falsum; Nam propositio significat Ordinem tantum eorum quæ in eadem ideâ hominis observantur unum post aliud, ut ad orationem hanc *Homo est Animal*, unicam habemus ideam etsi in ea Idea prius id consideretur propter quod vocatur Homo, posterius verò id propter quod vocatur Animal. Harum omnium,

per omnes modos, falsitates ex nominum copulatorum definitionibus detegendæ sunt.

10. Quando verò nomina Corporum cum nominibus Corporum, nomina Accidentium cum nominibus Accidentium, nomina Nominum cum nominibus nominum & nomina Phantasmatum cum nominibus Phantasmatum copulantur, non statim cognoscimus propterea an propositiones illæ veræ sunt, sed oportet prius cognoscere utriusque nominis definitionem, & rursus nominum quæ in definitione illa ponuntur definitiones, donec continuata resolutione perveniatur ad nomen simplicissimum; id est in eo genere rerum summum, sive Universalissimum, quod si neque tunc veritas aut falsitas apparet, Philosophiæ res est, & ratiocinatione à definitionibus incipiente, investiganda; omnis enim propositio universaliter vera, aut definitio est, aut pars definitionis, aut ex definitionibus demonstranda.

11. Syllogismi vitium, quod in Formâ latere potest reperietur semper, vel in implicatione copulæ cum altero terminorum, vel in aliqua vocum æquivocatione; utroque autem modo quatuor fient termini, quod ostensum est in legitimo syllogismo fieri non posse. Implicatio autem copulæ cum utrovis termino, reductis propositionibus ad puram & nudam prædicationem, statim detegitur, ut si quis sic argutetur,

Manus tangit calamum,
Calamus tangit chartam. Ergo,
Manus tangit chartam.

Ineptia per reductionem statim manifesta est, nam si sic enuncietur,

Manus est tangens calamum,
Calamus est tangens chartam. Ergo,
Manus est tangens chartam.

Manifesti sunt quatuor termini *Manus*, *tangens Calamum*, *Calamus*, & *tangens chartam*.

Sed non videtur ab hoc genere sophismatum tantum periculi esse, ut ulterius ea prosequi operæ pretium sit.

12. In æquivocis autem fallacia aliqua esse potest, non tamen in iis quæ per se manifesta sunt; neque in Metaphoris, nam vox *Metaphora*, translationem nominis ab una re ad aliud ipsa prædicat. Sunt autem æquivoca, nec ea perobscura quæ tamen fallunt aliquando, ut in hac argumentatione, *Pertinet ad Philosophiam primam, tractatio Principiorum*, sed *primum omnium Principium est, Idem non simul esse, & non esse*; pertinet ergo ad *Philosophiam primam, tractare an idem possit simul esse & non esse*. Æquivocatio in voce *Principio* fallaciam habet, nam initio Metaphysicorum ubi dicitur tractationem Principiorum pertinere ad scientiam primam, per
Prin-

Principia intelligit *Aristoteles* *Causas* rerum, & entia quædam quæ vocat prima. Sed ubi Propositionem illam primam dicit esse Principium, intelligit Principium & causam cognitionis, id est, verborum intellectum, quo si quis careat ne doceri quidam quidquam potest.

13. Captiones autem sophistarum, atque Scepticorum, quibus deridere aut oppugnare veritatem olim soliti sunt, vitium plerumque habebant, non in forma, sed in materia syllogismi; & decepti sæpius fuerunt quam deceperunt; Nam illud *Zenonis* celebre argumentum contra motum, innitebatur huic Propositioni, *Quicquid dividitur potest in partes numero infinitas esse infinitum*, quam ille procul dubio censuit esse veram, tamen falsa est; nam dividi posse in partes infinitas nihil aliud est quam dividi posse in partes quotcumque quis velit. Neceffe autem non est, ut linea, etsi possem ipsam dividere & subdividere quoties voluero, propter eam causam dicatur habere partes numero infinitas, sive infinita esse; nam quotcumque partes fecero semper tamen earum numerus finitus erit, sed quia qui dicit *partes*, simpliciter, non adjiciendo quot, non ipse numerum præfinit, sed auditori determinandum relinquit, ideo dici solet lineam posse dividi in infinitum, quod nullo alio sensu verum esse potest. Atque hæc sufficiunt de syllogismo, qui est tanquam gressus Philosophiæ; nam & quantum necesse est ad cognoscendum unde vim suam habeat omnis argumentatio legitima, tantum diximus; & omnia accumulare quæ dici possunt, æque superfluum esset, ac si quis ut dixi puerulo ad gradiendum præcepta dare velit; Acquiritur enim ratiocinandi ars, non præceptis, sed usu, & lectione eorum librorum in quibus omnia severis demonstrationibus transiguntur. Trans-eojam ad viam Philosophiæ, id est, ad Philosophandi methodum.

C A P U T V I.

De Methodo.

1. *Methodi, & Scientiæ definitiones.* 2. *Notius de singularibus quàm de Universalibus, quod sunt; Contra notius de Universalibus quàm de singularibus, Cur sunt, sive quænam sint eorum causæ.* 3. *Philosophantes quid scire querunt.* 4. *Pars prima qua Principia inveniuntur, est purè Analytica.* 5. *Causæ maxime in unoquoque genere Universales sunt per se Cognitæ.* 6. *Methodus à Principiis inventus ad Scientiam tendens simpliciter quænam sit.* 7. *Methodus scientiæ civilis, ut & naturalis à sensu ad Principia Scientiæ. Analytica, à principiis rursus Synthetica est.* 8. *Methodus*

shodus querendi an res proposita sit materia an accidens. 9. Methodus querendi an accidens propositum sit in hoc vel illo subiecto. 10. Methodus querendi Effectus propositi Causam. 11. Vocabula inventioni servantur ut Notæ, demonstrationi ut Verba significantia. 12. Demonstranda Methodus synthetica est. 13. Definitiones solas esse propositiones primas Universales. 14. Definitionis natura & definitio. 15. Definitionis proprietates. 16. Demonstrationis natura. 17. Proprietates Demonstrationis & demonstrandum Ordo. 18. Demonstrationis Via. 19. Analytica Geometricarum quare hoc loco tractari non possit.

1. **A**D cognitionem Methodi, revocanda in memoriam est Philosophiæ definitio. Ea verò tradita est supra, Cap. 1. artic. 2. in hunc modum, Philosophia est Phænomenon sive effectuum apparentium, ex concepta productione sive generatione aliquâ possibili; & productionis quæ fuit, vel esse potuit, ex concepto effectui apparente, per rectam rationem acquisita cognitio. Est ergo *Methodus Philosophandi, Effectuum per causas cognitæ, vel causarum per cognitos effectus brevissima investigatio. Scire autem aliquem effectum tunc dicimur, cum & causas ejus, quod sunt; & in quo subiecto insunt, & in quod subiectum effectum introducunt, & quomodo id facimus cognoscimus.* Itaque, scientia τῷ δῖόν sive causarum est; alia cognitio omnis quæ τῷ ὄν dicitur, sensio est vel à sensatione remanens imaginatio sive memoria.

Principia itaque scientiæ omnium prima, sunt Phantasmata sensûs & imaginationis, quæ quidem cognoscimus naturaliter quod sunt; quare autem sunt, seu à quibus proficiscuntur causis cognoscere rationatione opus est, quæ consistit (ut dictum est, supra Cap. 1. artic. secundo,) in compositione & divisione sive resolutione. Itaque omnis Methodus per quam causas rerum investigamus, vel compositiva est, vel resolutiva, vel partim compositiva, partim resolutiva. Et Resolutiva quidem *Analytica*; Compositiva autem *Synthetica* appellari solet.

2. Omni Methodo commune est hoc, ut procedatur à cognitis ad incognita; id quod manifestum est ex allata Philosophiæ definitione. In cognitione autem sensuum, totum Phænomenon notius est quam quælibet pars ejus; ut cum videmus hominem, prius notus, seu notior est Conceptus, sive Idea illa tota Hominis, quàm particulares Idææ *figurati, animati, rationalis*, hoc est, prius videmus hominem totum, cognoscimusque quod est, quàm animum ad particularia illa advertimus. Itaque in cognitione τῷ ὄν sive quod est, initium querendi est à tota Idea. Contra in cognitione τῷ δῖόν sive in cognitione causarum, id est, in

Scien-

Scientiis, notiores sunt partium causæ quam totius. Componitur enim causa totius ex causis partium, Componenda autem prius cognosci necesse est quam compositum. Per partes autem hoc loco intelligo non partes ipsius rei, sed partes naturæ ejus, ut per partes hominis non intelligo caput, humeros, brachia, &c. sed figuram, quantitatem, motum, sensationem, ratiocinationem & similia, quæ sunt accidentia quæ composita simul constituunt totam hominis, non molem, sed naturam. Atque in hoc consistit id quod vulgo dicitur, alia esse *nobis*, alia esse *naturæ* notiora; non enim arbitror eos qui sic distinguunt, notum quicquam esse existimare quod etsi homini nemini, naturæ tamen notum sit; notiora igitur *nobis* de notitia sensuum, notiora *naturæ* de notitia ratione acquisita intelligi debent, & sic tota partibus, id est, ex res quæ nomina habent minus Universalia (quas brevitatis causa singulares) quam quæ nomina habent magis Universalia (quas Universales dicemus) notiores *nobis*; partium autem causæ, quam causa totius, hoc est, Universalia singularibus notiora *naturæ* dici solent.

3. Philosophantes quærent vel simpliciter sive indefinite Scientiam, hoc est, nulla certa quæstione proposita, tantum scire quantum possunt; vel certi alicujus phænomeni causam, vel aliquid saltem certum invenire, ut quænam sit causa *luminis, caloris, gravitatis, figuræ propositæ*, & similia; vel in quo subjecto accidens aliquod propositum inhæreat, vel ad effectum aliquem qui proponitur generandum, ex multis accidentibus, quæ potissimum conducant; vel quo modo ad certum effectum producendum, causæ particulares propositæ conjungi debeant. Propter varietatem hanc rerum quæstarum, modo methodus Analytica, modo Synthetica, modo utraque adhibenda est.

4. Quoniam autem qui scientiam simpliciter quærent, quæ consistit in cognitione causarum quantum fieri potest omnium rerum; causæ autem Singularium omnium componuntur ex causis Universalium sive simplicium, necesse illis est ut prius cognoscant causas Universalium sive accidentium eorum quæ sunt omnibus corporibus, hoc est omni materiæ communes, quam Singularium, hoc est accidentium quibus una res ab alia distinguitur. Rursus antequam sciri illorum causæ possunt, cognoscere oportet quæ sunt illa ipsa Universalia. Universalia autem cum contineantur in natura singularium, ratione eruenda sunt, id est, per Resolutionem. Exempli gratia, proposito quolibet conceptu sive Idea rei singularis, puta Quadrati. Quadratum ergo resolvetur in *Planum, terminatum lineis*, & *angulis rectis*, certo numero, & *æqualibus*. Itaque habemus universalia hæc, sive materiæ omni convenientia, *lineam, planum*, (in quo continetur superficies) *terminatum, Angulum, rectitudinem*,

æqualitatem, quorum causas sive generationes si quis invenerit, in causam Quadrati eas componet. Rursus, si proponat sibi Conceptum auri, venient inde resolvendo Ideæ *solidi*, *visibilis*, *gravis*, (id est conantis ad centrum Terræ sive motus deorsum) aliaque multa magis Universalia quam est ipsum Aurum, quæ rursus resolvi possunt, donec perveniatur ad universalissima. Atque eodem modo alia atque alia resolvendo, cognitum erit quænam ea sunt, quorum causis sigillatim cognitis & compositis, cognoscuntur causæ rerum singularium. Concludemus itaque Methodum investigandi notiones rerum Universales, esse purè Analyticam.

5. Causæ autem universalium (eorum quorum causæ aliquæ omnino sunt) manifestæ sunt per se sive *naturæ* (ut dicunt) nota; ita ut nullâ omnino Methodo indigeant; causa enim eorum omnium Universalis una, est motus; Nam & figurarum omnium varietas ex varietate oritur motuum quibus construuntur, nec motus aliam causam habere intelligi potest præter alium motum, neque varietates rerum sensu perceptarum, ut colorum, sonorum, saporum, &c. aliam habent causam præter motum, partim in objectis agentibus, partim in ipsis sentientibus delitescentem; ita tamen, ut quamquam qualis ille motus sit sine ratiocinatione cognosci non possit, esse tamen motum aliquem manifestum sit. Eri enim plerisque ut mutationem in motu consistere intelligant monstratione aliqua opus sit, id tamen non accidit propter rei obscuritatem, (nam ut aliquid vel de statu vel de motu suo decedat, nisi per motum intelligi non potest) sed vel propter naturalem discursum, præjudiciis magistrorum corruptum, vel propterea quod ad veritatem inquirendam nullam omnino cogitationem adhibent.

6. Cognitis igitur Universalibus & eorum causis (quæ sunt cognitionis *æ* *di* *on* Principia prima) habemus primo eorum definitiones (quæ nihil aliud sunt quam conceptuum nostrorum simplicissimorum explicationes) nam qui *locum* (Exempli causa) rectè concipit, definitionem hanc, Locus est spatium quod à Corpore adæquatè impletur vel occupatur, ignorare non potest; & qui *motum* concipit, nescire non potest quod motus est loci unius privatio & alterius acquisitio. Deinde habemus eorum generationes, sive descriptiones, ut quod linea verbi gratia fiat ex motu puncti, superficies ex motu lineæ, motus unus ex motu alio, &c. restat inquirendum, qualis motus quales effectus generet; ut qualis motus lineam rectam, qualis circularem, faciat, qualis motus pellat, qualis trahat, & qua via; qualis rem visam, auditam, &c. aliter, atque aliter videri, audiri, &c. faciat. Atque hujus inquisitionis Methodus compositiva est, primò enim videndum, corpus motum, si nihil aliud consideretur in

co

eo præter motum quid efficiat; apparet autem statim effici lineam sive longitudinem; deinde quid faciat corpus longum si moveatur, constabitque fieri superficiem, atque ita porro quid fiat ex motu simpliciter; deinde simili modo, ex hujusmodi motibus additis, multiplicatis, subtractis, divisisque, qui effectus, quales figuræ, & quales earum existent proprietates, contemplandum est; Atque ex hac contemplatione orta est Philosophiæ pars ea quæ appellatur Geometria.

Post considerationem eorum quæ fiunt ex motu simpliciter, sequitur consideratio eorum, quæ motus unius corporis efficit in corpus aliud, & quoniam motus esse potest in partibus corporis singulis, ita tamen ut totum suo loco non decedat, inquirendum est primo loco quis motus quem motum efficit in toto; hoc est, incurrente aliquo corpore in aliud corpus quod quiescit, vel quod motu aliquo jam movetur, qua via & qua velocitate movebitur illud post incursum, & rursus quem motum motus ille secundus generabit in tertio, & sic deinceps, ex qua contemplatione existet Philosophiæ pars illa quæ de Motu est.

Tertio loco ad eorum inquisitionem deveniatur quæ fiunt ex motu partium, ut in quo consistit quod eadem res, sensui tamen eadem non videantur, sed mutatur; itaque investigantur hoc loco, qualitates sensibiles, quales sunt *lux, color, diaphaneitas, opacitas, sonus, odor, sapor, calor, frigus*, & similia, quæ quia sine cognitione causæ ipsius sensationis cognosci non possunt, consideratio causarum *visionis, auditus, olfactus, gustus, & tactus* tertium locum obtinebit, qualitates autem illæ prædictæ, mutationesque omnes in locum quartum differendæ sunt, quæ duæ considerationes eam partem Philosophiæ continent quæ vocatur Physica. In his quatuor partibus continetur quicquid in Philosophia naturali, demonstratione propriè dicta explicari potest. Nam si Phænomenon naturalium speciatim causa reddenda sit, puta quales sint motus, & virtutes corporum cœlestium, & partium ipsorum, ea ratio ex dictis Scientiæ partibus petenda est, aut omnino ratio non erit, sed conjectura incerta.

Post Physicam ad moralia veniendum est, in qua considerantur motus animorum, nempe *appetitus, aversio, amor, benevolentia, spes, metus, ira, emulatio, invidia*, &c. quas causas habent, & quarum rerum ipsæ causæ sint; quæ ideo post physicam consideranda sunt, quia causas habent in sensu & imaginatione, quæ sunt subiectum contemplationis Physicæ. Hæc autem omnia eo ordine quem dixi investiganda esse, ex eo constat quod Physica intelligi non possunt nisi cognito motu qui est in partibus corporum minutissimis, neque talem motum partium nisi cognito quid sit quod motum efficit in alio, neque hoc nisi cognito motus simpliciter quid efficiat. Et ex eo quod omnis rerum ad sensus apparitio determinatur, talis.

talisque & tantus fit, per motus compositos, quorum unusquisque certum gradum velocitatis, certamque viam obtinet; primo loco, Viæ motuum simpliciter (in quo consistit Geometria) deinde viæ motuum generatorum & manifestorum, postremo viæ motuum interiorum & invisibilium (quas quærent Physici) investigandi sunt. Itaque qui Philosophiam naturalem quærent nili à Geometria Principium quærendi sumant, frustra quærent; & qui de ea scribunt disseruntve, Geometriæ ignari, lectoribus auditoribusque suis abutuntur.

7. Philosophia civilis, morali ita adhæret ut tamen distrahi ab ea possit; cognoscuntur enim causæ motuum animorum non modo ratiocinatione, sed etiam uniuscujusque suos ipsius motus proprios observantis experientia. Atque ob eam rem, non solum ii qui methodo Synthetica à primis Philosophiæ principiis ad scientiam cupiditatum, perturbationumque animorum semel pervenerit, progrediendo eadem via incident in causas & necessitatem constituendarum civitatum, scientiamque acquirunt Juris naturalis, officiorumque civilium, & in omni genere civitatis, quod juris ipsi debetur civitati, & cætera quæ Philosophiæ civilis propria sunt, propterea quod principia Politicæ constant ex cognitione motuum animorum, cognitio autem motuum animorum, ex scientia sensuum & cogitationum, sed etiam illi qui priorem partem Philosophiæ nimirum Geometriam & Physicam non didicere, ad principia tamen Philosophiæ civilis methodo Analytica pervenire possunt. Nam proposita questione qualibet, *ut an actio talis justa an injusta sit*, resolvendo illud *injustum*, in *factum* & *contra leges*, & notionem illam *legis*, in *mandatum* ejus qui coërcere potest, & *potentiam* illam in *voluntatem* hominum pacis causa talem potentiam constituentium, pervenietur tandem ad hoc quod tales sunt hominum appetitus & motus animorum ut nisi sint à potentia aliqua coërciti, bello se invicem persecuturi sint, id quod per uniuscujusque proprium animum examinantis experientiam, cognosci potest. Itaque ab hoc loco progredi potest Componendo, ad determinandam cujuslibet actionis propositæ justitiam vel injustitiam. Jam ex iis quæ diximus manifestum est Methodum Philosophandi iis qui simpliciter Scientiam quærent, nulla certa quæstione proposita, partim Analyticam, partim Syntheticam esse, Nimirum à sensibus ad inventionem Principiorum, Analyticam esse, Cætera Syntheticam.

8. Quærentibus Phænomeni vel effectus alicujus certi & propositi causam aliquando accidit, ut utrum ea res cujus causam quærimus, materia sit, sive corpus, an corporis accidens aliquod, ignoretur. Nam etsi in Geometria ubi quæritur causa magnitudinis, vel propor-

proportionis vel figuræ, certò sciamus, eas res nempe magnitudinem, proportionem & figuram esse accidentia. In Physica tamen ubi de phantasmatum sensibilibus causis agitur, quæ pro ipsis rebus quorum sunt Phantasmata sese offerunt plerisque imponunt, non ita facilis est dijudicatio. Præsertim verò in Phantasmatis visionis; exempli causa, qui solem intuetur existit illi idea quædam splendida magnitudinis quasi, (per diametrum) unius pedis; atque id ipsum appellat ille solem, etiam si solem revera multo majorem esse sciat, similiter Phantasma videtur aliquando à longinquo quidem rotundum, in proximo verò quadratum. Itaque dubitari merito potest, utrum Phantasma illud materia si-
ve corpus aliquod naturale sit, an vero corporis accidens aliquod. Hujus quæstionis examinandæ Methodus talis est. Materiæ & accidentis proprietates, quas à definitionibus eorum, Methodo Synthetica, priùs invenimus, comparandæ sunt, cum ipsa Idea; & siquidem Ideæ conveniant corporis si-
ve materiæ proprietates, ipsa corpus est, si non conveniunt accidens est, siquidem ergo materia neque fieri, neque perire, neque augeri aut minui, neque loco moveri nostrâ operâ possit; Idea autem illa oriatur, destruat, augeatur, minuatur, moveatur nostro arbitrio, certum est materiam non esse, sed accidens. Est ergo Methodus ista Synthetica.

9. Quod si de Accidentis cogniti subjecto quæstio sit, id quod dubitari aliquando potest, ut in præcedente exemplo, splendor ille & magnitudo apparens solis in quo subjecto sit dubitari potest, inquisitio erit hujusmodi; primò dividetur materia universa in partes, utpote in objectum, medium, & ipsum sentiens, vel aliqua divisione quæ ad rem propositam maximè videbitur accommodata; deinde singulæ partes excutientur secundum subjecti definitionem; ea autem quæ accidentis illius capacia non sunt rejicienda sunt, Verbi gratia, si Sol ratiocinatione aliqua verà, inveniatur major quàm magnitudo apparens, magnitudo illa in sole non est, si Sol est in una certa linea recta, & in una distantia certa, magnitudo autem & splendor visus sit in pluribus distantis & lineis, ut sit per reflectionem aut refractionem, non erit splendor ille neque apparens illa magnitudo in ipso sole. Itaque corpus Solare non erit splendoris & magnitudinis illius subjectum; & propter easdem rationes rejicietur quoque aer, alique, donec relinquantur nihil, quod splendoris, aut magnitudinis illius subjectum esse possit præter ipsum sentiens. Quæ Methodus quatenus subjectum in partes dividitur, Analytica; quatenus subjecti & accidentis proprietates cum ipso accidente cujus subjectum quærimus comparantur, Synthetica est.

10. Quando vero effectus alicujus propositi causâ investiganda est,

Elem. Philos.

G g g

ante

ante omnia, cogitanda & comprehendenda animo est ejus rei quæ Causa appellatur notio sive Idea perfecta; nimirum quod *Causa est summa sive aggregatum accidentium omnium tam in Agentibus, quam in Patientibus, ad propositum effectum concurrentium, quibus omnibus existentibus effectum non existere, vel quolibet eorum uno absente existere, intelligi non potest.*

Cognito autem, quid causa sit, unumquodque accidens effectum concomitans, vel præcedens quatenus, videbitur ad effectum aliquo modo pertinere sigillatim examinandum est, videndumque, utrum illo non existente propositus effectus existere intelligi possit necne; atque hoc modo ea quæ ad effectum producendum concurrunt, ab iis segregabuntur quæ non concurrunt. Quo facto ea quæ concurrunt congreganda sunt, & consideratio habenda, an iis omnibus simul existentibus, possibile tamen sit intelligere quod propositus effectus non existat. Quod si id concipere non possumus, aggregatum illud causa ejus integra est, aliter non est, sed alia adhuc quærenda & accumulanda sunt. Exempli gratia, si causa luminis quærenda sit, examinamus primò externa, reperimus autem quotiescunque lumen apparet, esse objectum quoddam præcipuum tanquam fons ipsius luminis, sine quo lumen intelligi non potest, itaque ad generationem luminis concurrat primò objectum aliquod. Deinde consideramus Medium, invenimusque quod nisi certo modo dispositum sit, nempe ut sit diaphanum, etsi objectum maneat idem, tolli tamen effectum; concurrat itaque ad luminis generationem mediū diaphaneitas. Tertio observo corpus videntis, reperioque à prava oculorum, cerebri, nervorum, cordis dispositione, id est ab obstructionibus, à stupore, à debilitate, tolli lumen, confert itaque ad causam luminis organorum ad recipiendas externorum impressiones apta dispositio. Rursus ex omnibus iis rebus quæ inhærentia in objecto efficere lumen possunt, sola actio est, (id est, motus aliquis,) quæ manente effectū deesse intelligi non potest; nam ut lucere aliquid possit, non requiritur ut sit tantæ magnitudinis vel talis figuræ, neque etiam ut toto corpore è loco suo egrediatur (nisi forte dicatur id quod in sole vel alio corpore existens causa est luminis, esse lucem; quod quia per lucem nihil aliud intelligitur præter causam luminis inepta exceptio esset tanquam diceretur causam luminis esse, id quod in sole existens lumen efficit) restat ut actio qua lumen generatur sit motus tantum partium ejus; ex quo facile intelligitur quid medium conferat, nempe motus illius continuationem ad oculum, & postremo quid oculus & reliqua organa sentientis contribuant nempe, ejusdem motus continuationem usque ad cor sive sensationis organum ultimum, atque hoc modo conflata erit causa Luminis ex motu continuo ab origine ejus ad originem motus vitalis, cujus quidem motus vitalis à motu illo adveniente

niente mutatio est ipsum lumen. Sed hæc dicta sint pro Exemplo tantum, nam de ipso lumine unde & quomodo generetur, aliàs magisque suo loco dicendum est. Interea manifestum est quod in causarum investigatione partim Methodo Analytica partim Synthetica opus est. Analytica, ad effectus circumstantias sigillatim concipiendas, Synthetica ad ea quæ singulæ per se efficiunt in unum componenda. Tradita jam inveniendi methodo, dicendum restat de methodo docendi, hoc est, de Demonstratione, & demonstrandi mediis.

11. In Methodo inveniendi, usus vocabulorum consistit in eo, ut sint *Notæ*, quibus quæ adinventæ sunt revocari in memoriam possint; nam nisi id fiat, quicquid invenimus perit; neque progredi à Principiis uno aut altero syllogismo longiùs propter imbecillitatem memoriæ possibile est. Exempli gratia, si quis contemplando positum ante oculos ejus aliquod triangulum, inveniret quod anguli ejus omnes simul sumpti, æquales essent duobus angulis rectis, idque rem ipsam tacitè cogitando sine omni verborum tam conceptorum quam prolatorum usu, contingeret illi ut in oblato triangulo altero, priori dissimili, vel etiam in eodem, sed secundum alium situm conspecto, utrum ea proprietas inesset ei necne, ignoraret; & proinde ad singula triangula proposita, quæ multitudine infinita sunt, contemplatio denuò instituenda esset. Id quod per vocabulorum usum (quorum unumquodque universale singularium rerum conceptus denotat infinitarum) necesse non est. Interveniunt tamen inventioni, ut jam dixi, tanquam *Notæ* ad memoriam, non ut verba ad significandum; itaque homo solitarius Philosophus heri sine Magistro potest. Adamus potuit. Sed docere, hoc est demonstrare, supponit duos, orationemque syllogisticam.

12. Quoniam autem docere aliud non est præterquam per propriæ inventionis vestigia animus illius qui docendus est ad inventorum cognitionem perducere, eadem erit Methodus demonstrandi quæ fuerat investigandi, nisi quod pars Methodi prior nempe quæ procedebat à sensu rerum ad Principia Universalia omittenda sit. Illa enim, cum sint Principia, demonstrari non possunt, & cum sint nota naturæ, (ut dictum est supra articulo quinto) explicatione quidem egent, demonstratione non item. Tota igitur demonstrandi Methodus synthetica est, consistens in orationis ordine incipientis à propositionibus primis sive Universalissimis per se intellectis, & per propositionum in syllogismos perpetuam compositionem procedentis, donec à discente intellecta sit Conclusionis quæsitæ veritas.

13. Principia autem illa, solæ Definitiones sunt, quarum duo sunt genera, alia enim sunt eorum vocabulorum, quæ res significant quarum

causa aliqua intelligi potest; alia eorum quæ res significant quarum causa intelligi non potest. Prioris generis sunt corpus live materia, quantitas live extensio, motus simpliciter, denique quæ omni materiæ insunt. Secundi generis sunt corpus tale, motus talis & tantus, magnitudo tanta, talis figura, aliaque omnia quibus unum corpus ab alio distingui potest. Prioris Generis nomina satis definiuntur si oratione quantum fieri potest brevissimâ, earum rerum, quarum illa nomina sunt, claræ & perfectæ ideæ live conceptus in animo audientis excitentur. Veluti si motum definiamus esse loci unius derelictionem, & alterius acquisitionem continuam. Nam etsi neque movens ullum neque causâ motûs in definitione illa reperiatur, tamen ex audita oratione illa, Idea motûs animo satis clarè obversabitur. Nomina autem rerum quæ causam habere posse intelliguntur, in definitione habere debent ipsam causam live modum generationis, veluti cum circulum definimus esse figuram natam ex circumlatione lineæ rectæ in plano, &c. Præter definitiones, alia propositio nulla dicenda Prima est, neque ergo sipauld severius agere volumus in numerum Principiorum ascribenda est; Nam Axiomata quæ habentur apud Euclidem, quia demonstrari possunt, Principia demonstrandi non sunt, quamquam quia demonstratione non egent, omnium consensu Principiorum auctoritatem assequuta sunt. Deinde ea quæ Postulata & Petitiones appellantur, Principia quidem reverâ sunt, non tamen demonstrationis, sed constructionis, id est, non scientiæ, sed potentiæ; sive quod idem est, non Theorematum, quæ sunt speculationes, sed Problematum, quæ ad praxim & opus aliquod faciendum pertinent. Illa verò recepta vulgo dogmata, qualia sunt, *Natura abhorret vacuum*, *Natura nihil frustra facit*, & similia, neque per se cognita, neque aliunde demonstrabilia, & sæpius falsa quam vera multo minus pro Principiis habenda sunt.

Sed ut revertar ad Definitiones, ratio quare illa quæ causam & generationem habent per causam & generationem definienda esse dico, hæc est; Finis demonstrandi est causarum & generationis rerum scientia, quæ si non habetur in Definitionibus, haberi non potest in Conclusionem Syllogismi illius qui ex definitionibus existit primus; & siquidem in Conclusionem prima, non reperiatur, neque in ulla Conclusionem reperietur ulteriore, itaque nulla unquam existet Scientia, id quod est contra demonstratoris scopum & consilium.

14 Definitiones autem ut quas Principia live propositiones primas esse modo diximus, orationes sunt, & quia adhibitæ sunt ad excitandam in animo discantis alicujus rei ideam, si quod ei rei nomen aliquod impositum sit, non potest definitio aliud esse quam illius nominis per orationem.

tionem explicatio. Siquidem autem nomen impositum sit propter conceptum Compositum, non aliud est Definitio quam nominis illius in partes suas Universaliores resolutio, ut quando definimus hominem, dicendo *Homo est corpus animatum sentiens rationale*. Nomina illa Corpus animatum, &c. Partes sunt totius hujus nominis *Homo*; unde fit ut hujusmodi definitiones semper constent ex genere & differentia, ita ut priora nomina omnia præter ultimum pro genere, ultimum autem pro differentia sit. Quod si nomen aliquod Universalissimum in suo genere sit, definitio ejus constare ex genere & differentia non potest; Sed fieri debet per circumloquutionem quamlibet; modo ea ad vim nominis explicandam maxime sit Idonea. Rursus fieri potest, & sæpe evenit, ut conjuncta sint genus & differentia, ita tamen ut definitionem non faciant, ut hæ voces linea recta continent genus & differentiam, non tamen est definitio, nisi putemus lineam rectam ita definiri, Linea recta est linea recta; attamen si esset una aliqua vox ab ambabus illis diversa quæ idem significaret quod illæ ambæ, tunc hujus unius vocis, essent illæ duæ voces definitio. Ex iis quæ dicta sunt Definitio ipsa quomodo definienda sit intelligi potest, nempe quod sit propositio, cujus prædicatum est subjecti resolutivum, ubi fieri potest, ubi non potest, exemplativum.

15. Proprietates definitionis sunt:

1. Quod tollit æquivocum, adeoque omnem illam distinctionum multitudinem quibus utuntur ii qui Philosophiam acquiri posse putant disputationibus. Nam natura definitionis est ut definiat, id est, determinet nominis definiti significationem, eamque abscindat ab omni alia significatione quam quæ in definitione continetur; & propterea distinctionum quotquot esse possunt circa definitum una definitio omnium locum obrinet.

2. Quod exhibet definiti notionem Universalem, adeo ut pictura quædam sit Universalis, non ad oculum, sed ad animum. Nam ut qui hominem pingit imaginem efficit hominis hujus, sic qui nomen *Homo* definit imaginem efficit hominis alicujus.

3. Quod, de Definitionibus an sint admittendæ necne, non sit necesse disputare. Quoniam enim inter docentem & discipulum sola res agitur, si discipulus intelligit definiti partes omnes in definitione resolutas, & tamen definitionem admittere nolit, Controversia jam tunc finitur, idem enim est ac si doceri noller. Quod si non intelligit, definitio sine controversia inepta est, propterea quod definitionis natura in eo consistit ut ideam rei clare exhibeat; Principia enim per se nota sunt, aut Principia non sunt.

4. Quod Definitiones in Philosophia priores sunt nominibus de-

finitis, Philosophiæ enim docendæ initium est à definitionibus, & progressus ejus ad scientiam compositi compositivus est, cum itaque definitio sit nominis Compositi per resolutionem explicatio, & processus sit à resolutis ad composita, prius intelligendæ sunt definitiones quam nomina composita, imo nominibus partium in oratione explicatis, non est necesse ut sit nomen ex iis compositum. Exempli gratia, cognitis nominibus his, *æquilaterum*, *quadrilaterum*, *Rectangulum*, non erat Geometriæ necessarium, ut omnino esset Nomen hoc quadratum; nomina enim definita in Philosophia brevitas causâ tantum adhibentur.

5. Quod nomina composita quæ in Philosophiâ una aliqua parte definiuntur, possint in alia parte aliter definiri; sicut Parabolæ & Hyperbolæ, alia est in Geometria, alia in Rhetorica definitio; institutæ enim sunt & inserviunt definitiones certæ alicui doctrinæ; siquidem ergo definitio, in una Philosophiæ parte, nomen aliquod quod videbitur ad Geometrica brevius tradenda idoneum inducat, potest quoque in aliis Philosophiæ partibus idem eodem jure facere; nominum enim usus privatus, atque (etiam inter plures consentientes) arbitrarius est.

6. Quod Nomen nullum per unum vocabulum definitur. Propterea quod unum vocabulum, unius aut plurium vocabulorum resolutivum esse non potest.

7. Quod Nomen definitum repeti in definitione non debet; Nam definitum est totum Compositum, definitio vero compositi, in partes resolutio, totum autem sui ipsius pars esse non potest.

16. Definitiones duæ quælibet, quæ componi possunt in Syllogismum, producant Conclusionem, quæ quia à Principiis, id est à definitionibus, derivatur *Demonstrata*, & ipsa derivatio sive compositio *Demonstratio* dicitur. Similiter si ex duabus propositionibus, quarum una est Definitio, altera Conclusio demonstrata, Syllogismus fiat, vel quarum neutra est definitio, sed utraque prius demonstrata, ille Syllogismus quoque Demonstratio dicitur, & sic deinceps. Demonstrationis igitur definitio hujusmodi erit. *Demonstratio est Syllogismus vel syllogismorum series à nominum Definitionibus usque ad Conclusionem ultimam derivata*. Ex quo intelligitur omnem ratiocinationem legitimam, quæ initium habet in Principiis veris, esse scientificam, & veram demonstrationem. Nam quod ad originem nominis attinet, etsi Græci *Ἀποδείξις*, quam Latini ad verbum vertentes Demonstrationem appellaverunt pro ea ratiocinatione sola usurparunt, in qua descriptis certis lineis & figuris rem probandam quasi ante oculos posuere, quod propriè est *ὑποδείξις*, sive monstrare, tamen ita fecisse ob eam causam videntur, quia præterquam in Geometria (in qua fere sola hujusmodi figuris locus est) circa alias res ratiocinationem certam

certam & scientificam nullam, sed omnia controversiis clamoribusque plena esse animadvertissent; idque non propterea quod sine figuris veritas quam prætendebant apparere non poterat, sed quia nulla posuerant ratiocinationis suæ legitima Principia, Quapropter nulla est ratio quin præpositis definitionibus in quocunque doctrinæ genere, veræ possint esse demonstrationes.

17. Proprium ergo Demonstrationis Methodicæ est.

1. Ut omnis rationis series sit legitima, hoc est secundum Syllogismorum leges supra traditas.

2. Ut singulorum Syllogismorum Præmissæ priùs demonstratæ sint usque à definitionibus primis.

3. Ut procedatur post definitiones eadem Methodo qua qui docet, ipsa quæque invenerat; Nempe ut primo demonstrantur ea quæ sunt definitionibus maxime Universalibus proxima (in quo continetur pars Philosophiæ illa quæ Philosophia Prima dicitur) Deinde ea quæ demonstrari possunt per motum simpliciter (in quo consistit Geometria) post Geometriam, ea quæ doceri possunt per actionem manifestam, id est, per impulsionem & tractionem. Inde ad motum partium invisibilem, sive mutationem, & ad doctrinam sensuum imaginationisque descendendum est, & ad animalium passiones internas, præsertim vero hominis, in quibus continentur fundamenta prima Officiorum sive doctrinæ civilis quæ locum tenet ultimum. Quod autem doctrinæ Universæ ordo is quem dixi esse debeat, ex eo cognosci potest; quod quæ posteriore loco docenda esse dicimus, nisi iis cognitis quæ priore loco tractanda proponuntur, demonstrari non possunt; cujus Methodi exemplum aliud afferri nequit præter ipsam Elementorum Philosophiæ, quam proximo capite aggredimur, & per totum librum persequimur tractationem.

18. Præter paralogismos qui contingunt propter falsitatem præmissarum, vel vitium compositionis, de quibus dictum est Capite præcedente, duo præterea sunt & ii proprii demonstrationum *Petio Principii*, & *Causa falsa* quæ non modo discipulum rudem, sed etiam magistrum aliquando fallunt, faciuntque ut quod demonstratum esse putant, demonstratum non sit. *Principium* autem *Petere* dicuntur qui Conclusionem probandam, aliis verbis enuntiatam pro Definitione ponunt, id est, pro Principio demonstrandi; itaque ponentes pro causa rei quæsitæ, ipsam rem, sive effectum, faciunt in demonstrando circulum; ut qui demonstrare vellet (exempli causa) quod Terra stet immobilis in Centro Universi, & causam ejus rei supponat gravitatem, eamque definat qualitatem esse qua corpus grave tendit ad Centrum Universi, frustra laborabit; quæritur enim quænam sit causa quod qualitas illa terræ insit; & propterea

pterea qui gravitatem causatur ipsam rem pro sui ipsius Causa ponit.

Causæ falsæ exemplum in tractatu quodam hujusmodi invenio. Demonstrandum erat Terram moveri. Incipit ergo ab hoc, quod cum Terra & Sol situm inter se eundem non servant, necesse sit alterutrum moveri localiter; quod est, verum, deinde quod vapores quos Sol è terra marique elevat, propter motum hunc necessario moventur, quod verum est quoque; inde infert nasci ventos, etiam hoc concedi debet; ab his ventis moveri inquit aquas marinas, illarum autem motu fundum maris quasi flagellatum se convertere. Demus etiam hoc, concludet ergo necessario Terram moveri. Paralogismus tamen est; nam si ventus ille causa fuit quare terra ab initio circummageretur, & motus vel Solis, vel Terræ fuerit causa illius venti, erat motus vel Solis vel Terræ ante ipsum ventum; si ante ventum natum Terra mota esset, tum ventus ille revolutionis Terræ causa esse non potuit, sin stante Terra, motus erat Sol, manifestum est vento illo existente Terram potuisse non moveri, non est ergo motus illius causa illa quam proposuit. Sed hujus generis in scriptoribus Physicis paralogismi passim occurrunt permulti, quamquam hoc ipso quem adduxi in exemplum elaboratior esse nullus potest.

19. Videri alicui potest ad hunc locum de Methodo pertinere artem illam Geometrarum quam vocant Logisticam, id est, per quam à suppositione quæsitum tanquam veri, ratiocinando incidunt vel in cognita ex quibus quælitum veritatem demonstrare possunt, vel in impossibilia ex quibus intelligi potest id quod supponitur esse falsum. Verum ea ars hoc loco explicari non potest. Cujus rei causa est, quod Methodus illa nisi ab iis qui in Geometria versati sunt, neque exerceri, neque intelligi potest; ipsis autem Geometris quanto quisque plura præsentioraque habet Theoremata, tanto magis Logistica uti potest, adeo ut ab ipsa Geometria realiter distincta non sit; habet enim ea Methodus tres partes, quarum prima est inter Incognita & Cognita inventio æqualitatis, quam vocant æquationem, æquatio autem illa inveniri non potest nisi ab iis qui proportionis naturam proprietates & transpositiones, linearum & superficierum additionem, subtractionem, multiplicationem, divisionem, radicumque extractionem in promptu habent, id quod jam Geometræ non mediocris est. Secunda est, ut ex æquatione inventa judicare possint, an ex ea, quæstionis veritas vel falsitas erui possit necne; id quod majoris adhuc Scientiæ est. Tertia, ut æquatione inventa quæ ad quæstionis solutionem sit Idonea, eam ita resolvere ut veritas vel falsitas ejus fiat manifesta, id quod in quæstionibus difficilioribus sine cognitione naturæ figurarum Curvilinearum fieri non potest. Curvilinearum autem naturam & proprietates in promptu habere, Geometria summa est. Accidit præterea quod

quod in æquationibus inveniendis nulla est Methodus, sed tantum quique valet quantum solertia præstat naturali.

PHILOSOPHIA PRIMA.

CAPUT VII.

De Loco & Tempore.

1. *Res non existentes nominibus suis intelligibiles & computabiles esse.* 2. *Quid sit spatium.* 3. *Tempus.* 4. *Pars.* 5. *Dividere.* 6. *Vnum.* 7. *Numerus.* 8. *Componere.* 9. *Totum.* 10. *Spatia & Tempora contigua, & continua.* 11. *Principium, Finis, Via, Finitum, Infinitum.* 12. *Potentia infinitum quid; nullum Infinitum, aut Totum, aut Vnum dici posse; Nec Spatia aut Tempora infinita plura.* 13. *Non dari minimum divisibile.*

1. **D**Octrinæ naturalis Exordium, optimè (ut supra ostensum est) à Privatione, id est, à *ficta universi sublatione* capiemus. Supposita autem tali rerum annihilatione, quæret fortasse aliquis, quid reliquum esset, de quo Homo aliquis (quem ab hoc Universo rerum interitu unicum excipimus) Philosophari vel omnino ratiocinari vel cui rei nomen aliquod ratiocinandi causa imponere posset.

Dico igitur, remansuras illi homini, mundi & corporum omnium quæ ante sublationem eorum, oculis aspexerat, vel aliis sensibus perceperat, ideas, id est memoriam imaginationemque magnitudinum, motuum, sonorum, colorum, &c. atque etiam eorum ordinis & partium; quæ omnia *etsi Ideæ tantum & Phantasmata sint*, ipsi imaginanti internè accidentia, nihilominus tanquam externa, & à virtute animi minime dependentia *apparitura esse*. His itaque nomina imponderet, hæc subtraheret & componeret. Cum enim cæteris rebus destructis manere tamen hominem illum, nimirum cogitare, imaginari, & meminisse supposuerimus, aliud quod cogitet præterquam quæ præterita sunt, nihil est; Imò verò si ad ea quæ ratiocinando facimus animum diligenter adverterimus, ne stantibus quidem rebus aliud computamus, quàm Phantasmata nostra; non enim si cœli aut terræ magnitudines, motusque computamus, in cœlum ascendimus, ut ipsum in partes dividamus aut motus ejus mensuremus, sed quieti in musæo vel in tenebris id facimus. Possunt autem considerari, id est in rationes venire duplici nomine, nimirum ut accidentia animi interna, quemadmodum considerantur quando agitur de facultatibus animi, vel ut species rerum externarum, id est, tanquam non existentes, sed existere sive extra stare apparentes, quo modo nunc considerata sunt.

2. Iam si meminerimus, seu Phantasma habuerimus alicujus rei quæ extiterat ante suppositam rerum externarum sublationem, nec considerare velimus qualis ea res erat, sed simpliciter quod erat extra animum, habemus id quod appellamus *Spatium*, imaginarium quidem, quia merum Phantasma, sed tamen illud ipsum quod ab omnibus sic appellatur. Nemo enim spatium ideo esse dicit, quod occupatum jam sit, sed quod occupari possit; aut corpora loca sua secum absportare putant, sed in eodem spatio modo unum, modo aliud contineri; id quod fieri non posset, si spatium corpus quod in eo semel est semper comitaretur. Est autem adeo hoc manifestum ut ne explicatu quidem dignum existimarem, nisi viderem Philosophos ex falsa spatii definitione alium quidem inferre statim, mundum esse infinitum; dum enim *spatium*, ipsorum corporum extensionem concipit semper esse posse ulteriorem, corpora ipsa infinite extendi vult. Alium autem rursus ex eadem definitione, plures uno mundo creare etiam Deo impossibile esse temerè concludere; Nam si creandus inquit esset alius mundus cum extra hunc mundum nihil sit, neque ergo (ex ejus definitione) ullum spatium, ponendus esset mundus in nihilo; in nihilo autem nihil, inquit, poni potest; quare autem aliquid poni in nihilo non possit, non docet. Imo verò, ubi aliquid jam est, nihil amplius poni potest, tanto vacuum pleno ad nova corpora recipienda accommodatius est. Horum igitur & eorum qui his assentiunt gratia dicta hæc sint. Reverfus itaque ad institutum, Spatii definitionem hanc esse dico, *Spatium est Phantasma rei existentis, quatenus existentis*, id est, nullo alio ejus rei accidente considerato præterquam quod apparet extra imaginantem.

3. Sicut corpus suæ magnitudinis ita quoque corpus motum motus sui Phantasma in animo relinquit, nimirum ideam corporis, nunc per hoc, nunc per aliud spatium continua successione transeuntis. Est autem talis idea sive Phantasma, id quod neque à communi hominum sermone, neque multum à definitione discedens Aristotelis, appello, *Tempus*. Nam quum confiteantur Annum, esse *Tempus*, & tamen Annum alicujus corporis accidens aut affectum, aut modum esse non putent, necesse est ut confiteantur esse eum non in ipsis rebus sed in animi cogitatione reperiendum; quumque de majorum suorum temporibus loquuntur, an existimant extinctis majoribus suis, tempora eorum alibi esse posse, quam in memoria recordantium? qui vero dies, annos, menses, dicunt esse ipsos Solis Lunæque motus; cum quod ad motum attinet, *Præterisse* idem sit quod perire, & *fore* idem quod nondum esse, dicunt id quod non volunt, nullum tempus omnino esse, nec fuisse, nec fore, de quo enim dici potest *fuit*, vel *erit*, dici quoque aut olim potuit aut mox poterit, *est*. Ubi igitur est dies, mensis,

mensis, vel annus, nisi sint hæc nomina computationum in animo facturum? Est igitur *Tempus Phantasma*; sed *Phantasma motus*; cum enim, quibus momentis tempus labatur cognoscere volumus, adhibemus motum aliquem, ut solis, vel Automati, aut Clepsydræ, vel lineam signamus super quam aliquid ferri imaginabimur; alio autem modo tempus nullum apparet. Nec tamen si dicamus, *Tempus esse Phantasma motus*, sufficiet hoc ad definitionem; nam hac voce *Tempus*, notamus prius & posterius, sive successionem corporis moti, quatenus existentis primò hic, deinde illic. Tota ergo definitio Temporis talis est, *Tempus est Phantasma motus quatenus in motu imaginatur prius & posterius, sive successionem*; quæ convenit cum definitione Aristotelica, *Tempus est numerus motus secundum prius & posterius*. Est enim ea numeratio, actus animi, ideoque idem est dicere, *Tempus est numerus motus secundum prius & posterius*, & *Tempus est Phantasma motus numerari*, illud autem *Tempus est mensura motus* non ita rectè dicitur, nam Tempus per motum non autem motum per tempus mensuramus.

4. Spatium Spatii & Tempus Temporis *pars* vocatur, quando illud in hoc, & præterea aliud continetur. Ex quo colligitur *Partem* non rectè quicquam appellari, nisi comparatum cum alio in quo ipsum continetur.

5. *Partes ergo facere*, seu *Partiri*, seu *dividere* Spatium aut Tempus, nihil aliud est, quàm in ipso aliud atque aliud considerare. Itaque si quis *dividat* spatium aut tempus tot habet diversos conceptus quot partes facit, & adhuc unum amplius; nam primus conceptus erit ipsius dividendi, deinde partis ejus, & deinde partis alterius, & sic perpetuò quoad dividere ulterius perget.

Notandum autem est, per Divisionem hoc loco; non intelligi unius spatii vel temporis ab altero distractionem, sive divulsionem (quis enim Spatiorum vel Temporum partes, puta Hemisphærium ab Hemisphærio, vel horam primam à secunda dirimi posse putat) sed diversam considerationem, ut sit *divisio non manuum, sed mentis opus*.

6. Spatium vel Tempus quando consideratur inter spatia sive tempora alia, *unum* dicitur; videlicet, *unum ex illis*; nisi enim Spatium spatio, Tempus tempori, aliud alii, adjici vel adimi possit, sufficeret dicere Spatium, vel Tempus simpliciter, essetque superfluum dicere Spatium *unum* aut Tempus *unum* si aliud esse intelligi non posset. Quod vulgo definiunt *unum esse quod est indivisum*, obnoxium est absurde cuidam consequentiæ, Inferretur enim id quod divisum est esse Plura, id est, omne *Divisum esse Divisa*, quod ineptum est.

7. *Numerus* est unum & unum, vel unum, unum & unum, & sic deinceps;

ceps; nimirum Unum & unum, numerus Binarius, unum unum & unum Ternarius, & similiter de cæteris numeris; quod idem est ac si diceremus numerus est Unitates.

8. *Componere* Spatium ex spatiis, vel Tempus ex temporibus, est primò unum post aliud, deinde omnia simul, ut unum, considerare; Ut si quis numeret primò seorsim caput, pedes, brachia, bustum, deinde pro omnibus simul in rationes ponat Hominem. Quod autem pro omnibus ex quibus constat, sic ponitur, vocatur *Totum*, & illa singula quando ex totius divisione rursus seorsim considerantur partes ejus sunt. Itaque *Totum & omnes partes* simul sumptæ, idem omnino sunt; ut autem in divisione monuimus non opus esse ut partes divellantur, ita in compositione intelligendum est, non necesse esse ad faciendum totum ut partes sibi invicem admoveantur, & se mutuo contingant, sed ut mente tantum in unam summam colligantur. Sunt enim omnes homines simul considerati Totum genus humanum et si & temporibus & locis dispersi sint; & duodecim horæ componuntur in unum numerum duodenarium, et si sint diversorum dierum horæ.

9. His intellectis manifestum est, Totum nihil rectè appellari quod non intelligatur ex partibus componi, & in partes dividi posse; ideoque si quid negaverimus dividi posse, & habere partes, negamus idem esse Totum; Exempli gratia, si animam negamus habere posse partes, negamus quoque animam ullam esse totam. Manifestum etiam est nihil habere partem antequàm dividatur, & cum divisa sit, tot solummodo ejus partes esse, quoties sit divisum; Item partem partis, esse partem totius; nam & pars quaternarii puta binarius, pars est octonarii. Nam quaternarius ex binario, & binario, octonarius autem ex binario binario, & quaternario componitur; & proinde binarius qui pars erat partis, scilicet quaternarii, pars rursus est totius octonarii.

10. Duo spatia inter se *Contigua* dicuntur inter quæ aliud spatium nul-

lum est. Duo autem Tempora inter quæ nullum intercedit Tempus inter se *immediata* appellantur ut A B. B C. *Continua* autem inter se tum spatia, tum Tempora Duo dicuntur quorum est aliqua pars communis.

A B C D, ut A C. B D. quorum est pars communis B C.

Plura autem pluribus continua sunt quorum duo quælibet proxima sunt continua.

11. Partium ea quæ inter duas partes alias intercipitur *Media*, quæ vero non est posita inter duas alias partes *Extrema* appellatur. Extrema
marum

marum autem quæ prior numeratur *Principium*, quæ posterior, *Finis*; mediæ vero omnes simul sumptæ, *Via* est. *Extremæ* autem *Partes*, & *Termini* idem sunt. Constat ex his *Principium* & *Finem* à nostræ numerationis ordine dependere; & *Spatium* vel *Tempus* *Finire*, sive *Terminare* idem esse quod imaginari *Principium* ejus & *Finem*; atque unumquodque *Finitum* vel *Infinitum* prout nos illius terminos undiquaque imaginati sumus. Numeri autem termini, unitates sunt, illa scilicet, unde numerare incipimus, *Principium*, illa vero in qua definimus *Finis*. Numerus autem infinitus dicitur, qui quis sit non sit dictum; nam si dictus sit binarius, ternarius, millenarius, &c. semper finitus est; Sed cum nihil sit dictum præterquam *numerus est infinitus*, intelligendum est idem dictum esse ac si diceretur nomen hoc *Numerus* esse nomen *Indefinitum*.

12. *Potentia* autem *Finitum*, id est, *Terminabile* dicitur *Spatium* vel *Tempus*, quando numerus spatiorum vel temporum finitorum, puta passuum vel horarum, assignari potest, quo major numerus eorundem in eo spatio vel tempore esse non potest. *Potentia* autem *infinitum* est, in quo major numerus dictorum passuum vel horarum dari potest, quam quilibet numerus qui sit datus. Notandum autem est, etsi in eo spatio vel tempore quod potentia infinitum est, numerari possunt plures passus vel horæ quocunque numero qui assignari potest, numerum tamen illum semper finitum fore, omnis enim numerus finitus est. Non ergo recte ratiocinatus est is qui mundum finitum esse probare volens, hoc modo ratiocinatus est; Si mundus sit infinitus, tum potest in eo sumi aliqua pars quæ à robis distat infinito numero passuum, sed hujusmodi pars nulla sumi potest, ergo mundus non est infinitus; Nam consequentia illa majoris propositionis falsa est; quicquid enim in spatio licet infinito sumimus, sive animo designamus, id finito spatio à nobis distabit, nam eo ipso quod designamus locum ejus, facimus ibi spatii finem cujus *Principium* ipsi sumus, & quicquid ab infinito utrinque animo abscindimus finimus, id est finitum facimus.

De spatio & Tempore interminabili, dici non potest quod sit *Totum* aut *Unum*; non *Totum*, quia ex nullis partibus componi potest; *Partes* enim quotcunque, cum singulæ sint finitæ, etiam simul sumptæ facient *Totum* finitum. Non *Unum*, quia *unum* non dicitur nisi ut comparatum ad aliud; duo autem infinita spatia, vel duo tempora infinita esse, intelligi non potest. Denique cum quæritur an mundus sit finitus an infinitus, nihil in animo est sub voce *Mundus*, quicquid enim imaginamur, eo ipso finitum est sive ad stellas fixas sive ad sphaeram nonam, decimam, vel denique millesimam computemus. Quæritur hoc solum, an quantum nos spatium spatio addere possumus, tantum Deus corpus corpori actu adjunxerit.

13. Itaque quod dici solet Spatium & Tempus dividi posse in infinitum, non ita accipiendum est, ac si fieret aliqua infinita live æterna divisio, sensus ejus dicti, melius explicatur hoc modo, *Quicquid dividitur dividitur in partes rursus divisibiles*; vel sic, *non datur minimum divisibile*, vel, ut Geometræ plerique enuntiant, *quavis quantitate data sumi posse minorem*, id quod facile demonstrari potest sic. Nam divisum sit datum spatium vel tempus quodlibet (quod putabatur esse minimum divisibile) in duas partes æquales A & B, dico utramvis partem puta A posse rursus dividi; supponatur enim partem A contiguam esse hinc quidem parti B, illinc vero alteri spatio quod sit ipsi B æquale, totum ergo hoc spatium (quod dato majus est) divisibile quoque est. Eo ergo diviso in duo æqualia, etiam A quod in medio est in duo æqualia dividetur, erat ergo A divisibile.

C A P U T VIII.

De Corpore & Accidente.

1. *Definitio Corporis.* 2. *Definitio Accidentis.* 3. *Quomodo intelligatur accidens inesse in subjecto suo.* 4. *Magnitudo quid.* 5. *Quid sit Locus, & locum esse immobilem.* 6. *Quid Plenum & Vacuum.* 7. *Hic, illic, alicubi, quid significant.* 8. *Neque plura corpora in uno loco, neque unum corpus in pluribus locis esse posse.* 9. *Quid sint contiguum & continuum.* 10. *Motus definitio, & motum nisi in tempore non intelligi.* 11. *Quid sit quiescere, & motum fuisse, & motum fore; in omni motu concipi necessario præteritum & futurum.* 12. *Quid sint punctum, linea, superficies & Solidum.* 13. *Quid sit in Corporibus & Magnitudinibus, Æquale, Majus & Minus.* 14. *Unius & ejusdem corporis eandem semper esse magnitudinem.* 15. *Velocitas quid.* 16. *Quid sit in Temporibus Æquale, Majus & Minus.* 17. *Quid sint in velocitate, Æquale, Majus & Minus.* 18. *Quid sit in motu Æquale, Majus & Minus.* 19. *Quod quiescit nisi moveatur ab externo semper quiescet, & quod movetur nisi ab externo impediatu semper movebitur.* 20. *Generari & Perire accidentia, Corpus non uem.* 21. *Accidens non migrare è subjecto.* 22. *Neque moveri.* 23. *Essentia, Forma, & Materia quid.* 24. *Materia prima quid.* 25. *Totum est majus sua parte; cui demonstratum.*

1. **I**n Intellecto jam quid sit Spatium Imaginarium, in quo nihil esse æternum supposuimus, sed meram eorum quæ olim existentia imaginem sui in animo reliquerant privationem; supponamus deinceps aliquid eorum rursus reponi, five creari denuò; necesse ergo est ut creatum illud five

sive repositum, non modo occupet aliquam dicti spatii partem, sive cum ea coincidat & coextendatur, sed etiam esse aliquid, quod ab imaginatione nostra non dependet. Hoc autem ipsum est quod appellari solet, propter Extensionem quidem, *Corpus*; propter independentiam autem à nostra cogitatione *subsistens per se*; & propterea quod extra nos subsistit, *Existens*; denique quia sub spatio imaginario subterni & supponi videtur, ut non sensibus sed ratione tantum aliquid ibi esse intelligatur, *Suppositum & subiectum*. Itaque definitio corporis hujusmodi est, *Corpus est quicquid non dependens à nostra cogitatione cum spatio parte aliqua coincidit vel coextenditur*.

2. Quid autem sit Accidens non tam facile definitione quam exemplis explicari potest. Cogitemus igitur Corpus spatium aliquod occupare sive cum eo coextendi, coextensio illa non est ipsum corpus coextensum; similiter cogitemus corpus idem transferri, illa translatio non est ipsum Corpus translatum; vel cogitemus corpus illud non transferri, illa non translatio seu quies, non est corpus ipsum quiescens. Quid ergo sunt? sunt corporis Accidentia, sed hoc ipsum quærimus *Quid sit Accidens?* in quo quidem quod intelligimus quærimus quod quærendum erat, non quærimus. Quis enim est, qui, dicentem aliquid extendi vel moveri, vel non moveri, non semper & eodem modo intelligit? volunt tamen plerique dici sibi *Accidens esse aliquid*, scilicet partem aliquam rerum naturalium, cum revera pars earum non sit. His ut satisfiat, optimè, quantum fieri potest, respondent illi qui Accidens definiunt esse *modum corporis, juxta quem concipitur*; quod est idem ac si dicerent, *Accidens esse facultatem corporis qua sus conceptum nobis imprimit*; qua definitione etiam non respondeatur ad id quod quæritur, responderetur tamen ad id quod quærendum erat; nimirum unde accidit quod corporis una pars hinc, altera illinc appareat. Sic enim rectè responderetur, propter extensionem, vel unde accidit quod totum Corpus continuo, modo hinc, modo illinc concipitur, & responderetur, Propter motum, vel denique unde accidit ut idem spatium tempore aliquo occupari videatur? ut respondeatur, propterea quod non est motum. Nam si de nomine corporis, id est, de nomine concreto interrogatur, quid est? per definitionem respondendum est, quæritur enim vocis significatio tantum; verum si de nomine abstracto quæritur quid est? quæritur causa quare aliquid hoc vel illo modo appareat? Ut si quæritur quid sit durum, responderetur *Durum est cujus pars non cedit nisi cedente toto*; at si quæritur, durities quid sit? Ostendenda est causa, quare nisi cedente toto, pars non cedit. Definimus igitur *Accidens esse concipiendi corporis modum*.

3. Quod autem Accidens in Corpore inesse dicatur, id non ita accipiendum est, ac si aliquid in corpore contentum esset, tanquam exempli gratia

tia ita rubor inesset sanguini, sicut sanguis in cruentata veste, id est, ut pars in toto; nam sic Accidens esset quoque corpus; Sed sicut magnitudo, vel quies, vel motus est in eo quod magnum est, quod quiescit, vel quod movetur, (quod quo modo intelligendum est unusquisque intelligit) ita etiam omne aliud Accidens inesse subjecto suo intelligi debet. Id quod etiam ab Aristotele explicatum est, non aliter, quam negative, *Videlicet Accidens inesse subjecto non tanquam pars*, sic tamen, *ut sine subjecti interitu abesse possit*. Et recte quidem, nisi quod quædam accidentia abesse à Corpore sine interitu ejus non possunt, nam Corpus sine extensione aut sine figura omnino concipi non potest. Cætera autem accidentia quæ non omnium corporum communia, sed aliquorum propria sunt, ut quiescere, moveri, color, durities, & similia, succedentibus aliis continuo intereunt. Ut tamen corpus intereat nunquam. Quod autem alicui videri possit, non omnia accidentia suis corporibus ita inesse, sicut inest *Extensio*, motus, quies, aut figura; exempli causa colorem, calorem, odorem, virtutem, vitium, & similia, aliter inesse & (ut dicunt) inhærere; Velim eum in præsentia judicium suum de ea re suspendere, & parumpèr expectare, donec ratiocinatione investigatum sit, an hæc ipsa accidentia non sint etiam motus quidam, aut animi imaginantis, aut corporum ipsorum quæ sentiuntur; nam illud explorare, magna pars est Philosophiæ naturalis.

4. Extensio corporis idem est quod magnitudo ejus, sive id quod aliqui vocant *Spatium reale*; magnitudo autem illa non dependet à cogitatione nostra, sicut spatium Imaginarium, hoc enim illius effectus est, magnitudo causa; hoc animi, illa corporis extra animum existentis Accidens est.

5. Spatium autem (qua voce semper intelligo imaginarium) quod cum Corporis cujusunque magnitudine coincidit, illius corporis vocatur *Locus*; tunc autem corpus ipsum *Locatum* dicitur. *Locus* autem à *Magnitudine Locati* differt, primum in eo quod Corpus idem eandem *Magnitudinem* semper retineat, & dum quiescit, & dum movetur, sed dum movetur eundem *locum* non retinet; secundo in eo quod locus corporis cujusunque, tanti & sic figurati Phantasma est, magnitudo autem cujusque corporis est Accidens ejus peculiare; nam unius locati plures esse diversis temporibus loci possunt, plures magnitudines esse non possunt. Tercio in eo quod locus nihil est extra animum, magnitudo nihil intra; denique locus est extensio ficta, magnitudo extensio vera, & Corpus locatum, non est extensio, sed extensum. Præterea *Locus* immobilis est, cum enim quod movetur, à loco ad locum ferri intelligitur, si locus movetur locus etiam à loco ad locum transferretur, unde necesse esset ut loci locus esset, & rursus ejus loci in quo locus est, alius locus, & sic infinitum, quod est perridiculum.

Dum

Dum autem Loci immobilitatem sustinent illi qui naturam ejus in spatio reali collocant, faciunt & ipsi locum esse Phantasma; etsi se id facere non animadvertant. Dicit enim alius locum ideo immobilem dici, quia consideratur ibi spatium in genere. Sed si meminisset, nihil esse Genericum neque Universale præter nomina; facile vidisset spatium illud quod considerari in genere dicit, nihil aliud esse præter cujuslibet corporis tantæ magnitudinis & talis figuræ insidens animo Phantasma, sive memoriam. Alius verò spatium reale immobile fieri dicit, per intellectum; ut si superficiei aquæ currentis cogitemus succedentem aquam semper supponi, illa superficies quæ ita per intellectum sistitur, erit fluminis *Locus immobilis*; quid autem est hoc aliud quam locum facere, ut est, Phantasticum, obscure licet & verbis perplexis?

Postremò, loci natura non in superficie ambientis, sed in solido spatio consistit; locatum enim totum cum Loco toto, & pars cum parte coextenditur; corpus autem locatum cum solidum sit, cum superficie coextendi non est intelligibile; Præterea quomodo moveri potest totum aliud quod Corpus, nisi & singulæ partes simul moveantur? aut quomodo partes interiores moveri nisi locum relinquunt? relinquere autem pars Corporis interior superficiem exterioris sibi contiguæ non potest; unde sequitur, si locus sit superficies ambientis, partes ejus quod movetur, id est, id quod movetur, non moveri.

6. Spatium (sive locus) quod à corpore occupatur *Plenum*, quod non occupatur *Vacuum* appellatur.

7. *Hic, illic, in agro, in urbe*, & similia nomina, quibus respondetur ad quæstionem *ubi est*, nominis loci nomina sunt, nec per se revocant in animum, locum ipsum qui quæritur, nam *Hic & Illic* nisi res digito aliave re simul indicetur, nihil significant; quando verò digito vel alio indice oculus quærentis versus rem quæsitam dirigitur, non definitur locus à respondente, sed à quærente invenitur. Monstrationum autem quæ per solas voces fiunt, ut quando dicitur, *in agro* vel *in urbe* aliæ aliis latiores sunt, ut *in agro, in urbe, in regione urbis, in domo, in cubiculo, in lecto*; Quæ quidem propius semper ad locum proprium quærentem paulatim dirigunt, locum tamen non determinant, sed tantum ad Spatium arctius restringunt, significantque locum rei esse intra Spatium quoddam illis verbis designatum, ut partem in toto. Atque hujusmodi nomina (quibus respondetur ad quæstionem *Ubi*) habent omnia pro summo genere vocem hanc *Alicubi*. Ex quo intelligitur quicquid est alicubi, esse in aliquo loco propriè dicto, qui scilicet locus pars est spatii illius majoris quod aliqua vox illarum *in agro, in urbe*, vel similium significatur.

8. Corpus, & magnitudo, & locus ejus, uno & eodem actu animi dividitur;
Elem. Philos. I i i viditur;

viditur; nam dividere corpus extensum, & extensionem ejus, & ideam extensionis, nempe locum, idem est quod dividere quodlibet eorum, cum sint coincidentia, nec nisi animo, id est per divisionem spatii fieri possit. Ex quo manifestum est neque duo simul corpora in eodem loco, neque unum corpus in duobus simul locis esse posse; non duo corpora in eodem loco, quoniam cum corpus quod totum Spatium occupat dividitur in duo, etiam Spatium ipsum in duo dividitur, sunt ergo duo loca. Non unum corpus in duobus locis, propterea quod spatio quod à corpore occupatur, id est, loco ejus in duo diviso etiam ipsum locatum in duo dividitur (nam, ut diximus, locus & corpus quod in eo est una dividuntur) duo ergo sunt corpora.

9. Corpora etiam duo, *contigua* inter se, & *continua* dicuntur eadem ratione quia duo spatia; nimirum *Contigua sunt, inter quæ nullum est Spatium*. Per Spatium autem intelligimus, ut supra, corporis Ideam sive Phantasma. Itaque etsi inter duo corpora nullum aliud corpus interpositum sit, & per consequens, nulla magnitudo, sive, ut vocant, Spatium reale, si tamen inter ea corpus esse possit, id est, si intercedat Spatium corporis recipiendi capax, non sunt ea corpora contigua; quod ita facile agnosci potest; ut mirarer homines quandoque subtiliter Philosophantes, aliter censere, nisi exploratum haberem plerosque qui subtilitatem quandam metaphysicam affectant, verborum specie tanquam igne fatuo deviare. Quis enim sensu naturali utens, ideo duo corpora necessariò se mutuo tangere putat, quod inter ipsa aliud corpus nullum sit, aut ideo vacuum non dari, quia vacuum est nihil, vel non ens? tanquam quis pueriliter argueret, neminem jejulare posse, quia jejulare est nihil comedere, nihil autem comedi non potest.

Continua autem inter se duo Corpora sunt quorum est pars communis, & plura quorum qualibet duo proxima sunt continua; eodem prorsus modo quo spatia continua supra definivimus.

10. *Motus est continua unius loci relictio & alterius acquisitio*; locus autem qui relinquitur *Terminus à quo*, qui acquiritur *Terminus ad quem* dici solet; Continuum dico, propterea quod corpus quantulumcumque sit, non potest totum simul à toto loco priore ita excedere, ut pars ejus non sit in parte quæ sit utrique loco, nimirum relicto & acquisito communis. Exempli causa, sit corpus quodcumque in loco ABCD, non potest illud pervenire ad locum BDEF, quin prius sit in GHIK, cujus pars GHBD sit communis utrique loco ABCD, & GHIK, & pars BDIK communis utriusque loco GHIK & BDEF.

A	G	B	I	E
	:		:	
	:		:	
C	H	D	K	F

Moveri

Moveri autem aliquid nisi in tempore concipi non potest. Est enim Tempus ex definitione, Phantasma, id est, conceptus motus; itaque concipere moveri aliquid non in tempore esset concipere motum non conceptu motu, quod est impossibile.

11. *Quiescere dicitur quod per aliquod tempus, in eodem est loco, motum autem esse vel fuisse dicitur quod si nunc quiescat sive moveatur, fuit prius in loco alio quam nunc est.* Ex quibus definitionibus, inferitur primo quicquid movetur, motum esse, nam quod movetur si in eodem sit loco quo prius, quiescit, id est, non movetur, per definitionem *Quietis*; si in alio loco est, motum est per definitionem *Moti*. Secundo, *Quod movetur, motum iri adhuc*, nam quod movetur locum ubi est relinquit, itaque alium acquireret, ergo movebitur adhuc. Tertio *quod movetur non esse in uno loco*, per illum tempus quantumvis exiguum; nam per definitionem *Quietis*, quod est in uno loco per aliquod tempus, quiescit.

Est sophisma quoddam contra motum quod nasci videtur ex hujus propositionis ignoratione. Dicunt enim si corpus aliquod movetur, movetur in loco ubi est, vel in loco ubi non est, quorum utrumque falsum est; ergo nihil movetur. Sed falsa est Major, quod enim movetur neque in loco ubi est, neque in loco ubi non est movetur, sed à loco ubi est ad locum ubi non est. Negari non potest quin quicquid movetur alicubi, id est, intra Spatium aliquod moveatur; At locus corporis non est illud Spatium totum sed pars ejus, ut dictum supra est, articulo 7. Ex eo quod quicquid movetur non modo motum esse, sed etiam motum fore demonstravimus, hoc quoque colligendum est, motum non concipi sine conceptu tum præteriti tum futuri.

12. Si Corporis quod movetur magnitudo (etsi semper aliqua sit) nulla consideretur, via per quam transit, *linea* sive *dimensio una & simplex*, dicitur, Spatium autem quod transit *Longitudo*, ipsumque corpus *punctum* appellatur; Eo sensu quo Terra *punctum*, & via ejus annua *linea* Ecclesiasticæ vocari solet. Quod si corpus quod movetur consideretur jam ut *longum*, atque ita moveri supponatur ut singulæ ejus partes singulas lineas conficere intelligantur, via uniuscujusque partis, ejus corporis *Latitudo*, Spatium quod conficitur *Superficies* vocatur, constans ex duplici dimensione *Latitudine & Longitudine*, quarum altera tota ad alterius partes singulas sit applicata.

Rursus si corpus consideretur ut habens jam *Superficiem*, & ita intelligatur moveri ut singulæ ejus partes singulas conficiant lineas, uniuscujusque partis via corporis illius *Crasities* seu *profunditas*, Spatium quod conficitur *Solidum* vocatur, constatum ex dimensionibus tribus quarum quælibet duæ totæ applicantur ad singulas partes tertiæ.

Quod si adhuc corpus aliquod consideretur ut solidum, fieri non potest ut singulae ejus partes singulas describant lineas. Nam quaecunque movebitur, partis posterioris via incidet in viam anterioris, factumque erit solidum idem quod fecisset per se superficies anterior. Alia itaque dimensio corporis quidem ut corpus, praeter praedictas tres nulla esse potest; etsi ut post dicetur, velocitas quae est motus per longitudinem, applicatus ad solidi omnes partes faciat motus magnitudinem ex quatuor constitantem dimensionibus, sicut & bonitas Auri in singulis partibus computata facit pretium ejus.

13. *Corpora inter se aequalia esse dicuntur quae eundem locum possidere possunt.* Potest autem corpus aliquod locum occupare eundem quem aliud corpus occupat quamvis non sit ejusdem figurae, si modo flexione & transpositione Partium in eandem figuram redigi intelligatur.

Majus autem est corpus corpore quando pars illius huic totus est aequalis. Minus autem, quando illud totum parti hujus est aequale. Eadem ratione magnitudo magnitudini aequalis, vel Major vel Minor dicitur; videlicet quando corpora quorum illae sunt magnitudines majora aequalia vel minora sunt.

14. Unius autem & ejusdem corporis una & eadem semper est magnitudo. Cum enim corpus, & magnitudo, & locus ejus, animo comprehendere non possint, nisi ut Coincidentia, si corpus aliquod quiescere, id est, in eodem loco pro tempore remanere intelligatur, sitque magnitudo ejus in una parte temporis illius, Major, in alia, Minor, locus qui idem est, coincidet modo cum majore, modo cum minore magnitudine, id est idem locus, & Major & Minor erit seipso, quod est impossibile. Sed rem ita per se manifestam demonstrare opus non esset, nisi viderem, aliquos ita de corpore & magnitudine ejus, sentire, tanquam idem corpus divulsam à sua magnitudine existere & majore mox vel minore donari posset, & ad Rari & Densi naturam explicandam hoc uti Principio.

15. Motus, quatenus eo, longitudo certa, tempore certo, transmitti potest, appellatur *Velocitas*; Nam etsi *Velox* saepissime dicatur cum relatione ad *Tardus* sive *Minus Velox*, sicut magnum respectu minoris, tamen ut magnitudo apud Philosophos sumitur absolute pro extensione, ita quoque *Velocitas* poni pro motu secundum longitudinem potest absolute.

16. Motus plures temporibus aequalibus absolvi dicimus, quando unusquisque eorum cum motu aliquo alio simul incipit & simul desinit, vel si simul incipisset simul etiam desisset. Tempus enim quod est Phantasma motus non nisi per expositum motum aestimatur. Ut fit in Horologiis per motum Solis, vel Indicis; ubi si duo vel plures motus, cum eo motu simul.

simul incipiunt & desinunt, æqualibus temporibus facti censentur; ex quo etiam quid sit majore tempore sive diutius & minore sive minus diu moveri facile intelligitur; diuturniorem nempe esse qui si una inceperet posterior desisset, vel si una desisset prior inceperet.

17. Æque veloces dicuntur motus quibus transmittuntur longitudines Æquales æqualibus temporibus, velocitas autem Major est qua longitudo major æquali tempore, vel longitudo æqualis minore tempore conficitur. Atque ea velocitas qua æqualibus temporis partibus æquales transeuntur Longitudines, Velocitas sive motus *Uniformis* dicitur; & motuum *non Uniformium* illi qui æqualibus temporis partibus accelerantur, vel retardantur æqualibus semper incrementis vel decrementis dicuntur *uniformiter accelerati*, vel *uniformiter retardati*.

18. Motus autem major & minor & æqualis non dicitur propter solam longitudinem, quæ certo tempore conficitur, id est, propter solam velocitatem, sed propter velocitatem applicatam ad unamquamque magnitudinis particulam; nam quando corpus aliquod movetur, movetur quoque quotalibet pars ejus, puta dimidium; unde motibus dimidiorum existentibus inter se, & motui totius, æque velocibus; motus totius erit æqualis duobus motibus quorum uterque est æque ac ipse velox; itaque aliud est motus duos æquales inter se esse, aliud æque veloces; ut manifestum est in Bigis ubi motus quidem amborum simul equorum, utriusvis motui æque velox est, Major autem amborum quam unius motus est, scilicet ille hujus duplus est, Æquales itaque Motus simpliciter esse dicimus, cum *Unius* velocitas per omnem ejus magnitudinem computata, æqualis est alterius velocitati, per omnem item magnitudinem ejus computata. Major autem motus mori est quando velocitas illius sic, ut dictum est computata, hujus velocitate similiter computata, Major est. Minor vero quando Minor; Præterea motus magnitudo eo quo jam diximus modo computata, id ipsum est quod appellamus vulgo *Vim*.

19. Quod quiescit, semper quiescere intelligitur, nisi sit aliud aliquod corpus præter ipsum, quo supposito, quiescere amplius non possit; supponamus enim corpus aliquod finitum existere, & quiescere, ita ut reliquum omne Spatium intelligatur vacuum; si jam corpus illud cæperit moveri, movebitur sane per aliquam viam, quoniam igitur quicquid in ipso corpore erat disponebat ipsum ad quietem, ratio quare moveatur per hanc viam est extra ipsum, similiter si per aliam viam quamcunque motum esset, ratio quoque motus per illam viam, esset extra ipsum. Cum autem suppositum sit, extra ipsum nihil esse, ratio motus per unam viam eadem esset quæ ratio motus per omnem aliam viam; ergo æque morum esset per omnes vias simul, quod est impossibile.

Similiter quod movetur, semper moveri intelligitur, nisi aliud sit extra ipsum propter quod quiescit; nam si supponamus nihil extra esse, nulla ratio erit quare nunc quiescere debeat potius quam alio tempore; itaque motus ejus in omni simul temporis puncto desineret, quod non est intelligibile.

20. Quando *Generari*, vel *Perire Animal*, Arborem, aliudve corpus nominatim dicimus, etsi ea corpora sint, non tamen intelligendum est, ex non corpore corpus, vel ex corpore fieri non corpus, sed ex Animale non Animal, ex Arbore non Arborem, &c. id est, Accidentia quidem ea propter quæ aliam rem Animal, aliam Arborem, aliam aliter nominamus generari & interire, & proinde nomina illa non amplius ipsis convenire quæ prius conveniebant; Non autem generari aut perire magnitudinem propter quam nominamus aliquid corpus. Etsi enim fingere animo possumus punctum aliquod in molem ingentem intumescere, quæ rursus in punctum se contrahat, hoc est imaginari ex nihilo aliquid, & ex aliquo nihil fieri; quomodo tamen id fieri in rerum natura possit animo comprehendendi non potest. Philosophi igitur quibus à ratione naturali discedere non licet, supponunt corpus generari aut interire non posse; sed tantum sub diversis speciebus aliter atque aliter nobis apparere, & proinde aliter atque aliter nominari, ut quod modo Homo, mox non-Homo, non autem quod modo corpus, mox non-Corpus vocandum sit. Accidentia autem cætera præter magnitudinem sive extensionem omnia generari & interire posse manifestum est, ut quando ex albo fit nigrum, albedo quæ erat amplius non est, & nigredo quæ non erat oritur. Corpora itaque & accidentia sub quibus variè apparent, ita differunt, ut corpora quidem sint res non genitæ, accidentia vero genita sed non res.

21. Quum igitur aliquid aliter atque aliter apparet propter alia atque alia Accidentia, non censendum est Accidens ex uno subjecto in aliud migrare, (non sunt enim, ut diximus supra, in subjectis suis ut pars in toto sive contentum in continente, aut ut pater familias in domo) sed unum interire aliud generari. Exempli gratia, quando manus mota movet calamum, non migrat motus manus in calamum, sic enim currente scriptura manus cessaret, sed motum in calamo generari novum & suum.

22. Neque ergo moveri dicitur Accidens, nisi improprie, ut si pro figura est *Accidens corporis abspoliati*, diceremus *Corpus abspoliati figuram suam*.

23. Accidens autem propter quod corpori alicui certum nomen imponimus, sive Accidens quod subiectum suum denominat, *Essentia* dici solet, ut rationalitas, Hominis; Albedo, Albi; Extensio, corporis dicitur *Essentia*. Eadem Essentia quatenus generata, *Forma* dicitur.

Corpus.

Corpus rursus respectu cujuslibet Accidentis sui, vocatur subiectum. Respectu *Formæ*, *materia* nominatur.

• Item productio vel interitus cujuslibet Accidentis facit ut subiectum ejus *mutari* dicatur, solius vero *Formæ*, ut dicatur generari, vel interire. In omni autem generatione & mutatione nomen materiæ semper manet; nam facta ex ligno mensa, non modo lignea, sed lignum; & statua ex ære tùm ænea tùm æs dicitur. Etsi Aristoteles in Metaphysicis illud quod factum est non *ἐκείνδ* sed *ἐκείνινον*, & ex ligno factum non *ξύλον* sed *ξύλινον*, id est, non lignum sed ligneum appellandum esse censeat.

24. *Materia* autem communis omnium rerum, quam Philosophi, Aristotelem sequuti, vocare solent *Materiam primam*, non est aliquod corpus distinctum à reliquis corporibus, neque verò unum ex illis, quid ergo est? merum nomen; non tamen frustra usurpatum; significat enim, corpus considerari sine consideratione cujuscunque *Formæ* & cujuscunque Accidentis, excepta solummodo magnitudine, siue extensione, & aptitudine ad formam & accidentia recipienda; ita ut si quoties opus est uti hac voce, *Corpus generaliter sumptum*, utamur hac *Materia prima* rectè fecerimus. Nam sicut si quis utra prior extiterit Aqua an Glacies nesciens, quæreretur utra esset ambarum materia, tertiam aliquam materiam quæ illarum neutra esset supponere cogeretur, sic qui materiam quærit omnium rerum, talem supponere debet quæ earum rerum quæ sunt nulla sit; non est igitur materia prima res aliqua; ideoque solent attribuire ipsi, neque formam ullam, neque aliud Accidens præter quantitatem. Cùm tamen omnes res singulares suis formis & certis accidentibus præditæ sint. Est ergo materia prima corpus universale, id est, corpus consideratum universaliter, cujus non est forma nulla, aut Accidens nullum, sed in quo forma & Accidentia præter quantitatem nulla considerantur, id est, in argumentationem non adhibentur.

25. Ex antè dictis demonstrari possunt axiomata ea quæ assumuntur ab Euclide, in Principio primi Elementi circa æqualitatem & inæqualitatem magnitudinum; quorum (cæteris prætermisiss) unum tantum, *Totum esse majus sua parte* hic demonstrabimus, ut sciat lector ea axiomata non esse indemonstrabilia, neque ergo Principia demonstrandi prima, atque ob eam rem, caveat ne quicquam pro Principio admittat quod non sit æquè clarum atque hæc sunt. Definitur *Majus* esse cujus pars est æqualis alteri toti; si jam ponatur totum aliquod A & pars ejus B. quoniam totum B est æquale sibi ipsi, & pars totius A est ipsum B, erit pars ipsius A æqualis toti B; quare per definitionem *Majoris*, A est majus quam B; quod erat probandum.

CAPUT IX.

De Causa & Effectu.

1. *Quid sit Agere & Pati.* 2. *Actio & Passio mediata & immediata.*
3. *Causa simpliciter, Causa sine qua non, sive necessarium per hypothese-
sim quid.* 4. *Causa efficiens, & Materialis quid.* 5. *Causa integra ad
effectum producendum semper est sufficiens. Effectum productum esse eodem in-
stante quo causa sit integra, & effectum omnem habere causam necessariam.*
6. *Generationem effectuum continuam esse. Principium in causatione quid
sit.* 7. *Causam motus non esse nisi in corpore contiguo & moto.* 8. *Agen-
tia & Patientia eadem, diversis temporibus sed similiter disposita, similes ef-
fectus producant.* 9. *Mutationem omnem esse motum.* 10. *Contingentia
quid sint.*

1. **C**Orpus *Agere* dicitur in illud corpus in quo aut Generat Acci-
dens aliquod, aut destruit. Et *Pati* ab eo, à quo in ipso Acci-
dens aliquod Generatur vel destruitur; Ut, corpus quod propellendo
aliud corpus efficit in eo motum, *Agens* vocatur, id vero in quo pulso
generatur motus, *Patiens*; ut ignis calefaciens manum, *Agens*, manus
quæ calefit *Patiens*, dicitur. Accidens quod in Patientie generatur appel-
latur *Effectus*.

2. Quando *Agens* & *Patiens* contigua inter se sunt, *Actio* & *Passio im-
mediata* dicuntur, alioqui *mediata*. Corpus autem quod inter *Agens* &
Patiens medium interjacet, utrique contiguum, & *Agens* est & *Patiens*.
Agens respectu sequentis in quod agit; *Patiens* respectu antecedentis à quo
Patitur. Item si plura corpora ita ordinentur, ut proxima quæque duo sint
contigua, media omnia inter primum & postremum sunt & *Agentia* &
Patientia; primum solummodo *Agit*, postremum solummodo *patitur*.

3. *Agens* autem in patiente effectum suum certum producere intelli-
gitur, pro certo modo seu certo Accidente vel certis Accidentibus quibus
& ipsum & patientis prædita sunt, id est, non propterea quod sunt corpora,
sed quod talia, vel taliter mota; Nam alioqui omnia agentia in omnibus
patientibus similes effectus producerent, cum sint omnia æque corpora.
Itaque verbi causa, ignis non idè calefacit quia Corpus est, sed quia cali-
dum, nec corpus unum aliud pellit, quia corpus est, sed quia movetur in
ejus locum. Causa itaque effectuum omnium in certis consistit Agentium
& Patientis Accidentibus, quæ cum adiunt omnia, Effectus producitur,
si aliquod eorum desit, non producitur. Accidens autem sive Agentis sive
Patientis *Sine quo effectus non potest produci Vocatur causa sine qua non* &
Necessa-

Necessarium per hypothesein; & Requisitum ad Effectum producendum. Causa autem simpliciter sive causa integra est Aggregatum omnium Accidentium tum Agentium quotquot sunt, tum Patientis, quibus omnibus suppositis, intelligi non potest quin Effectus una sit productus, & supposito quod unum eorum desit intelligi non potest quin effectus non sit productus.

4. Accidentium autem requisitorum ad effectum, eorum quæ in Agentibus, vel Agentibus sunt aggregatum, producto effectû, vocatur *Causa* ejus *Efficiens*. Eorum verò quæ in patiente sunt Aggregatum, producto effectû, appellari solet causa materialis; producto inquam, effectû; Ubi enim effectus nullus est, neque causa ulla est, nam causa vocari nihil potest, ubi nihil est quod vocetur effectus; sunt autem causæ efficiens & materialis causæ partiales, sive partes causæ illius quam proximè supra appellavimus Integræ. Est autem ex his statim hoc manifestum, effectum quem expectamus, cum Agentia sint Idonea, tamen propter defectum Idonei patientis, & cum patiens sit Idoneum, tamen propter defectum Agentium Idoneorum, frustrari posse.

5. Causa integra ad producendum effectum suum semper sufficit, modo sit effectus omnino possibilis; Nam quicumque effectus producendus proponatur, si producat manifestum est, causam quæ eum produxit sufficientem fuisse, sin non producat, & tamen possibilis fuerit, palam est defuisse aliquid vel in Agente aliquo, vel in patiente, sine quo produci non potuit, id est, defuisse aliquod Accidens quod erat ad productionem ejus Requisitum. Itaque Causa ea non erat *integra*, contra id quod supponebatur.

Ex quo & hoc sequitur, quo instante causa sit *Integra*, eodem quoque effectum esse productum; nam si non sit productus deest adhuc aliquid ad productionem Requisitum, non erat ergo, ut supponebatur, causa integra.

Et siquidem causa necessaria ea esse definiatur quâ supposita effectus non potest non sequi, Hoc quoque colligetur, Quicumque unquam effectus productus sit, productum esse à causa necessaria. Nam quod productum est eo ipso quod productum est causam habuit integræ, hoc est, omnia ea quibus suppositis effectum non sequi intelligi non possit, ea vero causa necessaria est. Eadem ratione ostendi potest quicumque unquam effectus Futuri sunt, causam necessariam habituros esse, atque hoc modo quæcunque producta vel erunt vel fuerunt, necessitatem suam in rebus antecedentibus habuisse.

6. Ex eo autem quod quo instante causa sit integra, eodem effectus productus est, manifestum etiam est, causationem atque productionem effectum in continuâ quadam progressionem consistere, ita ut pro mutatione continua Agentis vel Agentium, quæ sit ab aliis in ipsa Agentibus,

continuo mutetur quoque patiens in quod ipsa agunt; exempli causa, magis magisque calefcente igne, continuo augmento, effectus quoque ejus, nempe proximorum corporum, & rursus his proximorum calor (magno jam argumento, mutationem in solo motu consistere, quod tamen alias verum esse ostendetur) magis magisque unâ crescit. In hac autem causationis, id est, Actionis & Passionis progressionem si quis partem aliquam imaginatione comprehenderit, eamque diviserit in partes, Prima pars, sive Principium ejus considerari non potest nisi ut actio, sive causa; nam si consideraretur etiam ut effectus vel passio necesse est ut ante eam aliquid aliud consideraretur ut actio & causa ejus, quod fieri non potest; nam ante Principium nihil est; Similiter pars ultima, tantum ut effectus consideratur, Causa enim dici non potest nisi respectu sequentis; sed post ultimum nihil sequitur. Atque hinc est quod in actione *Principium* & *Causa* pro eodem habeantur. Partium autem intermediarum unaquæque & actio & passio, & causa & effectus est, prout cum parte antecedente vel subsequente comparatur.

7. Causa motus, nulla esse potest in corpore nisi contiguo & moto. Sint enim duo corpora quælibet non contigua, inter quæ aut Spatium quod interjacet vacuum sit, aut si plenum, plenum tamen corpore quiescente, propositorum autem corporum unum quiescere supponatur. Dico quieturum semper; nam si movebitur; causa ejus motus per caput 8, articulum 19, erit in corpore externo; si igitur inter ipsum & externum illud, vacuum Spatium sit, possumus concipere, utcumque se habeant corpora externa vel ipsum patiens (modo supponatur nunc quiescere,) quieturum esse quamdiu ab iis non contingitur; cum autem causa (per definitionem) sit aggregatum accidentium omnium quibus suppositis effectum non sequi concipi non potest, Accidentia quæ sunt vel in externis vel in ipso patiente, causa futuri motus non erit, similiter quia concipi potest id quod jam quiescit quieturum adhuc, etiam si ab alio corpore contingatur modo corpus illud non moveatur, non erit causa motus in contiguo corpore quiescente. Itaque causa motus in corpore nulla est, nisi in contiguo & moto.

Eadem ratione probari potest quicquid movetur, eadem viâ & velocitate semper processurum, nisi ab alio contiguo, & moto corpore impediatur, & proinde neque quiescentia neque interposito vacuo ulla corpora motum in alio corpore aut generare, aut extinguere, aut minuere possent. Est qui quæta motis magis resistere scripsit quam ex adverso motu, eo quod quietem quam motum motui magis contrariam esse existimaret; deceptus voce, quod nomina *quies* & *motus* contradictoria sunt; cum tamen quod ad rem attinet, pugnat cum motu motus adversus, quies non pugnat.

8. Quod

8. Quod si corpus unum in aliud agat uno tempore, & deinde idem corpus, in idem corpus alio tempore agat, modo Agens vel quiescat totum & pars ejus unaquæque; vel (si moveatur) eodem modo moveatur & totum, & unaquæque ejus pars sicut antè; & quod de Agente dictum est, idem de patiente intelligatur, ita ut nulla sit differentia nisi in temporibus, id est nisi ut actio una prior tempore, alia posterior sit; Manifestum per se est, effectus fore æquales, similesque; solo tempore diversos. Et sicut ipsi effectus à causis suis oriuntur, ita diversitatem quoque eorum à diversitate causarum dependere.

9. Hoc posito, necesse est ut mutatio aliud non sit præter partium corporis mutati motum. Primum enim mutari nihil dicimus præterquam quod sensibus nostris aliter apparet quam ante apparuit. Secundo, illæ apparentiæ sunt ambæ effectus producti in sentiente; itaque si diversi sunt, necesse est per præcedentem, ut vel Agentis pars aliqua ante quiescens jam moveatur, & sic mutatio consistit in eo motu; vel antè mota, nunc aliter moveatur, & sic quoque consistit mutatio in novo motu, vel antè mota nunc quiescat, quod fieri nisi per motum non posse supra demonstravimus, & ita rursus mutatio motus est, vel denique aliquid horum contingit patienti vel parti ejus, atque ita omni modo mutatio consistet in motu partium ejus corporis quod sentitur, vel ipsius sentientis, vel utriusque. Itaque mutatio *motus* est (nimirum partium Agentis vel patientis) quod erat propositum demonstrare. Huic autem consequens est, quietem nullius rei causam esse, neque omnino per eam quicquam *Agere*, ut quæ neque motus, neque mutationis ullius causa sit.

10. Accidentia respectu Accidentium quæ antecedunt sive tempore priora sunt, si ab illis non dependent, ut à causis, *Contingentia* appellantur; respectu, inquam, eorum à quibus non generantur; nam respectu causarum suarum, omnia æquè necessariò eveniunt; siquidem enim non necessariò evenirent, causas non haberent, quod de rebus generatis intelligi non potest.

C A P U T X.

De Potentia & Actu.

1. *Potentiam & Causam idem esse.* 2. *Quo instante potentia sit plena eodem produci actum.* 3. *Potentiam Activam & Passivam partes tantum esse potentiae plenæ.* 4. *Actus possibilis quando dicitur.* 5. *Actus necessarius & contingens quid.* 6. *Potentiam Activam consistere in motu.* 7. *Causæ Formalis & Finalis quid.*

1. **C**ausæ atque effectui respondent *Potentia & Actus*. Imò verò hæ & illæ eadem sunt res, licet propter diversas considerationes diversis nominibus.

nominiſus appellentur. Quando enim in Agente quopiam omnia inſunt Accidentia, quæ ad effectum aliquem in patiente quopiam producendum neceſſariò ex parte Agentis requiruntur, tum dicimus Agens illud producere illum effectum *poſſe*; ſi modò ad patiẽs applicatum fuerit. Sed eadem Accidentia capite præcedente cauſam conſtituerẽ efficientem indicavimus, eadem igitur Accidentia ſunt quæ cauſam efficientem, & quæ potentiam Agentis, conſtituunt. Itaque *potentia* Agentis, & cauſa efficiens idem ſunt re. Differunt autem conſideratione, *Cauſa* enim dicitur reſpectu effectũs jam *Prod. æti*, *Potentia* verò reſpectu ejusdem effectũs *producendi*; ita ut cauſa *præteritum*, potentia *ſuturum* reſpiciat, potentia autem Agentis *Activa* dici ſolet.

Similiter quoties patienti cuiſpiam omnia inſunt Accidentia quæ ex parte ipſius requiruntur ut effectus aliquis ab Agente quopiam in ipſo producat, dicimus in patiente illo effectum illum produci *poſſe*, ſi modo ad Agens idoneum applicatum fuerit. Sed eadem Accidentia, ut capite præcedente definitum eſt, conſtituunt *Cauſam materialem*. Idem igitur eſt *Potentia Patientis* (quæ & *Potentia paſſiva* vulgo dicitur) & *Cauſa materialis*. Conſideratio tamen diverſa eſt, quia in cauſa *Præteritum*, in potentia *Futurum* reſpicitur. Itaque Potentia tum Agentis tum patientis ſimul ſumpta, quam Potentiam *integram* vel *plenam* appellare licet, idem eſt quod cauſa integra, nam utraque conſiſtit in aggregato omnium ſimul accidentium quæ ad effectum producendum tum in Agente tum in patiente requiruntur. Denique ſicut Accidens quod productum eſt, reſpectu cauſæ, *Effectus*; ita reſpectu potentia, *Actus* appellatur.

2. Quemadmodum igitur quo inſtante cauſa eſt *Integra*, eodem effectus productus eſt; ſic quoque quo inſtante Potentia *plena* fit, eodem quoque actus qui ab eà produci potuit productus eſt. Et ut nullus effectus oriri poteſt qui non à cauſa ſufficiente & neceſſaria productus ſit, ita neque actus ullus produci, qui non productus ſit à potentia ſufficiente, & à qua non potuit non produci.

3. Quemadmodum, cauſam efficientem, & materialem per ſe ipſas oſtendimus eſſe partes tantum cauſæ integræ, nec niſi conjunctas effectum producere, ſic quoque Potentia *Activa* & *Paſſiva* partes tantum ſunt Potentia, plenæ, & integræ, nec poterit ex iis *Actus* educi, niſi conjunctis; ideoque potentia illæ, ut diximus articulo primo, dicuntur potentia cum hac conditione, *poſſe* ſcilicet *Agens*, ſi modo *patiẽmi applicetur*, & *poſſe* *patiẽs* ſi modo Agenti applicetur; aliter neutrum quicquam *poſſe*, neque ergo Accidentia quæ in illis ſunt, *Potentia* proprie loquendo dici poſſunt; neque actus aliquis poſſibilis dici propter potentiam ſolius Agentis aut ſolius Patientis.

4. Actus enim impoſſibilis eſt ad quem producendum nulla unquam

crit

erit Potentia plena; Nam cum *Potentia* plena ea sit in qua concurrunt omnia quæ ad actum producendum requiruntur, si Potentia plena nunquam erit, semper deerit aliquod eorum sine quibus produci actus non potest; actus ergo ille nunquam produci poterit, id est, actus ille *impossibilis* est. Actus autem qui *impossibilis* non est, ille *possibilis* est. Ideoque actus omnis *possibilis* aliquando produceretur, nam si nunquam produceretur nunquam concurrerent omnia quæ ad productionem ejus requiruntur; est itaque actus ille Impossibilis, (per definitionem) quod est contra suppositum.

5. Quem autem actum impossibile est non esse, ille actus *necessarius* est; itaque quicumque actus *Futurus* est, necessariò *futurus* est; Nam ut futurus non sit impossibile est; propterea quod, ut modo demonstratum est, omnis actus possibilis aliquando produceretur. Imò verò non minus necessaria propositio est *Futurum est Futurum, quam Homo est Homo*.

Quæret autem hoc loco aliquis utrum futura quæ appellari solent contingentia necessaria sint? dicimus igitur in Universum omnia quæ contingunt, contingere à causis necessariis, ut ostensum est capite præcedente, vocari autem contingentia, respectu aliorum eventuum à quibus non dependent; ut pluvia quæ erit cras, necessariò (id est à necessariis causis) produceretur; contingere autem fortuito eam, pluviam putamus & dicimus, quoniam causas ejus quæ nunc sunt, nondum videmus; nam *Fortuitum* sive *contingens* vulgò vocant, cujus causam necessariam non perspiciunt, quemadmodum etiam de præteritis loqui solent, cum dicunt possibile esse ut non sit factum, si factum esse nesciant.

Propositio itaque omnis de futuro contingente, vel non contingente, qualis est hæc, *Cras pluet*, vel hæc, *Cras sol orietur*, necessariò vera est, vel necessariò falsa; sed quoniam utrum vera an falsa sit, nondum scimus, ideo vocamus eam contingentem; Cum tamen veritas ejus non à nostrâ scientiâ, sed ab anteitione causarum dependeat; sunt autem, qui etsi totam hanc, *Cras pluet vel non pluet*, necessariam esse fateantur, neutrum tamen seorsim, velut, *Cras pluet*, vel *Cras non pluet* veram esse volunt; quoniam, inquirunt, nec hæc, nec illa determinatè vera est. Sed quid est hoc determinatè vera, nisi cognitè, id est, evidenter vera? Itaque eandem rem dicunt, nimirum, nondum sciri, an sit vera necne, obscurius tamen, dum quibus verbis inscitiam suam tegere conantur, iisdem rei evidentiâ simul opprimunt.

6. Ostensum est capite præcedente, Articulo 9. motus & mutationis omnis causam efficientem consistere in motu Agentis vel Agentium. Articulo autem hujus capitis primo, Potentiam Agentis eandem rem esse cum causa efficiente, Ex quibus intelligitur potentiam omnem activam consistere item in motu. Neq; esse Potentiam Accidens aliquod ab omni actu diver-

sum, sed actum aliquem, nempe motum, qui ideò potentia vocatur, quia alius actus ab eo post produceretur. Exempli causa si trium corporum primum propellat secundum, & hoc tertium, motus secundi respectu primi à quo producitur est secundi corporis actus, respectu tertii, est ejusdem secundi corporis potentia activa.

7. Præter causam Efficientem & Materialem, duas causas numerant Metaphysici, nimirum *Essentiam* (quam appellant aliqui *Causam Formalem*) & *Finem*, live *Causam Finalem*; sunt tamen ambæ causæ Efficientes; Dicitur enim *Essentia* rei, causa ejus, tanquam *esse rationale* esset *causa Hominis*; quod intelligi non potest; idem enim est, ac si *Esse Hominem* diceremus esse hominis causam, quod non rectè dicitur. Attamen cognitio Essentiæ est causa cognitionis rei, si enim prius cognoverim aliquid esse rationale; cognosco inde idem esse hominem; sed ita causa est, ut alia non sit quam efficiens. *Finalis causa* locum non habet nisi in iis rebus quæ habent sensum & voluntatem, quam efficientem quoque esse suo loco ostendemus.

C A P U T X I.

De eodem & Diverso.

1. Differre unum ab alio quid sit. 2. Differre Numero, Magnitudine, Specie, & Genere quid. 3. Quid sit Relatio, Ratio, Relata. 4. Proportionalia quid. 5. In quo consistat magnitudinum Ratio inter se. 6. Relationem non esse novum Accidens, sed aliquod eorum quæ inerant ante relationem, sive comparisonem factam. Item Causas accidentium in utroque relatio esse causam relationis. 7. De Principio individuationis.

1. **D**ICTUM hæcenus est de Corpore simpliciter, & Accidentibus communibus, Magnitudine, motu, quiete, actione, passione, potentia possibili, &c. descendendum jam esset ad Accidentia illa quibus unum corpus ab alio distinguitur, nisi prius declarandum esset quid sit ipsum *Distingui*, & non *distingui*, nimirum quid sit *Idem* & *Diversum*; nam etiam hoc omnibus corporibus commune est, ut unum ab alio distingui, sive diversum esse possit. Differre autem inter se duo corpora dicuntur, cum de uno eorum dicitur aliquid quod de altero dici non potest eodem tempore.

2. Imprimis autem, duo corpora idem non esse manifestum est; siquidem enim duo sint, in duobus locis sunt eodem tempore, quod autem idem est, eodem tempore in eodem loco est. Omnia ergo corpora differunt inter se numero, nimirum ut unum & alterum; ita ut *Idem*, & *Numero differencia*, sint nomina contradictoriè opposita.

Differunt autem magnitudine, quorum alterum altero majus est, ut
Cubitale

Cubitale & Bicubitale, Bilibre & Trilibre. His opponuntur *Æqualia*.

Quæ vero plus quam magnitudine differunt, *Dissimilia*; quæ plus quam magnitudine non differunt, *Similia* dici solent. Dissimilium autem alia Specie, alia Genere differre dicuntur. Specie quidem, si differentia eorum eodem sensu percipiatur, ut *Album & Nigrum*. Genere vero si differentia non percipiatur nisi sensibus diversis, ut *Album & Calidum*.

3. Corporis autem cujuscunque cum alio quocunque corpore *similitudo*, vel *dissimilitudo*, vel *æqualitas*, vel *inæqualitas*, *Relatio* ejus dicitur; atque ipsa corpora propterea inter se *Relata*, siue *Correlata* appellantur. Aristoteles vocat *τὸ πρῶτον*; quorum primum *Antecedens*, secundum *Consequens* nominari solet. *Relatio* autem Antecedentis ad Consequens secundum magnitudinem, nimirum *Æqualitas*, vel *Excessus*, vel *Defectus* ejus, *Ratio & Proportio* Antecedentis ad Consequens dicitur; ut *Ratio* nihil aliud sit quam *æqualitas* vel *inæqualitas* Antecedentis comparati ad Consequens secundum magnitudinem. Exempli causâ, ratio ternarii ad binarium aliud non est, quam ternarium superare binarium unitate; & ratio binarii ad quinarium aliud non est, quam binarium à quinario deficere ternario. Itaque in ratione inæqualium, ratio minoris ad majus, *Defectus*; ratio majoris ad minus *Excessus*, dicitur.

4. Porro, inæqualium alia sunt magis, alia minus, alia æquè inæqualia. Itaque non modo *magnitudinum*, sed etiam *rationum* ratio datur, nempe cum duo inæqualia ad duo alia inæqualia relationem habeant; ut quando inæqualitas quæ est inter 2. & 3. comparatur cum inæqualitate quæ est inter 4. & 5. in quâ comparatione semper sunt quatuor magnitudines, vel si tres tantum sint, media illarum (quod tantundem valet) bis numeratur. Et siquidem ratio primi ad secundum æqualis sit rationi tertii ad quartum, dicuntur illa quatuor esse *proportionalia*, vel esse *ut primum ad secundum ita tertium ad quartum*; alioqui *Proportionalia* non dicuntur.

5. Consistit autem ratio antecedentis ad consequens in *Differentiâ*; hoc est in eâ parte majoris, quâ minus ab eo superatur; siue in majoris (dempto minore) *Residuo*, non autem simpliciter, sed ut comparato cum alterutro relatorum; ut ratio binarii ad quinarium est ternarius quo quinarium binarium superat, non simpliciter, sed quatenus cum binario, vel quinario comparatus. Et si enim eadem differentia sit inter binarium & quinarium quæ est inter novenarium & dodenarium, nempe idem ternarius, non tamen eadem est inæqualitas, ideoque neque eadem ratio binarii ad quinarium, & novenarii ad dodenarium.

6. De Relatione autem non ita censendum est, tanquam ea esset accidens aliquod diversum ab aliis Relati accidentibus, sed unum ex illis, nempe illud ipsum secundum quod fit comparatio. Exempli causâ, simili-

similitudo *Albi* cum alio *Albo*, vel dissimilitudo cum *Nigro*, est idem Accidens quod Albedo ejus; & æqualitas vel inæqualitas idem Accidens quod rei comparatæ magnitudo, sub diversis nominibus; nam quod *Album* vel *Tantum* vocatur, quando non comparatur cum alio, idem comparatum dicitur *Simile*, *Dissimile*, *Æquale*, vel *inequale*. Ex quo etiam sequitur causas accidentium quæ sunt in relatis, causas quoque esse *similitudinis*, *dissimilitudinis*, *æqualitatis* & *inequalitatis*, nimirum, eum qui duo corpora inæqualia fecerit, eundem quoque facere ipsorum inæqualitatem, & qui facit regulam & actionem, eundem si actio sit regulæ congrua, congruitatis, si incongrua, incongruitatis causam esse. Atque hæc de comparatione corporis unius cum alio, dicta sint.

7. Comparari autem idem potest cum seipso, sed alio atque alio tempore; unde nata est apud Philosophos magna controversia de *Principio individuationis*; quo sensu scilicet, Corpus aliquod quandoque idem esse, quandoque aliud ab eo quod prius fuerat censendum sit, velut Exempli causâ, an senex idem sit homo qui erat juvenis, an ab eo diversus; an diversis seculis eadem an alia fuerit civitas. Sunt qui individuitatem ponunt in unitate Materiæ; sunt qui eandem in unitate Formæ collocant; est etiam qui consistere eam dicit in unitate Aggregati ex omnibus simul Accidentibus. Pro Materiâ militat, quod ceræ massa, sive sphærica sit, sive cubica, eadem tamen est cera, quia eadem materia. Pro Formâ, quod Homo ab infantiâ usque ad senectutem, quanquam materia eadem non sit, idem tamen numero homo est; identitas enim illa cum Materiæ non possit, Formæ videtur attribui debere. Pro Aggregato Accidentium nulla instantia adduci potest; sed quoniam generato quolibet accidente novo, aliud rei nomen imponi solet, putavit is qui hanc individuitatis causam assignavit, ideo rem quoque aliam esse. Iuxta sententiam primam non esset idem homo qui peccat, & qui plectitur, propter perpetuum corporis humani fluxum; nec eadem civitas quæ leges sancit, & alio seculo abrogat; quod est jura omnia humana confundere. Iuxta sententiam secundam, duo corpora etiam simul existentia unum & idem numero essent; nam si navis, exempli causâ, illa Thesei (de cujus paulatim exemptis veteribus tabulis, & in earum locum novis suppositis continuò refectæ differentiâ sophistæ Athenienses olim disputarunt) eadem numero esset post mutatas omnes tabulas quæ fuerat ab initiò. Et si aliquis veteres tabulas, prout eximebantur, conservasset, atque ex conservatis & eodem postea ordine compactis, navim denuò fabricasset, dubium non est quin hæc eadem fuisset numero cum eâ navi quæ fuit à principio; & habuissimus duas naves easdem numero quod est absurdissimum. Iuxta tertiam autem sententiam, nihil omnino idem

idem esset quod fuerat, ita ut ne stans quidem idem homo esset qui sederat, nec eadem aqua quæ in vase est & quæ mox effunditur. Principium itaque individuationis nec semper à Materiâ solâ, nec semper à Formâ solâ æstimandum est.

Sed considerandum est quo nômîne dicatur res quæque, quando de identitate ejus quæritur; multum enim interest quærere de Socrate, an sit idem Homo, an idem sit Corpus. Idem enim corpus, infans & senex, propter diversam magnitudinem esse non potest; unius enim corporis eadem semper est magnitudo; idem tamen Homo esse potest. Quoties itaque nomen sub quo quæritur an aliquid idem sit quod erat, impositum est propter materiam solam, si eadem sit materia, idem est individuum; ut aqua dum in mari erat, eadem est quæ postea in nube est, & idem semper corpus est, siue compactum, siue dissectum, siue congelatum, siue liquefactum. Quod si propter formam talem quæ sit Principium motûs nomen inditum sit, manente eo Principio, idem erit individuum; ut idem homo erit, cujus actiones & cogitationes omnes ab uno & eodem Principio (scilicet eo quod fuit in generatione) deriveretur; Et idem flumen quod fluit ex uno & eodem fonte, siue eadem aqua, siue alia, siue aliud quam aqua inde fluat; Et una civitas, cujus Acta ab unâ & eadem institutione continuò derivantur, siue iidem sint in ea homines, siue alii. Denique si nomen inditum sit propter Accidens aliquod, quoniam materiâ abeunte & accedente, accidentia pereunt & nova generantur, quæ non sunt eadem numero, identitas rei pendebit à materiâ; ut Navis, quâ significatur materia sic figurata, eadem erit si tota materia eadem sit; sin nulla pars materiæ eadem sit, penitus diversa numero est navis; si verò pars materiæ maneat, pars abierit, erit navis partim eadem, partim diversa.

C A P U T XII.

De Quantitate.

1. *Quantitatis Definitio.* 2. *Expositio Quantitatis quid sit.* 3. *Quibus modis exponitur Linea, Superficies & Solidum.* 4. *Quomodo exponitur Tempus.* 5. *Quomodo exponitur Numerus.* 6. *Quomodo exponitur Velocitas.* 7. *Quomodo exponitur Pondus.* 8. *Quomodo exponitur Ratio Magnitudinum.* 9. *Quomodo exponitur Ratio Temporum & Velocitatum.*

1. **D**E Dimensione quid sit, & quotuplex, dictum supra est capite 8. nimirum tres esse, lineam (siue longitudinem) superficiem, & solidum. Harum unaquæque, si sit determinata, id est, si fines seu termini ejus cogniti fiant, *Quantitas* appellari solet. Per *Quantitatem*
Elem. Philos. L I I enim

enim intelligunt omnes id quod significatur eâ voce, qua aptè responderetur ad quæstionem *Quantum* est. Cum ergo quoties quæritur, exempli gratiâ, Quantum est iter, non responderetur indefinite *Longitudo*; nec quærenti Quantus est Ager, indefinite *Superficies*; nec si quærat quis Quanta est moles, indefinite *Solidum*; sed determinatè responderetur, iter centum millium passuum, ager centum iugerum, vel moles centum pedum cubicorum, vel aliquo saltem modo, quo possit rei quæsitæ magnitudo sub certis terminis animo comprehendere. Definiri igitur *Quantitas* alio modo non potest, quàm ut sit *dimensio determinata*, vel *dimensio cuius termini sunt aut loco, aut comparatione aliquâ cogniti*.

2. Determinatur autem *Quantitas* duobus modis, altero ad sensum, quod fit per objectum sensibile, ut quando linea, superficies, vel solidum, Pedale vel Cubitale in materiâ aliquâ signatum oculis obijcitur, qui determinandi modus *Expositionis* & *Quantitas* sic cognita, *Exposita* dicitur. Altero, ad memoriam, quod fit per comparationem cum expositâ, & Primo quidem modo quærenti quanta res est, responderetur, quantam expositam vides. Secundo modo non satisfacit nisi per comparationem cum expositâ; nam quærenti quanta est viæ longitudo, responderetur tot millia passuum, scilicet comparando viam cum uno passu, vel alia mensura expositione determinatâ, & cognitâ; vel ita se habere quantitatem ejus ad aliam cognitam expositione, ut diameter quadrati ad latus, vel alio aliquo simili modo; oportet autem Expositam esse vel permanentem, ut quæ in materia consistente designatur, vel revocabilem ad sensum, alioqui enim comparatio cum eâ institui non potest. Cum autem comparatio magnitudinis cum magnitudine per ea quæ dicta sunt Capite præcedente, id ipsum sit quod vocatur *Ratio*, manifestum est. *Quantitatem* secundo modo determinatam, nihil aliud esse quam dimensionis non Expositæ ad Expositam *Ratio*, hoc est, *Æqualitatem* vel *inæqualitatem* ejus cum expositâ comparatæ.

3. Exponuntur autem lineæ, superficies, & solida, primo per motum, eo modo quo capite octavo generari ea diximus, sed ut talis motus vestigia maneant; ut quando signantur in materia, ut linea super chartam, vel incisa in materia consistente. Secundo per *Appositionem*, ut quando linea lineæ, id est, longitudo longitudini, latitudo latitudini, crassities crassitie adjungitur, quod est lineam per puncta, superficiem per lineas, solidum per superficies describere; nisi quod per puncta, hoc loco lineæ valde breves, per superficies, solida tenuia intelligenda sint. Tertiò Exponi possunt lineæ & superficies per sectiones, nimirum secando superficiem expositam fit linea, & secando solidum fit superficies.

4. Exponitur *Tempus*, quando non solum exponitur linea quælibet, sed

sed etiam mobile quod super eam moveatur uniformiter, vel ita moveri supponatur; nam cum Tempus sit imago motûs, quatenus in eo consideratur prius & posterius, hoc est, successio, non sufficit ad expositionem Temporis, ut linea describatur, sed etiam ut sit in animo imaginatio aliqujus mobilis per illam lineam transeuntis, idque motu uniformi, ut tempus possit dividi & componi quoties opus est. Itaque cum Philosophi in demonstrationibus suis lineam designant, dicuntque *Esto illa linea tempus*, ita intelligendi sunt ac si dicerent *conceptio motus uniformis per illam lineam*, *Esto Tempus*. Nam Horologiorum circumferentiæ solæ, quamquam lineæ sint, tamen ad notanda tempora, nisi motus etiam umbræ vel indicis vel sit, vel supponatur, ineptæ sunt.

5. Exponitur numerus per expositionem punctorum, vel etiam nominum numeralium, *unum, duo, tria, &c.* & puncta illa quidem non debent ita sibi invicem esse contigua, ut nullis notis distinguantur, sed ita posita ut *discerni* possint. Inde enim est quod numerus vocetur *Quantitas discreta*, cum quantitas omnis quæ motu designatur *continua* dicatur. Nomina autem numeralia, ut numerum exponant, ordine, & memoriter recitari debent, ut *unum, duo, tria, &c.* nam etsi quis dicat sic, *unum, unum, unum, &c.* numerum tamen nescit, nisi forte binarium aut ternarium, cujus meminisse quidem potest, sed ut figuræ cujusdam, non ut numeri.

6. Ad expositionem autem velocitatis, (quæ, per Definitionem, est motus quo certum spatium certo tempore percurritur,) requiritur tum ut tempus exponatur, tum etiam ut illud spatium quod à mobili, cujus velocitatem determinare volumus, expositum sit, & in eo mobile moveri intelligatur. Duæ itaque lineæ exponendæ sunt, altera super quam intelligatur fieri motus uniformis, ut tempus certum sit; altera super quam velocitas æstimetur, ut si velocitatem velimus exponere mobilis A. ducemus duas lineas A B', & C D, & mobile in C quoque statuemus; tum verò A B
C D
dicemus velocitatem mobilis A tantam esse, ut percurrat lineam A B eodem tempore quo mobile C percurrat lineam C D motu uniformi.

7. Pondus autem exponitur per quodcunque corpus grave, cujuscunque materiæ, modo sit ejusdem semper gravitatis.

8. Ratio autem duarum magnitudinum tum exponitur quando ipsæ exponuntur magnitudines; nimirum Ratio æqualium quando expositæ magnitudines sunt æquales; Ratio inæqualium quando expositæ magnitudines sunt inæquales. Cum enim ratio inæqualium per Cap. præcedens, articulum 5. consistat in differentiâ ipsarum comparata cum utraque magnitudine, Expōitis autem inæqualibus, differentia quoque

exposita sit, necesse est expositis rationem habentibus, exponi quoque ipsam rationem. Similiter ratio *Æqualium* (quæ consistit in eo, quod nulla est inter ipsas magnitudinis differentia) ipsis *Æqualibus* expositis una exponitur, Exempli gratia, si lineæ expositæ *AB* & *CD* sint æquales, ratio æqualitatis exponitur, & expositis inæqualibus *EF*, *EG*, ratio exponitur tum ea quam habet *EF* ad *EG*, tum ea quam habet *EG* ad *GF*; nam & ipsæ expositæ sunt & earum differentia quæ est *GF*. Ratio inæqualium quantitas est; consistit enim in differentia *GF* quæ est quantitas. Ratio vero æqualitatis, Quantitas non est, cum differentia ipsarum nulla sit, neque æqualitas æqualitate (sicut inæqualitas inæqualitate) una major est quam alia.

9. Ratio autem duorum Temporum, vel duarum velocitatum uniformium, tum exponitur, cum duæ lineæ exponuntur, per quas duo mobilia intelliguntur, uniformiter transire. Itaque eadem duæ lineæ, exhibent rationem & suam, & temporum, & velocitatum, prout considerantur pro ipsis magnitudinibus, vel pro temporibus, vel pro velocitatibus exponi; Sint enim duæ lineæ expositæ *A* & *B*, exposita ergo est, per præcedentem, ipsarum Ratio; deinde si considerentur ductæ æquali & uniformi velocitate, quoniam tempora majora æqualia aut minora sunt prout eadem spatia majori vel æquali vel minore tempore transiunt, exhibebunt lineæ *A* & *B* æqualitatem vel inæqualitatem, id est, rationem Temporum. Denique si lineæ eadem *A* & *B* considerentur ductæ eodem tempore, quoniam velocitates majores, æquales, vel minores sunt, prout eodem tempore majores, æquales, vel minores lineas percurrunt, exhibebunt illæ lineæ æqualitatem vel inæqualitatem (id est, rationem) suarum velocitatum.

C A P U T XIII.

De Analogismo, sive Eâdem Ratione.

1. 2. 3. 4. *Rationis Arithmetice, & Geometricæ natura & definitiones.* 5. *Rationis ejusdem Arithmeticæ definitio & proprietates aliquot.* 6. 7. *Analogismi sive Rationis ejusdem Geometricæ definitio & metamorphoses.* 8. 9. *Hyperlogismi, & Hypologismi, id est Rationis majoris & minoris definitio & metamorphoses.* 10. 11. 12. *Analogiarum quantitatum comparationes secundum magnitudinem.* 13. 14. 15. *Rationum compositiones.* 16. 17. 18. 19. 20. 21. 22. 23. 24. 25. *Rationis continuæ definitio & proprietates.* 26. 27. 28. 29. *Comparatio rationis Arithmeticæ & Geometricæ.*

In præ-

In presenti capite nota signum + significare, quantitates inter quas interponitur, esse compositas. Signum autem — Residuum detractâ posteriore à priore. Itaque $A+B$ æquale est ambabus A & B simul; & ubi vides $A-B$, ibi A est totum, B ablatum, $A-B$ residuum, duas autem literas conjunctas sine signo significare (nisi aliqua sit figura) unam quantitatem ductam sive multiplicatam per alteram, ut AB significat factum ex A ductâ in B .

I. **M**agnum & Parvum intelligi nullo modo possunt, nisi per comparisonem. Illud autem cui comparantur Expositum vocavimus, hoc est, magnitudinem aliquam sensibus perceptam, vel verbis ita definitam ut comprehendi animo possit. Comparatur autem unaquæque magnitudo vel ad majorem, vel ad minorem, vel ad æqualem. Ratio itaque (quam in præcedentibus nihil aliud esse docuimus quàm æstimationem sive comprehensionem magnitudinis per comparisonem) triplex est, Æqualitatis, quæ est æqualis ad æquale; vel Excellus, quæ est majoris ad minus; vel Defectus, quæ est minoris ad majus.

Rursus Rationum harum unaquæque duplex est. Nam si quærat de magnitudine datâ, quanta est, responderi potest comparando, dupliciter. Primò si dicatur major vel minor esse aliâ, tanto, ut 7 minor est 10. tribus unitatibus. Atque hæc ratio dicitur Arithmetica. Secundò, si dicatur major vel minor aliâ, tantâ ejus parte vel partibus, ut 7. minor est 10. tribus ipsius denarii partibus decimis. Quamquam autem ratio hæc non semper numeris explicari potest, est tamen ratio certa & generis à priore diversi, diciturque ratio Geometrica, & plerumque simpliciter, Ratio:

2. Ratio sive ea Arithmetica sit, sive Geometrica, Exponi non potest nisi in duabus magnitudinibus, quarum prior Antecedens, posterior Consequens rationis nominari solet, ut ostensum est cap. præc. art. 8.

Quare si duæ Rationes inter se comparandæ sint, quatuor erunt Expositæ magnitudines, nempe duæ Antecedentes, & duæ Consequentes: nam etiam accidat quandoque ut Consequens rationis prioris eadem sit cum Antecedente posterioris, tamen in duplici comparisonem necesse est ut bis numeretur. Itaque semper termini quatuor erunt.

3. Duarum Rationum sive Arithmeticarum, sive Geometricarum, quando utrobique magnitudines comparatæ (quæ ab Euclide def. 5. lib. 6. Rationum quantitates appellantur) sunt æquales, una ratio alterâ nec major nec minor esse potest. Non enim una æqualitas major aut minor est aliâ æqualitate. At duarum rationum inæqualitatis, sive eæ rationes sint Excellus sive Defectus, una aliâ potest esse vel major vel minor, vel ambæ æquales. Nam etiam sint propositæ duæ magnitudines inter se inæqua-

les, possunt tamen esse aliæ duæ magis, aliæ duæ æque, aliæ duæ minus inter se inæquales quam ipsæ propositæ. Ex quo intelligitur Rationem tam Excessus, quam Defectus esse quantitatem, quippe quæ suscipit magis, & minus; Rationem autem æqualitatis quia non suscipit magis nec minus, quantitatem non esse. Itaque Rationes inæqualitatis posse simul addi, vel unam ab alio adimi, vel inter se & per numerum multiplicari & dividi, rationes æqualitatis non item.

4. Duæ rationes æquales dicuntur communiter *Ratio eadem*; dicuntur eandem esse rationem primi Antecedentis ad primum Consequens, quæ secundi Antecedentis ad Consequens secundum. Et quatuor magnitudines ita se habentes, in ratione Geometrica dicuntur *Proportionales*, & à quibusdam brevius *Analogismus*.

Major autem Ratio, est ratio majoris Antecedentis ad idem Consequens, vel ejusdem Antecedentis ad Consequens minus; & quando major est ratio primi Antecedentis ad primum Consequens quam secundi Antecedentis ad secundum Consequens, quatuor magnitudines ita se habentes dici possunt *Hyperlogismus*.

Minor Ratio est ratio minoris Antecedentis ad idem Consequens, vel ejusdem Antecedentis ad Consequens majus. Quando autem minor est Ratio primi Antecedentis ad primum Consequens, quam secundi ad secundum, quatuor magnitudines ita se habentes vocari possunt *Hypologismus*.

5. Ratio Arithmetica Rationi Arithmeticæ eadem est, quando unum Antecedens, Consequens suum tanto superat, vel ab eo superatur, quanto Antecedens alterum superat, vel superatur à Consequente suo. Itaque in quatuor Arithmetice proportionalibus summa extremorum æqualis est summæ mediorum. Nam si sint $A. B. :: C. D.$ Arithmetice proportionalia, sitque differentia utrobique idem excessus vel idem defectus $E.$ erit $B+C$ (si modo A majus sit quam B) æquale $A---E+C$. At $A+D$ erit æquale $A+C---E$. Sed $A---E+C$ & $A+C---E$ sunt æqualia. Sin A quam B minus sit, erit $B+C$ æquale $A+E+C$. at $A+D$ æquale erit $A+C+E$. Sunt autem $A+E+C$, & $A+C+E$ æqualia.

Item si sint quotcunque Arithmetice continuè proportionalia, summa omnium est æqualis facto ex dimidiato numero terminorum multiplicato in summam extremorum. Sint enim $A. B. :: C. D. :: E. F.$ Arithmetice continuè proportionalia, bina $A+F$, $B+E$, $C+D$. sunt inter se æqualia, quorum summa fit ex ductu $A+F$, in numerum combinationum, hoc est, in semissem numeri terminorum.

Si sint quatuor magnitudines inæquales, sint autem duæ simul duabus reliquis simul æquales, maxima & minima erunt in eadem combinatione.

Sint

Sint magnitudines inæquales, A. B. C. D. sintque $A+B$ æquales $C+D$, maxima autem omnium sit A. Dico B esse omnium minimam. Sit enim si fieri potest utravis reliquarum puta D minima; quoniam ergo A est major quam C, & B quam D, erit $A+B$ major quam $C+D$ contra hypothesein.

Si sint quatuor magnitudines quæcunque, composita ex maximâ & minimâ, composita ex mediis, Differentia Maximarum, Differentia minimarum, sunt Arithmeticè proportionales. Sint enim quatuor magnitudines, A maxima, D minima, B & C mediæ; Dico $A+D$. $B+C :: A-B$. $C-D$ esse Arithmeticè proportionales. Est enim differentia inter primum antecedens & suum consequens hæc, $A+D-B-C$. at differentia inter antecedens secundum & consequens ejus, est $A-B-C+D$. Sed hæ duæ differentiæ sunt æquales; sunt ergo (per 5) $A+D$. $B+C :: A-B$. $C-D$ Arithmeticè proportionales.

Si sint quatuor magnitudines binæ binis æquales, erunt illæ reciproce, Arithmeticè proportionales. Sint enim $A+B$. $C+D$ æquales. Dico A. C :: D. B esse Arithmeticè proportionales. Nam si non sint, sint A. C :: D. E (sumendo E majorem vel minorem quam B) proportionales, sunt ergo $A+E$. $C+D$ æquales; non sunt ergo $A+B$. $C+D$ æquales, quod est contra suppositum.

6. Ratio Geometrica rationi Geometricæ eadem est, quando causa aliqua æqualibus temporibus æqualia faciens, utramque rationem determinans eadem assignari potest.

Si punctum uniformiter motum duas describat lineas, sive eadem sive diverso velocitate, earum partes omnes contemporaneæ, hoc est, eodem tempore descriptæ, erunt binæ binis proportionales. Idque sive Antecedentes sumantur in eadem, sive in diversa linea.

Sint enim (fig. 10. ad finem cap. 14.) à puncto A, moto uniformiter, descriptæ duæ lineæ AD. AG. sumanturque duæ partes AB. AE, & rursus aliæ duæ partes AC. AF, ita ut AB. AE sint contemporaneæ, atque etiam AC. AF contemporaneæ. Dico primum (sumendo Antecedentes AB. AC in linea, AD, & consequentes AE. AF in linea AG) AB. AC :: AE. AF. esse proportionales.

Quoniam enim (cap. 8. artic. 15.) Velocitas est motus quo certo tempore, certa percurritur longitudo sive linea, erit quantitas lineæ AB determinata à velocitate & tempore quibus ipsa AB describitur; propter eandem causam erit quantitas lineæ AC determinata à velocitate & tempore quibus ipsa AC describitur. Determinatur ergo ratio AB ad AC, sive illa sit ratio æqualitatis, sive excessûs sive defectûs, à velocitatibus & temporibus quibus ipsæ lineæ AB. AC describuntur. Cum autem motus

tus

tus puncti A per AB & AC sit uniformis, describuntur ambæ velocitate æquali; itaque si altera ad alteram habeat rationem majoritatis, vel minoritatis, causa sola ejus rationis est differentia temporum. Eodem argumento patet quoque rationem AE ad AF determinatam esse à solâ differentiâ temporum. Quoniam jam AB, AE, item AC, AF sunt contemporaneæ, differentia temporum in quibus describuntur AB & AC, eadem est cum differentiâ temporum in quibus describuntur AE & AF. Eadem ergo est causa quæ determinat rationem AB ad AC & quæ determinat rationem AE ad AF. Sed & causa quæ rationem utriusque sic determinat, æqualia efficit temporibus æqualibus; est enim motus uniformis. Itaque per definitionem proxime præcedentem, ratio AB ad AC, & AE ad AF est eadem, & proinde AB. AC :: AE. AF sunt proportionales, quod est primum.

Secundò (sumendo antecedentes in diversis lineis) Dico AB. AE :: AC. AF esse proportionales; cum enim AB, AE describuntur eodem tempore, rationis quam habent inter se causa sola est differentia velocitatum quibus sunt descriptæ. Idem dicendum est de ratione AC ad AF. Sed cum utraque linea AD, AG uniformiter percurratur, eadem erit velocitatum differentia quibus describuntur AB, AE, quæ est differentia velocitatum quibus describuntur AC, AF. Eadem ergo est causa determinans rationem AB, ad AE, quæ determinat rationem AC, ad AF. Sunt ergo AB. AE :: AC. AF proportionales, quod restabat probandum.

Coroll. 1. Si sint quatuor proportionalia, erunt quoque permutando (hoc est transponendo terminos medios) proportionalia. Est enim ostensum non modo AB. AC :: AE. AF, sed etiam (Permutando) AB. AE :: AC. AF esse proportionalia.

Coroll. 2. Si sint quatuor proportionalia, erunt quoque *Invertendo* sive *Convertendo* (id est si fiant ex antecedentibus consequentia) proportionalia. Nam si in præcedente demonstratione pro AB, AC posuissimus inversim AC, AB, & pro AE, AF, dixissemus quoque inverlim AF, AE, eadem tamen mansisset demonstratio. Sunt enim tam æquæ veloces AC, AB. quàm AB, AC. & tam contemporaneæ AC, AF. quàm AF, AC.

Coroll. 3. Si proportionalia proportionalibus addantur, vel adimantur, erunt aggregata vel residua proportionalia. Contemporanea enim contemporaneis addita vel ablata faciunt Aggregata vel Residua contemporanea. Sive omnibus terminis, sive Antecedentibus tantum, sive consequentibus solis addantur adimanturve.

Coroll. 4. Si quatuor proportionalium Antecedens utrumque, vel Consequens utrumque, vel omnes termini per eundem numerum vel quantitatem

titatem multiplicentur vel dividantur, quæ sunt erunt proportionalia. Nam proportionalium multiplicatio & divisio nihil aliud est quam additio & ablatio proportionalium.

Coroll. 5. Si sint quatuor proportionalia, etiam *Componendo*, (id est sumendo pro Antecedente compositum ex Antecedente & consequente, & pro consequente ipsum consequens vel Antecedens) erunt proportionalia. Est enim compositio hæc, additio proportionalium, nempe consequentium ad sua antecedentia quæ sunt ex suppositione proportionalia.

Coroll. 6. Etiam si pro Antecedente sit ipsum Antecedens vel consequens, & pro consequente compositum ex ambobus, erunt & hæc proportionalia. Est enim rationis per compositionem Inversio.

Coroll. 7. Si sint quatuor proportionalia, erunt quoque divisim, id est, sumendo reliquum detracto consequente ex Antecedente, sive differentiam inter Antecedens & consequens pro Antecedente, & vel totum vel ablatum pro consequente, proportionalia. Ut si sint proportionalia $A.B :: C.D.$ divisim erunt $A---B.B :: C---D.D.$ & $A---B.A :: C---D.C.$ & quando consequens antecedente majus est. $B---A.A :: D---C.C.$ & $B---A.B :: D---C.D.$ nam in his divisionibus omnibus auferuntur ab A & B, & à C & D ipsis (per ipsam Analogismi $A.B :: C.D$ suppositionem) proportionalia.

Coroll. 8. Si fuerint quatuor proportionalia, etiam per conversam rationis (id est invertendo rationem divisam, sive sumendo totum pro antecedente & differentiam sive reliquum pro consequente) erunt proportionalia; ut si $A.B :: C.D$ sunt proportionalia, erunt quoque $A.A---B :: C.C---D.$ & $B.A---B :: D.C---D$ proportionalia. Cum enim horum inversa sint proportionalia, etiam ipsa proportionalia erant.

Coroll. 9. Si fuerint duo Analogismi, quorum quantitates secunda secundæ, & quarta quartæ sunt æquales, erit sive summa sive differentia primarum ad secundam, ut summa vel differentia tertiarum ad quartam. Sint duo Analogismi $A.B :: C.D.$ & $E.B :: F.D.$ Dico $A+E.B :: C+F.D.$ esse proportionalia. Nam propositi analogismi, permutando sunt $A.C :: B.D$ & $E.F :: B.D$; sunt ergo $A.C :: E.F$ proportionalia, (habent enim communem rationem B ad D.) quare si ad A, & C primi analogismi permittati, addantur E, & F. ipsis A & C proportionalia, erunt (per Coroll. 3.) $A+E.B :: C+F.D.$ proportionalia; quod erat probandum.

Eodem modo ostendi potest etiam $A---E.B :: C---F.D$ esse proportionalia.

7. Si sint duo Analogismi, quorum quatuor Antecedentia faciunt Analogismum, eorum etiam consequentia faciunt Analogismum. Etiam summæ Antecedentium summis consequentium erunt proportionales.

Elem. Philos.

M m m

Sint

Sint enim duo Analogismi $A. B :: C. D.$ & $E. F :: G. H.$ sint autem & $A. E :: C. G.$ proportionalia, erunt ergo permutando $A. C :: E. G.$ & $E. G :: F. H.$ & $A. C :: B. D.$ proportionalia; quare $B. D :: E. G.$ hoc est, $B. D :: F. H.$ & permutando $B. F :: D. H.$ sunt proportionalia; quod est primum.

Secundo, Dico $A+E. B+F :: C+G. D+H.$ esse proportionalia. Quoniam enim $A E :: C. G.$ sunt proportionalia, erunt quoque componendo $A+E. E :: C+G. G.$ proportionalia, & permutando $A+E. C+G :: E. G.$ proportionalia, Quare etiam $A+E. C+G :: F. H.$ sunt proportionalia. Rursus quoniam ostensum modo est. $B. F :: D. H.$ esse proportionalia, erunt quoque componendo $B+F. F :: D+H. H.$ proportionalia; & permutando $B+F. D+H :: F. H.$ proportionalia, Quare $A+E. C+G :: B+F. D+H.$ erunt proportionalia. Quod restabat probandum.

Coroll. Eodem argumento, si fuerint quotcumque Analogismi, fuerintque Antecedentia Antecedentibus proportionalia, ostendi potest consequentia consequentibus, & summas Antecedentium summis consequentium esse proportionalia.

8. In Hyperlogismo, id est, ubi major est ratio primi Antecedentis ad suum consequens, quam secundi ad suum, etiam Permutando, & Addendo vel Auferendo à proportionalibus proportionalia, item multiplicando vel dividendo per eundem numerum, item compositè, & divisum, fiet semper Hyperlogismus. Supponamus enim $A. B :: C. D.$ esse Analogismum; item $A. C :: E. F.$ esse analogismum; eritque $A+E. B :: C+F. D.$ analogismus. Sed $A+E. B :: C. D.$ erit Hyperlogismus. Permutando itaque $A+E. C :: B. D.$ est Hyperlogismus, propter $A. B :: C. D.$ analogismum. Secundò, Hyperlogismo $A+E. B :: C. D.$ addantur proportionalia $G. H.$ Erit $A+E+G. B :: C+H. D.$ Hyperlogismus, propter analogismum $A+E+G. B :: C+F+H. D.$ item auferendo G & H , erit $A+E---G. B :: C---H. D.$ Hyperlogismus, propter analogismum $A+E---G. B :: C+F---H. D.$ Tertio, componendo fit $A+E+B. B :: C+D. D.$ Hyperlogismus, propter $A+E+B. B :: C+F+D. D.$ analogismum; & sic in omni specie compositionis. Quartò, Divisum $A+E---B. B :: C---D. D.$ est Hyperlogismus propter $A+E---B. B :: C+F---D. D.$ Analogismum. Item $A+E---B. A+E :: C---D. C.$ est Hyperlogismus propter $A+C---B. A+E :: C+E---D. C.$ Analogismum. Quintò multiplicando $4 A+E. B :: 4 C. D.$ est Hyperlogismus, propter Analogismum $4 A. B :: 4 C. D.$ & dividendo $\frac{1}{4} A + \frac{1}{4} E. B :: \frac{1}{4} C. D.$ est Hyperlogismus propter Analogismum $\frac{1}{4} A. B :: \frac{1}{4} C. D.$

9. Sed

9. Sed si fuerit Hyperlogismus $A+E. B::C. D.$ fiet Invertendo Hypologismus, $B. A+E::D. C.$ propterea quod existente analogismo $B. A::D. C.$ consequens primum majus iusto est.

Item per conversam Rationis $A+E. A+E--B::C. C--D$ Hypologismus est, propterea quod Inversa hujus, nempe $A+E--B. A+E::C--D. C.$ ut modo ostensum est, est Hyperlogismus. Sic quoque $B. A+E--B::D. C--D$ est Hypologismus, quia inversam ejus $A+E--B. B::C--D. D.$ ostendimus modo esse Hyperlogismum. Notandum est Hypologismum hunc $A+E. A+E--B::C. C--D$ enuntiari hoc modo :

Si major fuerit ratio totius $(A+E)$ ad ablatum (B) quam totius $(C.)$ ad ablatum D , erit ratio totius $A+E$ ad reliquum $A+E--B.$ minor quam totius C ad reliquum $C--D.$

10. Si fuerint quatuor proportionalia. Differentia primorum ad differentiam secundorum est ut Antecedens primum ad Antecedens secundum, vel ut consequens primum ad consequens secundum; Sint enim proportionalia $A. B::C. D.$ erunt dividendo $A--B. B::C--D. D.$ proportionalia, & permutando $A--B. C--D::B. D.$ hoc est differentiarum consequentibus sunt proportionales, ideoque & Antecedentibus.

11. Si quatuor proportionalium primum sit majus secundo, etiam tertium quarto majus erit. Quoniam enim primum majus est secundo, ratio primi ad secundum est ratio Excessus, sed ratio tertiæ ad quartum eadem est quæ primi ad secundum, est igitur ratio tertiæ ad quartum ratio Excessus; majus ergo est tertium quarto. Eodem modo probatur quoties primum secundo minus est toties tertium quarto minus esse, & quoties æqualia sunt prima, æqualia esse secunda.

12. Si sint quatuor proportionalia quæcunque $A. B::C. D.$ fuerintque primum & tertium per quemlibet unum numerum multiplicata, puta per 2. & rursus secundum & quartum per quemlibet unum numerum multiplicata, puta per 3. sitque multiplex primum 2 A , majus multiplici secundo 3 B , erit quoque multiplex tertium 2 $C.$ majus multiplici quarto 3 $D.$ Sin multiplex primum minus sit multiplici secundo, erit quoque multiplex tertium minus multiplici quarto. Si denique multiplicia primum & secundum sint inter se æqualia, etiam multiplicia tertium & quartum inter se æqualia erunt. Est autem Theorema hoc idem quod ejusdem rationis apud Euclidem Definitio. Demonstratur autem sic.

Quoniam $A. B::C. D$ sunt proportionalia, erunt quoque permutando (per Arti. 6. Cor. 1.) $A. C::B. D$ proportionalia. Itaque (per Coroll. 4. ejusdem Art. 6.) 2 $A. 2 C::3 B. 3 D.$ erunt proportionalia; rursus-

que permutando erunt 2 A. 3 B : 2 C. 3 D proportionalia. Quare (per præcedentem) si 2 A sit majus quam 3 B. etiam 2 C. erit majus quam 3 D, si minus, minus, si æquale, æquale; quod erat demonstrandum.

13. Si fuerint tres magnitudines quæcunque, vel tria quæcunque habentia inter se rationem aliquam, ut tres numeri, tria tempora, tres gradus, &c. rationes primi ad secundum, & secundi ad tertium simul sumptæ, sunt æquales rationi primi ad tertium.

Sint tres lineæ, (nam ratio quævis ad rationem linearum reduci potest) A B. A C. A D. Et primum, sit ratio tam primæ A B ad secundam A C, quam secundæ A C ad tertiam A D ratio Defectûs, five minoris ad majorem. Dico rationes ambas simul A B ad A C, & A C ad A D, æquales esse rationi A B ad A D.

Supponatur punctum A moveri per totum A D. uniformiter. Itaque rationes tam A B ad A C, quam A C ad A D. determinantur à differentia temporum quibus describuntur; id est, habet A B ad A C rationem illam quam diversa descriptionis tempora determinant, & A C ad A D rationem quam determinant tempora sua. Sed & ratio A B ad A D illa est quam determinat differentia temporum quibus ipsæ A B & A D describuntur; differentia autem temporum quibus describuntur A B, A C. una cum differentia temporum quibus describuntur A C & A D, eadem est cum differentia temporum quibus describuntur A B. & A D. Eadem ergo causa est quæ determinat ambas simul rationes A B ad A C, & A C ad A D, & quæ determinat rationem A B ad A D. Quare (per Def. ejusdem rationis traditam Artic. 6.) ratio A B ad A C, unâ cum ratione A C ad A D eadem est cum ratione A B ad A D.

Secundò, sit A D prima, A C secunda, A B tertia, ut sit ratio Excessûs five majoris ad minorem. Erunt ut prius rationes A D ad A C, & A C ad A B, & A D ad A B determinatæ à differentia temporum; quæ hic quoque tanta est in descriptione A D & A C, & in descriptione A C & A B, simul sumptâ, quanta est in descriptione A D & A B: est ergo ratio A D ad A B æqualis rationibus ambabus A D ad A C, & A C ad A B.

Postremò si una rationum, nempe A D ad A B, sit ratio Excessûs, altera A B ad A C ratio Defectûs, sic quoque ratio A D ad A C æqualis erit rationibus ambabus simul A D ad A B, & A B ad A C. nam differentia temporum quibus describuntur A D, A B, est temporis Excessus; nam plus temporis ponitur in describenda A D quàm A B; differentia verò temporis in describendis A B, A C est defectus, nam minus ponitur temporis in describenda A B quàm A C. Sed excessus hic & defectus simul sumpti faciunt D B --- B C, cui æqualis est D C excessus primi A D supra tertium

tertium AC; eadem ergo est causa determinans rationem primi AD ad secundum AB, cum ratione secundi AB ad tertium AC, quæ determinat rationem AD primi ad AC tertium. Quare si fuerint, &c.

Coroll. 1. Si sint quotcunque rationem habentia, ratio primi ad ultimum componitur ex rationibus primi ad secundum, secundi ad tertium, & sic deinceps, usque ad ultimum; siue eadem est ratio primi ad ultimum, quæ est summa rationum omnium intermediarum; nam si sint quotcunque rationem habentia A.B.C.D.E. ratio A ad E componitur ex rationibus A ad D & D ad E, & rursus ratio A ad D. ex rationibus A ad C, & C ad D, & denique ratio A ad C, ex rationibus A ad B, & B ad C, ut modo ostensum est.

Coroll. 2. Intelligitur hinc quomodo 2. rationes sunt componendæ; nam si dentur rationes A ad B & C ad D simul addendæ. Si fiat ut C ad D ita B ad aliud, puta E, ponanturque ordine A, B, E, erit ratio A ad E summa ambarum rationum A ad B & B ad E, hoc est C ad D. vel si fiat ut D ad C, ita A ad aliud E, ponanturque ordine E, A, B, erit ratio E ad B, composita ex ratione E ad A (hoc est C ad D) & A ad B. Intelligitur item quo modo ratio à ratione auferri potest; nam si à ratione A ad B, tollenda sit ratio C ad D, fiat ut C ad D ita A ad aliud E, positis jam ordine A, E, B, ablataque ratione A ad E, id est C ad D, residua ratio est E ad B.

Coroll. 3. Si sint duo ordines habentium rationem aliquam, sintque singulæ ratione primi ordinis eadem totidemque cum rationibus secundi ordinis, siue respondeant singulæ singulis, id quod vocant rationem *Ordinatam*, siue non respondeant, ubi scilicet ratio dicitur *Perturbata*, erunt prima ultimis proportionalia, nam primum & ultimum rationem habent æqualem omnibus rationibus interjectis, in utroque ordine, quæ cum sint eadem & totidem, earum summæ sunt æquales, summis autem æquales sunt rationes primorum ad ultima. Eadem itaque ratio est primi ad ultimum in uno ordine quæ est ratio primi ad ultimum in altero ordine, sunt ergo prima ultimis proportionalia.

14. Si fuerint duo quælibet facta ex multiplicatione siue ductu in se invicem plurium quantitatum, habentium inter se aliquam rationem, totidemque numero utrobique; habebunt facta inter se rationem compositam ex singulis multiplicatis ad singula multiplicata.

Sint primò facta A in B, & C in D, utrumque ex duobus multiplicatis, siue Efficientibus, alterum ex A ducto in B, alterum ex C ducto in D. Dico rationem A in B ad C in D compositam esse ex rationibus efficientis A ad efficiens C, & efficientis B ad efficiens D. Ponantur enim ordine A in B. C in B. C in D. Deinde fiat ut B ad D ita C ad aliud E. ponantur etiam ordine A, C, E. eritque (per Coroll. 4. art. 6.) ut

M m m 3

A in B

A in B primum, ad C in B secundum in ordine primo; ita A ad C in ordine secundo; & rursus ut C in B, ad C in D primi ordinis, ita B ad D, hoc est per constructionem C ad E ordinis secundi. Sunt ergo, per Coroll. proximè præcedens, A in B, C in D :: A. E proportionalia. Componitur autem ratio A ad E ex rationibus A ad C, & B ad D, ergo, etiam ratio A in B, ad C in D componitur ex iisdem.

A in B. A.
C in B. C.
C in D. E.

Secundo sint duo facta A in B in F. C in D in G utrumque ex tribus efficientibus, alterum ex A. B. & F. alterum ex C, D, & G. Dico rationem A in B in F. ad C in D in G compositam esse ex rationibus A ad C, B ad D, & F ad G. Fiat enim quod ante, ut B ad D ita C ad D, & præterea ut F ad G ita E ad aliud H. ponanturque in ordine Primo A in B in F. C in B in F. C in D in F. C in D in G. deinde in ordine secundo A. C. E. H. eritque ratio A in B in F, ad C in B in F primum, ut A ad C. secundorum; & C, in B in H. ad C in D in F primorum, ut B ad D hoc est (per constructionem) ut C ad E secundorum; & ratio C in D in F, ad C in D in G primorum, ut F ad G, hoc est (per constructionem) ut E ad H secundorum. Sunt ergo prima A in B in F. C in D in G, secundis A. H proportionalia; componitur autem ratio A ad H ex rationibus A ad C, B ad D, F ad G, quare ratio factorum A in B in F, C in D in G componitur ex iisdem. Eodem modo procedetur si facta fuerit ex efficientibus quocunque. Hinc componendi rationes plures in unam alius modus nascitur, nempe, ille qui supponitur in definitione §. lib. 6. Euclidis multiplicando scilicet vel ducendo omnium rationum Antecedentia in se invicem, & omnia similiter consequentia. Ex quo apparet (primo loco) causa propter quam parallelogramma, quippe quæ fiunt ductu duarum rectarum in se invicem, & solida omnia quæ sic factis sunt æqualia, habere rationem compositam ex rationibus facientium. Deinde causa quare multiplicatio in se duarum vel plurium Fractionum, idem sit quæ compositio rationum quos habent singuli Numeratores ad singulos Denominatores.

A in B in F. A.
C in B in F. C.
C in D in F. E.
C in D in G. H.

Exempli causa, si hæc fractiones $\frac{1}{2}$ $\frac{2}{3}$ $\frac{3}{4}$ multiplicandæ sint in se, multiplicandi sunt primum 1. 2. 3. in se qui faciunt 6. deinde 2. 3. 4. in se qui faciunt 24 oriturque Fractio $\frac{6}{24}$. Item si sint componendæ rationes 1. ad 2. 2. ad 3. 3. ad 4. faciendo ut in præcedente demonstratione docuimus, oriatur ratio 6. ad 24.

15. Si ratio componatur cum sui ipsius inversa, composita est ratio æqualitatis.

Sit enim ratio quæcumque A ad B. ratio autem alia C ad D sit illius inversa.

inversa. Componentur autem (per Coroll. 2. Artic. 12.) Si fiat ut C ad D ita B ad aliud. Sed quia ratio C ad D est *inversa* rationis A ad B fiet ut C ad D ita B ad A, itaque si ponantur ordine A, B, A ratio Composita ex rationibus A ad B & C ad D erit ratio A ad A, hoc est, æqualitatis. Patet hinc causa propter quam duo facta æqualia, habent efficientes reciprocè proportionales. Nam ut facta sint æqualia, rationes ex quibus componentur debent esse tales, ut faciant compositæ rationem æqualitatis, quod nisi altera alterius *inversa* sit fieri non potest; nam inter A & A interponatur quodcumque C, ordineturque A, C. A semper ratio posterior C ad A erit prioris A ad C *inversa*.

16. Ratio majoris ad minus per numerum multiplicari dicitur, quando ipsi aliquot rationes æquales sive eædem sibi adduntur; nam multiplicatio nihil aliud est quam æqualium repetita additio. Itaque si rationi alia ratio addatur ipsi æqualis fient tres quantitates, quarum ratio primæ ad ultimam, dupla est primæ ad secundam; sin primæ rationi duæ æquales ipsi addantur, erunt quatuor quantitates, in quibus ratio primæ ad ultimam tripla erit primæ ad secundam, & sic deinceps. Sed ad evitandam confusionem quæ oriri ex eo potest, quod ratio 2 ad 1 vocatur dupla, & 3 ad 1. tripla, &c. solent plerique pro ratione dupla, tripla, &c. dicere duplicatam, triplicatam, & sic deinceps. Quod si ratio detur minoris ad majus, rationesque aliquot addantur ipsi æquales, non multiplicari propriè sed submultiplicari dicitur; nam cum sit ratio defectus, defectus autem multiplicati faciant semper minorem rationem, tanto minor erit ratio quanto pluries multiplicatur; itaque quando additur primæ rationi altera, ratio primæ quantitatis ad tertiam semissis est rationis primæ ad secundam quando rursus additur his tertia, ratio primæ quantitatis ad quartam triens est rationis primæ ad secundam, &c. Sed pro semisse, triente, &c. vulgo dicitur Ratio subduplicata, subtriplicata, &c.

Ubi vero hujusmodi fiunt rationum æqualium additiones, dicuntur earum quantitates esse in ratione continuâ, vel continuè proportionales.

Dividitur autem ratio per numerum quando inter rationis quantitates interponuntur mediæ in ratione continuâ, nempe dividitur per 2. quando una media interjicitur, per 3. quando interjiciuntur mediæ duæ, & sic in infinitum.

17. Si sint quantitates quotcumque, quarum numerus est impar, incipiendo autem à media omnes ab ea utrinque sint in ratione continuâ, ratio duarum quæ mediæ proxime utrinque adstant, rationis duarum illis rursus utrinque astantium est subduplicata & rationis duarum uno rursus loco remotiorum subtriplicata, &c. Sint enim magnitudines C. B. A. D. E. sintque tam A, B, C, quam A, D, E continuè proportionales, Dico
ratio-

rationem D ad B subduplicatam esse rationis E ad C, componitur enim ratio D ad B ex rationibus D ad A & A ad B semel sumptis, at ratio E ad C componitur ex iisdem bis sumptis, est ergo ratio D ad B rationis E ad C subduplicata, eodem prorsus modo si tres essent utrinque termini ostenderetur ratio D ad B rationis extremorum esse subtriplicata, &c.

18. Si sint quotcunque continuè proportionalia, primum, secundum, tertium, &c. erunt illa suis differentiis proportionalia; nam secundum, tertium & sequentium unum quodque est prioris rationis Consequens, idemque posterioris Antecedens, sed (per artic. 10.) differentia primi Antecedentis & Consequentis est ad differentiam secundi Antecedentis & Consequentis ut primum Antecedens ad secundum Antecedens, hoc est, in continuè proportionalibus ut primus terminus ad secundum, five ut secundus ad tertium, &c.

19. Si sint tria continuè proportionalia. Summa extremorum una cum medio bis, summa medii & utriusvis extremi. Et idem illud extremum erunt continuè proportionalia.

Sint enim A, B, C :: continuè proportionalia; quoniam ergo A. B :: B. C sunt proportionalia, erunt componendo A+B, B :: B+C. C proportionalia, & permutando A+B. B+C :: B. C. proportionalia, & rursus componendo A+2 B+C. B+C :: B+C. C. quod erat probandum.

20. In quatuor Continuè proportionalibus, maximum & minimum simul majus est quam duæ reliquæ simul. Sint continuè proportionalia A. B :: C. D. quorum maximum sit A, minimum D. Dico A+D majus esse quam B+C. sunt enim A—B. C—D :: A C. proportionalia (per art. 10.) Itaque A—B majus est (per art. 11.) quam C—D. adde utrobique B, eritque A majus quam C+B—D. rursus adde utrinque D eritque A+D majus quam C+B quod erat probandum.

21. Si sint quatuor proportionalia, erit factum ab extremis in se, æquale facto ex mediis in se. Sint enim A. B :: C. D proportionalia. Dico A in D æquale esse facto ex B in C. Componitur enim ratio A in D, ad B in C, ex rationibus (per art. 13.) A ad B & (D ad C, hoc est) B ad A ipsius inversa, est ergo ratio composita (per artic. 14.) ratio æqualitatis, quare ratio A in D ad B in C est ratio æqualitatis: sunt ergo æqualia.

22. Si sint quatuor quantitates, sitque ratio primæ ad secundam duplicata rationis, quam habet tertia ad quartam, erit factum ab extremis, ad factum ex mediis ut tertia ad quartam.

Sint enim quatuor quantitates A. B :: C. D. Sitque ratio A ad B duplicata rationis C ad D. dico A D. id est factum ex A in D, esse ad B C, seu factum ex mediis, ut C ad D.

Quo-

Quoniam enim ratio A ad B duplicata est rationis C ad D, si fiat ut C ad D ita D ad aliud E, erunt A. B :: C. E proportionalia, nam ratio A ad B est (per hypothesim) duplicata rationis C ad D, & C ad E duplicata est ejusdem C ad D, per definitionem (articulo 15.) quare (per præcedentem) A E sive A in E, æquale est B C sive B in C, sed AD est ad AE (per Coroll. 4. Artic. 6.) ut D ad E, sive ut C ad D. est ergo AD ad BC (quod ostensum est ipsi A E æquale) ut C ad D. quod erat probandum.

Porro si ratio primæ A ad secundam B triplicata sit rationis quam habet tertia C ad quartam D. erit factum ab extremis ad factum ex mediis in duplicata ratione tertiæ ad quartam; nam si fiat ut C ad D, ita D ad E, & rursus ut D ad E, ita E ad F, erit ratio C ad F triplicata rationis C ad D, & proinde A. B :: C. F*erunt proportionales, & A F erit æquale B C. sed ut AD ad AF ita D ad F, quare etiam ut AD ad BC. ita D ad F. hoc est ita C ad E, sed ratio C ad E, est duplicata rationis C ad D, quare etiam ratio AD ad BC duplicata, rationis C ad D, quod erat propositum.

23. Si sint quatuor proportionalia, interponantur autem tam inter primum & secundum, quam inter tertium & quartum medium proportionale, erit medium ad medium ut primum ad tertium, sive ut secundum ad quartum. Sint enim A. B :: C. D. proportionalia, interponanturque inter A & B medium E, & inter C & D medium F. Dico A. C :: E. F esse proportionalia. Ratio enim A ad E subduplicata est rationis A ad B, sive C ad D. Etiam C ad F subduplicata est rationis C ad D, sunt ergo A. E :: C. F. proportionalia, & permutando A. C :: E. F sunt proportionalia, quod erat probandum.

24. Dividi dicitur aliquid in extremam & mediam rationem, quando totum & partes sunt in ratione continua. Exempli causa quando A+B. A. B :: sunt continuè proportionales, vel recta A C. ita divisa sit in B, ut A C, A B, B C sint in ratione continua. Quod si eadem A C divisa rursus fuerit in D ut $\frac{A}{D} \quad \frac{B}{D} \quad \frac{C}{D}$ sint A C. C D. A D. continuè proportionales, erunt A C. A B. A D. continuè proportionales, & recurrendo C A. C D. C B. quod in linea aliter secta fieri non potest.

25. Si sint tria continuè proportionalia, & rursus alia tria continuè proportionalia, habentia medium terminum eundem, erunt extrema reciproce proportionalia.

Sint enim A. B. C. & rursus D. B. E continuè proportionalia, erunt quoque A. D :: E. C, proportionalia; nam ratio A ad D componi-

tur ex rationibus A ad B & B ad D. & ratio E ad C componitur ex rationibus E ad B, hoc est B ad D, & B ad C. hoc est A ad B, quare ex æquo per rationem perturbatam erunt A. D :: E. C proportionalia.

26. Si fuerint inter eadem extrema, sed inter se inæqualia, interposita quotcunque media, tam in Geometrica quam in Arithmetica ratione, totidem utrobique, singula media rationis Geometricæ, erunt singulis mediis rationis Arithmeticæ minora. Sint enim inter A minimum & E maximum interposita in ratione Geometrica, Verbi gratia, tria media B, C, D. & in ratione Arithmetica totidem F, G, H. Dico B quam F, C quam G, D quam H minus esse; Est enim primum differentia inter A & F eadem quæ inter F & G, sive G & H (propter rationem Arithmeticam) ideoque differentia inter singula proxima proportionalia est differentiæ extremorum, ubi unicuique est medium, semissis; ubi duo triens; ubi tria, quadrans, &c. in hoc exemplo ergo est quadrans. At differentia inter D & E (per art. 17.) est plus quam quadrans differentiæ Extremorum, propter Rationem Geometricam, differentia ergo inter A & D minor est quam tres quadrantes ejusdem differentiæ extremorum. Similiter si intelligatur differentia inter A & D divisa in tres partes æquales, ostendetur differentiam inter A & C, minorem esse quam 2 quadrantes differentiæ Extremorum A & E. & denique dividendo differentiam inter A & C bifariam inter A & B minorem esse quadrante differentiæ Extremorum A & E.

$\frac{A}{B}$	$\frac{A}{F}$
$\frac{C}{G}$	$\frac{D}{H}$
$\frac{E}{E}$	$\frac{E}{E}$


His consideratis erit B (hoc est, A, una cum alio quodam quod minus est quadrante differentiæ Extremorum A & D) minus quam F. hoc est quam idem A, una cum alio quod æquale est quadranti prædicto. Item C, hoc est A, una cum minore quam sunt duo quadrantes dictæ differentiæ minus erit quam G, hoc est quam A una cum dictis duobus quadrantibus integris. Denique D quod superat A minus quam tribus quadrantibus dictæ differentiæ erit minus quam H quod superat A tribus quadrantibus dictæ differentiæ integris. Eodem modo procederetur si essent quatuor media nisi quod pro differentiæ extremorum quadrantibus sumendæ essent partes quintæ, & sic deinceps.

27. L E M M A. Si eidem quantitati quantitas aliqua tum dematur tum addatur, & rursus alia; major erit ratio residui ad compositum, ubi demitur & additur minus quam ubi majus. Quantitati A dematur & addatur B ut sit A--B residuum, A+B compositum, rursus sumpto C majore quam B, & sint A--C residuum, A+C compositum, dico

dico $A \cdots B$. $A+B :: A \cdots C$. $A+C$ esse hyperlogismum; nam $A \cdots B$. $A :: A \cdots C$. A est hyperlogismus minoris Antecedentis ad idem Consequens; itaque $A \cdots B$. $A+B :: A \cdots C$. $A+C$. multo major hyperlogismus est, majoris scilicet Antecedentis ad Consequens minus.

28. Si fuerint duæ quantitates æquales, à quibus ablatae sunt partes inæquales, inter totum autem & partem utrobique interponantur mediæ, una in ratione Geometricâ, altera in Arithmeticâ. Differentia inter duas medias major erit ubi major est differentia totius & partis.

Sint enim duæ quantitates æquales AB & AB , à quibus ablatae sint partes inæquales AE minor, AF major, Interponatur autem inter AB , AE , media Geometricè AG , & media Arithmeticè AH . Et inter AB , AF , ponatur media Geometricè AI , Arithmeticè AK . Dico HG majorem esse quam KI .



Habemus enim primum Analogismum hunc

$AB. AG :: BG, GE$ per ar-
tic. 18.

Deinde fit componendo secundus.
Et sumendo Antecedentium dimidia
tertius

$AB+AG. AB :: BE. BG.$

$\frac{1}{2}AB + \frac{1}{2}AG. AB :: BH. BG.$

Et convertendo quartus.

$AB. \frac{1}{2}AB + \frac{1}{2}AG :: BG. BH.$

Et dividendo quintus.

$\frac{1}{2}AB - \frac{1}{2}AG. \frac{1}{2}AB + \frac{1}{2}AG
:: HG. BH.$

Et duplicando primum Antecedens
& primum consequens

$AB-AG. AB+AG :: HG.
BH.$

Sed eadem methodo ostendi potest
Analogismus hic

$AB-AI. AB+AI :: KI.
BK.$

Quoniam jam major est ratio AB ad AE , quam AB ad AF , ratio AB ad AG semissis rationis majoris, major est quàm ratio AB ad AI , semissis rationis minoris; & propterea major est AI quam AG . quare ratio $AB-AG$ ad $AB+AG$ (per Lemma præcedens) major erit quàm ratio $AB-AI$, ad $AB+AI$. Itaque & ratio HG ad BH major erit quàm ratio KI ad BK , multo autem major quam ratio KI , ad BH majorem quàm BK (nam BH semissis est BE , cum BK sit semissis BF (per suppositionem) minoris quàm BE) major ergo est HG quam KI , quod erat probandum.

Coroll. Manifestum hinc est quod si quantitas aliqua divisa supponatur

tur in partes æquales numero infinitas, differentiam intermediam Arithmeticam & Geometricam fore infinitè parvam, id est nullam. Atque ex hoc præcipuè fundamento videtur orta esse ars construendi numeros illos quos vocant Logarithmos.

29. Si fuerint quantitates quotcunque & utcunque inæquales vel æquales inter se, fueritque alia quædam quantitas quæ toties sumpta quot sunt illæ quantitates propositæ, omnibus illis fuerit æqualis, quantitas illa, propositarum omnium simul *media* dicitur Arithmetica.

C A P U T X I V.

De Recto, Curvo, Angulo, & Figura.

1. Rectæ lineæ definitio & proprietates.
2. Superficiæ Planæ definitio & proprietates.
3. Curvarum linearum species.
4. Circularis lineæ definitio & proprietates.
5. Rectæ lineæ ut in plano proprietates.
6. Linearum contingentium definitio.
7. Anguli definitio & species.
8. Anguli ejusdem arcus in circulis concentricis sum ut circulorum perimetri.
9. Quantitas anguli in quo consistit.
10. Anguli simpliciter dicti divisio.
11. De rectis à centro circuli ad contingentem.
12. Parallelarum Universalis definitio, Et parallelarum rectarum proprietates.
13. Circulorum perimetri inter se sunt ut diametri.
14. In triangulis, rectas bases parallelas esse ut laterum partes à vertice abscissæ.
15. Quali rectæ lineæ fractione sit circuli circumferentia.
16. Angulum contingentis quantitatem esse, sed angulo simpliciter dicto Heterogeneam, nec ei quicquam addere aut adimere posse.
17. Planorum inclinationem esse angulum simpliciter dictum.
18. Angulus solidus quid.
19. Natura Asymptotæ quæ sit.
20. Situs quibus rebus determinetur.
21. Situs similis quis, Figura quid, & Figure similes quæ sint.

1. **L**inea inter duo puncta minima est, cujus puncta extrema salva quantitate, id est, salva ratione ejus ad aliam quamlibet datam, diduci non possunt. Magnitudo enim lineæ ex maxima quæ esse potest terminorum distantia æstimatur. Ita ut ejusdem lineæ, sive ea extensa, sive incurvata sit, eadem semper sit longitudo, quia distantia terminorum maxima est semper eadem.

Et quoniam actio qua lineam ex recta curvam, vel contra ex curva rectam facimus, aliâ non est quam adductio vel deductio terminorum ejus, Rectè definiemus lineam *curvam* esse eam cujus terminos diduci posse intelligimus,

mus, Rectam autem cuius terminos diduci intelligi non possunt. Et comparatè, magis curvam esse (modo longitudo sit æqualis) eam cuius termini magis diduci possunt. In omni autem linearum curvatione sit sinus quidam sive cavitas, quæ quandoque ad unam partem, quandoque ad aliam spectat, adeo ut eadem curva possit habere cavitatem suam omnem ad easdem partes, vel partim ad unam, partim ad contrarias spectantem.

Quibus rebus intellectis, intelliguntur simul rectæ & curvæ comparationes quæ sequuntur.

1. Si rectæ & curvæ termini ambo sint communes, curvam recta maiorem esse. Diductis enim curvæ extremis quantum fieri potest, fiet ex curva recta, cuius pars erit ea quæ à principio recta erat; ideoque minor erat recta quam curva ipsi contermina. Propter eandem causam, curvarum etiam terminos ambos habentium communes (si cavitas utriusque omnis easdem partes spectet) major erit ea quæ exterior est.
2. Rectam & curvam in nulla omnino, ne minima quidem parte, congruere posse; quia si congruerent, haberet recta & curva aliqua, ambo extrema puncta communia, simulque propter congruentiam æquales inter se essent, quod jam ostensum est fieri non posse.
3. Inter duo puncta data, rectam unicam intelligi posse. Quia inter eadem puncta intelligi non possunt duæ longitudo sine intervalla minima. Nam si una earum minima sit altera cum ea vel coincidit, & fiet una recta, vel si non coincidat, per extensionem ad rectam applicata eosdem terminos non habebit sed diductiores, & proinde à principio curva erat.
4. Quod duæ rectæ superficiem non includunt sequitur ex 3. Nam si utrumque terminum communem habent, coincidunt; si unum tantum, vel neutrum, superficiem non claudunt, sed eam relinquunt ex parte dis-junctorum terminorum apertam & interminatam.
5. Quod omnis pars rectæ, est recta, quia cum unaquæque pars rectæ, minima est quæ inter suos terminos duci potest, nisi omnes partes constituerent unam rectam, essent omnes simul totæ majores.
2. Planum sive superficies plana, ea est quæ describitur à lineâ rectâ ita motâ ut singula ejus puncta singulas describant lineas rectas. Itaque recta linea necessarîo tota jacet in eo plano quod ab ipsâ describitur. Etiam rectæ omnes quas singula puncta rectæ planum describentis faciunt, in eodem plano sunt. Præterea si linea quæcunque in plano moveatur, omnes lineæ quæ ab ipsâ describuntur in eodem plano erunt.

Superficies cæteræ quæ planæ non sunt, *curvæ* vel *gibbæ* dici solent. Sunt autem superficierum planæ & curvæ comparationes eædem quæ linearum rectæ & curvæ. Nam

1. Si Planum & Gibbum iisdem terminetur lineis, Gibbum plano majus est. Quia si lineæ ex quibus constant extendi intelligantur, intelligetur eas quæ in Gibbo sunt, longiores esse quam illæ quæ sunt in Plano, quæ propter rectitudinem extendi non possunt.
2. Planum & continuò Gibbum ne in minima quidem parte congruerent. Essent enim si congruerent æquales, imò eadem superficies plana & curva esset, quod est impossibile.
3. Inter eosdem undiquaque terminos unica esse potest superficies plana; nam unica potest esse minima.
4. Duæ superficies planæ solidum non includunt, nam si eosdem ubique terminos habeant unica fit superficies, si non habent relinquitur hiatus.
5. Omnis pars Plani est plana, nam cùm tota superficies plana minima est superficierum omnium eosdem undiquaque habentium terminos, & unaquæque etiam pars, minima omnium superficierum habentium eosdem undiquaque terminos cum illa parte, nisi omnis pars plana esset, non essent omnes plani partes simul sumptæ, toti æquales.
3. Rectitudinis sive in lineis, sive in superficiebus, una est species, Curvitatibus autem plures; nam curvarum, aliæ *congruæ* sunt, id est, quæ mutuo sibi applicatæ coincidunt; aliæ *incongruæ*. Rursus aliæ *ὁμοιομεγέθεις* sive uniformes sunt, id est, quarum partes æquales utcumque sumptæ sunt congruæ; aliæ *δυσμοιομεγέθεις*, sive pluri-formes. Præterea curvarum aliæ sunt *continuo curvæ*, aliæ *partes habent non curvas*.

4. Si recta linea in plano existens ita moveatur, ut manente uno termino, tota simul circumferatur donec redeat in locum unde moveri cæperat, descripta erit superficies plana, undiquaque terminata à linea curva, ea scilicet quam describit terminus circumlatus. Vocatur autem ea superficies *circulus*. Et punctum immotum circuli illius *centrum*. Linea autem curva circulum terminans, circuli *Perimeter*; & pars ejus quælibet, *circumferentia* & *arcus*. Recta generans *Semidiameter*, & *Radius*; recta per centrum terminata utrinque in circumferentia, *Diameter* appellatur. Præterea Radius describens circulum unumquodque punctum Perimetrum eodem tempore describit propriam, terminantem circulum proprium, qui cæteris omnibus (quoniam commune cum illis habet centrum) dicitur *concentricus*.

1. Itaque in circulo omnes rectæ à centro ad circumferentiam sunt æquales; nam singulæ coincidunt cum eodem radio generante.

2. Et

2. Et diameter dividit tum perimetrum, tum circulum ipsum in duas partes æquales. Si enim duæ illæ partes sibi mutuò applicentur, cum habeant diametrum communem, si semiperimeter altera alteri congruit æquales sunt, tum ipsæ, tum etiam semicirculi, quia congruent & illi; si semiperimetri non congruent, recta aliqua eadem à centro (quæ in diametro est) ab iis secabitur in duobus punctis, itaque, quum à centro ad circumferentiam rectæ omnes sint æquales. Erit ejusdem rectæ pars æqualis toti, quod est impossibile.

3. Propter eandem causam erit perimeter circuli uniformis, id est, pars ejus quælibet cuilibet parti sibi æquali congruet.

5. Præterea colligitur hinc lineæ rectæ proprietas hæc; nempe, si termini ejus in aliquo existant plano, etiam totam in eodem plano esse. Nam cum duo ejus termini in plano sint, recta quæ planum ipsum describit transibit per utrumque terminum; sumpto autem utrovis puncto pro centro, intervallo dictorum terminorum descripta circumferentia, cujus radius est recta quæ planum describit, per alterum terminum transibit. Est ergo inter duos terminos propositos recta una (ex definitione circuli,) tota in plano proposito. Si ergo alia recta inter eosdem terminos duci posset quæ in eo plano non esset, possent inter eadem puncta duci duæ lineæ rectæ, quod ostensum est esse impossibile.

Colligitur etiam si duo plana se mutuò secuerint communem sectionem esse lineam rectam. Nam duo sectionis termini sunt in utroque plano secante, & inter ipsa duci potest linea recta, sed recta inter duo puncta in eodem est plano cum ipsis punctis, quæ cum sint in utroque plano etiam recta illa in utroque erit, & propterea est eorum communis sectio. Omnis autem alia linea inter eadem puncta cum ea coincidit, id est, eadem erit, vel non coincidit & proinde extra alterum vel utrumque planum ibit.

Intelligi facile potest, ut sicut recta circa punctum immotum ut centrum, ita planum circa immotam lineam rectam, ut axem, circumduci posse. Ex quo manifestum est quælibet tria puncta in eodem esse aliquo plano. Nam duo puncta quælibet si recta connectantur, sunt in eodem plano in quo est ipse recta. Si igitur planum illud super illam rectam circumducatur, excipiet revolvendo punctum quodlibet tertium ubicunque positum; itaque erunt omnia in eodem plano, & proinde etiam tres rectæ quæ ipsa connectunt.

6. Duæ lineæ contingere se mutuò dicuntur, quæ cum ad idem punctum ducantur quantumvis tamen productæ (productæ dico eodem modo quo sunt generatæ) altera alteram non secabit. Itaque duæ rectæ si se mutuò contingant, per totam ipsarum longitudinem coætiguæ erunt. Idem facient duæ lineæ continuæ curvæ, si & congruæ sint, & prout congruæ sunt ita una alteri

alteri admoveatur ; alioqui, sicut & curvæ omnes, incongruæ non continent se mutuo, nisi in uno tantum puncto. Id quod ex eo manifestum est, quoddam continuè curva cum recta congruere non potest ; nam si posset, eadem linea & recta esset & curva. Præterea recta quæ curvam contingit, si tantillum super puncto contactus circumferatur curvam secabit, nam in uno tantum puncto contingens, si inclinet ad utramvis partem, plus quam tanget, hoc est, congruet vel secabit, at prius non potest, ergo secabit.

7. *Angulus* generalissimè dictus est, quando due lineæ, vel plures superficies in uno solo puncto concurrentes, cætera divergentes, divergentiæ illius quantitatis. Species autem Anguli primum duæ sunt, vel enim à concurrentibus fit lineis, tunc *Angulus superficialis* est, vel ex concurrentibus superficiebus, qui vocatur *Angulus solidus*.

Rursus superficialium angulorum pro duobus modis quibus divergentia duarum linearum fieri potest duæ sunt species. Nam applicatis sibi mutuo duabus rectis ut per totam longitudinem contiguæ sint, potest una ab alia, manente concursu in uno puncto distrahi, vel motu circulari, cujus centrum est ipsum concursus punctum, ita ut maneat earum rectitudo ; & hujus distractionis sive divergentiæ quantitas vocari solet simpliciter *Angulus*. Vel potest distrahi per continuam flexionem sive curvationem in omni ejus puncto imaginabili ; distractionis autem hujus quantitas vocatur *Angulus contingentia*.

Præterea angulorum superficialium simpliciter dictorum, qui in plana superficie sunt, plani sunt ; qui in aliâ superficte sunt, ab illâ denominantur.










Postremo qui rectis continentur lineis, rectilinei ; qui curvis, anguli curvilinei sunt ; qui recta & curva continentur, mixti.

8. Duorum circulorum concentricorum arcus duo, inter duos radios intercepti, habent inter se eandem rationem, quam habent perimetri totæ.

Sint enim (fig. 1.) centro A descripti duo circuli B C D, E F G. Inter radios autem A E B, A F C, intercepti sint arcus B C, & E F. Dico rationem B C arcus, ad E F arcum eandem esse quam habet C B D perimenter ad E F G perimetrum. Intelligatur enim radius A F C moveri motu circulari super centro A uniformi, id est velocitate ubique eadem, describet punctum C in certo tempore perimetrum C B D, & in parte ejus temporis arcum C B, & quoniam velocitates sunt æquales quibus & arcus & perimenter tota describuntur, ratio magnitudinis perimetri C B D ad magnitudinem arcus C B determinatur à sola differentia temporum ; similiter probabitur quod ratio magnitudinis perimetri F E G ad magnitudinem arcus F E determinatur à sola temporum differentia, quibus perimenter & arcus ille

AD

CAP. XIV





ille describuntur. At eodem tempore describuntur ambæ perimetri, & eodem tempore ambo arcus, est ergo ratio perimetri CBD ad arcum CB , & perimetri FEG ad arcum FE determinata ab eadem causâ, sunt ergo $CBD. CB :: FEG. FE$. proportionales (per artic. 6. cap. præcedentis) & permutando $CBD. FEG :: CB. FE$ sunt proportionales. Quod erat demonstrandum.

9. Ad quantitatem anguli neque longitudo neque æqualitas aut inæqualitas linearum quæ angulum comprehendunt quicquam faciunt, idem enim angulus est qui comprehenditur inter AB & AC , cum eo qui comprehenditur inter AE & AF , vel inter AB & AF . Neque quantitas absoluta arcûs cui angulus subtenditur angulum auget aut diminuit, quia eidem Angulo subtenditur tum arcus BC major, tum etiam arcus EF minor; quantitas enim anguli ex quantitate arcûs cum perimetri totius quantitate comparatione æstimatur. Itaque quantitatem anguli simpliciter dicti sic definiemus.

Quantitas Anguli est quantitas arcus sive circumferentiæ circuli determinata per rationem ejus ad totam perimetrum. Tantus itaque est angulus, quanta portio est totius perimetri arcus inter duas rectas è centro interceptus. Ex quo intelligitur dum lineæ angulum continentes sunt ambæ rectæ, quantitatem anguli in qualibet distantia à centro sumi posse; quod si altera linearum angulum continentium vel utraque curva sit, anguli quantitas in minima à centro sive à concursu distantia æstimanda est; nam minima distantia (quia linea curva intelligi nulla potest, qua recta non sit minor) tanquam recta linea consideranda est. Quamquam autem minima recta dari non potest, sed semper dividi, pervenietur tamen ad partem non considerandam, id quod vocamus punctum; quod punctum jacere intelligitur in recta quæ curvam contingit propterea quod angulus genitus est per motum circularem, rectam ab alia recta ipsam contingente (ut supra articulo 7. diximus) distrahentem. Angulus igitur quem faciunt duæ lineæ curvæ, idem est cum eo quem faciunt earum rectæ contingentes.

10. Unde sequitur angulos verticales (fig. 2.) esse inter se æquales, quales sunt ABC, DBF . Nam ex duabus semiperimetris, DAC, FDA , inter se æqualibus auferatur communis arcus DA , restabunt arcus $AC. DF$ æquales.

Angulus autem alius *Rectus*, alius *Obliquus* dicitur. Rectus quidem cuius quantitas est quarta pars perimetri. Lineæque quæ angulum rectum faciunt, dicuntur sibi invicem *Perpendiculares*. Obliquorum qui recto major est, *Obtusus*; qui minor, *Acutus* appellatur. Ex quo intelligitur omnes angulos possibiles ad idem punctum constitutos simul sumptos æquales esse quatuor rectis, quia quantitas eorum simul sumptorum est perimeter

tota. Etiam omnes angulos ad idem punctum, & ad easdem partes rectæ in qua punctum illud positum est, esse æquales duobus angulis rectis, quia recta illa diameter erit circuli, à cujus circumferentia quantitas anguli determinatur, diameter autem perimetrum in duas partes dividit æquales.

11. Si contingens fiat diameter circuli cujus centrum sit punctum contactus. Recta è centro circuli prioris ad centrum posterioris ducta faciet duos angulos cum contingente (hoc est cum diametro circuli posterioris) duobus rectis (per art. 10.) æquales. Et quoniam contingens æqualiter (art. 6.) utrinque ad circumulum inclinatur, uteruis angulus rectus est, & Semidiameter ad contingentem sui circuli perpendicularis.

Eadem Semidiameter rectarum omnium quæ à centro ad contingentem duci possunt minima est. Est enim ea Semidiameter; sed alia omnis, ut ad contingentem pertrahi possit, circulo egredietur, & proinde semidiametro major est. Similiter rectarum à centro usque ad contingentem euntium ea quæ cum perpendiculari majorem facit angulum major est. Quod quidem descripto alio circulo, centro quidem eodem, Semidiametro vero quanto est longitudo rectæ perpendiculari propioris, ductæque ad ipsam perpendiculari (id est contingente) fiet manifestum.

Quapropter manifestum etiam est, quæ æqualibus angulis à perpendiculari utrinque discedunt rectæ, eas ad contingentem usque productas æquales esse.

12. Parallelarum rectarum definitionem aliquam habemus apud Euclidem, sed Parallelarum in universum definitionem nusquam invenio. Itaque earum Definitio Universalis esto hæc: *Duæ lineæ quæcunque (sive rectæ, sive curvæ) atque etiam duæ superficies, Parallele sunt, in quas duæ lineæ rectæ ubicunque incidentes, facientesque cum utraque ipsarum ad easdem partes angulos æquales, sunt inter se æquales*; Cujus definitionis consectaria sunt.

Primum duas rectas, in duas alias rectas, sed parallelas incidentes, intercipientesque in utrâque, partes æquales, ipsas quoque esse æquales, & parallelas; ut si (in fig. 3.) AB, CD , incident in parallelas AC, BD , sintque AC, BD , æquales, erunt quoque AB, CD , æquales & parallelæ. Ductis enim perpendicularibus BE, DF , erunt anguli EBD, FDH recti æquales; quare, cum EF, BD sint parallelæ, erunt anguli EBA, FDC æquales; jam recta DC rectæ BA non sit æqualis; ducatur à puncto D , quæcunque alia quæ ipsi BA æqualis sit, ea vero non cadet in punctum C , cadat ergo in G . major ergo vel minor est AG , quam BD , non erunt ergo anguli EBA, FDC æquales, ut erat suppositum. Sunt ergo AB, CD , æquales. Quod est primum; Et faciunt (per

(per art. 11.) angulos cum perpendicularibus EB , DF æquales, quare angulus CDH æqualis est angulo ABD . Et per allatam parallelarum definitionem erunt BA , CD , Parallelæ, quod est secundum. Planum autem quod duabus utrinque parallelis inclusum est *Parallelogrammum* vocatur.

Coroll. 1. Ostensum est jam angulos ABD , CDH , esse æquales, id est, rectam (ut BH) incidentem in duas parallelas (ut AB , CD) facere angulum internum ABD , æqualem externo & opposito CDH .

2. Atque hinc rursus sequitur angulos alternos quos efficit recta incidens in duas parallelas, æquales esse. Hoc est (in fig. 4.) angulum AGF æqualem esse angulo GFD . Cum enim GFD æqualis sit externo opposito EGB , æqualis quoque erit Verticali ejus AGF , qui est ipsi GFD alternus.

3. Angulos internos ad easdem partes incidentis FG æquales esse duobus rectis. Nam anguli ad F , nempe GFC , GFD , æquales sunt duobus rectis, sed angulo GFD , æqualis est alternus AGF , quare ambo GFC , AGF , qui sunt interni ad easdem partes incidentis FG , duobus rectis æquales erunt.

4. Trianguli plani rectilinei tres anguli simul sumpti duobus rectis æquales sunt, & producto quolibet latere angulus externus duobus internis oppositis erit æqualis. Nam lateri cuiusvis AB per trianguli plani ABC fig. 5. verticem ducatur parallela, anguli A & B erunt alternis suis F , E , æquales, & angulus C est communis. Sed tres anguli E , C , F , (per art. 10.) æquales sunt duobus rectis; quare & tres anguli trianguli æquales sunt iisdem; quod est primum. Deinde duo anguli B , D , æquales sunt duobus rectis (art. 10.) ablata ergo B , restabunt anguli A , C , æquales angulo D . quod est secundum.

5. Si anguli A & B sunt inter se æquales, etiam latera AC , CB , æqualia erunt, quia AB , EF , sunt parallelæ. Et contra, Si AC , CB , latera sunt æqualia, erunt anguli A , B æquales; nam si non sunt æquales, sint anguli B , G æquales; quoniam ergo GB , EF , sunt parallelæ, & anguli G , B , æquales, erunt GC , CB rectæ æquales, & quia ponuntur æquales CB , AC , erunt CG , CA , rectæ æquales, quod fieri non potest (per art. 11.)

6. Ex quo intelligitur duos circuli radios rectâ connexos facere cum connectente angulos utrinque æquales, adjectoque segmento circuli cujus subtensa sit eadem rectâ, radiorum terminos connectens, etiam duos angulos quos radii illi cum circumferentia faciunt æquales esse;

nam recta arcum quemlibet subtendens, angulos cum ipso æquales efficit, quia divisus bifariam arcu & subtensa ejus, duæ medietates segmenti propter uniformitatem tum circuli circumferentiæ, tum lineæ rectæ, sibi invicem congruent.

13. Circulorum perimetri sunt inter se ut eorundem semidiametri. Sint (in fig. 1.) duo circuli quicunque B C D major, E F G minor, habentes centrum commune A; Eorum semidiametri sint A C, A E. Dico quam rationem habet Perimeter B C D ad Perimetrum E F G, eandem habere C A ad A E. Nam magnitudo semidiametrorum C A, A E, determinatur à distantii punctorum C & E à centro A, quæ distantia acquiruntur motu uniformi puncti ab A ad C; ita ut temporibus æqualibus distantia acquiritæ sint æquales. Sed & Perimetri B C D, E F G, determinantur ab iisdem distantii punctorum C & E, ab eodem centro A, habent igitur tam perimetri B C D, E F G, quam semidiametri C A, A E, eandem causam suas magnitudines determinantem, eamque talem quæ temporibus æqualibus æqualia faciat spatia. Sunt itaque (per cap. 13. art. 6.) Circulorum perimetri & Semidiametri proportionales; quod erat probandum.

14. Si duæ rectæ angulum constituentes rectis secantur parallelis, erunt interceptæ parallelæ, ut partes abscissæ à vertice. Sint (in fig. 6.) rectæ A B, A C, constituentes angulum ad A, sectæ duabus rectis parallelis B C, D E. Quæ abscindant à vertice in utraque recta, puta in A B, partes A B, A D. Dico interceptas B C, D E, esse inter se ut A B, A D. Secetur A B in quotvis partes æquales A F, F D, D B, ducanturque per F & D, F G, D E, parallelæ basi B C, secantes A C, in G & E. Et rursus per puncta G, E, ducantur aliæ rectæ, parallelæ ipsi A B, secantes B C in H & I. Si jam punctum A, intelligatur moveri uniformiter per A B. & eodem tempore punctum B moveri ad C, & omnia puncta F, D, B, moveri uniformiter & æquali inter se velocitate per F G, D E, B C, punctum B percurrat B H (æqualem F G) eodem tempore quo punctum A percurrit A F. Et erit ratio A F ad F G ut illius velocitas ad hujus velocitatem. Et quando A est in F erit D in K; & quando A est in D erit D in E. Et ut punctum A transit per F, D, B, ita B transit per H, I, C. Et rectæ F G, D K, K E, B H, H I, I C sunt (propter parallelismum) æquales. Quare ut velocitas per A B est ad velocitatem per B C, ita est A B ad B C. Id est singulæ parallelæ erunt ad partes à vertice abscissas ut A F ad F G. Itaque A F. F G :: A D. D E :: A B. B C sunt proportionales.

Subtensæ angulorum æqualium in diversis circulis (ut rectæ B C, F E in

in fig. 1.) sunt inter se ut arcus quibus subtenduntur. Nam angulorum æqualium arcus sunt ut perimetri (articul. 8.) perimetri autem ut semidiametri (art. 13.) Sed & subtenſæ BC , FE , propter angulorum quos faciunt cum Semidiametris æqualitatem, erunt parallelæ inter se, ergo & illi (per præcedentem) erunt semidiametris, hoc est perimetris, hoc est arcubus quos subtendunt, proportionales.

15. Si in circulo ponantur deinceps subtenſæ quotlibet inter se æquales, ducanturque à termino subtenſæ primæ, ad terminos omnium cæterarum, rectæ lineæ. Producta prima subtenſa faciet cum secunda externum angulum duplum ejus quem facit contingens circulum in termino primæ cum ipsa prima; & subtenſa duorum arcuum producta faciet cum tertia angulum externum triplum ejusdem, & sic deinceps.

Sit enim circulus (in fig. 7.) descriptus radio AB , in quo ponantur quotlibet subtenſæ æquales, BC , CD , DE , quæ productæ utcunque in G , H , I , faciant angulos, cum subtenſis ſuccedentibus nempe angulos GCD , HDE . Ducta etiam sit contingens KB , faciens cum prima subtenſa angulum KBC . Dico angulum GCD , duplum esse anguli KBC , & angulum HDE ejusdem KBC triplum. Nam si ducatur AC , secans BD in M , & ad punctum C ponatur LC ipsi perpendicularis, erunt LC , MD , propter angulos rectos ad C & M parallelæ. Anguli ergo LCD , BDC , alterni sunt æquales; item propter æqualitatem rectarum BC , CD , anguli BDC , CBD , sunt æquales. Anguli ergo CBD , vel CDB duplus est angulus GCD . Est ergo angulus GCD duplus anguli LCD , hoc est anguli KBC . Rursus CD est parallela BE , propter angulorum CBE , DEB , & rectarum CB , DE æqualitatem, quare anguli GCD , GBE sunt æquales, & per consequens tam GBE , quam DEB , duplus est anguli KBC . Sed angulus externus HDE æqualis est utrique interno DEB , DBE , est ergo angulus HDE anguli KBC triplus, &c. quod erat probandum.

Coroll. 1. Constat hinc angulos KBC , CBD , & denique omnes comprehensos à duabus rectis in circuli circumferentia concurrentibus, insistentibusque æqualibus arcubus esse inter se æquales.

Coroll. 2. Si contingens BK centro B semper moveatur uniformiter secundum circumferentiam, æqualibus temporibus æquales abscindet arcus; totamque perimetrum transibit eodem tempore quo ipsa super centro B describit semiperimetrum.

Coroll. 3. Intelligitur etiam hinc qua ratione determinatur recurvatio rectæ in circumferentiam circuli, nempe per fractionem semper crescentem secundum rationem numerorum deinceps ab unitate. Nam fracta recta indefinita KB , in B , juxta angulum quemcunque KBC , & rursus

in C secundum angulum duplum ejus, & in D secundum angulum triplum, & in E secundum angulum quadruplum, & sic deinceps, erit descripta figura quidem rectilinea; quod si partes fractæ intelligantur esse minimæ, hoc est totidem puncta, erit descripta non figura rectilinea sed circuli circumferentia.

Corollar. 4. Ex iis quæ dicta sunt in præsentē articulo ostendi & hoc potest, *angulum in centro duplum esse anguli in circumferentia ejusdem circuli, modo arcus intercepti sint æquales.* Cum enim recta quæ angulum motu suo determinat, æqualibus temporibus æquales arcus transit, tam è centro quam è circumferentia, ea autem quæ è circumferentiâ est, decurrens per semiperimetrum, transit eodem tempore per totam ejus quæ è centro est perimetrum, arcus quos abscindet in perimetro alienâ dupli erunt eorum quos iisdem temporibus describit in semiperimetro propriâ. Sed ut arcus ita anguli in circulis æqualibus.

Ostendi item potest, quod angulus externus à productâ subtensâ & proximâ subtensâ sibi æquali contentus æqualis sit angulo centri, insistenti eidem arcui, ut in diagrammate proximè præcedente, angulum G C D æqualem esse angulo C A D; Nam angulus G C D externus est duplus anguli C B D, & angulus C A D, insistenti eidem arcui C D, duplus quoque est ejusdem C B D, vel K B C.

16. Angulus contingentiæ si conferatur cum angulo quantulocunque simpliciter dicto, rationem ad ipsum habet eam quam punctum ad lineam, hoc est, neque rationem neque quantitatem ullam. Primò enim angulus contingentiæ fit flexione continuâ, ita ut in generatione ejus nullus omnino fiat motus circularis, in quo consistit natura Anguli simpliciter; itaque cum illo comparari secundum quantitatem non potest. Secundò quia angulus externus subtensæ productæ, & subtensæ proximæ, æqualis est angulo centri super eundem arcum (ut in figura præcedente angulus G C D æqualis est angulo C A D) erit angulus contingentiæ æqualis angulo ex centro qui continetur inter A B, & eandem A B; quia contingentis pars nulla subtendere arcum potest, sed ut ipsum punctum contactus pro subtensâ, ita angulus contingentiæ pro angulo externo habendus sit, & æqualis angulo cujus arcus sit idem punctum B.

Quoniam autem Angulus in genere definitur, ut sit apertio sive divergentia duarum linearum in uno puncto concurrentium; est autem una apertio major quam alia, etiam per generationem anguli contingentiæ, negari non potest quin angulus ille quantitas sit, ubicunque enim est majus & minus ibi quoque est quantitas. Sed quantitas hæc consistit in majore & minore flexione. Nam quo major est circuli circumferentia eo magis accedit ad naturam lineæ rectæ; siquidem tota curvatio (quæ fit dum è recta fit

fit circuli peripheria) major est applicata ad minorem rectam. Ideoque quando plures circuli contingunt eandem rectam, major est angulus contingentiae qui fit cum minore circulo, quam qui fit cum majore.

Nihil ergo addunt neque adimunt angulo simpliciter dicto, additi vel adempti quotcunque anguli contingentiae; & sicut alter alteri aequalis non est, sic neque major nec minor est.

Ex quo sequitur angulum segmenti, id est, quem facit recta quaelibet cum arcu quolibet, æqualem esse angulo qui fit ab eadem recta, & linea quæ contingit circumulum in eodem cum ipsa puncto, ut in præcedente figura, angulus qui fit inter GB & BK , æqualis est angulo qui fit inter GB & arcum BC .

17. Angulus quem faciunt duo plana planorum illorum *Inclinatio* appellari solet. Et quoniam plana ubique æqualiter inclinantur, pro inclinatione sumitur angulus qui comprehenditur à duabus rectis, altera in uno, altera in altero plano, sed ambabus ad communem sectionem perpendicularibus.

18. Angulus solidus duobus modis intelligi potest. 1. Pro aggregato omnium angulorum qui fiunt per motum rectæ lineæ quæ uno extremo quiescente, circumfertur circa figuram aliquam planam, in qua punctum quiescens non est. Atque in hoc sensu accipi videtur ab Euclide. Manifestum autem est quantitatem anguli solidi ita accepti, aliam non esse quam omnium angulorum in superficie sic descripta, id est in superficie solidi Pyramidalis aggregatum. Secundo modo intelligi potest pro ratione superficie sphæricæ subtendentis pyramidis vel coni verticem in sphæræ centro positam, ad totam superficiem sphæræ. In qua acceptione, anguli solidi ita erunt inter se, ut solidorum verticem habentium in sphæræ centro bases in sphæræ superficie comprehensæ.

19. Omnis duarum linearum ad se invicem respectus, sive positionis varietas contineri videtur quatuor generibus; nam duæ lineæ quaelibet, aut parallelæ sunt; aut angulum (si opus est productæ) faciunt; aut contingunt se invicem (modo satis sint magnæ;) aut denique Asymptotæ sunt. De parallelis, angulis & contingentibus, quænam sit earum natura jam diximus. Declarabimus ergo breviter naturam etiam Asymptosæ.

Asymptosis dependet ab eo quod quantitas divisibilis est in infinitum; Ex quo sequitur datâ quacunque lineâ, à cujus termino mobile aliquod versus alterum terminum moveatur, possibile esse (nempe sumendo gradus velocitatis semper minores, in ea ratione qua sumuntur semper minores partes lineæ perpetuò sectæ) ut mobile illud super lineam illam procedat semper, ad finem verò perveniat nunquam. Itaque manifestum est, si recta aliqua ut AF (in fig. 8.) secetur utcunque in B , & rursus BF in C , & CF

in

in D, & DF in E, atque ita æternum, & à puncto F ducatur recta FF in angulo AFF quocunque, ordinenturque in eadem ratione qua secta est linea AF, spatia AF, BF, CF, DF, EF, &c. ad rectam AF parallelas, fore ut curva ABCDE sit rectæ FF Asymptota, hoc est, ut propius ad eam semper accedens numquam tamen attingat. Quoniam autem linea quælibet secari potest in perpetuum secundum rationes segmentorum ad se invicem, alias atque alias, varietate infinita, idcirco etiam Asymptotæ diversæ species numero infinitæ sunt, de quibus hoc loco dicendum non est.

20. Situs est relatio loci ad locum. Determinatur autem plurium locorum situs quatuor rebus; *distantiis inter se. Distantiis singulorum à loco dato. Ordine rectarum à dato ad cetera ductarum; Et angulis quos sic ductæ comprehendunt.* Nam si distantia, & ordo, & anguli, dati (id est) certi sunt, etiam loca singula certa sunt, ut alia esse non possint.

21. Puncta autem quotlibet, similem inter se situm habent ac puncta alia numero totidem, quando rectæ omnes ab uno aliquo puncto ad hæc omnia ductæ, ad rectas omnes, ab uno item puncto ad illa omnia ductas, sub æqualibus deinceps angulis, eandem habent rationem. Sint enim puncta quotlibet A, B, C, (in fig. 9) ad quæ ab uno aliquo puncto ut D ductæ sint rectæ, DA, DB, DC. Sint & alia totidem puncta E, F, G, ad quæ ab uno etiam puncto H, ductæ sint rectæ HE, HF, HG, ita ut anguli ADB, BDC, æquales sint angulis deinceps EHF, FHG; & rectæ DA, DB, DC, rectis HE, HF, HG proportionales; Dico tria puncta A, B, C, tribus punctis E, F, G, similem inter se situm obtinere, sive similiter posita esse. Nam si intelligatur HE super imposita esse DA; ut punctum H sit in D, cadet punctum F in recta DB, propter æqualitatem angulorum ADB, EHF; & punctum G in recta DC, propter æqualitatem angulorum BDC, FHG; rectæ autem AB, EF erunt parallelæ, sicut & BC, FG, propterea quod AD, ED :: BH, FH :: CD, CH ponuntur proportionales; erunt ergo distantia punctorum A, B, & punctorum B, C, proportionales distantia punctorum E, F, & punctorum F, G. In situ ergo punctorum A, B, C, & situ punctorum E, F, G, æquales sunt anguli, eodem ordine; differunt ergo sola distantiarum inter se, & distantiarum à punctis D & H inæqualitate; sunt autem inæqualitates illæ utrobique æquales, propterea quod tum AB, BC :: EF, FG, distantia punctorum utrobique inter se, tum etiam DA, DB, DC :: HE, HF, HG, distantia earundem ab assumptis punctis D & H sunt inter se proportionales; sola ergo differentia est in distantiarum magnitudine, sed per *Similium* definitionem quæ tradita est Capite II. art. 2. quæ solâ magnitudine differunt *Similia* sunt; habent ergo puncta A, B, C, situm inter se similem

lem ejus quem habent puncta, E, F, G; id est, similiter posita sunt, quod erat probandum.

22. Figura est quantitas, punctorum suorum extremorum omnium situ, sive positione determinata. Extrema autem voco puncta illa quæ externo loco sunt contigua. Itaque in linea & superficie puncta omnia extrema sunt, in solido vero puncta superficiiei intra quam solidum includitur omnia.

Et similes figuræ sunt, quorum puncta omnia extrema unius, similiter sunt posita ac puncta omnia extrema alterius. Differunt enim figuræ tales sola magnitudine.

Similes autem figuræ similiter positæ sunt, cum utriusque figuræ rectæ homologæ, id est rectæ quæ connectunt puncta comparata, parallelæ sunt.

Et quoniam recta omnis omni rectæ, & planities planitiei, dum planities tantum consideretur, similis est; cognitis linearum quæ plana, vel superficieum quæ solida includunt proportionibus, cognoscere, an figura propositæ figuræ similis sit an dissimilis, non est difficile.

Hactenus in Philosophia prima versati sumus, proximus locus Geometriæ est, in qua figurarum quantitates ex linearum proportionibus & angulis investigantur. Est itaque Geometriam aggressuro quæ sit quantitas, proportionis, angularum, & figuræ natura præcognoscendum, & propterea capitibus tribus proximè præcedentibus, eorum naturas explicatas, Philosophiæ primæ quam hic dimitto adjungendas esse judicavi.

C A P U T X V.

De Natura, Proprietatibus, & variis Considerationibus, Motûs & Conatûs.

1. Principiorum doctrinæ de Motu superius traditorum Repetitio. 2. Alia ipsis addita. 3. Theoremata quedam, de Natura Motûs. 4. Diverse Motûs considerationes. 5. Via per quam tendit Conatus Mobilium primus. 6. In motu ex concursu, deficiente uno Movemiento, Conatum fieri secundum viam alterius. 7. Conatum mobilis ejus quod dum fertur per circuli circumferentiam ab ea abruptus, fieri secundum lineam contingentem. 8. Movens quo majorem habet vel velocitatem, vel magnitudinem, eo majoris efficacie est in corpus in quod impingit.

1. **P**roxima ordine tractatio est, de Motu & Magnitudine, Corporum Accidentibus maxime Communibus. Itaque locum hunc sibi vindicant magna ex parte proprium sibi Elementa Geometriæ. Quoniam
Elem. Philos. P P P

nam autem pars ista Philosophiæ ab excellentissimis omnium temporum ingenii exulta uberiores tulit segetem, quam ut in angustias propofiti operis nostri contrudi possit; Lectorem ad hunc locum accedentem admonendum esse censui, ut Euclidis, Archimedis, Apollonii, aliorumque tum antiquorum tum recentiorum scripta in manus sumat. Quorsum enim actum agere? Ego vero de rebus Geometricis patica tantum & nova, & ea præsertim quæ Physicæ inserviunt proximis aliquot Capitibus dicturus sum.

Principiorum autem doctrinæ hujus partem aliquam, in Cap. 8. & 9. jam explicatam, ut magis ex propinquo progressuris lucem præbeat in hunc locum conferemus. Primo igitur (Cap. 8. Art. 10.) definitur Motus in hunc modum, *Motus est unius loci privatio, & alterius acquisitio Continua.*

Secundò, ostensum est ibidem, *Quicquid Movetur, in Tempore Moveri.*

Tertiò (capite eodem Art. 11.) definivimus, *Quietem esse, quando Corpus in eodem loco est per aliquod Tempus.*

Quartò ostensum ibidem est, *Quod movetur, nusquam esse in loco certo, idemque & motum esse, & moveri, & motum iri.* Ita ut in omni parte spatii per quod fit motus tria tempora considerari possint, *Præteritum, Præsens, & Futurum.*

Quintò (Cap. eodem, Artic. 15.) definivimus, *Velocitatem esse motum consideratum ut Potentiam, qua Mobile tempore certo, Certam potest transmutare longitudinem.* Quod & brevius enunciari potest sic, *Velocitas est quantitas Motus per Tempus & Lineam determinata.*

Sextò (Cap. eodem, Art. 16.) Ostensum est *Motum esse Mensuram Temporis.*

Septimò (cap. eodem, Art. 17.) definivimus *Motum Aequivoce esse, quibus, æqualibus Temporibus æquales transmutantur longitudines.*

Octavò (Cap. eodem, Art. 18.) definivimus, *Motus Aequales esse quando Velocitas unius Mobilis per omnem ejus Magnitudinem Computata, æqualis est alterius Mobilis velocitati etiam per omnem ejus magnitudinem computata.* Notandum itaque est *Motus æquales & Motus æquivoce*, non significare eandem rem. Nam duorum Equorum ad Currum junctorum motus major est quam unius eorum utriusvis, quum tamen velocitas amborum simul, velocitati unius sit æqualis.

Nondò (Cap. eodem, Art. 19.) Ostensum est, *Quod quiescit, semper quiesciturum esse, nisi existat aliud, extra ipsum, quo supposito, quiescere amplius non possit; & Quod movetur, motum iri semper, nisi existat aliud extra ipsum quod motum ejus impediatur.*

Decimò (Cap. 9. Art. 7.) Ostensum est, *Motus omnis (ex quiete antecedente)*

dente) causam immediate efficientem esse in aliquo corpore moto & contiguo. Undecimò, Ostensum est ibidem, *Quidquid movetur, eadem celeritate & per eandem viam, semper progressurum esse, nisi à corpore moto & contiguo impediatur.*

2. Quibus Principiis adjiciemus, hoc loco, ea quæ sequuntur. Primò, definietur *Conatum esse Motum per spatium & Tempus minus quam quod datur, id est determinatur, sive expositione vel numero assignatur, id est, per punctum.* Ad cujus definitionis explicationem meminisse oportet per punctum non intelligi id quod quantitatem nullam habet, sive quod nulla ratione potest dividi (nihil enim est ejusmodi in rerum natura) sed id cujus quantitas non consideratur, hoc est, cujus neque quantitas neque pars ulla inter demonstrandum computatur; ita ut punctum non habeatur pro indivisibili; sed pro indiviso. Sicut etiam *instans* sumendum est pro tempore indiviso, non pro indivisibili.

Similiter Conatus ita intelligendus est, ut sit quidem motus sed ita ut neque temporis in quo fit, neque lineæ per quam fit quantitas, ullam comparisonem habeat in demonstratione cum quantitate temporis vel lineæ cujus ipsa est pars; quamquam sicut punctum cum puncto, ita Conatus cum Conatu comparari potest, & unus altero major vel minor reperiri. Nam si duorum angulorum puncta verticalia comparentur inter se, erunt in ratione ipsorum angulorum æqualia vel inæqualia, vel si linea recta secet plures circulorum concentricorum circumferentias, puncta sectionum erunt inæqualia in ratione ipsarum perimetrorum. Eodem modo si sint duo motus simul incipientes & simul desinentes, Conatus eorum erunt æquales vel inæquales in ratione velocitatum; quemadmodum videmus majore conatu descendere pilam plumbeam, quam lancam.

Secundò, definietur: *Impetum esse ipsam velocitatem, sed consideratam in puncto quolibet temporis in quo fit transitus.* Adeo ut impetus nihil aliud sit quam quantitas sive velocitas ipsius Conatus.

Tertiò, definietur *Resistentiam esse, in contactu duorum Mobilium Conatum conatus, vel omnino, vel ex aliqua parte contrarium.* Contrarium (dico) quando duo illa Mobilia Conantur per eandem rectam à terminis ejus diversis. Contrarium ex parte, quando Conantur ambo per lineas concurrentes extra rectam à cujus terminis proficiuntur.

Quartò, ut definiamus quid sit *Premere*, Duorum Mobilium alterum, alterum premere dicimus quando Conatu suo unum eorum facit ut alterum vel pars ejus loco cedat.

Quintò *Resistere se corpus pressum, nec dimovere* dicimus, quando sublatò premene, partes ejus motæ, propter ipsam corporis internam constitutionem in suum quæque locum redeunt; id quod fieri videmus in Elateriis, in vesicis inflatis,

tis, & in multis aliis corporibus quorum partes conatui corporis prementis, primò quidem appulsu plus vel minus cedunt, postea verò (remoto premente) vi aliqua interna se restitunt, & toti corpori figuram suam priorem reddunt.

Sextò; *Vim* definimus esse impetum multiplicatum sive in se, sive in magnitudinem Moventis, qua Movens plus vel minus agit in corpus quod resistit.

3. His positis, demonstrabimus primò: Quod punctum quiescens, cui aliud punctum quancunlocunque impetu usque ad Contraictum admovetur, ab eo impetu movebitur. Nam si ab eo impetu à loco suo nihil omnino removeatur, neque ab eo impetu duplicato removebitur, quia duplum nihil, nihil est; & per eandem rationem, neque ab eo impetu, quantumvis multiplicato, removebitur, quia nihil, utcunque multiplicatum, semper est nihil; quare punctum quiescens si non cedat impetui quantulocunque, nulli cederet, & per consequens impossibile est, ut quod quiescit unquam moveretur.

Secundò, Quod si punctum motum quancunlocunque impetu incidat in punctum corporis quiescentis cujuscunque, etiam durissimi, ipsum appulsu primo cedere aliquatenus cogit. Nam si impetui dato, quantuluscunque is sit, nihil omnino cedat, neque impetui cederet punctorum quotcunque volueris, quæ habent singula impetus singulos ipsi æquales; nam cum omnia illa puncta æqualiter agant, unum autem eorum nullum habeat effectum, etiam aggregatum omnium simul habebit toties nullum effectum quot sunt accumulata puncta, id est nullum. Et per consequens essent aliqua corpora ita dura ut nulla vi frangi possent, id est, durities finita, id est, vis finita infinitæ non cederet, quod est absurdum.

Coroll. Manifestum ergo est, quietem inertem atque efficacie omnis expertem esse; motum autem solum esse qui motum & quiescentibus dat, & motis admittit.

Tertiò, Quod cessatio moventis non cogit cessare id quod ab ipso motum est. Nam (per numerum 11. Art. 1. hujus Capituli) quicquid movetur perseverat eadem celeritate & vià quamdiu à moto in contrarium non impeditur; manifestum autem est quod cessatio moventis non est motus in contrarium, sequitur ergo cessante motore non necesse esse ut cesset mobile.

Coroll. Falluntur ergo qui remotionem impedimenti, sive resistentiæ, inter causas motus numerare solent.

4. In rationes autem infertur motus variis nominibus, Primò ut in corpore *Indiviso* (id est, considerato tanquam punctum) vel in *Diviso*. Ut in indiviso, quando supponimus viam per quam fit motus esse lineam. Ut in Diviso, quando computamus motum singularium corporis partium, ut partium.

2. A di-

2. A diversitate regulæ, motus corporis ut indivisi alius est *Vniformis* alius *Pluriformis*. *Vniformis* est quo iisdem temporibus æquales semper percurruntur lineæ. *Pluriformis* quando uno tempore plus, alio minus spatii transmittitur. Et pluriformium motuum alii sunt in quibus accelerationis vel retardationis gradus procedunt per easdem rationes, quas habent transmissa spatia; vel duplicatas, vel triplicatas, vel per quemcunque numerum multiplicatas. Alii in quibus aliter.

3. A numero moventium, motus alius est qui ab uno movente, alius qui à concursu plurium efficitur.

4. A positione lineæ in qua fertur mobile, respectu lineæ cujuspiam alterius. Unde motus alius *Perpendicularis*, alius *Obliquus*, alius *Parallelus* dici potest.

5. A positione Moventis respectu Moti; unde motus alius *Pulsio*, alius *Tractio* est. *Pulsio* ubi Movens facit ut Mobile antecedit. *Tractio* ubi facit ut Mobile sublequatur. Rursus Pulsionis alia species est, quando Moventis & Moti motus simul incipit, quæ *Trusio*, & *Vellio* dici potest, alia quando Movens prius Movetur, Mobile autem posterius, qui Motus *Percussio* appellatur.

6. Consideratur Motus aliquando in solo effectu quem habet Movens in Mobile, & tunc vocari *Momentum* solet. Est autem *Momentum* excessus Motus Corporis Moventis, super Motum, vel Conatum corporis Resistentis.

7. Considerari potest pro diversitate Medii, ut alius in *Vacuo*, alius in *Fluido*, alius in *Consistente*, id est, in medio cujus partis vi aliqua ita consistunt seu coherent, ut nulla ejus pars nisi cedente toto, moventi cedat.

8. Quando mobile consideratur ut habens partes, nascitur Motus distinctio alia, Alius enim *Simplex* est, alius *compositus*. *Simplex* quando partes ejus singulæ singulas describunt lineas æquales. *Compositus* quando inæquales.

5. Conatus autem omnis tendit eo versum, id est, per eam viam quam determinat motus moventis, si Movens unum sit, vel (si plura sint Moventia) quam motus determinat qui fit ex eorum Moventium Concursu. Exempli causa si Mobile Motu feratur recto, primus Conatus ejus erit in linea recta; si feratur Motu Circulari etiam Conatus ejus primus erit in Circumferentia circuli. Et si quidem dum fertur Mobile in lineâ qualibet motu qui fit à concursu duorum Moventium, in eo puncto ubi primum destituitur à vi unius Moventis, mutabitur Conatus ejus in Conatum per lineam Moventis alterius.

6. Itaque si mobile aliquod feratur à concursu duorum ventorum,

cessante vento altero, Conabitur & Movebitur Mobile in lineâ qua ferretur à vento qui perseverat solo. Et in circulo ubi Motus determinatur à Moveate per tangentem & à Radio retinente mobile in certâ à Centro distantia, Conatus ejus qui prius erat in circuli circumferentia, si auferatur retentio Radii, erit postea in tangente sola, id est, in linea rectâ. Cùm enim Conatus æstimatur in parte circumferentiæ minore quam quæ dari possit, id est, in puncto, erit via mobilis per circumferentiam composita ex lineis rectis, quarum una quæque minor est quam quæ dici possit, numero infinitis, & quæ ob eam rem appellantur puncta. Procedet itaque mobile, postquam à retensione Radii liberatum est, secundum eandem rectam, id est secundum Tangentem.

7. Conatus autem omnis, sive fortis, sive debilis, propagatur in infinitum. Est enim Motus; si quidem ergo in vacuo fiat, procedet mobile eadem semper velocitate, quia supposito vacuo supponitur nullum motui ejus adhiberi Resistentiam, itaque (per Cap. 9. art. 7.) per eandem viam, eademque celeritate semper progredietur, & siquidem in Pleno fiat, tamen cum Conatus sit Motus, id quod in via ejus proximè obstat removebitur, & Conabitur ulterius, & hujus Conatus removebit rursus id quod sibi proximè obstat, & sic in infinitum. Generatio ergo Conatus à parte in partem pleni, procedit in infinitum. Pertingit etiam ad distantiam quantamcunque in Instante; nam eodem Instante quo prima pars medii Pleni removet partem sibi proximam, pars secunda partem rursus sibi proximè obstantem removet. Procedit ergo omnis Conatus sive in Vacuo sive in Pleno, non tantum ad distantiam quantamvis, sed etiam in tempore quantulocunque, id est, in instanti. Neque refert quod Conatus procedendo debiliior fiat, ita ut tandem sensum omnem fugiat; motus enim fieri potest ita exiguus ut sensum excitare non possit. Nos autem non de sensu & experientia, sed de ratione rerum hoc loco agimus.

8. In corpus quod Motui resistit, Major est Moventis Vis (pari magnitudine) ejus quod Velociùs quam ejus quod tardiùs movetur. Item Moventis Majoris (pari velocitate) quàm minoris. Nam quod (pari magnitudine) majore velocitate impingit in mobile majorem ipsi imprimit motum. Et quod (pari velocitate) majore mole impingit in idem punctum, vel eandem partem mobilis, minus deperdit velocitatis; propterea quod corpus resistens agit in eam partem Moventis solam quam contingit, ejus ergo partis solius impetum retundit, cùm interea partes non tactæ procedant & vires suas integras conservent, quoad & illæ ad contactum veniant, ubi vires earum effectum suum obtinent aliquem. Itaque exempli causa, arietando, lignum longius quàm brevius eadem crassitudine & velocitate, & crassius quàm exilius eadem longitudine & velocitate plus operatur in parietem.

C A-

C A P V T XVI.

De Motu accelerato, & Vniformi, & de Motu per concursum.

1. *Velocitas mobilis per quodlibet Tempus Computata, est id quod fit ex ductu Impetûs in Tempus. 2. &c. In omni motus longitudines percursæ sunt inter se, ut facta ex impetu in Tempus. 6. Si duo mobilia uniformiter lata, percurrant duas longitudines, erunt longitudines percursæ in ratione composita ex rationibus Temporis ad Tempus, & impetûs ad impetum directè sumptis. 7. Si duo mobilia uniformiter lata percurrant duas longitudines, erunt Tempora inter se in ratione compositâ ex rationibus longitudinis ad longitudinem & impetûs ad impetum reciproce sumptis. Item impetus inter se erunt in ratione compositâ ex rationibus longitudinis ad longitudinem & Temporis ad Tempus reciproce sumptis. 8. Si mobile feratur a duobus simul moventibus uniformiter, quæ in quolibet angulo concurrunt, erit linea quæ percurritur, recta subtiendens angulum complementi ad duos rectos. 9. &c. Si mobile feratur a duobus simul moventibus quorum alterum movet uniformiter, alterum acceleratè, invenire lineam quam describit mobile, modo ratio longitudinum percursarum ad tempora in quibus percurruntur numeris explicari possit.*

1. **V**elocitas cujuscumque corporis per aliquod tempus moti tanta est, quantum est quod fit ex impetu (quem habet in puncto temporis) ducto in tempus ipsius motûs.

Cum enim velocitas (per def. Cap. 8. art. 15.) sit potentia qua mobile certo tempore certam potest percurrere longitudinem : Impetus autem (per Cap. 15. art. 2. numero 2.) sit velocitas in uno tantum puncto temporis sumpto, erunt impetus omnes simul sumpti eadem res cum velocitate per singula puncta temporis computata ; hoc est, cum Impetu in totum tempus ducto, sive cum ipsâ totius motûs velocitate.

Coroll. Si impetus ubique idem sit & sumatur recta quælibet pro mensura Temporis, impetus ad illam rectam ordinatim applicati, designabunt parallelogrammum, quod representabit velocitatem totius motûs. Sin impetus à quiete incipiens crescat uniformiter, id est, in eadem semper ratione cum temporibus consumptis, tota velocitas motûs erit representata per triangulum cujus unum latus est totum tempus, alterum Impetus maximus eo tempore acquisitus ; vel etiam per parallelogrammum cujus unum latus est totum tempus lationis, alterum vero impetûs maximi dimidium ; vel denique per parallelogrammum cujus unum latus est medium proportionale inter impetum maximum, (sive ultimò acquisitum) & impe-

& impetus ejusdem maximi semissem; alterum, semissem Impetus maximi. Nam duo hæc parallelogramma & inter se, & triangulo quod fit ex tempore toto, & impetu crescente sunt æqualia, ut in Elementis Geometriæ est demonstratum.

2. In omni motu uniformi longitudines transcurse sunt inter se, ut factum ab impetu in tempus unius, ad factum ex impetu in tempus alterius.









Sit enim (in Figurâ primâ,) A B Tempus A C Impetus quibus mobile percurrit longitudinem D E. Sitque Temporis A B, pars quæcunque A F, qua parte Temporis supponatur percurri longitudinem D G; ducanturque F H, B I, parallele & æquales rectæ A C. Dico esse D E ad D G ut parallelogrammum A I, hoc est, ut factum ex Impetu A C ducto in Tempus A B, ad A H factum ex eodem Impetu A C in Tempus A F. Est enim ut velocitas per Tempus A B ad velocitatem per Tempus A F, ita longitudo percurra tempore A B ad longitudinem percurram tempore A F; (propterea quod cum impetus supponatur ubique idem, longitudines percurse sunt in ratione temporum) sed ut Tempus A B ad Tempus A F ita est parallelogrammum A I ad parallelogrammum A H, hoc est factum ab impetu A C in Tempus A B, ad factum ex impetu eodem A C, in Tempus A F. Est autem Tempore A B, impetu A C percurra longitudo D E, quare longitudo percurra tempore A F impetu A C erit D G, ad quam (per constructionem) D E habet eandem rationem, quam habet parallelogrammum A I ad parallelogrammum A H. Sive factum ex impetu A C in tempus A B, ad factum ex eodem impetu A C in Tempus A F, quod erat demonstrandum.

Coroll. Quoniam ostensum est in motu uniformi longitudines percuras esse ut parallelogramma ex impetu ducto in tempora, id est (propter æquales impetus) ut ipsa tempora, erit quoque permutando ut Tempus ad longitudinem ita tempus ad longitudinem, Et in universum, habent hic locum omnes Analogismorum proprietates & Metamorphoses quas Capite decimo tertio enumeratas demonstravimus.

3. In motu uniformiter à quiete accelerato (hoc est ubi impetus continuo crescunt in ratione temporum) erit quoque longitudo percurra uno tempore, ad longitudinem percurram alio tempore, ut factum ex Impetu in Tempus ad factum ex impetu in Tempus.

Sit (in eadem figurâ primâ) Tempus A B, in cujus temporis initio A impetus sit ut ipsum punctum A, sed procedente tempore crescat impetus uniformiter donec in ultimo puncto temporis B acquisitus sit impetus quicunque B I. Rursus sit tempus aliud A F, in cujus temporis initio A, impetus sit ut ipsum punctum A, sed procedente tempore crescat impetus uniformiter donec in temporis A F ultimo puncto F acquisitus sit impetus

AD CAP. XVI



impetus FK. Longitudo autem percursa tempore AB impetu uniformiter crescente sit DE. Dico longitudinem DE, esse ad longitudinem percursam tempore AF, ut tempus AB ductum in impetum BI, ad tempus AF, ductum in impetum FK.

Quoniam enim triangulum ABI est velocitas tota moti tempore AB donec acquiritur impetus BI, & triangulum AFK velocitas tota moti tempore AF impetu crescente donec acquiritur impetus FK, erit longitudo DE ad longitudinem acquisitam tempore AF impetu crescente à quiete in A, donec acquisitus sit impetus FK, ut triangulum ABI, ad triangulum AFK, hoc est in ratione temporis AB ad AF duplicata. Fiat ergo ut AB ad AF, ita DE ad DG, & rursus ut DE ad DG, ita DG ad DP, eritque longitudo percursa tempore AB, impetu crescente usque ad BI, ad longitudinem percursam tempore AF impetu crescente usque ad FK, ut triangulum ABI, ad triangulum AFK; Est autem triangulum ABI, factum ex tempore AB ducto in impetum crescentem usque ad BI, & triangulum AFK factum ex tempore AF, ducto in impetum crescentem usque ad FK; quare longitudo DE percursa tempore AB impetu crescente usque ad BI, est ad longitudinem DP percursam tempore AF impetu crescente usque ad FK ut factum ex tempore AB in impetum suum ad factum ex tempore AF in impetum suum. Quod erat probandum.

Coroll. 1. In motu uniformiter accelerato longitudines percursæ sunt in ratione temporum duplicata. Nam ut longitudo DE ad DP, ita triangulum ABI ad triangulum AFK; sed ABI ad AFK duplicatam habet rationem temporis AB ad Tempus AF, ergo DE ad DP habet etiam duplicatam rationem temporis AB ad Tempus AF.

Coroll. 2. Longitudines percursæ æqualibus temporibus deinceps ab initio motus sumptis, in motu uniformiter accelerato, sunt ut differentię numerorum quadratorum incipientium ab unitate, nimirum ut 3. 5. 7. &c. Nam si primo tempore percurratur longitudo ut 1. in duobus temporibus percurratur longitudo ut 4. quod est quadratum binarii, in tribus, longitudo ut 9. quadratum ternarii, & sic deinceps, quorum quadratorum differentię sunt 3. 5. 7. &c.

Coroll. 3. In motu uniformiter accelerato, longitudo percursa est ad longitudinem eodem tempore, impetu autem quantus est ultimo tempore acquisitus uniformi percursam, ut triangulum ad Parallelogrammum, quorum altitudo & basis est communis. Cum enim (in eadem fig. prima) velocitate ut triangulum ABI percurratur longitudo DE, necesse est ut velocitate, ut parallelogrammum AI, percurratur longitudo dupla ipsius DE, propterea quod parallelogrammum AI duplum est trianguli ABI.

Elem. Philos.

Q 9 9

4. In.

4. In motu à quiete ita accelerato ut impetus continuè crescant in ratione temporum consumptorum duplicata; erit quoque longitudo percurſa uno tempore ad longitudinem alio tempore percurſam, ut factum ex impetu in Tempus unius motûs, ad factum ex impetu in Tempus alterius motûs.

Sit enim (in Figura ſecunda) Tempus AB , in cujus temporis initio A , impetus ſit ut ipſum punctum A , ſed procedente tempore creſcat impetus continuè in ratione temporum duplicatâ donec in ultimo puncto Temporis B acquiſitus ſit impetus BI , & in AB tempore, ſumpto ubicunque puncto F , ordinatim applicetur impetus eo tempore acquiſitus FK ; Quoniam ergo FK ad BI ſupponitur habere rationem duplicatam ejus quam habet AF ad AB , habebit AF ad AB rationem ſubduplicatam ejus quam habet FK ad BI , & AB ad AF duplicatam ejus quam habet BI ad FK , & proinde erit punctum K in lineâ Parabolica cujus Diameter eſt AB , & baſis BI . & ſimili ratione in quocunque puncto temporis AB applicetur impetus eo tempore acquiſitus, erit recta eum impetum designans in eadem parabolica AKI , quare impetus ductus in totum tempus AB erit parabola $AKIB$, quæ æqualis eſt parallelogrammo AM cujus unum quidem laſus eſt AB tempus, alterum autem Impetus AL duæ tertiæ impetûs BI . Eſt enim omnis parabola æqualis duabus tertiis parallelogrammi, altitudinem & baſim habentis eandem. Tota ergo velocitas per AB , ut quæ ſit ab impetu AL , in Tempus AB , erit parallelogrammum AM . Similiter ſi ſumatur FN , quæ ſit $\frac{2}{3}$ Impetûs FK , compleaturque parallelogrammum FO , erit FO tota velocitas per tempus AF ut quæ ſit ab impetu AO , ſive FN uniformi ducto in tempus AF . Sit autem longitudo percurſa tempore AB , velocitate AM , recta DE . Poſtremò ſupponatur longitudo percurſa tempore AF velocitate AN eſſe DP . Dico, eſſe ut AM ad AN , ſive ut parabola $AKIB$ ad parabolam AFK , ita DE ad DP . Fiat ut AM ad FL , (hoc eſt, ut AB ad AF) ita DE ad DG . Iam ratio AM ad AN componitur ex rationibus AM ad FL , & FL ad AN . Sed ut AM ad FL , ita eſt (per conſtructionem) DE ad DG . & ut FL ad AN (quia tempus utrobique idem eſt, nempe AF) ita longitudo DG ad longitudinem DP . nam eodem tempore percurſæ longitudines ſunt ut velocitates; quare ex æquo ut AM ad AN , hoc eſt, ut impetus AL , ductus in tempus ſuum AB , ad impetum AO ductum in tempus ſuum AF , ita DE ad DP . Quod erat probandum.

Coroll. 1. Longitudines percurſæ motu ita accelerato ut impetus continuo creſcant in ratione temporum duplicata, ſunt in ratione ſuorum temporum triplicata. Nam ut longitudo DF ad DP , ita eſt parallelogram-

grammum AM ad parallelogrammum AN , & ita parabola $ABIK$, ad parabolam AFK . sed parabola $ABIK$ est ad parabolam AFK , in ratione triplicata ejus rationis quam habet AB tempus ad AF tempus, quare etiam ratio DE ad DP est triplicata rationis AB ad AF .

Coroll. 2. Longitudines percursæ æqualibus temporibus deinceps ab initio sumptis in motu ita accelerato ut impetus sint in duplicata ratione temporum (five in motu bis accelerato) sunt ut differentiarum numerorum cuborum incipientium ab unitate, hoc est ut 7. 19. 37. &c. nam si primo tempore longitudo ponatur 1. in fine secundi temporis erit longitudo 8. in fine tertii 27. in fine quarti 64, &c. qui sunt numeri cubi quorum differentiarum sunt 7. 19. 37. &c.

Coroll. 3. In motu ita accelerato, ut Impetus crescant in ratione Temporum duplicata longitudo quælibet percursa ad longitudinem eodem quidem tempore percursam sed impetu ubique quantus est ultimo acquisitus, est ut parabola ad parallelogrammum ejusdem altitudinis & basis, id est, ut 2. ad 3. nam parabola $ABIK$ est impetus crescens ductus in AB tempus, & parallelogrammum AI est impetus maximus & uniformis ductus in idem tempus AB , & proinde longitudines percursæ erunt ut parabola ad parallelogrammum, hoc est, ut 2. ad 3.

5. Si vellemus cæteros motus persequi ubi impetus crescant in ratione temporum triplicata, quadruplicata, quintuplicata, &c. exiret labor in infinitum non necessarius. Nam qua methodo longitudines percursas impetu simpliciter, & dupliciter crescente computavimus, poterit quis eadem methodo longitudines percursas impetu crescente tripliciter, quadrupliciter, & quotupliciter velit computare.

Inveniet autem, ubi impetus crescunt in ratione temporum triplicata, totam velocitatem designari per parabolastrum primum (de quo Capite sequente) & longitudines percursas esse in ratione temporum quadruplicata. Et ubi impetus crescunt in ratione temporum quadruplicata, totam velocitatem designari per Parabolastrum secundum, & longitudines percursas esse in ratione temporum quintuplicata, & sic in infinitum.

6. Si duo mobilia uniformiter lata percurrunt duas longitudines utrumque suo impetu & tempore, erunt longitudines percursæ in ratione compositâ ex rationibus Temporis ad Tempus & impetûs ad impetum directè sumptis.

Sint enim (in Figura tertia) duo mobilia, quorum alterum moveatur Tempore AB , Impetu AC , alterum Tempore AD , impetu AE . Dico longitudines percursas esse inter se in ratione compositâ ex rationibus AB ad AD , & DC ad AE . Percurrat enim mobile Tempore AB , impetu AC , longitudinem quamcunque Z . Mobile vero aliud Tempore

AD Impetu AE longitudinem X. Et compleantur parallelogramma AF, AG. Quoniam ergo (per art. 2.) Z ad X est ut impetus AC ductus in tempus AB, ad Impetum AE ductum in tempus AD, hoc est, ut AF ad AG, Componetur ratio Z ad X ex iisdem rationibus ex quibus componitur ratio AF ad AG. Sed ratio AF ad AG componitur ex rationibus AB lateris ad AD latus, & AC lateris ad AE latus (ut constat in Elementis Euclidis) hoc est ex rationibus AB temporis ad AD tempus, & AC Impetus ad AE impetum, quare & ratio Z ad X componitur ex rationibus AB Temporis ad AD Tempus, & AC Impetus ad AE impetum. Quod erat demonstrandum.

Coroll. 1. In motu uniformi duorum mobilium si Tempora & impetus sint reciproce proportionalia, erunt longitudines percursæ æquales. Siquidem enim (in eadem figura tertia) esset ut AB ad AD ita reciproce AE ad AC. Componeretur ratio AF ad AG ex rationibus AB ad AD, & AC ad AE, hoc est ex rationibus AB ad AD, & AD ad AB, essent ergo AF ad AG ut AB ad AB hoc est æqualia, & proinde factum utrobique ex impetu in Tempus æquale, & per consequens Z & X essent æquales.

Coroll. 2. Si duo mobilia ferantur eodem tempore diverso Impetu, erunt longitudines percursæ ut Impetus ad impetum. Nam si Tempus utrobique sit AD, impetus autem diversi AE, AC. erit ratio AG ad DC composita ex rationibus AE ad AC, & AD ad AD, hoc est ex rationibus AE ad AC, & AC ad AC, & proinde erit ratio AG ad AC, id est ratio longitudinis percursæ ad longitudinem percursam ut AE ad AC, hoc est ut impetus ad impetum. Similiter si duo mobilia ferantur uniformiter utrumque eodem impetu, sed in temporibus diversis, erit ratio longitudinum percursarum, ut Tempora. Nam si impetus utrobique sit AC, tempora diversa AB, AD, Componetur ratio AF ad DC, ex rationibus AB ad AD, & AC ad AC, hoc est ex rationibus AB ad AD, & AD ad AD; ideoque ratio AF ad DC, hoc est longitudinis percursæ ad longitudinem percursam erit eadem quæ AB ad AD, hoc est Temporis ad Tempus.

7. Si duo mobilia motu uniformi percurrant duas longitudines, tempora lationum erunt inter se in ratione composita ex rationibus longitudinis ad longitudinem, & impetus ad impetum reciproce sumptis.

Sint enim (in eadem figurâ tertia) duæ longitudines datæ Z & X, quarum altera percursâ sit Impetu AC, altera impetu AE. Dico Tempora lationum esse in ratione composita ex ratione Z ad X & ex ratione AE (quo impetu sit X) ad AC (qui est impetus quo percursâ est Z.)

Quoniam

Quoniam enim AF est productum ex ductu impetus AC in Tempus AB , erit Tempus lationis per Z longitudo quæ oritur ex applicatione Parallelogrammi AF ad rectam AC , est autem ea longitudo AB , quare ipsa AB est Tempus lationis per Z ; similiter quia AG est productum ex ductu impetus AE in Tempus AD , erit Tempus lationis per X longitudo quæ oritur ex applicatione AG ad rectam AD , ea vero longitudo est AD , quare AD est Tempus lationis per X . Sed AB est ad AD in ratione composita ex rationibus AF parallelogrammi ad AG parallelogrammum, & AE impetus ad AC impetum. Quod sic ostenditur. Ponantur ordine AF , AG , DC Parallelogramma; eritque manifestum rationem AF ad DC compositam esse ex rationibus AF ad AG , & AG ad DC , Sed AF est ad DC , ut AB ad AD ; quare etiam ratio AB ad AD componitur ex rationibus AF ad AG , & AG ad DC . Et quia ut AF ad AG ita est Z ad X , & ut AG ad DC , ita impetus AE ad impetum AC , erit ratio AB ad AD composita ex rationibus longitudinis Z ad longitudinem X , & impetus AE ad impetum AC , quod erat ostendendum.

Eadem ratione probari potest quod in duabus lationibus uniformibus impetus sunt in ratione composita ex rationibus longitudinis percurse ad longitudinem percursum, & Temporis ad Tempus reciprocè sumptis.

Nam si (in eadem fig. tertia) supponamus AC esse Tempus, & AB impetum quibus percurritur Z , & AE esse tempus, & AD impetum quibus percurritur X , procedet demonstratio ut in articulo præcedente.

8. Si mobile feratur à duobus simul moventibus, quorum utrumque moveatur motu recto uniformi, in dato quolibet angulo concurrentibus, linea quam mobile percurrit erit recta.

Sit enim (in fig. quarta) movens recta uniformiter AB , quod moveatur donec veniat ad locum CD , sit autem & aliud movens recta item & uniformiter AC , faciens cum movente AB angulum datum quemcunque CAB , intelligaturque moveri eodem tempore ad DB . Sit autem mobile positum in puncto concursus A . Dico lineam quæ describitur à mobili esse rectam. Compleatur enim Parallelogrammum $ABDC$, cujus diagonalis sit AD recta, & in recta AB , Sumatur quodlibet punctum E , à quo ducatur EF , rectis AC , BD parallela, secans AD in G , & per G ducatur HI , rectis AB , CD , parallela. Sitque mensura temporis sumpta AC . Quoniam ergo uterque motus eodem fit tempore, quando AB est in CD , erit quoque mobile in CD . Etiam quando AC est in BD , erit mobile in BD . Sed AB est in CD , eodem tempore quo AC est in BD ; est ergo mobile eodem tempore in CD & BD ; est ergo in communi puncto D . Rursus quoniam motus ab A ad BD est uniformis, hoc

est spatia percurſa ſunt in ratione temporum in quibus ſunt percurſa, quando AC eſt in EF, ratio AB ad AE erit eadem quæ EF ad EG, id eſt temporis AC ad Tempus AH; quo tempore igitur AC eſt in EF eodem tempore erit AB in HI, erit ergo mobile eodem tempore in EF & HI, & proinde in puncto G. Eodem modo fiet ubicumque inter A & B ponatur punctum E. Itaque mobile ſemper inveniatur in diagonali AD. Quod erat demonſtrandum.

Coroll. Maniſteſtum hinc eſt eandem rectam AD, percurri quam motus non ſit uniformis modò uterque motus ſimiliter acceleratus ſit; ſemper enim erit ratio AB ad AE, eadem quæ AC ad AH.

9. Si mobile ſeſatur à duobus ſimul moventibus in dato quolibet angulo concurrentibus, quorum alterum movetur uniformiter, alterum motu à quiete uniformiter accelerato (hoc eſt ut impetus ſint in ratione temporum) id eſt ut ratio longitudinum, ſit rationis temporum duplicata donec impetum acquiſierit acceleratione impetui motus uniformis æqualem, linea in qua fertur mobile erit linea curva ſemiparabolæ, cujus baſis eſt impetus ultimò acquiſitus.

Sit enim (in Fig. quinta) recta AB, quæ moveri intelligatur motu uniformi ad CD, ſit autem & aliud movens recta, nempe AC, quod moveri intelligatur eodem tempore ad BD, ſed motu uniformiter accelerato, id eſt, ut ſpatia tranſcurſa ſint perpetuo in ratione temporum duplicata, donec impetus acquiſitus ſit BD æqualis rectæ AC, fiatque ſemiparabola AD. Dico per concurſum amborum ſimul moventium fieri ut mobile percurrat curvam ſemiparabolicam AD. Compleatur Parallelogrammum ABDC, & in recta AB ſumatur quodlibet punctum E, à quo puncto ducatur EF, ſecans curvam in G, & per punctum G ducatur HI, rectus AB, CD Parallela. Quoniam ergo ratio AB ad AE, per hypotheſim duplicata eſt rationis EF ad EG, hoc eſt, temporis AC ad Tempus AH, quando AC eſt in EF, erit AB in HI; Ideoque mobile erit in communi puncto G. Similiter accidet ubicumque fuerit punctum E, ſumptum inter A & B. Et proinde mobile inveniatur ſemper in parabolica AGD, quod erat demonſtrandum.

10. Si mobile ſeſatur à duobus ſimul moventibus in dato quolibet angulo concurrentibus quorum alterum movetur uniformiter, alterum à quiete donec impetum acquiſierit impetui motus uniformis æqualem ita acceleratur ut ratio longitudinum percurſarum ſit ubique rationis temporum in quibus percurruntur triplicata, linea in qua fertur mobile erit curva ſemiparabolæſtri ex medijs duabus primi, cujus baſis eſt impetus ultimò acquiſitus.

Sit

Sit enim (in fig. sexta) recta AB, quæ moveatur uniformiter ad CD, sit autem & aliud movens AC, quod eodem tempore moveatur ad BD motu ita accelerato ut longitudinum percurfarum ratio, rationis temporum sit ubique triplicata, impetus autem ultimè acquisitus sit BD æqualis rectæ AC. Fiatque curva semiparabolæstri ex duabus mediis primi AD. Dico per concursum amborum simul moventium fieri ut mobile percurrat curvam illam AD. Compleatur parallelogrammum ABCD, & in recta AB sumatur punctum quodlibet E, à quo puncto ducatur EF, secans curvam in G, per punctum G ducatur HI rectis AB, CD parallela. Quoniam igitur ratio AB ad AE (per hypothesim) est triplicata rationis EF ad EG, hoc est temporis AC ad Tempus AH. quando AC est in EF, erit AB in HI, quare mobile erit in communi puncto G. Atque idem demonstratur ubicunque (inter A & B) sumatur punctum E. Et per consequens semper erit mobile in curva AGD. Quod erit demonstrandum.

11. Eadem methodo ostendi potest, quæ linea sit quam percurrat mobile actum à duobus moventibus per concursum quibuscunque, quorum quidem unum moveatur uniformiter, alterum autem acceleratè, sed secundum rationes spatiorum & temporum numeris explicabiles, quales sunt rationes duplicata, triplicata, & sic deinceps, vel quales sunt quæ quocunque numero fracto designari possunt. Regula autem est hujusmodi.

Numeri duo, longitudinis, & temporis, simul addantur, horum summa sit fractionis denominator, cujus numerator sit numerus longitudinis. Fractionem hanc quære in Tabella articuli tertii Cap. 17. eritque linea quæsitæ, ea quæ pertinet ad Trilincum à sinistra ascriptum, & speciem ejus quæ supra ipsam fractionem numeratur. Exempli causa. Sit Concurfus duorum moventium quorum alterum movetur uniformiter, alterum motu ita accelerato, ut spatia sint ad Tempora in ratione 5. ad 3. Fiat fractio cujus denominator est summa ex 5 & 3. numerator autem 5. Est igitur fractio illa $\frac{5}{8}$; adi Tabellam, invenies $\frac{1}{4}$ in ordine cui ascribitur Trilincum ex mediis quatuor, & in eo ordine tertium. Itaque linea quæ percurritur ab hujusmodi moventium concursu erit linea curva parabolæstri ex mediis quatuor tertii.

12. Si motus fiat per concursum moventis uniformiter, & moventis motu utcunque accelerato, Movens uniformiter minus promovebit mobile in singulis spatiis parallelis, quam si uterque motus esset uniformis, & eo minus quo motus magis est acceleratus.

Sit enim (in Fig. 7.) mobile positum in A, quod moveatur à duobus moventibus, altero quidem uniformiter moto ab AB recta ad CD rectam sibi parallelam; altera autem utcunque acceleratè moto à recta AC ad

AC ad DB rectam sibi parallelam, & sumatur in Parallelogrammo ABDC spatium inter duas quassibet parallelas EF, GH. Dico, quod dum movens AC, permeat latitudinem quæ est inter EF, GH, minus promoveri mobile ab AB versus CD, quam si motus ab AC ad BD fuisset uniformis.

Supponamus enim quod quo tempore mobile virtute moventis ab AC versus BD descendit ad parallelam EF, eodem tempore idem mobile virtute moventis ab AB ad CD, perveniat ad punctum in EF quodcunque F; ducatur recta AF, & producat in determinatè, secans GH in H. Quoniam ergo est ut AE ad AG ita EF ad GH; si modo AC descenderet versus BD uniformiter, mobile in tempore GH (facimus enim AC & parallelas ejus mensuram temporis) inveniretur in puncto H. Sed quoniam AC, supponitur moveri versus BD motu semper accelerato, id est in ratione spatii ad spatium majore quam Temporis ad Tempus, erit mobile tempore GH in parallela aliqua ulteriore puta inter GH & BD; sit ergo mobile ad finem temporis GH in parallela IK, sumaturque in IK recta IL, ipsi GH æqualis; ergo mobile cum est in parallela IK erit in puncto L. Quare mobile cum erat in parallela GH, erat in puncto aliquo inter G & H; puta in M, erat autem quando uterque motus erat uniformis in ipso puncto H. Itaque dum movens AC percurrit latitudinem quæ est inter EF, GH minus promovetur mobile ab AB versus CD, quam si uterque motus esset uniformis. Quod erat demonstrandum.

13. Data longitudine percurfa dato tempore motu uniformi, longitudinem invenire quæ percurreretur eodem tempore motu uniformiter accelerato, id est, ita ut longitudines percurfæ sint ubique in ratione temporum duplicatâ, & impetus ultimo acquisitus æqualis sit Tempori.

Sit (in figura 8,) longitudo AB percurfa motu uniformi, tempore AC, oportet longitudinem aliam invenire quæ percurratur motu uniformiter accelerato, eodem tempore, ita ut impetus ultimo acquisitus æqualis sit rectæ AC.

Compleatur parallelogrammum ABDC, & dividatur BD bifariam in E, & inter BE, BD sumatur media proportionalis BF, ductaque AF producat ad occursum CD productæ in G, compleaturque parallelogrammum ACGH. Dico AH esse longitudinem quæsitam.

Fiat enim ut ratio duplicata ad rationem simplicem, ita AH ad aliam AI, eritque AI semissis AH, ducaturque IK parallela rectæ AC, secans diagonalem AD in K, & rectam AG in L. Quoniam ergo AI est semissis AH, erit quoque IL semissis BD, id est æqualis BE, & IK æqualis BF. Cum enim BD (id est GH) BF, BE (id est IL) sint continuè

tinuè proportionales, erunt quoque AH, AB, AI , continuè proportionales, sed ut AB ad AI , hoc est, ut AH ad AB ita BD ad IK , & ita etiam GH (id est BD) ad BF , sunt ergo BF, IK æquales. Iam ratio AH ad AI duplicata est rationis AB ad AI , hoc est rationis BD ad IK , sive GH ad IK , erit ergo punctum K in parabola cujus diameter est AH , basis autem GH æqualis AC . Quare mobile procedens à quiete in A , motu uniformiter accelerato tempore AC , longitudine percursâ AH acquireret impetum GH æqualem Tempori AC , id est, impetum quo mobile percurreret tempore AC ipsam longitudinem AC . Data ergo longitudine, &c. quod erat propositum.

14. Datâ longitudine dato tempore motu uniformi percursâ, longitudinem invenire quæ percurreretur eodem tempore motu ita accelerato ut longitudines percursæ, ubique sint in ratione temporum triplicatâ, utque impetus ultimò acquisitus æqualis sit dato tempori.

Sit (in Fig. 9.) data longitudo AB percursâ motu uniformi tempore AC . Inveniendâ autem est longitudo quæ eodem tempore percurratur sed motu ita accelerato ut longitudines percursæ ubique sint in ratione temporum in quibus percurruntur, triplicatâ, & impetus ultimò acquisitus sit tempori quod datum est æqualis.

Compleatur parallelogrammum $ABDC$, & dividatur BD in E , ita ut BE sit pars tertia totius BD , & inter BD, BE sumatur media proportionalis BF , ducta autem AF producatur ad occursum rectæ CD in G , & compleatur Parallelogrammum $ACGH$. Dico AH esse longitudinem quæsitam.

Fiat enim ut ratio triplicata ad rationem simplicem, ita AH ad aliam AI , eritque AI tertia pars totius AH ; ducatur IK parallela rectæ AC secans diagonalem AD in K , & rectam AG in L ; fiat deinde ut AB ad AI , ita AI ad aliam AN . Et à puncto N ducatur NQ parallela AC secans AG, AD , & productam FK , in P, M, O . Postremo ducantur FO, LM æquales & parallelæ rectis BN, IN . His constructis erunt AH, AB, AI, AN . Longitudines percursæ continuè proportionales. Similiter tempora GH, BF, IL , & NP , hoc est NQ, NO, NM, NP , erunt continuè proportionalia, in eadem ratione in qua sunt AH, AB, AI, AN . Est ergo ratio AH ad AN eadem quæ ratio BD , id est NQ , ad NP , & ratio NQ ad NP triplicata rationis NQ ad NO , hoc est triplicata rationis BD ad IK ; quare ratio longitudinis AH ad longitudinem AN triplicata est rationis temporis BD ad tempus IK ; quare curva trilinei ex duabus mediis primi, cujus diameter est AH , & basis GH æqualis AC , transibit per punctum O , & proinde percurreretur AH tempore AC ,

Elem. Philos.

R 11.

habe-

habebitque impetum ultimè acquisitum GH æqualem AC , & rationem longitudinum quibuslibet temporibus acquisitarum, rationis ipsorum temporum triplicatam. Erit ergo AH longitudo quam oportebat invenire.

Eadem methodo, si detur longitudo quolibet dato tempore motu uniformi percurſa, inveniri poteſt longitudo eodem tempore percurſa motu accelerato ſecundum rationem longitudinum rationis temporum quadruplicatam, quintuplicatam, & ſic deinceps in infinitum. Nam ſi BD dividatur in E , ita ut BD ſit ad BE , ut 4. ad 1. & inter BD , BE ſumatur media FB , & fiat ut AH ad AB ita AB ad tertiam, & rursus, ita tertia illa, ad quartam, & quarta ad quintam AN , ita ut ratio AH ad AN ſit quadruplicata rationis AH ad AB , & completo parallelogrammo $NBFO$, transibit per O curva trilinei ex mediis tribus primi, & proinde mobile acquireret impetum GH æqualem AC , in ipſo tempore AC , & ſic de cæteris.

15. Etiam ſi ratio longitudinum percurſarum, ad rationem temporum ſit ut numerus quilibet ad numerum quemlibet, longitudo eo motu & tempore percurſa eadem methodo invenietur.

Sit enim (in figurâ 10.) tempus AC , in quo mobile A perveniat motu uniformi ad B , & completo Parallelogrammo $ABDC$, invenienda eſt longitudo quam mobile ab A eodem tempore AC , percurſat motu ita accelerato, ut longitudines percurſæ ubique ſint in ratione temporum ſesquialtera, hoc eſt ut 3. ad 2.

Dividatur BD in E , ita ut BD ſit ad BE ut 3. ad 2. & inter BD , BE , ſumatur media BF , ductaque AF producatur ad occurſum CD in G , & ſumpta inter AH , AB media AM , fiat ut AM ad AB , ita AB ad AI , eritque ratio AH ad AI ſesquialtera rationis AH ad AB (nam quarum rationum AH ad AM eſt una, ratio AH ad AB eſt duæ, & ratio AH ad AI tres) & proinde etiam ſesquialtera rationis GH ad BF , & (ductâ FK parallelâ BI ſecante AD in K) ſesquialtera rationis GH ſeu BD ad IK . Sunt ergo longitudines AH , AI in ratione, quæ eſt ad rationem temporum BD , IK ut 3. ad 2. & proinde ſi mobile tempore AC , ita ut propoſitum eſt, acceleretur donec acquiſierit impetum HG , æqualem AC , erit longitudo eodem tempore percurſa AH .

16. Quod ſi ratio longitudinum rationis temporum fuiſſet ut 4. ad 3. ſumendæ eſſent inter AH , AB duæ mediæ proportionales, & earum ratio continuanda eſſet una vice ulterius ita ut AH ad AB haberet tres rationes quarum AH ad AI haberet quatuor, cætera autem peragenda eſſent ut antè. Modus autem medias quaslibet inter datas lineas interponendi

ponendi nondum traditus est. Hoc tamen in universum pronunciari potest. Si detur tempus, & longitudo eo tempore, motu uniformi, percursa, verbi gratia AC tempus, AB longitudo, recta AG determinans longitudinem CG vel AH percursam eodem tempore AC motu accelerato quocunque, secabit BD ita in F ut BF sit media proportionalis inter BD, & partem ejus BE ita sumptam ut ratio longitudinis ad longitudinem sit ubique ad rationem temporis ad tempus ut BD tota, ad BE partem.

17. Si tempore dato mobile percurrat duas longitudes, alteram motu uniformi, alteram motu accelerato in quacunque ratione longitudinum ad tempora, & rursum in parte illius temporis iisdem motibus percurrat partes earundem longitudinum, erit excessus longitudinis totius supra totam, in eadem ratione cum excessu partis supra partem.

Sit exempli causa (in figura 8.) longitudo AB percursa tempore AC motu uniformi, & eodem tempore AH percursa motu uniformiter accelerato, ita ut impetus ultimò acquisitus sit GH æqualis AC, sumatur autem in AH pars quælibet AI, quæ percurratur in parte temporis AC motu uniformi; Rursum intelligatur AB percurri in eadem parte Temporis AC motu uniformiter accelerato. Dico esse ut AH ad AB, ita AB ad AI. Ducatur IK parallela AC secans AD in K, compleaturque Parallelogrammum AIKM; divisâ autem IK bifariam in N, inter IN, IK sumatur media proportionalis IL, eritque ducta AL in ipsâ rectâ AG (dividuntur enim IK, BF, in punctis E, F, & N, L, in easdem rationes.) Quare producta AL ad occursum MK productæ incidet in eam ad punctum F, & divisâ AB bifariam in O, erit ut IK ad IN, ita AB ad AO. Quoniam ergo IL media est inter IK, IN, erit quoque AI media inter AB & AO ejus semissem. Est autem AB media inter AH & ejus semissem AI. Quare ut AH ad AB mediam inter AH, AI, ita est AB ad AI mediam inter AB, AO; & proinde ita excessus AH supra AB, (qui est BH) ad BI excessum AB supra AI, quod erat, &c. Simili demonstratione probari potest idem hoc Theorema, in quacunque alia accelerationum ratione numeris quidem explicabili.

18. In quolibet Parallelogrammo si duo latera angulum continentia eodem tempore moveantur ad latera sibi opposita; alterum quidem motu uniformi, alterum autem motu uniformiter accelerato; latus quod movetur motu uniformi, concursu suo per totam longitudinem suam, tantundem efficit, quantum efficeret si alter etiam motus esset uniformis, longitudo vero eodem tempore percursa, mediâ proportionalis inter totam & dimidiâ.

Sit (in fig. 11.) Parallelogrammum ABCD; intelligatur autem latus

R r r 2

AB

A B moveri motu uniformi donec jaceat in C D. Sitque Tempus illius motus A C, five B D. Eodem etiam tempore intelligatur moveri A C motu uniformiter accelerato donec jaceat in B D. Deinde divisa A B bifariam in E, sumatur inter A B & A E media proportionalis A F, & ducta F G parallela ipsi A C, intelligatur idem latus A C, & eodem tempore, moveri motu uniformi donec jaceat in F G. Dico A B totam, tantum conferre ad velocitatem mobilis positi in A, quando motus A C est uniformiter acceleratus usque ad B D, quantum confert pars A F, quando motus lateris A C est uniformis eodem tempore usque ad F G.

Quoniam enim A F est media proportionalis inter totam A B, & semissem A E, erit impetus motus ab A C ad B D acceleratione uniformi ultimo acquisitus (per art. 13.) ipsa B D; & proinde recta F B, est excessus quo longitudo ab A C percurfa motu uniformiter accelerato superat longitudinem percurfam ab eodem A C, eodem tempore, motu uniformi, cum impetu ubique ipsi B D æquali. Quare si tota A B moveatur uniformiter ad C D, eodem tempore quo A C movetur uniformiter ad F G, pars F B, cum non concurrat cum motu lateris A C quod supponitur consistere in F G, motui ejus nihil conferet. Rursus supposito quod latus A C moveatur ad B D motu uniformiter accelerato, latus A B motu suo uniformi ad C D minus promovet mobile in singulis parallelis acceleratum, quam non acceleratum, & tanto minus quanto major est acceleratio (ut ostensum est art. 12.) Itaque quando A C est in F G, per motum acceleratum, mobile non erit in latere C D ad punctum G, sed ad punctum D, ita ut G D sit excessus quo longitudo facta motu accelerato ad B D superat longitudinem factam motu uniformi ad F G. Effugit ergo mobile, acceleratione sua actionem partis A F, ita ut perveniat ad latus C D tempore quidem A C, sed in longitudine C D quæ est longitudini A B æqualis. Quare tempore A C motus uniformis ab A B ad C D, in longitudine tota A B non plus agit in mobile uniformiter acceleratum ab A C ad D B, quam si esset A C mota eodem tempore motu uniformi ad F G; differentia in eo solo consistit, quod cum A B agit in mobile uniformiter motum ab A C ad F G, id quo motus acceleratus superat uniformem, totum simul est in F B vel G D; sed quando eadem A B agit in mobile acceleratum, id quo motus acceleratus superat uniformem, dispergitur per totam longitudinem A B five C D, sed tamen ut totum collectum æquale sit eidem F B five G D. Itaque in quolibet parallelogrammo &c. Quod erat demonstrandum.

19. Eadem methodo si longitudines percurfæ habeant aliam quamcunque ad tempora sua rationem numeris explicabilem, & latus A B divisum sit in E, ita ut A B sit ad A E, ut ratio longitudinum ubique per-

percurfarum , ad rationem temporum quibus percurruntur , fumaturque inter AB & AE media proportionalis AF , ostendi poteft , latus quod movetur motu uniformi , concursu fuo per totam longitudinem AB tantundem efficere quantum efficeret fi alter etiam motus uniformis eſſet , longitudi-
 tudo vero eodem tempore AC percuſa eſſet media illa AF.

Atque haftenus de motu per concurrum.

C A P V T X V I I.

De Figuris Deficientibus.

1. Figuræ Deficientis , Completæ , Complementi , Rationum proportionalium & commenſurabilium Definitiones. 2. Figuræ deficientis ad complementum ſuum ratio. 3. Figurarum deficientium in Parallelogrammo deſcriptarum ad complementa ſua rationes , in tabella expoſitæ. 4. Earundem figurarum deſcriptio & productio. 5. Earundem Taſtio. 6. In qua ratione eædem figuræ excedunt triangulum rectilineum ejusdem altitudinis & baſis. 7. Figurarum deficientium ſolidarum in cylindro deſcriptarum Tabella. 8. In qua ratione eædem figuræ excedunt Conum ejusdem altitudinis & baſis. 9. Figura plana deficiens in Parallelogrammo quomodo iſa deſcribatnr , ut ſit ad triangulum ejusdem baſis & altitudinis , ut alia deficiens (ſive plana ſive ſolida) bis ſumpta , ad eam ipſam deficientem una cum figura completa in qua deſcribitnr. 10. Translatio proprietatum quarundam quas habent diſt. e figuræ deſcriptæ in Parallelogrammo , ad rationes ſpatiorum variis gradibus velocitatis tranſmiſſorum. 11. De figuris deficientibus deſcriptis in circulo. 12. Propositionis demonſtrata , Art. 2. confirmatio quedam ex Philoſophia prima. 13. De æqualitate inter ſuperficiem portionis Sphæræ , & circulum. 14. Quomodo ex deſcriptis Figuris deficientibus in Parallelogrammo , interjici poſſunt inter duas lineas rectas quolibet mediæ proportionales.

- I. **F**iguras deficientes tam appello quas generari poſſe intelligimus à quantitate aliquâ uniformiter motâ , ſimulque decreſcente donec tota evaneſcat.

Figuram completam deficienti reſpondentem illam appello , quæ ab eadem quantitate ſemper integrâ , eodem tempore generatur quo generatur deficiens.

Figuræ deficientis complementum illa figura eſt quæ deficiente addita ipſam completam facit.

Rationes proportionales , ſunt quatuor rationes , quarum prima eſt ad ſecundam , ut tertia ad quartam.

Exempli gratia , ſi prima ratio ſit rationis ſecundæ duplicata , & rurſus ratio tertia rationis quartæ duplicata , dicentur illæ rationes proportionales.

Rationes autem commensurabiles sunt quæ habent inter se rationem quam habet numerus ad numerum; ut si rationis datæ ratio una quidem duplicata sit, alia verò triplicata, erit duplicata ad triplicatam ut 2. ad 3; ad datam vero ut 2. ad 1. & propterea tres illas rationes appello commensurabiles.

2. Figura deficiens facta à quantitate continuè decrescente donec evanescat, secundum rationes ubique proportionales & commensurabiles, est ad complementum suum, ut ratio totius altitudinis, ad altitudinem quolibet tempore diminutam, ad rationem quantitatis integræ quæ figuram describit, ad eandem tempore eodem diminutam.

Describatur parallelogrammum $ABCD$, intelligaturque basis AB moveri parallela ad CD , ita ut dum movetur perpetuè decrescat donec evanescat in puncto C ; sitque ratio diminutæ AB ad ipsam AB integram ubique eadem quæ ratio AC ad AG , vel ubique duplicata, vel triplicata, vel in alia quacunque ratione rationis ad rationem. Dum AB eo modo decrescit, punctum B describat lineam aliquam, puta $BEFC$. Dico jam, si ratio AC ad AG sit eadem quæ ratio AB ad GE , spatium $ABEFC$ esse ad spatium $DCFEB$ ut 1. ad 1; si vero ratio AC ad AG sit duplicatâ rationis AB ad GE , spatium $ABEFC$ esse ad spatium $DBEFC$ ut 2. ad 1; si triplicata, ut 3. ad 1; & sic deinceps.

Lemma 1.

Qua ratione velocitas puncti moti augetur, eadem ratione augentur quoque spatia ab ea iisdem vel æqualibus temporibus percursa.

Lemma 2.

Si inter duas rectas interponantur mediæ tum Arithmeticæ tum Geometricæ numero infinitæ, hæ & illæ magnitudine non different.

In parallelogrammo $ABCD$ concipiatur latus AB moveri ad latus CD parallelus, & movendo decrescere donec tandem evanescat in puncto C ; & per talem motum descripta sit figura $ABEFC$, relicto complemento $DCFEB$, cujus linea $BEFC$ describitur à termino B decrescens AB . Eodem autem tempore moveri intelligatur latus AC ad latus BD uniformiter. Potest igitur haberi CD pro mensura Temporis. Rectæ autem ipsi CD parallelæ terminatæ ab una parte in linea $BEFC$, ab altera parte in recta AC , erunt mensuræ partium Temporis, in quo AB movetur ad CD & AC ad BD .

Sumatur jam in recta CD arbitrariè punctum O , ducaturque OS parallela lateri BD secans lineam $BEFC$ in E , & rectam AB in S . Rursus à puncto Q sumpto in CD ad libitum ducatur eidem lateri BD parallela QR secans $BEFC$ in F , & AB in R . Ducantur etiam EG , FH parallelæ CD , secantes AC in G & H . Postremò idem supponatur factum esse per omnia puncta lineæ $BEFC$.

Dico

Dico jam esse ut aggregatum omnium velocitatum quibus describuntur rectæ QF , OE , DB cæteræque omnes eadem methodo genitæ, ad aggregatum temporum designatorum per rectas HF , GE , AB & cæteras, ita planum $DCFEB$ ad planum $ABEFC$. Sicut enim AB decrescendo per lineam $BEFC$ in Tempore CD evanescit in punctum C , ita CD (ipsi AB æqualis) decrescendo per eandem lineam $C FEB$ eodem Tempore evanescit in punctum B , descriptâ rectâ DB æquali AC . Sunt ergo velocitates quibus describuntur AC & DB inter se æquales. Rursus quoniam eodem Tempore quo punctum O describit rectam OE , eodem Tempore punctum S describit rectam SE , erit OE ad SE ut velocitas qua describitur OE , ad velocitatem qua describitur SE . Et propter eandem causam QF erit ad RF ut velocitas qua describitur QF ad velocitatem qua describitur RF ; & sic de cæteris omnibus parallelis. Ut ergo rectæ quæ sunt parallelæ lateri AB , terminanturque in linea $BEFC$ sunt mensuræ Temporum; ita rectæ quæ sunt parallelæ lateri BD , terminatæque in eadem linea $BEFC$, sunt mensuræ velocitatum. Nam (per Lemma 1.) in qua ratione augentur velocitates, in eadem augentur rectæ eodem Tempore percursæ, nempe QF , OE , BD , &c.

Iam lineæ illæ omnes QF , OE , BD , &c. constituunt planum $DBEFC$; & lineæ omnes HF , GE , AB , &c. id est omnes ES , FR , CA , &c. constituunt planum $ACFEB$. Quarum illæ sunt aggregatum velocitatum, hæ aggregatum Temporum. Ut igitur aggregatum velocitatum ad aggregatum Temporum, ita complementum $DBEFC$ ad figuram $ABEFC$. Siquidem ergo rationes DB ad OE , & OE ad QF fuerint ubique rationum AB ad GE , & GE ad HF (exempli causâ) triplicatæ, erunt vice versa rationes OE ad DB , & QF ad OE , rationum GE ad AB & HF ad GE subtriplicatæ. Quare aggregatum omnium QF , OE , BD , &c. aggregati omnium HF , GE , AB , &c. erit (per Lemma 2.) subtriplicum. Ut ergo aggregatum velocitatum ad aggregatum Temporum quibus describuntur aggregatum velocitatum ad aggregatum Temporum quibus describuntur figura deficiens & complementum, ita erit ipsum complementum ad figuram deficientem, nimirum complementum $DBEFC$ ad figuram $ABEFC$. Quod erat demonstrandum.

3. Per hanc propositionem comparari possunt figuræ omnes deficientes (quarum rationes quibus continuò decrescunt bases, sunt proportionales rationibus quibus decrescunt altitudines) cum magnitudinibus suorum complementorum, & per consequens cum magnitudinibus figurarum completarum. Invenientur autem ita se habere ut in tabulis sequentibus,

tibus, ubi primò cum parallelogrammo comparantur trilinea, quorum primum est triangulum rectilineum quod fit ex base linea recta decrescen-
te ita ut altitudines sint semper in eadem ratione qua bases; ideoque æqua-
le est triangulum rectilineum suo complemento, sive rationes altitudinum
& basium sunt ut 1 ad 1, unde fit ut triangulum illud sit parallelogrammi
dimidium. Secundum est trilineum quod fit à decrescen- te base in ratione
altitudinum ubique subduplicata, & proinde erit figura deficiens sui com-
plementi dupla, parallelogrammi autem subsesquialtera. Deinde ratio
altitudinum rationis basium potest esse triplicata, & tunc figura deficiens
erit complementi sui tripla, parallelogrammi vero subsequitertia. Potest
etiam ratio altitudinum rationis basium esse sesquialtera, & tunc figura
deficiens erit complementi sui sesquialtera, parallelogrammi vero super-
tripartiens quintas sive $\frac{5}{3}$; & sic ulterius, ut in tabula proxima sequente,
prout plures mediæ sumuntur proportionales, id est, prout rationes mul-
tiplicantur. Exempli causa, si bases decrescant ita ut ratio altitudinum
ubique sit ad rationem basium ut 5. ad 2. quæritur quænam fit ratio figu-
ræ factæ ad parallelogrammum, quod ponitur esse unum; quoniam ubi ra-
tio quinquies sumitur quatuor sunt media, vide trilinea ex mediis qua-
tuor; deinde (propter numerum 2.). vide in parte superna ordinem se-
cundum, in concursu habetur $\frac{5}{3}$ quod indicat figuram deficientem esse ad
Parallelogrammum ut $\frac{5}{3}$ ad 1, sive ut 5. ad 7.

	1.	2.	3.	4.	5.	6.	7.
Parallelogrammum	1	:	:	:	:	:	:
Triang. Rectilineum	$\frac{1}{2}$:	:	:	:	:	:
Trilineum ex media una	$\frac{2}{3}$:	:	:	:	:	:
Trilineum ex duabus mediis . .	$\frac{3}{4}$	$\frac{3}{7}$:	:	:	:	:
Trilineum ex mediis tribus . .	$\frac{4}{5}$	$\frac{4}{7}$	$\frac{4}{9}$:	:	:	:
Trilineum ex mediis quatuor .	$\frac{5}{6}$	$\frac{5}{7}$	$\frac{5}{9}$	$\frac{5}{11}$:	:	:
Trilineum ex mediis quinque	$\frac{6}{7}$	$\frac{6}{8}$	$\frac{6}{9}$	$\frac{6}{11}$	$\frac{6}{13}$:	:
Trilineum ex mediis sex . . .	$\frac{7}{8}$	$\frac{7}{9}$	$\frac{7}{10}$	$\frac{7}{11}$	$\frac{7}{13}$	$\frac{7}{15}$:
Trilineum ex mediis septem . .	$\frac{8}{9}$	$\frac{8}{10}$	$\frac{8}{11}$	$\frac{8}{12}$	$\frac{8}{13}$	$\frac{8}{14}$	$\frac{8}{15}$

4. Ut autem natura dictorum trilineorum melius intelligatur, osten-
demus quomodo per puncta describi possunt; & primo de iis quæ sunt
in tabellæ columna prima. Descripto (in fig. secunda) parallelogrammo
quocunque ABCD, ducatur diagonalis BD, & habemus triangu-
lum

lum rectilineum BCD parallelogrammi dimidium. Deinde ducantur lateri BC parallelæ plures EF, secantes diagonalem BD in G, fiatque ubique ut EF ad EG, ita EG ad aliam EH, & per omnia puncta H ducatur linea DHHB, habebimusque trilineum BHHDC, quod voco ex media una, quia in tribus proportionalibus, ut EF, EG, EH, unica est media, nempe EG; estque trilineum hoc Parallelogrammi $\frac{2}{3}$, nempe parabola. Rursus fiat ut EG ad EH, ita EH ad aliam EI, ducaturque linea BIID, habebiturque trilineum BIIDC quod est parallelogrammi tres quartæ, vocaturque à nonnullis parabola cubica. Eodem modo si rationes in EF sumptæ ulterius continuentur, emergent trilinea cætera columnæ primæ. Quod verum esse ostendemus hoc modo. Ducantur rectæ basi DC parallelæ ut HK, GL; quoniam ergo EF est ad EH in duplicata ratione EF ad EG, five BC ad BL, hoc est CD ad LG, five KM ad KH, erit BC ad BK in duplicata ratione KM ad KH; sed ut BC ad BK, ita DC five KM ad KN, est ergo KM ad KN in duplicata ratione KM ad KH, idque ubicunque ponatur recta parallela KM, est ergo figura BHDC dupla complementi sui BHDA, & proinde totius Parallelogrammi $\frac{2}{3}$. Eodem modo si ducatur OPIQ, ostendi potest rationem OQ ad OP, id est, BC ad BO triplicatam esse rationis OQ ad OI, & proinde figuram BIDC esse triplam complementi sui BIDA, & per consequens totius parallelogrammi tres quartas, &c.

Secundò, ut describantur trilinea quæ sunt in quolibet ordinum transversorum, faciendum est hoc modo. Sit parallelogrammum (in fig. 3.) ABCD, cujus diagonalis BD; volo in eo describere trilinea quæ in tabella præcedente appello trilinea ex mediis tribus. Ducto igitur EF parallelam DC, toties quoties opus erit, secantem BD in G, & sumo inter EF, EG tres medias proportionales EH, EI, EK. Itaque ductis lineis per omnia puncta H fiet figura BHDC, ex istis trilineis primum; & per omnia puncta I. fiet BIDC ex iisdem trilineis secundum; & per omnia puncta K, fiet trilineum tertium BKDC. Horum primum (quia ratio EF ad EG quadruplicata est rationis EF ad EH) erit ad complementum suum ut 4. ad 1, & ad parallelogrammum ut 4. ad 5. Secundum (quia ratio EF ad EG, ad rationem EF ad EI est ut 4. ad 2.) erit complementi sui duplum, & parallelogrammi $\frac{2}{3}$ five subsesquialterum. Tertium (quia ratio EF ad EG, ad rationem EF ad EK est ut 4. ad 3.) erit complementi sui sesquiertium, five ut 4. ad 3. parallelogrammi verò quatuor septimæ, five ut 4. ad 7.

Descripta harum figurarum quælibet, produci potest quantum quis voluerit, hoc modo. Sit ABCD (in fig. 4.) parallelogrammum,

in quo descripta sit figura BKDC eadem quæ in figura proximè præcedente, nempe ex mediis tribus tertium. Producaturs BD utcumque in E, & fiat EF parallela basi DC secans AD productam in G; sumatur jam in GE punctum H, ita ut ratio FE ad FG sit quadruplicata rationis FE ad FH, (quod fiet si FH sit trium proportionalium inter FE & FG interjectarum maxima) transibit linea curva BKD producta, per punctum H. Ducta enim BH recta secante CD in I, & HL parallela rectæ GD, quæ occurrat CD productæ in L, erit CL ad CI, ut FE ad FG, hoc est in ratione FE ad FH, sive CD ad CI quadruplicata. Quare punctum H est in linea BKD producta secundum generationem ipsius BKD.

5. Tangitur autem dictarum figurarum quælibet in quolibet puncto hoc modo. Sit linea (in fig. 4.) BKDH tangenda in puncto D. Iungantur puncta B, D, ducaturque DA æqualis & parallela BC; & quia figura hæc ponitur exempli causa ex tribus mediis tertia, sumantur in AB tria puncta quibus ipsa AB dividitur in quatuor partes æquales, ex quibus partibus sumantur tres nempe AM, ut AB sit ad AM, ut figura BKDC ad suum complementum; ducta recta MD tanget figuram in puncto D. Ducatur enim parallela RQ utcumque inter AB & DC, secans BD rectam, BD curvam, MD rectam, & AD rectam in punctis P, K, O, Q; erit ergo RK (per constructionem) trium Geometricè mediarum inter RQ & RP minima. Itaque (per Coroll. art. 28. cap. 13.) minor est RK quam RO; cadit ergo MD extra figuram. Continuetur jam MD in N, & erit FN trium mediarum inter FE & FG maxima in ratione Arithmetica, & FH trium mediarum maxima quoque inter easdem FE, FG in ratione Geometrica; quare (per dictum Corollarium art. 28. cap. 13.) minor erit FH quam FN; cadet ergo DN extra figuram, tangetque figuram recta MN in unico puncto D.

6. Cognita ratione deficientis figuræ ad complementum suum cognoscitur quoque ratio trianguli rectilinei, ad excessum quo ipsum figura deficiens superat. Harum itaque tabellam adjunximus, in qua si quæras (exempli causa) quantum trilineum ex mediis quinque quartum superat triangulum ejusdem altitudinis & basis, invenies in concursu columnæ quartæ, cum trilineis ex mediis quinque $\frac{1}{5}$ quo significatur trilineum illud superare triangulum duabus decimis sive quintâ parte ipsius trianguli.

	1.	2.	3.	4.	5.	6.	7.
Triangulum	I	:	:	:	:	:	:
Excef- fus { Trilinei ex media unica . .	$\frac{1}{3}$:	:	:	:	:	:
Trilinei ex mediis duabus	$\frac{2}{9}$	$\frac{1}{9}$:	:	:	:	:
Trilinei ex mediis tribus .	$\frac{1}{3}$	$\frac{2}{9}$	$\frac{1}{9}$:	:	:	:
Trilinei ex mediis quatuor	$\frac{4}{9}$	$\frac{1}{3}$	$\frac{2}{9}$	$\frac{1}{9}$:	:	:
Trilinei ex mediis quinque	$\frac{1}{3}$	$\frac{4}{9}$	$\frac{1}{3}$	$\frac{2}{9}$	$\frac{1}{9}$:	:
Trilinei ex mediis sex . .	$\frac{6}{9}$	$\frac{1}{3}$	$\frac{4}{9}$	$\frac{1}{3}$	$\frac{2}{9}$	$\frac{1}{9}$:
Trilinei ex mediis septem	$\frac{7}{9}$	$\frac{6}{9}$	$\frac{1}{3}$	$\frac{4}{9}$	$\frac{1}{3}$	$\frac{2}{9}$	$\frac{1}{9}$

7. Conus autem & Conoeides Trilineorum dictorum sic se habent ut in Tabella proxima, scilicet comparata cum Cylindro. Exempli gratia, in concursu columnæ secundæ cum trilineis ex mediis quatuor, invenitur $\frac{1}{3}$; ex quo intelligendum est Conoeides ex trilineo ex mediis quatuor secundo, esse ad Cylindrum ut $\frac{1}{3}$ ad unitatem, sive ut 5 ad 9.

	1.	2.	3.	4.	5.	6.	7.
Cylindrus	I	:	:	:	:	:	:
Conus	$\frac{1}{3}$:	:	:	:	:	:
Conoei- des { Trilinei ex media unica . .	$\frac{1}{3}$:	:	:	:	:	:
Trilinei ex mediis duabus	$\frac{2}{9}$	$\frac{1}{9}$:	:	:	:	:
Trilinei ex mediis tribus .	$\frac{1}{3}$	$\frac{2}{9}$	$\frac{1}{9}$:	:	:	:
Trilinei ex mediis quatuor	$\frac{4}{9}$	$\frac{1}{3}$	$\frac{2}{9}$	$\frac{1}{9}$:	:	:
Trilinei ex mediis quinque	$\frac{1}{3}$	$\frac{4}{9}$	$\frac{1}{3}$	$\frac{2}{9}$	$\frac{1}{9}$:	:
Trilinei ex mediis sex . .	$\frac{6}{9}$	$\frac{1}{3}$	$\frac{4}{9}$	$\frac{1}{3}$	$\frac{2}{9}$	$\frac{1}{9}$:
Trilinei ex mediis septem	$\frac{7}{9}$	$\frac{6}{9}$	$\frac{1}{3}$	$\frac{4}{9}$	$\frac{1}{3}$	$\frac{2}{9}$	$\frac{1}{9}$

8. Denique excessus conoeidum ex trilineis dictis supra conum ejusdem cum illis altitudinis & basis, habentur in tabula quæ sequitur.

		1.	2.	3.	4.	5.	6.	7.
	Conus	1 :	:	:	:	:	:	:
Exce- sus co- noei- dum fu- pra co- num...	Conoëidis trilineæ ex media unica . .	$\frac{6}{12}$:	:	:	:	:	:
	Conoëidis trilineæ ex mediis duabus	$\frac{12}{17}$	$\frac{6}{17}$:	:	:	:	:
	Conoëidis trilineæ ex mediis tribus	$\frac{18}{18}$	$\frac{12}{24}$	$\frac{6}{16}$:	:	:	:
	Conoëidis trilineæ ex mediis quatuor	$\frac{24}{21}$	$\frac{18}{27}$	$\frac{12}{18}$	$\frac{6}{12}$:	:	:
	Conoëidis trilineæ ex mediis quinque	$\frac{30}{24}$	$\frac{24}{30}$	$\frac{18}{36}$	$\frac{12}{42}$	$\frac{6}{48}$:	:
	Conoëidis trilineæ ex mediis sex . . .	$\frac{36}{27}$	$\frac{30}{37}$	$\frac{24}{39}$	$\frac{18}{45}$	$\frac{12}{51}$	$\frac{6}{57}$:
	Conoëidis trilineæ ex mediis septem	$\frac{42}{30}$	$\frac{36}{38}$	$\frac{30}{42}$	$\frac{24}{44}$	$\frac{18}{46}$	$\frac{12}{48}$	$\frac{6}{50}$

9. Si figura deficiens (ut in fig. 5.) quælibet earum de quibus proxime supra dictum est, ABCD, inscripta sit in figura completa BE, habens complementum ADCE; Fiat autem triangulum ABI, compleaturque parallelogrammum BK, ductæque sint rectæ CI parallelæ innumeræ MF, quarum unaquæque secet figuræ deficientis curvam in D, rectas vero AC, AB, AI, in H, G, L; fiatque ut GF ad GD, ita GL ad aliam GN, perque omnia puncta N ducatur linea ANI, oriatur figura deficiens ANIB, cujus complementum erit ANIK. Dico esse figuram ANIB ad triangulum ABI, ut dupla figuræ deficientis ABCD, ad eandem deficientem una cum completa BE. Nam ut ratio AB ad AG, hoc est, ut ratio GM ad GL, est ad rationem GM ad GN. Ita est magnitudo figuræ ANIB ad complementum suum ANIK (per articulum 2. hujus capituli.)

Sed per eundem in articulum

Ut ratio AB ad AG, hoc est GM ad GL, est ad rationem GF ad GD, hoc est per constructionem GL ad GN, ita est figura ABCD ad complementum ejus ADCE.

Et componendo. Ut ratio GM ad GL, una cum ratione GL ad GN, est ad rationem GM, ad GL, ita est completa BE ad figuram ABCD.

Et convertendo. Ut ratio GM ad GL, ad rationes ambas GM ad GL, & GL ad GN, hoc est ad rationem ex utraque compositam, GM ad GN, ita est figura ABCD ad completam BE.

Erat autem, Ut ratio GM ad GL, ad rationem GM ad GN, ita figura ANIB ad complementum suum ANIK.

Sunt ergo ABCD, BE :: ANIB, ANIK proportionales.

Et

Et componendo $ABCD \uparrow BE$, $ABCD :: BK$, $ANIB$ sunt proportionales.

Et duplando } $ABCD \uparrow BE$. 2 $ABCD :: BK$. 2 $ANIB$ sunt
consequentia } proportionales.

Et sumendo ter- } $ABCD \uparrow BE$. 2 $ABCD :: ABI$. $ANIB$
tiæ & quartæ } sunt proportionales. Quod erat probandum.
dimidia. }

10. Ex iis quæ de figuris deficientibus in parallelogrammo descriptis dicta sunt, inveniri possunt spatiorum quæ determinatis temporibus motu accelerato percurruntur, ad ipsa tempora rationes, prout uno vel pluribus gradibus velocitas mobilis singulis augetur temporibus.

Sit enim (in fig. 6.) parallelogrammum $ABCD$, in qua descriptum sit trilineum $DEBC$; ductaque basi parallela ubique FG secet BD diagonalem in H , curvam BED in E ; sitque ratio BC ad BF rationis FG ad FE , exempli causa, triplicata; erit ergo figura $DEBC$ complementi sui $BEDA$ tripla. Similiter ducta IE parallela ipsi BC , figura trilinea $EKB F$ erit tripla complementi sui $BKEI$. Erunt igitur inter se figuræ deficientis partes à vertice abscissæ à rectis basi parallelis (nempe $DEBC$, $EKB F$,) ut parallelogramma AC , IF , id est, in ratione composita altitudinum & basium; quoniam ergo altitudo BC ad altitudinem BF ponitur esse in ratione basium DC , FE triplicata, erit figura $DEBC$ ad figuram $EKB F$ in ratione DC ad FE quadruplicata. Eadem methodo inveniri potest ratio cujuslibet ex trilineis prædictis ad partem ejusdem quamcunque abscissam à vertice recta basi parallela.

Iam sicut figuræ dictæ descriptæ intelliguntur ex base, puta CD crescente donec desinat in puncto, ut in B , ita etiam descriptæ eadem intelligi possunt à puncto, ut B , crescente donec acquirat magnitudinem quamlibet, ut CD .

Intelligatur igitur à puncto B crescente in magnitudinem CD , descripta $BEDC$. Quoniam ergo BC est ad BF in oratione CD ad FE triplicata, erit invertendo (ut mox ostendemus) FE ad CD in ratione BF ad BC triplicata. Siquidem ergo recta BC sumatur pro mensura temporis in quo movetur punctum B , repræsentabit figura $EKB F$ summam omnium velocitatum crescentium tempore BF , & figura $DEBC$ repræsentabit summam omnium velocitatum crescentium tempore BC . Quoniam igitur figura $EKB F$ est ad figuram $DEBC$ in ratione altitudinum & basium composita; estque ratio FE ad CD triplicata rationis BF ad BC , erit figura $EKB F$ ad figuram $DEBC$ in

ratione BF ad BC quadruplicata, hoc est, summa velocitatum qua itur tempore BF , est ad summam velocitatum qua itur tempore BC , in ratione BF ad BC quadruplicata. Itaque si mobile in B moveatur velocitate ita crescente ut velocitas tempore BF acquisita, sit ad velocitatem tempore BC acquisitam, in ratione ipsorum temporum BF , BC triplicata, atque ipsum tempus quo mobile B fertur ad F , sit BF , feretur idem mobile tempore BC , per lineam quæ erit in ratione continuâ BF ad BC quinta. Eadem ratione spatia transcurra juxta velocitatis in cæteris rationibus incrementa, determinari possunt.

Restat ut ostendamus rationem FE ad CD , esse rationis BF ad BC triplicatam. Si sint duæ quantitates una triplo major quam altera, illa quæ est tripla reliqua major est. Sed ratio duarum quantitarum inæqualium est quantitas. Ergo si sint duæ rationes, quarum una est alterius tripla, illa major est quæ est tripla alterius.

Duarum rationum, nempe rectæ FE ad rectam CD , & rectæ BF ad rectam BC altera est alterius tripla. Ergo illa est reliquæ tripla quæ est illarum major.

Sed ut BF ad BC , ita est FH ad CD , ergo duarum rationum FE ad CD , & FH ad CD illa quæ major est, est reliquæ tripla. Sed ratio FE ad CD major est quam ratio FG ad CD (per Eucl. Elem. 5. Prop. 8.) Ergo ratio FE ad CD est tripla rationis FH ad CD , hoc est BF ad BC . Quod restabat demonstrandum.

Scio multiplicatas Rationes significari plerumque à Geometris per Duplicatam, Triplicatam, Quadruplicatam, &c. vix unquam per Duplam, Triplam, Quadruplam, &c.

Sed in calculo rationum, alia sæpe res est Additio; alia, Multiplicatio æqualium.

Cujus rei causa est, Quod Ratio majoris ad minus (quæ est Ratio Excessûs) multiplicando augetur; sed Ratio minoris ad majus (quæ est Ratio Defectûs) multiplicando minuitur.

Itaque quo pacto utraque Duplicata vel Triplicata dici potest omnes facile intelligunt. Sed in Duplicata vel Triplicata ratione minoris ad majus, ubi quantitatis primæ ad secundam Ratio duplo vel triplo major est quam ejusdem primæ ad tertiam, quid dicendum sit pauci cogitaverunt. Itaque quod dixeram in rationibus 1. ad 2, & 2. ad 4, rationem 1. ad 2. duplam esse rationis 1. ad 4, Geometriæ Professores nostri (quantum scirent ex Eucl. El. 5. Prop. 8. majorem esse rationem 1. ad 2. quam 1. ad 4.) neque ferre potuerunt, neque quanto major esset explicare. Quod tamen satis à me explicatum est suo loco Cap. 13. Art. 16. Unde discant si volunt quod quanto major est Defectus tanto minor est ratio; & contra

trà

trà Quanto major est Excessus tanto major est Ratio. Nec quærant veritatem in vocibus (non Latinis) Subduplicatum, Subtriplicatum, &c. Nec aliud esse putent Duplum, aliud Duplicatum; nec aliud dimidium aliud subduplum aut subduplicatum; meminerintque vocem Græcam διπλασίονα apud Euclidem El. 3. Prop. 20. positam esse, non pro Duplicato sed pro Duplo.

Colligi potest ex iis quæ jam ostensa sunt, ubi velocitas alicujus mobilis crescit in eadem ratione cum temporibus, gradus velocitatis augeri, ut numeri deinceps ab unitate, 1. 2. 3. 4. &c. Ubi vero augetur velocitas in ratione temporum duplicatâ, ibi augeri, ut numeri ab unitate, omisiss alternis, ut 1. 3. 5. 7. &c. Denique ubi rationes velocitatum sunt in ratione temporum triplicata, ibi graduum progressionem esse ut numeri ab unitate, omisiss duobus intermediis, ut 1. 4. 7. 10. &c. & sic deinceps. Nam ubi proportionales Geometricè in omni puncto sumptæ sunt, eadem sunt cum proportionalibus Arithmeticè.

11. Notandum præterea est, quod sicut in quantitatibus quæ fiunt à decrescente magnitudine, rationes figurarum sunt inter se ut rationes altitudinum ad rationes basium, ita quoque esse in iis quæ fiunt à decrescente motu, qui motus nihil aliud est quam potentia qua figuræ illæ majores minoresve describuntur. Itaque in describenda Helice Archimæda per diminutionem continuam semidiametri circuli, eadem ratione qua diminuitur circumferentia, fiet spatium à semidiametro & Helice circumscriptum tertia pars totius circuli; propterea quod semidiametri circulorum, quatenus ex iis aggregatis circulus ipse fieri seu compleri intelligitur, totidem sunt sectores; Unde fit ut sector qui Helicem describit diminuat in ratione circumferentiæ circuli in quo inscribitur, duplicata; ideoque complementum Helices, hoc est spatium illud quod in circulo est extra Helicem, duplum sit spatii ipsius Helices. Eodem modo si sumatur media proportionalis ubique inter semidiametrum circuli Helicem continentis, & partem ejusdem semidiametri illam quæ est intra Helicem, oriatur figura, quæ totius circuli semissis erit. Denique quæcunque spatia describi possunt à linea vel superficie decrescente sive magnitudine sive potentia, eandem subeunt regulam; ita ut si rationes quibus decrescunt commensurabiles sunt rationibus temporum in quibus decrescunt, cognitæ erunt figurarum quas describunt magnitudines.








12. Propositionis jam artic. 2. demonstratæ veritas (quæque est eorum quæ diximus de figuris deficientibus fundamentum) originem habere videtur in Philosophia primâ, nempe in eo, quod omnem inter duos effectus æqualitatem & inæqualitatem (id est omnem rationem) proficisci & determinari ab eorundem effectuum causis æqualibus & inæqualibus,

libus, siue à ratione quam habent causæ concurrentes ad unum effectum, ad causas quæ concurrunt ad effectum alterum; ideoque quantitatum quodque rationes easdem esse rationibus causarum suarum. Quoniam ergo in duabus figuris deficientibus (quarum altera est alterius complementum) altera fit per motum certo tempore & ratione decrescentem, altera per motûs jacturam iisdem temporibus factam, causæ quæ quantitates siue rationes utriusque figuræ faciunt determinantque ut aliæ quam sunt, esse non possint, non differunt inter se, nisi in eo, quod rationes juxta quas quantitas generans procedendo ipsam figuram describit, (id est rationes temporum, siue altitudinum ubique residuarum) aliæ esse possunt quam rationes juxta quas eadem quantitas generans decrescendo facit complementum, (id est, quàm rationes quantitatis generantis ubique diminutæ.) Itaque ut ratio temporum in quibus fit jactura motûs, est ad rationem quantitatum decrescentium quibus generatur figura deficiens; ita erit defectus, siue complementum, ad ipsam figuram factam.


13. Sunt etiam aliæ quantitates ex cognitione causarum suarum, nimirum ex comparatione motuum à quibus fiunt, determinabiles, facilius etiam quam ex communibus Geometriæ Elementis. Exempli gratia (in fig. 7.) Quod superficies cujuslibet portionis sphaeræ, æqualis sit circulo cujus radius est ducta à polo portionis ad basim circumferentiam linea recta, probabimus hoc modo. Sit portio Sphaeræ, BAC , cujus axis AE , basim BC , demissa à polo A ad basim in B , sit AB , cui æqualis ponatur AD tangens circulum maximum BAC in polo A ; probandum est circulum à radio AD æqualem esse superficiei portionis BAC . Super Axem AE revolvi intelligatur planum $AEBD$, describet recta AD circulum; sed AB arcus, superficiem portionis sphaeræ; denique subtensa, superficiem coni recti. Quoniam jam eadem est conversio AB rectæ, & AB arcûs, habeantque ambæ eosdem terminos A & B , causa quare superficies sphaerica, quam facit arcus, major est quam superficies conica quam facit subtensa, est quod AB arcus major est quam AB recta; causa autem quare major est, in eo consistit, quod, etsi ducantur ambæ ab A ad B , recta tamen rectè ducitur, arcus vero secundum angulum, quem facit ipse arcus cum subtensâ, qui angulus angulo DAB est æqualis (nam angulus contactûs angulo segmenti nihil addit, ut ostensum est cap. 14. art. 16.) Quare anguli DAB magnitudo, causa est quare superficies portionis quam describit AB arcus, major est quam superficies coni recti quam describit AB subtensa.

✓ Rursus causa quare circulus quem describit tangens AD major est quam superficies coni recti quam describit chorda AB , (cum ipsa tamen tangens ipsi subtensæ sit æqualis, & tempus lationum idem) est, quod
AD

AD CAP. XVII











Cap:



Ad fin: lib:

XVIII



AD ad axem recta est, sed AB est obliqua; obliquitas autem illa consistit in eodem angulo DAB. Cum ergo quantitas anguli DAB faciat excessum tum superficiei portionis, tum etiam circuli, à radio AD, super superficiem coni recti, quam describit subtensa AB; tantum superabit circulus à radio AD superficiem Conicam, quantum eandem superabit superficies sphaerica ab arcu AB. Sunt igitur circulus ab AD sive AB, & superficies sphaerica ab arcu AB, inter se æquales. Quod erat probandum.

14. Si figuræ deficientes quas descripsimus in parallelogrammo exquirere describi possent, possent inde inter duas rectas datas tot interponi mediæ proportionales quot quis voluerit. Exempli gratia in parallelogrammo ABCD, sit descriptum (ut in fig. 8.) trilineum ex mediis duabus BEDC, (quod vocatur à nonnullis parabola cubica) sintque datæ duæ rectæ R & S, oporteatque invenire inter R & S duas medias proportionales; hoc modo fiet: Fiat ut R ad S, ita BC ad aliam BF, tum ducatur FE parallela BA secans lineam curvam in E, deinde per E ducatur GH parallela & æqualis rectæ AD, secans diagonalem BD in I; eritque inter GH & GE duarum mediarum maxima GI, ex descriptione figuræ tradita artic. 4. si fiat igitur ut GH ad GI, ita R ad aliam T, erit T duarum mediarum inter R & S maxima. Itaque si rursus fiat ut R ad T, ita T ad aliam X, factum erit quod propositum fuit.

Eodem modo si trilineum ex quatuor mediis descriptum sit, inveniri possunt mediæ proportionales quatuor; & sic de cæteris.

C A P U T XVIII.

De Rectarum & Paraboliformium linearum Equatione.

1. *Datæ lineæ Parabolicæ æqualem exhibere rectam.* 2. *Datæ lineæ curvæ Parabolæstri primi, sive Parabolæ cubiformis, rectam invenire æqualem.* 3. *De rectis inveniendis cæteris ex genere Parabolico curvis lineis æqualibus methodus Generalis.*

1. **D** Atæ lineæ Parabolicæ æqualem exhibere rectam.

Sit linea Parabolica data ABC (Fig. 1.) & inventa diameteter AD. Ducatur basis DC, & compleatur Parallelogrammum ADCE; jungaturque AC, & divisâ AD bifariam in F, ducatur FH æqualis & parallela rectæ DC, secans AC in K, & lineam Parabolicam in O. Deinde inter FH & FO sumatur media proportionalis FP, ducanturque rectæ AO, AP & PC. Dico duas rectas AP & PC simul sumptas æquales esse lineæ Parabolicæ ABC.

Elem. Philosf.

T t t

Nam

Nam linea $ABOC$ cum sit Parabolica, generata est à concursu duorum motuum, altero uniformi ab A ad E , altero eodem tempore uniformiter accelerato à quiete in A ad D . Cum autem motus ab A ad E sit uniformis, potest AE repræsentare tempora utriusque motus. Sit ergo AE Tempus; quare rectæ in Semiparabola Ordinatæ designabunt partes temporis in qua corpus quod describit lineam $ABOC$ est in unoquoque ipsius puncto, ita ut quemadmodum in fine temporis AE vel DC corpus illud est in C ; ita in fine temporis FO erit in O . Et quoniam velocitas in AD crescit uniformiter, id est in ratione temporum, eadem Ordinatæ in semiparabola designabunt perpetua incrementa Impetûs, donec fiat maximus, qui maximus Impetus designatur à base DC . Itaque supposito quod motus sit uniformis, corpus quod est in A , tempore FK , propter concursum duorum motuum uniformium in AF & FK , movebitur uniformiter in AK . Et KO erit incrementum Impetûs (vel velocitatis) acquisiti tempore FK ; & AO describetur uniformiter à concursu duorum motuum uniformium per AF & FO , in tempore FO . A puncto O ducatur OL Parallela rectæ EC , secans AC in L ; & LN parallela DC , secans EC in N , & lineam parabolicam in M ; & producat ex altera parte ad AD in I ; eruntque IN , IM , & IL (per constructionem parabolæ) in ratione continua, & æqualis tribus rectis FH , FP , & FO singulæ singulis; & recta quæ sit rectæ EC parallela transiens per M , incidet in P , & proinde OP erit incrementum Impetûs acquisiti tempore FO vel IL . Postremò producat PM ad CD in Q , eritque QC , vel MN , vel PH incrementum Impetûs proportionale tempori FP , vel IM , vel DQ . Supponatur jam motus uniformis ab H ad C in tempore PH . Quoniam ergo in tempore FP motu uniformi, & Impetu crescente in ratione temporum describitur recta AP , & reliquo tempore & Impetu, nimirum tempore & Impetu PH , describitur CP uniformiter, sequitur totam lineam APC descriptam esse Impetu toto, & tempore eodem in quo describitur linea Parabolica ABC . Quare linea APC composita ex duabus rectis AP & PC æqualis est lineæ parabolice ABC . Inventâ est ergo recta æqualis curvæ lineæ semiparabolæ. Quod erat faciendum.

2. Lineæ curvæ Parabolæstri primi, sive Parabolæ cubicæ, invenire æqualem rectam.

Sit ABC (fig. 2.) linea curva semiparabolæstri primi; AD diameter; DC basis; compleaturque parallelogrammum $ADCE$, cujus diagonalis sit AC . Secetur diameter bifariam in F , ducaturque FH æqualis & parallela DC , secans AC in K , & curvam in O , & rectam EC

in

in H. Deinde ducatur OL parallela EC, secans AC in L, ducaturque LN parallela basi DC, secans curvam in M, & EC in N, producatursque ex altera parte ad AD in I. Postremo, per punctum M ducatur PMQ. Parallela & æqualis HC, secans FH in P, junganturque CP, AP, & AO. Dico duas rectas AP & PC simul sumptas æquales esse curvæ ABOC.

Nam linea ABOC, cum sit linea curva semiparabolæstri, generata est à concursu duorum motuum altero uniformi ab A ad B, altero eodem tempore accelerato à quiete in A ad D, ita ut Impetus crescat in ratione triplicata ejus secundum quam crescunt tempora, sive (quod idem est) longitudines transcurse sunt in ratione triplicata temporum quibus transcurruntur. Nam ut Impetus sive velocitates crescant, ita crescant etiam transcurse longitudines. Et quoniam motus ab A ad E est uniformis, recta AE potest representare Tempus, & per consequens, rectæ ordinatim applicatæ in semiparabolæstro, designabunt partes Temporis, in quo corpus incipiens à quiete in A, motu suo describit lineam ABOC. Et quia DC, quæ representat Impetum acquisitum maximum æqualis est ipsi AE, eadem ordinatæ representabunt singula incrementa Impetûs crescentis à quiete in A. Itaque si supponatur motus uniformis ab A ad F in tempore FK, describetur à concursu duorum motuum uniformium per AF & FK, linea AK uniformiter; & KO erit incrementum Impetus pro Tempore; & per concursum duorum motuum uniformium per AF, & FO, describetur linea AO uniformiter. Per punctum L ducatur recta LMN parallela DC, secans rectam AD in I, curvam ABC in M, & rectam EC in N; & per punctum M rectam PMQ parallelam & æqualem AC, secans DC in Q, & FH in P. Itaque à concursu duorum motuum uniformium per AF & EP, in Tempore FP describetur uniformiter recta AP. Et LM vel OP erit incrementum Impetûs addendum pro tempore FO. Et quia ratio IN ad IL triplicata est rationis IN ad IM, ratio FH ad FO erit etiam triplicata rationis FH ad FP. Et Impetus acquisitus tempore FP est PH. Itaque cum FH sit æqualis PC quæ designabat Impetum totum acceleratione acquisitum, nullum amplius Impetûs incrementum computandum est. Iam in tempore PH si supponatur motus uniformis ab H ad C, describetur uniformiter à duobus motibus per CH & HP uniformibus recta linea PC uniformiter. Cum ergo due rectæ AP & PC descriptæ sint tempore AB cum eodem incremento Impetûs, quo curva linea ABOC describitur eodem tempore AB, id est cum linea composita à rectis AP, PC; & linea ABOC transcurra sit ab eodem corpore eodem tempore, & æquali velocitate, ipsæ lineæ erunt æquales. Quod erat demonstrandum.

3. Eadem Methodo recta linea inveniri potest æqualis lineæ curvæ cujuscunque Semiparabolæstri eorum quæ disponuntur in Tabella Articuli 3 Capitis 17; nempe, secundo Diametrum bifariam, & procedendo ut antè.

C A P U T XIX.

De Angulis Incidentiæ & Reflexionis æqualibus.

1. Si duæ rectæ incidentes in rectam sint parallelæ, etiam reflexæ parallelæ erunt.
2. Si ab eodem puncto exeuntes duæ rectæ incidunt in rectam, reflexæ earum productæ in alteram partem concurrent in angulo qui sit æqualis angulo factò ab incidentibus.
3. Si duæ rectæ parallelæ incidunt in circuli circumferentiam, earum reflexæ productæ utroque facient angulum duplum ejus qui sit à rectis à centro ductis ad puncta incidentiæ.
4. Si ab eodem puncto duæ rectæ incidunt in circumferentiam, earum reflexæ productæ utroque facient angulum æqualem duplo angulo qui sit à duobus rectis à centro ad puncta incidentiæ, unâ cum angulo incidentium.
5. Si ab uno puncto incidunt duæ rectæ in concavam circuli circumferentiam facientes angulum minorem duplo angulo ad centrum, earum reflexæ facient angulum qui additum angulo incidentium æqualis fiet duplo angulo ad Centrum.
6. Si per unum aliquod punctum duæ chordæ inæquales ducantur mutuo se secantes; Centrum autem circuli inter eas positum non sit, & earum reflexæ concurrant ubique, non ducetur à puncto unde priores duæ ductæ sint, alia recta cujus reflexa transeat per duarum priorum reflexarum punctum commune.
7. Idem in Chordis æqualibus non est verum.
8. Datis in circuli circumferentiâ duobus punctis, ad ea puncta duas rectas ita ducere, ut earum reflexæ datum contineant angulum.
9. Si recta incidens in circuli circumferentiâ producat ad Semidiametrum, sitque pars ejus intercepta inter circumferentiâ & semidiametrum æqualis parti semidiametri quæ est à concursu ad centrum, erit reflexa semidiametro parallelæ.
10. Si à puncto intra circulum ducantur duæ rectæ incidentes in circuli circumferentiâ, quarum reflexæ cœunt in ipsis circuli circumferentiâ, angulus quem continent reflexæ erit tertia pars anguli quem continent incidentes.

Vtrum corpus incidens in corporis alterius superficiem, & ab eâ reflexum, angulos ad illam superficiem æquales efficiat, non est hujus loci disputare; cum dependeat cognitio illa à causis Reflexionis naturalibus, de quibus hætenus nihil dictum, sed postea dicendum est.

Itaque hoc loco supponamus angulum Incidentiæ angulo Reflexionis esse æqualem, ut ejus rei non causas, sed consequentia aliqua investigemus.

Angu-



Al






fig: 2.

3. E
juscunc
li 3 Cai
ur antè

1. Si d

2. S

prodi

incid

carm

à ce

dant

equi

cum

vam

trum

lis fi

chori

eas f

pium

rum

bis

pium

9. i

fit qu

part

para

circu

tia

cide

V f
loci di
bus, d
Itac
esse æ





fig: 2.



Angulum Incidentiæ appellamus quem facit recta incidens, cum lineâ (sive recta sive curva) in quam incidit. Angulum autem Reflexionis angulum ipsi æqualem ad idem punctum constitutum, & contentum sub rectâ reflexâ, & reflectente.

1. Si duæ rectæ Incidentes in eandem rectam sint parallelæ, etiam Reflexæ illarum parallelæ erunt.

Sint (in fig. 1.) parallelæ incidentes in rectam EF ad puncta B & D, duæ rectæ AB, CD, quarum reflexæ sint BG, DH. Dico BG, DH esse parallelas.

Sunt enim Anguli ABE, CDE æquales propter parallelismum. His autem æquales sunt GBF, HDF, ex suppositione; cum sint incidentium reflexæ. Sunt ergo BG, DH, parallelæ.

2. Si ab eodem puncto exeuntes duæ rectæ incident in aliam rectam, reflexæ earum productæ in alteram partem concurrent in angulo, qui sit angulo factò ab Incidentibus æqualis. Ab eodem puncto A (in fig. 2.) exeant duæ rectæ AB, AD, incidentque in rectam EK, ad puncta B & D, quarum reflexæ sint BI, DG. Dico IB, GD divergere, easdemque ex altera parte productas concurrere, puta in F, atque angulum BFD, æqualem esse angulo BAD. Nam angulo Incidentiæ ABE æqualis est angulus Reflexionis IBK, & huic æqualis est Angulus verticalis EBF. Est ergo angulus ABE æqualis angulo EBF. Rursus angulus ADE æqualis est angulo reflexionis GDK, hoc est verticali ejus EDF. Itaque trianguli ABD duo anguli ABD, ADB sunt æquales duobus angulis FBD, FDB trianguli FBD. quare etiam angulus tertius BAD æqualis est angulo tertio BFD. Quod erat probandum.

Coroll. 1. Ducta AF erit rectæ EK perpendicularis. Nam propter æqualitatem angulorum ABE, FBE, & laterum AB, FB, erunt anguli ad E utrinque æquales.

Coroll. 2. Si inter B & D, cadat utcumque recta AC, cujus reflexa sit CH, illa quoque producta ex parte C, cadet in F. eadem enim est demonstratio quæ supra.

3. Si in circuli circumferentiam à duobus punctis extra circulum sumptis incident ab iisdem partibus duæ rectæ parallelæ, earum reflexæ productæ introrsum facient angulum duplum ejus qui sit à rectis à centro ductis ad puncta incidentiæ. Sint enim (in fig. 3.) duæ rectæ parallelæ AB, DC quæ incident in circumferentiam BC ad puncta B & C. Centrum autem circuli sit E, reflectanturque AB per BF, & DC per CG. Producantur jam introrsum FB, GC, donec concurrant in H. Ducantur EB, EC. Dico angulum FHG duplum esse anguli BEC.

Quoniam AB, DC sunt parallelæ, & EB secat AB in B , eadem producta secabit DC alicubi; secet eam in D , & producat DC utcumque in I . Angulus ergo ICH (triangulo CKH externus) erit æqualis duobus angulis CKH, GHK ; Rurſus ICE (triangulo CDE externus) æqualis est duobus angulis D & E ; quare angulus ICH (qui duplus est anguli ICE) æqualis est angulis D & E bis sumptis. Sunt ergo duo anguli CKH, CHK , æquales duobus angulis D & E bis sumptis. Sed angulus CKH æqualis est angulis D , & ABD , id est, angulo D bis sumpto (nam cum AB, DC sint parallelæ, anguli D & ABD sunt alterni ideoque æquales.) Quare CHK , hoc est angulus FHG æqualis quoque est angulo E bis sumpto. Quod erat probandum.

Coroll. Si duæ rectæ parallelæ incident in circumferentiam à duobus punctis intra circulum sumptis, earum reflexæ concurrent in angulo duplo ejus qui fit à rectis ductis à centro ad puncta incidentiæ. Nam LB, IC parallelæ incidentes in puncta B & C reflectuntur per BH & CH , facientes angulum H , quem duplum esse anguli E jamjam (in fig. 4.) ostensum est.

4. Si ab eodem puncto extra circulum ductæ duæ rectæ incident in circuli circumferentiam, earum reflexæ productæ introrsum, facient angulum æqualem duplo angulo qui fit à duabus rectis ductis à centro ad puncta incidentiæ, unâ cum angulo quem faciunt ipsæ incidentes. A puncto A (in fig. 4.) ad circumferentiam circuli, cujus centrum est D , sint ductæ duæ rectæ AB, AC , quarum reflexæ sint BE, CG , quæ productæ introrsum faciant angulum H . Sint etiam ductæ à centro D ad puncta incidentiæ B & C , duæ rectæ DB, DC . Dico angulum H æqualem esse duplo angulo ad D , unâ cum angulo ad A . Producat AC , utcumque in I , erit angulus ICH (qui est externus triangulo CKH) æqualis duobus angulis CKH, CHK . Rurſus angulus ICD (qui est externus triangulo CLD) erit æqualis duobus angulis CLD, CDL ; sed angulus ICH duplus est anguli ICD , ergo erit æqualis angulis CLD, CDL , bis sumptis. Sunt ergo anguli CKH, CHK æquales angulis CLD, CDL bis sumptis. Sed angulus CLD (externus triangulo ALB) æqualis est duobus angulis LAB, LBA , & proinde CLD bis sumptus, æqualis LAB & LBA bis sumptis; quare CKH, CHK æquales sunt angulo CDL , unâ cum LAB & LBA bis sumptis. Angulis autem CKH æqualis est angulo LAB semel sumpto, unâ cum ABK , hoc est unâ cum LBA bis sumpto; quare angulus CHK æqualis est reliquo CDL (hoc est angulo ad D) bis sumpto, & angulo LAB (hoc est angulo ad A) semel sumpto. Quod erat probandum.

Coroll. Si duæ rectæ convergentes, ut IC, MB incident in circuli circumferentiam ex parte concava, earum reflexæ ut CH, BH concurrent

current in angulo H, qui sit æqualis duplo angulo D, unâ cum angulo A, quem faciunt incidentes productæ. Vel si incidentes sint HB, IC, quarum reflexæ CH, BM concurrunt in N, erit angulus CNB æqualis angulo D bis sumpto unâ cum angulo incidentium CKH. Nam angulus CNB æqualis est angulo H, (hoc est, angulo D bis sumpto,) unâ cum duobus angulis A, & NBH, hoc est KBA; sed anguli KBA, & A, æquales sunt angulo CKH. est ergo angulus CNB æqualis angulo D bis sumpto, una cum angulo CKH, quem faciunt incidentes IC, HB productæ ad K.

5. Si ab uno puncto incidant duæ rectæ in concavam circuli circumferentiam, facientes angulum minorem duplo anguli ad centrum, earum reflexæ concurrentes facient angulum qui additus angulo incidentium, æqualis fiet duplo angulo ad centrum. Nam à puncto A (in fig. 5.) incidant duæ rectæ AB, AC in concavam circuli circumferentiam, cujus centrum est D; sintque earum reflexæ BE, CE, concurrentes in E; sitque angulus A, minor duplo angulo D. Dico angulos, A & E, simul sumptos, æquales esse duplo angulo D. Secet enim AB recta rectam DC in G; & recta EC rectam DB in H. Est ergo angulus BHC æqualis duobus angulis EBH, & E; idemque angulus BHC, est æqualis duobus angulis D & DCH. Similiter angulus BGC æqualis est duobus angulis ACD & A. Idemque angulus BGC æqualis est angulis duobus DBG & D. Quare quatuor anguli EBH, E, ACD, A, sunt æquales quatuor angulis D, DCH, DBG, D. jam auferantur utrinque æqualia, inde quidem anguli EBH & ACD; hinc autem DCH, DBG (nam angulus EBH æqualis est angulo DBG, & angulus ACD æqualis angulo DCH) restabunt utrinque æqualia, nempe; inde anguli A & E; hinc angulus D bis sumptus; sunt ergo anguli A & E simul sumpti æquales duplo angulo D.

Coroll. Si angulus A sit major duplo angulo D, earum reflexæ divergent. Nam (per Coroll. propos. 3.) si angulus A æqualis sit duplo angulo D, reflexæ BE, CE erunt Parallelæ; si minor, concurrunt ut jam ostensum est; si ergo major, reflexæ BE, CE divergent, & per consequens ex altera parte productæ concurrent, facientes angulum tantum, quanto angulus A superat duplum angulum D, ut constat ex articulo quarto.

6. Si per unum aliquod punctum duæ quælibet chordæ inæquales ducantur, mutuo se secantes, vel intra, vel (productæ) extra circulum, centrum autem circuli inter eas positum non sit, & earum reflexæ concurrant ubicumque, non ducetur à puncto unde priores illæ duæ ductæ sunt, alia recta, cujus reflexa transeat per duarum priorum reflexarum concursum.

Per

Per punctum A (in fig. 6.) ducantur duæ chordæ quælibet BK, CH inæquales, in circulo BC. Sintque earum reflexæ BD, CE, concurrentes in F. Circuli autem centrum non sit inter AB & AC; ducatur autem ab A puncto, alia recta quæcunque incidens in circumferentiam inter B & C, quæ sit AG. Dico GN, quæ transsit per F, concursum reflexarum BD, CE, non esse reflexam incidentis rectæ AG. Sumatur arcus BL æqualis arcui BG, & recta BM æqualis rectæ AB, ductæque LM producat ad peripheriam in O.

Quoniam jam BA, BM sunt æquales, & arcus BL arcui BG æqualis, & angulus MBL angulo ABG æqualis, erunt quoque AG, ML æquales, & producta GA ad circumferentiam in I, tota LO, tota GI æqualis. Sed LO major est quam GFN (ut mox demonstrabitur) quare etiam GI major est quam GN. Itaque anguli NGC, IGB non sunt æquales, non est ergo GFN reflexa incidentis AG; & proinde recta nulla (præter AB, AC) ducta per punctum A, incidensque in peripheriam BC, reflectetur ad punctum F, quod erat ostendendum.

Restat ut probemus LO majorem esse quam GN. Quod sic faciemus. LO. GN secant se mutuo in P, & PL major est quam PG. Quoniam ergo LP. PG :: PN. PO sunt proportionales, erunt duæ extremæ, LP, PO simul, id est, LO, majores quam PG, PN simul, id est quam GN. quod probandum restabat.

7. Quod si per idem punctum intra circulum ductæ sint duæ chordæ æquales, quarum reflexæ concurrunt in alio puncto. Duci potest inter eas alia recta per punctum prius, cujus reflexa transibit per punctum posterius.

In circulo CD sit punctum A (in fig. 7.) per quod sint ductæ duæ chordæ æquales BC, ED, quarum reflexæ concurrentes in F sint CH, DI. Diviso deinde arcu CD bifariam in G, ducantur chordæ (per A & F) GK, GL. Dico chordæ KG, reflexam esse GL. Nam quatuor chordæ BC, CH, ED, DI, sunt omnes, per hypothesim, inter se æquales. quare arcus BCH, æqualis est arcui EDI; & angulus BCH, angulo EDI; & angulus AMC, verticali suo FMD; & recta DM, rectæ CM; & propterea etiam recta AC, rectæ FD; ductæ etiam chordæ CG, GD sunt æquales; & anguli FDG, ACG, qui sunt in segmentis GDI, BCG sunt æquales; quare rectæ FG, AG sunt æquales; ergo angulus FGD æqualis est angulo AGC, id est angulus incidentiæ, angulo reflexionis; est ergo rectæ incidentis KG, reflexa GL. quod erat probandum.

Coroll. Manifestum est ex ipsa figuræ inspectione, quod si G non sit punctum medium inter C & D, reflexam GL non esse transituram per F.

8. Datis in circuli circumferentia duobus punctis, ita ad ea puncta duas

duas rectas ducere, ut earum reflexæ sint parallelæ, vel ut contineant datum angulum.

Detur (in fig. 8.) circulus cujus centrum A, & in cujus circumferentia sint duo puncta B & C, sitque imperatum duas incidentes ad puncta B & C ita ducere à punctis extra circulum sumptis, ut earum reflexæ primo sint parallelæ.

Ducantur AB, AC, & incidens utcunque DC, cujus reflexa sit CF. Tum fiat angulus ECD duplus anguli A. Parallela autem rectæ EC ducatur HB, quæ producat ad occursum DC productæ in I. Postremò producta AB utcunque in K, ducatur GB, ita ut angulus GBK æqualis sit angulo HBK, eritque GB reflexa incidentis HB. Dico jam DC, HB esse incidentes quarum reflexæ CF, BG sunt inter se parallelæ.

Quoniam enim ECD angulus, anguli BAC est duplus, angulus HIC, ejusdem anguli BAC (propter parallelas EC, HB) duplus erit; quare FC, GB (reflexæ incidentium DC, HB) sunt parallelæ. Factum igitur est quod erat imperatum primum.

Secundo, imperatum sit duas rectas ita ad puncta B & C incidentes ducere, ut reflexæ earum contineant datum angulum Z. Angulo ECD addatur hinc DCL æqualis semissi anguli Z, illinc angulus ECM æqualis angulo DCL, & rectæ CM ducatur recta BN parallela. Anguloque NBK æqualis fiat angulus KBO. Eritque BO Incidentis NB Reflexa. Postremò, Incidentis LC ducatur Reflexa CO, secans BO in O, faciensque angulum COB. Dico angulum COB æqualem esse angulo Z. Producat NB donec occurrat productæ LC in P. Quoniam ergo angulus LCM æqualis est (per constructionem) duplo angulo A, unâ cum angulo Z, angulus NPL (qui angulo LCM, propter MC, NP parallelas, æqualis est) æqualis quoque erit duplo angulo A, unâ cum angulo Z. Cumque duæ rectæ OC, OB ductæ ab O, incidunt in B & C, & Reflexæ earum LC, NB concurrant in P, angulus NPL æqualis erit duplo angulo A, unâ cum angulo COP. Sed ostensum modo est angulum NPL æqualem esse duplo angulo A, unâ cum angulo Z. Quare angulus COP angulo Z æqualis est. Datis ergo in circumferentia circuli duobus punctis, &c. Quod erat faciendum.

Quod si incidentes ita ducendæ sunt à puncto intra circulum, ut reflexæ earum contineant angulum datum Z, eadem utemur methodo, nisi quod angulus Z non jam angulo duplo anguli A addendus sit, sed ab eo auferendus.

9. Si recta incidens in circuli circumferentiam producat ad semi-

Elem. Philos.

V u u

diame-

diametrum, sitque pars ejus intercepta inter circumferentiam & semidiametrum æqualis parti semidiametri quæ est à puncto concursus ad centrum, erit reflexa ejus semidiametro parallela.

Sit circulus cujus centrum A (in fig. 9.) semidiameter quæcunque AB, incidatque in circumferentiam BD recta CD, quæ protracta secet AB in E, ita ut ED, EA sint æquales; incidentis autem CD reflexa sit DF. Dico AB, DF esse parallelas.

Ducatur AG per punctum D. Quoniam jam ED, EA, sunt æquales, erunt anguli EDA, EAD æquales, sunt autem anguli FDG, EDA æquales (uterque enim dimidium est anguli EDH vel FDC) sunt ergo anguli FDG, EAD æquales, & proinde DF & AB sunt parallelæ. Quod erat probandum.

Coroll. Si EA major sit quàm ED, tunc DF, AB protractæ concurrent; sin EA minor sit quam ED, tunc BA, DH protractæ concurrent.

10. Si à puncto intra circulum ducantur duæ rectæ incidentes in circuli circumferentiam, quarum reflexæ coeunt in ipsâ circuli circumferentia, angulus quem continent Reflexæ, erit tertia pars anguli quem continent Incidentes.

In circulo cujus centrum A, (fig. 10.) sit punctum B, à quo ducantur duæ rectæ BC, BD, ad circumferentiam, quarum reflexæ CE, DE coeunt in circumferentia ad punctum E. Dico angulum CED esse anguli CBD partem tertiam.

Ducantur AC, AD. Quoniam jam anguli CED, CBD simul sumpti æquales sunt duplo CAD (ut ostensum est art. 5.) Duplus autem angulus CAD, quadruplus est anguli CED, erunt anguli CED, CBD simul sumpti æquales angulo CED, quater sumpto. Dempto igitur utrinque angulo CED restabunt æquales anguli CBD, & CED ter sumptus, est ergo angulus CBD, anguli CED triplus, id est, CED est tertia pars anguli CBD, quod erat demonstrandum.

Coroll. Dato ergo puncto in plano Circuli, duæ rectæ ab eo ita duci possunt ad circumferentiam ejus, ut earum Reflexæ concurrant etiam in circumferentiâ. Fit enim hoc anguli CBD trisectione. Quomodo autem datus angulus triseccatur, demonstrabitur capite proximè sequente.

C A P U T X X.

De Dimensione Circuli; & Arcuum sive Angulorum Sectione.

Propositio i.

Quarum partium æqualium Radius Circuli continet 10000000, eandem Tangens arcus 30 graduum continet 5811704 proximè.

Sit Radius Circuli A B. Quadratum ejus A B C D. Cujus latera B C, A D sint divisa bifariam in O & P.

Describatur semicirculus B D G, quem juncta O P secet in S, & (producta) iterum in V.

Est ergo arcus B S 30 graduum.

A puncto A in B A producta sumatur A X rectæ S V æqualis. Est ergo A X æqualis duplo sinui recto 60 graduum.

Ergo ducta X V est æqualis radio A B; eademque producta incidet in D; & X D est æqualis duplo radio A B; & angulus A X D est tertia pars Recti.

Producatur X D donec occurrat rectæ B C productæ in F. Erit ergo angulus C D F tertia pars Recti.

Et recta C F Tangens arcus 30 graduum.

Ergo juncta A S & producta ad B C in E, erit B E æqualis C F, & E F æqualis radio B C.

Dico B E sive C F continere partes 5811704 proximè quarum A B continet 10000000.

Quoniam X D est dupla A D, erit X F dupla B F.

Et quadratum ab X F quadruplum quadrati à B F.

Et proinde quadratum ab X B triplum quadrati à B F.

Quadratum à Sinu recto 60 graduum triplum est quadrati à semiradio A P vel B O.

Ergo quadratum à duplo Sinu recto 60 graduum (id est) quadratum ab X A) duodecuplum est quadrati à B O.

Quadratum autem ab A B quadruplum est quadrati ab eadem B O.

Ergo ambo illa quadrata ab X A, & A B simul sumpta sunt æqualia 16 quadratis à B O.

Medium autem proportionale inter duodecem quadrata (quæ est potestas rectæ X A) & quatuor quadrata ejusdem B O (quæ est potestas radii A B) est radix numeri producti à 12. in 4. (id est $\sqrt{48}$.) Idemque æquale uni complementorum quadrati descripti à tota X A + A B.

Ergo ambo complementa simul sumpta sunt $\sqrt{192}$.

V u u 2

Radix

quadrata, & quod proinde necessarium sit ut numerus partium 5773503 sit minor iusto.

Quod si ex quadratis ab XA & AB Geometricè cognitis quærantur totius XB & BF (quæ duo quadrata habent rationem 3 ad 1) unica extractione Radicis innotuisset numerus debitus rectæ CF sive BE , absque Regula trium, & proinde absque divisione numeri linearum per numerum ab iisdem lineis quadratorum. Atque hinc est quod numerus rectæ BE hoc modo inventus, nempe 5811704 major sit quam quem illi invenerunt 5773503, & propior veritati, quanquam & ipse sit paulo adhuc iusto minor.

Itaque etiam Archimedis Dimensio circuli quæ dependet à priori illo calculo iusto minor est; neque valere debet ad confutandum Calculum Geometricum quo Perimeter circuli major forte invenietur quam ab illo statuitur.

Propositio II.

Recta BF composita à Radio Circuli & Tangente arcûs 30 graduum est æqualis quartæ parti Perimetri ejusdem Circuli.

Si eS producatnr donec occurrat rectæ XF in f , erit ef tripla eS .

Ducta ergo XS abscindit ab ef tertiam ejus partem, nempe eS ; eademque producta ad BC in i abscindit Bi (propter ef , BF parallelas) tertiam partem rectæ BF .

Secetur recta eS bifariam in a , & arcûs BS bifariam in p ; ducaturque sinus arcûs Bp , qui sinus sit qp ; eritque qp semissis Chordæ arcûs dupli, id est arcûs Bi .

Producatur qp in y ita ut qy sit dupla qp , seceturque SO in r . Ducatur quoque ay parallela & æqualis eq .

Si jam producta Xa incidat in p , erit qy æqualis chordæ arcûs BS ; eademque producta donec incidat in XF ad z , erit qz tripla qy , & sextupla qp .

Sed Xa producta incidit in p . Quod sic ostendo.

Nisi incidat in p , incidet saltem in arcum BS inter B & p , vel inter p & S . Et sinus arcûs quem abscindet minor vel major erit quam dimidia chorda arcûs BS ; idemque sinus productus donec secet rectam Xi major vel minor erit quam chorda arcûs BS , sive quam recta qy .

Ergo Xa non potest abscindere parallelam rectæ eS æqualem chordæ arcûs BS , nisi parallela illa transeat per p .

Est ergo punctum y in recta Xi . Et Xa incidit in p ; & ry dupla est qp .

Item qz est sextupla qp , minor tamen quam arcûs BLD qui est sextuplus arcûs Bp .

Similiter si secetur ea bifariam in g , & arcus Bp bifariam in o , ostendi potest ductam Xg & productam incidere in o ; & eo Sinum arcus bo duplicatum terminari in producta Xp ; idemque contingere perpetuò bifecando tum Arcus tum Sinus ex bisectione ortos; & producta eo ad Xf in t , esse et duodecuplam eo , minorem tamen quam est arcus BLD , qui est duodecuplus arcus Bo .

Similiter ostendi potest quod (bifecando perpetuò tum Arcus tum Sinus abscessos) rectæ quæ transeunt per puncta bisectionum arcuum, terminanturque in rectis XB , XF erunt ad arcum BLD , ut tot Sinus ad totidem arcus.

Non potest ergo recta BF major esse quam arcus BLD , qui arcus est quarta pars Perimetri.

Quod si minor sit recta BF quam arcus BD , erit illa recta quæ arcui BD est æqualis, parallela quidem ipsi BF , & intercepta à rectis XB , XF , sed productis. Unde sequetur, quod arcu BD diviso in partes aliquotas, quot fieri possunt, id est, numero infinitas, chordæ illæ in unam rectam compositæ, minores semper erunt arcu ipso BD . Quod verum non est, quia per divisionem perpetuam differentia inter arcus & chordas omnis evanescit. Ergo BF neque major neque minor est arcu BD , sed ipsi æqualis. Quod erat demonstrandum.

Propositio III.

Ducta XP & producta incidet in L , ubi arcus BD divinus est bifariam.

A puncto X , in recta XF sumatur Xh æqualis duplæ diagonali AC ; & à puncto h ducatur hh parallela BF secans AB , AS , CD in b , k , l .

Erit ergo Xh dupla bb ; & proinde bb æqualis diagonali AC . Quadratum autem ab Xh ad quadratum à bb erit ut 4. ad 1. & ad quadratum ab Xb ut 4. ad 3.

Sed quadratum ab AC æquale est 8 quadratis à Semiradio.

Ergo quadratum ab Xh (dupla AC) æquale est 32. quadratis à Semiradio.

Et quadratum à bb æquale 8. quadratis à Semiradio; & quadratum ab Xb æquale 24. quadratis à Semiradio.

Et bb secabitur bifariam ab XP producta.

Itaque si bb transit per L (quæ bL est semidiagonalis) etiam XP transibit per L .

Sin bb non transit per L , quia tamen bl est æqualis AL , & bb æqualis AC , erit lh æqualis LC .

A puncto

A puncto L ducatur Lm perpendicularis ad BC . Quoniam ergo quadratum ab L C æquale est duobus quadratis ab Lm , etiam lh (quæ est æqualis LC) potest duo quadrata ab eadem Lm .

Rursus ducta Ld perpendiculari ad CD , & propterea æquali Lm sive Cd , quadratum ab A C æquale erit tribus quadratis à Cd .

Ergo angulus bdc erit rectus.

Sed bLC est rectus.

Ergo l & d sunt idem punctum.

Transit ergo bl per punctum L .

Quare producta XP transit per L . Quod erat demonstrandum.

Sequitur hinc quadratum ab Xb æquale esse 24 quadratis à Semiradio.

Sequitur secundo Lk æqualem esse Ll sive Lm . Nam AE , DF sunt parallelæ & æquales; quare & EF , kb sunt æquales. Sed EF est æqualis Radio; ergo etiam kb est æqualis radio, & per consequens bk æqualis lh , & Lk æqualis Ll .

Sequitur tertio esse ut Radius AB ad Tangentem 30 graduum, nempe BE ; ita esse semidiagonalem Ab ad Tangentem graduum 22½; nam bk , lh , LC singulæ sunt æquales Tangenti arcus graduum 22½.

Si ducantur aliæ rectæ terminatæ in XB & XF , & parallelæ BF , inter bb & AD , recta ducta ab X secabit illas omnes in easdem rationes, sed non & arcum LD ; quia sicut latus BC respondet arcui BL , ita latus DC respondet arcui DL . Itaque ut arcus DL secetur in easdem rationes cum parte lateris DC sibi æquali, producendum est DA donec æquale sit ipsi BX ; & rectæ ductæ à termino lateris DA sic producti secabunt arcum DL & partem lateris DC ipsi æqualem in rationes easdem.

Propositio IV.

Ex eo autem quod modo ostensum est, quod quadratum à recta Xb æquale est 24 quadratis à Semiradio, demonstrari potest calculum Arithmeticum producere quantitatem iusto minorem.

Cum enim quadratum ab XA æquale sit 12 quadratis Semiradii, & quadratum ab Ab æquale 2 quadratis à Semiradio, erunt ambo quadrata illa simul sumpta æqualia 14 quadratis à semiradio.

Sed medium proportionale inter 12 quadrata & 2 quadrata est $\sqrt{24}$; idemque æquale uni complementorum ad quadratum totius $XA + Ab$.

Ergo $\sqrt{96}$ est æquale complemento duplo.

Quadratum autem ab XA plus quadratum ab Ab plus duplum complementum est æquale quadrato à tota Xb , per Eucl. Elem. 2. Prop. 4.

Iam

Iam $\sqrt{96}$. (dupla existens $\sqrt{24}$) est $9\frac{1}{3}$ proximè.

Ergo $12 + 2 + 9\frac{1}{3}$ æquatur $23\frac{1}{3}$; quod minus est quam 24, & per consequens producit calculum Arithmeticus quantitatem iusto minorem. Quod erat demonstrandum.

Constat hinc quod calculus Arithmeticus ab examinatione Problematum Geometricorum arceri debeat.

Propositio v.

Radius Circuli est media proportionalis inter arcum Quadrantis & ejusdem arcus duas quintas.

Iungatur AF secans latus CD in H.

Quoniam ergo triangula ABF, ADH sunt similia, erit ut BF ad AB (sive AD) ita AD ad DH.

Itaque cum BF sit æqualis arcui quadrantis BD, erit AD media proportionalis inter arcum BD, & rectam DH.

Probandum ergo est DH æquari $\frac{2}{3}$ rectæ BF.

Secentur latera AB, DC bifariam in M & N, & ducta MN producatur ad T, ita ut MT sit æqualis tribus semiradiis.

Ducatur BT secans BD arcum in R, & GR secans MN in Q.

Potest ergo TB 10 semiradios, & proinde æqualis est rectæ BF.

Et est angulus GRB in semicirculo rectus.

Triangulis autem rectangulis GRB, TMB, angulus ad B est communis; quare triangula illa sunt similia; & (quia TM, GM sunt æquales) triangula TMB, GMQ sunt similia & æqualia.

Ergo BM, QM sunt æquales, & QT æqualis Radio.

Iisdem autem triangulis simile est triangulum TRQ.

Et quia MB est tertia pars MT, etiam RQ est tertia pars RT, & BR tertia pars GR, & ut TQ ad GB ita est QR ad BR.

Est ergo BR dupla RQ.

Quoniam ergo TR est tripla RQ, erit tota TB ad BR ut 5. ad 2.

Est ergo BR duæ quintæ totius TB.

Quoniam autem est ut TB ad MB semiradium, ita Radius TQ ad QR dimidium BR, erit ut TB ad duplam MB sive Radium, ita TQ Radius ad duplam RQ, id est ad BR.

Est ergo Radius TQ media proportionalis inter arcum quadrantis, & BR, & proinde BR, DH sunt æquales, & DH æqualis duabus quintis arcus BD. Quod erat demonstrandum.

Propositio vi.

Manifestum est ex modo demonstratis quo pacto datæ rectæ arcus æqualis,

æqualis, & dato arcui recta æqualis inveniri potest; & (per consequens) quomodo arcus datus in ratione data potest dividi.

Nam à puncto B sumpta recta in BC non majore quam dimidia BF, si à termino ejus ducatur linea recta ad X, illa abscindet à BL partem ejus rectæ quæ sumitur in BC æqualem.

Item à puncto B si in arcu BL sumatur arcus aliquis, & per terminum ejus ducatur recta ab X, & producat ad latus BC, illa abscindet in BC rectam arcui illi æqualem; id quod bisecando arcum, & Sinum bisegmenti cujusque duplicando; eadem methodo qua tota BF ostensa est esse toti arcui BC æqualis, ostendi potest.

Quare arcus non major quam BL dividi potest eo modo quo diximus in ratione data.

Quod si arcus major sit quam arcus 45 graduum, poterit tamen eadem methodo dividi pars ejus aliquota, in ratione data, id quod tantundem valet.

Inventa est ergo methodus dividendi arcum vel angulum datum in ratione data.

Magnitudo arcus BD aliter demonstrata.

Recta composita à Radio Circuli & Tangente Arcus 30 graduum, est æqualis quartæ parti Perimetri ejusdem Circuli.

Sit ABCD Quadratum; AC diagonalis; arcus BLD quadrans, sectus bifariam in L.

Sint latera BC, AD divisa bifariam in O & P, & OP ducta & producta secet arcum BD in S, & arcum DG quadrantem reliquum in V.

Est ergo arcus BS tertia pars quadrantis BLD.

Et ducta DV æqualis Radio AB; eademque producta ad BA productam in X, erit æqualis diametro BG.

Et producta XD ad BC productam in F, erit BF composita ex BC Radio & CF Tangente arcus 30 graduum.

Dico BF æqualem esse arcui BD.

Iungatur AS, & producat ad BC in E.

Erunt ergo AE, DF parallelæ & æquales, & EF æqualis Radio BC.

Et AX æqualis SV sive duplæ PS.

Per punctum S ducatur recta ef secans AB in e, & DF in f; eritque ef tripla semiradii eS.

Est autem AX dupla Ae.

Iungatur XS.

Ergo XS dividit ef in ratione 1. ad 2.

Ergo eadem XS producta ad BF in i secat BF ad i in ratione 1. ad 2.

Elem. Philof.

X x x

Jam

Jam si BF non sit æqualis arcui BD , erit illo vel major vel minor. Sit primo major.

Ducatur ergo an parallela BF secans AB in a & XF in n . Sitque an æqualis si fieri potest, arcui BD ; secetque arcum BD in n . Deinde bisecetur arcus BD toties, ut bisegmentum ultimum $B\theta$ minus sit quam semissis arcus Bn , cujus sinus rectus est co .

Producatur co ad XF in t , jungaturque $X\theta$, secans ef in g . Quoties ergo eg est in ef toties est co sinus arcus $B\theta$ in recta ct , & toties ipse arcus $B\theta$ in arcu BD .

Sed co est minor arcu $B\theta$, ergo tota ct minor est arcu BD , id est, minor recta an . Quod est absurdum. Non est ergo BF major quam arcus BD . Minorem autem esse non potest ut antè ostensum est. Sunt ergo recta BF & arcus BD æqualis.

6. Capite sexto differens de Methodo, id quod Analytica Geometrarum illo loco dicendum erat, quia cum ibi essem, de lineis, superficiebus, solidis, æquali, inæquali, nondum mentionem feceram, nec proinde intelligi poteram, visum est aliquantisper differre; Itaque id quod de ea sentio dicam hoc loco. Analysis ergo est ex terminorum alicujus dicti quod pro verò supponimus definitionibus, & rursus ex terminorum illarum definitionum definitionibus ratiocinatio perpetua, donec ad nota aliqua ventum sit, quorum compositio est veritatis vel falsitatis dicti suppositi demonstratio. Atque ea ipsa compositio sive demonstratio id ipsum est quod appellatur Synthesis. Analytica itaque est ars ratiocinandi à Supposito ad Principia, id est, ad propositiones primas vel ex primis demonstratas, quot sufficiunt ad Suppositi Veritatem vel Falsitatem demonstrandam. Synthetica autem ars ipsa demonstrandi.

Synthesis ergo & Analysis aliter quam ut prorsum & retrorsum non differunt; utramque autem comprehendit Logistica. Itaque in Quæstionis seu Problematis cujuscunque Analysis & Synthesis, terminos oportet omnium propositionum esse Convertibiles, vel si hypotheticè enuncientur, non modo ex veritate Antecedentis veritatem Consequentis, sed & contra ex veritate Consequentis Antecedentis veritatem inferri necesse est. Alioqui quando resolvendo ventum est ad Principia, nullus componendo recursus fiet ad quæsitum. Nam qui in Analysis priores, in Synthesis termini posteriores erunt. Ut quando dicimus resolvendo, Rectangula hæc æqualia sunt, ergo eorum latera reciproce proportionalia sunt, componendo dicere necessarium erit, Latera hæc reciproce sunt proportionalia, ergo & rectangula ipsa inter se æqualia; id quod dici non posset, nisi habere latera reciproce proportionalia, & Rectangula esse æqualia termini essent Convertibiles.

In omni autem Analysis duarum quantitatum ratio quæritur, per quam quæsitæ quantitas, ad sensum (descripta figura) exponi potest. Nam Expositio illa finis est & solutio quæstionis, sive Problematis Constructio. Et quoniam Analysis est ratiocinatio à supposito ad Principia, id est, ad Definitiones, vel ad Theoremata prius nota, eademque ratiocinatio tendat ultimò ad aliquam æquationem, finis resolvendi nullus est donec ad ipsas æqualitatis & inæqualitatis causas, vel ad Theoremata ex illis causis antè demonstrata, eaque ad quæsitæ demonstrationem satis multa deveniatur.

Quoniam autem finis Analyticæ constructio est Problematis possibilis, vel detectio impossibilitatis, oportet Analystam si problema sit possibile, non antè consistere, quam pervenerit ad ea in quibus continetur causa efficiens quod construendum est. Consistere autem in propositionibus primis necessarium est; eæ autem definitiones sunt. In iis ergo definitionibus contineri debet causa efficiens constructionis; constructionis, inquam, non conclusionis demonstratæ. Nam conclusionis quidem causa continetur in præmissis propositionibus, id est, veritas dicti probati inest in dictis quæ probant. Causa autem constructionis est in ipsis rebus, & consistit in motu vel concursu motuum. Propositionis ergo in quibus desinit Analysis definitiones sunt, sed tales quibus significatur modus quo res ipsa construitur sive generatur. Nam alioqui reverteudo per Synthosin ad Problema probandum nulla erit demonstratio. Demonstratio enim non est quæ non est scientifica. Scientifica autem non est nisi quæ ex cognitione procedit causarum quibus constructio Problematis efficitur. Itaque ut colligamus quæ dicta sunt in brevissimum compendium, *Analysis est ratiocinatio à supposito constructo vel facto ad facti sive constructi causam efficientem vel multas coefficients. Ut & Synthetis ratiocinatio est à causis primis constructionis per media ad ipsum factum perpetua.*

Sed quoniam multi modi sunt quibus eadem res generari, sive problema construi possit, non omnes Geometræ, nec idem Geometra semper, eadem methodo usi sunt. Nam si imperetur datæ cuidam quantitati aliam construere æqualem, quæret aliquis an id fieri possit fingendo motum aliquem. Nam ex motu & tempore argui potest æqualitas & inæqualitas quarundam quantitatum, non minùs quam per congruentiam; & potest aliquo motu fieri ut duæ quantitates sive lineæ sive superficies, etsi altera recta altera curva sit, per extensionem congruant & coincidant; quâ methodo usus est Archimedes in Spiralibus. Etiam ex consideratione ponderum, æqualitas inæqualitasve inveniri & demonstrari potest, ut fecit idem Archimedes in Quadratura Parabolæ. Præterea æqualitas & inæqualitas invenitur sæpenumero ex sectione utriusque quantitatis in

partes quas considerant ut indivisibiles, ut fecit nostris temporibus Cavalerius Bonaventura, & idem Archimedes in multis locis. Idem denique fit considerando linearum potestates, vel potestatum latera, per multiplicationem, divisionem, additionem, subtractionem, & laterum è potestatibus extractionem, vel inveniendi ubi terminantur rectæ ejusdem rationis. Exempli causa, termini omnium rectarum quotquot esse possunt ab aliqua linea recta ductarum & transeuntium per idem punctum, si partes earum ab illo puncto sint in eadem ratione, desinent quoque in unâ lineâ rectâ. Idemque accidit puncto sumpto inter duos circulos, ita ut omnium istorum punctorum loci, sunt vel rectæ lineæ vel circumferentiæ circuli, & vocantur *loci plani*; ut termini rectarum parallelarum ad eandem rectam applicatarum cujus rectæ ad quam applicatæ sunt partes duplicatam habent rationem ejus quam habent inter se contiguae applicatæ, omnes eorum termini erunt in sectione conicâ, ea sectio ipsa eorum terminorum locus est, & dicitur *solidus*, quia servit ad eliciendam quantitatem æquationis constantis ex dimensionibus tribus. Itaque tres sunt modi quærendi causam æqualitatis vel inæqualitatis inter duas datas quantitates, nimirum per computationem *motuum*, quia motu & tempore æqualibus æqualia describuntur spatia; Ponderatio autem est motus. Per *indivisibilia*, quia omnes simul partes æquantur toti. Et per *potestates*, quia latera æqualia sunt, quorum potestates sunt æquales; & contrâ potestates æquales sunt quarum latera sunt æqualia. Sed in nullo horum modorum, certa statui regula potest, id quæstione aliquanto complicatiore, à quo potissimum ex ignotis supposito ordiendâ sit Analyfis; neque ex variis æquationibus quæ ab initio sese produnt, quæ nam potissimum sit eligenda; sed ingenio, scientiæ prius acquisitæ, & partim etiam fortunæ successus tribuendus est; nam tantus quisque potest est Analysta quantus erat antè Geometra; Neque regulæ Analyticos faciunt Geometram, sed Synthetis incipiens ab ipsis Elementis, & ad Elementa accedens Logicus ipsorum Usus. Vera enim traditio Geometriæ est per Synthetis, methodo quam docuit Euclides. Et qui Euclidem magistrum habet Geometra fieri potest sine Vietæ (etsi Vietæ erat Geometra planè admirabilis) sed qui Vietam magistrum habet sine Euclide non item.

Analytica autem ea pars quæ est per Potestates, etsi quibusdam Geometris (non illis ex primâ classe) ad Problemata omnia quæcunque illa fuerint solvenda idonea visa est, angusta tamen res est. Nam continetur omnis in doctrinâ Rectangulorum, & rectangulis contentorum solidorum; adeo ut etsi venerint ad æquationem quæ quantitatem quæsitam determinat, in plano tamen eam quantitatem aliquando exhibere per Artem non possunt, sed in sectione aliquâ conicâ, id est, ut Geometriæ dicunt,

dicunt, non Geometricè sed Mechanicè. Hujusmodi autem problemata solida appellant, & quando neque ope sectionis conicæ exhibere eam possunt, problema appellant lineare. Itaque in quantitativis angulorum & arcuum circuli usus Analyticæ per potestates nullus est. Antiqui igitur sectiones angulorum ultra bisectionem & bisegmentorum bisectiones in plano nisi Mechanicè exhibere impossibile esse pronuntiarunt. Nam Pappus (ante propositionem 31. libri 4.) distinguens & definiens Genera Problematum, *Alia quidem Plana, alia Solida, alia Linearia* appellari inquit. *Quæ igitur per rectas lineas, & circuli circumferentiam solvi possunt* (id est, quæ regula & circino, absque alio instrumento describi possunt) *merito dicuntur plana*; lineæ enim per quas talia problemata inveniuntur, in plano oriri habent. *Quæcumque vero solvuntur assumpta in constructionem aliquâ conicæ sectione, vel etiam pluribus, Solida appellata sunt, quoniam ad constructionem, solidarum figurarum superficiibus videlicet Conicis uti necessarium est.* Relinquitur tertium genus quod lineare appellatur: *Lineæ enim aliæ præter jam dictas in constructionem assumuntur, &c.* & paulo post, *Ex hoc genere sunt lineæ helices, & quadratrices, & conchoides, & cissoides.* *Videntur autem non parvum peccatum esse apud Geometras, cum Problema planum per Conica vel Linearia ab aliquo invenitur.* Ponit autem anguli bisectionem inter solida & quinquisectionem inter linearia. Quid ergo? Geometrarum antiqui qui ad rectam inveniendam arcui circuli æqualem, per Quadraticam, & ipse Pappus qui per Hyperbolem invenit anguli dati trisectionem, an peccaverunt? Minimè. Nam utebantur antiqui analysi hac per potestates; & quæ per proximas fieri potuere, peccatum erat si facerent per remotiores; argumentum enim illud erat quod rei naturam non satis intelligerent.

Analyticæ per potestates virtus consistit in commutandis, versandis, vexandisque rectangulis & Analogismis, & peritia Analystarum Logica est, quâ quicquid in conclusionis quæsitæ subjecto & prædicato latitat methodicè inveniri possit. At Symbolica, qua permulti hodie utuntur putantes esse Analyticam, nec Analytica est nec Synthetica, sed calculatorum Arithmeticarum quidem vera, Geometricarum autem falsa Brachygraphia ars quidem non docendi neque discendi Geometriam, sed inventa Geometrarum celeriter & compendio in Commentarios redigendi. Nam etsi inter propositiones longè diffitas, facilis sit per Symbola discursus, an tamen is discursus, cum fiat sine ipsarum rerum Ideis valdè utilis existimandus sit, certè nescio.

C A P U T X X I.

De Motu Circulari.

1. In motu simplice quælibet recta linea in Motu sumpta ita fertur ut vestigiis suis semper sit parallela. 2. Si motus sit circularis circa centrum manens, & in circulo Epicycli, qui revolvitur in partes contrarias, ita ut æqualibus temporibus æquales fiant anguli, quælibet recta sumpta in Epicyclo ita feretur ut vestigiis suis semper sit parallela. 3. Motus simplicis proprietates. 4. Si liquidum moveatur motu simplice circulari, puncta quælibet in eo sumpta describunt circulos suos in temporibus quæ sunt in ratione distantiarum à centro. 5. Motus simplex dissipat Heterogenea, congregat Homogenea. 6. Si circulus à movente motu simplice moto descriptus, circulo quem describit punctum ab ipso circumactum esset commensurabilis, redirent aliquando utriusque circuli puncta ad eundem situm. 7. Si Sphæra habeat motum simplicem, motus ejus magis dissipabit Heterogenea quanto remotior est à polis. 8. Motui liquidi circulari simplicis si obstat corpus non liquidum, fiet motus expansionis per superficiem. 9. Motus circularis circa centrum manens, imposta circumferentiæ, nec adhaerentiæ, proficit per Tangentem. 10. Motu motu circulari simplice, motum generant circulem simplicem. 11. Si id quod ita motum est, habeat alteram partem duram, alteram fluidam, non erit motus ejus perfectè circularis.

1. **M**otum circulem simplicem eum esse definivimus, in quo singula puncta singulis temporibus æqualibus singulos arcus describunt æquales. Itaque in motu circulari simplice necesse est ut quæ in moto sumatur linea recta ea feratur sibi semper parallela. Quod sic ostendo. Sit primò (in fig. 1.) recta quælibet AB sumpta in quolibet corpore solido; & centro quolibet C, radio CA ducatur arcus quilibet AD. Punctum autem B intelligatur describere ad easdem partes arcum BE, ipsi AD similem & æqualem. Quo tempore igitur punctum A percurrit arcum AD, eodem tempore punctum B percurrent arcum BE, supposito nempe puncta A & B eadem moveri celeritate. Itaque in fine ejusdem temporis erit tota AB in DE. Sunt ergo AD, BE æquales. Cumque arcus AD, BE æquales sint, etiam subtense AD, BE rectæ æquales erunt. Est ergo quadrilaterum ABDE parallelogrammum. Fertur ergo AB sibi metipsum parallela. Idem probari potest eadem methodo de quavis alia recta in eodem moto sumpta. Omnino igitur rectæ lineæ sumptæ in corpore motu circulari & simplice circumlato feruntur omnes sibi met ipsis parallelæ.

Coroll. 1. Manifestum etiam est contingere idem in quolibet simplici-
ter

uilibet pun-
s. Aded ut si
1, Ellipsium,
arum, tum
2.

, B E radios
ilicelæ. Du-
qualis, ea &
ulo A C D.
GE (pro-
gulus E B F
& E B F.

radius A B.

1. Intelliga-
s Epicyclus

1 I. Sitque
clus C D E

centrum B

ut in utro-

Axem Epi-

IG aqua-

e Axis A G

er angulum

tum disces-

to tempore

A, eodem

id est, re-

G, G A C

G, id est,

E D C sibi

ri Nicolaus

circularem

mpor feran-


lvant circu-

frequentissi-

cumagunt,

moti puncta

discr-



1. In motu
 suis semper
 in circulo E
 poribus aequi
 vestigiis sui
 liquidum m
 scribent circ
 5. Motus
 lus à moveri
 ipso circum
 puncta ad
 ejus magis
 quidi circuli
 nis per sup
 circumferen
 circulari si
 sia motum
 motus ejus &

1. **M**otus
 put
 bunt æquales
 to sumatur li
 Sit primò (in
 lido; & cen
 tum autem
 A D similiter
 cum A D, e
 nempe punct
 temporis erit
 cus A D, B E
 Est ergo quæ
 metipti parall
 in eodem motu
 circulari &
 Coroll. 1.

ter moto, etiam si motus circularis non sit. Nam lineæ rectæ cujuscunque puncta singula describent lineas etsi non circulares, attamen æquales. Aded ut si AD , BE curvæ, non essent arcus circulatorum, sed Parabolæ, Ellipsium, aliarumve figurarum, nihilo minus tum illæ tum subtensæ earum, tum etiam quæ ipsas conjungunt rectæ, æquales essent & parallelæ.

Coroll. 2. Manifestum etiam est, circulatorum æqualium AD , BE radios (vel in Sphæris Axes) ita ferri ut sint semper vestigiis suis parallelæ. Ducta enim ad centrum arcus BE recta BF , quæ radio AC sit æqualis, ea & junctæ FE vel CD æqualis erit; & angulus BFE æqualis angulo ACD . Sit jam intersectio rectarum CA , BE ad G . Angulus ergo CGE (propter BE , AD parallelas) æqualis est angulo DAC . Sed & angulus EBF æqualis est eidem DAC . Æquales ergo sunt anguli CGE & EBF . Quare AC , BF , parallelæ sunt. Quod erat ostendendum.

2. Secundo, Sit datus circulus (in fig 2.) cujus centrum A radius AB . Et centro B radio quolibet BC descriptus sit Epicyclus CDE . Intelligatur autem centrum B circumagi circa centrum A , unaque totus Epicyclus CDE , donec coincidat cum circulo FGH , habente centrum I . Sitque angulus BAI quilibet datus. Interea vero revolvatur Epicyclus CDE super centrum proprium B , nimirum ab E ad C per D , dum centrum B promovetur ad I ; idque secundum easdem rationes, id est, ita ut in utroque motu, temporibus æqualibus æquales fiant anguli. Dico Axem Epicycli (qui sit EC) ferri sibi semper parallelum. Fiat angulus FIG æqualis angulo BAI . Erunt ergo IF , AB parallelæ. Quantumque Axis AG discessit à loco suo priore AC (quem discessum metimur per angulum ipsum CAG , sive CBD , quem ipsi supponimus æqualem) tantum discessit eodem tempore Axis IG (idem qui BC) à situ suo. Quo tempore ergo BC venit ad IG per motum à B ad I , super centrum A , eodem tempore veniet G ad F per motum in Epicyclo contrarium; id est, revolvetur G ad F , jacebitque IG in IF . Sed anguli FIG , GAC sunt æquales. Parallelæ ergo sunt AC , id est, BC & IG , id est, Axis sibi met ipsi in locis diversis. Fertur ergo Axis Epicycli EDC sibi semper parallelus. Quod erat probandum.

Coroll. Constat hinc duos illos motus quos ascribit telluri Nicolaus Copernicus annuos, recidere ambos ad hunc unum motum circularem simplicem, nimirum, per quem fit ut puncta Moti æquali semper ferantur velocitate; id est, ut æqualibus temporibus æquales absolvant circulos uniformiter.

Sed & motuum circularium idem ut simplicissimus, ita & frequentissimus est; talis nimirum quali utuntur qui aliquid brachiis circumagunt, veluti qui molunt vel cribrant. Nam per hunc motum singula moti puncta disci-

describunt semper lineas æquales & similes; adeo ut qui regulam haberet & qua æqualiter extarent multorum calamorum cuspides, is uno hoc motu multos posset vertus simul exarare.

3. Explicato qualis sit motus simplex, explicabimus quoque aliquot ejus proprietates.

Primo, Corpus si feratur motu simplice in medio fluido & pleno, mutatur situm partium omnium ambientis fluidi motui suo obstantium, etiam minimarum, ita ut in unumquemque locum novæ continuò subintrent fluidi particulae.

Sit enim (in eadem fig. 2.) corpus quodlibet K L M N, quod intelligatur moveri motu simplice circulari; & circulus quem unumquodque ejus punctum describit sit quantuscunque, puta quantus est ipse K L M N, itaque & ipsum centrum A, & quodlibet aliud punctum ejus, adeoque ipsum Motum accedet modo ad partes K modo ad partes M. Accedente autem moto ad K retrocedent partes liquidi ad loca posteriora. Itaque cum spatium omne supponatur plenum, necesse est ut aliæ succedant. Similiter fit versus L & M & N, & quaque versum. Retrocedentibus autem partibus liquidi undequaque proximis, necesse etiam est regredi etiam partes illas quæ proximis sunt proximæ, & (supposito pleno) alias partes in earum loca subintrare; & sic deinceps in infinitum. Partes ergo omnes liquidi etiam minimæ locum mutant. Quod erat, &c. Manifestum hinc est motum simplicem, sive circularem, sive alium eorum quæ mota loca sua perpetuò repetunt, pro velocitate sua & linearum quas describunt majore vel minore magnitudine, vim habere majorem vel minorem partes obstantium corporum dissipandi. Potest autem & velocitas maxima in circuitu minimo, & minima in maximo intelligi, & si opus fuerit supponi.

4. Secundo, supposito motu hoc simplice in aëre, aqua, aliove liquido, partes ejus liquidi quæ corpori moventi proximè adhærescunt, circumferentur eodem motu, eademque velocitate; ita ut quo tempore punctum quodlibet moventis suum absolverit circulum, eodem tempore quælibet pars liquidi proximè moventi adhærens circuli sui describet partem circulo moventis integro æqualem: Describet inquam partem circuli, non circulum integrum; propterea quod omnes illæ partes motum suum habent à movente in circulo interiore concentrico, & sunt circulorum concentricorum exteriores interioribus semper majores; nec potest esse motus impressus à movente ullo velocior quam est motus imprimantis. Ex quo intelligitur quod partes ambientis liquidi à superficie moventis remotiores suos circulos absolvant in temporibus quæ sunt in ea inter se ratione quam habent inter se ipsarum à movente distantia. Punctum enim ambientis quodlibet dum corpus à quo circumfertur contingit unà cum ipso circumducitur, & (nisi quantum

tum propter excessum circuli exterioris super interiorem à tergo relinquitur) eundem faceret circulum. Ita ut si supponatur in eo liquido, quoddam moventi proximum est fluctuare aliquid non liquidum, circumferetur illud unà cum circumferente. Liquidum autem quod non est proximum, sed (ut ita loquar) penè proximum, motum suum accipit à proximo, qui major esse non potest quam qui est in dante. Faciet ergo eodem tempore lineam, circulearem quidem, sed non perimetrum integram, sed æqualem integræ perimetro moventis intimi. Iraque quo tempore movens describit suum circulum, id quod ipsum non continget, non describet suum, sed arcum sui, toti illius perimetro æqualem. Eadem ratione cætera puncta remotiora describent eodem tempore suorum circulorum partes singulas circulo moventis integro æquales, & per consequens circulos suos integros in temporibus quæ sunt distantis suis à movente proportionales: quod erat ostendendum.

5. Tertio, idem motus simplex corporis positi in medio liquido, ea quæ in eodem liquido naturaliter fluctuant, siquidem Homogenea sint, congregantur, sive in unum locum cogit; sin Heterogenea sint, separantur & dissipantur. Quod si Heterogenea non fluctuant sed sedcant, idem motus ea commovebit & confundet.

Cùm enim Corpora inter se dissimilia, id est, Heterogenea, non sunt dissimilia quatenus corpora, (nam ut corpora non differunt) sed per aliquam causam specialem, id est, per motus quosdam partium suarum minimarum, sive motum internum (ostensum enim est *Cap. 9. Art. 9.* omnem mutationem esse motum internum) habebunt Heterogenea differentes inter se motus internos sive específicos. Quæ autem sic differunt, motum ab externo communem dissimiliter patiuntur. Quapropter non ferentur unà, hoc est, dissipabuntur. Dissipata autem incident aliquando in corpora sibi similia, unàque cum ipsis & similiter movebuntur, & hæc quoque in alia similia incidentia unientur & fient majora. Quare Homogenea quidem in medio ubi naturaliter fluctuant à motu simplice congregantur, Heterogenea vero dissipantur. Rursus quæ in eodem liquido non fluctuant sed subsidunt, si in ea motus liquidi incurrat satius magnus ad ea suscitanda, suscitabuntur atque agentur ad motum ipsius liquidi, & proinde impediuntur ne locum reperant ubi naturaliter subsidunt & in quo solo uniantur, & extra quem promiscuè feruntur, id est, confunduntur.

Motus autem hic quo Homogenea congregantur, & Heterogenea disperguntur, is est, quem vulgò vocant *Fermentationem*, à *Fervendo*, ut & Græci Ζύμνν à Ζέω. Nam & aqua fervescens facit ut partes suæ singulæ situm murent, utque ejus rei quæ in ipsam motam injicitur particulæ pro diversis ipsarum naturis in diversa discurrant. Neque tamen Fervor omnis ab igne est; nam & mustum aliæque res innumeræ suam quoque habent Fermentâ-

mentationem, & Fervorem, nec tamen ab igne omnem. Sed calorem si quem in Fermentatione sentimus, ipsa efficit Fermentatio.

6. Quartò, quo tempore movens cujus (in eadem figurâ 2.) centrum est A, motum per K L N, (aliquoties convertendo, id est, quando perimetri B I, K L N sunt commensurabiles) lineam descriperit æqualem perimetro per B L, eodem tempore revertentur omnia puncta corporis fluctuantis, cujus centrum est B ad eundem situm respectu moventis unde digressa erant. Quoniam enim est ut distantia B A, id est, Radius circuli per B I, ad perimetrum ipsam B I, ita Radius circuli K L N, ad ipsam K L N; & velocitates utriusque puncti B & K sunt æquales; erit quoque tempus revolutionis in B I ad tempus unius revolutionis in K L N, ut perimenter B I ad perimetrum K L N, & proinde tot revolutiones in K L N quot simul sumpti exæquant circum B I, absolventur eodem tempore in quo absolvitur tota perimenter B I. Quare eo tempore revertentur L, N, F, H, & puncta cætera ad eundem situm à quo discesserant. Idem ostendi potest quæcunque ea puncta sint, quæ considerabuntur. Revertentur ergo omnia puncta ad eundem situm. Quod erat probandum.

Sequitur hinc si perimetri B I, K L N non sint commensurabiles, non fore ut omnia puncta ad eundem inter se situm sive configurationem unquam revertantur.

7. In motu simplice si corpus quod movetur habeat figuram Sphæricam; minorem habebit vim heterogenea dissipandi sive cogendi Homogenea versùs polos sui motus quam versùs medium. Sit (in figura 3.) Sphæra cujus centrum A, diamèter B C; quæ Sphæra intelligatur moveri motu simplice circulari; & ejus motus Axis sit recta D E, secans diametrum B C ad angulos rectos in A. Circulus autem quem describit quodlibet Sphæræ punctum puta B, habeat diametrum B F. Sumptaque F G rectæ B C æquali & divisa bifariam in H, erit A post dimidiam revolutionem in H. Et quoniam H F, A B sunt æquales, circulus descriptus centro H, radio H F vel H G æqualis erit circulo centro A, radio A B descripto. Et continuato eodem motu post alteram dimidiam revolutionem redibit punctum B ad locum unde moveri coepit. Transfertur igitur post dimidiam revolutionem punctum B ad F, & totum Hemisphærium D B E in Hemisphærium in quo sunt puncta L, K, F. Retrocedit ergo liquidum quod puncto F contiguum erat, tantum quanta est recta B F, idque eodem tempore. Et in reditu puncti F ad B, id est, puncti G ad C, tantundem recedit liquidum à puncto C in linea directa. Atque hæc ita se habent in medio Sphæræ ubi distantia à Polis est maxima.

Sumatur jam in eadem Sphæra punctum I propius polo, per quod ducatur recta I K parallela rectæ B F secans arcum F L in K, & axem H L in M.

in M. Deinde juncta HK, ducatur super HF perpendicularis KN. Venient ergo simul B ad F, & L ad K; sunt enim BF, IK, æquales, & eadem descriptæ velocitate. Motus autem per I K ad liquidum in quod agit, nimirum ad partem liquidi quæ contigua est puncto K obliquus est. Quod si motus ille factus esset per rectam HK, perpendicularis esset. Minus autem movet motus veniens per L K quam per H K velocitate eadem. Sed motus per H K æqualiter summovet liquidum ac motus per H F; minus ergo movet liquidum pars Sphæræ circa K, quam circa F, nempe quanto K N minor est quam H F. Minus ergo etiam dispergit Heterogenea, & minus congregat Homogenea propius quam longius à Polis. Quod oportebat demonstrare.

Coroll. Necessè etiam est in planis axi perpendicularibus, magisque à medio Sphæræ distantibus quam distat ipse polus, motum hunc simplicem nihil agere. Nam axis DE describit motu simplice superficiem Cylindri; in quo motu versus Cylindri bases nullus omnino est conatus.

8. Si in medio liquido moto ut dictum est circularitèr, natare intelligatur aliud mobile Sphæricum non liquidum, partes liquidi in ipsum impingentes conatum habebunt sese undequaque per superficiem ipsius corporis non liquidi expandendi. Et hoc quidem experientia satis manifestum reddit, nempe in effusæ aquæ expansione super pavementum. Ratio autem hujusmodi est. Quoniam (in figura 3.) Sphæra A movetur ad partes B, liquidum quoque in quo ille movetur motum habebit eundem. Sed quoniam motu hoc incurrit liquidum in corpus non liquidum ut G, ita ut progredi non possit, neque possit tamen contra vim moventem regredi, restat ut particulæ ejus expansæ superficiem obstantis corporis G quaquaversum radant, ut ad O P. Quod erat probandum.

9. Motus circularis compositus (id est, per quem singulæ moti partes perimetros simul describunt aliæ majores, aliæ minores pro ratione distantiarum à centro communi) corpora non liquida, corpori ita moto adhærentia circumfert, eadem autem à contactu abrupta per Tangentem puncti abruptionis projicit.

Sit enim circulus (in figura 4.) cujus Radius AB, & corpus aliquod positum in circumferentia ad B; quod quidem si fixum sit in B, unà circumferetur, ut satis per se manifestum est. Inter movendum autem adhæsis illa supponatur quomodocunque tolli tunc cum est in puncto B. Dico fore ut mobile à B procedat per Tangentem BC. Intelligatur tam Radius AB, quam ipsum corpus B consistere ex materia dura. Et supponamus radium AB, percussus esse in puncto B à corpore incidente secundum DB Tangentem. Orietur ergo motus circularis ex concursu duarum rerum, quarum altera est conatus per DB productam versus C (nam procederet corpus à B, per ipsum B C, nisi esset retentum ad AB radio) altera est retentio ipsa.

ipsa. Sed retentio illa nullum dat corpori in B conatum versus centrum. Sublata igitur retentione (id quod fit in abruptione) restat unicus in B abrupti conatus, & is per Tangentem B C. Ergo per Tangentem B C movebitur punctum B abruptum: quod erat demonstrandum. Ex hac demonstratione apparet motum circularem circa axem immotum excutere & longius summovere à centro sui motus quicquid superficiei contiguum existens ipsi non firmiter adhæreret: idque tanto magis quanto longius recedendo à Polis; tantoque etiam magis quanto ea quæ excutuntur minus à fluido abiente propter alias causas versus centrum repelluntur.

10. Si corpus Sphæricum moveatur in medio liquido motu circulari simplice; sitque in eodem medio natans alia sphæra ex materia non liquida, ea quoque movebitur motu circulari simplice.

Sit enim (in figura 5) circulus B C D, cujus centrum A. In cujus circumferentiâ moveatur sphæra, ita ut describat motu simplice ipsam perimetrum B C D. Sit autem sphæra alia E F G ex materia consistente, cujus semidiameter E H, centrum H. Et Radio A H describatur circulus H I. Dico sphæram E F G motam fore in circumferentiâ H I (à motu corporis in B C D) motu simplice. Quoniam enim motus in B C D (per art. 4 hujus capituli) facit ut singula puncta medii liquidi describant eodem tempore lineas circulares inter se æquales, puncta E, H, G, rectæ E H G, describent eodem tempore circulos æquales radiis æqualibus. Ducatur E B parallela & æqualis rectæ A H, jungaturque A B; erit ergo A B æqualis & parallela E H. Centro ergo B radio B E describatur arcus E K arcui H I æqualis, dicanturque rectæ A I, B K, I K; eruntque B K, A I æquales. Et quoniam duo arcus F K, H I, id est, anguli K B E, I A H sunt æquales, erunt B K, A I parallelæ; quare & rectæ A B, K I quæ ipsas connectunt æquales sunt & parallelæ. Sunt ergo & K I, E H parallelæ. Cum ergo eodem tempore E, H, translata sunt ad K & I, erit tota recta I K rectæ E H undè discessit parallela. Neceffe ergo est (quia sphæra E F G supponitur consistens, ita ut omnia puncta ejus eundem semper situm servant) ut quælibet alia recta in eâ sphæra sumpta, feratur propriis ipsius Vestigiis semper parallela. Movetur ergo sphæra E F G motu circulari simplice. Quod erat demonstrandum.

11. Si in medio undequaque fluido quod à corpore commovetur circumactio motu simplice (sive is motus perfectè circularis sit, sive Ellipticus, sive secundum lineam in se reductam quamcunque) ponatur aliud corpus, fluidum & ipsum, tenacius tamen quam est medium; Dico primò, partes aliquas minutissimas propter illam medii concitationem avulsas à cætera mole medium subingressuras esse, easque quæ primo moventi obvertuntur propius ad ipsum accessuras esse. Secundò quod reliqua moles intumescet. Tertio quòd eadem moles magis ad eas partes accedet in quibus maxima est

est fluiditas. Supponamus enim corpus aliquod in medio fluido (puta aëre) collocatum, motu simplice in se redeunte aërem commovere. In eodem autem aëre collocatum esse fluidum aliud, sed aëre tenacius, ut aquam. Dico partes aquæ aliquas minutas necessariò aërem subingressuras esse. Quoniam enim ostensum est articulo quinto, medium, id est, aërem ita commoveri ut singulæ partes ejus usque ad minutissimas loca sua cum particulis proximis perpetuò commutent, necesse est ut partes aquæ aëri contiguæ, cum partibus aëris loca commutent. Partes ergo aquæ aërem subingrediuntur aliquæ: quod est primum. Secundò, quoniam aquæ partes illæ quæ in aërem sunt ingressæ, avulsæ sunt à cæterâ mole aquæ, habeatque aqua (per hypothefin) tenacitatem aliquam, fiet necessariò ut aqua summa unde illæ particulæ egressæ sunt, aliquousque egressas sequatur, id est, ut aqua aliquanto intumescat: quod est secundum. Tertiò, quoniam corporis una pars supponitur magis esse fluida quam alia, facilius intumescunt partes fluidiores quam minus fluidæ, quæ autem intumescunt eâ etiam tota moles conabitur magis; quare propter tenacitatem partium pars ea quæ minus conatur in viâ contrariâ illam sequetur, id est, tota moles eâ movebitur: quod restabat demonstrandum.

C A P U T XXII

De cætera Motuum varietate.

1. *Conatus & Nixus quo modo differunt.* 2. *Duo genera mediocum in quibus sit motus.* 3. *Motus propagatio à corpore in corpus quid.* 4. *Motus à comprimendis quis.* 5. *Fluida compressa se mutuo penetrant.* 6. *Corpus in aliud corpus impingens nec penetrans agit in perpendiculari quæ ducitur ad superficiem corporis in quod impingitur.* 7. *Corpus durum in aliud si impingens penetret, non penetrabit per perpendicularem nisi perpendiculariè incidat.* 8. *Motum aliquando in oppositum moventi.* 9. *In medio pleno motus propagatur ad distantiam quamlibet.* 10. *Dilatatio, & Contractio quid.* 11. *Dilatatio & Contractio supponit partium minutarum mutationem quoad situm.* 12. *Traçtio omnis est Pulsio.* 13. *Quæcumque pressa aut tensa se restitutum motum habent in partibus internis.* 14. *Si Vebens impingat, Vectum tamen procedet.* 15, 16. *Percussionis & Ponderis effectus comparari inter se non videntur posse.* 17, 18. *In partibus corporis interni motus incipere non potest.* 19. *Actio & Reactio per eandem procedunt lineam.* 20. *Habitus quid.*

1. **C**Onatum definivimus supra Cap. 15. Art. 2. esse motum per longitudinem quidem aliquam, consideratam autem non ut longitudinem, sed ut punctum. Itaque sive quid conanti resistit, sive nil resistit, conatus tamen idem est. Nam *Conari* simpliciter idem est quod *ire*.

Yyy 3 •

Quod.

Quod si quando duo corpora in partes contrarias conantia mutuò se premant, conatus ille utriusvis *Nixus* appellari solet, estque conatus cui aliud insistens conatur in contrarium, sive resistit.

2. Tam autem ipsa corpora mota, quam media in quo moventur duorum sunt generum; vel enim talia sunt ut eorum partes inter se cohæreant, ut moventi nulla pars moti faciliè cedat, nisi cedente toto; qualia sunt quæ vocantur *Dura*; vel partes eorum, immoto toto, faciliè tamen cedunt moventi, ut quæ *Fluida* dicuntur & *Mollia*. Nam *Fluidum*, *Molle*, *Lenum*, & *Durum* (sicut magnum & parvum) dicuntur tantum comparativè, nec sunt diversa genera, sed diversi gradus qualitatís.




3. Agere autem & Pati, est movere & moveri; & quicquid movetur, à moto & contiguo movetur, ut ostensum est in præcedentibus. Et in distantia quantalibet dicimus primum movens, ultimum movere mobile, sed mediata, ita nempe ut primum moveat secundum, secundum moveat tertium, & sic deinceps donec ventum sit ad contactum cum ultimo. Quando ergo corpus aliquod corpori contra conans illud movet, & hoc motum movet iterum tertium & sic deinceps, illam actionem motus propagationem appellabimus.

4. Si duo corpora fluida in loco libero se mutuò premant, partes eorum movebuntur sive conabuntur ad latera; neque eæ solum partes quæ sunt ibi ubi fit contactus, sed omnes. Nam in contactu primo, partes ab utroque conante pressæ alium locum non habent in quo moveri possunt, neque anteriorem neque posteriorem; exprimuntur ergo versus latera, idque (si vires sint æquales) in linea quæ sit ad corpora unde exprimuntur perpendiculari. Cum autem pressis partibus utriusque corporis anterioribus, premantur etiam posteriores (nam motus partium posteriorum, à repulsu partium anteriorum non sistitur in instante; sed aliquantisper durat) his quoque locus ubi moveri possint aliquis dandus est; sed locus motui in anteriora non datur; necesse ergo est ut moveantur in loca quæ circumquaque sunt ad latera. Atque hoc contingit necessariò, non modo in fluidis, sed etiam in consistentibus & duris, etsi id minus aliquando sensibus manifestum sit. Nam etsi ex compressione duorum lapidum nullam oriri ad latera extumescentiam oculis (id quod fit in duobus corporibus cereis) cernimus, necessarium tamen esse ut aliquis ibi tumor sit quamvis exiguus, satis intelligitur ratione.

5. In loco autem clauso si utrumque corpus fluidum sit, alterum ab altero (si comprimantur) penetrabitur, diversè tamen pro varietate quam habent conatum. Supponamus enim ex materia dura vas cylindraceum concavum, utrinque bene obturatum, sed repletum priùs, inferne quidem aëre vel aqua, superne verò liquido aliquo graviore, ut argento vivo. Inverso ergo cylindro



AD CAP. XXII



cylindro necesse est magis conantibus ad fundum iis quæ magis sunt gravia, & facultate excurrendi ad latera propter duritiem vasis sublata, quod grave & superius erat, à leviori recipi & subfidere. Illud enim quod facilius partium suarum patitur diremptionem, prius dividitur; quo diviso, ut partes alterius dirimantur non est necessarium. Neque ergo quando duo liquores clausi in eodem vase locum commutant, necesse est, ut eorum partes usque ad minimas permisceantur. Opus enim non est uno eorum hiscente, ut alterius quoque partes dirimantur.

Quod si liquidum in loco non clauso innitatur vel impingat in corpus durum, fiet quidem conatus versus duri corporis partes internas; movebuntur autem partes liquidi (propter duri resistentiam exclusæ) undiquaque secundum ejus superficiem, idque si nixus perpendicularis sit, æqualiter. Nam cum omnia quæ in causa sunt æqualia sint, etiam effectus æquales erunt. Quod si nixus non sit perpendicularis, anguli incidentiæ inæquales erunt, ideoque expansio quoque inæqualis erit, & major ex parte anguli majoris, propterea quod directior est motus per directiorem lineam.

6. Si corpus in corpus impingat vel innitatur, nec ipsum penetret, dabit tamen parti in quam impingit vel innititur conatum recedendi per rectam quæ sit superficiæ ejus in puncto impactus perpendicularis. Sit enim (in figura 1.) corpus durum $ABCD$, cui corpus aliud motum per rectam EA , utcumque inclinam vel non inclinam, impingat vel innitatur in A . Dico corpus hoc ita motum vel innitens, nec penetrans, daturum parti A conatum recedendi per rectam rectæ AD perpendicularem. Nam sit AB ipsi AD perpendicularis, & producat BA ad F manifestum ergo per se est, si AF coincidat cum AE , motum per EA effecturum ut A conetur per AB . Sit ergo EA ad AD obliqua; & à puncto E demittatur recta EC secans AD ad angulos rectos in D , compleanturque rectangula $ABCD$, & $ADEF$. Ostensum est (*Cap. 16. Art. 8.*) conduci mobile ab E ad A à concursu duorum motuum uniformium, quorum alter est per EF (& ipsi parallelas) alter per ED (& parallelas ejus.) Motus autem per EF & parallelas ejus, quarum una est DA , nihil contribuit quo mobile unquam niti vel conari possit ab A versus B . Totus ergo conatus quem habet mobile in inclinata EA transeundi vel premendi rectam AD , totus (inquam) est à motu vel conatu perpendiculari in FA . Habebit ergo E postquam est in A conatum illum solum qui oritur à motu per FA perpendicularem, id est, per AB : quod erat demonstrandum.

7. Si corpus durum, in aliud corpus impingens vel innitens ipsum penetret, Conatus ejus post initium penetrationis non erit in productâ inclinatâ, neque in perpendiculari; sed modo inter utrasque, modo extra.

Sit (in eadem figurâ 1.) producta inclinata EAG , & sit transitus per medium

medium in quo est EA, primò, facilior quam transitus per medium in quo est AG. Quam primum ergo mobile A immersum est in medio, in quo est AG, fiet major resistentia contra motum per DA, & ejus parallelas infra AD quam supra. Tardior ergo fit motus per parallelas ipsius DA infra DA quam supra: quare motus qui fit ex concursu motuum per EF, ED est tardior, infra DA quam supra: quare conatus mobilis A non procedet per EA productam, sed citra eam. Quoniam autem conatus per FA, gignit conatum per AB, si conatu per FA addatur conatus per DA qui (post immersionem jam puncti A) aliquis certè est; non procedet conatus ab A amplius in perpendiculari AB, sed ultra eam, conabitur ergo A per rectam aliquam inter AB & AG, puta per AH.

Secundo, fit transitus per EA quàm per AG difficilior. Erit itaque motus qui fit ex concursu per EF, FB supra AD tardior quam infra eandem; & per consequens conatus ab A non erit per EA productam, sed ultra eam, ut in AI. Quare si corpus durum, &c. quod erat probandum. Atque hæc quidem à recta EA divergentia rectæ EAG, appellari solet ab Opticis Refractio; quæ quidem fit quando transitus est primò facilior, deinde difficilior, vergendo ab inclinata ad perpendicularem; contra vero, quando transitus primus difficilior est, longius à perpendiculari abeundo.

8. Manifestum est (per Theorema 6.) in tali situ collocari posse vim moventem, ut ab ea agatur mobile per viam viæ moventis ferè contrariam, quemadmodum fieri videmus in motu navium.

Sit enim (in figurâ 2.) mobile AB, puta navem, cujus longitudo à pro-
ra ad puppim sit AB. Ventus autem ipsi incumbat secundum rectas parallelas CB, DE, FG; & à puncto B ducta ad rectam AB perpendicularis secet DE, FG, in E & G. Sintque BE, EG inter se æquales, & angulus ABC quantuluscunque. Deinde inter BC, BA ducatur recta BI, secundum quam concipiatur expandi velum, in quod velum impingat ventus in punctis L, M, B, à quibus punctis ducantur perpendiculariter rectæ BK, MQ, LP. Denique super rectam BG ducantur perpendiculares EN, GO, secantes BK, in H & K, fiantque HN, KO, tum rectæ BA, tum inter se æquales. Dico fore ut navis BA à vento spirante per CB, DE, FG, aliasque ipsis parallelas, provehatur ferè in oppositum venti, id est, per viam viæ moventis ferè contrariam.

Ventus enim qui flat secundum CB dabit conatum puncto B procedendi (ut artic. 6. ostensum est) per rectam rectæ BI perpendicularem, id est, per BK, & punctis M & L procedendi per rectas MQ, LP ipsi BK parallelas. Temporis autem mensura sit BG, quæ dividitur bisariam in E. Tempore ergo BE promoveatur punctum B ad H: quare eodem tempore à vento flante per DM & FL (& cæteras quas libuerit ducere ipsis parallelas)

parallelas) tota navis applicabitur rectæ HN . Item in fine temporis secundi EG , eadem navis applicabitur rectæ KO . Semper ergo procedet navis versus anteriora, faciens angulum ad ventum, æqualem angulo ABC quantulocunque, & singulis temporibus tantum quanta est recta EH . Atque sic quidem se res habet, supposito quod navis eadem celeritate moveri possit, lateraliter à BA versus KO , qua celeritate movetur antrosum in BA . Sed fieri hoc non potest, propter molis aquæ lateri innitentis resistantiam, quæ quidem præ resistantiâ tantillæ aquæ proræ innitentis magna est, adeo ut navis progrediatur versus latera, vix sensibilibiter. Procedet ergo punctum B ferè in ipsa recta BA faciente cum vento angulum ABC quantulumcunque; id est, ferè in recta BC ; id est, per viam moventis ferè contrariam: quod erat demonstrandum. Oportet autem velum in BI ita tensum esse, ut nullus in eo relinquantur sinus; aliqui enim rectæ LP , MQ , BK non erunt veli plano perpendiculares, sed cadentes infra P , Q , K navem retrorsum agent. Sed pro velo usus appensa tabula, pro navi plaustello rotis exiguis fulto, pro mari pavimento, ita verum hoc expertus sum, ut vix potuerim tabulam vento in quantulacunque obliquitate opponere, quin ab eo plaustellum abriperetur.

Ex eodem Theoremate 6; inveniri potest quanto ictus obliquus, ictu perpendiculari (cæteris paribus) sit debilior. Sit enim (in figura 3.) incidens, verbi gratia, in oppositum murum ictus obliquus per CA . Ducatur CE ipsi AB parallela; & DA eidem AB perpendicularis, & æqualis rectæ CA . Sitque velocitas, & tempus motus per CA , æqualis velocitati & tempori motus per DA . Dico debiliorem esse ictum per CA quam per DA , in ratione EA ad DA . Nam producta DA utcunque in F , erit conatus utriusque ictus per perpendicularem AF , per Art. 6. Sed ictus per CA fit ex concursu duorum motuum per CE & EA , quorum motuum is qui fit per CE , ictui in A nil contribuit; propterea quod CE , BA sunt parallelæ. Quare ictus per CA , fit à motu qui est in sola EA . Velocitas autem sive vis ictus perpendicularis in CA est ad velocitatem sive vim ictus in DA , ut EA ad DA . Debilior est ergo ictus obliquus in CA , quam ictus perpendicularis in DA in ratione EA ad DA , sive ad CA : quod erat probandum.

9. In medio pleno eo usque procedit Conatus omnis, quousque pertinet ipsum medium; id est, si medium sit infinitum, in infinitum.

Quicquid enim conatur movetur, ideoque cedere facit quicquid ei obstat, saltem aliquantulum, nimirum quantum quod movet promovetur. Quod autem cedit movetur quoque, & proinde cedere facit id quod ipsi obviam est; & sic deinceps quousque existit medium aliquod plenum, id est, (si medium infinitum sit) in infinitum: quod erat probandum.

Elem. Philos.

Z z z

Quan-

Quamquam autem hujusmodi conatus perpetuè propagatus non semper ita appareat sensibus, tanquam esset motus aliquis; apparet tamen ut actio, sive mutationis alicujus efficiens causa. Nam si statuatur (exempli causa) ante oculos objectum aliquod valde exiguum, ut una arenula, quæ quidem ad certam quandam distantiam sit visibilis; manifestum est eam removeri longius tanto posse ut sensum fugiat, nec tamen desinere agere in videndi organum, ut jam ostensum est, ex eo quod conatus omnis procedit in infinitum. Intelligatur ab oculo removeri ad distantiam quamvis maximam, & alias arenulas singulas ejusdem magnitudinis satis multas remotæ apponi; apparebit tandem id quod ex appositis fit aggregatum; & quamvis nullarum arenularum videatur à cæteris distincta, acervus tamen earum vel mons totus videbitur manifestè; id quod fieri non posset, si partes nihil omnino singulæ agerent.

10. Inter gradus *Mollis & Duri*, ea sunt quæ *Lenta* appellantur. *Lentum* autem est, quod idem manens Flexi potest. Et *Flexio* in linea quidem est, manente eadem linea, adductio extremorum punctorum, vel diductio, id est, motus à rectitudine ad curvitatē, vel contra: nam terminis lineæ quantum potest diductis fit recta, quæ alioqui curva est; in superficie autem diductio vel adductio extremarum linearum, id est, dilatatio & contractio.

11. *Dilatatio* autem & *Contractio*, ut & omnis *Flexio* supponit necessariò accessionem partium internarum corporis flexi versus externa, vel ab externis recessionem. Nam etsi in sola corporis longitudine consideretur, orietur in flexo ex una parte convexa, ex alia concava linea, quarum hæc, quia interior (nisi ab ea adimatur & convexæ addatur aliquid) curvior erit, id est, major; sunt autem æquales. Fit ergo à partibus flexi interioribus accessio ad exteriores; & contra, in tensione, ab exterioribus ad interiores.

Ea autem quæ transpositionem partium talem minus facile patiuntur, *Fragilia* appellantur. Et non nisi magna vi flexenda subitaneo motu dissiliunt.

12. Distinguitur item motus in *Pulsione* & *Tractione*. Et *Pulsio* quidem, ut ante eam definivimus, est quando id quod movetur antecedit id quod movet. *Tactio* verò contra, quando Movens antecedit Motum. Veruntamen attentius considerantibus videtur esse *Pulsio*. Nam duarum partium corporis duri, dum anterior pellit ante se Medium in quo fit motus, id quod pellitur, pellit aliud, & hoc rursus aliud, & sic deinceps. In qua actione, supposito quod locus nullus corpore vacuus sit, necesse est continuâ pulsione, scilicet facta actionis circumitione, ut id quod movet parti illi quæ ab initio non pelli sed trahi videbatur à tergo sit, aded ut

Tractum

Tractum antecedit jam corpus illud à quo movetur, & proinde Pulsum, non Tractum est.

13. Quæ dimota à locis suis per compressionem, vel tensionem, vi factam, & ea vi amota, statim ad situm priorem redeunt & se restitunt, principium restitutionis suæ in se habent, nempe motum quendam in partibus internis, qui tunc inerant cum ante vim amotam erant tensa vel compressa. Est enim restitutio illa motus; moveri autem quod quiescit sine Movenete moto & contiguo non potest. Ablata autem vi sive comprimente sive tendente, causa tamen nulla existit restitutionis ex ipsa comprimentis vel tendentis ablatione. Nam ablatio impedimenti causæ efficaciam non habet (ut ostensum est in fine art. 3. capitis 19.) Causa ergo restitutionis est in motu aliquo partium corporis compressum vel tensum ambientis, vel partium ipsius compressi vel tensi. Sed partes ambientis nullum habent conatum qui faciat neque ad compressionem vel tensionem, neque liberationem & restitutionem; restat ergo ut à tempore ipsius compressionis vel tensionis relictus sit conatus (sive motus) aliquis per quem amoto impedimento unaquæque pars locum suum priorem capessit, id est, totum restituitur.

14. In *Vellione*, si *Vehens* impingat, vel quomodocunque subito sistatur, Vectum autem non impingat, Vectum procedet donec ab externo aliquo motus ejus extinguatur. Ostensum enim est cap. 8. articulo 19. Motum nisi ab externo aliquo resistente motus ejus impediatur, æternum & eadem moveri celeritate. Item Cap. 9. art. 7. sine Contactu actionem externi nullam esse. Impactus ergo Vehentis non tollit motum Vecti. Procedet ergo id quod Vehitur, donec & illius motus paulatim ab externo aliquo resistente extinguatur: quod erat probandum; etsi ad hujus rei probationem ipsa sufficisset experientia. Similiter si sit Vehens & Vectum, Vehens autem à quiete subito moveatur, Vectum non feretur unà, sed relinquetur. Nam pars Vecti quæ Vehenti contigua est, eundem quidem motum ferè habet cum Vehente; partes autem remotæ unaquæque pro diversis à Vehente distantis velocitates concipiunt diversas, nimirum remotiores gradus velocitatis minores. Necessè est ergo Vectum à Vehente plus vel minus relinqui; ut manifestum experientia fit, quando proficiens equus fessorem resupinat.

15. Itaque in Percussione, ubi corpus durum magna vi percutitur ab alio duro in parte aliquâ exigua, non est necesse ut ob eam rem, totum corpus eadem cedat celeritate qua cedit pars percussa. Nam cæteræ partes motum quem habent, à motu partis percussæ & cedentis habent, qui motus ad latera undequaque minus propagatur, quam antrorsum; unde fieri videmus aliquando ut corpora durissima, & erecta, vix tamen stantia,

violento ictu facilius perfringantur quam deiciantur; cum tamen si partes eorum quovis levissimo motu omnes simul protruderentur, deicerentur.

16. Differentia inter *Trusionem* & *Percussionem*, etsi in nulla alia re consistat, nisi quod in *Trusione* quidem motus moventis & moti simul in ipso contactu incipiant, in *Percussione* verò Percutiens antè moveatur quam *Percussum*, effectus tamen eorum adeo diversi inter se sunt, ut comparari inter se earum vires non videantur posse. Dato, inquam, Percussionis effectui aliquo, exempli causa ictu fistucæ dati ponderis, quo palus in terram datæ tenacitatis, datâ mensurâ infigatur, definire quanto Pondere, sine ictu, & quanto tempore idem palus in eandem terram tantundem infigitur, mihi quidem si non impossibile, tamen difficillimum esse videtur. Difficultatis autem causa est quod velocitas Percutientis, cum Ponderantis magnitudine comparanda esse videatur. Velocitas autem quæ ex longitudine spatiorum æstimatur pro unica dimensione habenda est; Ponderus autem quod dimensione totius corporis metimur, est instar solidi. Solidi autem & longitudinis, id est, lineæ, comparatio nulla est.

17. Si corporis cujuslibet partes internæ quiescant, vel situm inter se ad tempus quantulumcunque eundem conservent, nullus in illis partibus oriri potest neque motus neque conatus, cujus causa efficiens non sit extra corpus cujus illæ partes sunt. Siquidem enim in corpore aliquo, particulam aliquam intra totius superficiem comprehensam nunc quiescere, mox moveri supponeremus; necesse erit partem illam, à moto moveri, & à contiguo. Tale autem Motum & Contiguum intra totum corpus (per hypothesein) nullum est. Oritur ergo (si quis oritur) conatus, motus, vel situs mutatio, à causa aliqua efficiente extra corpus cujus illæ sunt partes internæ: quod erat probandum.

18. Itaque in corporibus duris quæ compressa vel extensa fuerint, si sublato Premente vel Tendente, in locum, situmve suum priorem se restituant, necesse est partium suarum internarum conatum (id est motum) quo loca & situs suos priores potuerint recuperare aliquem fuisse etiam antè quam Premens, Tendensve amoveretur. Itaque etiam balistæ lamina chalybea tensa (quæ permissa sibi se restituit) etsi Sensu judice, & ipsa & omnes partes ipsius quiescere videantur, tamen partes ejus, judice Ratione, quæ nec sublationem impedimenti inter causas efficientes numerat, neque quicquam à quiete ad motum sine causa efficiente transire concipit, antè motæ erant quam illæ se restituere inciperent.

19. Actio & Reactio per eandem fit lineam, sed à terminis oppositis. Cum enim Reactio nihil aliud sit quam Corporis Patientis sese in eundem situm unde à conatu agentis deturbatur restituendi conatus, conatus sive motus.

motus utriusque, nempe Agentis & Reagentis, propagatur inter eosdem Terminos (ita tamen ut quod in Actione est Terminus à quo, in Reactione sit Terminus ad quem) cumque ita se res habeat non modo inter Terminos oppositos totius lineæ per quam Actio propagatur, sed etiam per omnes ejus partes, Termini à quo & in quem tam Actionis quam Reactionis in eadem erunt linea. Fit ergo Actio & Reactio in eadem linea.

20. Cum his quæ dicta sunt de motu conjungemus etiam aliquid de *Habitu*. Est enim *Habitus* motus quædam generatio, non quidem Motus simpliciter, sed moti per certam & designatam viam conductio facilis. Quod cum fiat per conatuum qui motum divertunt debilitationem, debilitandi sunt paulatim tales conatus. Id quod fieri non potest sine actione diu manente, vel actionibus repetitis; & propterea ex consuetudine oritur facilitas, quam vulgò & rectè *Habitu* dicunt. Definiri autem hoc modo potest: *Habitus est motus, consuetudine (id est) perpetuo conatus, vel conatibus iteratis contra conatus resistentes, per certam viam diversam ab ea in qua à Principio ceptum est moveri, factus expeditior.* Quod ut exemplo aliquo magis perspicuum fiat, animadvertamus quod cum manum lyrae admoveat pulsandi imperitus, post primum ictum, non feretur manus ad locum, quem ille vult pulsandi secundum esse, nisi eam conatu novo revocet, & quasi denovo incipiens à primo transeat ad secundum: neque ab hoc conatu novo movebitur manus ad locum tertium; sed opus erit rursus manum retrahere, & sic deinceps, conatu ad omnem pulsum mutato, donec sæpius id faciendo, manus tandem, multis motibus sive conatibus interruptis, in unum conatum æquabilem compositis viam ab initio destinatam expeditè permeat. Neque in animalibus tantum, sed & in corporibus inanimatis animadverti *Habitus* possunt. Videmus enim balistæ laminam vi multa tensam, quæque sublato impedimento magna vi reditura esset, postquam longo tempore tensa manserit, habitum acquirere talem, ut permilla suo proprio ingenio non modo se non restituat, sed etiam ut non minori vi reducenda sit, quam qua antè tensa fuerat.

CAPUT XXIII.

De Centro Equilibræ eorum qua premunt secundum rectas parallelas.

1. Definitiones & Hypotheses. 2. Duo plana Equilibræ non sunt parallela. 3. Centrum equilibræ est in quolibet æquilibrii plano. 4. Ponderantium æqualium momenta sunt in ratione distantiarum à centro Libræ. 5, 6. Ponderantium

tantum inæqualium momenta sunt in ratione compositâ ex ratione ponderum & distantiarum à centro Libræ reciproca. 7. Si duo ponderantia habent momenta & distantias à centro Libræ in ratione reciproca, sit æquilibrium; & conversim. 8. Si ponderantis partes æqualiter ubique radium libræ premunt, habebunt partes singulæ abscissæ, sumptæ à centro libræ, momenta in eadem inter se ratione in qua sunt partes trianguli abscissæ à vertice per rectas basi parallelas. 9. Diameter æquilibrii figurarum deficientium secundum rationes altitudinum & basium commensurabiles, dividit axem ita ut pars ad verticem sit ad reliquam, ut figura completa ad deficientem. 10. Diameter æquilibrii complementi semissis cujuslibet dictarum figurarum deficientium, dividit eam quæ per verticem ducitur basi parallela, ita ut pars ad verticem sit ad reliquam, ut figura completa ad complementum. 11. Centrum æquilibrii semissis cujuslibet figurarum primi ordinis in Tabella Articuli 3. Capitis 17. invenitur per numeros ordinis secunds. 12. Centrum æquilibrii semissis cujuslibet figuræ secundi ordinis ejusdem tabellæ invenitur per numeros ordinis quartii. 13. Cognito centro æquilibrii semissis cujuslibet figuræ tabellæ ejusdem, cognoscitur & centrum excessus quo ea superat triangulum ejusdem basis & altitudinis. 14. Centrum æquilibrii sectoris solidi est in axe, ita diviso, ut pars à vertice sit ad totum axem, dempto dimidio axis portionis Sphæræ, ut 3. ad 4.



Definitiones.

1. **L**ibra est linea recta cujus medium punctum tenetur immobile, cætera omnia puncta libera sunt. Utraque autem pars libræ sumpta à centro ad appensum pondus vocatur *Radius*.
2. *Æquilibrium* dicitur quando conatus corporis prementis alterum Radius, conatui præmentis Radius alterum, ita resistit, ut neuter moveatur. Corpora autem quæ stant in æquilibrio æquilibrata appello.
3. *Pondus* est aggregatum omnium conatuum quibus singula puncta corporis quod radius premit, in rectis sibi invicem Parallelis, conantur; ipsum autem corpus premens ponderans nominatur.
4. *Momentum* est ponderantis pro certo situ, certa ad movendum Radius potentia.
5. *Planum Æquilibrii* est quo ponderans dividitur ita ut momenta utrinque sint æqualia.
6. *Diameter Æquilibrii* est duorum æquilibrii planorum sectio communis.
7. *Centrum Æquilibrii* est duarum æquilibrii Diametrorum commune punctum.

Hypotheses.

1. Si pondus ad alterutrum æquilibratorum accesserit, ad alterum vero non accesserit, tollitur æquilibrium.

2. Æqua-



174

r.

ε

n

z

t

n

h

r

a

f

f

f

f

r

c

i

i

i

i

1.

i

2.

3.


4.

5.

6.

7.

1.



2. *Æqualium magnitudine, & ejusdem speciei Ponderantium, æqualia sunt momenta, quando Radius premunt hinc & inde à distantis à centro libræ æqualibus. Item quæ conantur in distantis à centro libræ æqualibus, si æqualia sint magnitudine & ejusdem speciei, momenta habent æqualia.*

2. Duo plana æquilibrii non sunt parallela.

Sit enim (in figura 1.) ponderans quodcunque $ABCD$, & sit in eo planum æquilibrii EF , parallelum autem plano per EF , ducatur aliud planum quodcunque puta per GH . Dico GH non esse planum æquilibrii. Quoniam partes AED , ECF , ponderantis $ABCD$ æquilibratæ sunt, & ad partem AED accessit pondus $EGHF$, parti autem ECF nihil accessit, sed sublatum est pondus $EGHF$, non erunt (per Hypoth. 1.) partes AHD , $GBCH$ æquilibratæ. Non est ergo GH planum æquilibrii. Itaque duo plana æquilibrii, &c. Quod erat probandum.

3. In quolibet plano æquilibrii, est æquilibrii centrum: Nam si aliud sumatur planum æquilibrii, non erit illud priori (per Art. 2.) parallelum, itaque utrumque se secabit mutuo; illa sectio est (per Definit. 6.) diameter æquilibrii; rursus si sumatur alia quævis diameter æquilibrii illa priorem secabit, & est in illa sectione (per Definit. 7.) Centrum æquilibrii; est ergo centrum æquilibrii in diametro quæ jacet in plano æquilibrii proposito.

4. Ponderantis ad unum Radii punctum applicati momentum, ad momentum ejusdem vel æqualis ponderantis applicati ad aliud quodvis punctum Radii ejusdem, est ut distantia illius puncti à centro libræ, ad distantiam hujus puncti à centro eodem; sive ut arcus circulorum super centro libræ per puncta illa Radii eodem tempore descriptorum. Sive denique ut bases parallelæ duorum triangulorum quorum angulus ad centrum libræ est communis.

Sit enim (in figura 2.) Centrum libræ A , Radius AB , quem premant ponderantia D & E æqualia in punctis B & C ; rectæ autem BD , CE sint diametri æquilibrii, & centra æquilibrii ipsorum D & E sint puncta D & E : Ducatur utcunque AGF , secans DB productam in F , & EC in G ; denique communi centro A describantur duo arcus BH , CI , secantes AGF in H & I . Dico momentum ponderantis D esse ad momentum ponderantis E , ut AB ad AC , vel BH ad CI , vel BF ad CG . Est enim effectus ponderantis D , in puncto B , motus circularis per arcum BH , & ponderantis E , motus circularis per arcum CI ; qui motus propter æqualitatem ponderantium D & E sunt ut impetus sive velocitates punctorum B & C , per ipsos arcus BH , CI : hoc est, sicut arcus ipsi BH , CI :

CI : sive ut rectæ parallelæ BF, CG : sive Radii partes AB, AC. Nam AB, AC :: BF, CG :: BH, CI sunt proportionales ; sunt igitur effectus æqualium ponderantium, hoc est, (per Defin. 4.) momenta ipsorum applicatorum ad diversa Radii puncta, ut AB ad AC ; sive ut distantia illorum punctorum à centro libræ, sive ut bases parallelæ triangulorum habentium angulum ad A communem ; sive ut arcus concentrici BH, CI ; id quod erat demonstrandum.

5. Ponderantia inæqualia, diversis radii punctis applicata, momenta habent in ratione composita ex rationibus distantiarum à centro libræ, & ponderis ad pondus.

Sit enim (in figura 3.) libræ centrum A, radius AB cui applicata sint duo ponderantia C, D, in punctis B & E. Dico Rationem momenti ponderantis C, ad momentum ponderantis D, compositam esse ex rationibus AB ad AE, & ponderis C, ad pondus D, vel (si C & D sint Homogenea) magnitudinis C ad magnitudinem D.

Ponatur utrum libet C, majus altero D ; si ergo adjecto F, fiat utrumque F, & D simul, ut unum corpus, æquale ipsi C, erit (per præcedentem) momentum C, ad momentum F + D, ut BG ad EH. Fiat jam ut F + D, ad D, ita EH ad aliam EI ; & erit momentum F + D, hoc est, ipsius C, ad momentum D, ut BG ad EI. Sed ratio BG ad EI, componitur ex rationibus (BG ad EH, hoc est) AB ad AE, & (EH ad EI hoc est) ponderis C ad pondus D, quare ponderantia magnitudinè inæqualia, habent momenta, &c. Quod erat probandum.

6. Iisdem stantibus, si ducatur IK radio AB parallela, secans AG in K ; & KL rectæ BG parallela, secans AB in L, erunt distantia à centro AB, AL momentis ipsorum C & D proportionales. Nam momentum C est BG, & momentum D est EI, cui æqualis est KL ; sed ut AB distantia à centro ad AL distantiam à centro, ita est BG momentum ponderantis C, ad LK, sive EI momentum ponderantis D.

7. Si duorum ponderantium pondera, & distantia à centro sint in ratione reciproca, sitque centrum libræ inter puncta cui ipsa ponderantia applicantur ; fiet æquilibrium ; & contra, si æquilibrium fiat, erunt ponderum & distantiarum à centro libræ ratio reciproca.

Sit (in eadem figura tertia) centrum libræ A, radius AB & applicatum in B ponderans quodlibet C cujus momentum sit BG ; sit autem & aliud ponderans quodlibet D, cujus momentum sit EI : Ducatur per I recta IK parallela radio AB secans AG in K, & KL parallela BG ; erit itaque KL momentum ponderantis D. Eritque per præcedentem, ut BG momentum ponderantis C in puncto B, ad LK momentum ponderantis D in puncto E, ita AB ad AL. Sumatur ex altera parte centri

centri libræ, recta AN , rectæ AL æqualis, & puncto N sit applicatum ponderans O , quod sit ad ponderans C , ut AB ad AN . Dico ponderantia in B & N facere æquilibrium. Nam ratio momenti ponderantis O in puncto N , ad momentum ponderantis C in puncto B (per Art. 5.) componitur ex rationibus ponderis O ad pondus B , & distantiarum (à centro libræ) AN , sive AL , ad distantiam (à centro libræ) AB . Sed quoniam supponimus esse ut pondus O , ad pondus C , ita reciproce distantiam AB ad distantiam AN , erit ratio momenti ponderantis O in puncto N , ad momentum ponderantis C in puncto B composita ex rationibus AB ad AN , & AN ad AB . Positis itaque ordine AB , AN , AB , momentum O erit ad momentum C , ut primum ad ultimum, hoc est, ut AB ad AB ; sunt ergo eorum momenta æqualia, & propterea planum per A erit (per Defin. 5.) planum æquilibrii; fiet ergo æquilibrium: id quod erat probandum. Conversa autem manifesta est. Nam si sit æquilibrium, nec sit ratio ponderum & distantiarum reciproca, eadem pondera, etsi alterum eorum pondere augeatur, mutetve distantiam, eadem tamen servabunt momenta.

Coroll. Quando ponderantia sunt homogenea, ponderantium quæ habent momenta æqualia, magnitudines & distantiarum à centro libræ sunt reciproce proportionales. Nam in homogeneis est, ut pondus ad pondus, ita magnitudo ad magnitudinem.

8. Si Radio secundum longitudinem suam applicetur parallelogrammum vel parallelipedum vel prisma, vel cylindrus, vel superficies cylindri, sphaeræ, vel portionis sphaeræ, vel prismatis; Partes ejus abscissæ planis basi parallelis habebunt momenta in ea ratione in qua sunt partes trianguli (cujus vertex est centrum libræ, & unum latus ipse radius) abscissæ planis basi parallelis.

Sit (in fig. 4.) parallelogrammum primò rectangulum $ABCD$, applicatum radio AB secundum totam longitudinem ipsius AB , & producta CB utcumque in E , fiat triangulum ABE . Abscindatur jam parallelogrammi pars quælibet AF plano per FG parallelam basi CB , producaturque FG ad AE in puncto H . Dico momentum totius $ABCD$ esse ad momentum partis AF , ut triangulum ABE ad triangulum AH , hoc est, in duplicata ratione distantiarum à centro libræ.

Diviso parallelogrammo $ABCD$ in partes æquales numero infinitas per rectas basi parallelas, positoque quod momentum rectæ CB sit BE , momentum rectæ FG (per art. 7.) erit GH ; & momenta singularum rectarum parallelogrammi erunt totidem rectæ ductæ in triangulo ABE , parallelæ basi BE ; quæ parallelæ simul omnes sunt momentum totius parallelogrammi $ABCD$; eademque simul omnes constituunt superficiem trian-

trianguli ABE . Momentum ergo parallelogrammi $ABCD$ est triangulum ABE ; & ob eandem rationem momentum parallelogrammi AF est triangulum AGH . Est ergo momentum parallelogrammi totius ad momentum parallelogrammi partis, ut triangulum ABE ad triangulum AGH , sive in duplicata ratione radiorum quibus applicantur. Quod autem de parallelogrammo ostensum est, idem intelligi debet de cylindro, prismate, & eorum superficiebus. Item de superficiebus sphaerae, vel Hemisphaerii, vel portiones sphaerae; (sunt enim partes superficiei sphaerae in eadem ratione in qua sunt partes Axis abscissae iisdem parallelis quibus abscinduntur ipsae partes superficiei, ut demonstratum est ab Archimede) ideoque aequalium partium, & aequaliter à centro librae distantium, ubique in his omnibus figuris aequalia sunt momenta, eodem modo quo in parallelogrammis.

Secundo, sit parallelogrammum $AKIB$ non rectangulum; premetur punctum B à rectâ IB perpendiculariter, id est, secundum rectam BE ; & G à rectâ LG secundum rectam GH , & sic de cæteris rectis quæ sunt rectæ IB parallelæ. Itaque quodcunque momentum tribuamus rectæ IB , exempli causa, ponamus BE ; si ducatur AE , momentum totius parallelogrammi AI , erit triangulum ABE ; & momentum partis AL , erit triangulum AGH . Itaque momentum ponderantis, habentis latera in radio æqualiter applicata (sive perpendiculariter sive oblique applicentur,) semper erit ad momentum partis in eadem ratione, quæ est totius trianguli ad partem trianguli plano basi parallelo abscissam.

9. Centrum æquilibrii cujuslibet figuræ deficientis secundum rationes, diminutæ altitudinis & diminutæ basis, commensurabiles, cujus completa est parallelogrammum, vel cylindrus, vel parallelepipedum, axem figuræ ita dividit, ut pars ad verticem, sit ad partem reliquam, ut figura completa ad ipsam deficientem.

Sit enim (in figura 5.) figura deficiens $CIAPE$, cujus axis est AB , figura completa $CDFE$; dividatur autem axis AB in Z , ita ut AZ sit ad ZB , ut $CDFE$, ad $CIAPE$. Dico centrum æquilibrii figuræ $CIAPE$, esse in puncto Z . Primò, centrum æquilibrii figuræ $CIAPE$, est alicubi in Axe AB , id quod manifestum est per se, & proinde AB est æquilibrii diameter. Ducatur AE ponaturque BE pro momento rectæ CE ; erit igitur (per Artic. 3.) triangulum ABE momentum figuræ completæ $CDFE$. Dividatur Axis AB bifariam in L , ducaturque GL H parallela, & æqualis rectæ CE , secans curvam $CIAPE$ in I , & P ; & rectas AC , AE , in K & M . Præterea ducatur

ZO

ZO eidem CE parallela, & fiat, ut LG ad LI, ita LM ad aliam LN. Similiterque fiat in omnibus rectis quæ basi CE parallelæ duci possunt; & per puncta omnia N ducatur linea ANE, eritque trilineum ANEB momentum figuræ CIAPE. Est autem triangulum ABE ad trilineum ANEB (per Cap. 17. Art. 9.) ut $AB \cdot CD + AICB$, ad $AICB$ bis sumptum, hoc est, ut $CDFE + CIAPE$ ad $CIAPE$ bis sumptum. Est autem ut $CIAPE$, ad $CDFE$, hoc est, ut pondus deficientis ad pondus completæ, ita $CIAPE$ bis, ad $CDFE$ bis. Itaque positis ordine $CDFE + CIAPE$. $CIAPE$ bis, $CDFE$ bis, ratio $CDFE + CIAPE$ ad $CDFE$ bis componitur ex ratione $CDFE + CIAPE$ ad $CIAPE$ bis, id est, ex ratione trianguli ABE ad trilineum ANEB, hoc est ex momento completæ ad momentum deficientis, & ex ratione $CIAPE$ bis ad $CDFE$ bis, hoc est, ex ratione reciproce sumptâ ponderis figuræ deficientis, ad pondus figuræ completæ.

Rursus quoniam ponuntur AZ, ZB::CDFE, CIAPE proportionalia, erunt componendo AB, AZ::CDFE+CIAPE, CDFE proportionalia.

Et quoniam AL est semissis AB, erunt AL, AZ::CDFE+CIAPE, 2CDFE proportionalia. Sed ratio $CDFE + CIAPE$ ad 2CDFE componitur, ut jam ostensum est, ex ratione momenti ad momentum, &c. Est ergo ratio AL ad AZ, composita ex ratione momenti figuræ completæ CDFE ad momentum figuræ deficientis CIAPE, & ex ratione ponderis figuræ deficientis CIAPE ad pondus figuræ completæ CDFE. Sed ratio AL ad AZ componitur ex rationibus AL ad BZ, & BZ ad AZ. Iam ratio BZ ad AZ est ratio ponderum reciproca, id est ponderis CIAPE ad pondus CDFE. Itaque ratio reliqua AL ad BZ, id est LD ad BZ est ratio momenti ponderis CDFE ad momentum ponderis CIAPE. Sed ratio AL ad BZ componitur ex rationibus AL ad AZ, & AZ ad BZ; quarum rationum ea quæ est AZ ad BZ, est ratio ponderis CDFE ad pondus CIAPE. Quare (per Articulum 5) reliqua ratio AL ad AZ est ratio distantiarum Z & L à centro libræ, quod est A. Quare (per Art. 6) pondus CIAPE æqui libratum erit super rectam OZ. Est ergo OZ altera diameter æquilibrii ponderis CIAPE. Sed altera ejusdem ponderis diameter æquilibrii est recta AB. Quare (per Def. 7) punctum Z est centrum gravitatis ponderis CIAPE. Quod punctum (per constructionem) dividit axem ita ut pars AZ quæ est ad Verticem sit ad partem reliquam BZ, ut figura completa CDFE ad figuram deficientem CIAPE. Quod erat demonstrandum.

A a a a 2

Coroll.

Coroll. 1. Cujuslibet trilinei plani eorum, quæ comparantur cum completis suis, in tabella articuli 3, capitis 17, centrum æquilibrii per ipsam eandem tabulam habetur, sumendo fractionis denominatorem pro parte axis ad verticem, numeratorem verò pro parte ad basim. Exempli causa, quærens centrum æquilibrii trilinei ex mediis quatuor secundi; invenio in concursu columnæ secundæ cum ordine trilineorum ex mediis quatuor, fractionem $\frac{1}{2}$ quæ significat figuram illam esse ad parallelogrammum suum seu figuram completam, ut $\frac{1}{2}$ ad unitatem, hoc est, ut $\frac{1}{2}$ ad 2, sive ut 5 ad 7: quare centrum æquilibrii ejus axem ita dividet, ut pars ad verticem ad reliquam sit, ut 7 ad 5.

Coroll. 2. Cujuslibet conoideis solidi, eorum quæ continentur in tabella articuli octavi ejusdem capitis decimi septimi, similiter in eadem tabella centrum æquilibrii exhibetur. Exempli gratia, si quæro centrum æquilibrii cono, invenio conum esse $\frac{1}{2}$ cylindri, ideoque centrum æquilibrii ejus ita dividere axem, ut pars ad verticem sit 3, pars ad basim 1. Item conoideum trilinei ex medio unico, id est, conoideum parabolicam, quia est cylindri $\frac{2}{3}$, id est, $\frac{1}{3}$, habebit centrum æquilibrii in eo puncto quod axem ita dividit, ut pars ad verticem dupla sit partis ad basim.

10. Diameter æquilibrii complementi, semissis figuræ cujuslibet earum quæ habentur in tabella articuli tertii capitis decimi septimi, dividit eam quæ per verticem figuræ ducitur basi parallela & æqualis, ita ut pars ad verticem sit ad reliquam, ut figura completa ad complementum.

Sit enim (in fig. eadem 5.) A I C B semissis sive parabolæ, sive alterius trilinei cujusunque, tabellæ articuli tertii capitis decimi septimi, habentis axem A B, basim B C, cui per verticem æqualis & parallela sit A D; & figura completa, parallelogrammum A B C D. Ducatur I Q utcumque sed lateri C D parallela; complementique A I C D, altitudo intelligatur esse A D, & ordinatim applicata Q I. Itaque altitudo A L, in figura deficiente A I C B æqualis est Q I ordinatim applicata in complemento ejus; & contra L I, ordinatim applicata in figura A I C B, æqualis est altitudini A Q in complemento ejus; & sic per omnes cæteras ordinatim applicatas & altitudines fit mutatio talis, ut quæ in figura est ordinatim applicata, eadem in complemento sit altitudo. Itaque ratio altitudinum decrescientium ad rationem ordinarum decrescientium, quæ multiplex est secundum quemvis numerum in figura deficiente, est in complemento secundum eundem numerum submultiplex. Exempli causa, si A I C B sit parabola, quia ratio A B ad A L est dupla rationis B C ad L I, erit in complemento

mento AICD, ratio AD ad AQ (quæ eadem est cum ratione BC ad LI) subdupla rationis CD ad QI (quæ eadem est cum ratione AB ad AL) & proinde complementum est ad parallelogrammum in parabola, ut 1 ad 3; in trilineo ex mediis duabus, ut 1 ad 4, in trilineo ex mediis tribus 1 ad 5, &c. Sunt autem omnes simul applicatæ in AICD momentum ejus, & omnes applicatæ in AICB momentum ipsius AICB: quare momenta complementorum semissium figurarum deficientium in tabella, artic. 3, cap. 17 comparatarum, sunt ut ipsæ figuræ deficientes; & propterea recta AD dividitur à diametro æquilibrii in ea ratione, ut pars ad verticem, sit ad reliquam, ut figura completa ABCD ad complementum AICD.

Coroll. Diameter æquilibrii harum semissium reperitur in tabella art. 3, cap. 17, hoc modo: sit proposita figura deficiens trilineum ex duabus mediis secundum, ea figura est ad completam, ut $\frac{1}{2}$ ad 1, hoc est ut 3 ad 5. Quare complementum ejus est ad eandem completam ut 2 ad 5. Itaque illius complementi diameter æquilibrii secabit rectam per verticem basi parallelam, ita ut pars ad verticem sit ad reliquam, ut 5 ad 2. Simili modo si sumatur quælibet alia dictarum figurarum, si à denominatore fractionis ejus in tabella inventæ auferatur numerator, dividetur recta per verticem ita ut pars ad verticem sit ad reliquam, ut denominator ad residuum quod ea subtractione relinquitur.

II. Centrum æquilibrii semissis figuræ curvilinæ cujuslibet earum quæ sunt in primo ordine tabellæ articuli tertii, capitis decimi septimi, est in recta axi parallela quæ basin dividit secundum numeros fractionis in secundo ordine proximè inferiore, ita ut numerator respondeat parti quæ est ad axem.

Sumatur (in figura 6.) exempli causa, ex mediis tribus primum, cujus semissis sit ABCD, & compleatur rectangulum ABED; quare complementum erit BCDE, & quoniam (per tabellam) ABED est ad figuram ABCD, ut 5 ad 4, erit eadem ABED ad complementum BCDE, ut 5 ad 1. Quare si ducatur FG basi DA parallela, secans axem ita ut AG, sit ad GB, ut 4 ad 5; erit centrum æquilibrii figuræ ABCD (per præcedentem) in ipsa FG alicubi. Rursus (per præcedentem) quoniam figura completa ABED est ad complementum BCDE ut 5, ad 1, divisio BE, AD in H & I, in ratione 5 ad 1, erit centrum æquilibrii complementi BCDE alicubi in ducta HI. Ducatur jam per centrum figuræ completæ M, recta LK basi parallela, & altera ipsi per idem centrum M perpendicularis NO; rectæ autem LK, FG secant rectam HI in P & Q. Sumatur PR quadrupla rectæ PQ; ductæque RM producatæ donec occurrat rectæ FG in S. Est ergo RM ad

MS, ut 4 ad 1; id est, ut figura ABCD ad complementum suum BCDE. Totius autem ABED centrum est M. Jam quia distantiae R & S à centro M sunt in reciproca ratione ponderis complementi BCDE ad pondus figuræ ABCD, erunt R & S ipsa centra æquilibrîi figurarum suarum, vel erunt centra illa in aliis punctis diametrorum æquilibrîi HI, FG. Sed posterius est impossibile. Nam per punctum M alia recta terminata in rectis HI, FG duci non potest in ratione MR ad MS, hoc est, in ratione figuræ ABCD ad suum complementum BCDE. Centrum ergo æquilibrîi figuræ ABCD est in puncto S. Quoniam autem est, ut RP ad RQ, ita PM ad QS, erit QS partium 5, quarum PM est 4, id est, quarum IN est 4. Quarum autem partium EB, live FG est 6, earum IN, live PM est 2. Si igitur fiat ut 4 ad 5, ita 2 ad quartam, erit illa quarta $2\frac{1}{2}$. Itaque quarum partium FG est 6 earum QS est $2\frac{1}{2}$. Sed FQ est una, ergo FS est $3\frac{1}{2}$. Reliqua igitur GS est partium $2\frac{1}{2}$. Dividitur ergo FG in S, ita ut pars ad axem sit ad partem reliquam, ut $2\frac{1}{2}$ ad $3\frac{1}{2}$, id est, ut 5 ad 7, id quod respondet numero $\frac{5}{7}$ in ordine secundo, proximè inferiore quàm est primi ordinis numerus $\frac{7}{5}$; ductâque ST axi parallelâ, similiter dividitur basis.

Eadem methodo invenitur, basin semi-parabolæ dividi in 3 & 5. Et trilinei ex binis mediis primi in 4 & 6, & trilinei ex quatuor mediis primi, in 6 & 8. Itaque fractiones ordinis secundi notant rationes in quas bases figurarum ordinis primi à diametris æquilibrîi dividuntur, sed ordo primus incipit uno loco altius, quàm secundus.

12. Centrum æquilibrîi semissis cujuscunque figuræ earum quæ sunt in secundo ordine, ejusdem tabellæ artic. 3. cap. 17. est recta axi parallelâ, quæ basin dividit secundum numeros fractionis qui est in quarto ordine, inferior duobus locis, ita ut numerator respondeat parti ad axem.

Sumatur (in fig. 7.) semissis trilinei ex duobus mediis secundi; sit ea ABCD, complementum ejus BCDE, rectangulum completum ABED: quod dividatur per centrum M à duabus rectis ad se invicem orthogonaliter ductis LK, NO, & quoniam ABED est ad ABCD, ut 5 ad 3, dividatur AB in G, ut AG sit ad BG ut 3 ad 5, & ducatur parallela basi FG. Item quoniam ABED est (per Art. 9.) ad BCDE ut 5 ad 2, dividatur BE in puncto I, ita ut BI sit ad IE ut 5 ad 2; ducaturque IH parallela axi secans LK, FG in P & Q. Sumatur jam PR quæ sit ad PQ ut 3 ad 2, ductaque RM producatur ad FG in S. Quoniam ergo ut RP ad RQ hoc est RM ad MS, ita est ABCD ad complementum ejus BCDE, & centra æquilibrîi

librii ABCD, BCDE sunt in rectis FG & HI; & centrum æquilibrii utriusque simul in M, erit R centrum complementi BCDE, & S centrum æquilibrii figuræ ABCD, Et quoniam est ut RP, ad RQ, *im* PM, id est, IN, ad QS; qualium autem partium BE, id est, FG, est 14, talium IN vel PM est 3, earundem partium QS est 5, & EI, id est, FQ 4, & FS 9, & GS 5. Dividit ergo recta ST parallela axi, basin AD in 5 & 9. Fractio autem $\frac{5}{14}$ invenitur in tabellæ ordine quarto duobus locis inferior quam est Fractio $\frac{5}{14}$ in ordine secundo.

Juxta eandem methodum si sumatur in eodem ordine secundo, trilineum ex mediis tribus secundum, centrum æquilibrii semiffis ejus erit in recta axi parallela, quæ dividit basin juxta numeros fractionis $\frac{1}{2}$ in quarto ordine duobus locis inferioris; & sic de cæteris trilineis ordine secundi. Simili methodo trilinei ex tribus mediis tertii invenietur centrum æquilibrii esse in rectæ axi parallela, quæ secat basin ita ut pars ad axem sit ad reliquam ut 7 ad 13, &c.

Corollarium. Centra æquilibrii semiffis dictarum figurarum cognita sunt, cum sint in interfectione rectarum ST, & FG cognitarum.

13. Cognito centro æquilibrii semiffis figuræ cujuslibet earum quæ in tabella articuli tertii cap. 17. comparantur cum parallelogrammo suo, cognoscitur quoque centrum æquilibrii excessus, ejusdem supra triangulum suum.

Sumatur (exempli causa, in figura 8.) semi-parabola ABCD, cujus axis AB, completa ABED, excessus supra triangulum suum BCD B. Ejus centrum sic invenietur. Ducatur FG parallela basi, ita ut AF sit tertia pars axis; & HI parallela axi, ita ut AH sit tertia pars basis. Erit ergo I centrum æquilibrii trianguli ABD. Rursus ducatur KL parallela basi ita ut AK sit ad AB ut 2. ad 5, & MN parallela axi, ita ut AM sit ad AD ut 3. ad 8. Terminetur autem MN in recta KL. Erit ergo N centrum æquilibrii parabolæ ABCD. Habemus ergo centra æquilibrii semiparabolæ ABCD, & partis ejus, nempe trianguli ABD. Ut inveniamus centrum æquilibrii partis reliquæ BCD B, ducatur IN & producatur ad O; in producta autem sumatur NO tripla ipsius IN, eritque O centrum quaesitum.

Quoniam enim est ut pondus ABD, ad pondus BCD B, ita reciproce recta NO, ad rectam IN, & est N centrum totius, & I centrum trianguli ABD, erit O centrum reliquæ partis, nempe figuræ BDCB, quod erat inveniendum.

Coroll. Centrum æquilibrii figuræ BDCB, est in concursu duarum rectarum, quarum altera est basi parallela, dividens axem, ita ut pars ad basin

basin sit totius Axis $\frac{1}{2}$ five $\frac{1}{17}$, altera est axi parallela ita dividens basin ut pars ad axem sit totius semissis, five $\frac{1}{14}$. Nam ducta O P parallela basi, erit ut I N ad N O, ita F K ad K P, id est, ita 1. ad 3. five 5. ad 15. Sed A F est totius A B $\frac{1}{17}$ five $\frac{1}{17}$ & A K $\frac{1}{17}$ five $\frac{1}{17}$ & F K $\frac{1}{17}$, & K P $\frac{1}{17}$ & proinde A P $\frac{1}{17}$. Deinde A H est totius basis $\frac{1}{2}$ five $\frac{1}{14}$, A M $\frac{1}{2}$ five $\frac{1}{14}$; ducta ergo O Q axi parallela, erit M Q (quæ tripla est H M) $\frac{1}{14}$. Quare A Q est $\frac{1}{14}$; five semissis basis A D.

Excessus cæterorum trilineorum ordinis primi tabellæ artic. 3. cap. 17. habent centra æquilibrii in duabus rectis, quæ dividunt axem & basin secundum fractiones, quæ fractionum in parabola $\frac{1}{17}$ & $\frac{1}{14}$ numeratoribus addunt 4; denominatoribus autem 6, hoc modo:

In parabola,	Axis $\frac{1}{17}$ basis $\frac{1}{14}$.
In trilineo primo,	Axis $\frac{1}{17}$ basis $\frac{1}{14}$.
In trilineo secundo,	Axis $\frac{1}{17}$ basis $\frac{1}{14}$, &c.

Eadem methodo cæterarum figurarum ordinis secundi, tertii, &c. centra æquilibrii excessuum supra triangula sua quilibet (si tanti sit) invenire potest.

14. Centrum æquilibrii sectoris Sphæræ (id est figuræ compositæ ex cono recto cujus vertex est Sphæræ centrum, & ex portione Sphæræ communem habente cum cono basin) ita dividit rectam quæ sit ex axe coni, & semisse axis portionis simul sumptis, ut pars ad verticem reliquæ sit tripla; five ad totam illam rectam, ut 3. ad 4.

Sit enim (in figura 9.) sector Sphæræ A B C, cujus vertex (centrum Sphæræ) sit A, axis A D; coni & portionis basis communis circulus super diametrum B C; axis portionis E D; semissis ejus F D; axis coni A E. Sit denique A G tres quartæ rectæ A F. Dico G esse sectoris A B C centrum æquilibrii.

Ducatur recta F H quantævis longitudinis, faciens cum A F angulum rectum in F, ductaque recta A H, fiat A F H triangulum. Ducatur deinde eodem centro A arcus quicumque I K, secans A D in L, & chorda ejus secans A D in M, divisâque M L bifariam in N, ducatur N O parallela rectæ F H, & occurrens rectæ A H in O. Quoniam jam B D C est superficies sphærica portionis sphæræ abscissæ plano recto ad axem ducto per B C, dividatque F H axem portionis E D bifariam in F, erit centrum æquilibrii superficiæ B D C (per artic. 8.) in F; & propter eandem rationem centrum æquilibrii superficiæ I L K erit in N; & eodem modo si inter A, centrum sphæræ, & B D C extimam sectoris superficiem, ducerentur arcus

arcus numero infiniti, superficierum sphaëricarum in quibus illi arcus in-
sunt, centra æquilibrium inveniuntur in axis parte intercepta inter ipsam
superficiem & planam per chordam arcus axi perpendicularem, ad pun-
ctum medium.

Ponatur jam quod momentum sphaëricæ superficiei extrinæ BDC sit
FH. Quoniam ergo superficies BDC, est ad superficiem ILK in
duplicata ratione arcus BDC ad arcum ILK, id est, in duplicata
ratione BE ad IM, hoc est in duplicata ratione FH ad NO, fiat ut
FH ad NO, ita NO ad aliam NP. Et rursus ut NO ad NP, ita
NP ad aliam NQ. Similiterque fiat in omnibus parallelis basi FH,
inter ipsam basin & A verticem trianguli AFH possibilibus. Et per
omnia puncta Q ducatur curva AQH; erit ergo figura AFHQA
complementum trilinei ex mediis duabus primi, eademque momentum
omnium superficierum sphaëricarum, ex quibus sector solidus ABCD
componitur; & proinde momentum ipsius sectoris. Intelligatur jam
FH esse semidiametrum basis conii recti, cujus latus est AH, axis AF.
Quoniam ergo bases conorum per F & N, & cætera axis puncta, in
ratione duplicata sunt rectarum FH, NO, &c. momentum basium om-
nium simul, id est, totius conii, erit eadem figura AFHQA. Itaque
centrum æquilibrium conii idem est quod sectoris solidi. Quoniam ergo
AG est, tres quartæ axis AF, centrum æquilibrium conii AFH est in
G, quare centrum etiam sectoris solidi est in G, & dividit axis partem
AF, ita ut AG sit tripla GF; id est, ut ita sit AG ad AF, ut 3. ad
4. Quod erat probandum.

Notandum, quod quando sector est Hemisphaërium, Axis conii eva-
nescit in ipsum punctum quod est Sphaëre centrum; & proinde semissi axis
portionis nihil addit. Quare sumptis à centro, in axe Hæmisphaërii, tri-
bus quartis semissis Axis, id est, $\frac{3}{4}$ semidiametri Sphaëre, ibi erit centrum
æquilibrium Hemisphaërii.

C A P U T XXIV.

De Refractione & Reflexione.

1. Definitiones. 2. In Mœni perpendiculari nulla sit Refractio. 3. Projecta
è medio raro in densum ita refringuntur ut angulus refractus, angulo inclina-
tionis sit major. 4. Conatus ab uno puncto quaqua versus refringuntur ita ut si-
nus anguli refracti sit ad sinum anguli Inclinationis, ut densitas medii primi
ad densitatem medii secundi reciproce sumptam. 5. Sinus anguli refracti
in una inclinatione est ad sinum anguli refracti in alia inclinatione, ut
Elem. Philos.

B b b b

sinus anguli inclinationis illius, ad sinum anguli inclinationis huius. 6. Si due incidentes equaliter inclinae sint, altera in medio raro, altera in denso, erit sinus anguli inclinationis media proportionalis inter duos sinus angulorum refractorum. 7. Si angulus inclinationis sit semirectus, & recta inclinata in medio denfior, & sit ratio densitatum ut diagonum quadrati ad latus, & superficies separatrix plana, linea refracta erit in ipsa superficie separatrice. 8. Si corpus in aliud corpus feratur per lineam rectam, nec ipsum peneiret sed reflectatur, erit angulus reflexionis angulo incidentiae equalis. 9. Idem contingit in motus per incidentem generatione.

Definitiones.

1. **R**efractio est linea secundum quam procederet corpus motum vel actio ejus in uno & eodem medio, in duas lineas rectas, propter duorum mediorum naturam diversam, Fractio.

2. Harum prior *Incidentis*; posterior *Refracta* dicitur.

3. *Punctum Refractionis*, Punctum commune est Incidentis & Refractae.

4. *Superficies Refringens*, quae & mediorum *Separatrix*, ea est in qua est Punctum Refractionis.

5. *Angulus Refractus* is est quem facit Refracta in Puncto Refractionis cum ea quae ab eodem puncto dicitur superficiei separatri perpendiculis in medio diverso.

6. *Angulus Refractionis* est quem facit Refracta cum Incidente producta.

7. *Angulus Inclinationis* est quem facit incidens cum ea quae à puncto Refractionis educitur superficiei separatri perpendiculis.

8. *Angulus Incidentiae* est, Anguli Inclinationis ad Rectum, Complementum.

Itaque (in figura prima) Refractio fit per ABF. Refracta est BF. Incidentis AB. Punctum Incidentiae, idemque Refractionis est B. Superficies Refringens, sive separatrix DBE. Incidens in directum producta ABC. Superficies separatri perpendiculis BH. Angulus Refractionis CBF. Angulus Refractus HBF. Angulus Inclinationis ABG, vel HBC. Angulus Incidentiae ABD.






9. Praeterea, Medium Rarius intelligitur esse illud in quo Motui, vel Motus generationi minor fit resistentia. Densus in quo major.

10. Medium autem in quo resistentia ubique aequalis est, Medium Homogeneum. Caetera Media Heterogenea sunt.

2. Si mobile transeat, vel motus generatio fiat ab uno medio in aliud Densitatis diversae, in linea quae fit ad superficiem separatricem perpendiculis, nulla fiet Refractio.

Cum

AD CAP. XXXIII





Cum enim ex omni parte perpendicularis omnia æqualia & similia supponantur, quæ sunt in ipsis mediis; si ponatur etiam motus ipse Perpendicularis, erunt quoque æquales Inclinationes, vel potius nullæ. Nulla itaque causa esse potest ex qua inferatur Refractio ex parte una perpendicularis, quæ non æquè Refractionem eandem convinceret ex parte altera. Quo posito, Refractio ex una parte Refractionem ex altera parte tolleret; unde linea refracta vel ubique esset, quod est absurdum; vel nulla, quod est Propositum ostendere.

Coroll. Manifestum hinc est causam Refractionis in sola esse obliquitate Incidentis, sive corpus Incidens per medium utrumque penetrat, sive non penetrans sed premens tantum, motum propaget.

3. Si Corpus motum (servato partium suarum internarum situ) ut lapis, è medio raro obliquè in medium densum penetrans processerit; sitque medium densius tale, ut partes ejus internæ motæ se restituant, Angulus Refractus angulo Inclinationis major erit. Sit enim (in eadem Fig. 1.) duorum mediorum superficies separatrix D B E. Et per rectam A B C intelligatur moveri Corpus aliquod quale supponitur, puta lapidem projectum. Sit autem A B in medio rariore, ut aëre; B C in densiore, ut aqua. Dico lapidem per A B projectum non esse processurum per B C, sed per aliam, quæ cum ducta perpendiculari B H facit angulum Refractionis H B F, angulo inclinationis H B C, majorem.

Cum enim veniens lapis ab A, & impingens in B, faciat id quod est in B procedere versus H, & similiter fiat per omnes rectas ipsi B H parallelas; Cumque restituant se partes motæ per eandem lineam via contraria, orietur motus contrarius per H B, & rectas omnes ipsi H B parallelas. Erit ergo motus lapidis factus ex concursu motuum per A G, id est, per D B, & per G B, hoc est, per B H, & denique per H B; id est, ex concursu motuum trium. Sed per concursum per A G, B H conducitur lapis ad C; addito ergo motu per H B, feretur altius alicubi, ut per B F facientem angulum H B F, angulo H B C majorem.

Hinc ergo petenda videtur esse causa quare corpora in magna obliquitate projecta, si vel latiuscula sint vel vi projecta valde magna, incidentia in aquam, ab aqua in aërem rursus rejiciuntur.

Nam si (in Fig. 2.) aquæ superficies sit A B, in quam à puncto C per rectam C A sit projectus lapis, faciens cum B A producta angulum satis minutum C A D; ductaque sit C D perpendicularis ad B A productam ubicunque in D, ipsique C D parallela A E. Movebitur ergo lapis per C A à concursu duorum motuum per D A, C D quorum erunt velocitates ut ipsæ rectæ D A, C D. A motu autem per C D & omnes ejus parallelas post impactum in A, existet reactio sursum, propterea quod aqua se

restituit. Iam si obliquitas jactu s satis magna sit, id est, si recta CD satis parva sit, id est, si conatus quo tendit lapis deorsum minor sit quam quo aqua reagit, id est, quam quem à propria habet gravitate (nam fieri id potest) lapis resurget (propter excessum conatus aquæ se restituentis supra conatum lapidis deorsum) ultra superficiem AB , & feretur altius reflexa, per lineam aliam superiorem, qualis est AG .

4. Si in medio quolibet supponatur ab uno aliquo puncto conatum in omnes simul partes quaque versum propagari; oppositumque obliquè ei conatui sit medium naturæ diversæ, id est, Rarius vel Densius; ita refringetur conatus ille, ut sinus anguli Refracti sit ad sinum anguli Inclinationis, ut Densitas primi medii ad Densitatem secundi reciprocè sumptam.

In Fig. 3. sit primò Corpus aliquod in A medii rarioris; intelligaturque conari quaque versum, habeatque proinde conatum per AB , & Ab quibus obliquè opponatur medii densioris superficies Bb in B & b , ita ut AB , Ab sint æquales; extendaturque utrinque recta Bb . Per puncta autem B , b ducantur perpendiculares BC , & bc ; Centrisque B , b radiis BA , bA æqualibus describantur circuli AC , Ac secantes BC , bc in C & c , & easdem productas in D & d ; & productas AB , Ab in E & e . Deinde à puncto A ad rectas BC , bc ducantur perpendiculares AF , Af . Est ergo AF sinus anguli inclinationis rectæ AB , & Af sinus anguli inclinationis rectæ Ab , quæ duæ inclinationes factæ sunt per constructionem æquales. Dico, ut Densitas medii in quo est BC & bo ad Densitatem medii in quo est BD & bd , ita esse sinum anguli Refracti ad sinum anguli Inclinationis.

Ducatur recta FG parallela rectæ AB occurrens rectæ bB productæ in G . Quoniam ergo parallela quoque sunt AF , BG erunt BG , AF æquales, & proinde quo tempore propagatur conatus per AF , eodem tempore propagaretur conatus per BG , si medium esset ejusdem densitatis. Sed quia medium per BG densius est, id est, resistit conatui magis quam medium in quo est AF , propagabitur conatus in BG minus quam in AF , in ratione Densitatis medii ubi AF ad densitatem medii ubi est BG : sit ergo ut BG ad BH ita densitas medii in quo est BG ad densitatem medii in quo est AF . Sitque temporis mensura radius circuli. Ducatur HI parallela BD , occurrens circumferentiæ in I ; & à puncto I demittatur ad BD perpendicularis IK ; eruntque BH , IK æquales, & erit IK ad AF ut Densitas medii in quo AF , ad Densitatem medii in quo est IK . Cum ergo tempore AB , qui est radius circuli, conatus propagatur in medio rariore, per AF , eodem tempore, id est, tempore BI , propagabitur in medio denfiori à K ad I . Erit igitur BI rectæ AB ; refracta est autem

autem IK sinus anguli refracti, & AF sinus anguli inclinationis. Quoniam ergo IK est ad AF , ut densitas medii in quo est AF , ad densitatem medii in quo est IK , erit ut Densitas medii in quo est AF , (vel BC) ad Densitatem medii in quo est IK , vel BD , ita sinus anguli refracti ad sinum anguli Inclinationis. Eadem ratione ostendi potest esse, ut densitas medii rarioris ad densitatem medii densioris, ita esse KI sinum anguli refracti ad AF sinum anguli inclinationis.

Secundò, sit Corpus quod quaque versum conetur in medio densiore, ad I . Siquidem ergo medium utrumque idem esset, conatus ejus per IB tenderet rectà ad L , essetque sinus anguli inclinationis LM , æqualis IK , sive BH . Sed quoniam densitas medii in quo est IK , est ad densitatem medii in quo est LM , ut BH ad BG , id est ad AF , propagabitur conatus magis in medio ubi est LM , quam in medio ubi est IK , in ratione densitatis ad densitatem, id est, in ratione ML ad AF . Ductà ergo BA , erit angulus refractus CBA ; & sinus ejus AF ; est autem LM sinus anguli Inclinationis. Est ergo rursus ut densitas medii ad Densitatem medii diversi, ita reciproce sinus anguli Refracti ad sinum anguli Inclinationis. Quod erat demonstrandum.

In hac quidem demonstratione, *superficiem separatricem* Bb planam construximus: quanquam autem concava aut convexa esset, Theorema verum erit. Nam cum Refractio fiat in puncto B superficiem planæ separatricis; si ducatur linea curva ut PQ quæ à separatrice in puncto B tangatur, non mutabitur neque linea refracta BI , neque perpendicularis BD ; angulusque refractus KBI , & sinus ejus KI , iidem manebunt qui prius.

5. Sinus anguli refracti in una Inclinatione, est ad sinum anguli refracti in alia Inclinatione, ut sinus anguli illius inclinationis ad sinum anguli hujus inclinationis.

Quoniam enim sinus anguli refracti est ad sinum anguli inclinationis, quæcunque ea inclinatio sit, ut densitas medii ad densitatem medii diversi. Componitur ratio sinus anguli refracti ad sinum anguli inclinationis, ex rationibus densitatis ad densitatem, & sinus anguli inclinationis ad sinum anguli inclinationis diversæ; sed rationes densitatum in eodem corpore homogeneo supponuntur eadem: sunt igitur anguli refracti in diversis inclinationibus, ut sinus ipsorum angulorum Inclinationis. Quod erat ostendendum.

6. Si duæ incidentes æqualiter inclinatæ sint, altera in medio raro, altera in Denso, erit sinus anguli inclinationis, media proportionalis inter duos sinus angulorum refractorum.

Sit enim (in Fig. 3.) AB inclinata in medio raro, quæ refracta sit in medio denso per BI . Sitque EB tantundem inclinata in medio Denso,

$Bbbb$ 3

quæ

quæ refracta sit per BS in medio raro. Ducatur sinus anguli refracti, qui sit RS. Dico rectas RS, AF, IK, esse continuè proportionales. Est enim ut Densitas medii densioris ad Densitatem medii rarioris, ita RS ad AF. Densitas autem eadem medii Densioris ad Densitatem eandem medii rarioris, ut AF ad IK. Sunt ergo RS, AF :: AF, IK proportionales, id est, RS, AF, IK continuè proportionales, quarum media est AF. Quod erat probandum.

7. Si angulus inclinationis sit semirectus, & recta inclinata in medio denso, & ratio densitatum ut diagonium quadrati ad latus, & superficies separatrix plana, linea refracta erit in ipsa superficie separatrice.

Sit enim (in Fig. 4.) angulus inclinationis ABC, grad. 45. in circulo AC. Producat CB ad circumferentiam in D; ducaturque CE sinus anguli EBC, cui æqualis in BG separatrice sumatur BF: Erit ergo BCEF parallelogrammum, & FE, BC, id est, FE, BG æquales. Ducatur AG diagonium quadrati cujus BG est latus, eritque ut AG ad EF, ita BG ad BF, & ita (per Hypothesin) densitas medii in quo C, ad densitatem medii in quo D, & ita quoque sinus anguli refracti ad sinum anguli inclinationis. Ducta ergo FD, & ad AB (productam in H) perpendiculari DH, erit DH sinus anguli inclinationis; & quoniam sinus anguli refracti est ad sinum anguli inclinationis ut densitas medii in quo C ad densitatem medii in quo D, id est (per Hypothesin) ut AG ad FE, hoc est, DH ad BG, & DH est sinus anguli inclinationis, erit BG sinus anguli refracti. Erit ergo BG linea refracta, eademque in ipsa superficie plana separatrice. Quod erat demonstrandum.

Cor. Manifestum est ergo, majore inclinatione quam graduum 45. vel etiam minore inclinatione modo major sit densitas, fieri posse, ut refractione à medio denso in rarum nunquam exeat.

8. Si corpus in aliud corpus feratur per lineam rectam, nec ipsum penetret, sed reflectatur; erit angulus Reflectionis angulo incidentiæ æqualis.

Sit (in Fig. 5.) mobile in A, quod motu recto per AC incidat in aliud corpus ad C, nec progrediatur, sed reflectatur; sit autem angulus incidentiæ quicumque ACD. Ducatur recta CE faciens cum DC producta angulum ECF, æqualem angulo ACD; & ad rectam DF ducatur perpendicularis AD. In DF, sumatur recta CG æqualis CD; ducaturque perpendicularis GE secans CE in E. Erunt ergo triangula ACD, ECG æqualia & similia. Rectæ AD ducatur parallela & æqualis CH, quæ producat à parte C utcumque in I. Ducaturque EA quæ transibit per H, & erit rectæ GD parallela & æqualis.

Dico motum qui fit ab A ad C per rectam incidentem AC, reflecti per

per C E. Motus enim ab A ad C, fit ex duobus motibus coefficientibus five concurrentibus, altero per A H rectæ D G parrallelam, altero per A D eidem D G perpendiculararem, quorum qui est per A H, nihil agit in mobile A tunc quando motum est usque ad C, propterea quod supponitur quod non transit rectam D G; motus autem per A D vel H C, conatur ulterius ad partes versus I; sed cum premat tantum, nec penetrat, reactio fiet in I C; unde oritur motus à C versus H. Interea vero motus durat per H E idem qui erat per A H. Agitur ergo mobile à duobus motibus per C H, & H E, motibus ex altera parte per A H, H C, æqualibus. Feretur ergo mobile per C E. Est ergo E C G angulus reflectionis, idemque (per constructionem) æqualis angulo A C D. Quod erat demonstrandum.

Utrum autem superficies vel linea in qua fit Reflectio, recta an curva sit nihil refert, quando mobile consideratur ut punctum. Nam punctum incidentiæ & Reflectionis C, tam curvæ quæ rectam D G tangit in C, quam ipsius D G commune erit.

9. Quod si in puncto A non supponamus mobile aliquod, sed conatum aliquem propagatum ab A ad C; Demonstratio tamen eadem erit. Conatus enim omnis est motus, & premit partem obstantis solidi in C, ita ut conatus procedat post incidentiam, per C I; itaque & Reactio procedet per C H; & generabitur à conatu per C H concurrente cum conatu per H E, conatus per C E, ut in repercussione Corporum motorum.

Itaque si conatus à puncto quolibet propagetur ad concavam superficiem corporis Sphæricè excavati, linea reflexa faciet cum circumferentia maximi in Sphæra circuli angulum angulo incidentiæ æqualem; si enim (in Fig. 6.) conatus propagetur ab A ad circumferentiam in B, sitque C Sphære centrum, & ducta sit C B, tangensque D B E, & fiat denique angulus F B D angulo A B E æqualis, fiet reflectio per B F; ut modo ostensum est. quare anguli etiam, quos cum circumferentia faciunt rectæ A B, F B, æquales erunt.

Norandum autem est, quod producta C B utcumque in G, conatus in G B C, à sola est reactione perpendiculari in G B; & propterea in puncto B, nullum alium omnino conatum esse ad partes intra Sphæram, præterquam qui est per Sphære centrum.

Et Tractatus hujus parti quidem tertiæ in qua motus & magnitudo per se & abstractè consideravimus, terminum hic statuo. Sequitur pars quarta & ultima de Phænomenis Naturæ, id est, de motu & magnitudine corporum mundanorum, five quæ reipsa existunt.

CAPUT XXV.

De Sensione & Motu animali.

1. Dicendorum cum dictis Connexio. 2. Naturæ Sentientis investigatio, & Sensationis Definitio. 3. Sensationis Subjectum, & Objectum. 4. Sentienti Organum. 5. Non omnia Corpora sensu prædita esse. 6. Uno tempore unicum Phantasma. 7. Præteritæ sensationis reliquæ Imaginatio (quæ & Memoria) item de Somno. 8. Phantasmatum successio qualis. 9. Somnium, unde fit. 10. Sensuum genera, Organa, Phantasmata propria & communia. 11. Magnitudo Phantasmatum unde determinata. 12. Voluptas, Dolor, Appetitus, Fuga quid sint. 13. Deliberatio & Voluntas quid.

1. **P**hilosophiam definivimus (cap. primo) esse Effectuum ex cognita generatione; & Generationis (alicujus quæ esse possit) ex cognitis Effectibus sive Phænomenis, per rectam ratiocinationem, cognitionem acquisitam.

Itaque duæ sunt Philosophandi methodi, altera à generatione ad effectus possibiles, altera ab effectibus *φαινόμεναις*, ad possibilem generationem. In quarum priore, ratiocinationis Principia prima (nempe Definitiones) vera esse facimus nosmet ipsi per consensionem circa rerum appellationes. Et hanc quidem partem priorem executus sum in præcedentibus; in quibus (ni fallor) nihil affirmavi, præter Definitiones, quod cum definitionibus ipsis non bene cohæreat, id est, quod illis qui de usu Vocabulorum mecum consentiunt, & quibuscum mihi solis res est, non sit satis demonstratum. Aggredior jam partem alteram, à Phænomenis, sive effectibus naturæ nobis per sensum cognitis, ad modum investigandum aliquem juxta quem (non dico generata sunt, sed) generari potuerunt. Principia igitur unde pendent quæ sequuntur, non facimus nos, nec pronunciamus universaliter, ut definitiones, sed à Naturæ conditore in ipsis rebus posita observamus; nec universaliter prolatis, sed singulis utimur. Neque necessitatem hæc faciunt Theorematis, sed tantum (non absque propositionibus universalibus supra demonstratis) generationis alicujus ostendunt possibilitatem. Atque huic parti, quia cognitio quæ hic traditur Principia habet in Naturæ Phænomenis, & desinit in aliqua scientia causarum Naturalium, inscripsi *Physicam, sive de Naturæ Phænomenis*. Phænomena autem appellantur quæcunque apparent, sive à Natura nobis sunt *οφθαλμω*.

Phænomena autem omnium quæ propè nos existunt, id ipsum τὸ *φαι-*

¶ *æivæ* est admirabilissimum, nimirum in corporibus naturalibus alia omnium ferè rerum, alia nullarum in seipsis exemplaria habere; adeo ut si Phænomena principia sint cognoscendi cætera, sensationem cognoscendi ipsa principia principium esse, scientiamque omnem ab ea derivari dicendum est; Et ad causarum ejus investigationem ab alio Phænomeno præter eam ipsam initium sumi non posse. Sed quo, inquires, sensu contemplantur sensationem? Eodem ipso, scilicet aliorum sensibilibus et si prætereuntium, ad aliquod tamen tempus manens *Memoria*. Nam sentire se sensisse, *meminisse* est.

Inquirendæ ergo ante omnia sunt *sensationis*, id est, earum quas sentientibus nobis innasci perpetuo experimur *Idearum*, sive phantasmatum causæ, & modus quo procedit generatio. Ad hanc autem inquisitionem conducit primo loco observare, phantasmata nostra non esse semper eadem, sed nova subinde oriri & vetera evanescere, prout sensationis organa modo in unum, modo in aliud objectum convertuntur. Generantur ergo & pereunt, ex quo intelligitur esse ea corporis sentientis Mutatio aliqua.

2. Mutationem autem omnem, Motum esse aliquem vel conatum (qui conatus etiam motus est) in partibus mutati internis ostensum est (cap. 8, art. 9.) ex eo quod quousque cujusunque corporis partes etiam minimæ eundem inter se situm servant, nihil illi novi contingit (nisi fortè ut totum simul moveri possit) quin ut & sit & videatur idem esse quod antè erat & videbatur: Sensio igitur in sentiente nihil aliud esse potest præter motum partium aliquarum intus in sentiente existentium, quæ partes motæ organorum quibus sentimus partes sunt. Nam partes corporis per quas perficitur sensio, ex ipsæ sunt quas vulgo *Organa sensoria* appellamus. Habemus ergo jam sensationis subjectum, nimirum illud in quo insunt phantasmata; & partim etiam naturam ejus, nempe quod sit motus aliquis internus in sentiente.

Ostensum est præterea, cap. 8, art. 7. Motum nisi à moto & contiguo generari non posse. Ex quo intelligitur sensationis immediatam causam esse in eo quod sensationis organum primum & tangit & premit. Si enim organi pars extrema prematur, illa cedente premetur quoque pars quæ versus interiora illi proxima est, & ita propagabitur pressio sive motus ille per partes organi omnes usque ad intimam. Quemadmodum & pressio extremæ procedit ab aliqua pressione corporis remotioris, & sic perpetuò donec veniat ad id à quo phantasma ipsum quod à sensatione fit tanquam à primo fonte derivari judicamus. Illud autem quodcunque rei sit, *Objectum* vocari solet. Est ergo sensio motus in sentiente aliquis internus generatus à motu aliquo partium Objecti internarum, & propagatus per media ad organi partem intimam. Quibus verbis quid Sensio sit ferè definivimus.

Elem. Philos.

C c c c

Osten-

Ostensum item est (cap. 15. art. 2.) Resistentiam omnem esse conatui conatum contrarium, id est, Reactionem. Quoniam igitur motui ab Objecto per media ad organi partem intimam propagato fit aliqua totius organi resistentia sive reactio, per motum ipsius organi internum naturalem, fit propterea conatui ab Objecto conatus ab organo contrarius; Ut cum conatus ille ad intima ultimus actus sit eorum qui fiunt in actu sensationis, tum demum ex ea Reactione aliquandiu durante ipsum existit Phantasma; quod propter conatum versus externa, semper videtur (*φαίνεσθαι*) tanquam aliquid situm extra organum. Definitionem ergo sensationis, eamque ex causarum ejus explicatione, & generationis ordine constantem sic totum proponemus: *Sensio est ab organi sensoris conatu ad extra, qui generatur à conatu ab Objecto versus interna, eoque aliquandiu manente per Reactionem factum Phantasma.*

3. Subiectum autem *Sensationis*, ipsum est *Sentiens*, nimirum Animal; & Animal videre quam oculum rectius dicimus. Objectum est *id quod sentitur*; itaque videre nos *Solem* accuratius dicimus quam lucem, Lux enim & color, & calor, & sonus, & cæteræ qualitates quæ sensibiles vocari solent, objecta non sunt, sed sentientium Phantasmata. Phantasma enim est sentiendi actus; neque differt à Sensatione aliter quam fieri differt à *factum esse*; quæ differentia in Instantaneis nulla est. Fit autem Phantasma in Instante. In omni enim motu per corpus perpetuum propagato, pars prima mota movet secundam, secunda tertiam, & sic deinceps usque ad ultimam, idque ad distantiam quantamcunque. Et in quo puncto temporis pars prima sive anterior processit ad locum secundæ, quam ipsa pepulit, eodem puncto temporis pars penultima in locum successit recedentis ultimæ, quæ eodem instante reagens, si reactio satis fortis sit, efficit phantasma; factio autem Phantasmate, sensio simul facta est.

4. Organa Sentiendi quæ quidem in sentiente sunt, partes ejus illæ sunt quibus læsis tollitur phantasmatis generatio, etsi alia pars læsa nulla sit. Eæ autem in plerisque animalibus inveniuntur esse spiritus, & membrana quæ ortæ à meninge tenera cerebrum & nervos omnes vestiunt; ipsum item cerebrum, & arteriæ quæ in cerebro sunt, & quibus commotis commoveretur quoque sensationis omnis origo, Cor. Nam ubicunque actio objecti attingit corpus sentientis, propagatur actio per aliquem nervum ad cerebrum, & siquidem nervus eo ducens ita lædatur vel obstruatur ut motus propagari ultra non possit, sensio nulla sequitur. Item si motus idem inter cerebrum & cor, defectu organi alicujus deferentis interceptus sit, objecti nulla erit sensio.

5. Etsi autem sensio, uti diximus, omnis fiat per reactionem, ut tamen quicquid reagit sentiat necessarium non est. Scio fuisse Philosophos quos-

quosdam eosdemque viros doctos qui corpora omnia sensu prædita esse sustinuerunt ; nec video , si natura sensationis in reactione sola collocaretur quo modo refutari possint. Sed etsi ex reactione etiam corporum aliorum phantasma aliquod nasceretur, illud tamen, remoto objecto statim cessaret; nam nisi ad retinendum motum impressum , etiam remoto objecto , apta habeant organa, ut habent animalia, ita tantum sentient, ut nunquam sensisse se recordentur ; id quod ad sensationem de qua nunc sermo institutus est nihil attinet. Nam per sensationem vulgò intelligimus aliquam de rebus objectis per phantasmata judicationem; phantasmata scilicet comparando, & distinguendo ; id quod , nisi motus in organo ille à quo phantasma ortum est, aliquandiu maneat, ipsumque phantasma quandoque redeat, fieri non potest. Sensationi ergo de qua hic agitur , quæque vulgo ita appellatur , necessariò adhæret memoria aliqua , qua priora cum posterioribus comparari , & alterum ab altero distingui possit.

Itaque & sensationi adhæret propriè dictæ, ut ei aliqua insita sit perpetuò phantasmatum varietas , ita ut aliud ab alio discerni possit. Si supponeremus enim esse hominem, oculis quidem clavis cæterisque videndi organis rectè se habentibus compositum , nullo autem alio sensu præditum , eumque ad eandem rem eodem semper colore & specie sine ulla vel minima varietate apparentem obversum esse, mihi certè, quicquid dicant alii, non magis videre videretur , quam ego videor mihi per Tactûs organa sentire lacertorum meorum ossa. Ea tamen perpetuò & undiquaque sensibillissima membrana continguntur. Attonitum esse & fortasse aspectare eum , sed stupentem dicerem , videre non dicerem ; adeo sentire semper idem, & non sentire , ad idem recidunt.

6. Neque vero permittit natura sensationis ut plures res simul sentiantur ; cum enim natura sensationis consistat in motu , dum organa sentiendi ab uno aliquo objecto occupantur , ab alio ita moveri non possunt , ut ab utroque motu unum phantasma syncerum oriatur utriusque. Non fient ergo duo phantasmata duorum objectorum , sed unum ex amborum actione conflatum.

Præterea sicut corporis & loci una fit divisio , adeo ut si plura numeres corpora , plura quoque necessariò loca numerabis , & contrà, ut Capite 7 declaratum est ; ita quoque fit in divisione motûs & Temporis, ut quoties plures dicantur motus , toties plura quoque tempora , & quoties plura dicantur tempora , toties plures motus intelligantur. Nam etsi objectum variegatum videamus , unum tamen est objectum variegatum, non objecta varia.

Accedit quoque, quod dum illa organa quæ omnium sensuum sunt communia (quales sunt à radicibus nervorum in hominibus usque ad cor or-

gani partes omnes) ab unius alicujus objecti sensatione vehementi commoventur, ad aliorum objectorum omnium (ad quemcunque attinent sensum) actionem recipiendam per contumaciam quam mota habent ad motum recipiendum novum, minus sunt utilia. Et inde est quod unius objecti studium, aliorum objectorum sensum præsentem quidem nullum esse patitur. Studium enim aliud non est præter animi occupationem, id est, organorum sentiendi motum ab uno aliquo objecto factum vehementem, quo durante ad cætera stupent. Iuxta id quod dictum est à Terentio, *Populus studio stupidus in senamculo animum occupavit*. Stupor autem quid est præter ἀναισθησία, id est, sentiendi alia cessationem. Unicum ergo est objectum quod uno & eodem tempore sensatione percipitur. Adeo ut legentes literas successivè non omnes videmus simul, tamen tota pagina illustretur, & spectantes uno intuitu in paginam, quamvis distinctissimè literæ singulæ scriptæ sint, legimus tamen nihil.

Intelligi hinc potest conatum Organi ad exteriora, non omnem dicendum esse sensationem, sed illum tantum qui cæteris, pro singulis temporibus, vehementiâ præstat & prædominatur; cæterarumque rerum phantasmata, ut lux solis cæterorum astrorum lucem, non actionem impediendo, sed per fulgorem nimium offuscando & abscondendo tollit.

7. Solet autem motus Organi ex quo oritur phantasia, non nisi præsentè objecto, Sensio appellari: Remoto autem sive prætervecto objecto, manente tamen phantasmate, Phantasia, & Latinis Imaginatio; quæ vox quoniam non omnia phantasmata imagines sunt, phantasiæ generaliter sumptæ adæquatè non congruit. Eâ tamen jam satis intellectâ pro phantasia Græcorum satis tuto usuri sumus.

Imaginatio ergo nihil aliud est revera quam propter objecti remotiorem languescens vel debilitata sensio. Causa autem debilitationis quænam esse potest? an motus remoto objecto debilior est? si esset, etiam phantasmata imaginantis minus essent clara quam in sensatione, idque semper & necessariò; quod non est verum. In somniis enim (eæ autem dormientium sunt imaginationes) non minus clara sunt quam in sentiente. Vigilantium autem phantasmata rerum præteritarum quam præsentium ideo obscuriora sunt, quia organa à præsentibus objectis simul commota faciunt, ut minus prædominentur. In somno autem, præcluso aditu, externa actio interno motui nihil officit.

Quod si verum sit, considerandum est deinceps an causa aliqua inveniri possit, qua supposita, objectis sensuum externis ad interiora organi aditus necessario præcludatur. Suppone ergo diuturna objectorum actione, (quam necessario sequitur organi, & præcipuè spirituum reactio) organum lassari, id est, partes ejus à spiritibus non sine dolore aliquo commoveri;

moveri; & proinde desertis & laxatis nervis ad fontem suum, sive in cerebri sive in cordis cavitate positum, se retrahere, unde actio quæ per nervos derivabatur necessario intercipitur. Nam actio in Patiens quod ante se fugit, primò minus agit, deinde solutis paulatim nervis nihil: Cessat ergo reactio (id est sensio) quoad organo per quietem resecto, spirituque aucto evigilatur. Atque hoc ita sanè se habere semper videtur, nisi alia aliqua præter naturæ animalis ordinem causa superveniat, ut à lassitudine vel à morbo aliquo internus ardor; qui spiritus & organi partes cæteras præter solitum concutiat.

8. Quod autem in varietate hac Phantasmatum alia ex aliis nascantur, & ex iisdem modo similia, modo dissimilima in mentem veniant, non sine causa nec tam fortuito fit, ut multi fortasse arbitrantur. Nam in motu partium corporis continui pars partem sequitur per cohesionem. Dum igitur oculos, aliorumque sensuum organa ad plura objecta successivè obvertimus, manente qui ab unoquoque eorum factus erat motus, renascuntur Phantasmata quoties quilibet eorum motuum cæteris prædominatur; prædominantur autem eodem ordine, quo in aliquo tempore jam præterito per sensationem generata erant. Ita ut postquam valde multa per ætatem senserimus, quælibet cogitatio ex qualibet ferè oriri possit, & propterea quæ quam sequutura sit fortuitum videri potest. Minus autem plerumque vigilantibus incertum est hoc. Quoniam cogitatio sive Phantasma cupiti finis, inducit phantasmata mediorum ad illum finem conducentium, idque ordine Analytico à mediorum ultimo ad primum, & rursus à principio ad finem. Sed hoc supponit & appetitum, & mediorum ad finem judicationem, quas fert experientia. Experientia autem est Phantasmatum copia orta ex multarum rerum sensationibus.

Non enim differunt inter se *φανταζεσθαι* & *meminisse*, nisi quod *meminisse* supponit tempus præteritum, *φανταζεσθαι* autem minimè. In memoria phantasmata tanquam tempore attrita considerantur; in phantasia ut sunt. Quæ quidem distinctio non rerum est, sed considerationum sentientis. Contingit enim in Memoria simile quid ei quod contingit in prospectu ad res longinquas; Nam ut hic corporum partes minutiones præ nimia distantia non cernuntur, ita illic multa accidentia, & loca, & partes rerum, sensibus olim percepta, vetustate abolentur.

Ortus perpetuus tum sentientibus tum cogitantibus Phantasmatum, id ipsum est, quod appellari solet animi discursus; & communis est hominibus cum brutis; nam is qui cogitat transeuntia phantasmata comparat, id est, similitudinem vel dissimilitudinem inter ea animadvertit; Et similitudines quidem inter res diversarum naturarum, vel longe

gè inter se diffitas celeriter observare, Phantasiæ; dissimilitudines autem, inter res similes invenire, Iudicii plerumque laus existimatur. Differentiarum autem observatio, non est à sensatione propriè dictà, sensio aliqua per sensorium aliquod commune distincta, sed manentibus aliquantisper phantasmatibus particularibus, differentiarum memoria; ut calidi & lucidi distinctio nihil aliud sit præter objecti calefacientis, & illuminantis memoriam.

9. Phantasmata dormientium *Somnia* sunt. Circa quæ, ab experientia docemur quinque. Primò, quod sunt pleraque inordinata & incoherentia. Secundò, quod nihil somniamus nisi quæ à phantasmatibus sensationis præteritæ sunt composita & ficta. Tertiò, quod nascuntur aliquando quidem ex Phantasmatum in dormiturentibus paulatim à somnolentia corruptorum interruptione; quandoque verò in medio oriuntur somno. Quartò, quod vigilantium Imaginationibus (præter sensationes) fortiora, sed ipsis sensationibus claritate æqualia sunt. Quintò, quod neque loca neque aspectus rerum somniantes admiramur. Quorum *φαινομένη*, quæ causæ esse possunt non est difficile ex præcedentibus indicare. Quod ad primum attinet, quia ordo & coherencia omnis, à frequenti ad finem respectatione, id est, à consilio oritur, necesse est amissà per somnum cogitatione finis, ut phantasmata alia aliis succedant, non amplius eo ordine, qui ad finem tendit, sed ut contingit, utque objecta visus (quo tempore indifferenter se habet aliquis ad visibilia omnia) à vidente non quia vult, sed quia non clausit oculos, nullo ordine aspiciuntur. Secundum autem ex eo nascitur quod cessante sensatione, motus novus ab objectis nullus est. Itaque nec novum Phantasma ullum, nisi novum dixerimus quod compositum est ex veteribus, ut Chimæra, mons aureus & similia. Ad tertium, quare somnium aliquando quasi cum sensatione continuatum corruptis fiat Phantasmatibus ut in ægotantibus, ratio manifesta est, quod sensio per organa quidem alia manet, per alia deficit. Quomodo autem sopitis omnibus organis exterioribus, Phantasmata tamen quædam resuscitata sunt, difficiliter dictu est. Nihilominus id quoque in iisdem præcedentibus causam habet. Quæcunque enim Meningem teneram concutiant, phantasmata excitant aliqua ex iis, quorum motus in cerebro adhuc durant; & qui motus cæteris prædominatur, ab eo motu oritur phantasma, si modo ab interno motu cordis membrana illa concutiat. Qui quidem motus cordis sunt appetitus & aversiones, de quibus mox dicendum est. Sicut autem Appetitus & Fuga à Phantasmatibus, ita & Phantasmata ex Appétitu & Fuga vicissim generantur. Exempli causa, Ex ira & pugna nascitur in corde calor; & rursus ex calore in corde etsi aliunde orto, Ira & hostis species in somno excitatur.

Utque

Utque amor & formæ species calorem quibusdam ingenerat organis ; ita & calor in iisdem organis etsi adventitius , cupidinem aliquando excitat , & formæ speciem non repugnantis. Eodem denique modo , dormientium albor somniantibus spectrum aliquod horridum vel periculi Phantasma ostentat , metumque efficit ; ut metus alboris causa est in vigilantibus ; adeo inter se motus cordis & cerebrum sunt reciproci. Quod ad quantum attinet , quare ea quæ in somnis videmur videre , vel sentire tam clara sunt quam in ipsa sentione , causa ejus rei in duabus consistit rebus ; quarum altera quidem est , quod cessante sensu exteriori , motus à quo phantasma oritur , ut præsens dominatur ; altera verò quod phantasmatum partes tempore detritæ , aliis partibus fictis refarciuntur. Denique loca & species rerum antè incognitas , ideo somniantes non admiramur , quia admiratio postulat , ut res nova & insolita videatur , id quod nisi recordantibus speciem priorem contingere non potest. In somnis autem videntur omnia ut præsentia.

Observandum autem est somnia quædam , præsertim ex iis quæ semisopitis accidunt , & ea quæ contingunt hominibus naturæ somniorum imperitis , iisdemque superstitionis , non fuisse olim , nec esse nunc pro somniis habita. Putabantur enim spectra , vocesque in somnis audiri visas , non Phantasmata , sed ipsa per se fuisse in rebus extra somniantes subsistentia objecta. Nam in aliquibus metus ipse , non modo dormientibus , sed etiam vigilantibus , præsertim vero sceleris consciiis , & noctu , & in locis consecratis , & adjutus aliquantulum talium apparitionum historiis , Phantasmata horribilia in animo excitavit , quæ spectro- rum & substantiarum incorporearum nomina pro veris rebus imposuere & imponunt.

10. Sensuum observata sunt in plerisque animalibus genera quinque , tum organis tum etiam Phantasmatum genere distincta. *Visus* , *Auditus* , *Olfactus* , *Gustus* , & *Tactus* ; organa habentes partim sibi propria , partim omnibus communia. Visus organum partim *animalium* , partim *inanimatum* est. *Inanimatum* sunt tres liquores , Aqueus , qui (interposita membrana *nvea* in medio perforata , quod foramen *Pupilla* dicitur) continetur ex unâ parte , prima oculi superficie concava ; ex alterâ parte processibus ciliaribus , & tegumento *humoris Crystallini*. *Crystallinus* , qui (inter processus ciliares medius pendens , figura ad Sphæricam accedente , consistentia crassiore) propria cuticula pellucida undiquaque determinatur ; & *Vitreum* qui reliquam oculi implet cavitatem , a quo quidem crassior , sed Crystallino subtilior. Pars organi animata occurrit primo membrana Choroeides pars Meningis teneræ , nisi quod obducta ei sit derivata à medulla Nervi Optici tunica , quæ appellatur Retina , &

& quæ choreoides (cum sit pars Meningis teneræ) continua est usque ad initium quod intra Cranium est Spinalis medullæ; ubi omnium nervorum intra cranium sunt radices. Quicquid ergo *spirituum animalium* in nervos inspiratur ibi intrat, nec ut aliunde intret cogitabile est. Quoniam ergo sensio aliud non est præter Objectorum actio ad ultima Organi propagata, nec spiritus animales, quam spiritus vitales à corde per arterias delati & redditi puriores, necesse est ut ad radices nervorum qui in capite sunt actio per arterias aliquas à corde derivetur, sive arteriæ illæ sint Plexus Retiformis, sive aliæ quæ in substantiam cerebri inferuntur. Illæ igitur arteriæ complementum sunt, sive reliquum totius Organi Visorii. Hæc autem pars ultima sensuum omnium organum est commune; cum illud quod ab oculo ad nervorum radices pertinet Visionis proprium est. Auditus organum proprium est Tympanum auris, & inde nervus proprius; cætera usque ad cor communia sunt. Olfactus & Gustus organa propria sunt, hujus quidem cutis & nervus intra in Palato & Lingua; illius vero in naribus; ab horum nervorum ortu cætera deinceps sunt communia. Tactus denique organum sunt nervi & membranae per totum corpus distributæ, ortæ & illæ ab origine nervorum. Cætera inde omnium sensuum communia non videntur per nervos sed per arterias administrari.

Phantasma à visu proprium est *Lumen*. Sub nomine luminis continetur etiam (quod lumen perturbatum est) *color*. Itaque corporis lucidi, lumen; colorati color phantasma est. Et visus Objectum propriè dictum non est lumen nec color, sed ipsum corpus lucidum, vel illustratum, vel coloratum. Illa enim cum sint phantasmata, sentientis sunt, non ejus quod sentitur accidentia. Hoc autem ex eo manifestum satis est, quod res visibiles in iis sæpe apparent locis in quibus eas non esse certò scimus; quodque diversis diverso apparent colore, & pluribus simul locis apparere possunt. Motus, quies, magnitudo, figura cum Visu Tactui communia sunt. Sed nec lumen, nec color sine figura esse potest. Totum autem illud, *figura cum lumine vel colore*, à Græcis εἶδός, & εἶδωλον, & ἰδέα; à Latinis *Species* & *Imago*, (quæ voces omnes idem significant quod *Aspectus*) appellari solet.

Phantasma ab *Auditu*, *Sonus*; ab *Olfactu*, *Odor*; à *Gustu*, *Sapor* est: à Tactu autem sunt *Durities* & *Mollities*, *Calor* & *Frigus*; aqueositas, oleositas, & multa alia quæ sensu bene, verbis non satis distinguuntur. Lævitas, Asperitas, Raritas, Densitas ad figuram referuntur, & propterea Tactui cum Visu communia sunt. Objecta item Auditus, Olfactus, Gustus, Tactus, non sunt *Sonus*, *Odor*, *Sapor*, *durities*, &c. Sed ea corpora quæ sonum, odorem, saporem, duritiem, &c. efficiunt; de

de quorū causis & quo modo produciuntur infra dicturi sumus.

Phantasmata autem hæc etsi Objectorum in organa Agentium effectus sint producti in subjecto sentiente; sunt tamen in iisdem organis, ab iisdem objectis producti præterea effectus alii, nempe motus quidam à sensatione orti, qui *motus* appellantur *animales*. Quoniam enim in omni sensatione rerum externarum Actio fit & Reactio mutua, id est, oppositi sibi invicem conatus duo, manifestum est, motum ab utroque simul factum, ad latera undiquaque continuari, præcipue verò ad utriusque corporis confinia. Hoc cum fit in organo interiore, conatus fit ad exteriora per angulum solidum majorem quam si impressio fuisset levior, atque inde major fit Idea.

11. Apparet hinc causa Physica, primò, Quare majora videntur (cæteris paribus) quæ sub majore videntur angulo. Secundò, Quare in nocte serena, illuni, frigida, plures apparent stellæ fixæ, quam in alio tempore. Namque illarum actio per serenum aërem minus impeditur, & per silentium Lunæ minus absconditur, seu offuscatur: frigus autem aërem serenans, stellarum in oculum actionem adjuvat sive corroborat, ita ut stellæ non aliter visæ, sic videri possint. Atque hæc sufficiant de sensatione quæ fit per Organi reactionem dicta generaliter. Nam ut de loco imaginis, de fallaciis Visus, & aliis rebus quas sentiendo in nobismet ipsis experimur, quia magna ex parte ab oculi humani fabrica propria dependent, dicendum tunc est cum de Homine disseremus.

12. Est autem aliud sensationis genus de quo dicturi aliqua nunc sumus, nimirum sensio *Voluptatis* & *Doloris* eaque orta, non à reactione cordis versus exteriora, sed ab organi parte extrema per continuam actionem versus eor. Cum enim vitæ principium in corde fit, necesse est ut motus à sentiente ad cor propagatus, motum vitalem aliquo modo mutet sive divertrat, nimirum faciliorem reddens vel difficiliorem, juvans vel impediens. Si juvet, *Voluptas*, si impediatur, *Dolor*, *Molestia*, *Egritudo* nascitur. Et sicut phantasmata à conatu ad externa, extra existere, ita Voluptas & Dolor in sensatione, propter conatum organi ad interiora, videntur intus esse, ibi nempe ubi est prima voluptatis sive doloris causa, ut in dolore à vulnere ubi est vulnus ipsum, ibi videatur esse dolor.

Motus autem vitalis, sanguinis motus est, per venas arteriasque (ut à primo ejus rei observatore nostrate Harvæo multis certissimisque signis ostensum est) perpetuò circumeuntis; qui motus, si à motu facto per Objectorum sensibilibus actionem impediatur, rursus per partium corporis flexionem directionemve restituetur, spiritibus scilicet modo in hos modo in illos nervos impulsis donec quantum fieri potest molestia omnis tollatur. Sin à motu per sensationem vitalis motus adjuvetur, disponentur

partes organi ad spiritus ita regendos, ut is motus quantum fieri potest nervorum ope conservetur & adaugeatur. Atque hic quidem in motu animalis est conatus primus, inveniturque etiam in Embryone qui molestiam, si quando est, fugiens, vel placida sequutus in utero matris artus suos motu movet voluntario. Conatus autem iste primus quatenus ad placida experiendo cognita dirigitur *Appetitus* (id est, aditus) quatenus molesta evitantur *Aversio* & *Fuga* dicitur.

Initio autem & illico ac nascuntur foetus parvuli pauca appetunt, pauca fugiunt destituti experientia, & memoria; & propter eam tantam motus animalis varietatem non habent quantam videmus esse in adultis. Nam objecta an placitura an nocitura sint sine multarum rerum cognitione sensitiva, id est, sine experientia & memoria sciri non potest; conjectandi tamen ex aspectu rerum locus est aliquis, & proinde quæ bona an mala ipsis futura sint nesciunt, ad ea tamen accedunt & ab iisdem recedunt dubitantes. Postea verò tum in iis quæ appetenda & fugienda sunt, tum in usu nervorum cæterorumque organorum ad fugienda aliqua, & adeunda alia paulatim prompti fiunt assuescendo. Sunt ergo *Appetitus* & *Fuga*, five animi *Aversio*, motus animalis conatus primi.

Conatum autem primum sequitur spirituum animalium (quorum aliud necesse est esse prope ad nervorum originem receptaculum sive locum) in nervos impulsio, & rursus retractio; quem motum sive conatum sequitur necessariò turgescencia, & relaxatio muscutorum; quas denique artuum contractio sequitur & extensio, qui est motus animalis.

13. *Appetitus* autem ut & *Fugæ* considerationes diversæ sunt. Cum enim animalia modo appetant modo fugiant eandem rem, prout placituram vel nocituram sibi putant, manente illa appetitus & fugæ alternatione, fit series cogitationum illa quæ dicitur *Deliberatio*; quæ tam diu durat quam diu in eorum potestate est vel obtinere quod placet, vel quod displicet effugere. *Appetitus* ergo & *Fuga*, nisi præexistente *Deliberatione* simpliciter vocantur *Appetitus* & *Fuga*. Sed si præcesserit deliberatio tunc ultimus in ea actus appellatur, si appetitus sit, *Velle* sive *Volito*; si *Fuga*, *Nolle*; ita ut eadem res voluntas vocetur & appetitus, sed consideratio, (nempe an ante an post deliberationem) diversa sit. Neque id quod intus in Homine firidum Vult aliquid, dissimile ei est quod fit in aliis animalibus dum (habita prius deliberatione) appetunt.

Neque libertas volendi vel nolendi major est in homine quam in aliis animalibus. Nam in appetente appetendi causa præcesserat integra, & proinde ipsa Appetitio ut capite 9, art. 5, ostensum est, non sequi non poterat, id est, secuta est necessario. *Libertas* igitur talis ut à necessitate libera sit neque hominum neque brutorum voluntati convenit. Quod si
per

per libertatem intelligamus facultatem, non quidem *volendi*, sed quæ volunt *faciendi*, ea certe libertas utrique concedi potest; & cum adest, æque utrique adest.

Rursus Appetitus & Fuga dum celeriter sibi mutuo succedunt, nomen habet tota ex iis facta series modo ab una, modo ab altera. Nam ab Appetitu, spes; à Fuga metus dicitur, eadem (nutans modo ad alteram, modo ad alteram partem) deliberatio. Nam sine *spe*, metus non dicendus est, sed *Odium*; nec sine *metu*, spes, sed *cupido*. Omnes denique animi quæ dicuntur, *Passiones*, *Appetitus* & *Fuga* constant, (præter voluptatem & molestiam puram. quæ Boni Malive est certa *Fruitio*) ut *Ira*, *Fuga* est imminentis mali, sed quæ cum Appetitu multillius per vim effugiendi conjuncta est. Sed quoniam Passiones, Perturbationesque animi innumeræ sunt, & earum multæ, præterquam in hominibus inconspicuæ, dicemus de illis fusiùs in ea Sectione quæ est de Homine. Objecta autem ea quæ animum (si qua sunt) omnino non commovent, illa *contemni* dicimur. Hactenus de sensu generatim. Transcundum nunc est ad sensibilia.

C A P U T XXVI.

De Universo & Syderibus.

1. *Magnitudo & Duratio Universi inscrutabiles.* 2. *Locum in universo vacuum nullum esse.* 3. *Argumenta Lucretii pro Vacuo esse invalida.* 4. *Alia quædam argumenta ad vacuum ponendam invalida.* 5. *Ad subdanda naturæ Phenomena hypotheses sex.* 6. *Causæ redduntur possibiles motus annui & diurni, & apparentis directionis, stationis, & retrogradationis Planetarum.* 7. *Supposito motus simplicis unde fit verisimilis.* 8. *Causa Excentricitatis motus Terræ annui.* 9. *Causa quare Lunæ facies Terræ semper obvertitur eadem.* 10. *Causa Aestuum Oceani.* 11. *Causa Præcessionis Aequinoxtiorum.*

1. **C**ontemplationem sensationis sequitur contemplatio corporum quæ sentiendi causæ efficientes sive objecta sunt. Objectum autem omne, universi mundi vel pars est, vel partium aggregatum. Corporum sive objectorum sensibilibium, maximum omnium est ipse mundus, qui nobis super hoc punctum ejus quam vocamus terram circumspectantibus undiqueque perceptibilis est. De quo ut uno multarum partium aggregato, quæ quæri possunt paucissima sunt, quæ determinari nulla. Quæri quidem potest totus mundus quantus, quam diuturnus, & quotus sit, sed aliud nihil; Nam Locus quidem & Tempus, id est, Magnitudo & Duratio, corporis simpliciter dicti, id est indefinitè sumpti sunt Phantasmata, ut capite 7. ostensum est, cætera autem Phantasmata omnia sunt corporum.



rum sive objectorum suorum inter se distinctorum. Ut color coloratorum, sonus auditorum, &c. De magnitudine mundi quæstiones sunt, an Finitus an Infinitus; plenus an non plenus? De duratione, an inceperit, an æternus? de numero, an unus an plures? (etsi de numero, si mundus magnitudine infinitus fuerit, controversia nulla esse potest.) Item si inceperit, à qua causa & qua materia factus fuerit? rursusque de illa causa & materia unde extiterint, novæ erunt quæstiones donec perveniat ad causam aliquam æternam unam vel plures. Atque hæc omnia ab eo qui Philosophiam complecti profiteretur universam determinanda essent, si quantum quæri, tantum sciri posset. Est autem infiniti scientia finito quæsitore inaccesibilis. Quicquid homines sciunt à Phantasmatis nostris didicimus; Phantasma autem Infiniti (sive magnitudine sive tempore) nullum est; neque enim homo neque ulla alia res præterquam quæ ipsa infinita sit, infiniti conceptionem ullam habere potest; neque siquis ab effectu quocunque ad causam ejus immediatam, atque inde ad remotiorem & sic perpetuo, ratiocinatione rectissima ascenderit, non tamen in æternum procedere poterit, sed defatigatus aliquando deficiet, & quidem an ulterius progredi potuerit, necne, nescius. Neque absurdi sequetur quicquam sive finitus sive infinitus mundus statuatur, cum utrumvis statuisset mundi opifex, quæ nunc videntur eadem omnia videri potuissent. Præterea etsi ex eo quod nihil potest movere seipsum, satis rectè inferatur primum aliquod esse movens quod fuerit æternum, non tamen inferetur id quod inferre solent, nempe æternum immobile, sed contra æternum Motum; siquidem ut verum est nihil moveri à seipso, ita etiam verum est, nihil moveri nisi à moto. Quæstiones ergo de Magnitudine & Origine mundi, non à Philosophis sed ab iis qui ordinando Dei cultu legitime præsent determinandæ sunt. Nam ut Deus Opt. Max. cum populum suum in Iudæam induxisset, Primitias fructuum sibi reservatas concessit sacerdotibus, ita quoque cum mundum à se factum disputationibus hominum tradidisset, Opiniones tamen de naturâ Infiniti & æterni sibi soli cognitâ tanquam Primitias sapientiæ judicari ab iis voluit, quorum in Religione ordinanda Ministerio uti voluit. Illos igitur qui mundi originem aliquam fuisse rationibus suis à rebus naturalibus demonstrasse se jactitant laudare non possum. Ab idiotis, quia quid dicant non intelligunt; ab eruditissimis quia intelligunt, ab utrovis merito contemnantur. Quis enim hoc modo demonstrantem laudet? Si mundus ab æterno erat, tunc numerus dierum (sive aliud cujusvis temporum mensuræ) infinitus natalem Abrahami antecessit. Sed natiuitas Abrahami antecessit natiuitatem Isaaci? Infinitum ergo infinito, sive æternum æterno majus: quod, inquit, absurdum est. Similis demonstratio est ac siquis ex eo quod numerorum parium numerus sit

o s
ici-
ita-
tem
Tunc
est
Tunc
ica-
ini-
non
rum
eve-
nul-
de-
quod
nile,
ergo
rior
reo,
sua-
Mos
itare

con-
? &
uum
tur)
nt ad
fora-
possit
atur,
fluet
atur)
Cu-
scen-
quod
inum
intret
lo per
osibi-
na sint
ut

2
ru
ru
Fi
rit
du
in
&
ca
Pl
qu
qu
dic
luc
nit
qu
sic
pro
ter
qu
me
ca
alic
inf
fig
ver
à P
mit
ind
que
Op
Pri
Mit
tion
pos
telli
moi
(sic
teci
erg
mili

cap xxvi



fit infinitus, totidem esse concluderet numeros pares quot sunt simpliciter numeri, id est, pares & impares simul sumpti. Nonne qui æternitatem mundi sic tollunt, eadem opera etiam mundi conditori æternitatem tollunt? Itaque ab hoc absurdo in aliud incidunt, coacti æternitatem *Nunc stans*, & numerorum infinitum numerum *unitatem* dicere, quod multo est absurdus; cur enim æternitas dicenda est *Nunc stans* potius quam *Tunc stans*? erunt ergo vel multe æternitates; vel *nunc* & *tunc* idem significabunt. Cum hujusmodi demonstratoribus ἀπογλωσσούς, nobis nulla iniri potest disputatio. Sunt autem ii qui tam absurdè ratiocinantur non idiotæ, sed quibus id minimè ignoscendum est Geometræ, & qui aliorum hominum demonstrationum iudices esse volunt, inepti quidem, sed severi. Causa est, quod simul ac vocibus *Infiniti* & *Æterni*, quibus rei nullius subternitur in animo (præter ipsius comprehensionis propriæ defectum) idea, irretiti sunt, aut absurdi aliquid dicendum est, aut (quod molestius est) tacendum. Habet enim Geometria nescio quid vino simile, recens inflat, cum deferbuerit, minus dulce est, sed juvat. Quicquid ergo verum est, idem demonstrare se posse putat Geometria recens, sedatior facta non item. Quæstiones igitur de Infinito & Æterno sciens prætereo, contentus ea doctrina circa mundi magnitudinem & originem quam suaserint Scripturæ sacræ, & quæ illas confirmat miraculorum fama, & Mos patrius & Legum reverentia debita, transeoque ad alia quæ disputare nefas non est.

2. De Mundo præterea quærit solet, an partes ejus ita sibi invicem contiguæ sint, ut ne minimum quidem admittant interstitium Vacuum? & disputatur in utramque partem satis probabiliter. Ad tollendum Vacuum unicum adducam Experimentum, satis tritum, at tamen (ut mihi videtur) validissimum. Sit ergo (in figura prima) hydria AB (quali uti solent ad rigandos hortos hortulani) cujus fundus B pluribus pertusus sit foraminulis; habeatque osculum quod digito cum opus fuerit obturari possit in A. Si jam hydria illa (obturato prius foramine ad A) aqua impleatur, invertaturque, ea, occluso osculo, per nullum eorum foraminum effluet quæ sunt in fundo B. Amoto autem digito (ut aer superne ingrediatur) per omnia; rursusque applicito digito, simul & subito omnis sistetur. Cujus rei causa alia non videtur esse quam quod aqua conatu suo ad descensum naturali, subjectum aërem pellere ante se non potest, propterea quod locus nullus sit quo pulsus se recipiat, nisi vel pellendo aërem vicinum fiat conatus continuus usque ad foramen A, ibique aer in hydriam intret atque aquæ succedat defluenti, vel aquæ deorsum conanti resistendo per ipsam aquam transeat. Sed primum (foramine A obstructo) impossibile est. Neque autem secundum fieri potest nisi foramina ita magna sint

ut pondere effluentis aquæ per eadem foramina & eodem tempore, ær in hydriam compellatur, eo modo quo fit quando vasculum aliquod, cui os aliquanto laxius est effundendæ aquæ causâ subito invertimus, tunc enim ær coactus aquæ pondere, per orificij circumferentiam (testante ipsâ singultiente & resistente aqua) in vasculum penetrabit. Signum ergo mihi plenitudinis universæ est, quod nisi ea concessa motus naturalis aquæ (nimirum corporis gravis) non impediretur.

3. E contra, ad Vacuum astruendum, argumenta, experimentaque multa & satis speciosa afferuntur. In quibus tamen singulis ad conclusionis firmitatem semper videtur aliquid desiderari. Pro vacuo autem Argumenta sunt partim eorum qui sequuti sunt doctrinam Epicuri. Ille autem constare universum docuit ex locis minimis nullo corpore occupatis, & minimis corporibus nullum vacuum locum comprehendentibus (quæque ob duritiem appellat Atomos) interspersis. Epicureorum argumenta à Lucretio expolita sunt hæc.

Dicit itaque primo, ni ita esset, nullum potuisse esse motum. Corporis enim inquit officium est motui obstare & officere. Si quidem ergo omnia corpore essent plena, obstaculum motui ubique esset. Motus ergo initium nullum esse potuit; neque ergo motum ullum esse.

In pleno quidem & secundum omnes suas partes quiescente, initium motus fieri impossibile est; sed nihil inde trahitur ad probationem Vacui. Nam etsi vacuum esse concederetur, corpora autem illi intermissa, semel & simul omnia quiescerent, nunquam ea rursus moverentur. Est enim supra demonstratum (cap. 9, artic. 7,) nihil moveri posse nisi à Moto & confuquo. Cum igitur omnia simul quæta esse supponantur, nullum erit contiguum Motum, neque ergo motus unquam ullius initium. Negatio autem Initii motus, motum præsentem non tollit, nisi tollat etiam initium corporis. Potuit enim motus fuisse corpori vel coæternus, vel concreatus. Non enim ut corpora fuerint primo quæta, post mota, magis videtur necessarium, quam ut primo mota, deinde quæta (si unquam quæta) fuerint. Neque causâ apparet major quare materia mundana interpuncta debeat esse, ad admittendum motum, spatiis vacuis, quam spatiis plenis, plenis, inquam, sed fluidis. Neque denique sciri potest quare non potuerint Atomus illæ duræ congregari & cogi in corporum compositorum moles quas videmus; sed à motu alicujus internissi liquidi. Nihil ergo hoc argumento concludi potest, nisi fuisse motum mobili coæternum, vel coævum; quorum neutrum consistit cum doctrina Epicuri, qui & Mundo & Motui initium abstulit. Nondum ergo vacui necessitas demonstratur. Causâ autem, quantum ego ex eorum sermonibus, qui mecum de vacuo disseruerunt intello, est quod dum naturam fluidi contemplan-

plantur, constare illud imaginantur tanquam ex duri granulis, quomodo farina fluida fit è frumento molito; cum tamen fluidum concipere possibile sit tanquam natura sua æque Homogeneum ac est ipsa atomus, vel ipsum vacuum.

Argumentum secundum, sumptum est à Pondere, & continetur in his *Lucretii* versibus:

Corporis officium est quoniam premere omnia deorsum,

Contra autem natura manet sine Pondere Inanis;

Ergo quod magnum est æque, leviusque videtur,

Nimirum plus esse sibi declarat Inanis.

Ut præteream quod assumit de conatu corporum deorsum, non recte sumi, propterea quod *deorsum* nihil negotiū habet cum naturā rerum, sed est figmentum nostrum. Et quod, si omnia ad unum Infimum tenderent, aut nihil coalesceret, aut omnia in eundem locum cogerentur, vis argumenti hujus ex eo tollitur, quod tantundem in hac re efficeret Atomis ejus intermixtus aër, quantum efficere existimat ille intermixtum vacuum.

Argumentum tertium ab eo ducitur, quod Fulmen, Sonus, Calor, Frigus, Corpora (exceptis ipsis Atomis) etiam solidissima penetrare visa sint. Sed hæc ratio, nisi quis prius demonstrarit, ea omnia non fieri posse, excluso Vacuo, per motus perpetuam generationem, invalida est. Possit autem suis locis demonstrabitur.

Postremo, argumentum quartum ab eodem *Lucretio* proponitur his Versiculis:

— *Duo de concursa corpora lata,*

Si citò dissiliant, nempe aër omne necesse est

Inter corpora quod fuerat, possideri iniuncte.

Is porro quamvis circum celerantibus auris

Consistet, haud poterit tamen uno tempore totum

Compleri spacium; nam primum quemque necesse est

Occupet ille locum, deinde omnia possideantur.

Quod tamen cum sententia ipsius Epicuri, aliquanto plus pugnat, quam eorum qui vacuum esse negant. Nam quanquam verum sit, quod si duo corpora essent infinitè dura, & secundum superficies exactissimè planas componerentur, impossibile esset ut divellerentur, cum fieri id non posset sine motu instantaneo, si tamen ut in magnitudinibus non datur maxima, nec in motibus velocissimus, sic neque in duxis durissimum, poterit fieri vi aliqua magna, ut ingressus aëri detur successivus; nempe ut partes corporum conjunctorum extimæ prius dirimantur quam interiores. Debuerat ergo prius ostendere aliqua esse durissima non modo relative ad molliora, sed absolutè, id est infinitè dura; quod non est verum. Sed si supponamus

namus Atomos (ut Epicurus) infecabiles , habentes tamen suas superficiculas , si componerentur duo corpora secundum plures vel unam tantum utriusque superficiculam , argumentum hoc *Lucretii* firmissima demonstratio erit , Corpora nulla quæ ex Atomis (ut ille supponit) concreta sunt , ulla unquam vi diffringi posse ; id quod quotidianæ repugnat experientiæ.

Hactenus Argumenta *Lucretii*. Videamus jam argumenta sumpta ab experimentis recentiorum.

4. Experimentum primum est , Quod si Vas concavum inverso fundo in aquam immergatur , fore ut aqua in ipsum ascendat ; quod fieri non posse inquirunt , nisi aer intus in arctiorem locum contrudatur ; fieri autem hoc non posse , nisi sint in aëre loculi vacui ; compressum autem aërem ad certum gradum comprimi amplius non posse ; nimirum particulis aëris in locum arctiorem compelli negantibus. Ratio hæc siquidem aer ab aqua intra vas surgente pressus ipsam permeare non posset , videri posset non infirma. Sed quod adhibita vi , nec ea majore quam est ipsa aquæ gravitas aer aquam penetrat , satis cognitum est. Quare si vis qua vas deprimitur major sit conatu , quo aqua naturaliter tendit deorsum , vel ei æqualis , aer in vase inclusus , qua via resistit (nempe versus vasis labra) eâ per aquam exibat ; neque tamen totus. Oportet enim quo major aquæ profunditas penetranda sit , eo major sit vis deprimentis ; sed deprimentis , id est , aquæ assurgentis vis , postquam totum vas immersum est , non amplius augetur. Venitur ergo ad æquilibrium tale , ut conatus aquæ deorsum naturalis æqualis sit conatui ad aquam in aucta jam profunditate penetrandam.

2. Experimentum secundum est. Quod si Cylindrus concavus (videntur experimenti causa) vitreus satis longus , ex altera parte apertus , ex altera clausus impleatur argento vivo , deinde parte unde apertus erat digito obturata , in vas quodlibet in quo item sit argentum vivum una cum digito immergatur , erectusque statuatur , videbimus sublato digito , (ut liber argento vivo fiat descensus) descendere ipsum in subjectum vas , eo usque ut pars quæ in cylindro restat , occupet circa 26 pedis uncias ; quicunque is sit cylindrus , modo dictis unciis 26 non sit minor. Spatium ergo ajunt cylindri reliquum vacuum esse. Ego vero in hac necessitatem vacui nullam video. Cum enim descendit argentum vivum quod in cylindro est , necessarium est ut vas subjectum altius impleatur , & summoveat tantum aëris ambientis , quanta est moles argenti vivi quod descenderit. Si quæretur quo abiit ille aer summotus , quid aliud dicendum est quam aërem illum tantundem abigere è loco proximo , & hunc alium , & sic deinceps , donec redeatur unde propulsio prima incepit ? Ibi autem qua vi aer primus

primus pulsus est, eadem vi aër ultimo pulsus premet argentum vivum quod est in Vase; & siquidem vis qua argentum vivum descendit deorsum satis magna sit (major autem est quando ab altiore loco descendit, minor quando ab humiliore) faciet ut aër ipsum argentum vivum quod in vase est penetret, adeoque ascendat ad implendum locum quem illi vacuum arbitrabantur. Sed quoniam vis argenti vivi non in omni altitudine satis fortis est ad cogendam talem penetrationem, necesse est ut descendens subsistat alibi, ibi nimirum ubi æquilibrium fit inter conatum ipsius deorsum; & resistantiam ejusdem contra aëris penetrationem; quod quidem æquilibrium esse in altitudine 26 unciarum aut circiter, vel ex hoc experimento manifestum fit.

3. Experimentum tertium est, quod in vas solo aëre (quantum aëris natura patitur) repletum, tantum tamen impelli potest aquæ, quantum capit ejusdem valis circiter dodrans. Experimentum autem hoc modo factum est. Phialæ vitreæ (quæ repræsentetur (in fig. 2.) per Sphæram FG, cujus centrum est A) immittatur fistula BAC, ita aptata foramini per quod transit, ut ipsum adæquatè impleat; sitque terminus ejus B in fundo vasis, nisi quod spatii tantum intersit ut aqua superne immissa liberè exire possit per B. Sit fistulæ operculum in D quod aquæ in ipsum ascendenti exitum præbeat per E. Epistomium autem HC intra fistulam perforatum, transitum aquæ à B ad D claudat vel aperiat prout opus fuerit. Detracto operculo DE impellatur aqua per fistulam, ope Siphonis, quantam Siphon capit in concavitatem vasis; deinde clauso epistomii foramine, ne quid aëris per eam viam egrediatur, Siphon rursus aqua impleatur, & rursus aperto epistomii foramine ea aqua in vasis concavitatem per B, ut antè, injiciatur. Atque eadem operatio repetatur quoties libet, assurgatque aqua, verbi gratia, usque ad GF. Postremo imposito operculo & aperto foramine in HC, videbimus aquam velociter erumpere per E, & sublidere paulatim ab FG, usque ad B. Itaque ab hoc Phænomeno ad necessitatem vacui sic arguunt; vas erat ab initio aëre plenum. Injectam per fistulam aquam non potuit aër, per totam fistulæ longitudinem penetrando exire, neque exitus ullus alius datur. Necesse ergo est tum omnem aquam usque ad FG, tum etiam omnem aërem qui in vase ante immiessionem aquæ continebatur in eodem esse loco, in quo antè solus inerat aër. Id quod fieri non posset, si tota vasis amplitudo aëre fuisset adæquatè (id est, sine vacuo) plenus. Præterea verò si quis fortè dubitet, an non possit aër, corpus tenue, penetrare ipsum aquæ in fistula contentæ corpus, accedit Phænomenum illud alterum, nimirum quod eadem aqua quæ est in spatio BFG omnis rursus ejicitur per foramen EH, cujus causa nulla videtur assignari posse, præter aëris seipsum à compressione liberantis impetum; ex

Elem. Philos.

E e e

quo

quo sequitur aut fuisse aliquid spatii vacui, aut plura corpora in eodem esse posse loco; quorum posterius est absurdum, prius ergo nimirum dari vacuum verum est.

Argumentum hoc duobus in locis infirmum est; in quorum altero assumitur id quod non est concedendum; in altero adducitur experimentum, quod mihi quidem videtur Vacuo repugnare. Assumitur autem aërem per fistulam exire non posse; Attamen videmus quotidie aërem facile ascendere à fundo ad superficiem fluminis (indicant ita fieri assurgentes bullæ) nec motore indiget alio quam ipso aquæ conatu deorsum naturali. Quare ergo non possit aquæ per injectionem acquisitus conatus sursum (qui conatus sursum major est quam conatus aquæ deorsum naturalis) efficere, ut aër, qui est in vase, obstantem aquam similiter penetret? Præsertim cum aqua prout in vase assurgit, aërem superpositum ita urgeat, ut conatum ipsi ingeneret ex omni parte versus fistulæ superficiem externam, & proinde conatum omnium inclusi aëris partium per viam brevissimam versus foramen quod est in B. Hæc inquam jam manifesta sunt quam quod aër à fundo fluminis eructatus per aquam penetret cujuscunque altitudinis. Nondum ergo video causam ullam quare quo tempore aqua injicitur, non possit aër eodem tempore & eadem via, ab ea vi injiciente ejici.

Quod autem vacui necessitatem à rejectione aquæ arguere volunt. Quæro primò posito vacuo, quo principio motus, Ejectio illa fiat; motus quidem ille ab intra ad extra fieri non potest nisi ab Agente intra Vas, id est, ab ipso aëre. Aëris autem illius motus quem habet ab insurgente aqua, à fundo incipit, ad summum tendit; motus autem quo aquam ejicit à summo incipere debet & tendere ad fundum, unde igitur in aëre incluso oritur conatus versus fundum? Quid hic dici possit, nisi quis aërem ad expellendam aquam descendere ultro dicat, non intelligo: quod quia absurdum est, habeatque aër post infusam aquam, tantum loci, quantum ejus postulat magnitudo, nulla omnino causa erit quare ejiceretur aqua. Pugnat ergo Vacui assertio cum ipso quod ad asserendum vacuum adducitur experimento.

Multa alia ad probandum vacuum Phænomena afferri solent, ut Thermometra, Æolipylæ, Sclopeti Ventanei; quæ quidem si aëri pervia aqua non esset, sine loci inanis admissione difficillimè salvari possent. Nunc autem cum aër nec magno conatu, non modo per aquam, sed etiam per quodvis aliud contumacissimum liquidum, qualis est Hydrargyrus, permeare possit, nihil probant. Veruntamen rationis est ut is qui vacuum sublaturus est, prædictorum Phænomenon alias si non probabiles saltem æquè probabiles (absque vacuo) ostendat nobis causas. Id vero fiet
in

in fequentibus, ſuo quidque loco ; ſed prius totius Phyſicæ ſtatuendæ ſunt hypotheſes generaliffimæ.

Quoniam autem Hypotheſes ſunt poſitæ pro veris effectuum apparentium cauſis, neceſſe eſt niſi abſurda ſit hypotheſis, ut ea conſiſtat in aliquo Suppoſito Motu poſſibili. (Quies enim nullius rei cauſa efficiens eſſe poteſt.) Motus autem ſupponit corpora mobilia, quorum tria ſunt Genera : Fluida, Conſiſtentia, & ex his Miſta. Et Fluida ſunt quorum partes ſeparari à ſe invicem leviffimo conatu poſſunt ; Conſiſtentia vero ad quorum partium diremptionem viſ adhibenda major eſt ; ſunt itaque conſiſtentia gradus, qui gradus prout comparantur cùm magis minusve conſiſtentibus modo mollities modo durities nominantur. Fluidum ergo eſt ſemper diviſibile in æquæ Fluida, ut quantitas ſemper in quantitates. & Mollia in quocunque gradu, in mollia ejusdem gradus. Multi tamen fluoris nullam intelligere videntur differentiam, niſi quæ oritur ex differentia magnitudinis partium, quemadmodum (ut videtur) pulvis adamantinus fluidus dici poſſit. Ego verò Fluorem intelligo à natura factum, in omni ſimul fluidi parte non ut fluit pulvis, ſic enim ruitura domus fluida appellaretur, ſed ita ut videtur diſſuere aqua in partes perpetuo fluidas. Hoc intellecto, venio ad Hypotheſes.

5. Suppono ergo primo loco ſpatium immenſum quem vocamus mundum, aggregatum eſſe ex corporibus conſiſtentibus quidem & viſibilibus, Terra & Altris ; inviſibilibus autem minutiffimis atomis quæ per terræ & aſtrorum intervalla diſſeminantur, & denique ex fluidiſſimo æthere, locum omnem quicunque eſt in univerſo reliquum ita occupante, ut locus nullus relinquatur vacuus.

Secundo ſuppono, cum Copernico, corpora mundi majora & conſiſtentia, eademque permanentia ſuum habere inter ſe ordinem, ut ſit primus Sol, ſecundus Mercurius, tertia Venus, quarta (cum ipſam circumeunte Lunâ) Tellus, quintus Mars, ſextus (cum ſatellitio ſuo) Iupiter, ſeptimus Saturnus, deinde, in diverſis à ſole diſtantiis ſtellæ fixæ.

Tertiò, Suppono non modo Soli, ſed etiam Terræ, & Planetis ſingulis ineſſe & ſemper inſuiſſe motum circularem ſimplicem ipſorum naturis cœvum.

Quartò, ſuppono corpora aliqua eſſe interſperſa corpori æthereo, non fluida, ſed adeo parva ut ſentiri non poſſint, & ea quoque mota motu proprio ſimplice, & eſſe alia minus, alia magis dura ſive conſiſtentia.

Quintò, Suppono cum Keplero, eſſe ut diſtantia Solis à Terra, ad diſtantiam Lunæ à Terra, ita diſtantiam Lunæ à Terra, ad Terræ ſemidiametrum.

Quod autem ad magnitudinem circuloꝝ, & tempora in quibus à
E e e e 2 cor-

corporibus quæ in ipsis sunt describuntur, ea supponam quæ ipsis Phænomenis de quibus erit quæstio maxime videbuntur convenire.

6. Causas diversarum Anni Tempestatum, omnisque dierum noctiumque varietatis per totam Telluris superficiem, ex supposita diurna Terræ revolutione circa axem proprium, unâ cum ejusdem motu annuo per Eclipticam in signorum consequentia circa Solem, & tertio ejusdem Telluris annuo, super centrum proprium revolutione in antecedentia, demonstravit post Copernicum, Keplerus, Galileus, aliique. Supponimus nos cum Copernico revolutionem diurnam à motu Terræ esse quo describitur circa Terram circulus Æquinoctialis. Motus autem duo cæteri uterque annuus, efficiunt ut Terra in Ecliptica ita circumferatur, ut axis terræ semper sibi teneatur parallelus; qui parallelismus ob eam rem introductus est, ne ex Telluris revolutione annua, etiam Poli ejus necessariò (contra experientiam) circa Solem circumferri viderentur. Nos autem ex supposito motu Solis circulari simplici, fore demonstravimus, capite 21. artic. 10. ut Terra ita moveatur circa Solem, ut axis ejus semper sibi teneatur parallelus. Ex duobus igitur suppositis in sole motibus altero circulari simplici, altero circulari circa centrum proprium, demonstrari possunt eadem anni dierumque & noctium varietates quæ à Copernico demonstratæ sunt. Etenim si (in figura tertia) circulus $abcd$ sit Ecliptica, cujus Centrum e , Diameter aec , Terra in a . Sol autem moveatur in circello $fgbh$, nempe per f, g, h, i , demonstratum est quod corpus positum in a , movebitur eodem ordine per puncta Eclipticæ a, b, c, d , axemque suum semper sibi tenebit parallelum.

Quod si (ut supposuimus) etiam Terra moveretur motu circulari simplici in plano per a , secante planum Eclipticæ, ita ut communis sectio utriusque plani sit in ac ; etiam sic Telluris axis tenebitur semper sibi parallelus. Moveatur enim terræ centrum in circumferentia Epicycli, cujus diameter lak , pars rectæ lac . Ejus ergo Epicycli diameter lak , transiens per centrum terræ erit in plano Eclipticæ. Quoniam ergo tum in motu Telluris simplici per Eclipticam tum per Epicyclum recta lak , semper tenetur sibi parallela; etiam quælibet alia recta in corpore Telluris sumpta, & proinde axis ejus semper tenebitur sibi parallelus. Itaque in qua parte cunque Eclipticæ reperietur centrum Epicycli, & in quacunque parte Epicycli eodem tempore reperiatur centrum terræ, axis terræ parallelus erit loco, ubi idem axis fuisset, si Terræ Centrum nunquam Eclipticam deseruisset.

Sicut autem ex supposito motu Solis simplici demonstravimus motum annuum Terræ simplicem, ita ex supposito motu simplici Terræ demonstrari potest motus menstruus Lunæ simplex. Erit enim, mutatis nominibus

minibus eadem omnino, ideoque non repetenda demonstratio.

7. Suppositionem hanc latæonis Solaris (in epicyclo *fgh i*) simplicis, verisimilem in primis facit quod Planetarum omnium Periodi non modo circa solem, sed etiam ita circa solem describantur, ut contingantur omnes intra Zodiacum, id est, intra latitudinem graduum circiter 16; nam hoc ut fiat in causa videtur virtus aliqua in ipso sole, & potissimum in ea quæ Zodiacum spectat solis parte. Secundò, quod in toto cœlorum ambitu, quod talis Phænomeni probabiliter accusari potest aliud corpus nullum appareat. Deinde quod tot & tam varii motus Planetarum nullam haberent alius ab alio derivationem, in animum inducere non poteram. Posita autem in Sole virtute motrice, ponitur & motus; nam virtus motrix præter motum nulla est.

Supposui ergo tam in Sole ad regendos Planetas primarios, quam in Tellure ad regendam Lunam talem motum qualem Planetæ primarii, & Luna recipientes, ita ut apparent, apparere debeant necessario. Huic autem rei motus ille circularis circa axem manentem, quæ conversio dicitur, & qui totius corporis motus non est, sed partium, idoneus non est. Cùm enim quod sic moveretur nullum ad partes extra circulum positas conatum habeat, nullo modo ad corpora extra circulum posita conatum propagabunt. Illi verò qui fieri hoc supponunt per vim magneticam, vel per species incorporeas, seu immateriatas, causam Physicam non supponunt, immo verò nil supponunt, quia movens incorporeum nullum est; & vis magnetica quæ sit ignoratur, & quando erit cognita, inveniatur esse motus corporis. Restat ergo ut Planetæ primarii, si à Sole circumferantur, & Luna, si à Terra, circulationis causas habeant Solis & Terræ motus circulares simplices. Sin non à Sole & Terra circumferantur, sed Planeta suum quisque corporei cœvum motum habeat, causa eorum motuum Physica nulla erit. Nam vel corporibus suis concreati sunt, itaque causam habent supernaturalem; vel cœterni, & sic omnino causam habent nullam. Æterni enim generatio nulla est. Accedit præterea ad motus hujus simplicis probabilitatem confirmandam, quod cùm omnes ferè docti opinioni Copernicanæ circa parallelismos axis Telluris hodiè suffragentur, verisimilius, aut saltem concinnius id fieri videbatur per motum circularem simplicem quam per duos motus, alterum in Ecliptica, alterum circa axem terræ proprium priori contrarium, neutrum autem simplicem, neutrum talem ut à motu ullo Solis produci posset. Hanc igitur motus simplicis hypothesin visum est retinere; & quorum Phænomenon causas ab illo derivare possem, eas derivare, cætera quæ inde deducere non possem, non attingere.

Obijcietur fortasse, quod etsi per hypothesin talem, parallelismi axis

Ecc 3

Terræ

Terræ aliarumque multarum rerum apparentium ratio reddi possit, cum tamen id fiat per collocationem corporis solaris in centro orbis quem describit Terra motu annuo, ipsa hypothesis falsa est, cum orbis annuus Soli sit Excentricus. Videamus ergo primo loco quæ sit & unde oriatur illa Excentricitas.

8. Sit ergo (in eadem figura tertia) circulus Terræ annuus *abcd* divisus quadrifariam à rectis *ac*, *bd*, secantibus se mutuo in centro *e*. Sitque *a* initium Libræ, *b* Capricorni, *c* Arietis, *d* Cancri. Intelligaturque cum Copernico totum orbem *abcd* tantum distare undequaque à Signifero Fixarum, ut sit totus respectu distantie tantæ instar Puncti. Supponatur jam Terram esse in initio Libræ ad *a*, videbitur ergo Sol in initio Arietis ad *c*. Mota ergo Terra ab *a* ad *b*, videbitur Sol moveri à *c* ad initium Cancri in *d*, & promota Terra à *b* ad *c*, videbitur Sol promotus esse ad initium Libræ in *a*. Est ergo *cda* arcus æstivus, *abc* hybernus. Dum autem videtur sol morari in arcu æstivo fiunt dies 186½, totidem ergo conversiones diurnæ fiunt à Terra in arcu *abc*; quare eadem Terra dum percurrit arcum *cba* faciet diurnas conversiones tantum 178½. Major ergo debet esse arcus *abc* arcu *cda* diebus 8½, id est, gradibus ferè totidem: sit *ar* arcus graduum 2½, & arcus *cs* totidem. Major ergo est arcus *rbs* semicirculo *abc* gradibus 4½; idemque major arcu *sdr* gradibus 8½; quare in punctis *r* & *s* contingunt Æquinoctia. Quando ergo Terra est in *r*, videbitur Sol in *s*, erit ergo Solis locus verus in *r*, id est, extra centrum Orbitæ Telluris tantum quantus est sinus arcus *ar*, id est, sinus grad. 2. min. 16. is autem sinusposito Radio 100000, erit earum partium 3580 propè; tanta ergo est Orbitæ Telluris Excentricitas, si modo Terræ orbita sit circulus; & puncta Æquinoctiorum sunt *s* & *r*: Et rectæ *sr*, *ca*, protractæ utrinque usque ad signiferum fixarum incident in easdem fixas, propterea quod totus orbis *abcd* respectu distantie fixarum nullam supponitur habere magnitudinem.

Restat jam ut supposito sole in *r*, ostendam causam quare Terra quando motu annuo invenitur in *d*, propior soli est quam quando est in *b*; quam causam arbitror esse hanc. Existente Terra in initio Capricorni ad *b* apparet Sol in initio Cancri ad *d*. Est ergo eo tempore media æstas; at media æstate Soli obvertitur Telluris pars borealis, in qua maxima pars est arida continens Europam totam & multo maximam partem Asiæ & Americæ. Quando verò Terra est in initio Cancri ad *d* fit media Hyems, & obvertitur soli terræ pars ea quæ continet magna maria Australe & Indicum, quæ multo majora sunt quam qui sunt in eodem Hemisphærio tractus terræ aridæ. Quare (per cap. 21. art. ult.) terra in *d* accedet

cedet ad primum Movens, id est, ad solem qui est in *r*. Proptior ergo est Terra soli existens in *d*, id est, media hyeme, quam existens in *b*, id est, tempore æstivo. Est igitur sol tempore hyberno Perigæus, tempore æstivo Apogæus. Ostendimus ergo Excentricitatis Terræ causam possibilem. Quod erat faciendum.

Consentio ergo *Keplero*, in eo quod ille Excentricitatem Terræ, alicui ipsius Terræ partium differentię attribuit; quarum partium alteram soli amicam, alteram supponit inimicam. In eo autem dissentio quod hoc fieri ille putat per Virtutem Magneticam. Virtutem autem magneticam illam sive attractionem & abactionem terræ fieri arbitretur per species immateriatas. Hoc autem fieri non potest, propterea quod nihil movet nisi corpus motum & contiguum. Nam si corpori quiescenti contigua corpora non moveantur, ipsum desinere quiescere incogitabile est: Quod & demonstratum est, cap. 9. art. 7. & alias supra sæpius inculcatum, eo fine ut velint tandem Philosophi connexionem hujusmodi vocabulorum ἀδανόντων, uti desinere. In eo etiam ab illo dissentio, quod corporum mutue attractionis causam esse dicat ipsorum Corporum cognationem: Nam si hoc esset, non video quare Ovum ab Ovo non attraheretur. Si qua ergo inter Solem & partem terræ unam quam aliam major intercedat amicitia, consistet ea in eo quod altera pars aquea, altera arida sit; ex quo contingit (ut modo demonstratum est) magis accedere terram ad solem quando à sole illuminatur pars aquea, quam quando arida.

9. Facit hæc telluris excentricitas ut orbita ejus annua perfectus circulus non sit, sed linea vel elliptica vel certè ferè elliptica; neque Axem Terræ teneri semper sibi exactè parallelum, sed in punctis tantum Æquinoctialibus.

Quoniam autem ut terram à sole, ita lunam à terra circumferri dicimus, terra autem ita circuit solem, ut modo unum, modo alterum sui Hemisphærium soli ostendat, quærenda causa est quare Lunæ facies terræ obvertitur semper eadem.

Sit ergo (in figura quarta) circellus in quo movetur sol motu simplice *fghi*, cujus centrum *r*, sitque terræ orbita annua *γδζη*, & *a* initium Libræ. Circa punctum *a* describatur circellus *lk*, in quo intelligatur moveri centrum terræ motu simplice, & utrumque solem & terram moveri secundum signorum ordinem. Centro *a* describatur orbita lunæ *mno*p; sitque *qr* diameter circuli secantis globum Lunæ in dup Hemisphæria, quorum alterum à nobis conspicitur in plenilunio, alterum à nobis avertitur; erit igitur diameter Lunæ *qor*, rectæ *ra* perpendicularis. Fertur ergo Luna propter motum Terræ ab *o*, versus *p*, sed eodem tempore si esset in *p* ferretur (propter motum solis) à *p* versus *o*. Itaque à duobus

duobus in contraria moventibus rotabitur recta qr , & in quadrante quidem circuli mno , tantum quanta est rotationis integræ pars quarta; Existente ergo Luna in p , erit qr parallela rectæ mo . Secundò, propter motum terræ, quando Luna est in m , erit qr in ipsa mo ; accedente ergo motu solis agente per quadrantem pm , conversa erit qr , tantum quanta est alia quarta pars conversionis totius. Existente ergo luna in m , erit qr rectæ om perpendicularis. Eadem ratione Luna existente in n , erit qr rectæ mo parallela; & redeunte Luna ad o redibit qr ad locum primò sumptum, & corpus lunæ in una periodo faciet unam quodque conversionem super axem proprium; quo factò manifestum est eandem semper lunæ faciem obverti Terræ. Quod si qm esset diameter circelli in quo ferretur luna motu simplice, idem tamen sequeretur; nam sine actione solis diameter quælibet Lunæ ferretur semper sibi parallela. Reddidimus ergo causam possibilem quare telluri eadem semper obvertitur Lunæ facies.

Notandum autem est quod non eandem præcisè faciem semper videmus, tunc quando Luna est extra Eclipticam; propterea quod nil videmus nisi illuminatum; sed pars illuminata & pars nobis obversa extra Eclipticam nunquam est exactè eadem.

10. Ad tres motus simplices, unum Solis, alterum Lunæ, tertium Terræ in circellis propriis $fgbi$, lk , & qr , una cum conversione terræ diurna, (qua conversione necessariò circumferuntur omnia ea quæ superficiei ejus innituntur) referri possunt Phænomena circa Oceani Æstus tria. Quorum primum est, Elevationis & Depressio aquarum ad litora alternationes duæ in spatio 24 horarum & minorum ferè 52. æque per omne ævum constantes. Secundum, quod in Noviluniis & Pleniluniis elevationes aquæ fiunt quam intermedio tempore majores. Tertium, quod existente Sole in Æquinoctiali augeantur adhuc amplius. Ad quæ Phænomena salvanda habemus jam quatuor motus antè memoratos. Assumendum autem est, quod pars Terræ quam dicunt Americam aquis exerta, & à Septentrione in Austrum per totum ferè semicirculum extensa aquarum motui objiciatur. His datis,

Sit (in eadem figura quarta) ubi $lbke$ supponitur esse in plano orbitæ motus lunaris menstrui, descriptus eodem centro a circellus $ldke$ in plano Æquinoctialis. Is ergo circellus declinabit à circello $lbke$ in angulo graduum ferè $28\frac{1}{2}$, (nam declinatio maxima Eclipticæ est gr. $23\frac{1}{2}$ cui additi gr. 5. pro maxima ab Ecliptica declinatione lunæ, fiunt grad. $28\frac{1}{2}$.) Quoniam jam moventur aquæ quæ sunt subter orbitam lunæ una cum terra, id est, cum fluo aequatum, propter motum terræ simplicem in plano orbitæ lunaris, motum fundi neque antevertentes, neque ab eo præ-

ventæ;

ventæ; accedente motu diurno, quo aquæ aliæ quæ sunt subter Æquinoctialem moventur eodem ordine, & secantibus se mutuo orbita lunari, & Æquinoctiali, aquæ ambæ tam quæ sunt sub orbitam Lunæ, quam quæ sunt sub Æquinoctialem, concurrent sub Æquinoctialem, & proinde non modo motus eorum motum fundi antevertet, sed & aquæ elevatiores erunt, quoties terra est in Æquinoctiali. Quæcunque ergo æstuum causa alia sit, tamen ab hac causa iidem tunc temporis augebuntur.

Rursus quoniam supposuimus lunam circumferri à motu terræ simplice in circello *lbkc*, & demonstratum est cap. 21, art. 4. ea quæ moventur à moto re motu simplice moto, moveri omnia eadem velocitate, centrum Terræ eadem teretur velocitate in circumferentia *lbkc* qua fertur luna in circumferentia *mno*. Tempus ergo circumlationis lunæ in *mno*, est ad tempus circumlationis terræ in *lbkc*, ut ipsa circumferentia *mno* ad circumferentiam *lbkc*, id est, ut 40 ad 1. Sed 40 observata est esse ad semidiametrum corporis terræ, ut 59 ad 1. Faciet ergo terra (si semidiameter terræ statuatur *ak*) circuitus 59 in *lbkc*, dum luna facit circuitum unum, nempe menstruum in *mno*. Facit autem luna circuitum menstruum in diebus 29 paulo amplius. Quare terra faciet circuitum per circumferentiam *lbkc* in horis 12 paulo amplius, nempe min. ferè 26, id est, circuitus faciet duos in horis 24, minutis ferè 52. Tantum autem observatum est esse ab æstu summo ad æstum summum diei sequentis. Objecta ergo aquarum cursui pars Americæ Australis faciet interrumpi earum motum ad litora Americæ Australis, & per consequens, in illis locis elevari aquas, & rursus propria gravitate residere, bis in spatio 24 horarum & minorum 52. Reddidimus ergo causam possibilem reciprocationis Oceani diurnæ. A tumore Oceani in illis terræ partibus, nascuntur maris Atlantici, Hispanici, Britannici, & Germanici accessus & recessus maris statim quidem, sed pro varietate litorum in diversis diei horis; & aliquanto etiam aucti, propter objecta litora Sinenfium & Tartarorum, ubi surgentis aquæ pars divertitur per fretum Anian in mare Septentrionale, redundatque in mare Germanicum à parte Boreali.

Causa autem quare maximè tumescit mare in Noviluniis & in Pleniluniis, est motus ille quem sibi proprium & simplicem etiam lunæ ab initio ex hypothesi attribuimus. Cujus motus in Sole & Luna Poli sunt iidem cum Polis Æquinoctialibus. Quo supposito, sequitur (quoniam Sol, Luna & Terra in omnibus Noviluniis & Pleniluniis sunt in eadem (ferè,) recta linea) ut motus hic Terræ velocior fiat in Noviluniis & Pleniluniis quam in Quadrantibus. Nam motus hic Solis & Lunæ communicatus Terræ motum illius similem necessariò auget, maximè tamen cum sunt in eadem linea recta; id quod contingit in Noviluniis & Pleniluniis Solis.

Elem. Philos.

F f f f

11. Ad

17. Ad causam explicandam Præcessionis annuæ punctorum Æquinoctialium meminisse oportet ostensum esse Telluris orbitam annuam non esse circumferentiam circuli, sed Ellipseos, vel ab Ellipsi insensibiliter differentis; ea igitur imprimis delineanda est.

Itaque (in figura quâ descripta sit Ecliptica $\propto \Psi \Upsilon$ à duobus rectis ab , $\Psi \propto$ sese mutuo secantibus in centro c secta quadrifariam. Sumptoque arcu bd grad. 2. min. 16. ducatur recta de ipsi ab parallela secans $\Psi \propto$ in f , eritque terræ excentricitas cf . Quoniam ergo telluris orbita est circumferentia Ellipseos, & $\Psi \propto$ axis ejus major, non erit ab axis minor, cum ab , $\Psi \propto$ sint inter se æquales. Aut ergo terra transiens per a & b , transibit supra Ψ , ut in g , aut transiens per \propto , cadet inter c & a . Utrumvis autem statuatur nihil refert. Transeat ergo Terra per g , & sumatur gl æqualis rectæ $\Psi \propto$, divisâque gl bifaria in i , erit gi æqualis Ψf , & il æqualis $f \propto$, & proinde punctum i secabit excentricitatem cf bifariam. Et sumpta ih æquali if erit tota excentricitas hi . Ducatur per i recta quæ sit rectis ab , cd parallela, nempe $\propto i \Upsilon$, eritque via solis æstiva $\propto g \Upsilon$ major itinere hyberno gradibus $8\frac{1}{2}$; vera ergo Æquinoctia sunt in recta $\propto i \Upsilon$. Ellipsis ergo motus annui non tranlit per a , g , b , l , sed per \propto , g , Υ , l . Ea ergo est telluris orbita annua, nec (salva excentricitate) ulla alia. Atque hæc forte ratio est, quare *Keplerus* contra sententiam omnium ante se Astronomorum excentricitatem telluris, sive (secundum veteres) solis, bifecandam esse existimavit, non tamen diminuta quantitate excentricitatis, quæ tanta habenda est quantam eam prodit esse arcuum æstivi & hyberni differentia; sed sumendo centrum Eclipticæ magni orbis c propius ad f , arque adeo totum orbem magnum propiorem faciendo ad Eclipticam fixarum versus \propto tanto, quanta est recta ci . Nam cum totus orbis magnus sit instar puncti ad immanem distantiam fixarum, tam recta $\propto \Upsilon$ quam recta ab in eadem puncta incident Sphæræ fixarum, nimirum productæ hinc ad initium Arietis, inde ad initium Libræ. His positis, sit terræ diameter mn in plano suæ orbitæ. Ea, si terra moveretur in circulo Eclipticæ à motu solis simplice circa centrum i , teneretur sibi quæ & rectæ gl semper parallela; quare nunc cum feratur per circumferentiam Ellipseos extra Eclipticam, punctum n in toto itinere per $\propto \Psi \Upsilon$ procedet in minore circulo, quam punctum m , & proinde parallelismum cum recta $\Psi \propto$ statim ut incipit moveri, amittet, ita ut mn producta rectam gl productam tandem secatura sit. Et vice versa, statim ac mn præterierit Υ , eadem mn (ambulante terrâ in Elliptica linea interna Υ / \propto) producta

ducta ad partes *m* rectam *lg* productam secatura sit. Cumque terra totam ferè orbitam transierit, faciet rursus *mn* cum recta à centro *i* angulum rectum, paulò citra locum unde moveri cœpit. Ibi ergo proximo anno erit \simeq punctum æquinoctiale unum, nimirum prope finem *np*, alterum ex adverso erit sub finem *h*. Atque ita quotannis relabuntur puncta in quibus dies noctesque fiunt æquales. Est autem motus ille tardus, quippe quod anno integro relapsus sit solummodo minorum primorum $\frac{5}{11}$. qui relapsus, cum fiat contra ordinem signorum, appellari solet Præcessio Æquinoctiorum, cujus causam ex antè suppositis reddidimus possibilem: quod erat faciendum.

Iuxta ea quæ diximus supra de causa excentricitatis terræ; item juxta *Keplerum*, qui pro causa excentricitatis supponit partem terræ alteram Soli amicam, alteram inimicam, oporteret Apogæum & Perigæum solis eodem ordine & eadem velocitate quotannis moveri, quo moventur puncta Æquinoctialia, & ab iis distare semper quadrante circuli: Hoc autem fieri non videtur, cum dicant Astronomi æquinoctia recessisse jam, alterum 28 gradus à prima stella Arietis, alterum tantundem ab initio Libræ; quare Apogæum Solis, sive terræ Aphelium deberet esse in grad. 28. Cancr. Putatur tamen esse in gr. 7. Cujus rei causa esse potest, quod Sol cum longissime distat à Terra, id est cum est in Apogæo, Terram minus fortiter movet, unde sit ut dies naturales longiores sint Æstate quam Hieme. Quoniam ergo Astronomi Solis Apogæum investigant per numerum dierum & horarum, quasi per totum Annum æqualium, falli potuerunt, & Apfides putare plus distare à punctis Æquinoctialibus quam Quadrante Circuli, quanquam fieri id videtur non posse; cum motus Absidum sequatur necessario puncta Æquinoctialia.

Similiter, Excentricitatum Saturni, Iovis, Martis, Mercurii causas non attingo. Cum tamen excentricitas terræ oriri possit, ut ostendimus, à dissimili natura facierum Terræ Soli alternatim observatum, credibile est dissimiles quoque esse illis facies, quibus similes in ipsis effectus producantur.

Atque hæc dicta sint de Physica Sydereâ, quorum Phænomena etsi non oriantur à causis quæ supposui, eas tamen suppositas ad talia Phænomena producenda idoneas esse demonstravimus, ut erat ab initio positum.

C A P U T XXVII.

De Luce, Calore, & Coloribus.

1. De immensa magnitudine quorundam corporum, & aliorum ineffabili parvitate.

- rate. 2. De causa lucis Solaris. 3. Quomodo Lux calefacit. 4. Generatio ignis à sole. 5. Generatio Ignis à collisione. 6. Causa lucis in candelis, in ligno putri, in calce Bononiensi. 7. Causa lucis in concussione aque maris. 8. Causa flammæ, Scintille, Colligationis. 9. Causa quare Fœnum madidum aliquando sua sponte accenditur; item causa fulguris. 10. Causa virium Pulveris tormentarii; quidque carboni, quid sulphuri, quid nuro tribuendum sit. 11. Calor quomodo sit ex affricu. 12. Distinctio Lucis in primam, secundam, &c. 13. Colorum Rubri, Flavi, Cærulei, Violacei per Prisma spectatorum cause. 14. Quare Luna & Stelle apparent in Horizonte rubicundiores, & majores quam in medio Cælo. 15. Causa Albedinis. 16. Causa Nigredinis.

I. **P**RÆTER Astra, de quorum motu modo dictum est, quæcunque in universo corpora reliqua sunt uno nomine *Interfideralium* comprehendi possunt. Sunt autem ea (ex hypothesi) vel æther fluidissimus, vel corpora quorum partes cohesionem habent aliquam. Ea autem inter se differunt, *Consistentiis*, *Magnitudinibus*, *Moribus*, & *Figuris*. Et consistentia quidem suppono alia duriora, alia molliora esse per omnes tenacitatis gradus. Magnitudinæ item alia majora, alia minora, pleraque autem ineffabiliter exigua. Meminerimus enim quantitatem intellectu quidem divisibilem esse in semper divisibilia, ideoque si homo quantum intellectu, tantum & manu posset, eundem à qualibet data magnitudine partem qualibet magnitudine datâ minorem auferre valiturum esse. At vero Universi conditor omnipotens, in quantum nos rem quamlibet divisibilem esse intelligimus, in tantum partem ejus à parte actû avellere potest. Nulla ergo corporis exiguitas impossibilis est. Quid autem est quod impedit ne idem sit etiam verisimile? Esse enim animalcula quædam scimus adeo exigua, ut cerni vix possint tota; habere tamen & ipsa suos Embryones, suas venulas, aliaque vascula, suosque ocellos nullo Microscopio perceptibiles, adeo ut nullam magnitudinem supponere tam exiguam valeamus; quin & natura ipsa suppositio nostra superetur. Accedit quod Microscopia hodie vulgo fiunt talia, ut res per ea spectatæ plus quam centies millies majores appareant, quam oculo inermi viderentur. Neque dubitari potest, quin auctâ potentiâ Microscopii (nam augeri potest quousque non deficit materia manusque Artificum) quælibet illarum partium centum millesimarum major adhuc quam antè apparerent centies millies. Neque magis est mirabilis aliquorum corporum exiguitas quam aliorum ingens magnitudo. Ejusdem enim infinitæ potentiæ est infinitè augere & infinitè minuere. Facere ut orbis magnus, nempe cujus radius extenditur à terra ad solem sit instar puncti ad distantiam solis ad stellas fixas; & contrâ facere corpus tam exiguum, ut eadem proportionem minus sit quam quodlibet visibile ejusdem est Naturæ Authoris. Idud autem
de

de immensa fixarum distantia quod longo tempore pro incredibili habebatur, nunc credunt docti ferè omnes. Quid ni ergo illud alterum de quorundam corporum parvitate credibile futurum est aliquando? Erenim in parvis & magnis majestas divina eadem est; utque in magnitudine Universi, ita in exilitate partium ejus sensus humanos æquè superat. Siquidem in compositionibus elementa prima, in actionibus primæ aggressiones; in temporibus prima momenta, non minus credibilia sunt quam ea quæ nunc creduntur de distantia fixarum. Agnoscunt mortales magna esse quædam, etsi finita, ut quæ vident ita esse; agnoscunt item infinitam esse posse magnitudinem eorum quæ non vident; medium verò esse inter infinitum, & eorum quæ vident cogitantæ maximum, non statim, nec nisi multa eruditione persuadentur. Sed cum post meditationem & contemplationem multa hujusmodi dictu mirabilia familiariora fiunt, tunc credentes, admirationem transferimus ab Operibus ad Opificem. Sed quantumtuncque corpora aliqua esse possint, nos eorum quantitatem non minorem supponemus, quam Phænomena ipsa postulabunt. Similiter statuemus de eorum motu, velocitate, inquam, & tarditate, & de varietate figurarum, nimirum, tantas eas supponemus quantas exiger causarum naturalium explicatio. Denique in partibus puri ætheris (tanquam in materia prima) motum præter illum quem habet ab innatantibus sibi corporibus non liquetis, suppono esse nullum.

2. His suppositis accedamus ad causarum dictiones; & inquiremus primo loco causam lucis Solaris. Quoniam ergo corpus solare motu simplice circulari circumstantem ætheream substantiam modo ad unam modo ad aliam partem à se rejicit, ita ut quæ partes proximæ Soli sunt motæ ab ipso Sole, proximè remotiores rursus urgeant, necesse est ut in quacunque distantia positi oculi prematur tandem pars anterior, & ea parte pressa propagetur motus ad intimam organi Visorii partem Cor. A motu autem cordis reagentis oritur per eandem retro viam conatus definens in conatu (versus exteriora) tunicæ quæ vocatur Retina. Sed conatus iste ad exteriora (ut supra, cap. 25. definitum est) illud ipsum est quod vocatur Lumen sive Phantasma Lucidi; nam propter hoc Phantasma est, quod objectum vocatur lucidum. Habemus ergo lucis Solaris causam possibilem; quam suscepimus invenire.

3. Lucis Solaris generationem comitatur generatio Caloris. Calorem autem in se ipso quidem unusquisque dum calefcit sentiendo cognoscit; in aliis autem rebus per ratiocinationem. Aliud enim est calefcere, aliud calefacere. Itaque ignem vel solem calefacere deprehendimus, quod caleat non deprehendimus. Quod quidem animalia dum calefaciunt calent, ex similitudine nostri ratiocinando inferimus, sed non necessario.

F f f f 3

Nam

Nam etsi rectè dicatur *Animal calefacit, ergo calet*, non ideo rectè inferatur, *ignis calefacit, ergo calet*. Qui magis enim *quam ignis dolere facit, ergo doler*? Calidum ergo id propriè & solum dicendum est, quod sentientes nos calescimus, & necessario.


Calefcentes autem comperimus spiritus, sanguinem & quicquid in corporibus nostris fluidum est ab interioribus partibus ad exteriora pro gradu caloris magis minusve evocari, cutemque intumescere. Itaque siquis evocationis, tumescentiæque hujus-causam possibilem reddiderit, cæterisque caloris Phænomenis consentaneam, is caloris solaris causam reddidisse censendus est.

Ostensum est, cap. 21, art. 5. ita commoveri à motu solis circulari simplice medium fluidum, quem vocamus aërem, ut omnes ejus partes usque ad minimas loca sua inter se perpetuo commutent; quam locorum mutationem nominavimus fermentationem. Ex ea fermentatione aëris fieri posse elevationem aquæ in nubes, capite præcedente art. 8, demonstravimus. Simili modo è corporibus nostris partes fluidas ab internis ad externa educi posse ab eadem fermentatione ostendemus nunc. Quoniam enim ubi medium liquidum corpori cujuslibet animalis contiguum est, ibi partes ejus medii mutatis locis perpetuo à se invicem avelluntur, necesse est ut partes animalis medio contiguæ, in diremptarum partium intervalla cogentur ingredi. Alioqui diremptis (cum suppositum sit non dari locum vacuum) locus esset nullus. Id ergo quod in partibus animalis medio contiguus est maxime fluidum & separabile egredietur primò; Deinde egressi locum subeunt partes illæ quæ per cutis poros maxime sunt transpirabiles. Cæteras ergo partes quæ non divelluntur, necessarium est ita tota moveri mole, ut loca omnia compleantur. Id quia fieri à tota simul mole, nisi partes circumstantis discessurientisque aëris comprimente non potest, aër à tota mole comprimitur; moles ergo corporis tota simul ea via conans intumescit. Causa ergo caloris à sole reddita est possibilis: Quod erat faciendum.

4. Vidimus jam quomodo lux, & quomodo calor generatur. Calor quidem ex eo quod in motu medii simplice partes cum partibus loca commutent. Lux autem ex eo quod in eodem motu simplice propagetur actio per lineam rectam. Quando vero subjectum aliquod talem in se motum partium habet, ut sensibiliter calefaciat, & simul luceat, tunc est quod generari Ignem dicimus. Per Ignem autem intelligimus non corpus aliquod à materia combustibili, vel candescente, puta ligno, ferrove distinctum; sed ipsam materiam, non quidem simpliciter & semper, sed tunc quando & splendet & calefacit. Quisquis ergo causam reddiderit possibilem, cæterisque Phænomenis consentaneam cur & qua actione
utrum-



AD Cap XXVII



utrumque simul fiat, *splendere & calefcere*, is generationem *Ignis* possibilem explicasse cenferi debet.

Sic ergo (in figura prima) Sphæra vel portio Sphæræ A B C, cujus centrum D : sitque ea pellucida & homogœnea, ut cryſtallina, vitrea, aquea ſoli objecta. Pars ergo anterior A B C, à radiis ſolaribus, id eſt, à motu ſolis ſimplice quo medium ante ſe propellit urgebitur in rectis E A, F B, G C, quæ rectæ reſpectu magnæ à ſolis diſtantiæ haberi poſſunt pro parallelis. Quoniam autem denſius eſt medium intra Sphæram quam extra, refringentur verſus perpendicularares. Producantur rectæ E A, G C donec ſecent Sphæram in H & I, ductisque perpendicularibus A D, C D, neceſſe eſt radios E A, G C, reſractos cadere, alterum quidem inter A H, A D, alterum verò inter C I, C D. Sint illi radii reſracti A K, C L. Ruſus ductis ad Sphæram perpendicularibus D K M, D L N, & productis A K, C L ad occurſum rectæ B D productæ in O, quoniam medium intra Sphæram denſius eſt quam extra, A K reſracta longius recedet à perpendiculari K M quam ab eadem recedit K O, cadet ergo K O inter reſractam & perpendicularem. Sit ergo reſracta K P, ſecans F O in P. Erit autem propter eandem cauſam reſracta rectæ C L, recta L P. Cum ergo radii nihil aliud ſunt quam viæ motuum propagatorum, tanto vehementior erit motus circa P, quam circa A B C, quanto baſis portionis A B C, major eſt baſe ſimilis portionis in Sphæra cujus centrum eſt P, magnitudo tanta quantam habet circellus circa P, comprehendens omnes radios ab ipſa A B C propagatos, quæ quidem ſphæra multo minor eſt quam ſphæra A B C. Multo ergo celerius partes medii, id eſt, aëris circa P, loca inter ſe commutabunt quam circa A B C. Poſita ergo in P materia combuſtibili, id eſt, diſſipabili; partes ejus (ſi modo ſatis magnam faciamus rationem A C, ad ſimilem portionem circelli circa P) liberabuntur à cohæſione mutua, motumque ſuum ſimplicem recipient diſſilientes. Sed motus ſimplex vehemens generat in aſpiciente Phantaſma Lucidi & Calidi, ut modo demonſtratum eſt de motu ſolis ſimplice. Erit ergo materia combuſtibilis poſita in P, facta lucida & calida, id eſt, *Ignis*. Exhibuimus ergo cauſam ignis poſſibilem; quod erat faciendum.

5. A modo quo ſol ignem generat, facile eſt explicare modum quo generari poteſt ignis à collisione duorum Silicum. Nam ab ipſa collisione lapidis particulæ aliquæ ex iis quæ ipſum coactæ conſtituunt violentia magna effraguntur; eæ autem vertigine concepta exilientes oculum movent, ut in generatione lucis à ſole. Collucent ergo, & in materiam jam ante ſemidiſſipatam, qualis eſt fomes ex combuſto linteo, partes illius diſſipant, & excutiant cum vertigine; inde autem, ut ante eſt oſtenſum, lux & calor, id eſt, ignis generatur.

6. Quod

6. Quod luceant cicendela, ligna quædam putria, & calcis quædam species Bononiæ temperata, communis causa esse potest expositio ad ferventem solem. De calce illa experientia constat quod non lucet nisi ita exposita; exposita autem lucet parvo tempore, id est, donec satis calet. Causa esse potest, quod partes ex quibus concreverat facile suscipiant unâ cum calore motum simplicem à sole impressum. Quo factò necesse est ut translata in tenebras adhuc calefcentes, quam diu calor durat idoneus, tam diu luceat, post extingatur. Experimento item in cicendela compertum est, inesse humorem quendam lentum, similem humori Oculi CrySTALLINO; hunc etiam exemplum si quis digitis prehensum ferat satis longo tempore, & postea transferat in tenebras, lucebit tamen propter receptum à digitis teporem, sin refrixerit non lucebit. *Unde, nisi quod animalia illa ætatis tempore ferventissimo toto die apricentur? Eodem modo ligna putrida nisi putruerint ad solem, vel jam putrida satis longo tempore ad solem exposita fuerint non lucébunt. Quod autem non omni vermiculo, nec cuilibet ligno, nec omni calci contingit idem, in causa esse potest diversitas in motu & figura particularum ex quibus illa corpora concreverant, à particulis corporum specie ab illis differentium.

7. Lucet quoque mare salsum remis percussum, vel navigio fortiter sulcatum, magis tamen minusve pro Ventorum diversis plagis. Possibile enim est particulas Salis, etsi à sole in Salinis lentè admodum evocatæ non luceant, confertas tamen & magna vi ex assurgentibus undis in aërem excussas, conceptæ vertigine splendescere posse aliquantum. Causa ergo hujus Phænomeni reddita est possibilis.

8. Materia composita ex corpusculis duris si ignescat, necesse est, ut ex singulis confertim evolantibus oriatur major minorve Flamma. Nam si una evolat pars ætherea vel fluida, motus exeuntium fiet velocior, ut fit in lignis cæterisque inflammabilibus exeunte una vento. Exeuntes ergo particulæ duriores vehementius oculum moventes fortius lucebunt, & confertæ cum sint collucebunt. Cum ergo flamma nihil aliud sit quam collucentium corpusculorum aggregatum, oriatur flamma manifesta. Ostensa est ergo flammæ causa possibilis. Atque inde etiam manifesta apparet causa, quare vitrum quod (absque flatu) non sine vehementissimo igne, à flamma tenui candelæ, flatu oris adjuta colliquatur.

Quod si ab eadem materia pars aliqua majuscula (nimirum quæ ex pluribus particulis minutis sit composita) abrumpatur, fit Scintilla. Habet enim ab effractione vertiginem violentam unde lucet. Verum si à materia combustibili neque flamma exeat, neque Scintillæ, possunt tamen particulæ ejus aliquæ ad superficiem erebi, ut cinis, cujus partes ita sunt minutæ ut quousque natura dividendo progreditur dubitari ulterius non possit.

Postre-

Postremò ignescente materia, si parum aut nihil evolat, fiet tamen conatus partium aliquis ad motum simplicem, quo fiet totius corporis vel colliquatio, vel (qui colliquationis gradus est) emollitio. Habet enim omnis motus in omnem materiam (ut ostensum est, cap. 16. art. 3.) effectum aliquem. Siquidem autem adeo emolliantur corpora, ut contumacia eorum à propria gravitate superetur, tum plane colliquata; sin minus emollita, & sequacia & ductilia esse dicimus.

Rursus, si materia ignita habeat intus inter particulas duras, particulas alias inclusas æthereas aqueasve, fiet ut his per commutationem locorum evocatis, illæ ad contactum pleniorē sese accommodent, & proinde habeant se ad divulsionem contumacius, id est, totum fiat durius. Quæ causa esse potest, cur eodem igne alia liquefiunt, alia indurescunt.

9. Expertum est, si scenum madidum acervetur, fore ut post tempus aliquod, primo fumum tanquam *ἀνμύκτος* emittat, & deinde incendatur. Causa cujus rei potest esse hæc. Insunt in concluso aëre corpuscula illa mota ut supposuimus motu simplice, motum suum habentes liberum, sed qui descendente humore aqueo paulatim cohibetur; oppletisque aqua interstitiis, pars quidem ætherea penetrando aquam egreditur, at corpuscula illa non fluida confuduntur, ita ut sese mutuo contingentia motum acquirant vehementiorem, donec aucto valde motu pellitur ad externam primo pars aquea, unde apparet vapor, mox continuato motu ipsius fornī arefacti evolant particule illæ minutissimæ, receptaque vertigine naturali lucent calefaciuntque, id est, ignescunt.

Eadem & fulgurum causa esse potest. Accidunt enim tempore anni ferventissimo, quo tempore & plurimum aquæ & altissime elevatur. Post nubes primas elevatas, elevatæ aliæ aliæque & congelatæ veniunt interdum (aliis descendentibus, aliis surgentibus) ad congressum talem, ut in aliquibus locis coeant in unum, in aliis relinquunt spatia cava, in quæ spatia (ex concursu nubium partibus æthereis transpirantibus) corpuscula non fluida plura coguntur, quam pro ratione ætheris in quo motum suum libere exercere possunt. Itaque vehementius moventur, & modo hic modo illic nubes cum fragore disfringentes exeuptesque & magna vi aërem commoventes & oculos ferientes lumen generant, id est, lucent: Est autem Lux ea Fulgur.

10. Phenomenon ab igne cognitissimum, idemque admirabilissimum est vis incensū pulveris tormentarii. Qui pulvis cum à Nitro, Sulphure, & Carbōne tritis sit compositus, habet à carbone accensionem primam; à sulphure fomitem & flammulam, id est, lucem & motum; Quod deinde vehementissime splendeat erumpatque à nitro habet. Nitrum autem nondum contusum, si virò imponatur carboni, primo liquefcit, carbonem-

bonemque ea parte qua insidet, more aquæ extinguit. Mox egrediens à continiis nitri & carbonis vapor vel aër, veloci motu carbonem undequaque & vehementer diffilat. Inde fit per duos motus, alterum egredientium ex ignito carbone, alterum inclusæ ætheræ simul & aquosæ substantiæ particularum, inter se contrarios, ut sequatur motus & inflammatio vehementissima. Deinde, postquam nitrum agere ulterius cessat, (id est, quando id, quod in nitro volatile est evolaverit) invenitur ad latera substantia quædam alba, quæ in ignem rursus injecta, rursus candescet, sed non amplius nisi aucto igne dissipabitur. Si ergo causa hujus rei possibilis reperiatur, ea possibilis causa quoque erit quare granum pulveris tormentarii incensi tam vehementer expandatur, luceat, & moveatur. Causa autem ea hujusmodi esse potest.

Particulæ illæ quæ constituunt nitrum, supponantur esse, partim duræ, partim aqueæ, partim ætheræ. Et duræ quidem figuras habent sphæricæ cavas sicut bullulæ, ita ut multæ simul particulæ concretæ massam constituent cavernosam plenamque substantia aquea vel aërea, vel partim una, partim altera. Discussis ergo particulis duris, partes aqueæ & aëreæ necessario evolabunt; evolantes autem necessario carbonem ignitum mixtumque sulfur fortiter sufflabunt; quo facto valde expandi lucem, flammam vehementer candescere, particulasque nitri, sulfuris & carbonis violentissime dissipari est necessarium. Virium ergo pulveris tormentarii incensi causam reddidimus possibilem.

Apparet autem hinc, non necesse esse, ad reddendam causam quare Globulus plumbeus vel ferreus tam velociter ex canone bombardæ extrudatur, ut advocemus Rarefactionem talem, qualem vulgo definiunt, nempe quantitatem in eadem materia modo majorem modo minorem, quod est incogitabile. Dicimus enim majorem vel minorem unamquamque rem, prout majorem minoremve habet quantitatem. Violentia qua extruditur è tormento Globus, procedit à velocitate particularum minutissimarum inflammati pulveris, vel certe procedere ab ea causa potest, nec tamen ut ullus supponatur locus vacuus.

11. Præterea ex attritu duorum corporum, ut ligni contra lignum, non modo caloris gradum aliquem generari experimur, sed & ignem. Est enim motus ille, pressionis modo in hanc, modo in illam partem reciprocatio; Ex quo motu necessario fit, ut quod in utroque ligno includitur fluidi, modo huc, modo illuc distrahatur; & per consequens, conetur erumpere; & aliquanto post erumpens fiat ignis.

12. Lux autem alia est prima, alia secunda, alia tertia, & sic deinceps in infinitum. Primam lucem dicimus quæ est in fonte primo, ut sole vel igne. Secundam, quæ est in corpore non diaphano, à sole illustrato, ut in Luna,

Luna, vel Pariete. Tertiam, quæ est in corpore non diaphano à luce secunda illustrato, &c.

13. Color autem Lux est, sed perturbata, nimirum à motu perturbato generata; ut in coloribus Rubro, Flavo, Cæruleo, & Purpureo, qui generantur per interpositionem inter lucidum & illustratum Prismatis diaphani, habentis basis oppositas triangulares, manifestum fiet.

Sit enim prisma (in figura secunda) ex vitro aliave materia pellucida, quæ sit aëre densior, cujus basis sit triangulum ABC . Sitque recta DE diameter disci solaris posita oblique ad rectam AB ; radietque Sol per DA & EB ; producanturque rectæ DA , EC , utcunque in F & G . Quoniam jam recta DA propter densitatem vitri refingitur versus perpendicularem, sit linea refracta (ad punctum A) recta AH . Rursus; quia medium infra AC rarius est quam supra, fiet alia refractione eaque divergens à perpendiculari; sit ergo linea iterum refracta AI . Atque idem fiat ad punctum C , ut linea primum refracta sit CK , & iterum refracta CL . Cum autem Refractionis in puncto A (quod punctum est in recta AB) causa, sit resistentiæ medii in AB excessus supra resistentiam aëris, necesse est ut fuerit reactio à puncto A versus punctum B , ideoque motus medii ad A intra triangulum ABC turbabitur; id est, mixtus erit ex motu recto per AF & AH , & ex motu transverso inter easdem AF & AH , quem motum signavimus lineolis transversis in triangulo AFH . Rursus quoniam refractione fit ad punctum A rectæ AC , per rectam AI , turbabitur rursus motus medii propter reactionem transversam ab A versus C , quam reactionem similiter repræsentamus per transversas lineolas in triangulo AHI . Atque eadem ratione duplicem turbationem delineavimus in triangulis CGK & CKL . Cæterum, inter rectas AI , CG , lux non turbatur, propterea quod si quod factum est ad A & C , idem fieret in omni puncto rectarum AB & AC contingeret in omni loco planum trianguli CGK incidere in planum trianguli AFH , atque inde fieri ut omnia inter A & C essent similia. Præterea observandum est omnem reactionem factam ad A tendere in partem quæ est inter A & C illustratam, & proinde turbare lucem primam; contra autem reactionem in C tendere omnem, in partem extra triangulum sive extra Prisma ABC , ubi lux secunda est; & triangulum quidem AFH ostendere turbationem lucis quæ fit in ipso vitro, triangulum autem AHI turbationem lucis quæ fit infra vitrum. Similiter CGK turbationem lucis in vitro, & CKL infra vitrum. Diversi inde sunt motus, sive diversæ illustrationes, sive colores quatuor, quorum differentiæ manifestissime in primate (cujus basis est triangulum æquilaterum) quando per ipsam trajecti Solis radii super chartam

albam excipiuntur, sensui apparent. Sensui autem triangulum AFH apparet Rubrum; triangulum AHI Flavum; triangulum CGK Viride accedens aliquantum ad Cæruleum; triangulum denique CKL Purpureum apparet. Constat ergo ex luce debili, sed prima, qualis est dum transit diaphanum magis resistens, ut vitrum, incidentes radios transversos facere Ruborem; ex luce prima fortiore, qualis est in medio rariore infra rectam AC incidentes radios transversos facere Flavedinem; ex luce secunda fortiore, ut in triangulo CGK (quod proximum est luci primæ) à transversis radiis fieri Virorem; ex luce denique secunda imbecilliore, ut in triangulo CKL, fieri colorem purpureum.

14. Per ea quæ modo ostensa sunt, causa explicari potest, quare Luna & Stellæ prope Horizontem conspiciuntur, tum rubriores, tum majores videntur quam in medio cœli. Inter oculum enim & Horizontem apparentem multo plus intercedit aëris impuri & corpusculis aqueis terreisque misti, quam inter eundem oculum & cœli medium. Visus autem fit per radios in conum dispositos cujus basis quidem discus lunaris, vertex autem in oculo est. Necesse ergo est ut plurimi radii à luna incident in corpuscula ea quæ sunt extra conum visualem, & ab illis ad oculum reflectantur. At radii illi reflexi ad conum visualem transversim tendunt, & ad oculum faciunt angulum angulo conico majorem. Major ergo videtur luna in Horizonte quam in medio cœlo. Et quoniam radii reflexi transversim eunt, fit (per articulum præcedentem) Rubor. Ostensa ergo est causa possibilis quare luna, ut & stellæ, in Horizonte quam in medio cœlo, & rubicundiores apparent & majores.

Eadem causa esse potest cur sol in Horizonte quam in medio cœlo & major apparet, & colore à candore degenerante in Flavedinem. Eadem enim est reflexio ab interpositis corpusculis, idemque motus medii transversus, qui ante, sed lux solis multo fortior est quam lunæ. Quare (per articulum præcedentem) necesse est ut calor ejus aliquantulum turbatus degeneret in Flavedinem.

Neque necesse est ad generationem horum quatuor colorum, ut vitri figura sit prisma. Nam corpus Sphæricum idem efficit, cum etiam in Sphæra radii solares bis refringantur, & bis reflectantur. Quod cum observasset Cartesius, neque apparere Iridem nisi tunc cum actu pluit, item cadentes guttulas esse ferè Sphæricas, ex eo causam colorum in Iride explicavit; quam repetere non est necessarium.

15. Albedo quidem lux est, sed ex multorum simul lucidi radiorum ad oculum (intra exiguum spatium) reflexionibus conturbata. Siquidem enim vitrum vel quodlibet diaphanum in minutissimas partes per contu-

sionem

sionem concussionemve redigatur, unaquæque illarum partium (si modo radios lucidi ab uno aliquo puncto ad oculum reflectat) faciet in vidente totius lucidi ideam sive imaginem, id est, Phantasma Albi; nam lux fortissima etiam candidissima est. Itaque & multæ tales partes multas imagines ejusdem facient. Quare si eadem partes confertissimæ sint, multæ illæ imagines apparebunt confusæ, unumque à confusa luce exhibebunt colorem album. Hinc ergo etiam causa potest possibilis quare vitrum contusum, id est, redactum in pulverem, colorem album induit. Item quare aqua, & nix albæ sunt; sunt enim corporum diaphanorum minutissimorum congeries, nimirum bullulæ, ex quarum singularum superficibus convexis singula per reflexionem fiunt lucidi totius phantasmata confusa, id est, albedo. Propter eandem causam sal & nitrum alba sunt. Consistunt enim ex bullulis aquam aëremque continentibus, ut manifestum est in nitro, ex eo quod ignem cui imponitur violentissime sufflat; Idem autem facit & sal, sed minore impetu. Quod si Album ad lucem, non illam quidem diurnam candidamque, sed ad lucem ignis vel candelæ exponatur, utrum album an flavum sit non facile aspectu judicabitur. Cujus rei causa esse potest, quod ignitorum lux, & flamma, inter albedinem & flavedinem ferè media est.

• 16. Ut Albedo lux, ita Nigredo lucis privatio est, sive tenebræ. Unde fit, primò ut foramina unde lux ad oculum reflecti non possunt, nigra appareant. Secundò, ut superficies è qua particulæ corporis erectæ emineant (adeo ut radii lucis ipsis incidentes, in ipsum corpus, non ad oculum reflectantur) nigra appareat; quemadmodum nigrescit mare à vento crispatum. Terriò, ut materia combustibilis prius ab igne nigrescat quam luceat. Ignis enim dum partes corporis injecti minutissimas conatur discutere, prius erigit quam discutit. Itaque si exstinguitur ignis antequam fiat totalis partium dissipatio, carbo apparebit nigerimus; erectis enim partibus, lucis radii incidentes non ad oculum, sed in ipsum carbonem reflectentur. Quartò, ut à speculis ardentibus facilius accendatur materia nigra, quam alba. In superficie enim alba partes extantes gibbosæ sunt, ut bullulæ; & propterea radii lucis in eas incidentes reflectuntur, ita ut à corpore reflectente undequaque recedant; sed in superficie nigra ubi extantes particulæ erectiores sunt, necesse est ut lucis radii in eas incidentes, in ipsum corpus reflectantur omnes; facilius ergo à radiis solaribus nigra quam alba accenduntur. Quintò, ut colores omnes qui fiunt ab albi & nigri mixtione oriantur à differentiis positionum particularum è superficie extantium, pro diversis asperitatis formis, à quibus fit ut ab aliis corporibus plures radii lucis, ab aliis pauciores ad oculum reflectantur. Sed cum differentiæ illæ innumerabiles

sint, & corpuscula illa percipi oculis non possint, causas singulorum colorum præcise determinare & explicare difficilior est quam ut earum explanationem aggredi audeam.

C A P V T X X V . I I . I .

De Frigore, Vento, Duro, Glacie, Flexorum restitutione, Diaphano, Fulgure & Tonitru, Origine Fluviorum.

1. Cur modo calefacit, modo refrigerat ab eodem ore halitus. 2. Ventus & Ventorum inconstantia unde. 3. Cur Ventus ab Oriente ad Occidentem non magis sed constans prope Aequatorem. 4. Aeris in nutibus inclusi effectus quis. 5. Durum ex molli nisi per motum non fit. 6. Causa frigoris circa Polos quæ. 7. Causa glaciæ; cur mitiora frigora dum plui quam dum serenat; cur non tam gelantur aquæ in profundis puteis quam prope terræ superficie; cur glaciæ aqua levior est; & cur vinum quam aqua difficilior gelatur. 8. Causa duritiei altera à pleniori contactu atomorum; item quomodo durum frangitur. 9. Causa tertia duritiei à calore. 10. Causa quarta duritiei à motu atomorum in spatio angusto. 11. Dura quomodo emolliuntur. 12. Flexorum spontanea restitutio unde. 13. Diaphanum, & Opacum quid & unde. 14. Causa Fulguris & Tonitrus. 15. Unde fit ut nubes glaciæ semel elevata post decidant. 16. Quomodo fieri potuit ut Luna Eclipsin pateretur, nec videretur tamen Soli diametraliter opposita. 17. Quomodo simul potuerint apparere plures soles. 18. Origo Fluviorum.

1. **Q**uemadmodum ex eo quod Spiritus & Corporis nostri partes fluidæ à motu ambientis substantiæ ætheræ evocantur, agnoscimus Calorem; ita ex eorundem spirituum & humorum conatu ad interna sentimus Frigus. Frigerare ergo, facere est ut partes corporis externæ conentur ad interna, motu nempe contrario ejus qui fit in calefactione, ubi partes internæ evocantur ad externa. Itaque ad cognoscendam causam frigoris, invenire oportet quo motu, vel quibus motibus fieri potest, ut partes corporis externæ conentur se recipere ad interiora. Initio ergo sumpto à Phænomenis maximè familiaribus, nemo ferè nescit quod halitus oris cum violentia efflatus, id est, ore non nimium aperto emissus, manum objectam refrigerat, quodque idem halitus ore hiant, id est, molliore emissus eandem calefacit. Cujus Phænomini causa esse potest hujusmodi. Exeuns enim halitus duos habet motus, alterum totius directum, quo motu partes anteriores objectæ manûs ante se, id est, ad interna adigit; alterum particularum halitus simplicem, quem capite præcedente

dente art. 3. ostendimus esse calorificum. Prout ergo horum motuum alteruter prædominatur, ita sentitur modo Frigus modo Calor. Dum ergo hiant ore halitus molliter emittitur, prævalet motus ille simplex calorificus, & proinde sentitur calor. Sed quando ore compresso halitus efflatur, prævalet motus directus, itaque sentimus Frigus. Motus enim sive halitus, sine aëris directus, ventus est; Ventus autem omnis aut frigefacit, aut calorem qui ante erat minuit.

2. Quoniam autem frigefacit ventus omnis non modo magnus, sed etiam ventilatio sive motuatio aëris fere quælibet, multorum circa frigas experimentorum non antè reddi ratio poterit, quàm repertæ fuerint causæ Ventorum. Ventus autem aliud non est quàm pulsus aëris motus rectus; qui tamen, si plures venti simul spirent, potest esse circularis, vel quomodocunque curvus, ut in Turbinibus. Inquirendæ ergo proximo loco sunt Ventorum causæ. Motus autem aëris, sive ventus, alius est multi simul aëris fluctus sive Undatio, alius progressio recta.

Suppositâ pro quantulocunque tempore aëris serenitate simul & tranquillitate, corporibus tamen mundanis, ita ut antè dictum est, dispositis, necesse erit ut statim alicubi oriatur Ventus. Cùm enim à motu partium aëris, quem motum Sol efficit motu simplice in Epicyclo proprio, maria & humida omnia particulas suorum corporum exhalent ex quibus fiunt Nubes, necessarium est ut totidem particule aëris, dum particule aqueæ sunt in transitu (propterea quod locus vacuus nullus datur) ad latera undiquaque digrediantur, urgeantque partes sibi proximas; & hæc rursus alias, donec tandem circuitione facta, tantundem aëris accedit ad Terram à tergo, quantum aquæ ab ea abcessit à fronte. Movetur ergo aër initio factus ab ascendentibus vaporibus ad latera undequaque; sed aër motus est Ventus. Fit ergo Ventus. Quod si ventus ille surgentibus in aliis locis vaporibus rursus & sæpius occurrat, manifestum est & vim illius auctam, & viam sive plagam mutatam fore. Etiam, ut Terra motu suo diurno modo aridiotem modo humidiotem sui partem ad solem convertit, ita modo major modo minor vaporum copia elevabitur, id est, modo minor modo major factus erit Ventus, Ventorum ergo eorum qui ex vaporibus generantur simulque eorum inconstantia causam reddidimus possibilem.

Sequitur hinc nasci ventos illos in loco elevatore non posse quam ad quem vapores possunt elevari; nec incredibile esse id quod de montibus altissimis narratur Pico Teneriffæ, & Andibus Peruvix, nimirum quod Vegetis hisce inconstantibus non turbentur; siquidem autem pro certo compertum esset nunquam in summis illorum montium cacuminibus visam fuisse neque pluviam neque nivem, dubitari non posset quin altiores sint illi montes quam quo pertingere vapores solent.

3. Potest

3. Potest tamen illic sentiri Ventus, non ille quidem ab ascensu Vaporum ortus, sed alius minor & constantior similisque uni & perpetuo flautui folliculi spirans à plaga Orientali; idque propter causam duplicem. Quorum alter est motus Terræ diurnus, alter simplex in Epicyclo proprio. Nam montes hi propter altitudinem supra omnem aliam Terræ partem extantes, aërem propellunt motu utroque ab Occidente ad Orientem, diurno quidem aliquantulum. Sed cum motum Terræ simplicem in Epicyclo proprio bis peragi supposuerimus eo tempore quo motus diurnus peragitur semel; & semidiametrum Epicycli esse semidiametri conversionis diurnæ duplam, erit motus cujuslibet puncti Terræ in Epicyclo suo, quadruplo velocior quam motus diurnus. Utroque ergo motu simul factis sensibilibiter in aërem incurritur, sentietur ergo ventus. Nam motus perceptio eadem est, sive aër in sentientem, sive sentiens in aërem impingat. At ventus hic quia non oritur ab ascensu vaporum necesseario erit constantissimus.






4. Si elevata in aërem nube, nubes ascendat alia, pars ætherea inter utramque nubem intercepta necessario undiquaque exprimitur. Item quando ambæ, altera ascendens, altera manens vel descendens ita conjunguntur, ut substantia ætherea undiquaque ab iis sit conclusa, etiam sic compressa, aquam pertransiens exhibet. Interea verò particula duræ ætheri intermixta, & motu (ut supposuimus) simplice agitata, per aquam nubis non transibunt, sed in cavitatibus nubium arctius comprimentur. Et hæc quidem demonstrata sunt, Cap. 22, Artic. 4, 5. Præterea, quoniam Globus Telluris, ætheri à Solis motu pulso innatat, partes ætheris Telluri impingentes undiquaque per ipsius Telluris superficiem expandentur, ut Cap. 21. Art. 8. demonstratum est.

5. Durum ex eo cognoscimus quod cum corporis alicujus partem quam tangimus ulterius volumus propellere, nisi toto simul propulso frustra volumus. Aëris quidem vel aquæ particulam tactam vel percussam facile & sensibilibiter protrudimus, partibus tamen cæteris (quoad sensum) immotis; lapidis partem non item. Definimus ergo durum esse corpus illud cujus pars moveri sensibilibiter nulla potest nisi moto toto. Quod ergo molle vel fluidum est, fieri durum ab alia causa non potest, nisi à motu tali ut partes plures motum partis unius cujuslibet, simul omnes ipsi resistentes impediant.

6. His præmissis, possibilem causam ostendemus quare frigus circa terræ polos, majus est quam à polis remotius. Aër, à versante inter Tropicos sole, ad Terræ superficiem sibi perpendiculariter subiectam propulsus, undeque expanditur; & velocius quidem quo superficies terræ arctior est, id est, ubi circuli Æquatori paralleli sunt minores.

Motus

Ad Cap. XXVIII et XXX



Motus ergo aëris se expandentis partes obvias versus polos semper ante se pellit, magis autem fortiter quo magis vis ejus unitur, id est, ubi circuli paralleli sunt minores, id est, tanto magis quanto ad polos terræ magis acceditur. In locis ergo propius ad polos majus nascitur frigus, quam in locis remotioribus.

In expansione autem aëris super terræ superficiem ab oriente ad occidentem, propter solis ad loca subjecta perpetuam accessionem, frigus quidem nascitur oriente & occidente sole; sed accedente semper sole ad loca frigefacta in situ magis magisque perpendiculari, à calore qui fit à motu Solis simplice circulari superveniente frigus illud rursus remittitur, quod nisi à diuturna actione non fit magnum. Reddidimus ergo frigoris in locis prope polos, sive in magna Solis obliquitate causam possibilem.

7. Quomodo autem fieri potest ut aquæ à frigore congelascant, explicari potest hoc modo: Sit (in figura prima) A, sol; Terra B. Multo ergo major est A quam B. Sit autem EF in plano Æquinoctialis; cui parallelæ sint GH, JK, LC, sint denique C, D, Telluris Poli. Actio ergo aëris in Terram per parallelas illas efficiet, ut aër moveatur per superficiem terræ, eamque fortiter radat; tantoque magis, quanto parallelæ versus polos sunt minores. Fit ergo ventus qui aquas summas compellit, simulque aliquantum elevat, earum conatum ad centrum terræ impediens. A conatu autem ad centrum terræ, conjuncto cum conatu venti modo dicti, fit particularum aquæ summæ compressio, & conglobatio in grumos; unde summa aqua cutescit, durescitque. Eodem modo paulò post durescit aqua summæ proxima, donec fiat tandem glacies crassa. Quæ tamen propter compactionem ex grumis, etiam aëris particulas in se receptas continet non paucas.

Quemadmodum autem flumina & maria, ita quoque & nubes congelari possunt. Cum enim nubes alteræ ascendentes alteræ descendentes ætherem interceptum compressione efflant, utrasque nubes efflatus radit & paulatim compingit. Et siquidem guttulæ (ex quibus nubes componi solent) nondum coaluerint, tamen flatus idem efficietur, ab eoque flatu (ut aqua in glaciem, ita) vapores in nivem congelascant. Ab eadem causa est, quod fieri glacies arte potest, etiam prope ignem. Nam qui hoc faciunt, salem nivi mistum in vas conjiciunt; in ea materia vasculum aquæ plenum, ferè sepeliunt. Colliquescentibus autem sale & nive (in quibus magna copia inest aëris) expressus aër vasculum aquæ undequaque (ut ventus) radit; & quo motu vasculum à flatu, eodem motu conclusa aqua ab actione vasculi paulatim congelatur.

Experimur autem frigora in iis locis remissiora semper esse (cæteris paribus) ubi pluit, vel tempus nubilum est, quam ubi serenat. Et hoc quidem

Elem. Philos.

H h h h

dem

dem jam dictis consentaneum est. Quando enim serenum est, cursus venti, (quem radere superficiem terræ modo memoravimus) ut liberrimus, ita & fortissimus est. Sed cadentibus, surgentibusvè aquæ guttulis ventus ille retunditur, frangitur, & dissipatur. Consentaneum autem est debiliorem factum flatum minus frigefacere.

Experimur item, in puteis profundioribus, quàm in superficie terræ aquam congelari minus. Flatus enim à quo fit glacies, terram (propter partium ejus laxitatem) aliquousque subingrediens virium suarum jacturam facit non magnam, itaque in puteo non profundo aqua gelascit, cum in profundo puteo, quo aura illa frigefica penetrare non possit, non gelascit.

Experimur præterea glaciem aqua leviolem esse. Cujus causa ex eo patet quod supra ostensum est, congelascenti aquæ, particulas aëris in ipsa congelatione intermixtas esse.

Postremò vinum quam aqua difficilius congelascit, quia in vino particulae quæ fluidæ non sunt moventur velocissimè; unde primo tardatur incrustatio, propter illarum motum, quem si frigus vicerit gelascit vinum, primo exterius, postremo interius; signum hujus rei est, Vinum quod in medio relinquitur non gelatum fortissimum fieri.

8. Vidimus modum unum efficiendi durum, nempe per congelationem. Alius autem est hujusmodi. Cum substantiæ ætheræ innumeras atomos alias aliis duriores, suosque sibi habentes motus simplices, intermixtas esse jam ante supposuerimus; Necessè inde est ut propter totius ætheris fermentationem, de qua dictum est, Cap. 21, aliæ in alias incidentes, & prout eorum motus & contactus mutuus postulant, una ad aliam applicatæ, inter se cohæreant; & (quoniam non datur vacuum) ut divelli nisi tanta vi quantæ ad earum duritiem superandam opus est, non possint.

Gradus autem duritiæ innumerabiles sunt; etenim aliquis aquæ inest; id quod ex eo manifestum est, quod super planum existens huc, illuc, digitum sequens trahitur quo volumus. Gradus adhuc in liquoribus lentis, major est. At illi cum effunduntur descendentes, in unum quasi filamentum se disponunt, & illud filamentum ante quàm rumpitur diminuta paulatim crassitudine, extenuatur, ita, ut disruptio in puncto solum fieri videatur, & partes separantur à se invicem, primò quidem exteriores in circuitu, post autem successivè interiores. Post illa gradum duritiæ majorem adhuc habet cera; hanc etiam quando partem ejus à parte divellere volumus, prius extenuamus totam quam partes dirimimus. Quanto autem durius est quod rumpendum est, tanto vis major est adhibenda. Procedendo ergo ad duriora ut Funes, Ligna, metalla, lapides, idem (etli non semper sensibiliter) necessario tamen contingere suadet ratiocinatio.

cinatio. Eodem ergo modo rumpuntur etiam durissima, nimirum solutione continui facta primo in ambitu superficiei extimæ, & deinde in partibus interioribus successive. Similiter si corporum partes non divulsionem sed diffractionem dirimendæ sint, necesse est partes prius dissilire quæ sunt ad superficiem convexam flexi corporis quam ad superficiem concavam. Nam in omni flexione, est in superficie convexa partium conatus ad discessionem; at in superficie concava, ad mutuam penetrationem.

His intellectis reddi ratio potest, quare duo corpora quæ secundum superficiem communem se mutuo contingunt, possint tamen vi adhibita, etiam nullo dato vacuo dissilire. Quod Lucretio non videbatur ita esse, cum ab ea dissilitione videtur sibi vacuum stabilivisse. Nam si columna marmorea ab altera base, pendens exhibeatur, ea si satis longa sit, sui ipsius pondere diffringetur. Non tamen dari vacuum necessario inde sequitur, quando ab ambitu ad meditullium solutio continuitatis fieri potest successive.

9. Duritiei in rebus aliquibus alia causa esse potest hujusmodi. Nam si corpus molle ex multis particulis duris sit concretum, quæ tamen particule laxius antè inter se cohærebant, intermissis scilicet multis particulis fluidis; partes fluidæ, ut ostensum est Cap. 21. Art. ultimo, evocabuntur. Quare illæ particule duræ alteræ ad alteras secundum majores superficies sese applicabunt, & proinde arctius inter se cohærebunt; id est, fiet totum durius.

10. Rursus in quibusdam rebus oriri duritiei gradus aliquis etiam hoc modo potest. Quando humori alicui interspersa sunt corpuscula quædam minima eademque mota motu proprio simplice; unde & partes ipsius humoris motu moventur simili, idque in spatio arcto fiat (ut in Globi vel ætissimi tubuli cavo) sitque motus vehementissimus, & corpuscula inclusa satis multa, duo contingant; alterum ut liquidum inclusum conatum concipiat, versus omnes simul partes sese dilatandi; Alterum ut negato excursu, propter motus reflexionem, ut motus partium liquidi inclusi fortis antè, multo nunc sit fortior. Quare si ab aliquo motore externo, una aliqua ejus fluidi particula tangi & premi posset, ea particula cedere non posset, nisi vis adhiberetur satis sensibilis. Gradum ergo habet inclusum & sic commotum fluidum duritiei aliquem. Major autem minorve gradus duritiei à copia & velocitate corpusculorum & ab angustia loci dependet conjunctim.

11. Quæ à calore subito indurescunt ut cocta, in formam priorem emollescunt plerumque à maceratione. Cocta enim pleraque per evaporationem indurantur; restituto ergo eodem humore restituitur etiam na-

tura pristina. Quæ frigore congelata sunt, mutata in contrariam plagam aura quæ concreverant regelantur; (nisi fortè tam longo tempore induruerint, ut motûs sive conatûs novi habitum acquisiverint) neque satis est ad regelationem, ut gelans aura cesset (nam sublatio causæ effectum non destruit) sed causam oportet fuisse regelationis propriam nempe auram contrariam vel saltem aliquatenus oppositam; id quod etiam fieri experimur. Nam si glacies in locum bene clausum inferatur, ubi motus aeris minimè penetrare possit, frigus ibi minus sentietur, glacies tamen confervabitur.

12. Durorum alia manifestè flecti possunt, alia non item; sed in primo flexionis momento statim diffinguntur. Et eorum quæ manifestè flecti possunt, alia quidem flexa rursus sibi permitta statim se restitunt, alia manent flexa. Quæritur ergo restitutionis causa, quam dico esse posse huiusmodi. Nempe quia particulæ corporis flexi, moventur etiam tunc cum tenentur flexum, motu suo (amota vi flectente) flexum restituent. Perspicuum enim est, si quid flectatur, ut Chalybea lamina, eademque, amota vi flectente, subitò se restituat, causam restitutionis ad ambientem aërem ferri non posse. Perspicuum quoque est, restitutionis causam non esse, quod vis flectens sit amota. Nam in iis quæ quiescunt, remotio impedimenti, futuri motûs sufficiens causa non est. Causa enim motus alia non est præter motum. Causa ergo restitutionis est in partibus, ex quibus ipsa lamina constituitur.

Dum ergo flexa manet lamina, motus tamen in partibus ejus inest aliquis, quanquam invisibilis, id est, conatus saltem, & ea quidem via qua ipsa lamina est restituenda. Conatus ergo hic partium simul omnium est restitutionis principium. Remoto ergo impedimento, id est, vi qua flexa tenebatur, restituetur. Motus autem partium quo hoc fit, ille est quem supposuimus simplicem esse, sive in se redeuntem. Quando ergo in flectione laminæ capita ejus adducuntur, fit ex una quidem parte compressio particularum mutua, qui conatus est conatui contrarius; ex altera parte fit particularum divulsio. Conatus ergo particularum ab una parte tendit ad laminæ restitutionem à medio versus capita, cujus effectus est ut ex altera parte particulæ conentur à Capitibus ad medium; is igitur conatus (cum sit restitutionis perfectæ principium) remoto impedimento laminam restituet. Causa ergo explicata est possibilis quare flexa quædam se restituant, quæ erat explicanda.

Lapides autem cum ex multis durissimis particulis sub terram fiant per accretionem; quæ particulæ minùs arctè, id est, secundum minores superficies, inter se coherant, & proinde admittunt particulas aeris, necesse est dum flectuntur, ut difficiliùs internè comprimantur ob duritiam.

tiem. Et quoniam laxius inter se cohaerent (laxatis externè particulis duris) partes aëreæ necessario erumpunt, unde totum subito diffringitur.

13. *Diaphana* appellantur ea corpora, in quæ cum agunt radii corporis lucidi, actio singulorum radiorum ita per ea propagatur, ut eundem servant inter se ordinem, vel ejus inversum. Ideoque necesse est, ut corpora perfectè diaphana sint etiam perfectè Homogenea. Contra *Opacum* est in quod radii incidentes, propter naturam Heterogeneam, innumeris reflexionibus, refractionibusque, in particulis diversimodè figuratis, inæqualiterve duris, prius quàm ad oculum pertingant debilitantur.

Diaphana autem alia quidem à natura ab initio facta sunt, ut substantia æthereæ, & aqueæ, & fortasse ea etiam quæ invenitur in lapidibus, nisi & ea sit aqua à longo tempore congelata. Alia verò à vi caloris Homogenea congregantis. Sed quæ sic fiunt *Diaphana*, id antè erant secundum partes.

14. Quomodo à motu Solis eleventur è Mari, & locis humidis particulæ aqueæ unde fiunt Nubes explicatum est, Cap. 21. Item nubes quomodo glaciantur dictum est supra art. 7. Jam ex eo quod ex occurfu ascendentium descendentiūque nubium concludi & coarctari paulatim possunt partes aëris tanquam in cavernis, derivari potest causa possibilis Tonitrûs & Fulguris. Cum enim in aëre sint duæ partes; altera æthereæ quæ motum sibi proprium nullum habet, ut potest res usque ad minima divisibilis; altera dura, nimirum multæ atomi duræ, singulæque in aëre, suo ac velocissimo gaudentes motu simplice; dum nubes magis magisque cavernas interceptas congregientes angustiores reddunt, partes æthereæ per ipsam substantiam nubis aqueam transfugiunt, partes autem duræ tanto magis comprimuntur; alteræque in alteras impingunt, proinde etiam propter uniuscujusque particulæ vehementem motum conantur à se invicem resilire.

Quando igitur compressio satis magna est, & nubium partes concavæ (ea de causa quam supra explicavimus) in glaciem sunt concretæ, necesse est ut rumpatur nubes; Fit ergo à fracta glacie fragor primus. Deinde erumpente aëre qui inclusus erat, fit concussio etiam aëris liberi, hinc fremitus ille & murmur aëris qui fragorem sequitur: sed ex fragore primo, & sequente murmure fit sonus qui vocatur Tonitru. Ex eodem autem aëre è nube erumpente, aëremque reliquum usque ad oculum concutiente fit illa actio in oculum qua sentimus lucem eam quam vocamus Fulgur. Causas ergo Tonitrûs & Fulguris reddidimus posibles.

15. At si vapores in nubes elevati coaluerint in aquam continuam, vel compactæ in glaciem fuerint, unde est quod graves cum sint tam glacies quam aqua, ut tam diu possint ab aëre sustineri? Vel potius elevatæ

cum sint, quam ob causam rursus recidunt? Dubium enim esse non potest quin vis ea quæ aquam potuit attollere, eandem etiam sustinere potuit. Cur ergo sublata recidit? Dico ergo ab eodem oriri motu Solis simplice tum quod attolluntur vapores, tum quod aquæ in nubes coalitæ dejiuntur.

Ostensum enim est Cap. 21. art. 11. quomodo vapores elevantur. Sed & ostensum est Cap. eodem, art. 5. quomodo ab eodem motu congregantur Homogenea, & Heterogenea disperguntur, hoc est, quo modo quæ ad naturam Telluris accedunt ad Terram pelluntur, hoc est quæ sit causa descensus gravium. Quando ergo Solis actio in elevandis vaporibus impeditur, in iisdem dejiendis non impeditur, descendet aqua. Sed actio Solis in Terrenis ad Terram dejiendis à nube impediri non potest, in elevandis vaporibus potest. Nam spissæ nubis pars inferior à parte superiore ita tegitur ut recipere eam actionem Solis non potest qua vapores elevantur; propterea quod causa vaporum elevandorum est perpetua aëris fermentatio, sive partium minutissimarum aliarum ab aliis diremptio, quæ multo debilior est interposita nube spissa, quam quando Cælum serenum est. Itaque quando nubes satis densa facta est, aquæ (nisi à vento agitentur) recident, prius non recident. Causam ergo attulimus possibilem quare nubes & in aëre sustineri & rursus in Terram recidere possunt, possibilem. Quod erat propositum.

16. Concesso quod nubes glaciari possunt, mirandum non est si visa aliquando fuerit Luna eo tempore Eclipsin passa quo Sol apparuit in Horizonte, Luna autem supra Horizontem duobus fere gradibus; talis enim Eclipsis Lunæ, observata est à Mœstlino, Tubingæ anno 1590. Potest enim esse ut inter Solem & Observatoris oculum interposita fuerit nubes glaciata; quod si factum est, erat Sol quando in Horizonte videbatur, duobus fere gradibus inferior, propter radios Solares per glaciem transeuntes. Notandum autem est quod qui huiusmodi refractionem Atmosphæræ attribuunt, non tamen attribuunt tam graudem; oportuit igitur refractionis illius causam fuisse non Atmosphæram, sed aquam continuam vel glaciem.

17. Rursus concessa (in sublimi) Glacie, minimè mirandum est, si plures aliquando soles visi fuerint. Disponi enim specula ita possunt ut pluribus locis idem appareat objectum per reflectiones. Totidem autem nubes glaciatae nonne speculorum officia præstare poterunt? aut in eam rem apte disponi non poterunt? Præterea augeri apparitionum numerus à refractionibus possunt. Itaque si nunquam contingerent talia Phænomena, mihi id magis mirabile videretur.

Crederem sanè eodem modo fieri Cometas; nimirum ab elictis non modo

modo è terra, sed etiam è Planetis cæteris vaporibus & postea in unum corpus continuum congelatis, nisi unum obstaret stellæ novæ in Cassiopea visæ Phænomenon. Nam caudæ comæve rationes probe explicare possem, & præterea mortuum. Sed cum illa stella per sedecim totos menses in eodem loco inter fixas constanter perduraverit, materiam ejus glaciem fuisse credere non possum. Disquisitionem ergo de causa Cometarum intactam posteris relinquo. Nam quod de illis (præter historias nudas) hæcenus scriptum extat, consideratione dignum non est.

18. Fluviorum origines ab aqua pluviali vel liquefcentibus nivibus facillimè, aliunde vel difficillimè vel non omnino deduci possunt. Decurrunt enim per declivia montium aquæ pluvix & colliquatæ nives; quæ si per extimam superficiem montis deferantur, ipsi imbres vel nives pro fonte censentur. Sin terram subeuntes descendant tectæ, tunc ubi primum erumpunt, ibi fontes sunt; ex quibus rivuli, ex rivulis confluentibus fiunt fluvii. Fons autem qui magis vel æque à centro Terræ remotus est ac fuit aqua quæ ad ipsum fluxerit, repertus nusquam est. Nam quod magni nominis Philosophus quidam objecit, in monte Cenisio summo (qui mons Sabaudiam à Pedemontio determinat) nascatur fluvius qui per Susam decurrit, non est verum, nam fluvio illi utrinque astant montes magni, idque per duo millia passuum, qui montes nivibus perpetuo fere tecti sunt, unde decurritis rivuli innumerabiles, fluvio aquas, manifestè, & pro magnitudine ejus abundè præbeant.

C A P U T XXIX.

De Sono, Odore, Sapore, & Tactili.

1. Soni definitio, & Sonorum distinctiones. 2. Graduum in sonis Causa. 3. Sonorum Gravis & Acuti differentia. 4. Soni Clari, & Ranci differentia unde. 5. Sonus à Tonitru & à Bombarda, unde. 6. Unde tibiis inflatis sonus clarus. 7. Sonus Reflexus. 8. Sonus aquabilis & diuturnus unde. 9. Quomodo sonus juri & impediri à vento potest. 10. Non solum aer, sed quantumlibet dura Corpora sonum deferunt. 11. Gravis & Acuti, & Concursus Causa. 12. Phenomena ad Olfactionem. 13. Organum Olfactionis primum, & Olfactionis generatio. 14. Quomodo à Calore, & à Vento adjuvatur. 15. Cur corpora minimè odorata sunt, quæ minimum habent intermissi ætheris. 16. Quare odorata contrita magis olent. 17. Organum Gustandi. Et cur sapes quidam nauseam faciunt. 18. Tactus Organum primum, & quomodo cognoscuntur objecta tactui cum cæteris sensibus communia.
1. Sonus est Sentio generata à Medii moti in aurem reliquumque audiendi Sensorium actione. Motus autem Medii, ipse sonus non est, sed

sed caufa ejus ; nam Phantasma , id est , reactio Sensorii , propriè dicens Sonus est.

Sonorum distinctiones præcipuæ sunt hæc. Prima , quòd alius fortior est, alius debilior. Secunda , quòd alius gravior, alius acutior. Tertia , quòd alius *clarus*, alius *raucus* est. Quarta , quòd alius Primus , alius Derivatus est. Quinta , quòd alius æquabilis , alius non æquabilis. Sexta , quòd alius multum, alius parum perseverat. Quarum omnium distinctionum membra subdistingui in rursus distinguibilia possunt ferè in infinitum. Quippe quod Varietas Sonorum non videtur multo minor esse quàm Colorum.

Sicut Visio , ita & Auditio à motu generatur Medii , sed dissimiliter. Visio enim à Pressione est, id est, à conatu, in quo conatu non fit partis medii ullius progressio perceptibilis ; sed pars alia aliam urgens sive trùdens actionem tandem ad quamlibet distantiam successivè propagat. At medii motus ex quo creatur sonus, percussio est ; Auris enim Tympanum quòd Organum audiendi primum est in auditione percuitur. Concussio Tympano concutitur etiam Meninx tenera, & in ipsam insertæ Arteriæ, & sic propagata actione ad ipsum Còr, à reactione cordis fit phantasma , quem sonum dicimus & (propterea quòd reactio extrorsum tendit) putamus esse extra.

2. Quoniam autem non modo motus motu majorem producit effectum , magis velox minùs veloci , sed etiam eadem velocitate majus corpus, minore corpore, utroque modo major efficietur Sonus. Et quia neque in magnitudine , neque in velocitate datur minimum, aut maximum , fieri potest tum ut motus ita exiguus sit , vel tam exigui corporis ut nullum efficiat sonum ; tum ut ita magnus sit , ut sensorium lædens sentiendi facultatem tollat.

Apparent inde circa sonorum fortitudinem & debilitatem causæ possibiles Phænomenon sequentium. Quorum primum est, Quod si quis per tubum loquatur, cujus una extremitas ori suo, altera audientis auri applicetur, fortior accedet sonus quam per apertum aërem. Cujus causa non modo possibilis, sed etiam certa & manifesta est, quòd aër ab efflato habitu primo commotus , & per tubum delatus non diffunditur , ut in aperto aëre , & per consequens ad aurem appellit eadem ferè velocitate qua exspirabatur. At in aëre aperto aliter fit , ubi motus primus diffunditur in orbem, eo modo quo videmus fieri in stagnante aqua, cui injectus sit lapis. Itaque velocitas, procedente undulatione , eo minor semper fit quo longius proceditur à motus principio.

Secundum est, Quòd si quis tubo utatur breviorè, sed cujus os loquenti obversum magis pateat , quàm quòd ad aurem applicatur , sic etiam receptus

receptus sonus fortior erit quam per aërem apertum. Et causa eadem est, nempe quod tanto minùs diffunditur, quanto tubi os parulum à soni origine minùs abest.

Tertium est, Quod facilius est stanti intùs in cubiculo ea exaudire quæ dicuntur foris, quam foris stanti, ea quæ intùs; sunt enim fenestræ, vel alii quilibet moti aëris aditus, pro tubi ore patulo. Et videri potest etiam ab ea causa auditui quorundam animalium non mediocriter prodesse, quòd a natura patulis & capacibus auribus donata sint.

Quartum est, Quod in litore maris existenti collisio duorum fluctuum ne è proximo quidem exaudiri potest, cum tamen totius maris sentitur ingens fremitus. Causa cujus rei videtur esse, quod collisiones singulæ (etsi sensorium moveant) non sunt tamen satis magnæ ad faciendam sensationem, quin autem cunctæ simul faciant sonum nihil impedit.

3. Quod corporum percussorum aliud Graviorem, aliud Acutorem Sonum efficit, in causa esse potest differentia temporum, in quibus temporibus partes percussæ, locaque suis pulsæ, ad eadem loca rursum redeunt. Nam partium motarum in corporibus aliis quidem cita, in aliis tarda est restitutio. Unde etiam fit, ut partes organi à medio motæ modo citius, modo tardius conquiescant. Quanto autem frequentiores sunt percussiones sive itus & reditus partium, tanto (tempore eodem) sonus totus ab unico pulsu genitus, ex pluribus & proinde minutoribus constat partibus. Quod enim in sono Acutum, id in Materia subtile est; utpote quæ ambo, Sonus acutus inquam, & materia subtilis ex partibus-minutissimis, hic temporis, illa materiæ constituuntur.

Sonorum distinctio tertia, neque nominibus quibus usus sum *Clavi* & *Ranci*, neque ullis quod sciam aliis satis clarè intelligi potest; itaque exemplis opus est. Quum *Rancum* dico, sibilum intelligo, susurrum, stridorem, & quæ sunt, quocunque nomine, horum similia. Videntur autem hujusmodi soni facti à vi venti alicujus robustioris, opposita corpora duriora radentis potius quam percutientis. Contrà autem cum *Clarum* dico, non intelligo sonum facilè & distinctè audibilem, nam & sibilis & clari sunt, sed talem, qualis est fragor, clamor, tinnitus, clangor, & (fortasse uno verbo satis significanter) strepitus. Et quoniam sonus non fit nisi ex duorum ad minimum corporum concursu, in quo concursu necesse est, ut & actio fiat & reactio, id est, motus motui contrarius, fieri non potest quin pro diversa proportionem inter illos duos motus contrarios alius atque alius oriatur sonus, & siquidem proportio illa tam magna sit, ut motus corporis unius ad motum alterius comparatus sit insensibilis, non erit eadem soni species; Ut quando ventus fortis, incidit obliquissime in corpus durum, vel corpus durum velociter fertur per aërem.

Tunc enim fit *οὐεργυς*, sive sonus ille quem vocavi *Ranum*.

Spiritus ergo ex ore cum violentia efflatus sibilum facit, quia superficiem labrorum exiens radit, quorum reactio contra vim halitus non est sensibilis. Eadem autem causa est quare sibilant venti. Item si duo corpora quantumvis dura cum pressione mediocri confricentur, sonus quem faciunt sibilus est; sibilus autem quando fit ab aëre radente, ut diximus, corporis alicujus duræ superficiem, non videtur aliud esse quam aëris in exiles & innumeras partes secundum longitudinem dissectio. Asperitas enim superficiei per innumetarum partium eminentias aërem incurrentem dissecat sive discindit.

4. *Streptus* autem, sive Sonus quem vocavi *Clarum*, fit uno modo ex oppositis sibilis, altero modo quando duorum corporum collisione aut divulsione subita, particulæ eorum subito commoventur, vel commotæ subito se restituant; motusque is particularum Medio impressus ad audiendi organum usque propagatus est. Cumque in ea collisione vel divulsione conatus inest in particulis unius corporis, conatui qui est in particulis alterius contrarius, fiet etiam similis conatuus (id est, motuum) oppositio in organo audiendi. Unde & Tonus inde genitus à duobus fiet motibus oppositis, id est, à duobus sibilis contrariis in una & eadem parte organi. Sibilus enim, ut modo diximus, motum unius tantum corporis supponit sensibilem. Est autem ab hoc motuum in Organo occursum quod corpora subito collisa, vel diffracta videntur *strepere*.

5. Quibus concessis, Fragoris à Tonitru causa esse potest (siquidem Tonitrus non fit nisi à vehemente aëris à congelatarum nubium cavernis eruptione) ipsius glaciei subita diffractio. Necessè enim est in ea actione non modo ut particulæ minutæ diffractarum partium longè latèque concutiantur, sed etiam ut concussio illa aëri communicata ad organum audiendi deferatur, atque in ipsum imprimatur. Deinde à reactione organi prima fit ille sonus primus & fortissimus, quem partes dum se restituant, efficiunt per collisionem, & qui vocatur Fragor. Quoniam autem in omni-concussione fit reciprocatio ituum & redituum partium concussarum. (nam motus contrarii extinguere se mutuo, nisi interveniente tempore non possunt, ut ostensum est, cap. 8. artic. 11.) necesse est, ut sonus perseveret simul & paulatim debilitetur, donec actio reciprocantis aëris tam debilis fiat ut non amplius sentiat. Patet ergo Soni à Tonitru, tum primi illius fragoris tum ejus qui sequitur fremitus causa possibilis.

6. Causa item quare sonus tiliarum, etsi ab inflatione generetur, clarus tamen est, eadem est cum causa soni qui fit per-collisionem. Nam si spiritus in tibiā inflatus superficiem ejus concavam tantummodo radat, vel

vel in eam incidens faciat angulum incidentiæ valde acutum, sonus fiet non clarus, sed sibilus. Quod si faciat angulum majorem, fiet percussio contra fistulæ concavum ad unam partem, & inde repercussio ad partem adversam, & deinde repercussiones plures eodem modo donec tandem tota tibiæ superficies & percutietur & concutietur, neque itum & reditum reciprocatio ut in collisione, quæ reciprocatio cum ad organum propagabitur, à reactione organi orietur sonus clarus, sicut in collisione vel diffractione.

Ad eundem modum fit in voce humana. Nam spiritu liberè emisso, & cavitates per quas transmittitur leviter stringente, fit sonus raucus. Sin spiritus in laryngem fortiter impingat, fit sonus clarus, ut in tibia; idem autem spiritus à vario appulsu ad palatum, linguam, labra, dentes, aliaque loquendi organa, variè in voces articulatur.

7. Sonum, qui generatur per motum à Sonante in linea recta, non reflexa, appello *Primum*; illum verò qui generatur per reflexionem, sive per unam sive per plures, *Reflexum*, eundem qui & *Echo* nominatur, & toties iteratur quot ad aurem fiunt reflectiones. Fiunt autem Reflectiones propter montes, muros, aliaque corpora resistentia ita collocata ut motum reflectant pro numero magis vel minus sæpe, & pro intervallis magis minusve confertim. Causa utriusque rei in situ reflectentium quærenda est, quemadmodum etiam fieri solet in visione. Eadem enim utrobique sunt reflectionum leges; nimirum ut anguli Incidentiæ & Reflectionis sint inter se æquales.

Itaque si in Sphæroide cava ex materia solida & interne polita, vel in duabus conoidibus Parabolicis rectis, conjunctisque ad basem communem, ad unum Umbilicorum statuatur *Sonans*, ad alterum *Apris*, Sonus audietur, multis gradibus major quam in loco aperto; idque ob causam eandem propter quam in iisdem locis res combustibiles à Radiis Solaribus comburantur. Sed ut Objectum Visibile in uno Umbilico positum, non videtur in altero distinctè, propterea quod in omni linea quæ à concava superficie ad oculum reflectitur videtur omnis pars Objecti, unde oritur Visio confusa; sic neque Sonus, qui per eandem deferretur lineas reflexas articulatum aut distinctè audietur. Atque inde fieri potest ut vox quæ in cameratis templis è cathedra profertur, etsi cameratio neque Elliptica neque Parabolica sit, tamen quia à tali figura non longe abest, non tam articulatum, quam absque cameratione sentietur.

8. Circa Sonorum æquabilitatem, & durationem quarum causa communis est, Observare possumus, quod corpora illa quæ percussa sonum inæquabilem seu asperum reddunt sunt valde heterogenea, id est, ex particulis constantia tum figura, tum duritiæ dissimilibus; qualia sunt ligna,

saxa, aliaque non pauca. Itaque quando sunt percussa, eorum particulae internè concutiuntur quidem & rursus se restitunt; motum autem non similiter recipiunt; neque in se invicem eodem modo agunt. Sed dum aliae ab ictu resiliunt, aliae quae jam antè resiliuerant, redeunt, & proinde se mutuo aliae alias aliter sistant. Contingit hinc non modo ut motus fiat inaequabilis, sive asper, sed etiam ut reciprocatio illa itionum & reditionum citò extinguatur. Quando ergo motus iste ad aurem propagatur, sonus etiam inde generatus & brevis erit, & inaequabilis. Contrà, si corpus percussum non modo satis durum sit, sed etiam particulae ex quibus constat tum duritiae, tum figurà, inter se sint similes, ut sit in vitro & in metallis quae post liquefactionem induruisse, sonus fiet, propter itiones & reditiones similes, & uniformes, aequabilis & amoenus; idemque pro magnitudine corporis percussi magis minusve diuturnus. Quare soni aequabilis & asperi, brevis & diutini causa possibilis una eademque esse potest, corporis sonum reddentis partium internarum tum quoad figuram tum quoad duritiem similitudo & dissimilitudo.

Præterea, si fuerint duo corpora plana ex eadem materia aequè crassa, sonum reddentia aequabilem, diutius audietur sonus ejus quod in majorem extenditur longitudinem. Motus enim qui in utroque incipit à puncto percussione per majus spatium in majore corpore propagandus est, & per consequens, in majore tempore. Itaque in majore tempore partes motus rursus redeunt. Quare itiones & reditiones singulae in majore tempore absolvuntur, & delatae ad aures sonum efficiunt diuturniorem. Manifestum autem hinc est, aequabiliter sonantium, diutius sonare, cæteris paribus, corpora dura in orbem concavum conflata, quam in planum; Nam in lineis circularibus actio à quolibet puncto incipiens nullum habet propagationis finem à figura præstitutum, quia linea in qua propagatur redit rursus ad principium, ita ut per figuram non stet quin motus progressio fiat infinita. At in plano progredi actio longius non potest quam est lineae rectae finita magnitudo. Existente ergo corporis percussi eadem materia, motus partium orbis cavi diuturnior erit quam partium plani.

Item si chorda tensa ab utroque termino corpore cavo affixa sit, & percussa, diutius sonabit quam non affixa. Propterea quod tremor sive reciprocatio illa percussae chordae mediante connexionem etiam ipsi cavo corpori communicatur. Is autem tremor corpori cavo & magno impressus, diutius durabit propter magnitudinem; quare (per modo ostensa) diutius sonabit.

9. Contingit autem in Auditu, aliter quam in Visu ut actio Medii à Vento secundo quidem fortior, ab adverso debilior fiat. Cujus rei causa non videtur aliunde esse posse, quam à Soni & Luminis diversa generatione.

tionem. Nam in generatione Luminis singulæ partes Medii ab objecto ad oculum, non moventur è locis suis ad loca alia sensibilibus diffusa, sed propagatur actio in spatiis imperceptibilibus; ita ut neque Ventus adversus minuere, neque secundus augere Lumen possit, nisi ipsum objectum unà auferat, vel unà admoveat oculo. Nihil enim venti, id est, aëris moti inter objectum & oculum interpositio diversum agit ab eo quod ageret aër tranquillus. In perpetua enim pressione, unà parte aëri avectâ, pars alia succedens eandem suscipit impressionem quam antè susceperat pars avectâ. At in generatione soni, in prima collisione, vel diffractione, aëris pars eadem per spatium notabile, & quidem notabili velocitate excutitur & loco pellitur; & mox (propter remotiorum partium laxiores orbes dissipatus) languescit motus ejus. Itaque excussum aërem (qui sonum efficit) excipiens Ventus totum movet, secundus quidem propius ad aurem, adversus vero ab aure longius; & proinde fit ut Vento flante ab objecto, audiatur sonus tanquam e loco propinquiore; flante in contrarium tanquam e loco remotiore; existente nimirum actione hinc debiliore, illinc fortiore, propter distantias inæquales.


Intelligitur hinc qua ratione fieri potest, ut Ventriloqui vocem è propinquo proferentes, audiantur tamen à non animadvertentibus tanquam loquuti è longinquo. Nullâ enim de loco unde vox emittitur præexistente opinione, de eo judicant audientes per soni claritatem, debilem ut longinquam, fortem ut propinquam æstimantes. Ventriloqui ergo formantes vocem, non ut alii, per spirituum explosionem, sed per attractionem in pulmones, exilem reddunt, quæ iis qui neque artificium suspicantur, neque loquentis conatum animadvertunt, debilitate sua imponit, *pro debili* apparens longinqua.

10. Quod attinet ad audiendi medium, non est medium aër tantum, nam & aqua & quodlibet aliud corpus, etiam durissimum audiendi medium esse potest. In quolibet enim corpore continuo motus propagatur in perpetuum; sed propter difficultatem movendi partes corporum durorum, fit ut in exitu è materia dura, motus imprimatur aëri debilissimus. Attamen si alicujus trabis longissimæ, simul & durissimæ, alter terminis percutiatur, & ad oppositum terminum applicata sit auris, ita ut quicquid aëris ab actione trabis in exitu concutitur, id totum exceptum ab aure ad tympanum feratur, sonus satis vividus audietur.

Similiter noctu (id est, omni alio strepitu, qui sonum impedire possit, cessante) si quis aurem terræ applicet, audibit sonitum pedum hominum prætergredientium, idque ad distantiam satis magnam, quia motus quem pedes terræ imprimunt eam calcando, ad aurem propagatur per terræ pedibus percussæ partes summas.

11. Gravis & Acuti differentiam in eo consistere supra ostendimus, quod quanto brevius est tempus itionis & reditionis partium percussarum tanto sonus est acutior. Quanto autem materia percussa, vel gravior est (magnitudine eadem) vel minus tensa, tanto etiam itus reditusque tardius absoluntur. Itaque (cæteris paribus) graviora corpora, & laxius tensa, quam leviora & magis tensa graviores reddunt sonum.

Circa sonorum concentum considerandum est, quod reciprocatio sive vibratio aëris ex quo efficitur sonus, postquam ad tympanum auris appulerit, aëri qui in ipso est inclusus iplique congenitus imprimit vibrationem similem, ex qua fit ut latera tympani interne percutiantur alternatim. Concentus autem duorum sonorum est, quando tympanum spatiis temporum æqualibus, & crebris ictum ab utroque sonante simul accipit. Itaque si duæ chordæ vibrationes suas inter se tempore æquales habent (*ισοχρόνως* vocant) fiet concentus exquisitissimus. Nam latera Tympani (id est, Organi auditorii) hinc & inde pulsabuntur simul. Exempli causa, si chordæ A B, C D æquales simul pulsantur, vibrationisque latitudines æquales habeant, E F, G H, & sint puncta E, G, F, H in ipsa Tympani concava superficie ab utraque autem chorda simul pulsetur tympanum in E & G, & rursus simul in F & H; adeoque erit ab utriusque chordæ vibratione sonus similis ut possit haberi pro eodem; qui est concentus maximus, & Unisonus appellatur. Rursus retenta chordæ A B vibratione per E F, eadem quæ prius erat, tendaturque chorda C D donec vibratio ejus duplo velocior sit quam antè, & dividatur E F bifariam in I. Quo tempore ergo chordæ C D fit vibrationis pars una à G ad H, eodem tempore fit una pars vibrationis chordæ A B ab E ad I. Et quo tempore chordæ C D fit altera pars vibrationis retrorsum ab H ad G, eodem tempore confecta erit vibrationis chordæ A B, pars altera ab I ad F. Sed puncta F & G sunt in organi lateribus, ferient ergo organum simul, non quidem temporibus singulis sed alternis, qui concentus exquisitissimo est proximus, & sonus octavæ. Rursus vibratione chordæ A B manente eadem, tendatur C D, donec vibratio ejus velocior sit vibratione chordæ A B, in ratione 3 ad 2. Dividaturque E F trifariam in K & L. Quo tempore ergo vibrationis chordæ C D conficitur pars tertia à G ad H, conficitur vibrationis chordæ A B pars tertia, id est, rectæ E F, nempe, E L, & quo tempore vibrationis chordæ C D



pars altera conficitur, nempe H G, vibrationis chordæ A B conficietur pars secunda, nempe ab L ad F, & rursus ab F ad L. Denique chordæ C D confecta vibratione postrema à G ad H, conficietur chordæ A B vibrationis pars ultima, ab L ad E. Sunt autem puncta E & H, ambo in lateribus organi, quare singulis temporibus tertiis ferietur organum ab utriusque vibratione simul, & fiet concentus *quintæ*.

12. Ad Odorum causam cognoscendam testibus utemur Phænomenis quæ sequuntur. Primò, olfactionem à frigore impediri, à calore adjuvari: Secundò, spirante vento ab Odorato, olfactionem fortiozem, & contra spirante vento ab olfaciente versus Odoratum, debiliozem fieri; quorum utrunque verum esse in canibus vestigia ferarum olfactum persequentibus, experientia satis manifestum est. Tertiò, corpora quæ fluido minus sunt pervia, minus etiam olfici posse, quam ea quæ sunt magis pervia. Ut videre est in lapidibus & metallis quæ comparata cum plantarum, animaliumque partibus, fructibus & excretionibus odorem minimum aut nullum habent. Quartò, ea quæ suapte natura odorem faciunt, contrita fortiozem facere. Quinto inhibita respiratione (saltem in hominibus) olfactionem tolli. Sextò, obstructis naribus, hiantore non fieri olfactum.

13. Ex quarto & quinto Phænomeno, manifestum est organum olfactionis primum & immediatum, esse cuticulam narium intimam, illamque ejus partem quæ est citra meatum narium & palati communem. Cum enim spiritum per nares ducimus, ad pulmones ducimus. Est ergo spiritus odorem vehens in ea via qua spiritus fertur ad pulmones, id est, in ea parte narium quæ est citra meatus per quos transit spiritus; nam odor non sentitur neque ultra quam fertur spiritus, neque antequam in nares recipiatur.

Quoniam autem aliter atque aliter sentientibus necesse est fieri in organo aliquam mutationem, & est mutatio omnis motus, necesse etiam est in olfactione partes organi, id est, cuticulæ illius internæ pro varietate odorum variè commoveri; & proinde nervos etiam qui cuticulæ inferuntur.

Cumque ostensum sit moveri posse nihil, nisi à moto & contiguo corpore, neque est inter olfaciendum, ullum aliud corpus narium membranæ internæ contiguum præter spiritum, id est, præter attractum aërem, & ea (siqua sunt) corpuscula solida invisibilia, quæ sunt aëri intermixta, necessariò sequitur causam olfactionis esse motum illius aëris puri sive substantiæ ætheræ, vel motum illorum corpusculorum. Sed motus ille effectus est ab objecto odorato; necessariò ergo movetur, vel objectum ipsum totum, vel partes ejus singulæ. Odorata autem odorem facere

facere scimus, etsi non tota moveantur. Est ergo causa odoris motus partium rei odoratæ invisibilium. Partes autem hæ invisibiles, vel exeunt ab objecto, vel retinentes situm quem antè cum cæteris partibus habebant, una cum illis moventur, hoc est, motum habent simplicem & invisibilem. Qui exire è corpore odorato aliquid dicunt, effluvia appellant. Suntque vel substantiæ æthereæ effluvia, vel corpusculorum illi interspersorum.

Quod autem varietas odorum ab effluviis nascatur corpusculorum substantiæ æthereæ interspersorum incredibile faciunt, primò, quod unguenta quædam eaque mole exigua odorem emittant fortem, non modò per spatia loci, sed etiam per spatia temporum longissima, quæque in omni puncto. spatii illius sentiri possunt; adeò ut partes effluxæ spatium complere debeant, plusquam decies millies majus quam est ipsum totum: quod est impossibile. Secundò, quod sive effluxus ille fiat motu recto, sive motu curvo, si totidem effluerint ex alio quolibet odorato, eodem motu sequeretur omnia odorata similem habere odorem. Tertid, quod effluvia illa motum habentia valde celerem* (ut manifestum est ex eo quod ad distantiam satis magnam emissus è cævena odor tetrus subito sentitur) oporteret eo solo motu fieri olfactionem, quandoquidem effluviis ad organum accessus non ocluditur; id verò non fit: Nam nisi halitus nostrum per nates attrahamus, olfactio non sequetur. Non fit ergo olfactio per effluviū atomorum. Neque verò fit, propter eandem rationem, per effluviū substantiæ æthereæ. Olfaceremus enim & sic, sine animæ retractione. Præterea, cum in omnibus corporibus odoratis similis sit inclusa substantia æthereæ, similiter etiam organum afficerent, & proinde odores omnium rerum essent similes.

Restat ergo ut olfactionis causa sit motus partium odorati simplex absque ulla è toto suo effluetione; quo motu propagatur per medium aërem usque ad organum motus similis, sed per se non satis vehemens ad excitandam sentionem, sine aëris per respirationem attractione. Quæ quidem causa olfactionis est possibilis.

14. Quare autem olfactio à frigore impeditur, à calore adjuvatur causa esse potest; quod calor, ut suprà ostensum est, capite 21. generat motum simplicem; quare etiam præexistentem augeat; auctu autem odoris causa, odor ipse augebitur.

Ventus autem ab odorato odorem fortiolem reddit eandem ob causam propter quam idem facit attractio aëris in respiratione; nam qui proximum aërem attrahit, facit ut remotior etiam ubi est objectum odoratum attrahatur, qui motus aëris ventus est, & à vento qui spirans ab objecto illi secundus est, augeatur.

15. Quod corpora in quibus ætheris minimum continetur, ut lapides & metalla

& metalla minus oleant, quam plantæ & animalia, causa esse potest, quod motus odorificus fluidarum partium solarum motus est, quæ partes liquem motum habent à partibus duris in quibus continentur, eundem aperto aëri communicant, & ad organum propagant. Ubi ergo nullum inclusum est fluidum, ut in metallis, vel ubi fluidum nullum à partibus duris motum accipiunt, ut in lapidibus qui duri sunt per accretionem, nullus erit odor. Itaque & aqua quæ nullum aut minimum habet partium motum, odorem nullum habet. Eadem autem aqua si à semine & calore Solis elevetur simul cum particulis terræ in plantam, exudans postea erit odorata, ut è Vite vinum. Ut autem ex aqua per plantas transeunte fit liquor odoratus à motu partium plantæ, ita etiam ex aëre per easdem plantas dum generantur pervadente fiunt odorata auræ. Similiterque contingit succis spiritibusque animalium congenitis.

16. Odorata à contritu odoratiores fieri possunt, ab eo quod cum in partes multas odoratas conterantur, fit ut aër qui ab objecto versus organum trahitur per respirationem, transit per eas partes singulas lambens, & earum motum recipit; quando vero nondum contritum est, lambit aër integræ quidem molis superficiem, sed ea multo minor est superficiebus simul omnibus partium quæ fiebant à contritu; & proinde idem odoratum debiliorem odorem facit integrum, quam comminutum. Et de odore quidem tantum esto.

17. Sequitur *Gustus*, cujus generatio à generatione Visus, Auditus, & Olfactus, in eo differt quod in illis objecti remoti sensus est, in gustu nisi contigui non est, neque gustamus quicquam quod non vel Linguam vel Palatum, vel utrumque immediatè tangat. Ex quo intelligitur linguæ & palati cuticulas ipsisque insertos nervos, organum esse gustandi primum; & (quia partibus horum concussis necessario etiam concutitur meninx tenera) actionem ad cerebrum atque inde ad organum ultimum, nempe ad cor ipsum propagari, in cujus reactione consistit natura sensationis.

Quod autem Sapores (quemadmodum & Odores) non modo cerebrum movent, sed etiam ventriculum, ut videre est in nauseantibus, qui Organum utriusque sensationis considerant minime mirabuntur, cum linguæ, palati, & narium una eademque sit cuticula continua à meningibus derivata.

Ex eo vero, quod Gustus non fiat nisi ubi contigua sunt organum & objectum, manifestum est in sensu gustandi, effluvia quod agant nihil esse.

Qua motuum diversitate diversa Saporum genera (quæ sunt innumereabilia) distinguantur nescio. Possem cum aliis, à diversitate figurarum atomorum ex quibus unumquodque Sapidum constituitur, vel à diversis motibus quos illis atomis (per modum suppositionis) attribuerem possem,

Elem. Philos.

K k k k

non

non sine verisimilitudine aliqua conjectari. Dulcibus motum circularem lentum, & figuras sphaëricas esse, quibus mulcetur organum; Amaris motum circularem vehementem, & figuras angulosas quibus atteritur Organum; Acidis, motum rectum & reciprocum, figurasque oblongas, latitudine minima, quibus vulneratur organum; & similiter cæteris saporibus aliquid vel in motu, vel in figuris atomorum excogitare quod videre posset verisimile, si transfugere statuissem à Philosophia, ad Divinationem.

18. *Tactus* sentiuntur calida quidem & frigida etiam remota, cætera, ut durum, molle, asperum, læve non nisi contigua. Organum Tactus est membrana quælibet meningi teneræ continua, quæ per totum corpus ita diffusa est, ut nulla pars corporis premi possit quin prematur etiam ipsa; sentiuntur itaque quæ premunt ut durum vel molle, id est, magis vel minus durum; sensio autem asperi nihil aliud est quam innumeræ tensiones duri & duri sibi invicem & brevissimis temporis & loci intervallis succedentium. Itaque asperum & læve, sicut & magnitudo, & figura non solo tactu sed memoria cognoscuntur, Tactus enim in puncto fit aliquando, sed asperum, læve, quantitas & figura, non sentiuntur sine fluxu puncti, id est, sine tempore; tempus autem sentire, memoriæ opus est.

C A P U T XXX.

De Gravitate.

1. *Densum plus Materie non continet (loco pari) quam Rarum.* 2. *Descensum Gravium non esse ab ipsorum appetitu, sed à vi aliqua Telluris.* 3. *Differentia Gravium oritur à differentia Impetuum quibus Gravium elementa impingunt in Terram.* 4. *Descensionis Gravium causa.* 5. *In qua ratione descensus gravium acceleratur.* 6. *Cur Urinares aque cui se immergunt non sentiunt Pondus.* 7. *Corpus in aqua natans Equiponderat aque tantæ quantæ capax est spatium à parte immersa occupatum.* 8. *Quantalibet moles corporis Aqua Levioris natabit in quantitate aque quantumlibet exigue.* 9. *Quomodo fiat ut è vase aqua in altum sublata ab aëre expellatur.* 10. *Cur vesica inflata gravior est quam flaccida.* 11. *Causa ejectionis gravium in altum è canone sclopeti Pneumatici.* 12. *Causa ascensionis aque in Thermometro.* 13. *Causa motus sursum in animalibus.* 14. *Esse in natura corporis Genus aëre gravius nec tamen sensu ab aëre distinguendum.* 15. *De causa virutis Magneticæ.*

1. **C**apite 24. Densum & Rarum (prout locus ille postulabat) ita definivimus, ut per Densum, magis Resistens; per Rarum, minus

ans Resistens, significaretur, consuetudinem eorum sequutus qui de refractione ante me disseruerunt. Cæterum si eorundem vocabulorum significationem veram & vulgarem consideraverimus, inveniemus ea nomina esse collectiva, id est, nomina multitudinis. Densum quidem quod dati spatii multas partes occupat, Rarum quod ejusdem vel æqualis spatii, partes ejusdem magnitudinis continet pauciores. Densum ergo idem est quod *Frequens*, ut densa caterva; Rarum idem quod *Infrequens*, ut Rara Acies, Rara Tecta. Non ut sit in loco quolibet plus materiæ quam in alio loco æquali, sed plus certi alicujus corporis nominati. Nam in solitudine quàm in urbe, si spatium idem sit, non est minus materiæ, five corporis indefinitè sumpti, sed minus rectorum, minus hominum. Neque in acie densa, plus corporis, sed plus militum quam in rarâ. Partium itaque intra idem spatium contentarum multitudo, & paucitas, five illæ partes vacuo separantur five aëre, densitatem facit & raritatem, quarum consideratio, ad Philosophiam, non magni est momenti. Ea ergo missa faciemus, transibimusque ad inquisitionem causarum Gravitatis.

2. Gravia autem dicimus corpora illa, quæ nisi vi aliqua impediuntur feruntur versus corporis Telluris centrum, idque quantum sensu percipere possumus, sponte sua; Itaque in ea opinione fuerunt Philosophi; alii quidem ut descensum gravium appetitum aliquem esse putarent internum quo projecta sursum, rursus descendant mota à seipsis, ad locum naturæ suæ convenientem; alii autem ea à Terra attrahi. Prioribus illis assentiri non possum, quoniam in superioribus videor mihi satis clarè demonstrasse initium motus nisi ab externo & moto nullum esse posse; & proinde ea quæ semel in quamcunque plagam motum aut conatum habent, in eandem plagam itura semper, nisi ab externo aliquo reagente impediuntur. Quare & gravia sursum mota, nisi per motum externum, dejecti non possunt. Præterea, corpora inanimata appetitu suo insito, cum appetitum nullum habeant, conservationis suæ causa, quam causam non intelligunt, Locum ubi sunt deferere, & in alium se transferre, cum homo qui & appetitum habet & intellectum, ne conservandæ quidem vitæ causa, ultra tres quatuorve pedes se attollere saltu potest periculum est. Denique corpori creato attribuire potentiam seipsum movendi; quid aliud est quàm creaturas esse dicere quæ à Creatore non debeant? Posterioribus, qui descensum Graviùm Telluris attribuant attractioni, assentior quidem; sed quo id modo fiat, à nemine explicatum est; De modo igitur & via actionis Terræ in attrahendis gravibus, aliquid hoc loco dicendum est.

3. Ex supposito motu solis simplice, congregari Homogenea, dissipari Heterogenea demonstratum est, cap. 21, art. 5. Supposuimus etiam in-

terspersa esse ætheri corpuscula quædam sive (ut vocant alii) atomos, præ nimia exiguitate invisibiles, easdemque consistentia, figura, motu, & magnitudine differentes; ex quo fit ut earum aliæ ad terram, aliæ ad planetas alios congregentur; aliæ verò in spatiis mediis circumferantur. Quoniam autem atomi quæ ad Tellurem deferuntur, figura, motu, & magnitudine inter se differunt, incident in terram cum impetu aliæ majore, aliæ minore. Cumque Gravitatis gradus non aliter æstimemus quam per earum in Terram cadentium majorem minoremve impetum, magis gravia dicentur ea sunt quorum impetus est major; & minùs gravia quorum impetus est minor; Inquirendum ergo est, quo modo fieri possit, ut corporum è sublimi in terram descendendum, alia majore alia minore ferantur impetu; id est, ut alia aliis sint graviora. Videndum est etiam quo modo corpus quodlibet Terræ insidens, à terra ipsa in sublime efferri possunt.

4. Sit jam (in Fig. 2.) centro C circulus in superficie Terræ Maximus transiens per A & B; sit autem & Grave quodlibet, puta saxum AD, in Plano Equatoris ubicunque. Concipiaturque saxum ab A D emissum perpendiculariter, vel quomodocunque erectum usque ad E, ibi quiescere. Quantum ergo spatii saxum occupaverat in A D, tantundem occupat nunc in E, cum ergo non concedatur locus vacuus, replebitur spatium A D, à confluyente aëre, facto initio à locis terræ proximis, & deinde à remotioribus successivè. Centro C intelligatur ductus circulus per E, & spatium planum inter superficiem Terræ, & Circumferentiam quæ transit per E divisum esse in orbes planos æquales & concentricos quorum primus sit is qui continetur à duabus perimetris per A & D.

Dum ergo aër qui est in orbe primo replet locum A D, fit ipse orbis tantò minor, & proinde latitudo ejus minor quàm recta A.D. Quare tantundem aëris necessariò descendet ab orbe proximè superiore. Similiter propter eandem causam fiet rursus descensus aëris ab orbe proximè adhuc superiore, atque ita demum ab eo ipso orbe in quo quiescit saxum ad E; vel ergo ipsum saxum descendet vel tantundem aëris. Cumque facilius à revolutione telluris diurna excutitur aër quam saxum, aër qui est in orbe ipsum saxum amplectente altius excutietur quam ipsum saxum. Hoc autem fieri non potest sine admissio vacuo, nisi tantundem aëris descendat ad E, à loco proximè altiore; quo facto saxum deorsum trudetur. Habet ergo jam saxum descensus sui initium, id est, gravitationem. Caterum quod semel movetur, movebitur (ut ostensum est, cap. 8, art. 19.) eadem semper via & eadem celeritate, nisi ab externo motore retardetur, vel acceleretur. Aër autem (quod solum corpus interponitur inter terram A & sublimè saxum E) per totam rectam E A, idem facit quod in E, sed in E depresso saxum, depri-

met

met ergo idem etiam in omni puncto rectæ EA, & æqualiter; saxum ergo descendit ab E ad A motu accelerato. Causa ergo descensus gravium sub Æquatore possibilis est motus Telluris aliquis. Eadem autem erit demonstratio si statuatur saxum in plano cujusvis circuli Æquatori paralleli. Motus autem quo Aër à Terra rejici potest nullus in Terra concipi potest præter illum quem explicui motum *Circularem* simplicem, quo movetur etiam Terræ centrum. Nam motus corporis super centrum sui ipsius figuræ, non conatur ad ullum locum extra seipsum.

5. Positâ quam diximus descensionis gravium causa, sequetur eorum motum eo modo accelerari, ut spatia quæ temporibus singulis percurruntur, in ratione sint eadem in qua sunt numeri deinceps ab unitate impares. Nam divisâ rectâ EA in partes quotcunque æquales, Grave descendens (propter motum hunc Terræ nunquam cessantem) singulis temporibus in singulis punctis rectæ EA, singulos patitur novos impulsus ab aëre æquales. Novos ergo singulis temporibus acquirit celeritatis gradus æquales. Sequitur inde ex demonstratis à Galilæo in Dialogis de motu, descendere Gravia iis spatiorum singulis temporibus percursorum differentiis quæ sunt differentiæ incipientium ab unitate numerorum quadratorum. Quadrata autem deinceps ab unitate sunt 1, 4, 9, 16, &c. eorum differentiæ sunt 1, 3, 5, 7, &c. id est, numeri ab unitate deinceps impares.

Contra Gravitatis causam allatam, nempe aëris superioris impulsus, objicitur fortasse, quod Grave etiam in fundo collocatum alicujus tubi concavi ferrei vel adamantini, inverso fundo descensurum esse; fieri tamen non posse ut aër superior ipsum depellat, multoque minus ut motum ejus acceleret. Considerandum autem est, hujusmodi Tubum vel Cavernam esse non posse quæ non ipsi Terræ innitatur, innixumque unâ cum terra motu hoc Aërem rejiciente circumferatur. Quo factò fundus tubi pro superficie erit Terræ, aëremque inum excutens, faciet ut aër summus Grave in summo Tubo positum, eo modo qui supra explicatus est depellat.

6. Cùm tanta sit quantam experimur Aquæ gravitas, quæsitum est à nonnullis, quid fieri potest, ut urinatores in quantamcunque profunditatem aquæ se immergant, incumbens tamen sibi aquæ molis pondus nunquam sentiant? Cujus rei causa videtur esse hæc: quod unumquodque corpus quo gravius est, tanto deorsum tendit conatu majore. Sed corpus humanum, mole aquæ quæ ipsum magnitudine æquat gravius est. Est ergo corporis humani quàm aquæ conatus deorsum major. Et quia omnis conatus motus est, feretur etiam versus fundum motu velociore corpus humanum quam tantundem aquæ. Major ergo est reactio fundi.

Kkk 3

Et

Et conatus sursum par conatui deorsum, sive prematur aqua ab aqua, sive à corpore quod sit aqua gravius. Itaque à paribus oppositis conatibus, conatus aquæ uterque tollitur; & proinde premere urinatore non potest.

Coroll. Manifestum etiam est aquam in aqua non gravitare, propterea quod partes aquæ æquali conatu ad fundum unâ conantur omnes & per easdem rectas superiores & inferiores.

7. Si corpus quodlibet aquæ innatet, pondus ejus ponderi æquale est molis aquæ tantæ quantam capit locus quem occupat natantis corporis pars aquæ immerfa.

Sit enim (in figurâ tertiâ) *ABCD* aqua, cui innatet corpus *EF*. Et pars quidem aliqua *E* supra aquam emineat, reliqua autem pars *F* sit immerfa. Dico pondus totius corporis *EF* æquale esse ponderi tantæ aquæ quantam capit spatium *F*. Quoniam enim sit à pondere corporis *EF*, ut aqua exiens è spatio *F* collocetur super aquam summam in *AB*, atque ibi collocata deorsum premat, ex quo sequitur per resistantiam fundi conatus sursum; & quia rursus ab aquæ conatu sursum, elevatur corpus *EF*, si conatus corporis *EF* deorsum, & conatus aquæ sursum non sint æquales, corpus *EF* aut descendet ad fundum, vel totum erit extra aquam, propterea quod conatus eorum, id est, momenta non sunt æqualia; sed supponitur stare *EF*, ita ut neque ascendat neque descendat. Stant ergo in æquilibrio, id est, pondus corporis *EF* æquale est ponderi aquæ quàm capit spatium *F*: quod erat probandum.

8. Sequitur hinc fieri posse ut corpus quantævis magnitudinis, modo ex materia constet minus gravi quàm est aqua, aquæ tamen innatet quantulæcunque.

Sit enim (in figurâ quarta) vas *ABCD*, & in eo corpus *EFGH* ex materia minus gravi quàm est aqua. Spatium autem *AGCF* aqua impleatur. Dico corpus *EFGH* descensurum non esse ad fundum *DC*. Cum enim materia corporis *EFGH* minus gravis sit quàm aqua, si totum spatium extra *ABCD* esset plenum aquæ, pars corporis *EFGH* aliqua, puta *EFIK* extaret supra aquam; & pondus aquæ quam caperet spatium *IGHK* æquale esset ponderi totius corporis *EFGH*, & proinde *GH* non tangeret fundum *DC*. Utrum autem latera vasis dura sint an fluida nihil refert; inserviunt enim solummodo ad aquam terminandam, quod æquè fit ab aqua & ab alia quâlibet materia quantumvis dura; nam & aqua quæ est extra vas determinatur alicubi, ut ulterius disfluere non possit. Extrabit ergo pars *EFIG* supra aquam etiam in vase *AGCF* conclusam. Innabit ergo corpus *EFGH* in aqua *AGCF* quantulacunque: quod erat demonstrandum.

9. Cap. 26, art. 4. Allatum est ad probandum vacuum experimentum aquæ vasi inclusæ, quæ, dato superne exitu sursum ejicitur pulsa ab aëre. Quæritur ergo (quoniam aqua aëre gravior est) quomodo id fieri potest. Consideretur dicti capitis 26. figura secunda, ubi aqua in spatium FGB, magna vi injecta erat per Siphonem. In ea injectione per injectam aquam aër inter Syphonis latera & Embolum eadem vi penetrans è vase exivit, sed purus: corpuscula enim illa quæ aëri interspersa esse & motu simplici moveri antè supposuimus, unà cum aëre puro penetrare aquam non potuerunt. Manentia autem necessario compulsæ sunt in locum arctiorem, nimirum in spatium quod est supra FG. Motus ergo corpusculorum minus minusque liberi erunt, prout major aquæ copia est quæ injicitur. Continget ergo ea corpuscula motibus suis mutud in se invicem impingentia, se mutud comprimere, conatumque habere perpetuū sese liberandi; & aquam obstantem deprimendi. Dato ergo superne exitu aqua prope exitum existens conatum habebit ascendendi. Necessariò ergo exibit, exire autem non potest, nisi unà tantundem intret aëris. Exibit ergo aqua & intrabit aër donec corpuscula illa quæ intra vas relicta erant libertatem motus pristinam recuperaverint, id est, donec vas rursus aëre repletum sit, nec relinquatur aqua ad obturandum foramen B satis alta. Ostensa est ergo hujus Phænomeni causa possibilibis, nimirum eadem quæ Tonitrûs. Nam ut in generatione Tonitrûs corpuscula in nubibus conclusa simatque nimum comprimuntur, rumpunt suo motu nubes, & sese in libertatem naturalem vindicant, ita hic corpuscula conclusa in spatio supra rectam FG, motu proprio per datum superne exitum expellunt aquam; negato autem exitu, iisdemque corpusculis ab injectione aquæ perpetua vehementius compressis, vas ipsum tandem cum fragore rumperetur.

10. Si tubo vel vesicæ aër sit inflatus, pondus ejus aliquantulum augebitur; ut data accuratissima opera à nonnullis expertum est. Neque hoc mirandum est, siquidem in aëre communi corpuscula non fluida multa (ut supposuimus) sunt intermixta. Ea enim corpuscula aëre puro sunt graviora. Nam substantia æthereæ, cum undiquaque à motu solis æqualiter agitetur ad omnes universi partes æqualiter conatur, neque ergo omnino gravitar.

11. Videmus etiam globulum plumbeum, à vi aëris inclusi in æneo canone quem appellant Sclopetum Pneumaticum, sursum ejici. Habet autem canon iste duo foramina, valvulis interne clausa; alterum, per quod aër admittendus, alterum per quod emittendus est. Deinde ope tubi canonem arctè complectentis & emboli (similis fistucæ) perforati & valvulam habentis internè ut facile possit retrahi, aërem externum multis valisque

disque ictibus in canonem incutiant, donec percutiendi difficultate victi multo plus aëris inesse canoni arbitrentur quam antè (etsi pleno) inerat. Aëri autem incusso quantuscunque is sit, ne rursus exeat obstant valvulæ antè memoratæ, quas exituriens aër necessariò ambas claudit. At eo foramine quod ad aërem emittendum factum erat aperto, statim vi magna & subito erumpens aër globulum unà velocissimè abigit. Hujus rei causam esse cum multis crederem, quod idem aër in canone initio rarus; deinde incutiendo aërem exterqum densatus, rursus dato exitu rarefieret, si modo cogitabile esset eundem locum semper plenum, modo plus modo minus materiæ continere, id est, pleno pleniorum esse, vel si concipere possem, plenitudinem ipsam causam motus efficientem esse posse. Sed utrumque impossibile est. Et proinde alia Phænomeni causa querenda est possibilis. Dum ergo ictu primo aperitur tubi valvula prima, ingredienti aëri externo relistit aër internus æquali vi. Fit ergo inter internum & externum aërem pugna quidem, & alterius ingredientis alterius egredientis duo motus contrarii, nulla autem in canone aëris augmentatio; nimirum, tanto exeunte aëre (propter percussionem) inter tubi latera & embolum eoque puro à corpusculis duris, quantus ab ictu incutiebat non purus. A multis ergo validisque ictibus augebitur intus in canone quantitas corpusculorum durorum, simulque motus eorum tendentur quantum ferre potest canonis materia, antè vero quam frangatur canon, latera ejus undiquaque ab exituriente aëre fortissime tentantur. Necesse ergo est dato exitu ut corpuscula illa velocissimo motu in locum liberum exeuntes obstantem globum secum auferant. Reddidimus ergo hujus Phænomeni causam possibilem.

12. Etiam, contrà quàm solent gravia, ascendit aqua in Thermometro; sed aëre frigido; nam calefcente rursus descendit. Inde Thermometro & Thermoscopio organi nomen impositum est, in quo caloris & frigoris mensurantur & signantur gradus. Ejus fabrica talis est: Sit vasculum (in figurâ 5.) A B C D, aquæ plenum; cylindrusque cavus vitreus E F G, clausus ad E; apertus ad G, qui calefactus immittatur erectus in aquam ad F, pertineatque ad G. Quo facto, refrigerante paulatim aëre, aqua in tubum paulatim ascendet ab F versus E, donec tandem utroque aëre tum externo, tum interno æqualiter temperato, neque ascendit amplius, neque (nisi aëris mutata temperie) descendet. Substitat ergo ubicunque ad H, si jam calor aëris augeatur, aqua ab H descendet; si minuatur, elevabitur. Cujus rei certissima est experientia, causa tamen adhuc queritur.

Ostensum est, cap. 27. art. 6, 7. (ubi causa frigoris querita est) corpora liquida frigidiora fieri propter aërem ipsis incumbentem, id est, propter

propter constantem ventum ipsa comprimentem. Eâdem de causâ premitur aquæ totius superficies ad F. Sed quo pressa recedat locus nullus est, nisi in cavo tubi inter H & E. Eò ergo necessario cogitur à frigore, & proinde ascendit aqua magis minusve prout frigus magis minusve intenditur. Et rursus factò calore intensiore, vel frigore remissiore, eadem aqua propter gravitatem propriam, id est, à causa (quam supra explicuimus) gravitatis deprimitur.

13. Etiam animalia etsi gravia sint, elevari tamen saltu, natatu, volatu, aliquousque possunt. Sed non fit hoc nisi corpori alicui innitendo ut terræ, aquæ vel aëri resistenti. Initium enim eorum motuum est à corporis animati (ope musculorum) contractione. Hanc enim contractionem sequitur corporis totius distensio, qua terra vel aqua vel aër cui innituntur comprimitur, inde per pressorum reactionem acquiritur animali conatus sursum, sed qui per gravitatem corporis citò amittitur. Itaque conatu illo elevatur quidem animal aliquantulum in Salta, sed parum proficit; Natatu autem & volatu plurimum; propterea quod nilius antè renovatur quam effectus ejus, à sui corporis gravitate, penitus extinguitur.

Quod à vi animæ sine musculorum contractione antecedente, aut sine fulcimento aliquis unquam corpus suum elevaverit, cogitatio puerilis est. Nam si ita esset, elevare se posset homo quousque veller.

14. Diaphanum quod oculo circumfusus est invisibile est; neque in aëre aër, neque in aqua aqua, aut quicquam quod non sit opacius videri potest. At in confinio duorum corporum diaphanorum alterum ab altero distingui potest. Itaque rustici qui spatium in quo aërem esse dicimus, inane esse credunt, non sunt perridiculi. Ut putemus aërem esse aliquid, ratione opus est. Quis enim est ex sensibus nostris per quem judicamus esse aërem, quem neque videmus, neque audimus, neque gustamus, neque olfacimus, neque tangentes quidem cognoscimus esse aliquid. Sentientes calorem non aëri imputamus, sed igni: & frigus non aëris, sed nostrum est; & sentientes Ventum advenire aliquid putamus, sed non adfuisse. Pondus item ne aquæ quidem in aqua, & multo minus aëris in aëre sentire possumus. Ratione autem corpus esse aliquid quod aërem dicimus, cognosci potest, sed unica; nimirum quia sine medio corpore, corpora procul posita in sensoria nostra agere non possint, neque omnino sentiremus nisi contigua: Naturæ ergo corporeæ, absque ratiocinatione ab effectus, soli sensus idonei testes non sunt.

Est enim in visceribus terræ in locis ubi effodiuntur carbones terrei, natura quædam quæ propter Effectus quosdam videri potest inter aquam & aërem ferè media; quæ quidem sensum opera distingui ab aëre non

potest; cum diaphanum sit æquè atque àër purissimus, eademque penetrationi quoad sensum æquè pervia. At si effectum spectes similis aquæ est. Puteum enim unde carbones illi effodiuntur, effluens è terra materia illa implet aut totum aut saltem aliquousque, & demissum vel hominem vel ignem non multo minore tempore extinguit quam ipsa aqua. Sed ut Phænomenum hoc melius concipiatur, describemus figuram sextam. In qua sit fodinæ carbonariæ puteus A B, supponaturque pars ejus C B tali materia repleta. Si demittatur accensa candela usque infra C, subito extinguitur non aliter atque in aqua. Item si demittantur carbonem in craticula ferrea accensi, ut fiat ignis quantumvis validus, statim ut immerguntur infra C pallefcere incipiunt, nec multo post videti (extincta luce) desinunt, similiter ac in aqua. Cæterum si craticula extrahatur carbonibus adhuc valde calentibus, paulatim accenduntur, & relucet. In hoc quidem à similitudine aquæ nonnihil disceditur; nam materia hæc non humectat, merisique adhærescit, sicut aqua, quæ reaccensionem humectando impedit.

Item si ad eundem locum C demittatur homo, respirandi quidem difficultatem statim, mox autem & deliquium patitur, & nisi cito extrahatur moritur. Moris ergo est iis qui descendunt, simulatque ægritudinem primam sentiant, funem quo demittuntur motitare, signum ægritudinis, ut extrahantur. Serius quam oportuit extracti, & ob eam causam sensu motuque carentis os primum in terram (execto cespite) recentem immittunt; inde paulatim nisi planè mortuus fuerit sensum & motum recipit; & tanquam per os egrediente materia noxia quam sub terram inhiberat reviviscit, eodem modo quo in aqua suffocati, si aquam revomant. Accidit autem hoc non in omnibus puteis, sed in multis, nec in iisdem semper, sed sæpe. Quando accidit remedium adhibent hujusmodi. Fodiunt in propinquo puteum alium æque altum D E, & conjungunt atrumque cuniculo E B. Deinde ab accenso igne in fundo E, àër qui est in tubo D E evehitur in altum foras per D. Hunc sequitur àër contentus in cuniculo E B; quem sequitur materia noxia contenta in C B, & redit puteo pro ea vice solita salubritas. Ex historiola hæc (quam iis solis scribo qui veritatem ejus ipsi experti sunt. Nam Philosophiam Historiis dubiæ fidei fulcire non est meum) Phænomeni causa possibilis intelligi potest hæc. Materiam esse quandam fluidam, transparentissimam, quæ erumpens è terra puteum implet usque ad C. In qua materia tanquam in aqua, & ignis & animalia extinguuntur. Possibile autem est, ut materia illa alia non sit quam àër, sive ventus fortissimus, qui & ignem & vitam extinguat, hanc receptus in pulmones, ubi sistit sanguinis ab uno Cordis ventriculo ad alterum transitum, illum vehementia motus in se conversi suffocans.

15. Circa naturam gravium difficultas maxima oritur à contemplatione earum rerum quæ gravia ad se in sublime tollunt, ut Gagates, Succina, Magnes. Præsertim vero turbat Magnes, qui & lapis Herculeus appellatur, lapis alioqui despicabilis; sed tantis viribus ut è telluris gremio ereptum etiam ferrum à se suspensum teneat velut Antæum Hercules. Quod tamen aliquanto minus mirandum est, quia & lapis Gagates paleas minus quidem quam ferrum graves, graves tamen attrahit. Cæterum ut hoc faciat Gagates, prius frictu excitandus est, id est, motu reciproco. Magnetis autem excitatio à natura est ipsius lapidis, id est, à principio sive motu ejus aliquo interno. Quicquid movetur, à motu & contiguo moveri in superius demonstratis est; Et proinde Ferri ad lapidem conatum primum oriri certum est à motu aëris ferro contigui. Item aëris illius motum à motu gigni aëris deinceps proximi, sine hinc donec inveniamus aëris totius motum originem ducere ab aliquo motu in Magnete ipso, qui motus (quoniam videtur Magnes conquiescere) est invisibilis. Certum ergo est vim magnetis tractricem aliam non esse quam partium minutissimarum Magnetis motum aliquem. Supposito ergo corpuscula minima ex quibus in ipsis terræ visceribus concrevit magnes, motum sive conatum à natura sua (per lineam præ brevitate invisibilem) habere ut modo dictum est de Gagate reciproco, una erit in utroque lapide attractionis causa. Ea jam causa quo modo & ordine operandi Attractionem efficit querendum est. Scimus per vibrationem, id est, per motum super eandem rectam reciproco fieri ut unâ lyrae chordâ pulsâ, alia moveatur vibratione simili, modo similem habeat tensionem. Scimus etiam facies, arenulasque in fundo vasis subsidentes motu summæ aquæ baculive agitatione forti & reciproco à fundo excitari. Quid ni igitur & motus reciprocos partium Magnetis simile quippiam faciat in movendo Ferro? Siquidem enim in Magnete motus reciprocos sive itus reditusque partium supponatur, sequetur inde similem motum propagari per aërem usque ad ferrum, id eoque ipsi ferro, & singulis ejus partibus itum redituumque easdem inesse vices. Sequetur autem hinc aërem, qui erat inter lapidem & ferrum intermedius paulatim exterminari. Exterminato autem aëre corpora magnetis & ferri necessario conjunguntur. Causa ergo possibilis quare & magnes ferrum, & Gagates paleas ad se attrahunt, est motus partium corporis trahentis super eandem rectam vel per lineam ellipticam reciprocos, quando in tracti natura motui tali nulla est repugnantia.

Quare autem magnes, (si subere fultus, aquæ liberè supernatet) in quocunque situ positus collocabit se ita in plano Meridiani, ut quæ quiescent-

tis ipsius puncta polos terræ spectant uno tempore, eadem eosdem polos quovis alto tempore respicient, causa esse potest, Quod motus, quem diximus partium lapidis reciprocos, in linea fiat Axis terræ parallela, idemque ingenitus iis sit usque à generatione ipsius lapidis. Itaque cum lapis in fodina existens, & à motu diurno una cum terra circumlatus lationis secundum lineam, lineæ motûs reciproci perpendiculararem, longo tempore habitum acquisierit, etsi axis ejus à parallelismo terræ dimoveatur, retinebit tamen conatum redeundi in eundem situm. Est autem conatus, motûs principium, quo dato, nulloque intercedente impedimento, redibit Magnes ad situm priorem. Quodlibet enim ferrum si longo tempore in plano Meridiani collocatum requieverit, etiam inde dimotum, modo liberè moveri possit, ad meridianum revertetur; nimirum à conatu quem à motu terræ acquisierat in circulis parallelis qui sunt Meridianis perpendiculares.

Quod si Ferro Magnes affricetur, ductu scilicet recto ab uno polo ad alterum, contingunt duo; alterum, quod ferrum virtutem acquireret directionis eandem cum Magnete, id est, ut quiescat in Meridiano, axemque & polos habeat eosdem quos lapis. Alterum ut poli lapidis & ferri se mutuo similes abigant, dissimiles appetant. Causa primum esse potest, quod per affrictum ductu factum non reciproco, sed via semper eadem à polo ad polum, etiam ferro imprimitur conatus ab eodem polo ad eundem; cum enim Magnes à ferro non differat nisi ut ferrum crudum à cocto, ferrum coctum ad motum qui in lapide est recipiendum, nullam habet repugnantiam. Ex quo sequitur, ut in motum terræ æquè consentientes, ad situm sub meridianum, si inde deturbentur æque redeant. Causa secundi esse potest, quod in affrictu Lapidis ad Ferrum, sicut Magnes agens in Ferrum conatum ei imprimit ad unum Polorum puta Borealem, ita vicissim Ferrum agens in Magnetem imprimit ei conatum ad alterum, id est, Australem. Continget ergo in reciprocationibus, sive in itu & reditu particularum lapidis, & Ferri inter Boream & Austrum, ut dum in altero itur à Borea versus Austrum, & reditur ab Austro ad Boream, fiet in altero itus ab Austro ad Boream, & reditus à Borea versus Austrum. Atqui ex his motibus inter se contrariis, & aëri communicatis fit ut Polus Ferri Borealis interea dum fit attractio, deprimatur versus Magnetis Polum Australem; aut contra ut Polus Magnetis Borealis deprimatur ad Polum Ferri Australem; utque utriusque tam lapidis dico quam ferri axis in eadem recta collocetur; id ipsum quod fieri docent experimenta.

Quod autem virtus Magnetica propagetur non modo per aërem, sed etiam per corpora quælibet durissima mirandum non est, cum nullus
motus

motus tam debilis esse possit quin per spatium corpore quantumvis duro plenum propagetur in infinitum. In medio enim pleno motus existere nullus potest quia cedat pars medii proxima, & deinceps proximæ sine fine; adeo ut ad quemcunque effectum, conferant necessario aliquid etiam singularum rerum motus singuli.

Atque de natura Corporis in genere hætenus dictum sit: quæ Elementorum Philosophiæ Sectio prima est. In cujus partibus prima, secunda, & tertia, ubi Principia ratiocinandi consistunt in intellectu nostro, id est, in Vocabulorum legitimo usu, quem ipsi facimus, Theoremata ni fallor omnia legitime demonstrata sunt. Pars quarta dependet ab Hypothesibus, & propterea ignorata illarum veritate, causas rerum eas revera esse quas explicavimus demonstrari non potest. Quoniam tamen Hypothesin nullam sumpti quæ non & possibilis & comprehensu facilis sit; & ab assumptis legitime ratiocinatus sum, potuisse esse demonstravi, qui finis est contemplationis Physicæ. Quod si eadem vel his ampliora, sumptis aliis Hypothesibus, quispiam alius demonstraverit, majores illi gratias debemus quam ego mihi deberi postulo, si tamen Hypotheses quibus utitur sint cogitabiles. Nam quod quis quicquam à seipso, à Speciebus, à Potentia, à Forma substantiali, à Substantia incorporea, ab Instinctu, ab Anteprestiti, ab Antipathia, à Sympathia, Occulta qualitate, cæterisque verbis Scholasticorum inanibus moveri aut produci dixerit, nequicquam dictum erit.

Transeo nunc ad Phænomena corporis Humanī, Ubi Opticæ, item Ingeniorum, Affectuum, Morumque humanorum (Deo vitam tantisper largiente) causas ostendemus.

F I N I S.



ELEMENTORVM

PHILOSOPHIÆ

SECTIO SECVNDA

D E

H O M I N E.

LEMMA CAPITUM.

- C**AP. 1. *De Generis Humani Origine, &c.*
2. *De Linea Visuali & Perceptione Motus.*
3. *De Objecti Loco Apparente per Visionem directam.*
4. *De Representatione Objecti in Perspectiva.*
5. *De Loco Objecti Apparente in Speculis planis & Convexis per Reflectionem.*
6. *De Loco Objecti Apparente per Reflectionem in Speculo Spharicè concavo.*
7. *De Loco Apparente Objecti Visi per Refractionem unicam.*
8. *De Visione post duas Refractiones, sive de Dioptris vulgaribus.*
9. *De Dioptris duplicatis sive de Telescopio & Microscopio.*
10. *De Sermone.*
11. *De Appetitu & Fuga.*
12. *De Affectibus sive Perturbationibus Animi.*
13. *De Ingeniis & Moribus.*
14. *De Religione.*
15. *De Homine fictitio, sive de Persona.*

EXCELLENTISSIMO
V I R O,
G V L I E L M O
C O M I T I
D E V O N I Æ,
Domino meo Colendissimo.



*A*bsoluta Sectione hac de Homine solvi tandem fidem meam. Habes enim Philosophiæ meæ qualiscunque, in omni genere Elementa prima. Contigit autem Sectioni huic ut due partes ex quibus constat sint inter se dissimilimæ. Est enim altera difficillima, altera facillima; altera Demonstrationibus, altera Experientia constans; altera à paucis, altera ab omnibus intelligi potest. Itaque conjunguntur quasi ad Præcipitium. Sed necessarium erat, ita scilicet postulante totius operis Methodo.

Homo enim non modo Corpus naturale est, sed etiam Civitatis, id est (ut ita loquar) Corporis Politici pars. Quamobrem considerandus erat tum ut Homo, tum ut Civis; id est, Ultima Physicæ cum Principiis Politicæ conjungenda erant, difficillima cum facillimis. Diu est quod pars prior Typis parata erat. Cur ergo, inquires, cum reliqua facillima erat, tam diu editionem expectavimus: Quid interea fecisti?

A A 2

Dicam.

Dicam. ἡγεμονάχῃ. Sunt enim & mihi mei Demetrii & Alexandri quorum ἡγεμονίας obstare velle, falso existimatus sum. Dum ergo Clamoribus & Conviciis illorum necessario responderem, fecit concertatio longa ut nimis sit dilata editio. Statueram Elementis his ad finem perductis, stylum abjicere. Sed ut hominum profitentium Scientias mores esse nunc video, spem illam abjicio, stylum retineo; nam & hac fortasse defendenda erunt. Sacrificiis importune semper fuerant Muscae. Faciam ergo, ut Domitianus Imperator; configam stylo muscas. Ita inquam, nisi dederis tu quod agam melius. Sum enim

Excellentiæ Tuæ

Servus humillimus

Die 24. Iunii, 1658.

THOMAS HOBBS.

D E

DE HOMINE.

C A P U T I.

1. De generis humani Origine prima. 2. Nutritione. 3. Dissolutione.
4. Generatione : Paucæ & generalissima.

1. **D**E origine Generis Humani sententiâ Philosophorum antiquissimorum fuisse celeberrimas duas, testatur Veteris Historiæ transcriptor *Diodorus Siculus*. Alteram eorum, qui, cum Mundum æternum esse statuisent, necesse habebant etiam Hominum genus ab æterno extitisse dicere. Alteram eorum, qui Mundum definito tempore incepisse existimabant, & illi sententiæ suæ convenienter, fuisse dicebant ab initio rerum Cœli & Terræ (utriusque naturâ permixtâ) faciem unam; postea verò discedentibus à se invicem Corporibus Mundum hunc visibilem aëremque motum continuum accepisse; & alia quidem sursum elevata constituisse Solem & Astra, quæ in totius mundi & aëris conversione deprehensa, unâ cum mundo & aëre circumferuntur; alia autem subsidentia colluviem constituisse teneram & cœnosam super axem proprium perpetuò motam; ex qua secedentibus partibus, ex humidis factum esse Mare, ex solidioribus Terram, initio quidem satis teneram, postea verò à splendore Solis factam compactiorem. Qua mollitie telluris, in loci Soli subjectioribus, factum esse ajunt, ut in locis paludosis tumores sive pustulæ quædam enascerentur, membranulas habentes ex quibus (post perustis perfractisque) omne genus animalium, etiam homines, excluderentur. Propinqua quidem hæc sunt iis quæ traduntur in *Cap. 1. Genesios*, sed non eadem. Nam discesserunt quidem à se invicem corpora, & ad sua quæque loca abierunt Homogenea; sed propter motum spiritus Dei, qui super illam Abyssi faciem unam ferebatur. Produxit etiam Terra omne genus animalium; sed virtute verbi divini, & excepto Homine, qui post cætera animalia ad Dei similitudinem creatus est. Attamen qui sic Philosophati sunt, quantum sine revelatione divina assequi licuit tantum videntur assequuti. Prima enim universi generatio, & dissolutio nisi conditori ejus nemini cognita est. Primam ergo generis humani originem talem esse credimus qualem in lege sacra à *Moyse* traditam didicimus.

2. Nutritio hominis quomodo ex cibis quotidie perficitur sensui ferè manifestum est. Cibus enim motu illo quem deglutitionem dicimus, dejicitur in ventriculum. Ventriculus motu quodam sibi proprio dejectum

jactat, ita ut misceat & emolliat; truditque in Intestina. Intestina emollitum protrudunt, & partem ejus tenuissimam, id est Chylum, per motum Peritæiticum, cogunt in venas lacteas; venæ lacteæ in subclaviarum, hæ in Cavam exonerant; Vena Cava in cor, ubi cum sanguine miscetur; & Cor in Arterias. Partem autem ejus nutritioni idoneam portant Arteriæ Carotides ad cerebrum; unde transmittitur colata per nervos, & discissa in innumera minutissima fila fit caro. Interea sanguis per Aortam & ramos ejus in musculos delatus Carnem jam factam tingit rubedine.

Præterea, eodem motu Arteriarum quo sanguis in musculos deferitur, saturatis musculis cogitur in venas capillares; & ne pondere suo restitet, valvulis sustinetur, proceditque ad Venam Cavam, atque inde rursus ad cor, & ita (recepto novo Chylo) per Arterias ad musculos circulando. Atque hæc (excepto quod dicitur de generatione Carnis per Nervos; de quo ulterius inquirendum) experimentis confirmata sunt.

Quamdiu sanguis, ea qua dictum est via circulator tamdiu homo vivit. Quamdiu autem cor motum suum Systolæ & Diastolæ retinet tamdiu sanguis circulator. Sed unde habet motum illum Cor? A motu aliquo in sanguine, an sanguis motum suum habet à corde? Constat Infantem dum in utero est matris, motum cordis habere à motu sanguinis materni, & vitam à vita matris cui adhæret. Manifestum etiam est cum ex utero exierit, & aërem semel hauserit, non posse postea sine aëre vivere. Sequitur ergo vitam, id est, motum cordis dependere ab aëre, & proinde aërem, vel aliquid quod cum aëre imbibitur causam esse motus cordis. Quicquid autem sit in aëre quod cor movet, necesse est ut prius moveat sanguinem. Nam haustus aër transit per Arteriam asperam in Parenchyma Pulmonum, nec ad cor pervenire potest nisi intret in Arteriam venosam, & ita secundo cursu sanguinis ad cor deferatur. Itaque id quod in aëre existens motum suum sanguini imprimit, cordis Diastolem efficit. Quo facto cor per Arterias sanguinem exonerat, qui motus dicitur Systole.

Ut autem quid illud sit in aëre quod motu suo sanguinem in Venis movere possit concipiamus, considerare oportet an in omni aëre æquè vivatur. Constat autem contrarium. Aër, si æther merus esset, homogeneus esset; & proinde in omni aëre æquè viveretur; imo non omnino viveretur, cum merus aër ita movere sanguinem ut nascatur inde cordis Systole & Diastole non possit. Præterea cognitum experientia est, aërè paucò, sed in vesicam vi intruso & parçè hausto durari posse in fundo maris sex horis continuis, quod fieri impossibile esset si aër ille intrusus merus esset. Nam aër semel haustus & efflatus, quantumvis refrigeratus, iterum receptus vitæ inutilis est. Sunt ergo in aëre Corpuscula aliqua præ
exigui-

exiguitate invisibilia, quæ motum hunc sanguinis in venis (quo cor movetur) efficiunt motu suo naturali. Nimirum ut in mar^o Sal, ita est in aëre Sali aliquid homologum (ceu Nitrum) quod per respirationem in sanguinem receptum illum agitatur fermentaturque, venas & cor distendit, & per cordis Systolem mediantibus Arteriis in habitum corporis humani distribuitur. Motus autem quem Corpuscula talia habere debent, alius esse non potest quam is quem Capite 21. Sectionis de Corpore, *motum simplicem*, appellavimus, & fermentationis omnis causam esse demonstravimus. Neque cuiquam mirum hoc videri debet, cum sanguinis & cordis motum sisti, morbosque & mortem ex haultu aëris insalubris, id est, ex quibusdam corpusculis vitæ rationibus contrariis in aëre existentibus sæpiissime sequi videamus, & contra ex aliis vitam & sanitatem conservari. Sicut enim non ab aëre puro five æthere, sed ex corpusculis in ipso fluitantibus motumque habentibus vitali motui sanguinis contrarium nascuntur morbi Epidemici, ita ex corpusculis terreis debitis naturæ nostræ congruo, vita & motus sanguinis debitus continuatur.

§ Mortis autem, id est cessationis sanguinis (præter vim externam) variorum sunt causæ. Ut primò, vasorum in quibus circumfertur sanguis obstructions. Nam fieri potest per contumaciam musculorum ut via sanguinis obstruatur. Contumacia autem musculorum tunc fit, quando humor aliquis viscosus vel mucosus in ipsis musculis congelatur; unde fit ut sanguis Arterialis per Arterias capillares non modo difficulter transeat, sed etiam non sine difficultate recipiatur in capillares venas. Unde febres, & si vis motus cordis vincat, mors. Secundò, si materia purulenta aliqua in ipsis venis sanguini immista fluitet, idem erit in sanguine per Arterias in musculos extrudendo cordis labor, id est, febris, & succumbente corde mors, vincente, ulcera in carne, nimirum à materia purulenta per musculos extrusa. Hujusmodi autem materia in venis nascitur exulceratis; quod fieri potest ab iis corpusculis qui hauriuntur per respirationem: & intrantes in sanguinem vasa corrodunt, vel ipsum sanguinem coagulant, ut in morbis pestilentibus. Fieri etiam potest à corpusculis quæ in cibo vel potu recipiuntur; quæ cum Chylo intrantia in venas, ipsas exulcerant. Idem etiam fieri potest à morsu serpentum & canum rabidorum, unde vulnerata aliqua vena, vel utcumque veneno in sanguinem misso, fit exulceratio in venis sanguinem venenatum recipientibus. Denique undecunque ad venarum interna pateat aditus inde incipere potest vasorum exulceratio, ut in luè venerea initio facto à meatu urinario prorepat venenum per Ureteres, Renes, Venas, emulgentes & Cavam secundo sanguine ad cor, & inde per Arterias in corporis habitum. Eodem modo fiunt morbi & mortes propter obstructionem materiæ

terix quæ defertur per nervos. Cumque aliæ multæ sint mortis & morborum viæ, omnium tamen unum est opus ut sanguinem sistant, vel incipiant, vel exhauriant, vel aliquo modo impediunt; de quibus fufius dicere professio est Medicorum.

4 Quod ad Generationem hominis attinet, eodem fere modo procedit quo Generatio plantarum. Materia plantarum est ipsa terra, quam calore evocatam format motus seminis specificus in plantam proprii generis. Similiter in Generatione hominis, materia foetus, est sanguis maternus, quem utriusque parentis humor prolificus movet formatque in speciem humanam. Nimirum reciprocante serrâ amoris fit fermentatio, & inde vasorum distentio, & humoris prolifici eruptio & in sulcos soli muliebris intrusio, ubi sanguinem paulatim descendentem motu suo specifico format in hominem.

Possem hæc minutiùs explicare, nisi instituissem non tam corporis quam animæ facultates investigare. Itaque ad sensus procedo: satis habens si hujusmodi res attigero tantum, plenius autem tractandas aliis reliquero; qui si machinas omnes tum Generationis tum nutritionis satis perspexerint, nec tamen eas à mente aliqua conditas ordinatasque ad sua quasque officia viderint, ipsi profectò sine mente esse censendi sunt.

C A P U T I I.

De Linea Visuali, & Perceptione motus.

1. Introductio. 2. Linea Visualis quænam sit, & quæ inde consequuntur oculis vulgaribus. 3. Visio ab exiguitate objecti confusa. 4. Visionis confusio à vitio oculorum. 5. Quomodo in visione objecta majora videntur quam sunt. 6. Quomodo in visione videantur moveri quæ non moventur, propter motum videmus. 7. Quomodo in visione moveri videntur quæ non moventur, propter agitationem partium Cerebri, Nervi Optici, & Retinæ.






Visio distincta & figurata est quando lumen, vel color figuram habet cujus partes ab objecti partibus efficiuntur, & iisdem ordinatim singulæ singulis respondent.

Lumen autem & color ita figuratus, *Imago* dicitur. Naturâ autem insitum est omni animali, ut primo intuitu imaginem illam, ipsam rem visam esse putent, vel saltem aliquod corpus quod ipsam rem simili situ partium exactè referat. Imò homines (si valde paucos qui judicia sensuum ratione correxerunt, excipias) imaginem illam putant esse objectum ipsum, nec sine disciplina in animum inducere possunt Solem & Astra majora esse aut remotiora quàm videntur.

Quare



AD CAP. II



Quare autem objectum modo majus, modo minus, modo propius, modo longinquius, modò unà, modò alià figurà apparet, quanquam multi demonstrare conati sunt, à nemine tamen, quod scio, demonstratum est. Quod tamen minimè miror, quia lumen & colorem non objectorum accidentia, sed Phantasmata nostra esse, ne suspicari quidem cuiquam contigit. Itaque cùm de loco imaginis nihil hactenus ea rationum firmitate scriptum sit, quam exigunt illi qui veras rerum causas scire cupiunt; Videamus an ex iis quæ superius dicta sunt, harum quoque rerum rationes accuratè supputari possint.

Unumquodque punctum visum in ea lineà rectà apparet, cujus unum punctum Centrum est *Retinæ*, alterum in superficie ejus; illud nempe punctum in quod irradiatio à puncto viso derivatur. Vocabitur autem lineà illa recta *linea visualis*, & si quidem illa sit ad superficiem oculi perpendicularis *Axis opticus*.

Sit oculus (in fig. 1.) A B C D, pupilla G, humor Crystallinus H H, processus ciliares A C, radius autem à puncto viso F incidat in oculum ad B perpendiculariter; transibit ergo (per de Corpore cap. 29. art. 2.) per centrum oculi ad Retinam in D, irrefractus; eritque axis opticus F D, & perpendicularis ad Retinam in D. Itaque fiet resistèntia, id est, restitutio in Retina perpendiculariter; apparebitque punctum F alicubi in D F, id est, alicubi in recta cujus unum punctum est centrum Retinæ, alterum est in ipsa Retina eo loco ubi incidit in illam lineà radians ab objecto F.

Rursus sit punctum visum I, cujus radiatio incidat in oculum ad K obliquè, itaque refringetur versùs perpendicularè per K L ad superficiem humoris crystallini in L, inde rursus refringetur versùs perpendicularum per L M ad superficiem humoris crystallini alteram in M. Postremo refringetur per M N, à perpendiculari ad superficiem Retinæ in N. Ducatur jam per E Centrum Retinæ recta N E: Punctum visum I apparebit alicubi in N E producta. Nam ostensum est per cap. 22. artic. 6. de Corp. resistèntiam, utcumque incidat vis agentis, semper tamen fieri ad perpendicularum resistènti. Itaque videbitur I in recta N E, cujus unum punctum E est centrum Retinæ, alterum N est punctum in Retina ad quod derivatur irradiatio. Quare sive actio objecti visi fiat perpendiculariter, sive obliquè, erit lineà visualis ea recta cujus unum punctum est centrum Retinæ, alterum est punctum in ipsa Retina irradiatum. Quod erat demonstrandum.

Corollarium. Manifestum hinc est lineas visuales se mutuo secare omnes in centro Retinæ.

His cognitis rationem reddemus Phænomenon sive experimentorum (quæ plerique observarunt & quilibet observare potest) duorum. Quorum unum est; Quando aliquis objectum intuetur ambobus oculis, altero na-

El. Phil. sect. 2.

B B

tura-

ruraliter se habente, altero ita distorto ut axis opticus non incidat in objectum, apparebit objectum in duobus locis. Alterum est, Si quis objectum aliquod ambobus oculis attentè intueatur, aliud objectum quodlibet sive propius sive remotius (modo videatur) duobus locis apparebit. Quod ad Phenomenon prius attinet.

Sit alterius oculi (in fig. 2.) centrum Retinæ A, alterius B. In Axe autem optico A C unius, sit punctum visum C. Itaque oculo cujus Retinæ centrum est A, apparebit punctum C in axe D A C. Appareat ergo in C. Radius autem à puncto C incidat in alterum oculum obliquè in puncto H, ita ut per refractiones debitas perveniat ad Retinam in puncto I. Videtur igitur ab oculo, cujus centrum Retinæ est B, alicubi in recta I B producta, id est, in viâ distortioni oculi contrariâ. Nam sine distortionem, axis oculi cujus centrum Retinæ est B, collocaretur & obverteret sese naturaliter ad objectum visum C, & transiret per H, ubi nunc detruditur è situ suo naturali in punctum E. Videtur itaque punctum C in duobus locis, &c. quod erat probandum.

Quod attinet ad secundum Phenomenon, sint duo oculi quorum Retinarum centra sint A & B, axes optici D A C, E B C, ambo tendentes ad punctum C. Sitque aliud objectum F remotius quàm C. Dico F apparitum esse in duobus locis. Nam radius veniens ab F, cum non sit axis opticus, cadet in oculum obliquè, itaque refringetur, & incidet in Retinam ex altera parte axis. Incidat ergo, exempli gratia, in altero quidem oculo ad punctum H, in altero verò ad punctum K, ductis igitur & productis H A, & K B, apparebit punctum F in rectis H I & K G, nec tamen in earum concursu, sed citra concursum; propterea quod videtur objectum C in eadem ferè distantia per radium C E vel C A, in qua videtur per radium G K vel I H. Videtur ergo C in duobus locis. Rursus si sumatur objectum oculo propinquius ut punctum L, radii qui inde ad retinam derivantur incident in eam ex altera parte axis puta in M & N; ductis ergo M A, N B & productis puta in O & P, videtur punctum L in duobus locis O & P. Nec refert utrum F, C, L sint in eadem rectâ an non, modo unum tantum eorum sit in axe optico. Neque etiam refert an punctum C, sit objectum aliquod visibile an non, modo axis opticus uterque ad ipsum tendat, quamquam sine aliquo objecto visibili axes opticos ad punctum datum dirigente, difficilius aliquanto sit quàm ut sine consuetudine torquendi oculos ad libitum fieri possit.

Coroll. x. Ex hoc intelligi potest, quòd ei qui objectum aliquod valde parvum attentè intuetur cætera omnia vicina confuse apparent, confusio-nemque illam ex eo oriri, quòd vicina illa cum non sint visa per axem opticam, dupla appareant.

Co-

Coroll. 2. Ex eodem sequitur, objectum nullum immoto oculo videri posse nisi confusè, nam immoto oculo immotus manet axis opticus, in quo solo fit visio distincta, sed puncti tantum unius; unde fit ut distincta visio fieri nulla possit nisi oculo partes objecti singulas atque ordinatim legente (etsi motus ille in oculo ita in parvis objectis exiguus sit, ut non percipiatur.) Hinc est quod qui versum aliquem etsi brevem, unoque intuitu comprehensibilem legere cupiunt, necesse habent ad consequentiam literarum oculi axem perpetuò convertere.

Magnitudines autem valde exiguae, vel (si maximæ) valde remotæ, semper videri confusè, idque propter amplitudinem pupillæ, quæ quantum opus est contrahi non potest.

Sit enim (in fig 4.) objectum A quasi punctum, axis opticus AB; videbitur igitur punctum A in axe BA. Rursus sit radius AC incidens in oculum oblique ad C, & propagatus per refractionem ad Retinam in D; ducta igitur per centrum E recta DF, videbitur punctum A in recta EF. Itaque videbitur in pluribus locis simul, id quod est confusè. Accidit autem admitti radium AC, propterea quod pupilla C non potest ita contrahi ut radios obliquos excludat omnes.

Coroll. 1. Hinc est quod partes objecti minimæ distingui inter se non possint, ne quidem ab oculo optimè constituto, eoque utcumque vitris adjuto; nam dividi objectum potest in partes semper minores, vitrorum autem virtus augeri in infinitum non potest.

Coroll. 2. Doctrinæ huic consequens quoque est hoc, lineas subtiles, superficiesque terminos confusè apparere. Item pulverem, ex minutis pulvisculis compositum diversorum colorum, unius tantum coloris ex illis compositi apparere.

Manente pupilla & humore cristallino iisdem & in eadem distantia à fundo oculi B. Si Retina sit figuræ quidem sphericæ, sed sphericæ minoris, qualis est MBI, confusio erit in omni puncto objecti adhuc major. Nam centrum Retinæ propius erit ad fundum B, puta in H, ducta ergo DG per H, videbitur objectum A in HG longius ab axe. Idem accidet si AC, secaret axem priusquam veniret ad Retinam, sed tunc appareret A ex altera parte axis.

Rursus manente figura Retinæ, si refractione major vel minor esset (sive id contingat à maiore vel minore humorum contumacia; sive ex maiore vel minore humoris Cristallini gibbositate) vel si distantia major esset vel minor humoris Cristallini à Retina, major erit semper confusio. Nam quanto Refractio major est, tanto citius radius obliquus AC axem secatur, id est angulum cum axe maiorem efficit. Itaque linea visualis per centrum ducta maiorem quoque angulum efficiet cum eodem axe. Itaque demum

longius ab axe videbitur punctum A. Et quanto minor est refractio tanto punctum D longius recedit à puncto B, & sic quoque angulus cum axe in centro, major fit. Apparebitque A remotius ab axe, sed ex altera parte ejus. Similiter quo remotior à Retinà est humor cristallinus, eo longius à puncto B, ex parte ejus alterutra, incidit in Retinam Radius A C. Et fit angulus cum axe utrobivis major.

Coroll. 1. Senectus igitur, sive contrahit ariditate sua Retinam, ut in G B I, sive processus ciliares K L, quo fiet ut planior utrinque sit humor cristallinus, sive tenuiores faciat humores, sive pupillam faciat apertiozem necesse est ut visionem reddat confusiozem, idque per superfluas visuales ex ea parte axis in qua sunt radii ipsi quibus visuali illi respondent. Densitas autem humorum præternaturalis, distantia cristallini à Retina major justo, & gibbositas cristallini nimia, visionem efficit confusam, per superfluas visuales ex parte axis contraria; quibus autem vitium hoc contingit appellantur Græcis *μυωπες*, Latine *Lusciosi*.

Coroll. 2. Confusioni huic sive senum sive Lusciosorum, remedium afferunt vitra diverse formata, ut suo loco infrà ostendetur; & sine vitris lamina foramine parvo pertusa, vel tubulus exiguus oculo applicatus, quo radii obliqui, causæ hujus confusionis, ab utraque parte axis optici abscindantur. Quod remedium utrique vitio tam senum, quàm lusciosorum, videtur esse unicum.

Quoniam Lusciosorum defectum senectus non minuit, non videtur causa ejus consistere in humorum densitate, sed potius in figura cristallini quæ illis nimis gibbosa est, vel in distantia nimia cristallini à Retina, aliis quidem ex hac, aliis ex illa causa.

Coroll. 3. Manifestum ex ante dictis est, quare ignis scintillulæ, & stellæ fixæ quasi comatæ sive crinitæ apparent. Nam illæ propter exiguitatem, hæ propter ingentem distantiam emittunt radios in oculum, sub angulo insensibili; ideoque tanquam totidem puncta apparent undiqueque multiplicata.

Constitutâ lineâ visuali, & quæ inde oriuntur Phænomenis, dicemus jam de perceptione motus. Sciendum igitur est, quod moto antè oculum objecto, & lineâ in qua movetur quodlibet ejus punctum axem opticum secante, visio nulla fieri potest, nisi oculus continuè ea celeritate convertatur, ut motum objecti consequatur; ita ut axis opticus in ipsum incidat hæreatque. Cujus rei causa ex eo manifesta est quod supra docuimus, nempe extra axem opticum omnem visionem esse confusam & debilem, tum propter actionis obliquitatem, tum maxime propter intentionem animi quæ axem opticum semper comitatur. Itaque ad perfectam rerum motarum visionem, oportet semper converti oculum, ali-

quando

quando etiam (si objecta propè sint & mota vèlociter) totum caput. Sed ad objecta valde remota etsi velocissimè mota consequenda exiguis oculi motus sufficit; propterea quod rerum ab oculo longè distantium motus magnò spatio transmissio exiguum tamen in oculo faciunt angulum.

Sciendum præterea est, quod cum omnis sensio, ut supra docuimus (cap. de Corpore 25) sit motus, qui quantuluscunque ille sit, tolli in instante non possit, imaginem quæ nata est ex visione non statim perire, sed ad aliquod tempus durare eadem claritate quâ initio fuit, etsi illud tempus breviusculum sit.

Ex his jam reddi ratio potest quare minutissima objecta mota vehementer, longiora apparent multò quàm sunt, id quod contingere videmus in scintillis foco emicantibus, quæ videntur oculis, non ut puncta quædam, sicut sunt, sed longæ lineæ ignitæ. Idem accidit in veloci cujuscunque lucidi vel bene illuminati objecti circum rotatione, cum loco puncti videmus circuli circumferentiam. Nam si imago concepta ex puncto viso in initio motus perduret donec plenus motu ejus perficiatur circulus, videbitur objectum esse circulus, si donec dimidius fiat circulus, videbitur circuli semicircumferentia: idem accidet in objectis motis secundum lineam rectam. Propterea quod durante imagine facta ab initio motus, accedentibusque imaginibus factis in cæteris omnibus viæ per quam moverur partibus, necesse est (si sint illæ imagines omnes ejusdem rei) ut objectum appareat in omnibus viæ partibus, atque ita ex atomo objecta sit apparens linea.

Coroll. 1. Hinc quoque tolli admiratio illa potest, unde fiat ut corpora inflammata tantum flammæ cum tam exiguo ipsorum corporum detrimento ex se emittant. Est enim flamma nihil aliud quam minutissimorum corpusculorum multitudo, quæ & propter exilitatem (secundum ea quæ docuimus Capite præsentè, articuli quarti Corollario tertio) latiora, & propter motus velocitatem, ut jam diximus, longiora videntur quàm reverà sunt.

Coroll. 2. Item illos qui putant in accensione pulveris pyrii ipsas pulveris particulas singulas per rarefactionem majorem quàm ante locum occupare (id quod imaginari nemo potest, cum idem numero corpus eandem semper habeat magnitudinem) ad tam absurdam sententiam non necessariò adigi; cum pulvis accensus globum expellat, non quia pulvis locum quærit ampliorem, sed per particularum exeuntium velocitatem.

Sentitur motus tum solum cum sentimus converti oculum sive Axem opticum: cui propositioni consentanea sunt Experimenta quæ sequuntur.

Primum. Quod motus solis vel lunæ, maximè verò stellarum fixarum, quanquam velocissimus, oculis tamen percipi non potest; propterea quod à distantia tantâ, conversio oculi insensibilis, sufficit ad motum eorum assequendum, quorum radii è locis inter se valde diffitis minimum tamen in centro Retinæ efficiunt angulum.

Secundum. Quod si oculus & objectum communem motum habeant, motus objecti non sentietur; nam quando hoc fit, oculus ipse non convertitur, sed fertur in lineâ quæ lineæ motûs objecti est parallela, ideoque radii ab objecto venientes angulum in centro Retinæ efficiunt nullum.

Tertium. Quod si oculus feratur, objectum autem consistat (ut accidit iis, qui in mari litus præternavigant) utrum ipsi an objectum moveatur, non videndo sed ratiocinando intelligunt. Similiter accidit à littore vel ad litus navigantibus. Ob eandem rationem utrum terra an alia moveantur motu sive annuo sive diurno, non sensu sed ratione investigandum est. Utrumvis enim statuatur eadem eveniunt oculis omnia.

Quartum. Si motus objecti ex pluribus motibus sit compositus, quorum unus vel plures oculo sint cum illo communes, illi motus soli qui communes non sunt sensu percipientur, reliqui non percipientur. Ut qui simul navigant, alter alterius incessum videt, sed alter alterius progressum quem habet à motu navis non videt. Non enim opus habent ut oculos convertant ad motum illum assequendum, quem ex motu navis communi assequuntur.

Accidit quoque non rarè ut objectum stans moveri tamen videatur, etiam stante eo qui spectat, propter motum cerebri vel nervi optici accidentarium. Cognitum enim est experientiâ, homines à navigatione & jactatione fluctuum insolitâ in loco stabili quiescentes, videre omnia objecta visibilia eodem modo mota quo ipsi fluctibus moti fuerant. Idem accidit iis quorum cerebrum nimis vini vaporibus sunt agitata.

Quod attinet ad eos qui jactati fuerunt fluctibus marinis, ratio ejus rei difficilis non est. Nam à mari jactatis caput jactatur unaque cerebrum, & (quæ pars ejus est) nervus opticus, quæque nervi optici substantia est continuata totâ Retina quæ in iis qui expositi è nave sunt non statim requiescunt. Ubiunque igitur radius ab objecto incidit in Retinam, resistentia ab eâ fit, sed motâ ad motum fluctuum; quare imago objecti cujus naturam in ea resistentia consistere suprâ docuimus, mota erit eodem motu. In iis autem qui vipo madidi sunt causa hujusmodi motûs, in eo consistere videtur, quod vapores qui à stomacho, nimio vino calescente ascendunt in cerebrum, ipsum agitant. Agitato autem cerebro necesse est

ut

ut agitetur nervus opticus ipsaque Retina, unde necesse est moveri quoque, quantum ad apparentiam, ipsum objectum. Ita nulla hic difficultas remanet, nisi quis dubitet an à nimio vino in stomachum recepto motus in cerebro oriri possit, quod quidem videtur factum facillimum.

Contingit quoque iis qui curru vecti, cum objecta à latero currus posita, sive montes sive arbores aliasve res longiusculè remotas spectant, ita ut easdem res longo tempore ante oculos habeant, simulatque currus sistatur, ut videantur tamen objecta ea perseverare in eodem motu quo priùs. Causa ejus rei est; Quod moto curru simul movebatur spectantis cerebrum & nervus opticus; consistente autem curru cerebrum & nervus opticus motum non tam subito amittit. Moto itaque per aliquod tempus cerebro, Nervo optico & Retinà, necesse est etiam per aliquod tempus moveri imaginem, id est, objecta ipsa mota videri, idque eodem modo quo moveri videbantur dum moveretur currus.

Propter eandem rationem iis qui celeriter & satis longo tempore in gyrum se converterunt, videntur omnia circum circa objecta converti sive in gyrum moveri, motu contrario, paulatim scilicet restituentibus sese in loca propria partibus cerebri, Nervi optici & Retinæ, quæ à conversione in partes agebantur contrarias. Hactenus de lineâ visuâli, phænomenisque inde accidentibus. Dicemus proximo loco de magnitudine, distantia & figura in visione directâ apparentibus.

C A P U T I I I.

De objecti loco Apparente, sive, ut loquuntur plerique, de loco imaginis per Visionem directam, id est, ubi nulla est Reflexio neque Refractio.

1. Locus imaginis quibus rebus determinatur; cognitio loci objecti linearis sufficit ad cognitionem loci simpliciter.
2. Linea potest esse tam parva, & objectum irradiari sub tam exiguo angulo ut nulla ejus fiat sensio.
3. Locus objecti apparens semper oculo propinquior est in visione directâ quàm locus verus.
4. Datâ magnitudine objecti apparente in una distantia, datur locus ejus apparens in distantia qualibet.
5. Si objectum duobus oculis spectetur, majus apparebit quàm si uno tantum; & quæ inde consequuntur.
6. Objectum quo debilius agit eo videtur obscurius; & quæ inde consequuntur.
7. Luna quare interdum diutius minorque apparet quàm notu.
8. Quare stellæ fixæ cum sint pæne innumerabiles, terras minùs illustrant simul omnes, quàm luna.

QUæ locum determinant objecti cujuscunque tria sunt. Distantia sumpta in rectâ positione datâ; Magnitudo; & Figura: quibus datis

datis datur objecti locus verus. Itaque si detur objecti (in recta positione data) distantia Apparens, magnitudo Apparens, & figura Apparens, datur quoque locus ejus Apparens.

Ad magnitudinis apparentis cognitionem, opus non est hoc loco dimensionem considerare aliam præter longitudinem, sive lineam ductam ab uno superficiæ termino ad alterum. Nam ex quantitate plurium linearum cognoscitur quantitas ipsius superficiæ quæ oculis obvertitur. Longitudo autem lineæ visibilis apparens est ea quæ, sequentibus lineæ ductum, apparet inter terminos ejus distantia.

2. In qualibet linea sumi potest pars aliqua adeo exigua ut per se nullam omnino faciat sui visionem. Est enim ad sensationem faciendam in omni objecti ab oculo remotione certa quædam & finita vis necessario requisita, ita ut minor eâ, etsi moveat organa visionis, non tamen sensibilibiter id faciat. Nam objectum quodlibet, lucidum vel illuminatum (utcunque motum, id est, actionem suam, in oculum ad quantamlibet distantiam propaget) non tamen ad omnem distantiam videri potest. Et quanto majora sunt objecta pari vi luminis prædita, quoad intensionem, tanto videri potest à loco remotiore. Sed quodlibet objectum divisibile est in partes perpetuò divisibiles, quare infinities repetitâ divisione pervenitur tandem ad partem tam exiguam ut vis ejus sentiri non possit.

Manifestum etiam est objecti partes quæ singulæ organa quidem movent, sed visionem sui non faciunt, confertas tamen & conjunctis viribus visionem facere, non ipsarum quidem partium, sed totius quod ex illis fit aggregati.

Præterea angulus visorius sub quo objectum aliquod videtur adeo parvus esse potest, ut actio ejus imprimatur in Retinam, in puncto (Physico quidem) sed omni tamen puncto Physico dato minore, ita ut quantacunque sit vis actionis objecti, nihil tamen videatur præter punctum Physicum, etsi illud punctum clarius sit in actione forti quàm in debili.







3. In omni visione directâ locus objecti Apparens sive locus imaginis est citra locum ejus verum, & minor ipso.

Sit objectum (in Fig. 1.) *AB* linea recta, Retinæ arcus *CD*, Centrum ejus *E*. Dico *AB* apparituram esse citra *AB*, puta in *FG*, & esse *FG* minorem ipsa *AB*.

Intelligatur *A* pars objecti adeo exigua, ut à distantia *AE* sola existens non possit videri; similiter sumatur alia pars *H*, quæ sit ipsi *A* æqualis, itaque nec ea si sola esset videretur; movet tamen oculum utraq; etiam sola, nempe pars *A* per rectam *AE*, & pars *H* per rectam *HE*, quæ rectæ convergunt usque ad occursum in centro *E*. Quoniam autem

tem

AD CAP. III





tem conjunctis ipsarum partiumque intermediarum viribus fit visio totius AH, id est, imago ejus aliqua, imago illa apparebit ex ea parte ubi vires conjunguntur, id est, ex ea parte ubi AE, HE convergunt, id quod est citra objectum verum AB, alicubi, puta in FI; videbitur ergo A cum partibus sibi proximis in recta AE ad partem F, & pars H cum suis vicinis ad partem I, totumque AH apparebit in FI quæ est ipsa AH minor. Ob eandem rationem videbitur BK in GL, & totum objectum AB in FG. Itaque in omni visione recta locus imaginis est citra objectum verum, &c. Quod erat probandum.

Coroll. 1. Locus objecti Verus & Apparens eundem subtendit Angulum, nam idem est angulus AEB & FEG.

Coroll. 2. Idem objectum si sit remotius, imago ejus videbitur magis citra objectum, quia in majore distantia agit debilius, & propterea partes ejus nisi longiore progressu ad faciendam sensationem non sufficiunt. Et proinde etiam distantia inter objectum quantumvis magnum, & oculum tanta dari potest, ut nulla ejus omnino fiat sensio. Objectum idem quo magis ab oculo distat, eo sub minore videtur angulo visorio. Hoc autem manifestius est quam ut egeat demonstratione. Ex quo intelligi etiam hoc potest, quod in remotione objecti ab oculo perpetua pervenietur tandem ad locum, unde lineæ rectæ ab objecti extremis terminis ad centrum Retinæ ductæ angulum faciunt insensibilem, & proinde objectum apparere (coëuntibus terminis imaginis) tanquam punctum.

4. Quod si daretur distantia objecti vera, una cum distantia illa in qua imago ejus evanescit in punctum vel in magnitudinem datam, daretur quoque locus apparens ejusdem objecti in omni alia distantia ab oculo, non majore quam illa in qua ut punctum videretur.

Sit in fig. 2. oculus in A. Objectum sive verus ejus locus BC, cui per centrum Retinæ A ducatur æqualis & parallela DE. Locus autem objecti apparens sit FG, ductis autem lineis visualibus AB, AC, subtendet FG angulum visualem BAC. Supponamus jam objectum BC admoveri ad oculum & collocari in HI, oporteatque determinare locum ejus apparentem. A punctis D & E ducantur DF, EG rectæ, quæ (quia FG minor est quam CB, id est quam DE) concurrent alicubi; concurrent ergo in K. Ducantur autem AH, AI, secantes DK & EK in punctis L & M. Dico HI apparituum esse in LM. Apparebunt enim puncta H & I in visualibus lineis AH & AI. Et quoniam objectum prout removeretur longius à DE, ita apparet minus, donec remotum usque ad BC apparet in FG, & tandem ulterius remotum apparet ut punctum in K (quod punctum vocabimus *punctum Evanescentiæ*, respondens puncto quod in pictura Perspectiva vocatur punctum *Horizontale*, & *Principale*)

El. Phil. sect. 2.

C C

appa:

apparebunt termini objecti, utcumque ab oculo distantis, in rectis DK & EK. Itaque punctum H videbitur in DK, & punctum I in EK, sed eadem puncta apparent in rectis visualibus AH, AI, apparebunt igitur in intersectionibus ad L & M, est ergo LM locus objecti HI. Data ergo distantia, &c. locum objecti apparentem invenimus. Quod erat faciendum.

Coroll. Patet ex constructione, objectum idem, & minus & ab oculo remotius videri, prout ipsum revera remotius est.

Notandum autem est quod etsi distantia objecti ab oculo vera mensuris determinari potest, locus tamen apparens, id est, distantia imaginis ejus, in visione directa mensurari non potest, quoniam imago res est merè Phantastica.

Si objectum duobus oculis spectetur, sitque distantia Centrorum Retinarum æqualis longitudini ipsius objecti veri, & ipsi parallela, imago ejus ex tali visione constata longitudini ipsius objecti veræ æqualis erit.

Sit (in figura tertia) objectum AB, quod visum sit à duobus oculis existentibus in C & D, ita ut CD sit æqualis ipsi AB, longitudo ejusdem apparens erit etiam eidem AB æqualis. Ducantur enim CA, CB, DA, DB lineæ visuales, apparebit ergo AB oculo in C terminata in rectis CA, CB, citra ipsam AB. Appareat ergo utcumque in EF. Itaque propter eandem causam eadem AB oculo existenti in D apparebit in GH. Totum ergo objectum apparebit in recta EH, quæ propter parallelas AB, CD, utrisque earum est æqualis. Si igitur objectum, &c. Quod erat probandum.

Quod si Distantia centrorum Retinarum minor sit quam objecti vera longitudo, etiam longitudo apparens minor erit vera.

In figurâ quartâ, sit longitudo objecti vera AB, major quam DC, & ab oculo in C ducantur visuales CA, CB, longitudo apparens oculo in C sit EF, itaque longitudo apparens oculo in D erit GH, totumque objectum videbitur in EH, quæ propter rectarum CA, DB divergentiam minor est quam AB. Quod erat probandum.

Contra si distantia oculorum major sit quam objecti vera longitudo, etiam longitudo apparens eadem major erit. Sit enim in eadem figurâ quartâ objectum CD, oculus autem alter in A, alter in B. Ductis visualibus AC, AD, videbitur in ipsis terminata longitudo apparens propior oculo. Appareat ergo in IK. Apparebit ergo idem objectum oculo altero in LM, & totum CD in IM, quæ major est quam CD propter rectarum AC, BD convergentiam, id quod erat ostendendum.

Porro, si objectum idem spectatum duobus oculis valde inter se distantibus (ut sunt duo oculi duorum hominum in dissitis terræ regionibus) locus imaginis non erit utrisque idem.

Sit

Sit enim (in figura quinta) alterius observatoris oculus A , alterius B , objectum autem CD , in tantâ ab utroque distantia , ut appareat alteri oculo in EF , alteri in GH , id est , non modo citra CD , sed etiam citra punctum I , in quo visuales AD , BC se mutuo interfecant (id quod accidet si recta CD satis parva sit vel satis remota) sed EF , GH , sunt diversæ imagines nihil omnino habentes commune. Itaque duobus observatoribus valde diffitis , objectum apparet in locis diversis ; id quod contingit etiam uni & eidem observatori , qui objectum intuetur à diversis stationibus. Notandum autem est , nihil hinc accidere incommodi agrimensoribus qui longitudines , duabus stationibus captare solent , nam cognoscunt distantiam stationum per mensuram , cognoscunt etiam angulos omnes triangulorum ABC & ABD , ideoque & latera AC , BC , AD , BD , angulosque CAD , CBD , itaque longitudo vera objecti CD latere non potest.

Ex eo autem quod ostensum est , objectum ideo apparere propius oculo quam revera est , quia partes ejus adeo parvæ esse possint , ut per se ipsas sensationem efficere non possint , manifesta redditur causa quare è longinquo turres & alia corpora non rotunda , rotunda tamen apparent. Nam ut anguli & cuspidis objectorum videantur , necesse est ut per se satis virium habeant ad sensationem faciendam , id quod res tam exiles in distantia satis remota non habent.

6. In visione directâ objectum quo debilius agit , eo semper quidem obscurius , quandoque autem remotius , quandoque propius videtur , prout diversæ res sint quæ actionem ejus debilitant. Quod semper apparet obscurius manifestum ex eo est , quod claritas sive lucis splendor effectus sit actionis vehementis , nam cum illuminatio & visio sint motus erit major illuminatio & major splendor , motus major , id est (si agatur in idem numero Patiens) actio fortior. Itaque si medium inter objectum & oculum sit pulvisculis opacis interspersum quibus radii aliqui ab objecto in oculum tendentes intercipiuntur apparebit objectum neque remotius neque propius oculo , quam in medio puro , sed tamen minus splendidum , propter vim actionis impeditam.

Quod si debilitas actionis proveniat ab eo quod animus videntis ad aliud objectum attentus sit , siquidem inter objectum illud & oculum aliud interponatur objectum minus , videbitur id quod est interpositum etiam remotius & majus.

Sit enim (in fig. 6.) objectum BC visum sub angulo visorio BAC , idque cum attentione animi , hoc est , cum motu organorum circa cor vehemente , sitque interpositum inter BC & oculum aliud objectum DE minus quam BC visum sub angulo visorio DAE , sintque AD , AE

productæ ad BC in F & G. Dico DE appariturum in FG. Dum enim oculus percurrit objectum BC cui intentus est animus, pars FG apparebit non sua actione, quæ ab interposito DE sublata est, sed virtute actionis DE; apparebit ergo DE, ut macula aliqua, vel tenebræ in FG, vel si fortiusculè agat, sui quoque imaginem faciet, sed obscuriorem & apparentem in FG, id est, majorem quam DE. Similiter si animus videntis attentus sit in objectum DE, visio partis FG tolletur, videbunturque BF, GC, in HD, & EI, sunt autem DH, EI minores quam BF, CG.

7. Videtur autem luna interdiu & minor & dilutior quam noctu videretur, etiam in eadem cœli parte. Mota enim jam antè à splendore diurno visionis organa ad motum recipiendum à radiis lunaribus supervenientem magis contumaciter se habent; Itaque dum Luna debilius agit, extremæ ejus partes sensationem minus efficiunt interdiu quam noctu, & propterea (sicut turres quadratæ detritis angulis apparent è longinquo rotundæ, ita) luna licet rotunda, detritis extremitatibus apparet minor; eadem autem tota dilutior apparet propter debilitatem actionis, quæ oritur ex præoccupatione organorum à splendore diurno: quemadmodum etiam strepitus diurnus facit ut soni corporum singulorum minus exaudiantur.

Causa autem quare sol, luna, & cæteræ stellæ majores apparent propè Horizontem quam ab Horizonte remotiores, ex eo oritur, quod cum oculus sit in superficie, non in centro terræ, magis distat ab Horizonte aspectabili, hoc est, ab Horizonte cæruleæ illius superficiei quam vocamus cœlum, quam ab ejusdem summo culmine. Etsi enim terra ad orbem stellæ cujuscunque rationem magnitudinis habeat inconsiderabilem, magna tamen est comparata cum distantia quæ apparet ab ipsa ad loca stellarum apparentia. Accidit ergo oculo Horizontem prospicienti distantiam ejus terram interpositam legendo æstimare, unde magis videtur distare quam à cœlo summo. Majorem autem distantiam apparentem sub eodem angulo visorio necessario sequitur Imago major. Causa autem quam alii afferunt hujus phænomeni, nimirum id accidere propter refractionem in Atmosphæra, vera non est, ut dicitur postea.

8. Quæri potest, & à nonnullis quæsitum est, quid fieri potest, ut stellæ fixæ quæ propriâ luce splendentes, & propterea quasi totidem soles habitæ, cum innumeræ sint, eaque appareant magnitudine ut in unam compactæ multo apparerent majores quam aut luna, aut ipse sol, tamen omnes simul, non modò quam sol, sed etiam quam luna terram multo minus illustant. Cui quæstioni responderi potest, primò quod stellæ fixæ singulæ cum sub angulis acutissimis videantur, videntur confusæ propter eam causam

causam quam supra (cap. 1, art. 3.) indicavimus, atque ob eandem causam magnitudines earum apparentes non oriri ab ipsarum stellarum, angulorumque visualium magnitudinibus, sed à superfluis radiis qui faciunt ut videantur undique comatæ. Unde fit ut si spectentur per aliquod foramen quod minus sit quam oculi pupilla, crines illi omnes ut (in capite 1, art. 4, Coroll. 2.) ostensum est abraduntur; quibus abradis, stellæ illæ protinus disparent reddunturque invisibiles: iidem crines abradi etiam solent per tubum opticum, & ne sic quidem videbitur stella pura tantâ magnitudine, ut omnes simul sumptæ & conceptæ tanquam in unam stellam compositæ, discum faciant magnitudini lunæ ullo modo equiparandum; nec si facerent, quoniam id non fit sine artificio, quo luna etiam amplificari similiter posset, magnitudo ea argumenti loco, quod disci stellarum apparentes simul sumpti disco Solis aut Lunæ majores sunt, adduci debet.

Non sunt igitur disci simul omnes stellarum fixarum apparentes majores apparente disco lunæ. Rursus habeant singulæ stellæ lucem æquæ vegetam ac ipse sol, illustrentque terram à distantia quæ est inter ipsas & terram, luna autem mutuetur à sole suum lumen, id est, sol agat suâ luce in terras mediante reflectione lunari, id est, à distantia composita ex distantia à sole ad lunam, & à luna ad terram, quæ distantia inter fixas & terram incomparabiliter minor est; Etiam sic fiet, ut quanquam stellæ fixæ totidem essent soles, mirandum tamen non esset, si sol noster, mediante lunari reflexione, terras magis illuminet quam stellæ fixæ simul omnes.

Observaverunt permulti post somnum, tempore matutino, quando oculis simulatque aperti sunt objicitur fenestra, ita vehementem sentiri actionem, ut clausis rursus imago tamen fenestræ aliquandiu inhæreat; quemadmodum accidit etiam iis qui solem intuentes habent aliquandiu obversantem oculis imaginem solis. Causa ejus rei est, quod spiritus animalis post somnum ad exteriora rediens (quemadmodum supra declaravimus) facit ut resistentia in retina sit major, id est, ut sensio sit fortior. Pro fortitudine autem visionis magis minusve perseverat imago concepta.

C A P U T I V.

De Representatione objecti in Perspectiva.

1. *Natura picturæ perspective in quo consistit.*
2. *Rectanguli infiniti representatio in Perspectiva est triangulum.*
3. *Rectangulum infinitum non representatur à triangulo propter objecti cum tabula similitudinem, sed propter similitudinem*

nem trianguli cum apparentia Rectanguli infiniti. 4. Trapezium quomodo representat speciem Rectanguli finiti. 5. Quatuor triangula rectanguli divisi diagonaliter in quatuor triangula melius excitant memoriam quatuor Rectangulorum simul, quam unum triangulum unius Rectanguli. 6. Si quæ propiora sunt oculo clariora pingantur quam remotiora pro ratione basium trianguli representantis, etiam efficacior fiet representatio. 7. Etiam ex adjectis in eadem ratione umbris, animalibus aliisque circumstantiis representatio corroboratur. 8. Tabula perspectiva, si spectetur per aliquod exiguum foramen, quare tanto efficacius rem representat. 9. Circulum apparere in Perspectiva, præterquam in unico situ, Ellipsim. 10. Parabola quando vertex ejus remotior est ab oculo quam Basis appareat tanquam Hyperbole. 11. Contrario situ appareat ellipsis. Qui tabulas perspective intuetur ita ut visus fallatur, non proprie videt rem pictam sed veram recordatur. Index Perspective quis. 12. Perspectiva inversa est, quam lineæ visuales per puncta objecti transientes designant in plano ulteriore.

1. **R**epresentatio figuræ in Perspectiva aliud nihil est præter linearum in objecto visarum in superficie aliqua interposita inter oculum & objectum descriptionem.

Est itaque Perspectiva ars describendi sectiones Pyramidum (intèr Pyramidas hoc loco etiam conos comprehendo) in superficie sive plana sive non plana. Cum enim in visione omnes radii ducti à lateribus objecti concurrant (cap. 1, art. 2, Coroll.) in centro Retinæ, fit ab iis omnibus simul sumptis superficies, si quidem latera omnia objecti sint lineæ rectæ, Pyramidica, sin objectum terminetur undique in circumferentia circuli, Conus; quomodocunque autem objectum terminetur, superficies fiet acuminata, quam liceat mihi hoc loco appellare pyramidicam.

Manifestum hinc est, quod si quis inter objectum quodcunque & oculum planum erexerit diaphanum, cujus superficies divisa sit in valde multas figuras particulares, quadratas, triangulares, vel Hexagonas, observaveritque puncta illius diaphani per quæ singuli ab oculo radii ad objectum transeunt (quod faciliè ope talis divisionis fieri potest) eaque in charta, quæ habens similem superficiem similiter etiam dividitur, diligenter notaverit, lineasque à puncto ad punctum conformiter ad lineas visas in objecto duxerit; fiet representatio objecti in illo plano apparens *tabula ejus perspectiva*, id est, figura illa quæ in chartam transcripta est similis erit objecto *spectato* per planum aliquod interpositum corpus Diaphanum. Idem fieri potest quando objectum à tergo est eodem modo per reflectionem à speculo.

Sine hoc artificio necesse est ut is qui hujusmodi picturam primus
osten-



AD CAP. III




fig. II.



Fig. V.



fig. III.





fig. I.



ostendit, aut Geometriam didicerit, qua sectiones conorum, conoeidion & Pyramidum omnis generis in charta exhibere secundum artem potuerit, quod est difficillimum, vel multa minus accuratè picta in tabula relinquere coactus fuerit, quæ tamen imperitorum censuram effugere potuerunt.

Præcepta Perspectivæ non est hujus loci tradere; sunt enim (nisi quod spectat ad claritatem & obscuritatem, quæ diversa in diversis cujuslibet objecti partibus observatur) purè Geometrica. Hoc loco id ago, ut cum tabula picturæ perspectivæ facta jam sit, exhibeatque spectatori pro lineis parallelis, non parallelas; pro erectis, procumbentes; pro circulis, Ellipses; pro Ellipsis, circulos; innumeraque alia quæ aliter in tabula sunt quam in objecto, rationem reddam quare tamen objectum à tabula optimè repræsentatur; id quod ex tabulæ alicujus constructione ostendendum est.

2. Consideremus igitur adjunctæ tabulæ figuram primam in qua sit $ABYZ$ Rectangulum in plano Horizontis positum, divisumque bifariam à rectâ GH , in qua utcumque producta ad E statuatur erecta ad planum recta EF , intelligaturque oculus in F . Intelligantur etiam Y , Z , adeò remota esse ab oculo, ut ductis rectis FY , FZ , angulus ab illis comprehensus YFZ præ exiguitate evanesceret. Quo facto, habemus pyramidem visualem, cujus basis est rectangulum $ABYZ$, vertex in oculo F , latera ABF , AYF , BFZ , ZYF , quatuor triangula, quorum ultimum ZYF habet angulum ad F adeo acutum ut quoad sensum latera FY , FZ pro una tantum rectâ habenda sint.

Supponamus jam rectangulum $ABYZ$ esse ipsum objectum repræsentandum per transpectionem in plano aliquo diaphano interposito inter ipsum & oculum. Intelligatur ergo super rectam AB tale planum perpendiculariter erectum esse, secans omnes radios tendentes ab objecto rectangulo, ad oculum F ; erit ergo sectio facta in plano erecto super AB triangulum, cujus basis est AB , altitudo æqualis rectæ EF , nempe GV .

Nam duæ rectæ FY , FZ , sumptæ pro unâ lineâ, propter exiguitatem anguli transibunt ambæ per Verticem V , & FV erit Horizonti quoad sensum, propter suppositam distantiam rectæ YZ , parallela.

Iam construatur (ut in figura secunda) triangulum factum per dictam sectionem, nempe ABF , cujus latus AB æquale sit AB figuræ primæ, & altitudo FG altitudini EF , vel GV . Triangulum hoc *tabula perspectiva* est rectanguli illius infiniti $ABYZ$. Similiter triangulum aliud quodcumque tabula etiam est, rectanguli infiniti alicujus. Similiter in figura tertia duo triangula ad verticem ABF , FDC , *tabula* est duorum rectangulorum inter se parallelorum, qualia sunt alicujus porticus solum

solum & lacunar. Iunctisque AD, BC , totum $ABCD$ Rectangulum *tabula est* sex rectangulorum habentium latera opposita inter se parallela & opposita. Et rectangulum quodvis aliud divisum duabus diagonalibus in quatuor partes, *tabula est perspectiva* parallelipipedi concavi alicujus.

3. Quoniam autem descriptum in plano triangulum sine alio artificio imaginem hujusmodi rectanguli infiniti linearum ductu minimè imitatur, rarissimè contingit, ut qui triangulum intuetur rectangulum putat se videre, iisque solis qui consulto & cum magno labore revocant in memoriam, & ideam ex simili alicujus longissimæ porticûs antè spectatæ conceptam in animo consistere faciunt, colligimus (quod ad institutum nostrum maximè pertinet) *tabulas perspectivæ* non similitudine ullâ figuræ veræ objectum repræsentare, sed similitudine quam habent cum triangulo quod est in figura art. 4. præcedentis capitis, nimirum BIC , cujus vertex I (punctum quod appellant principale & Horizontale) respondet vertici F trianguli AFB , & basis BC , illic, basi AB , hic; ex quo fit, ut quamdiu spectantes quodlibet triangulum meminerimus porticum aliquam longissimam antè spectatam eodem modo apparuisse, tamdiu idea illa quæ in memoria est consistit, & (confusa in unam cum ideâ, quæ fit à *visâ tabulâ*) in animo retinetur, potius quam excitatur. Similium enim in quantum similia sunt, una tantum est idea, quemadmodum per totum diem eandem rem intuentes eandem ejus semper habemus imaginem. Excitari autem ab aspectu simplicis trianguli idea porticûs, in iis qui assueverunt rerum apparentias cum veris earundem figuris comparare, difficile non est, puta in pictore, cujus animus perpetuo per istiusmodi objecta circumvolitat.

Quod si repræsentare in tabula velimus rectangulum finitum, id est, cujus latus ab oculo remotissimum, non sit tamen adeo remotum ut angulus visualis penitus evanescat, quale supponemus esse in prima figura rectangulum $ABCD$, cæteris rebus stantibus, dividatur bifariam CD in puncto H , ducaturque FH , secans GB productam in X . Deinde in secunda figura sumatur altitudo GI ipsi GX æqualis, ductâque DIC basi AB parallela, habemus trapezium $ABCD$, pro tabula perspectiva rectanguli sive porticûs determinatæ $ABCD$ figuræ primæ. Sed quæ ideam rectanguli sive porticûs, nisi assuetis, non facile excitat, id quod antè dictum est de triangulo.

Vt igitur vehementius excitetur à tali trapezio spectantis imaginatio, dividere ipsum oportet in partes per lineas basi parallelas, eâdem ratione decrecentes qua decrescunt objecta quoad apparentiam dum magis magisque ab oculo removentur. Id quod in hunc modum vulgò & rectè fieri solet. Cum recta DC secundæ figuræ repræsentet objectum DC positum

positum in figura prima, ducta AC (secundæ figuræ) trapezii linea diagonalis repræsentabit AC diagonalem figuræ primæ. Deinde divisâ AB secundæ figuræ in partes quotlibet æquales, puta q uatuor (quarum duæ sint GS, SB,) & DC in totidem partes etiam æquales, quarum duæ sint IH, HC, & conjunctis terminis divisionis, per lineas rectas, eæ rectæ secabunt diagonalem AC. Per puncta autem intersectionum ducantur rectæ QR, OP, MN, basibus parallelæ. Itaque AQRB trapezium repræsentabit rectangulum AR. Et trapezium QOPR rectangulum OP. & trapezium ON rectangulum ON. & denique trapezium MC rectangulum MC. Nam sicut AC secat MN figuræ primæ in partes quæ habent rationem 3 ad 1. ita AC secundæ figuræ secat MN in eadem figura in ratione 3 ad 1. Et sic de cæteris. Quod si eandem rationem distantiarum continuare quis voluerit versus verticem F, sic faciet. Iungatur AH, & producat ad BF in E, ducaturque EL parallela basi AB, secans AF in L, erique trapezium ELDC repræsentatio rectanguli ulterioris, nimirum cujus latus oculi proximum est LD, alterum latus ipsum MD, vel NC figuræ primæ. Et sic potest continuari tabula versus verticem F quantum volumus. Sed ut compleatur impossibile est, quoniam vertex F repræsentat lineam in distantia incognita collocatam. Iam trapezium hoc (ut dictum est) divisum secundum rationes distantiarum quas habent ab oculo, objecti partes per rectas QR, OP, MN, DC, aliasque, si placeat, ultiores, basi parallelas, memoriam porticûs quam repræsentat vehementius excitat quam indivisum; quia parallelæ illæ sua continua diminutione (quæ similis est diminutioni apparentis objecti, quæ fit à remotione ejus ab oculo) objecti diminutionem, cujus idea cum hac confunditur, in memoriam revocat.

5. Porro si divisio eodem modo in quatuor triangulis instituat communi in centro rectanguli habentibus verticem (ut in tertia figura factum est) quatuor plana parallelepipedo interiora, id est, solum lacunar & duo parietes oppositi cujuspiam ædificii perfectius adhuc repræsentabuntur, quam solum aut lacunar, aut utervis parietum solitarii.

Dividentur autem quatuor illa triangula per divisionem quam tradidimus cujuslibet unius eorum, nam divisio, ut in tertia figurâ, triangulo AFB, eâ quam diximus ratione per rectas QR, ST, &c. junctisque AD, BC, & à punctis Q, R, S, T, ductis QP, SN, RO, TL, &c. parallelis lateri AD, vel BC, & denique junctis PO, NL, &c. erunt triangula AFD, DFC, CFB eadem ratione divisa ac ipsum AFB. Excitabitque rectangulum AC porticûs alicujus memoriam tanto melius, quanto linearum plura plana dividendum conjunctio in diagonalibus plus valet ad recessum partium objecti imitandum, quam lineæ di-

El. Phil. scilicet. 2.

DD

videntes

videntes unum eorum tantum. Nam sunt plana illa quatuor quasi totidem testes ad faciendam fidem conspirantes.

6. Quod si lineæ divisionis latitudinem aliquam habeant perpetuo decreſcentem, ut ſi AB latior cæteris fiat, ut in oculum fortiffimè omnium agat, & poſt illam QR , deinde ST &c. ita ut fortitudo actionis eadem decreſcat ratione quâ longitudines decreſcunt ipſarum $QR, ST, &c.$ Etiam adhuc erit repræſentatio objecti aliquanto efficacior.

7. Ruſus ſi umbræ, ſi homines, aliæve circumſtantiæ in eadem ratione (ut in figura quarta) adpingantur, erit & ſic quoque repræſentatio, tanquam aucto teſtium numero, non nihil corroborata.

8. Poſtremò, ſi per foramen exiguum, vel perſpecillum uno tantum oculo tabula ſpectetur, repræſentatio erit multo perfectior; nam in hoc caſu oculus non vagatur extra tabulam, ubi quæcunque videntur in eodem videntur eſſe plano, & proinde etiam omnes tabulæ partes; ita ut quantum proportionem, colores, umbræ, reſeſſum quos imitantur fidem faciunt, tantum comparatio cum iis quæ ſunt extra tabulam iisdem rebus fidem derogat.

9. Si figura objecti in plano Horizontis per planum diaphanum Horizonti erectum ſpectanda, ſit circulus, ſectio facta in plano illo erecto, id eſt, tabula ejus perſpectiva, erit Ellipſis vel circulus; oculo quidem in uno ſolum puncto collocato, circulus; cæteroqui Ellipſis.

Sit (fig. 5.) figura objecti circulus in plano jacens Horizontis; ſitque diameter ejus AB , oculus autem ubicunque in C (modo ab omnibus circumferentiæ punctis ad C pervenire poſſint radii) ſitque BD Horizonti erecta, ſecans AB in B , & AC in puncto D . Elevatio oculi ſupra Horizontem perpendicularis ſit EC . Erit itaque BD ſectio communis plani diaphani ſive tabulæ perſpectivæ interpoſitæ inter oculum & objectum, inſiſtentisque Horizonti ad angulos rectos, & conij vertex C , Baſis circulus, AB .

Erit præterea triangulum ABC ſectio per axem illius conij, jam conſideratis triangulis ABC, BDC , ſi ea ſint ſimilia (quod fieri non poteſt niſi in uno tantum puncto rectæ EC productæ) habebunt baſes AB, BD triangulorum ABC, BDC poſitionem *ſubcontrariam*. Ideoque (per Mydorgii Pariſini Conicorum Elem. lib. 1. prop. 3.) erit ſectio facta à plano BD in ſuperficie Conij facti à lineis ſimul omnibus à circumferentiâ ductis ad oculum C , circulus. Sin triangula ABC, BDC non ſint ſimilia, erit (per ejusdem Mydorgii Conicorum Lib. 1. prop. 6.) ſectio illa Ellipſis. Itaque ſi figura objecti, &c. quod erat probandum.

Facillimè intelligitur è contra, quod Ellipſis in Horizonte per erectam tabulam diaphanam ſpectata in una ſola oculi poſitione videtur Circulus.

10. Si figura objecti in Horizonte positi spectanda per tabulam diaphanam sit parabola, posita autem tabula sit super vel citra basem Horizonti erecta, erit sectio, id est, figura in tabula apparens, Hyperbole.

Sit (in fig. 6.) parabola ABC, descripta in plano Horizontis cujus vertex sit A, basis BC. positusque sit oculus in E, super BC intelligatur planum diaphanum sive tabula perpendiculariter erecta, quam secet planum per FD erectum secundum rectam lineam ADF. Et sit communis sectio DH, unde intelligetur recta GH esse totam in sublimi, & rectæ ADF quæ est in plano Horizontis perpendiculariter imminentem. Ductaque AE, sumatur ipsi æqualis EG, & ducta AG dividatur bifariam in I, tum centro I, intervallo IA, describatur circulus AKG, cujus punctum A erit in Horizonte, sed punctum G & cætera puncta omnia erunt in sublimi. His constructis, erit AEG triangulum plano Horizontis erectum, & AE, AG crura ejus; ipsum autem triangulum dividet per axem conum visualem, cujus vertex est E in sublimi, nempe in oculo, basis autem circulus AKG. axisque parabolæ AD apparebit in plano trianguli AEG parallelus lateri FG. Parabola denique tota apparebit in illius conii superficie. Iam planum FH secat AE alterum latus trianguli per axem in L, alterum vero nempe GE productum in H. estque DL sectionis axis in plano tabulæ diaphanæ erectæ super BC. & tota denique sectio est in eadem tabula. Est autem sectio ea Hyperbole, per definitionem traditam in primo Elementorum Conicorum Mydorgii. Quare si figura objecti in Horizonte positi sit parabola, per erectam in basi tabulam diaphanam apparebit Hyperbole. Quod erat, &c.

11. Quod si parabola invertatur ut vertex, sit inter oculum & basin, sitque erecta tabula super vel citra verticem, erit sectio facta in tabula Ellipsis.

Fiat triangulum ABC sectio cujuspiam conii per axem, cujus vertex A, Basis BC quæ secetur à plano aliquo per rectam EF lateri AC parallelam. Erit igitur sectio facta parabola, cujus vertex est E, axis EF. Supponamus autem EF axem, ut & ipsam parabolam esse in plano Horizontis; jam inter oculum A & verticem parabolæ, vel super ipsum verticem erigatur recta GH perpendicularis, vel utcumque modo secet utrumque trianguli latus, ut in I & H. Sectio itaque communis tabulæ & trianguli transit per utrumque ipsius trianguli latus. Itaque erit IH (per Elementorum Mydorgii conicorum lib. 1. prop. 6.) Axis Ellipteos descriptæ in superficie conii cujus vertex est oculus A, & basis BC circulus. Itaque oculo posito in A, parabola EF in tabula GH, videbitur Ellipsis. Simili ratione ostendi potest, Ellipses transpectas apparere El-

lipfes quidem, sed diverſæ ſpeciei, & quæ habent aliam rationem majoris axis ad minorem; & Hyperbolas tranſpectas apparere alias ſpecie Hyperbolas. Atque hæc ſufficient dixiſſe de Perſpectiva; quoniam inſtitui Geometrica eo uſque tantum perſequi, quoad neceſſaria ſunt ad rationem reddendam generalem earum deceptionum quæ accidunt viſioni ex tranſpectione diaphanorum; quæ in eo conſiſtunt, quod qui tabulas perſpectivæ ita attentè intuentur, ut quæ in tabulis pinguntur plana, appareant non plana, & longinqua quæ non ſunt longinqua; & erecta quæ procumbunt, illi propriè loquendo non ipſas tabulas vident, aut ſentiunt, ſed res ipſas quas pictor imitatur, antè viſas recordantur. Ex quo etiam obiter intelligi hoc poteſt, Tabulæ perſpectivæ Iudicem neminem eſſe poſſe (ne Philoſophum quidem ipſum, qui rationes optiçæ omnes perſpexerit) niſi qui multiplici experientiâ multarum rerum apparentias naturales obſervatas comparatasque memoriâ retinuerit; habeatque præterea imaginationem conſtantem, ne ideæ rerum viſarum, dum fictas contemplatur, animo elabantur.

12. Eſt & aliud Perſpectivæ genus, huius de qua diximus inverſæ, in qua objectum ipſum rude aliquid apparet, & (niſi oculo in certo puncto collocato) informe; in eo vero puncto id videtur quod apparere voluit pictor. Id quod hac ratione fieri poteſt: Prope planum aliquod ſtatui intelligatur tabula picta, in qualibet ab oculo diſtancia. Conſiderentur lineæ omnes viſuales per unamquamque particulam ejus tranſeuntes, in quæ parietis vel plani puncta productæ deſinunt. Atque ibi illam tabulæ particulam pingant, id quod ſenſu fieri non poteſt (quia tabula picta non eſt tranſparens) ſed rationibus Geometricis; ideoque pictores profeſſi non poſſunt omnes hoc facere, ſed ope utuntur Geometrarum: ſed quando factum eſt, oculo poſito in eodem loco, apparent omnia tanquam in unius tabulæ plano. Exemplum huius rei exhibuit R. P. Niceronus in Conventu Minimorum Pariſiis.

C A P U T V.

De loco objecti apparente in ſpeculis planis & ſphæricè convexis per Reflexionem.

1. Locus objecti apparentis, ſive locus imaginis, per reflexionem à ſpeculis planis non diaphanis.
2. Quod in ſpeculis planis diaphanis plures ſunt imagines ejusdem objecti.
3. Deſinitiones quinque.
4. Punctum Principale, ſive in quo evaneſcit angulus viſorius, in ſpeculis convexis dividit ſemidiſſimetrum ſpeculi eam






fig. 1.




fig. 2.




fig. 3.





fig. 4.



eam quæ est in perpendicularo oculi bisariam. 5. Quomodo locus objecti apparens per reflexionem in speculo sphaerice convexo invenendus sit.

1. **M**agnitudo & distantia objecti apparentis in speculis planis politis, sed non Diaphanis, eadem sunt quæ in visione directa, quando radius in directa visione æqualis est ambobus radiis in visione reflexâ, nimirum illi qui est ab objecto ad speculum (qui appellatur *radius incidens*) & illi qui est à speculo ad oculum (qui vocatur *radius reflexus*) simul sumptis.

Sit (in fig. 1.) objectum AB, oculus in C. ductis ergo rectis CA, CB, apparebit in visione directa objectum inter CA; & CB alicubi, propiusque oculo (per cap. 2, art. 3.) quam est ipsum AB objectum. Appareat itaque in DE. Interponatur jam inter oculum & objectum speculum planum, quod sit FG, secans CA, CB, in H & I. ducanturque ad FG perpendiculares BL, AK, factisque angulis LIG, KHG, æqualibus utroque utrique angulis FIC, FHC, sive ipsorum verticalibus GIB, GHA, erunt rectæ GL, IL, æquales rectis GI, IB uterque utrique; item rectæ KH, HA, æquales inter se. Sumatur in HK recta HM, æqualis rectæ HD, & in IL recta IN, æqualis IE. Eruntque CH, HM, simul sumptæ, æquales uni CD, sicut CI, IN, simul sumptæ æquales uni CE: sed CD, CE sunt radii visorii ab objecto AB in visione directa, & CHM, CIN, sunt radii ab objecto eodem translato in KL in visione reflexâ. Et angulus visualis ad C utrobique idem. Eademque est vis radiorum surgentium ab H & I ad M & N, quæ est radiorum procedentium ab iisdem HI, ad DE; apparebat autem objectum per visionem directam in DE, translatum ergo in KL apparebit per reflexionem in eadem distantia in rectis CH, CI productis, ita ut HD, IE sint æquales ipsis HM, IN, id est, in DE: Eadem ergo sunt objecti magnitudo & distantia apparentes per reflexionem in speculo plano, quæ in visione directa. Quod erat probandum.

Coroll. 1. Manifestum hinc est, locum imaginis per reflexionem eundem esse, qui esset sublato speculo, & translato objecto tantundem ultra speculi locum, per visionem directam.

Coroll. 2. Manifestum item est, deceptos esse hætenus scriptores opti-
cæ omnes, qui non modo affirmant, sed pro Axiomate & fundamento doctrinæ suæ posuerunt, locum imaginis cujuslibet puncti visi per reflexionem esse in perpendiculari quæ ducitur ab objecto ad superficiem in qua speculum situm est, idque non solum in speculis planis, sed etiam in convexis & concavis, id quod ex ipsa figura in speculis planis (præterquam in incidentiâ radiorum perpendiculari) falsum esse manifestè pateret. Imò si verum esset, objecta omnia apparerent in verâ eorum magni-

tudine; & Sol, qui apparet sine speculo semipedalis, apparet in speculo plus quam centies major quam est vera terræ magnitudo.

2. Id quod modo ostensum est de speculis non diaphanis, qualia sunt quæ fiunt è chalybe bene polito, verum quoque est in diaphanis: sed in illis unius objecti una tantum imago, in his plures esse possunt.

Nam (in fig. 2.) si speculum $A B C D$ sit Diaphanum, & Objectum in E , oculus in F , Radius $E B$ per plures Refractiones & Reflectiones veniet ad A , & inde ad oculum in F ; & videbitur objectum in $F A I$. Item Radius $E K$ per plures Refractiones & Reflectiones veniet ad L , & inde ad oculum F , & videbitur E , in recta $F L M$. Item Radius $E G$ per simplicem Reflectionem veniet ad F , & apparebit E in recta $F G H$.

Definitiones.

3. 1. *Centrum speculi* est centrum sphaeræ, cujus superficiei pars est speculi superficies convexa.
2. *Perpendiculum puncti in objecto* cujuscunque est recta linea ab eo puncto ducta per centrum speculi.
3. *Perpendiculum oculi* est recta linea ab oculo ducta per centrum speculi.
4. *Vertex speculi* est punctum in speculi superficie in quod incidit perpendiculum oculi.
5. Circulus quem in charta describo vice speculi (convexa enim in plano describi non possunt) est communis sectio ipsius chartæ planæ & sphaeræ in cujus superficie intelligitur esse superficies speculi, quæ transit per puncta quatuor hæc. 1. Centrum speculi. 2. Punctum in objecto consideratum. 3. Centrum Retinæ, & 4. Punctum Reflexionis.

4. Si punctum quodlibet objecti in quacunque à speculo convexo distantia, oculique situ quocunque positum sit, linea ejus visualis ita puncti illius perpendiculum secabit, ut pars lineæ ipsius visualis intercepta inter perpendiculum dictum, & speculi superficiem, minor sit reliquo perpendiculi inde usque ad speculi centrum.

Sit (in fig. 3.) punctum objecti A , Centrum speculi B , perpendiculum objecti $A C$, oculus in D , radius incidens ab A , sit $A E$, reflexus secundum angulos æquales (qui est idem cum linea visuali) $D E$; producta autem sit $D E$ ad occursum cum $A B$ in F . Dico $E F$ minorem esse quam $B F$.

Ducatur $B E$, & producat utcunque in G , fiatque $E H$ parallela rectæ $A B$. Iam Angulus $G E A$ æqualis est (propter reflectionem) angulo

gulo GED , hoc est angulo FEB . Angulus autem EBF æqualis est (propter parallelismum) angulo GEH , sed angulus FEB , hoc est GEA , major est angulo GEH ; quare angulus FEB major est angulo EBF , & per consequens, latus BF majus latere FE . Itaque linea visualis ita perpendiculum objecti puncti fecit, &c. Quod erat probandum. Item, quo angulus reflexionis major est, eo linea visualis partem perpendiculi intra sphaeram interceptam, id est, semidiametrum, in partes magis inter se inæquales dividit. Nam si sit ducta AI , cujus reflexa est IK , ita ut angulus reflexionis in E major sit quam in I , producta KI secabit CB longius à centro B quam est punctum F .

5. Punctum in quo evanescit angulus visorius cujuscunque objecti visi per reflexionem à superficie speculi sphaerice convexa dividit sphaeræ sive speculi semidiametrum bifariam. Sit (in fig. 4.) speculum convexum ABC , cujus centrum D . sitque objectum EF , & in eo puncta E, H, I, K . Centro D ducatur arcus LM dividens DA, DB, DC , cæterasque omnes semidiametros interjectas bifariam. Iam à puncto F ducatur radius FN , ita ut reflexus NG occurrat alicubi semidiametro, DB productæ, ut in G , ubi statuatur oculus; productaque GN secet perpendiculum puncti F in O . majorque erit (per art. 4.) DO quam NO , & multo major quam OC . Similiter fiat è puncto E incidens EQ , & ejus reflexus GQ , qui producatur in P . eritque DP major quam PQ , & multo major quam PA . Erit autem angulus visorius (sub quo apparebit EF objectum) QGN .

Rursus sumatur in objecto punctum aliud K , à quo radius ductus KS reflectatur itidem ad G , & producta GS occurrat KD perpendiculari in T . & similiter à puncto H radius HV reflectatur ad G , producatque GV donec occurrat perpendiculo HD in X . Erit sic quoque DT major quam TN , sed minor quam DO ; & DX major quam XQ , & minor quam DP . Etiam angulus visorius VGS minor angulo visorio QGN . Eodem modo si inter K & H sumantur alia duo puncta, unde radii perveniant per reflexionem ad oculum in G , minor erit adhuc angulus visorius, & partes semidiametri sectæ à lineis visualibus minus inæquales; sed nulla diminutione anguli visorii (per art. 4.) perveniet linea visualis ad circulum LM qui secat DA & DC bifariam. Intelligantur jam erectæ duæ parallelæ infinitæ in E & F , illæ secabuntur à rectis VH, SK productis; ad illas intersectiones intellige remota esse puncta E & F ; itaque radii ab E & F incidentes in speculum iidem erunt cum HV & KN , eritque angulus visorius idem VGS . Itaque diminuitur semper angulus visorius per remotionem, eodem modo quo diminuebantur antè per diminutionem objecti, quando pro EF objecto

objecto majore sumpsimus HK objectum minus. Nunquam ergo per remotionem objecti quantamcunque ita diminuitur angulus visorius ut linea visualis producta intra speculum secet aut tangat circulum LM . semper tamen quoad angulus ullus sit, magis ad eum circulum accedet. Deficit ergo angulus visorius per infinitam remotionem in mediâ distantia inter Verticem speculi, & centrum ejusdem. Quod erat probandum.

5. Locus imaginis (id est locus objecti apparens) per reflexionem à speculo convexo quomodo inveniendus sit.

Sit (in fig. 5.) speculum ABC , cujus centrum D , oculus ubicunque in G . Itaque ducta GD erit oculi perpendiculum. Sitque objectum IE , secans GD in F . Sit ducta IA parallela oculi perpendiculo DG , quæ in speculi superficiem vel incidet, vel ipsam tanget, vel extra speculum tota erit.

Primo sit punctum A in superficie speculi, divisâque DB bifariam in H , ducatur AH . Ductoque radio quocunque IK ita ut reflectatur ad oculum in G , producat GK donec occurrat AH , in L . similiter à quibuscunque aliis punctis objecti, ut M , vel E , ducantur perpendiculo oculi DG usque ad speculum MN , EC parallelæ, & radii incidentiæ MP , EO , qui reflectantur ad G & productis GP , & GO , ad occursum cum rectis HN , HC in punctis Q & R . erunt Q & R loca imaginum punctorum objecti M & E . similiter inveniri possunt loca imaginum omnium punctorum quæ sunt in objecto IE , in linea LQR .

Producatur enim FE in T , ut FT , FI sint æquales, intelliganturque objecti termini I & T , jacere in AV . Videbuntur ergo in eodem loco in quo videntur ipsa A & V puncta speculi: inde si removeantur rursus in infinitum, videbuntur (per antecedentem propositionem) & ipsa, & totum objectum contrahi & evanescere in punctum H . erit ergo locus apparens puncti I in recta AH , & puncti T in linea VH . Sunt autem loca eorundem punctorum in lineis suis visualibus GK , & GY . sunt ergo in intersectionibus cum AH , HV nempe in punctis L & X . Propter eandem rationem erunt loca imaginum punctorum M & E , in rectis HN , HC , sed sunt eadem loca in visualibus GP , GO . sunt ergo in intersectionibus Q & R ; est ergo inventus locus imaginis objecti IE , nempe LQR . Quod erat faciendum in casu primo. (Quomodo autem à puncto dato recta linea ita duci possit ut ad aliud punctum reflectatur datum.) Problema solidum est, & fieri potest ope Hyperbole, sed ipsa Hyperbola non fit nisi per puncta, id est, Mechanicè.

Secundo, sit objectum IS ita magnum ut à termino ejus S ducta perpendiculo oculi GD parallela $S\alpha$ cadat tota extra speculi superficiem. Ducatur ab oculo G , recta $G\alpha$ contingens speculum in Z . Si ergo punctum



Chap. VI




fig. 1




fig. 2




fig. 3




fig. 4




fig. 5




fig. 6



Atum S poneretur in α , videretur in Z. dum ergo rursus removetur sursum versus S, locus ejus apparebit in recta H Z. Exempli causa, si punctum objecti sit β , cujus radius $\beta \delta$ reflexus sit ad oculum in G, & producto G δ secet H Z in γ , erit γ locus apparens puncti β . Sit ergo objecti punctum in ipso S, ducta incidente S π , & reflexa ejus π G, producta G π secet H Z in ϵ , erit punctum ϵ locus apparens ipsius S. Itaque locus imaginum per reflexionem à speculo convexo inventus est. Quod erat propositum.

Loquimur autem de iis objectis quæ deficiente angulo visorio videri desinunt; id quod non fit in objectis sua natura lucidis: nam angulo visorio deficiente stellæ tamen fixæ apparere non desinunt; neque candelæ apparere in speculo desinunt, etiam si in tantum removeantur ut angulus visorius fiat insensibilis, sed talis visio (ut diximus) semper confusa est, propter rationes (cap. 1, art. 3.) supra adductas.

CAPUT VI.

De loco objecti Apparente per Reflexionem à speculo sphericè concavo.

1, 2. Oculo & objecto positis ita ut lineæ incidentes perpendicularum oculi non secant, invenire locum imaginis. 3, 4, 5, 6, 7. Oculo & objecto ita positis ut lineæ incidentes oculi perpendicularum secant. 8. Imago objecti utcumque positi in tantum recedere à speculo non potest, ut perveniat ad centrum Retinæ. 9. Punctum objecti quod est in centro speculi, oculo citra centrum collocato, in ipso centro apparebit. 10. Maxima confusio ubi fit.

1. **I**N reflectionibus à superficie sphericè concava contingit apparere objectum quandoque situ simili, quandoque inverso. Cujus causa manifesta est hæc; Quod quandoque radii incidentes se mutuo antè secant, quam reflectuntur. Et tunc quidem objectum apparet inversum, alias vero situm obtinet naturali similem.

Itaque primo loco, oculo & objecto ita collocatis, ut ab objecto radii incidentes non se mutuo intersecant ante reflectionem; locum imaginis sic investigabimus.

Centro A, (in fig. 1.) Radio quocunque AB, sit descriptus Arcus Circuli BCD, cujus pars EC repræsentet speculum concavum. Sitque oculus in F. Ducatur recta FE, quæ reflectatur per EG, & recta FC quæ reflectatur per CH; juncta autem GH repræsentet objectum. Itaque incidens GE reflectetur per EF, & incidens HC per CF. Quare punctum G videbitur alicubi in linea visuali (si opus est, producta) FE.

El. Phil. scil. 2.

E E

Simi-

Similiter videbitur punctum H in linea visuali FC (etiam si opus est, producta.) Iam si puncta G & H essent in ipsis punctis E & C , viderentur (ut per se manifestum est) in illis ipsis punctis. Manifestum item est, prout magis magisque retrahuntur ab illis punctis E & C , ita magis apparitura esse ultra speculum. Supponantur ergo retracta esse ad G & H , ubi ea collocavimus; ducanturque à G & H rectæ GI , HK , parallelæ perpendiculo oculi, nempe rectæ AB , secantes FE , FC productas in I & K . Dico fore ut objectum appareat inter I & K , nempe, punctum G in I , & punctum H in K .

Producantur indefinitè parallelæ IG , KH in L & M , & supponatur objectum collocari in LM . Incidens ergo à puncto L , ut reflectatur ad oculum in F , cadet inter E & B ; & incidens à puncto M , ut reflectatur ad idem punctum F , cadet inter C & E ; & videbitur objectum per alias visuales quam FE , FC , & magis ultra speculum. Nam quo objectum à speculo remotius est, eo etiam locus imaginis ab eodem speculo erit remotior, apparebitque sub minore Angulo semper minor, donec in satis magna remotione deveniat (propter exiguitatem Anguli visorii) invisibilis, nimirum coeuntibus parallelis in ipsum oculi perpendiculum. Atque hæc quidem una causa est ex iis quæ locum imaginis determinat, nempe quod locus imaginis ad speculum accedit, & recedit in parallelis IG , KH .

Altera causa quæ determinat locum imaginis, sunt ipsæ lineæ visuales exeuntes ab oculo F per puncta reflectionis E & C . Videbitur ergo punctum G , tum in visuali FE , tum in parallela GI . Videbitur ergo in intersectione ad I . Et propter easdem causas videbitur punctum H in K .

Locus autem imaginis cujusvis alius puncti objecti invenitur per eandem methodum, nimirum à puncto ipso ducendo lineam perpendiculo oculi parallelam, & lineam ab eodem puncto quæ ad oculum reflectatur, videbitur enim in earum concursu.

Regula hæc inveniendi locum imaginis etiam speculis planis & Sphæricè convexis communis est, nempe ut sit locus imaginis in concursu rectæ à quovis puncto objecti ductæ perpendiculo oculi parallelæ cum linea visuali. Nam in speculis planis locus imaginis est in objecti perpendiculo, quod oculi perpendiculo est parallelum.

2. Quod si objectum ita collocatum sit ut incidentes radii non se interfecerint, centrum autem speculi sit inter oculum & verticem speculi, invenietur locus imaginis hoc modo.

Sit centrum speculi A , vertex B , ipsum speculum ce , oculus f , objectum gh . Sitque ge incidens, & reflexa ef . Sit item hc incidens, & reflexa ejus cf . Videbuntur ergo puncta hg alicubi in visualibus fe , fc .
Sup.

Supponatur jam objectum bg moveri inter parallelas bk, gi . Videbuntur ergo moveri, sed per alias aliasque visuales. Cum autem punctum g est in i , & b in k , videbitur i ab oculo in g & k , ab oculo in b . Quare vicissim & b videbitur ab oculo in k ; & g ab oculo in i ; & ambo b & g ab uno & eodem oculo in f . Est ergo imaginis objecti bg locus inventus ki . Quod erat faciendum.

3. Ut sciamus autem ubi locus objecti apparens tunc est, quando incidens à puncto objecti radiante perpendiculum oculi ante secat quam fiat ad oculum reflectio, intelligere oportet loca esse duo, in quibus si objectum positum sit, extrema ejus puncta per reflexionem ibi apparebunt ubi apparerent in visione directa. Alter locus est, ubi extrema objecti puncta sunt in ipsa speculi superficie, alter ubi radius incidens in speculum ab uno objecti termino ad oculum reflectitur per alterum. Exempli gratia: Sit speculum (fig. 2.) ABC cujus centrum D ; sitque oculus ubicunque in E . Ponatur primo objectum esse AC , cujus termini A & C sunt in ipsa speculi superficie, ducanturque EA, EC . Manifestum est videri A & C sive per reflexionem, sive per directam visionem, sub eodem angulo visorio AEC . quare etiam in iisdem locis videbuntur A & C sive visio fiat directa, sive per reflexionem. Secundo sit objectum FG ita positum ut incidentis FH reflexa HE transeat per punctum G . Item incidentis GI transeat per F . in hoc quoque casu puncta G & F per directam visionem videbuntur sub angulo FEG tam in directa quam in reflexa visione; quare animo attento ad objectum apparent G & F , sive per reflexionem sive directe visa in ipsis punctis G & F . Quod si ducatur per centrum D recta quantulacunque KDL , incidentes KM, LN , habebunt reflexas EM, EN , quæ secabunt KL . ideoque si ducerentur BK, BL , secarent illas inter B & K ex una parte, & inter B & L ex altera: id quod notandum duxi propter propositionem 12.

4. Posito oculo ita ut centrum speculi sit inter ipsum & speculi verticem, & ab oculo ad speculum ducta incidente, cujus reflexa secet oculi perpendiculum ad angulos rectos; atque infra ipsum perpendiculum & intra duas rectas perpendiculo oculi parallelas, quæ speculum utrinque tangant, collocato objecto, locum ejus apparentem invenire.

Sit speculum (fig. 3.) ABC , centrum ejus D , oculus in E , perpendiculum oculi BE . ducta autem EC , reflexa sit per CA , ita ut CA secet EB ad angulos rectos. ductæque sint CG, AF , rectæ EB parallelæ. Posito jam objecto in KL , oportet invenire locum ejus apparentem. Ducantur per K & L , rectæ KM, LN , parallelæ perpendiculo oculi BE . intelliganturque puncta K & L moveri in illis parallelis versus puncta M & N . donec ita sint collocata (exempli gratia) in O

$EE\ 2$

& P ,

& P, ut incidens ab O, puta O Q, reflectatur ad E per punctum P, & vicissim incidens à P, puta P R, reflectatur ad E per O (erit autem O P inter centrum & verticem circuli semper.) Ductæ deinde B O, B P, quando opus est, producantur. Iam à puncto K ducta incidens K S, reflectatur ad E per S E. Et à puncto L ducta incidens L V reflectatur ad E per V E, secantque S E, V E, rectas B P, B O, in X & Y. Dico K & L apparitura esse inter X & Y, nempe K in Y, & punctum L in X.

Si objectum K L positum esset in O P, tunc (per precedentem) apparet in ipso O P, sub angulo O E P. recedente autem objecto à vertice inter easdem parallelas O K, P L, angulus visorius semper minor fit, donec continuata in infinitum remotione, latera anguli visorii exeuntia ab oculo E parallela fiant, vel potius coeant in unam rectam E B. Est ergo punctum B, punctum evanescentiæ anguli visorii. Cum itaque objectum positum in O P, appareat magnitudine eadem quâ in visione directâ, & magnitudine nulla in distantia citra verticem infinitâ, necesse est ut ubicunque ponatur citra O P, ubi angulus visorius minor est quam angulus P E O, appareant termini K & L alicubi in rectis B O, B P. sed iidem ejus termini apparent in visualibus lineis S E, V E, apparebunt itaque in ipsis intersectionibus, hoc est K in Y, & L in X inversè. Inventus itaque est locus, &c. quod erat faciendum.

Coroll. 1. Objectum, quando incidentes ante reflexionem secant oculi perpendicularum, apparet semper inversum, atque etiam inter oculum & superficiem reflectentem.

Coroll. 2. Apparet hinc, quomodo etiam loca apparentia cæterorum punctorum objecti, nempe quæ sunt inter K & L, inveniendâ sunt: Nam per bina puncta à perpendicularo oculi hinc & inde æqualiter remota ducendæ sunt rectæ ipsi perpendicularo parallelæ, & admoventi objectum versus verticem quoad extrema ejus cum extremis punctis imaginis suæ reciproce coincidunt, & ad ea puncta ducendæ rectæ à vertice, &c.

§. Posito objecto extra dictas parallelas, & infra rectam A C, locum ejus invenire apparentem.

Sit rursus speculum (fig. 4.) A B C, vertex ejus B, centrum D, oculus (ut antè) in E. ductæque sint ab E duæ rectæ, incidentes in speculum ad A & C, ita ut incidentis E A reflexa sit A C, & incidentis E C reflexa sit C A, & à punctis A & C ductæ sint A F, C G, oculi perpendicularo E B parallelæ, extra quas sit positum objectum utcumque H I. A puncto autem H ducta sit incidens H K, quæ perpendicularum oculi secans reflectatur ad oculum per K E. Et à puncto I ducta sit incidens I L, & illa secans perpendicularum oculi reflectatur ad oculum per L E; oportet jam locum imaginis objecti H I determinare.

Ducan-

Ducantur HM , IN parallelæ rectæ AC , sive secantes EB perpendiculariter in O & P . Sumptæque sint OM , PN , æquales ipsi HO , IP . Et à punctis M , N ducantur MR , NS , parallelæ BE , terminatæque in CA productâ ad R & S . Deinde ducantur BR , BS , quarum BR fecet visualem EK in T , & BS fecet visualem EL in V . Dico H appariturum in T , & I in V . & si quidem similiter operemur per cætera puncta objecti HI , totum objectum appariturum in TV .

Ductis enim HX , IY , rectæ EB parallelis, secantibus AC productam in X & Y , suppositoque quod XR esset ipsum objectum videndum, imago puncti ejus extremi X appareret in A , & imago puncti alterius extremi R , appareret in C . sub angulo visorio AEC . similiter supposito quod YS ipsum esset objectum, apparerent quoque puncta ejus extrema in iisdem punctis A & C , & sub eodem angulo visorio AEC . Quanto autem X & Y in suis parallelis XH , YI , magis retrahuntur, ex una parte, & R , S , ex altera, tanto magis angulus visorius decrescit, ita ut posito quidem X in H , R vero in M , videbuntur H & M sub angulo visorio cujus semissis est BEK . Item posito Y in I , & S in N , videbuntur I & N sub angulo visorio cujus semissis est BEL . Est autem tam angulus BEL , quam angulus BEK , minor angulo BEA semisse anguli AEC , sub quo videntur X & Y posita in rectâ productâ AC . Porro si H , & I magis adhuc retrahantur ex una parte, & R , S , ex altera, angulus visorius sub quo viderentur extrema puncta X , R , vel Y , S , adhuc erit minor, donec retracta in infinitum crura ambo anguli visorii conveniunt in unam rectam EB . itaque punctum B est *punctum evanescentie*; & propterea imagines punctorum X & Y , ubicunque positorum in parallelis suis XH , YI erunt in BR , BS . quare puncta H & I apparebunt, H quidem in BR , I vero in BS . Apparent vero eadem puncta H & I , in visualibus EK , EL , apparent ergo in sectionibus, id est in T , V . nempe punctum H in T , punctum I in V . Posito itaque objecto, &c. quod erat faciendum.

6. Posito objecto supra rectam AC , locum ejus apparentem invenire. Sit speculum (fig. 5.) $FABC$, vertex B , centrum D , oculus E . supponamus rectam AC reflecti per CE , & CA per AE . præterea supponamus EF reflecti per FG perpendiculo oculi parallelam, secantem CA productam in G . Sit jam objectum HI , à cujus puncto H incidat in speculum HL quæ reflectatur ad E , sicut & à puncto I incidat IK , reflexa & ipsa ad E , apparebunt igitur H in recta EL , & I in recta EK . Ducantur jam per H & I rectæ HM , IN parallelæ rectæ EB . Supponaturque objectum HI inter illas parallelas removeri ultra puncta H , I , in infinitum, manifestum est, incidentes HL , IK , facturas angulos cum FG insensibiles,

& tres illas lineas FG, HL, IK, quoad sensum coalituras in unum GF, & per consequens arcum LK, post remotionem objecti infinitam contrahi atque evanescere tandem in puncto F. Ducantur deinde OP, parallela ipsi IN, & à perpendiculo oculi tantundem distans, & GQ parallela ipsi HM, in eadem ab oculi perpendiculo distantia: juganturque FO, FG, quæ secant visuales EL, EK in L & R. Dico LR esse locum imaginis, sive locum objecti apparentem.

Quoniam enim angulus visorius major semper est quo objecti termini H, L, propiores sunt rectæ AC, & eo minor quo sunt ab ea remotiores, donec tandem remotis illis terminis in infinitum evanescit in puncto F, erunt eorum imagines in rectis FO, FQ, ductis ad O & G. Cum igitur punctorum eorum imagines semper etiam sunt in visualibus EL, EK, erunt in ipsis intersectionibus, nempe in L & R. Itaque objecti HI locus apparens inventus est LR. quod erat faciendum.

7. Ex iis quæ præsentè capite, & tribus proximè præcedentibus de loco objecti apparente inveniendò tradita sunt, universaliter pronuntiare licet, locum illum semper inveniri in sectione crurum anguli cujusdam, cujus verticem appellavimus punctum evanescentiæ (in quo scilicet angulus visorius præ exiguitate evanescit) cum lineis visualibus in quibus apparent objecti extremitates, vel cum parallelis educitis à punctis ubi crura illa incidunt in speculum, & transeuntibus per objecti extremitates. Punctum autem illud evanescentiæ in diversis videndi modis est diversum. In visione directâ punctum illud non determinatur, sed sumitur tanquam in Horizonte, quia maxima quæ circa nos sunt objecta in distantia Horizontis ab oculo evanescunt. Crura autem anguli cujus vertex est illud punctum, desinunt in basi transeunte per centrum retinæ.

In visione per tabulam diaphanam, punctum illud est in recta transeunte per centrum Retinæ, & per tabulam perspectivæ Horizonti parallela, vocaturque à quibusdam perspectivæ scriptoribus *punctum principale*. Crura autem anguli cujus illud punctum est vertex, ducta in tabula terminantur in plano Horizontis.

In visione per reflectionem, à speculo plano punctum illud idem est quod in visione directâ, sed ultra speculum.

In visione per reflectionem à speculo sphaericè convexo, punctum illud est in perpendiculo oculi, distans à vertice speculi quantum est quarta pars diametri. Crura autem ejus terminantur in superficie speculi ad ea puncta in quæ incidunt ab objecti terminis duæ rectæ perpendiculo oculi parallelæ.

In visione denique per reflexionem à speculo sphaericè concavo, punctum illud variè ponitur. Si oculus sit inter verticem & centrum speculi, inci-

incidentes autem radii non fecerint oculi perpendiculum, punctum illud erit idem quod in visione per reflexionem à speculo convexo. art. 1, 2, 4. sed loca terminorum objecti erunt in sectionibus visualium, cum rectis quæ ducuntur à punctis speculi in quæ incidunt rectæ à puncto evanescentiæ transeunt per terminos objecti perpendiculo oculi parallelæ. Si centrum speculi sit inter verticem ejus & oculum, objectum vero infra lineam perpendiculo oculi perpendicularem in speculo terminatum, & utrinque reflexam ad oculum, punctum illud erit ipse speculi vertex. Art. 7, 8.

Sin objectum sit supra illam lineam, punctum illud est in parte speculi diversa, ad quod ducta recta ab oculo, reflectitur per lineam perpendiculo oculi parallelam. Artic. 9.

8. Imago objecti visa in speculo concavo, etsi citra verticem speculi appareat modo plus, modo minus, nunquam tamen ad locum oculi, id est, ad centrum Retinæ venire potest, multo minus (ut putant scriptores optici) à tergo spectantis esse potest.

Sit enim speculum (fig. 6.) ABC, centrum ejus D, oculus ubicunque in E, supponaturque EA ita ducta ut reflexa ejus sit AC, secans EB oculi perpendiculum ad angulos rectos. Sitque primo objectum FG, à cujus terminis F & G supponantur ductæ incidentes FH, GI, cujus reflexæ sint HE, IE, accedentes ad oculum in E. Ductis ergo BF, BG & productis quoad fecerint visuales EI, EH, in K & L. Videbitur F in K, & G in L, quæ puncta K & L semper erunt inter oculum & speculum, propterea quod sunt in ipsis visualibus EH, EI. Rursus sit objectum MN in ipsa lineâ apparitionis maximæ AC. Videbitur ergo N in recta AE, & M in recta CE. Sed videbitur quoque M in recta BN productâ, & N in recta BM producta. Videbitur ergo M in O, & N in P, hoc est, inter oculum & speculum. Quod si MN esset tota in lineâ EB, hoc est, si non esset objectum reale sed punctum Mathematicum, tum angulus MBN omnino perit, coeuntibus cruribus in unam rectam BE, quam quidem lineæ visuales secant ambæ in puncto E, id est, in ipso centro Retinæ; sed merum punctum, cujus termini nulli sunt, imaginem sui facere non potest. Nunquam ergo imago erit in ipso oculo, neque post oculum. Quod erat probandum.

Coroll. 1. Quanto magis accedit objectum ad Rectam AC, tanto imago ejus & major est, & oculo propior: id quod patet ex ipsa diagrammatis inspectione.

9. In quo puncto objectum & imago se mutuò tangunt in eo est centrum speculi. Supponamus in figura sexta positum esse objectum aliquod in ipso centro D, ductæ ergo incidentes coibunt cum semidiametro DB, &

& quoniam EDB est oculi perpendiculum, erunt reflexæ earum in eadem recta BD. Videbitur ergo objectum punctuale D per articulum 6. in ipso centro D, modo punctum illud sumatur pro puncto Physico, ut videri possit. Puncta enim Mathematica nullo modo sensibilia sunt, sed tantum doctrinæ causa considerabilia. Punctum ergo objecti quatenus videri potest, positum in centro speculi, ibidem quoque apparet per reflexionem. Addatur jam objecto magnitudo, eaque ex utraque parte centri æqualis, ut objectum sit KL, & à punctis K & L ductis incidentibus KM, LN, quarum reflexæ sint ME, NE, junctisque BK, BL, visuales EM, EN secabunt BK, BL, ex una parte inter B & K, ex altera inter B & L; ut ostensum est ad finem Articuli 6. Non ergo puncta K & L contingent imagines suas, sed unicum punctum D in centro positum id facit. Itaque si punctum objecti & imago ejusdem se mutuo tangunt, sit contactus ille in centro speculi. Quod erat probandum.

10. Quod attinet ad confusionem quæ in certis oculi & objecti positionibus observari potest, maxima confusio tunc accidit quando objectum est in linea apparitionis maxima, nempe eà quæ faciens cum perpendiculo oculi angulos rectos, reflectitur utrinque ad oculum; qualis est in figura 6. recta AC. In ea igitur si ponatur objectum, ut MN, unumquodque ejus punctum videbitur tum in utraque visuali EA, EC, tum etiam in tertia visuali, ut in figura ipsa patet; nam M videtur in visuali IE, & N in visuali HE. Quod si oculus collocetur inter verticem & centrum speculi, maxima confusio tunc erit quando prope illud punctum collocatur oculus, in quo semidiameter ita divisa est, ut pars ad verticem ad partem ad centrum eam habet rationem quam habet totum oculi perpendiculum ad speculi semidiametrum. Nam prope punctum illud omnes incidentes reflectentur ad oculi pupillam.







C A P U T VII.

De loco apparente objecti visi per Refractionem unicam.

1. *Regula pro loco apparente objecti visi per unicam Refractionem generalis.* 2. 3. 4. 5. 6. *Regulæ illius applicationes aliquot.* 7. 8. *Quare Astra prope Horizonem majora apparent quam culminantia.* 9. *Quare plures videntur stellæ fixæ nocte serenâ frigidâ quam tepidâ.*

1. **I**N visione per unicam Refractionem, id est, quando oculus est in uno medio, objectum in alio diversæ resistentiæ, considerandus est locus in quo videretur si utrumque medium ejusdem esset naturæ; deinde

con-





considerandum est punctum in quo fit refractionis. Est enim recta ab oculo ad illud punctum ducta, linea visualis puncti visi; cui si adjiciatur Longitudo rectæ, quæ est à puncto objecti visi ad punctum Refractionis, terminabitur tota, in loco imaginis quæsitæ. Quantum enim radius à puncto viso qui Visionis causa est, extenditur intra suum medium, tanto videbitur extendi in eodem medio secundum lineam visualem.

2. Si objectum sit linea recta, & statuatur in medio densiore, oculus autem in rariore, linea autem duo illa media distinguens sit recta, & objecto parallela, (ut si, Exempli gratia, objectum sit in Aqua, oculus in aëre) apparebit obliqua, & accedens semper ad lineam quæ media determinat.

Sit (in figurâ primâ Tabulæ hujus capituli) objectum recta $ABCD$. Linea quæ duo media determinat sit EHI , recta & ipsi AD parallela, quibus utrisque sit FEA perpendicularis, statuaturque oculus in F . Et intra parallelas AD , EI , sit medium densius, ut Aqua; medium verò inter F & EI sit rarius, ut aër. His constitutis, videbitur A in ipso puncto A , propterea quod in puncto E ob actionis perpendicularitatem, nulla fiet refractionis: sumatur aliud punctum B , & ducatur BG , ita ut (servatis refractionis legibus) refringatur ad oculum in F . & ducta FG producat ad K , ita ut GK sit æqualis GB . punctum igitur B apparebit in K , quæ cadet citra rectam AD , quia GB minor est quam foret GK , continuata usque ad ipsam AD . Similiter sumpto alio puncto C , ductaque CH quæ refringatur etiam ad F , sumaturque in producta visuali FH , recta HL , æqualis ipsi CH , eritque locus puncti C apparens in L . Eadem methodo inveniatur puncti D locus apparens M , omniaque illa puncta K , L , M , (modo secundum rationem refractionis medio debitam operemur) cadent in lineam $AKLM$, quæ ad superficiem in qua est recta EI propius semper accedet: id quod erat ostendendum.

Qualis autem illa linea sit, difficile est determinare. Si GK , HL , IM essent omnes æquales perpendiculari EA , tunc quidem linea AM esset conchois vulgaris: nunc verò non est conchois, sed tamen quia, etsi in infinitum procederet atque ad lineam EI semper accederet, nunquam tamen illam attingeret, videtur ea inter species innumeras linearum conchoidearum rectè numerari posse.

3. Quod si (ut in figurâ secundâ) medium quod est intra parallelas AD , EI , sit rarius eo in quo est oculus, (si operemur secundum leges refractionis) Objectum AD apparebit in AM , semper magis magisque recedens à recta AD . Demonstratio enim eadem est quæ propositionis præcedentis (nisi quòd refractionis hic fiat versus perpendicularum, illic contra) nam hic quoque GK , HL , IM sumuntur æquales ipsis GB , HC , ID , singula singulari.

El. Phil. sect. 2.

F F

4. Simi-

4. Similiter (in figurâ tertiâ, ubi objectum supponitur in medio densiore, oculus in rariore, & linea separatrix arcus circuli) inventis ex lege refractionis lineis visualibus, si in illis sumatur GK , HL , IM , æquales radiis GB , HC , ID , singulæ singulis, locus objecti apparens erit AM , propior oculo quam est AD .

5. Item (in figurâ quartâ) ubi supponimus objectum in medio rariore, oculum in densiore & lineam separatricem, ut antè, arcum circuli; si operemur secundum leges refractionis, invenietur AM locus objecti apparens recedere ab oculo longius quàm AD .

6. Præterea (in quintâ figurâ) ubi supponimus AD esse arcum circuli, idemque objectum; lineam autem separatricem IE arcum quoque circuli, objectum autem AD esse in medio rariore, oculum F in densiore; locus apparens objecti AD erit AM , remotior ab oculo quam AD , atque adeo punctum D videri in M , supra Horizontem elevatiùs quàm est ipsum objectum D . Et ob eam causam Solem, antequàm oriatur, si sit nubes aliqua densa in IE , videre ortum, propter refractionem in IE nube.

Supposito (in fig. 3.) autem quod objectum AD divisum sit in tres partes æquales AB , BC , CD , apparebit pars AB , (quæ est propior ad verticem) minor quàm BC , (quæ est à vertice remotior) & hæc minor quàm CD : nimirum erit AK minor quam KL , & hæc quam LM ; propterea quòd quo radius inclinatio est, eo magis refringitur, ideoque angulus tam refractus quàm refractionis fit major.

7. Quæsitum est quare Sol & Luna (aliæ stellæ) majores prope Horizontem videntur quàm culminantes; cujus rei causam attribuunt plerique aëri ad certam quandam à Terra distantiam densiori, quàm qui est usque ad astra reliquus: Tanquam esset facta refractione luminis in crassioris aëris orbe quodam, quem vocant Atmosphæram. Id verò quomodo fieri potest difficile est intelligere. Concipio bene, aërem nostrum cœlesti quidem impuriorem, nimirum halitibus ex terrâ marique densissimè interpersis ubique plenum esse, (qui halitus non aliud est quam vel terræ minutissimæ partes, vel aquæ minutissimæ guttæ) & terræ propiorem semper esse impuriorem; sed non facit refractionem hujusmodi impuritas, nisi tales guttulæ omnes sese mutuò tangant, sed debiliorem tantum luminis actionem; & videri objectum, non quidem extra locum usitatum, sed minus lucidum, sicut accidit spectantibus objectum quodlibet per aërem denso pulvere interpersum. Cæterum ut aër ipse qui pulvisculis illis interfluit, sit densior in uno loco quam in alio, intelligere non possum. Itaque etiam si ex articulo præcedente necesse sit, si hujusmodi detur Atmosphæra, sequuturum inde esse ut astra majora appareant

teant prout accedunt ad Horizontem, tamen Atmosphæra ejus Phænomeni causa esse non potest: primo, quia in ea nulla fit refractio; secundo, quia si esset, videretur Sol sub majore angulo in Horizonte quam sub meridiano, itaque etiam minorem efficeret umbrarum latitudinem oriens vel occidens quàm culminans; id quod est contra experientiam factam à doctissimo Gassendo, quam refert in Epistola de *sole humilis & sublimi*. Præterea quando aliquid videtur majus propter refractionem, quàm sine refractione, videtur semper sub angulo visorio majore in refractione, quàm sine refractione; ut (in fig. 5.) angulus LFM , major est quàm KFA , cùm tamen objecta DC , BA , quorum imagines sunt ML , KA , sint æqualia. Ac si quis observaverit accuratè sub quibus angulis visoriis videntur duæ stellæ fixæ positæ in eodem circulo verticali in diversis super Horizontem altitudinibus, (id quod fecit & in commentarios suos retulit idem doctissimus Gassendus) inveniet idem quod ille, nempe, eas stellas videri sub majore semper angulo prout supra Horizontem magis elevantur. Id quod argumenti loco est, nullam esse omnino in ea Atmosphæra refractionem. Nam puncto G (figuræ 6.) posito pro centro terræ, in cujus superficie sit oculus F , & eodem G centro ducti duo circuli; alter in superficie extima Atmosphærae qui sit EH , alter AD in ea distantia ab oculo quam videntur habere stellæ fixæ; sitque FD Horizon, arcusque AD divisus trifariam rectis FB , FC . manifestum est angulum AFB , majorem esse angulo BFC , & hunc rursus angulo DFC , idque sine ulla omnino refractione. Causa itaque, quare alia in Horizonte majora apparent quàm supra Horizontem, aliunde petenda est.

8. Ponamus itaque Atmosphæram non esse corpus Homogeneum, sed guttulis pulvisculisque ex aqua & terra elevatis interspersum, qualia corpora sunt nebulae, quarum aliae magis, aliae sunt minus spissæ.

Iam quoniam astra omnia, tam ea quæ terræ proxima, quàm ea quæ remotissima sunt apparent omnia in unâ illâ superficie cæruleâ, quod vulgo vocatur cælum, ita ut an una quàm altera à nobis magis distet, sine consideratione magnitudinum & virium quibus in oculos nostros agant, solo intuitu dijudicari non possit, ponamus pro superficie illa cœlesti (in fig. 6.) arcum AD , sitque arcus Atmosphærae EH , & utriusque arcus centrum G . sit oculus F , Horizon FD . Quoniam jam divisio trifariam AD in punctis B & C , angulus AFB major est angulo BFC , & hic major angulo CFD . si divideretur angulus DFA in tres partes æquales, arcus DC major esset quàm CB , & hic major quàm BA , & proinde quæ videntur in superficie cœli (ab oculo posito in superficie terræ ut in F) sub angulis visoriis æqualibus, majora apparebunt (sine refractione) quam quæ sunt supra Horizontem elatiora; & quia majora, apparebunt

quoque aliquanto dilutiora, sive lumine temperiore. Seorsim verò luna rubicundior est, propter interpersa in Atmosphæra corpuscula illa terrea aqueaque, quæ à latere axis optici circumstantia radios solares in se receptos reflectunt ad oculum unde excitati alii radii visuales, præter axem opticum, & in apparentem superficiem lunæ terminati, faciunt ut lumen ejus reddatur turbidum, eo modo quo dictum est suprà generari colorem rubeum, id quod in sole propter lucem ejus ingentem minus conspicitur.




Causa autem quare cœlo sereno, nocte frigidâ, plures apparent stellæ fixæ quàm alio tempore, est hujusmodi; quando aer serenus est, stellæ agunt per medium in quo actioni earum impedimentum nullum est. Nam serenitas aëris tollitur aut vaporibus à terra elevatis, quod accidit interdum, vel recidentibus, quod accidit noctibus tepidis; quæ res solæ obstant serenitati, eademque solæ impediunt actionem illuminationis. Quare necesse est, ut quando actio stellarum fortior solito est, non modo majores videri quam alias, sed etiam sentiri, & videri stellas quæ cœlo minus sereno videri non poterant.

C A P U T V I I I.

De visione post duas Refractiones, sive de Dioptris vulgaribus sphericæ convexis, vel concavis.

1. Dioptra Antiquis incognita. 2. Per Dioptrum convexum refractus Radius, quo punctum radians Dioptro propinquius est, eo radium ab eodem puncto perpendicularem ex alterâ parte Dioptri longius secat. 3. Per Dioptrum concavum radius refractus à puncto propiore, magis divergit à perpendiculari quam radius à puncto remotiore. 4. Ratio quare Dioptrum convexum semibus inservit. 5. Ratio quare Dioptrum concavum servit lusciosis. 6. Locus imaginis per Dioptrum sphericæ convexum. 7. Locus imaginis per Dioptrum convexum inversæ. 8. Locus imaginis per Dioptrum sphericæ concavum. 9. Locus imaginis per Dioptrum Hyperboloides, oculo existente in umbilico, seu foco exteriore.

I. **A**rmatura oculorum (sive orbes illi vitrei, quibus utuntur hodie illi, qui objecta nudo oculo minùs distinctè cernunt) antiquis tum Græcis tum Latinis videtur fuisse incognita. De usu enim ejus scriptum ab illis nihil invenitur. E contrâ conqueritur exilitatem literarum Plautinus senex, literarum exilitatem quod necesse non fuisset si armaturam oculorum hanc nostram tunc habuissent. Specilla, Perspicilla, Dioptra, in ea significatione, nisi à modernis, nunquam usurpata sunt. Nos autem Perspicilla dicimus Vitreos orbes illos per quos transientes radii



radii in utraque superficie utcunque refringuntur, antequam accedant ad superficiem oculi. Nam in ipso oculo radii omnes, præter Axem opticum, refringuntur ter, ut supra declaratum est; nempe in tribus humoribus, Aqueo, Crystallino & Vitreo.

2. Si linea recta Perspicillum perpendiculariter secet, sitque superficies ejus una quidem sphericè convexa, altera verò vel sphericè convexa vel plana, sumtumque sit in ea recta punctum radians, cujus radius incidens in punctum quodlibet superficie Dioptri, ibique refractus secet eandem rectam productus ex altera parte Dioptri; Radius à puncto quolibet ejusdem rectæ perpendicularis remotiore, refractus in eodem puncto Dioptri, secabit eandem perpendicularem ex altera parte Dioptri propius.

Dioptrum AB (in figurâ primâ) secet recta CD perpendiculariter in E & F , sumtumque in ea sit punctum G , à quo Radius GH incidat in anteriorem superficiem Dioptri ad H ; sitque refractus primò ad I , & inde ad punctum M : Sumatur rursus aliud punctum C remotius, à quo radius CH refractus sit ad L , & inde ad D . Dico punctum D propius esse Dioptro quam punctum M .

Quoniam enim GH , CH concurrunt in H cadet refracta radii CH inter refractam radii GH & perpendicularem CD . propterea quòd refractione amborum, tam in Dioptro quàm ante & pone ipsum, in eodem sit medio. Secabit igitur radius LD perpendicularem CD , inter M & F . Propius ergo est Dioptro punctum D quam punctum M ; quod erat probandum.

Notandum autem est, quod si determinata sit positio linea $GHIM$, sumtumque ita sit punctum C , ut EC , FM sint æquales, radius ductus à C ad superficiem anteriorem æqualis erit refractæ ductæ ab I in superficie posteriore ad perpendicularem, id est, CH , IM , erunt æquales, sicut & GH , LD . refracti autem radii partes illæ quæ sunt intra ipsum Dioptrum, & æquales erunt, & se mutuo secabunt. Propterea quod refractione per eadem media ab utrovis termino ad alterum per eandem sit lineam.

Coroll. Quo punctum radians in dato objecto perpendiculo CD propius est, vel radius, ab eo obliquius incidit in dioptrum, eo longius procedit radius, antequam eandem CD iterum secet. Quod ex eo manifestum est, quod Radius RH secat CD in M , radius vero QH in D . unde universaliter enuntiari potest, quanto radii erectiores sunt, vel ultra erectionem magis reclinatæ ad Dioptrum convexum, tanto refracti citius concurrunt ex altera parte cum perpendiculo; ideoque etiam radii omnes ab eodem puncto axis optici procedentes, eo minus in retina spatium occupant quo punctum visum est remotius.

3. Si linea recta Dioptrum secet perpendiculariter, sitque dioptri superficies una quidem sphaericè concava, altera verò vel sphaericè concava vel plana, sumptumque sit in eà rectà punctum radians, cujus radius incidens in punctum quodlibet Dioptri, ibique refractus, ab eadem rectà ex alterà parte dioptri divergat; radius à puncto quodlibet ejusdem perpendiculi remotiore refractus in eodem Dioptri puncto post refractiones suas ab eodem perpendiculo minus diverget.

Dioptrum AB (in figurà secundà) secet recta CD perpendiculariter in E & F , sumtumque in ea sit punctum G , à quo Radius GH incidat in anteriorem superficiem Dioptri ad H , & sit refractus ad I , & inde ad N ; sumtumque sit in eadem CD aliud punctum remotius C , à quo procedens radius CH , refractusque in utraque Dioptri superficie pergat per LM . Dico LM cadere inter IN & perpendicularem CD . Quoniam enim CH , GH , se mutuo secant in H cadet HL , intra HI , & LM intra IN : minus ergo à perpendiculo CD divergit LM quàm IN . Quod erat probandum.

4. Ex iis quæ jam dicta sunt, ratio apparet manifesta quare Dioptrum sphaericè convexum armatura oculorum propria est iis qui causam visionis confusæ habent hanc, quod radii à quolibet objecti puncto in superficiem oculi obliquè incidentes (quales sunt præcipuè illi qui transeunt per pupillæ extremitates) incidunt in Retinam longius ab axe optico, à parte axis eadem, quàm visionis distinctæ natura postulat. Nam hujusmodi Dioptrum inter oculum & objectum in debita ratione positum, facit ut radii à quolibet puncto venientes, ad superficiem oculi erectiores sint, & propterea in spatium Retinæ (circa Axem opticum) contractius incidunt. Ex quo fit, ut uni puncto objecti Physico unicum respondeat punctum Physicum in Retina, à quo (ductà rectà per Retinæ centrum) fit unius puncti unica tantum linea Visualis.

5. Similiter manifesta ratio est quare lusciosorum (quibus propter nimiam refractionem radii ab uno puncto objecti incidentes in superficiem oculi secant Axem Opticum citra Retinam, spatiumque in Retina occupant nimium in partibus contrariis) propria armatura est Dioptrum concavum; quod positum loco inter oculum & Dioptrum debito, facit ut radii obliqui incident in superficiem oculi inclinatiores, unde iidem refracti Axem Opticum longius secant, & spatium quod in Retina occupant rursus evadat contractius.

Notandum hic est quod vitium oculorum quo laborant senes, consistit plerumque in nimia pupillæ dilatatione. Nam & sine Dioptro, modo per foramen aliquod pupillæ minus objectum intueantur (quo contingit radios illos qui incidunt in partes pupillæ extremas refecari) satis distinctè vident.

6. Si

6. Si in visione directâ datum sit punctum evanescentiæ, dabitur etiam locus apparens objecti visi per Dioptrum convexum, quoties radii non secant axem opticum antequam perveniant ad Dioptrum.

Sit (in figurâ tertiâ) Dioptrum convexum AB , centrum Retinæ C , objectum DE ; punctum autem D sit in rectâ CF quæ incidit in utramque Dioptri superficiem perpendiculariter ad H & I ; sitque punctum F , punctum evanescentiæ in visione directâ. Ducatur Radius EG , qui juxta leges Refractionis refringatur ad K , & inde ad C ; productâ autem CK donec secet DE productam in M , sumatur CL æqualis & parallela ipsi DM ; juncta autem LF secet visualem CM in N , fiatque NO parallela ipsi ND . Dico DE objectum visum per Dioptrum convexum AB appariturum in ON .

Videbitur enim punctum E in linea visuali CK , & punctum D in axe FC . Rursus supposito quod objectum esset DM , visumque sub angulo visorio (in visione directâ) DCM , apparebit DM in ON ; sed objectum DE in eadem distantia ab oculo C videtur (in visione per Dioptrum AB) sub eodem angulo DCM , sive OCN . videbitur ergo DE per Dioptrum AB in eadem ON . Nam apparentia sub eodem angulo visorio, ab eadem distantia in eodem apparent loco. Dato ergo puncto evanescentiæ in visione directâ, datur etiam locus apparens objecti visi per Dioptrum convexum, &c. quod erat probandum.

Coroll. Objectum idem majus & propius apparet visum per Dioptrum convexum quam oculo nudo. Nam ducta recta CE , & sumpta in CL recta CP ipsi DE æquali, junctaque PF secante CE in Q , apparebit ED oculo nudo in QR minor quam NO , & NO erit oculo propinquior.

Si constituta sint objectum, dioptrum & oculus, ut in figurâ tertiâ, contingatque ut visio sit distincta (hoc est ut omnes radii qui ab E incidunt in dioptrum, accedant satis prope ad axem opticum FC productum in ipsa Retinæ superficie) tunc moto objecto, vel dioptro, in alium locum, ita ut distantia quæ est inter objectum & dioptrum mutetur, distantia autem inter dioptrum & oculum non mutetur; vel si hæc mutetur, illa non mutetur, erit facta visio confusa. Incident enim lineæ visuales in alia puncta Retinæ, quæ nimis longe ab axe optico ultrâ citræ Retinam secabunt. Citra, si objectum admoveatur; ultrâ, si removeatur. Itaque servatâ distantia CI , quæ est inter oculum & Dioptrum, si objectum ED removeatur à dioptro longius, non modo, ut in visione directâ, apparebit minus & remotius, sed etiam magis magisque confusum, eodem scilicet puncto viso in pluribus simul lineis visualibus.

Rursus, si dioptrum ab oculo removeatur, objectum autem suo loco maneat, contingit radios aliquos procedentes ab uno puncto, ut E , incidere

cidere in Retinam ad eadem puncta ad quæ incidunt radii quoque aliqui ab alio puncto, ut à D. itaque fiet visio rursus confusa, nimirum duobus pluribusve punctis visis in visuali eadem.

Præterea post visionem redditam hoc modo quantum fieri potest confusissimam, remoto objecto à diopetro adhuc longiùs, videbitur rursus magis magisque distinctè, & tandem (inversa quidem imagine) distinctissimè, ut mox clarius explicabitur.

7. Objecti visi per dioptrum convexum, imagine inversa, locus apprens inveniri potest, si modo ejusdem objecti locus apparens daretur in visione directâ.

Sit (in figurâ quartâ) centrum Retinæ A, dioptrum B C, cujus superficiem utramque secet Axis opticus A D in E & F. Ducatur ab A ad superficiem dioptri B F C recta, utcunque A G, quæ juxta leges Refractionis refringatur ad superficiem B E C in H, & rursus refringatur per H I. Similiter, ducatur utcunque ad superficiem B F C alia recta A K quæ refringatur ad L in superficie B E C, & inde per L N. Et ab I ducatur I N, secans A D perpendiculariter in O, & L N in N; intelligaturque O N I esse ipsum objectum. Porro producat I H donec rectæ A P (quæ sit objecto O I parallela) occurrat in P, & producat N L donec occurrat eidem A P in Q. Postremò, producantur A G, A K, donec occurrant rectis P O, Q O, in R & S. Dico ductam R S usque ad axem in T, nempe R S T esse imaginem objecti O N I. id est, apparere punctum O in T, punctum N in S, & punctum I in R.

Sed antequam accedam ad demonstrationem, præmittam ea quæ in hujusmodi visione ad clariorem rei explicationem observanda sunt.

Quorum primum est, quod si objectum O I collocaretur propè dioptrum, ut in V X, ita ut à nullo ejus puncto radius pervenire posset ad punctum A ex parte E B, sed tantum ex altera parte F C, imago ejus non inversa sed naturali situ appareret.

Secundo, si V X removeretur paulatim longiùs à diopetro, imago ejus esset magis magisque confusa; nam punctum ejus quod incideret in intersectionem duorum radiorum I H, N L, appareret in utraque visuali A R & A S. itaque videretur in duobus simul locis, id quod est confusio; idemque contingeret in quibuscumque binis radiis se mutuo contingentibus; & quoniam ferè omnis radius omnem radium secat, necesse esset omne punctum objecti in omni linea visuali apparere, quæ ingens confusio esset, id quod notavi in articulo præcedente, & hic ex figura ipsa manifestum est.

Tertio, si adhuc à diopetro removeretur in tantum ut à nullo ejus puncto radius pervenire posset ad A ex parte E C (id est quando remou-

vetur

vetur ultra punctum quod in visione (per idem dioptrum) non inversa est punctum Evanescentiæ) tunc primum imago ejus & inversa videretur & distincta.

Supponimus itaque objectum $O N I$ adeo à dioptro remotum esse , ut imago ejus & inversè & distinctè videri possit; jam his observatis, oportet ostendere imaginem objecti $O N I$ esse $R S T$.

Intelligatur moveri objectum $O I$ inter parallelas $O D, I M$ indefinitè; cum ergo punctum I est in M , radius ab M , per quem refractum ad A debet fieri visio, incidet in $B E$ propius ad E quam est punctum H ; & quo remouetur longius, semper accedit radius ejus propius ad E . Itaque si semper remouetur, semper diminuetur angulus quem facit radius à termino I cum axe optico $D A$ & quo objectum longius remouetur, eo axem opticum secat in puncto propiore ad O . Evanescet igitur angulus in quo radii ab O & I se mutuo secant, in ipso O (nullum enim punctum est inter O & F , in quo axis non secatur à radio procedente ab aliquo puncto objecti $O N$.) Est igitur O punctum in quo, si oculus esset in $O D$, producta usque ad objectum, ita ut dictum est, remotum, visio objecti quod ponitur in ipso $O I$, evanesceret. Est igitur O punctum Evanescentiæ respectu oculi collocati in $O D$ quantum satis est producta; nimirum si visio intelligatur directa nullo interposito dioptro. Et si quidem ab objecti ita remoti diversis punctis ducerentur rectæ quotlibet ad O , & productæ, esset idem punctum O punctum evanescentiæ respectu oculi positi in A , modo nullum esset interpositum dioptrum.

Sed posito dioptro $B C$, & producto in directum radio $I H$ ut occurrat $A P$ in P , fiet $A P$ major quam $O I$ propter refractionem in dioptro. Itaque pro eo quod in visione directâ sumitur in $A P$ recta (ut $A Z$) æqualis objecto $O I$, sumitur in visione per dioptrum inversâ, ipsum $A P$. Ducta igitur $P O$, in ea videbitur alicubi punctum I ; nam si intelligatur removeri à dioptro objectum $O I$ inter parallelas $O D, I M$ quantum opus est, semper diminuetur angulus quem faciunt in intersectione radius $I H$ & axis $D A$. & per consequens semper diminuetur angulus visorius donec penitus deveniat insensibilis in O , coeuntibus scilicet rectis $I H$ & $O F$. Videbitur ergo semper punctum I in recta $P O$; sed idem punctum I videtur semper in visuali $A G$. videbitur ergo ad intersectionem in R . Similiter producta $N L$ usque ad occursum rectæ $A P$ in Q , & ducta $Q O$, apparebit (propter eandem rationem) punctum N in intersectione $Q O$, & $A K$ productæ. punctum autem O videbitur in Axe, quia axis opticus non refringitur. totum ergo $O N I$ apparebit inversè in $R S T$. Inventus ergo est locus imaginis inversæ, &c. quod erat faciendum.

El. Phil. sect. 2.

G G

8. Si

8. Si in visione directâ datum sit punctum evanescentiæ, dabitur etiam locus apparens objecti visi per dioptrum sphaericè concavum.

Sit (in figurâ quintâ) Dioptrum sphaericè concavum AB, Centrum Retinæ C, objectum DE: punctumque D sit in axe optico CF secante utramque dioptri superficiem perpendiculariter in H & I. Sitque punctum F punctum Evanescentiæ in visione directâ. Ducatur Radius EG, qui juxta leges Refractionis refringatur ad K & inde ad C. Producat visualis CK donec occurrat objecto DE in L, & rectæ DL sumatur parallela & æqualis CM. ducatur deinde MF quæ secet visualem CK productam in N. sumatur rursus quodlibet aliud objecti punctum O, à quo radius OP refringatur ad Q, & rursus ad C, & producta sit visualis CQ, donec occurrat objecto DE in R, deinde sumpta CS æquali rectæ DR, ducatur SF secans visualem CR in T. ductâ demum NT & producta ad axem in V. Dico punctum E appariturum in N, punctum O in T, & totum objectum DE in NV.

Nam si DL esset objectum visum visione directâ, appareret in VN, supponitur enim F esse punctum Evanescentiæ, & DL, MC esse æqualia, & proinde punctum L videretur in N, & punctum D in axe ad punctum V. Sed DE visum per dioptrum videtur sub eodem angulo visorio, sub quo angulo videtur DL absque dioptro, & sunt objecta DE, DL in eadem ab oculo distantia; videtur itaque DE, DL, alterum per dioptrum, alterum sine dioptro in eodem loco. Sed sine dioptro videtur DL in VN. ergo etiam in VN videbitur DE per dioptrum. Eadem ratiocinatione ostenditur DO apparere in VT, nam CS sumitur æqualis rectæ DR, existente puncto R in visuali CQ. Dato ergo puncto Evanescentiæ F, datur locus objecti DE apparens per dioptrum, nempe VTN. Quod erat propositum.

Coroll. Manifestum hinc est, locum apparentem objecti visi per dioptrum concavum minorem esse quam in visione directâ.

9. Si dioptrum sit Hyperbolicum rectum, cujus umbilicus externus est in centro Retinæ, objectum, quo magis à dioptri base removetur, eo apparebit & magis confusè & minus illuminatum. Locus autem ejus apparens semper erit idem, nempe prope basem.

Sit enim (in figura sexta) Hyperbole ABC, cujus umbilicus externus sit D, in ipso centro Retinæ. Sitque objectum EF in base Hyperbolæ collocatum. Ducantur autem per E & F rectæ GH, IK, axi parallelæ, quæ in superficie conoëidis Hyperbolicæ refringantur per HD, KD. producanturque DH, DK ad L & M, ita ut HL, KM sint ipsi HE, KF æquales. Erit ergo (per Cap. 7. art. 1.) locus puncti E apparens in L, & puncti F in M, & locus totius objecti EF in LM. Si intelligamus jam obje-

objectum EF removeri à dioptro inter parallelas EG, FL, quantum satis erit, angulus visorius LDM (sub quo videtur EF, & ejus vertex D in centro Retinæ in tantâ distantia collocatur à dioptro & centro Retinæ) evanescet. Eruntque omnes rectæ quæ à quovis objecti puncto incidunt in EF quoad sensum parallelæ, & plano EF perpendiculares. Supposito ergo quod puncta G & I essent in eâ distantia ab EF, ut anguli EGF, FIE essent insensibiles, essent quoque rectæ GF, IE ad superficiem EF quoad sensum perpendiculares. Et proinde refringerentur per HD, & KD ad centrum Retinæ D. Unde fieret ut G videretur non modo in visuali DH, sed etiam in visuali DK. Et per eandem rationem quodlibet aliud punctum ejusdem objecti, in eadem visuali videretur in qua videtur quodlibet aliud punctum ejusdem objecti, id quod est videri confusè, & in majore distantia magis confusè. Quod est primum. Rursus, quoniam objectum EF, sive propius dioptro, sive ab eo remotius statuatur, lumen suum habet determinatum (planum enim neque colligit neque minuit lumen) fortius aget propè collocatum, quàm ex longinquo. Quanto ergo objectum remotius statuatur, tanto videbitur minùs clarum; quod est secundum. Postremò, quoniam objectum EF in quantalibet remotione videtur semper sub eodem angulo visorio HDK, & per media eadem, videbitur quoque semper in MD A, ideoque in eodem semper loco. Qua propter si sit dioptrum Hyperbolicum, &c. Quod erat ostendendum. Adduxi autem ratiocinationem hanc ob eam causam, quod viderem à nonnullis dioptra magno labore frustra fabricari Hyperbolica; ex persuasione falsa, illam figuram tum Telescopiis tum Microscopiis accommodam esse, id quod verum non est: idem dici potest de dioptris Ellipticis, propter rationes easdem. Quanquam ad comburendum figuræ eadem, ut supra ostensum est, omnium sint aptissimæ.

C A P U T IX.

De Dioptris duplicatis, sive Telescopio & Microscopio.




- 1, 2, 3. De ratione distinctæ visiones per Dioptra. 4. In Telescopiis quantum dioptrum applicatum oculo minoris spheræ portio est, tanto ab altero Dioptro magis removeri debet. 5. Objecti per Telescopium visi cujus alterum Dioptrum est concavum locus apparens. 6. Objecti per Telescopium visi cujus utrumque dioptrum est convexum locus apparens. 7. Distantia oculis à Dioptro facit ut plus minùsve objecti videatur, non ut magis minùsve confuse. 8. Telescopium quibus rebus sit melius. 9. Microscopii ratio.

tio, • ejus quod componitur ex duobus dioptris convexis. 10. Microscopium
 & Telescopium ex duobus vitris convexis, non fabricâ differunt, sed usu.

1. **P**unctum visibile minimum distinctissimè (quantum natura patitur) tunc videtur, quando duo radii ab eo procedentes ad extremitates pupillæ ità refringuntur ut coëant cum axe optico in ipsâ Retinâ. Et quamquam cæteri radii ab eodem puncto axem opticum secant antequàm perveniant ad retinam, ex quo fit ut plusquam punctum hinc inde includant in superficie retinæ, & per consequens puncta Physica valde minuta nunquam distinctè cerni possint, tamen videntur magis distinctè quando extremi radii coëunt in retina cum ipso Axe, quàm aliàs. Radii autem illi extremi plerumque non nisi insensibiliter differunt à parallelis; parallelæ autem verè esse non possunt, sed magis vel minùs parallelæ pro diversitate figuræ, magnitudinis, & naturæ partium oculi, quibus rebus refraction in oculi humoribus, in aliis aliquanto major, in aliis minor esse solet. Quæ ut meliùs animò concipiantur, inspiciamus figuram primam.

Sit (in figura prima) oculus ABC , centrum Retinæ D , Axis opticus NC . super pupillæ extremitates A, B , ducantur radii quoad sensum paralleli IA, KB , qui refringantur ad Retinam in puncto C . videbitur ergo punctum visibile in puncto N , quo productæ AI, BK , coirent, non solum virtute radii irrefracti NC , sed etiam (cap. 2. art. 2.) virtute radiorum refractorum AC, BC , in ipso Axe optico. Cum itaque alius radius exterior in oculum non admittatur, nulla erit confusio nisi quæ oritur à radiis qui cadentes inter A & B secant axem opticum paululum citra C , inciduntque in retinam ex utraque parte puncti C , & proinde (cap. 2. art. 3. Coroll. 1.) confusè quidem videbitur, quod evitari non potest, sed minùs quàm si alii etiam radii extra A, B , ad retinam pervenirent. (Nam ut punctum valde parvum discerni, id est, distinctè videri possit, impossibile est, nisi omnes radii ab uno puncto ad unum quoque punctum refringi possent, id quod nulla figura earum quas hæcenus Geometræ consideraverunt efficere potest.) Si jam IA, KB , sensibilem efficiant angulum, erunt illi ità refracti ut cadant in Retinam, alii ex una, alii ex alia parte puncti C sensibiliter. Itaque per illos radios videbitur N magis confusè. Atque hæc ità se habent invisione directâ; ubi unusquisque partes objecti satis magnas in omni ferè distantia satis distinctè videt præter Myopes, quibus radii visorii, cum Axe (propter angustiam pupillæ) citra punctum C , & senes quibus (propter laxitatem ejusdem) ultra ipsum coëunt. His igitur radii extremi refecandi vel cøgendi, illis distinctendi sunt, si videre distinctè volunt, necesse est.





2. In Telescopio ut quis distinctè videat, oportet ut iidem sint radii extremi qui fuerunt in visione directâ, alioqui non coibunt in Axe cum Retina; id quod ad distinctam visionem est necessarium. Distantia inter se duorum dioptrorum ex quibus conficitur Telescopium, duabus rebus determinata est. 1. Per distantiam objecti à dioptro quod ipsi proximum est. 2. Per sphaerarum magnitudines ex quibus ipsa conficiuntur dioptra. Exempli causa.

Sit (in eadem figurâ primâ) dioptrum concavum IK , secans AI , BK (parallelas quoad sensum, sed coeuntes alicubi) in punctis I , K . Jam refringatur AI (ut postulat natura dioptri concavi) per IG in partes ab Axe optico averfas, & rursus IG refringatur (ut postulat natura dioptri convexi GH) per GN , ita ut punctum N sit in ipso Axe; manifestum est (cap. 2. art. 2.) quod radius refractus $NGIAC$, sicut etiam radius $NHKBC$ facit videri punctum N in ipso Axe: sit igitur distincta visio, dioptris & objecto, sicut positum est, quoad distantiam & magnitudinem determinatis. Quod si punctum N , stantibus dioptris, in tantum ad ipsa admoveatur, ut radii ab ipso ad extremitates pupillæ sensibilem faciant angulum, vel stante objecto, distantia mutetur dioptrorum, manifestum est radios refractos ultimos non fore IA , BK ; & proinde refractos in oculo non esse casuros in punctum C , & proinde distinctè videri non posse.

3. Rursus, si Telescopium constet ex utroque dioptro convexo, ratio propter quam objectum distinctè videatur eadem est quæ prius.

Sit (in figurâ secundâ) oculus ABC , centrum Retinæ D , axis opticus NDC . incidantque in pupillæ extremitates duo radii quoad sensum paralleli AI , BK . sitque dioptrum IK convexum, cuius centrum sit E , & refringatur AI , pro natura dioptri, per IF ad dioptrum alterum in F . Similiter refringatur radius BK in H , secantque IF , KH , axem opticum in G . postremo refringatur IF , KH , ad axem opticum per FN , HN . videbitur itaque punctum N distinctè in axe NDC propter rationes proximè supra declaratas. Nam radii per quos videtur N , nempe $NFIAC$, $NHKBC$, & axis opticus NDC , concurrunt in puncto C . & proinde linea visualis illis tribus radiis respondens (cap. 2. art. 2.) erit ipse Axis opticus: itaque punctum N in solo axe apparebit, id est, videbitur (quantum natura punctum videri patitur) distinctissimè.

4. Dioptrum concavum, quanto minoris sphaeræ portio est, tanto, ut objectum distinctè videatur, distare à dioptro convexo longius debet.

Sit (in figurâ tertiâ) oculus ABC , Centrum Retinæ D , Axis opticus NC , dioptrum concavum $IKMP$, cuius centrum L . Dioptrum convexum GH , cuius centrum O . Objectum autem N in axe positum
GG 3 videatur

videatur distinctè per radium $NGIAC$. Jam ablato diopthro $IKMP$, & in locum ejus substituto diopthro $IKQR$ portione sphaeræ minoris, cujus centrum sit V , ducatur VT secans AI in T . Quoniam ergo angulus inclinationis radii AI est LIA , minor scilicet quam angulus $VT A$ qui est angulus inclinationis radii AT . major erit angulus refractus radii AT refracti in puncto T , quam angulus refractus radii AI refracti in I . Sit jam radii AT refractus TX . magis ergo diverget ab axe optico TX quam IG . non potest ergo TX ita incidere in dioptrum GH , ut refringatur ad axem opticum in puncto N , sed aut altius aut non omnino: non ergo sic videbitur punctum N distinctè. Removendum est igitur dioptrum GH longius à diopthro IK , removeatur ergo ad X , ita ut centrum ejus quod antè erat in O nunc sit in Z . occurratque TX diopthro sic remoto in X . angulus igitur inclinationis radii TX est ZXT , major quam OGI angulus inclinationis radii IG . Quare angulus refractus radii TX major est quam angulus refractus radii IG , itaque major refractione quæ facta erat in diopthro minoris sphaeræ concavo in parte ab axe averfa, compensatur in diopthro convexo remoto per majorem refractionem versum axem. Si igitur distantia duorum dioptrorum justa fiat (id quod experiendo facile fit) radius TX refringetur ad ipsum punctum N ; ideoque videbitur N distinctè per dioptra magis quam prius inter se distantia. Quanto itaque dioptrum concavum minoris sphaeræ portio est, tanto magis à diopthro convexo distare debet, si modo videre objectum distinctè volumus. Ratio autem propter quam dioptrum concavum quo minoris sphaeræ portio est eo magis distare debet à diopthro convexo, valet etiam ad probandum idem de diopthro quod oculo proximum est, etiam si convexum fuerit. Quanto enim dioptrum convexum minoris sphaeræ portio est, tanto in eo refractione major est, & propterea tanto magis radius in eo refractus secat axem opticum propius oculo; & proinde cum axem secuerit magis ab ipso divergit: unde sequitur ut tanto major refractione in diopthro altero fiat, ut ad punctum Axis, in quo objectum positum est, reducatur; ex quo sequitur angulum inclinationis majorem debere esse in diopthro quod objecto obvertitur: Id quod tum fit cum dioptrum illud ab altero magis distat.

5. Locus objecti apparens per Telescopium, cujus dioptrum oculo applicatum concavum est, determinatur hoc modo.

Sit (in figurâ quartâ) oculus ABC , Centrum Retinæ D , Axis opticus $LHDC$, dioptrum concavum MN , dioptrum convexum RQ , quæ dioptra ita collocata esse supponantur, ut punctum objecti H distinctè videatur, sitque totum objectum HIK . Sumatur in objecto punctum quodlibet I , & ducatur radius IQ , qui refractus in Q per QM , refringa-

fringatur rursus per MD ad centrum Retinæ; videbitur ergo punctum H in axe DH , & punctum I in DM productâ (nam per conversionem oculi quæ fit in objecti partibus legendis) erit nunc DM axis opticus, qui produci intelligatur rectâ viâ ad O . Similiter radius à puncto K refringatur per RN , & inde per ND . videbitur ergo punctum K in linea visuali DN , quæ producatur usque ad P . erit ergo locus apparens puncti H in DH , puncti I in DO , & puncti K in OP . Supponamus jam punctum evanescentiæ objecti HIK esse in L , & fiat DS æqualis & parallela rectæ HP . & DT sumatur in ipsâ DS , æqualis rectæ HO , junganturque LT , LS . quare locus apparens puncti I est in LT , & locus apparens puncti K in LS . Sed erant eadem loca in DP , DO . sunt ergo in intersectionibus rectarum DO , DP , cum rectis LT , LS , id est, in punctis V & X . ducta igitur VX & productâ ad axem in Y , erit YXV locus apparens objecti HIK (ut propositum est) determinatus.

6. Eodem etiam modo determinatur locus objecti apparens per Telescopium, cujus dioptrum oculo proximum est convexum; nisi quod radii antequam ad oculum perveniant axem opticum & se invicem fecent.

Sit (in figurâ quintâ) oculus ABC , Centrum Retinæ D , Axis opticus EDC , Dioptrum convexum oculo proximum FG , Dioptrum quod objecto obvertitur HI . quæ dioptra itâ collocari intelligantur ut punctum objecti, puta E , in axe positum, distinctè videatur; sitque totum objectum EKL . Sumatur in objecto punctum quodlibet K , à quo procedat radius KI , qui refractus in dioptro IH secet axem opticum in M , pergaque ad G , & inde refringatur ad centrum Retinæ D , & productâ DG linea visualis (in qua videbitur punctum K) secet LE productam in P . Similiter radius à puncto L sit LH , qui refractus secet axem opticum in O , pergaque ad F ; & inde refringatur ad D , eritque DF linea visualis puncti L , quæ producta secet LE productam in N . videbuntur ergo puncta E, K, L , in rectis DE, DP, DN . Fiat deinde rectæ EN parallela & æqualis DQ , in quo sumatur DR rectæ EP æqualis. Jam supposito puncto Evanescentiæ alicubi in producto Axe DE , in quo concurrant duæ rectæ ductæ à Q & R , quæ rectæ sint QS, RT . in illis apparebunt puncta L & K . sed illa eadem apparent in DN , DP , apparent ergo in intersectionibus ad V & X . Itaque in ductâ VX , & productâ ad axem opticum in Y , apparebit objectum totum EKL , ordine partium inverso, in YXV .

Nota autem quod VY non apparebit inter duo dioptra, nam (per ea quæ dicta sunt capite præcedente art. 6.) apparebit dioptrum ipsum HI in ZZ . Præterea consideret lector, quod in figurâ hac & præcedente, quarum

quarum magnitudines ad brevissimæ chartæ modulum limitandæ erant , non potuit depingi objectum in tantâ ab oculo distantia , quanta requiritur , ut vocari debeat Telescopium (quod significat instrumentum quo res videntur à longinquo) sed potius Microscopium (quo scilicet objecta minuta apparent magna) ratio tamen eadem est. Nam Telescopium quodlibet si adhibeatur ad objecta videnda quæ sunt in proximo posita , & ob eam causam dioptra ejus quantum satis est diducantur , fit Microscopium.

7. In Telescopiis locus oculi non magnopere consideratur. Nam si quidem dioptrum oculo proximum sit concavum , quanto propior ipsi oculus applicatur , tanto plus videtur objecti. Nam qui inspiciet figuram quartam , facile animadvertet quod remoto puncto D longius à dioptro MN , radium KRNAD non posse cadere in centrum Retinæ ; perit itaque puncti K radiatio. Itaque prout remouetur oculus , ita extremarum partium objecti radiatio nihil agit , & proinde in remotione majore totius objecti visio amittitur. Contra, inspiciedo figuram quintam, manifestum est quod si punctum D propius sit dioptro FG , radium LHF non posse refringi ad D , sed necessariò axem secare infra ipsum , ideoque perire visionem puncti L. Quod si ipsum dioptrum FG finiatur in F , ut non sit locus irradiationi extra punctum F , & removeatur punctum D longius à dioptro FG , sic quoque peribit visio puncti H. itaque in axe optico locus centri Retinæ unicus existit ubi objecti partes plurimæ videri possunt , ita ut centro D iude moto sive propius ad dioptrum sive ab eo longius , minus objecti semper apparebit. Est autem locus ille à quo radii cum axe optico in ipsa Retina concurrentes trans-eunt per dioptri ab oculo remotioris terminos extremos.

8. Telescopiorum , tum in quibus dioptrum oculo applicandum concavum est, tum quæ dioptrum illud convexum habent, optimum illud est , cujus dioptrum quod objecto obvertitur maximæ sphaeræ portio est ; modo cætera, nimirum vitri materia & figuræ accurata efformatio, paria sint. Nam & major erit angulus visorius , unde majus apparebit objectum , & pluribus radiis fiet illuminatio , ita ut quamvis majus appareat objectum , non tamen ideo minus videatur clarum. Ideoque in distinctè videndis remotorum objectorum partibus minutioribus , ope Telescopii eo usque progredi potest scientia humana , quousque materia idonea manusque artificum non repugnant. Potest quidem fieri ut per dioptrum convexum sphaeræ mediocris portionem , objecti quantum quis velit magnitudo apparens ampliatur ; dioptro scilicet altero facto minore : sed tamen inutiliter , cum in omni magnitudine apparente , ubi dioptrum quod objecto obvertitur idem manet , etiam lumen idem erit , quod quidem

dem lumen in majore totius apparentiæ idem existens, erit tamen in partibus singulis minus quam in partibus æqualibus ubi magnitudo apparens minor est.

9. Microscopium optimum (nam vitro pluribus modis conformantur & conjunguntur ad reddendam magnitudinem apparentem minutorum objectorum majorem) illud est, quod fit ex duobus dioptris convexis, quorum quod minoris spheræ portio est objecto applicatur, alterum inter ipsum & oculum interponitur; ita ut microscopium hoc nihil aliud sit, præter Telescopium inversum. Rationem constructionis ejus adhibita figura 6. nunc explicabimus.

Sit (in figurâ sextâ) oculus ABC, centrum Retinæ D, Axis opticus EDC. sit dioptrum majus sive quod oculo proximum est, FGHI, dioptrum autem minus objecto applicatum sit KLMN. Sit jam à centro Retinæ D ducta DH, quæ sit refracta ad F, deinde ad K, deinde ad O in superficie dioptri MON, postremo ad P. similiter ex altera parte ducatur refracta DIGLOQ, sitque objectum PQ. apparebit igitur P in visuali DH producta: producatur autem DH ad occursum productæ PQ in T. Propter eandem causam apparebit punctum Q in visuali DI producta: producatur autem ad V, jam rectæ ET fiat æqualis & parallela DX, intelligaturque XY ita esse ducta, ut producta incideret in Axem opticum CE ad punctum evanescentiæ; secet autem XY visualem DT in puncto Z. apparebit igitur P in Z, ductaque Zα parallela rectæ TV, & secante DV in α, apparebit punctum Q in α, & totum objectum PEQ ordine inverso in Zα. Ut autem sine confusione videatur, ita collocari debent dioptra FG & MN, ut à quolibet puncto objecti, ut P, radii duo exeuntes, ut PM, PN, ita refringantur ut cum venerint ad superficiem dioptri FG, in F, & G, tendant ad oculum parallelæ, saltem quoad sensum, ut inde refracti concurrant in Retina cum HAD producta (quæ per conversionem oculi est Axis opticus) in puncto 6. Sic enim fiet ut punctum P, unde procedunt radii refracti PMRε, PNSβ, appareat in visuāli β DAHZ, id est, ut distinctè videatur, modo radius nullus à puncto alio per refractionem veniat ad idem punctum β, id quod caveri potest & solet tegendo superficiem dioptri minoris alteram, nimirum aut anteriorem omnem excepta parte MN, aut posteriorem omnem excepta KL, ita ut radiis à quolibet objecti puncto procedentibus tantus ad transitum relinquatur locus, quantus sufficit ad transmittendum radios in Retinā coituros: nam Foramen MN si majus justo sit, oriatur confusio à radiis qui ab aliis punctis objecti transitum invenient ad idem punctum β si minus justo sit, oriatur obscuritas, propter radiorum utilium exclusionem.

El. Phil. sect. 2.

H H

10. Quem-

10. Quemadmodum Telescopia, augendo magnitudinem sphaerarum ex quibus dioptra eorum conficiuntur, meliora semper fiunt, quousque ad perfectionem tantam perveniunt, ut materia, & artificum manus tendere ulterius non possint, ita quoque in hoc genere Microscopiorum procederetur objecta minuta amplificando per dioptra majoris sphaerae, si pateretur materia & manus, in infinitum; cuius rei ratio eadem est quam supra art. 4. explicuimus cum loqueremur de Telescopiis. Est enim Microscopium, idem Instrumentum cum eo Telescopio, cuius utrumque Dioptrum est convexum. Nam huiusmodi Telescopium inversum, & in maiorem longitudinem diductum fit Microscopium & contra, Microscopium inversum & contractum fit parvum Telescopium.

Tam Telescopium quam Microscopium ex uno solo Dioptro constare potest; quo si utimur ad ea quae procul sunt amplificanda, oportet ut portio sit sphaerae valde magnae, oculusque ab eo retrahendus est in tantum, ut multo incommodius sit quam quod fit ex Dioptris duobus. Similiter, unum Dioptrum solum facit ut objectum propinquum valde augeri videatur; sed neque tantum quantum duo dioptra, neque à tantula distantia: quare de his nihil amplius dicam.

C A P U T X.

De Sermone & Scientiis.

1. Sermo definitus; Homini proprius. 2. Sermone origo. 3. Sermone commoda & incommoda. 4. Scientia & Demonstratio oriuntur ex cognitione causarum.
4. Theoremata demonstrabilia sunt in iis tantum rebus quarum causae in nostra potestate sunt, in ceteris tantum demonstrabile est ita esse posse.

Sermo sive Oratio est vocabulorum contextus arbitrio hominum constitutorum, ad significandam seriem conceptuum earum rerum quas cogitamus. Itaque ut vocabulum est ad ideam sive conceptum unius rei, ita est sermo ad discursum animi. Et videtur Homini proprius esse. Nam etsi non nulla animalia bruta concipiunt (usu docta) ea quae volumus & imperamus propter verba, non tamen id faciunt propter verba quatenus verba, sed quatenus signa sunt; nam ad quam rem significandam arbitrio hominum constituta sunt nesciunt.

Significatio autem quae fit per vocem unius ad alterum in eodem genere animalium, ideo sermo non est, quia non arbitrio ipsorum sed necessitate naturae suae voces illae, quibus Spes, Metus, Gaudium, &c. significantur, ab ipsis passionibus vi exprimuntur. Fit itaque in animalibus, quorum vocibus minimam contingit inesse varietatem, ut altera ab al-

teris

teris diversitate vocum in periculis moneantur ut fugiant, evocentur ad passum, excitentur ad cantum, sollicitentur ad amorem; non tamen voces illæ sermo sunt, cum non voluntate ipsorum constitutæ sint, sed erumpunt vi naturæ à proprio cuiusque metu, gaudio, cupidine, & cæteris Passionibus; id quod non est loqui, ut ex eo manifestum est, quod animalium quæ ejusdem sunt speciei ubivis terrarum voces eadem, Hominum diversæ sunt.

Itaque cætera animalia etiam intellectu carent. Est enim intellectus imaginatio quidem, sed quæ oritur ex verborum significatione constituta.

2. Cum autem vocabula ex constituto humano orta esse dixerim, quæret fortasse aliquis, quorum hominum constitutiones tantum valere, ut beneficium, quantum præstat nobis sermo, in genus Humanum conferre potuit. Nam convenisse quondam in consilium Homines ut verba verborumque contextus quid significarent, Decreto statuerent, incredibile est. Credibile ergo est nomina ab initio pauca fuisse, & earum rerum quæ maximè erant familiares. Itaque primus homo suo arbitrio animalibus quibusdam tantum nomina imposuit, nimirum quæ à Deo in conspectum ejus adducta erant, deinde rebus aliis, prout aliæ aliæque rerum species sensibus ejus sese obtulerunt; quæ nomina à patribus accepta filii posteris suis tradiderunt, qui etiam alia adinvenerunt. Sed cum in cap. 2. *Geneseos* prius dicatur Deus *esum fructus arboris scientiæ Boni & Mali* prohibuisse, quam *Adamus* dedisset nomina rebus ullis, quomodo mandatum Dei intelligere potuit ille, qui quid esset *edere*, quid *fructus*, quid *arbor*, quid *scientia*, quid denique *bonum vel malum*, adhuc ignoravit? Necesse ergo est ut prohibitionem illam divinam intellexerit *Adamus* non ex vi verborum, sed modo aliquo supernaturali, ut paulo post manifestum fit ex eo quod interrogat eum Deus quis illi indicavit quod esset nudus. Similiter, quomodo potuit Serpentem intelligere loquentem de *Morte*, cujus nullam habere potuit ideam *Adamus* primus mortalium? Hæc ergo naturali modo intelligi non potuerunt; & per consequens origo sermonis naturaliter alia esse non potuit præter ipsius Hominis arbitrium. Quod magis adhuc perspicuum est ex linguarum ad *Babel* oblivione: Nam ex eo tempore linguæ ortæ sunt diversæ, & à singulis hominibus in singulas gentes derivatæ. Quod autem dicunt aliqui imposita esse singulis rebus nomina juxta ipsorum rerum naturam, puerile est. Qui enim fieri potuit, cum una sit ubique natura rerum, diversæ tamen essent Linguæ? Et quid habet affine *Vox* (id est sonus) & animal, quod est *Corpus*?

3. Ab Oratione quæ contingunt commoda, præcipua hæc sunt. Primo,

HH 2

quod

quod ope nominum numeralium, homo possit numerare non modo *Unitates*, sed etiam *Vna*, quæcunque ea sunt, ut corpora quatenus sunt ullo modo quanta, sive longa, sive longa & lata, sive longa, lata & crassa; eademque componere, minuere, & per numeros multiplicare & dividere, & inter se comparare; Etiam tempora, motum, pondera, & (in Qualitatibus) gradus intensiōis & remissionis calculo subijcere. Ex quibus rebus vitæ Humanæ, supra conditionem cæterorum animalium, ingentia commoda oriuntur. Artium enim harum usus quantus sit in mensurandis corporibus, in calculo temporum, in computatione motuum cœlestium, in orbis terrarum descriptione, in navigationibus, in ædificiis, in machinis aliisque rebus necessariis, nemo est qui nescit; Quæ omnia à Numeratione proficiunt, à sermone autem Numeratio. Secundò, quod alter alterum docere, id est, scientiam suam alteri communicare; quod monere, quod consulere possit, ab eadem habet Oratione; ita ut bonum per se magnum, fiat jam communicando adhuc majus. Tertiò, quod imperare & imperata intelligere possumus, beneficium sermonis est, & quidem maximum. Nam sine eo nulla esset inter homines societas, nulla pax, & consequenter nulla disciplina; sed feritas primò, & deinde solitudo, & pro domiciliis latibula. Quanquam enim quibusdam animalibus suæ quædam sint Politicæ, non sunt tamen illæ illis satis magni momenti ad bene vivendum; neque ergo merentur ut illas consideremus; inveniunturque in animalibus tantum inermibus nec multarum rerum indigis: in quorum numero Homo non est, qui quantum enses & sclopeti arma Hominum superant arma brutorum, cornua, dentes, aculeos, tantum Homo Lupos, Urlos, Serpentes (qui ultra famem rapaces non sunt, nec nisi laceffiti sæviunt) rapacitate & levitia superat; etiam fame futura famelicus. Ex quo facile intelligitur quantum Orationi debemus, qua sociati & in pacta consentientes, securè, beatè, ornatè, vivimus; vivere, inquam, possumus si volumus. Sed sunt quoque Orationi sua incommoda; nimirum, quod Homo, cum solus Animalium, propter vocabulorum significationem universalem, regulas sibi, cum in aliis artibus, tum in arte vivendi, excogitare possit generales, solus etiam falsis uti potest, eademque aliis utendas tradere. Itaque latius & periculosius errat Homo quam possunt errare cætera animalia. Etiam Homo si libuerit (libebit autem quoties consiliis suis videbitur expedire) poterit quæ falsa esse scit data opera docere, id est, mentiri, & animos hominum conditionibus societatis & pacis infestos reddere: id quod in societatibus aliorum animalium contingere non potest; quia quæ bonè & male sibi sunt, suis sensibus non aliorum æstimant querimoniis, quarum querimoniarum causas nisi vident intelligere non possunt. Præterea consuetudine audiendi con-

contingit aliquando iis qui Philosophos & Scholasticos audiunt, ut verba quæ audiunt, etsi nulla ex illis sententia exprimi possit, qualia sunt illa quæ à Doctoribus ad ignorantiam suam tegendam inventa sunt, temerè tamen recipiunt, iisque utuntur, putantes se dicere aliquid cum nihil dicant. Denique propter loquendi facilitatem Homo quæ ne cogitat quidem loquitur, & quæ loquitur credit vera esse, & seipsum decipere potest; Bestia seipsam fallere non potest. Itaque Oratione Homo non melior fit sed potentior.

4. *Scientia* intelligitur de Theorematum; id est, de Propositionum generalium veritate, id est, de veritate Consequentiarum. Quando vero de veritate facti agitur, non proprie *scientia*, sed simpliciter *cognitio* dicitur. Itaque *Scientia* ea quidem, qua scimus propositum aliquod Theorema esse verum, est *Cognitio* à Causis, sive à generatione subjecti per rectam ratiocinationem derivata. Ea vero, qua scimus tantum possibile esse ut Theorema tale verum sit, est *cognitio* derivata per legitimam ratiocinationem ab experientia effectuum. Quæ quidem derivationes ambæ vocari Tolent Demonstrationes: potior tamen illa quam hæc; & quidem merito; præstat enim scire quomodo possimus præsentibus causis optimè uti, quam irrevocabile præteritum, quale fuit, cognoscere. Itaque earum tantum rerum *scientia* per demonstrationem illam à priori hominibus concessa est, quarum generatio dependet ab ipsorum hominum arbitrio.

5. Demonstrabilia ergo sunt Theoremata plurima circa Quantitatem, quorum *scientia* appellatur *Geometria*. Cum enim causæ Proprietatum quas habent singulæ figuræ insint in illis quas ipsi ducimus lineas; generationesque figurarum ex nostro dependant arbitrio, nihil amplius requiritur ad cognoscendam quamlibet figuræ propriam passionem, quam ut ea omnia consideremus quæ consequuntur constructionem quam in delineanda figura ipsi facimus. Itaque ob hanc rem, quod figuras nos ipsi creamus, contigit Geometriam haberi & esse demonstrabilem. Contra, quia Rerum naturalium causæ in nostra potestate non sunt, sed in voluntate divina, & quia earum maxima pars (nempe æther) est invisibilis; proprietates earum à causis deducere, nos qui eas non videmus, non possumus. Veruntamen ab ipsis proprietatibus quas videmus, consequentias deducendo eo usque procedere concessum est, ut tales vel tales earum causas esse potuisse, demonstrare possimus. Quæ demonstratio à posteriore dicatur, & *scientia* ipsa, *Physica*. Et quoniam, ne à posterioribus quidem ad priora ratiocinando procedi potest in rebus naturalibus, quæ motu perficiuntur, sine cognitione eorum quæ unam quamque motus speciem consequuntur; nec motuum consequentias sine cognitione Quantitatis, quæ est *Geometria*; fieri non potest ut non aliqua etiam

à Physico demonstratione à priore demonstranda sint. Itaque Physica, vera (inquam) Physica, quæ Geometriæ innititur, inter Mathematicas mixtas numerari solet. Mathematicæ enim dici solitæ sunt illæ scientiæ quæ non usu & experiendo, sed à Magistris & per regulas discabantur. Mathematica ergo pura est qua circa Quantitates versatur in Abstracto, utropus non habeant cognitione subiecti, ut Geometria, & Arithmetica. Mixtæ vero, in quarum rationibus consideratur etiam subiecti aliqua proprietas, quales sunt Astronomia, Musica, Physica, & partes Physicæ, quæ variæ esse possunt pro varietate specierum & partium Universi.

Præterea Politica & Ethica, id est, scientia *Iusti & Injusti*, *Æqui & Iniqui*, demonstrari à priore potest; propterea quod Principia quibus *Iustum & Æquum*, & contrà, *Injustum & Iniquum*, quid sint, cognoscitur, id est, iustitiæ causas, nimirum Leges & Pacta, ipsi fecimus. Nam ante Pacta & Leges conditas. nulla neque Iustitia neque Injustitia, neque Boni neque Mali publici natura erat inter Homines, magis quam inter Bestias.

C A P U T X I.

De Appetitu & Fuga, Iucundo & Molesto, & eorum Causis.

1. *Appetitus & Fuga quid sint & à quibus causis.* 2. *Non dependent à nostro Arbitrio.* 3. *Appetitus nascitur experiundo.* 4. *Boni Nomina varia, Pulchrum, Iucundum, Vile.* 5. *Boni & Mali Nomina adhuc diversa.* 6. *Borum maximum sui cuique conservatio; maximum Malum (respectu naturæ) corruptio.* 7. *Drivitiæ.* 8. *Sapientia.* 9. *Artes.* 10. *Litteræ.* 11. *Negotia.* 12. *Iucunda quæ.* 13. *Pulchra quæ.* 14. *Bona comparata.* 15. *Summum bonum.*

1. **A**ppetitio & Fuga à Voluptate & Molestia non aliter differunt, quam Desiderare & Frui; id est, quam Futurum à Præsenti. Nam & Appetitio voluptas, & Fuga molestia est; sed illa ex Iucundo, hæc ex Molesto nondum præsente sed præviso aut expectato. Voluptas autem & Molestia etsi sensationes non dicantur, differunt tamen in hoc tantum, quod Sensio sit Objecti, ut Externi, propter reactionem sive resistantiam quæ fit ab Organo; & proinde consistit in conatu Organi extorsum. Voluptas autem consistit in passione quæ fit ab actione objecti, & est conatus introsum.

2. Causæ ergo, ut sensationis, ita Appetitus & Fugæ, Voluptatis & Molestiæ sunt ipsa objecta sensuum. Ex quo intelligi potest neque Appetitum nostrum neque Fugam nostram causam esse quare hoc vel illud cupimus

cupimus vel fugimus ; id est , quod non ideo appetimus quia volumus , nam voluntas ipsa est Appetitus ; nec fugimus quia nolimus , sed quia tum Appetitio tum Aversio ab ipsis rebus cupitis vel exosis generata est , sequiturque necessario præconceptionem Iucunditatis Molestiæque ex ipsis objectis adfuturæ . Quid enim ? An esurimus , cæteraque naturæ necessaria appetimus quia volumus ? An fames , sitis , & cupidines voluntariæ sunt ? Appetentibus *agere* quidem Liberum esse potest ; ipsum autem *Appetere* non potest ; quod ita cuilibet propria experientia manifestum est ; ut non possim non admirari tam multos esse , qui quomodo id fieri possit non intelligunt : quando dicimus Liberum esse aliqui Arbitrium hoc vel illud faciendi vel non faciendi , semper intelligendum est cum appositâ conditione hac , *si voluerit* ; nam ut quis liberum arbitrium habeat faciendi hoc vel illud utrum velit necne , absurde dicitur . Quando quæritur ab aliquo utrum rem aliquam propositam facere debeat an prætermittere dicitur *Deliberare* , id est , quam in utramque partem habet libertatem deponere . In qua deliberatione , prout commoda & incommoda hinc vel illinc se ostendunt , alternatim Appetunt & Fugiant , donec re postulante ut aliquid decernant Appetitus ultimus sive faciendi sive omittendi , qui actionem vel omissionem immediate producit propriæ *Voluntatis* dicitur .

3. Prior secundum Naturæ methodum est *Sensio* quam *Appetitus* . Utrum enim id quod videmus iucundum nec ne futurum sit nisi experiendo , id est sentiendo , sciri non potest . Itaque vulgo dicunt ignoti cupidinem non esse . Veruntamen cupido experiendi etiam ignoti esse potest . Inde est quod Infantes pauca appetunt , Pueri plura & nova tentant , & procedente ætate innumera experiuntur homines maturi , præsertim eruditi , etiam non necessaria ; quæque iucunda esse experti sciunt , postea sollicitante memoria sæpius appetunt . Etiam aliquando quæ prima experientia molesta sunt , si tamen rara aut nova fuerint , consuetudine redduntur non molesta , & postea iucunda ; tantum potest , in natura singularium hominum mutanda , consuetudo .

4. Omnibus rebus quæ appetuntur quatenus appetuntur nomen commune est *Bonum* ; & rebus omnibus quas fugimus , *Malum* . Itaque *Bonum* bene definiit *Aristoteles* , Illud esse quod omnes appetunt . Sed cum alia alii appetant & fugiant , necesse est multa esse quæ aliquibus *Bona* aliquibus *Mala* sunt ; ut quod nobis *Bonum* hostibus *Malum* . Sunt ergo *Bonum* & *Malum* Appetentibus & Fugientibus correlata . *Bonum* commune esse potest , & recte dici de re aliqua , *communiter Bonum est* , id est , multis utile , vel Civitati *Bonum* . Etiam *omnibus bonum* dici aliquando potest , ut de Sanitate ; sed & hæc oratio relativa est : itaque *simpliciter Bonum* dici

dici non potest ; cum quicquid Bonum est , Bonum sit aliquibus vel aliqui. Bona erant ab initio omnia quæ creavit Deus. Quare ? Quia ipsi opera sua omnia placere. Dicitur quoque, Bonus est Deus omnibus qui nomen ejus invocant , non autem illis qui nomen ejus blasphemant. Bonum ergo relative dicitur ad Personam, ad Locum, & ad Tempus. Huic, hic, nunc, placet ; illi, illic, tunc, displicet : & sic de circumstantiis cæteris. Natura enim *Boni & Mali* sequitur rerum *ovvexia*.

5. Etiam *Boni & Mali* nomina diversimode variantur. Nam eadem res quæ ut cupita Bona , ut acquisita Iucunda. Eadem res quæ ut cupita Bona , ut considerata Pulchra dicitur. Est enim Pulchritudo Objecti qualitas ea quæ facit ut Bonum ab eo expectetur. Quæ enim similia videntur illis rebus quæ placuerunt , videntur placitura. Est ergo Pulchritudo futuri Boni Indicium. Quæ cum in actionibus spectatur dicitur Honestas ; quando in forma consistit appellatur *forma*. Placetque etiam antequam Bonum cujus ipsa est Indicium acquiratur , per Imaginationem. Eadem ratione Malum & Turpe dicuntur de eodem. Præterea res ea quæ ut cupita Bona nominatur , si propter se cupiatur , Iucunda, si propter aliud , Utilis dicitur. Bono enim quod cupimus propter se non *utimur* , quia *Usus* mediorum & instrumentorum est ; sed *Invisio* propositæ alicujus rei tanquam finis est. Distinguitur præterea Bonum (ut & Malum) in *Verum & Apparens*. Non quod Bonum aliquod Apparens non sit vere Bonum per se sine aliarum rerum consideratione quæ ab illo dependent ; sed quia multarum rerum quarum pars Bona , pars Mala est , ita necessaria aliquando est connexio , ut separari non possint. Itaque quanquam unaquæque earum Bona est tantum , vel Mala tantum ; catena tamen tota est partim Bona partim Mala. Ac quando major pars Bona est, series Bona dicitur & appetitur ; contra, si major pars Mala sit, totum repudiatur , si tamen ita esse cognitum sit. Unde evenit ut homines imperiti consequentias rerum parum longe prospicientes , quod Bonum apparet accipiunt , Malum annexum non videntes postea damnosum experiuntur. Atque hoc est quod volunt illi qui Bonum & Malum distinguunt in *Verum & Apparens*.

6. Bonorum autem primum est sua cuique conservatio. Natura enim comparatum est ut cupiant omnes sibi bene esse. Cujus ut capaces esse possint, necesse est cupiant vitam , sanitatem , & utriusque quantum fieri potest securitatem futuri temporis. Contra vero Malorum omnium primum Mors , præsertim cum cruciatu ; nam tantæ possunt esse vitæ ægritudines, ut nisi earum finis propinquus prævideatur, faciant Mortem inter Bona numerari.

Potentia, si eximia sit, Bona est, quia utilis ad præsidium ; in præsidio autem

autem securitas. Si eximia non sit, inutilis; nam quæ omnibus æqualis est, nulla est.

Amicitia Bonæ, nempe Utiles. Nam amicorum cum ad multa alia tum ad præsidium conferunt. Itaque inimicitia Malæ, ut quæ pericula afferunt, præsidium tollunt.

7. Divitiæ, si ingentes (nempe ut definit divitem *Lucullus*, eum esse qui exercitum alere possit ex suo) Utile. Sunt enim præsidium fere certum. Etiam modicæ volenti illis ad præsidium uti, Utiles; nam acquirunt amicitias. Amicitia autem præsidio sunt. Nolentibus autem ad præsidium uti, invidiam provocant. Sunt ergo *Bonum apparet* tantum.

Divitiæ non relictæ sed industria propria acquisite, Bonum; nam Jucundum. Videntur enim cuique argumentum prudentiæ suæ. Mendicitas, vel etiam paupertas, citra id quod necessarium est, Malum; quia Indigere necessariis, Malum. Paupertas sine Indigentia, Bonum. Subtrahit dominum suum ab Invidia, Calumnia & Insidiis.

8. Sapientia, Utile. Nam præsidium in se habet nonnullum. Etiam Appetibile est per se, id est, Jucundum. Item Pulchrum; quia acquisitu difficilis. Ignorantia, Malum; ut in qua præsidium nullum, neque ingruentis Mali prævisio.

Divitiarum quam Sapientia cupido major. Vulgo enim non queritur hæc nisi propter illas. Et illas si habent, etiam hanc habere videri volunt. Non enim qui sapiens est (ut dixere Stoici) dives est; sed contra, qui dives est sapiens dicendus est.

Sapientiæ quam Divitiarum major est gloria. Hæc enim pro illius signo haberi solent. Indigentia quam stultitia minus est dedecus; illa enim fortunæ iniquitatem accusare potest. Hæc naturam accusat solam. Tolerabilior autem est Stultitia quam Indigentia; illa enim in proprio (quod ajunt) Elemento non gravitat.

9. Scientiæ sive Artes, Bonum. Jucundum enim. Nam finxit natura hominem omnis rei novæ admiratorem, id est, avidum sciendi omnium rerum causas. Itaque fit ut scientia sit tanquam animi pabulum, & proinde eandem habeat rationem ad animum quam habent alimenta ad corpus; Et ut esurienti cibus, ita sunt animo curioso Phænomena. Differunt tamen in hoc, quod corpori accidere potest ciborum satietas, animus autem sciendo expleri non potest.

Etiam sua cuique Ars eatenus Utilis, quatenus eam materiæ applicare potest. Eadem etiam publice utilissimæ, ut quibus omnia fere debemus humani generis auxilia & ornamenta. Intelligendum autem non omnes habere scientiam quam profitentur; nam qui de rerum causis ex aliorum scriptis differunt neque quicquam (aliorum sententias transcribentes)

adinveniunt, omnino utiles non sunt. Nam actum agere boni in se nihil habet, sed contra nonnunquam hoc malum, quod veterum errores confirmando viam veritati obstruant.

10. Literæ quoque, Bonum. Nempe Linguae & Historiæ; nam Iucundæ. Etiam Utiles, præsertim Historiæ; suppeditant enim experimenta quibus scientiæ innituntur causarum: Historia quidem naturalis Phycæ, Historiæ autem civiles Scientiæ Civili & Morali; idque siue veræ sint siue falsæ, modo non sint impossibiles. In Scientiis enim quæruntur causæ non tam eorum quæ fuere, quam eorum quæ esse possunt. Linguae etiam utiles sunt quæ in usu sunt apud gentes vicinas, propter commercia & negotiationes. Item Latina & Græca (nempe linguae scientiarum) propter scientiam.

11. Negotium, Bonum: Et enim Vita motus est. Itaque nisi sit quod agas, Ambulatio pro negotio est. *Quo me vertam, quid agam*; voces sunt dolentium. Otium torquet. Natura neque Locum neque Tempus vacuum esse patitur.

Progredi, Iucundum; quia ad finem, id est, ad Iucundius appropinquatio est. Malum videre alienum, Iucundum: Placet enim non ut malum, sed ut alienum. Inde est quod soleant homines ad Mortis & periculi aliorum spectacula concurrere. Similiter, Bonum videre alienum Molestum est, non tamen ut Bonum, sed ut alienum. Imitatio, Iucundum: Revocat enim præterita: Præterita autem si Bona fuerint, Iucunda sunt repræsentata, quia Bona; si mala, quia præterita. Iucunda igitur Musica, Poësis, Pictura.

Nova, Iucunda: Appetuntur enim ut animi pabulum. Bene sentire de sua ipsius Potentia siue merito siue immerito, Iucundum. Videtur enim, si vere de se iudicat, præsidium sibi habere in se; si falso, Iucundum tamen. Nam quæ vera placent, placent etiam ficta.

Itaque Victoria, Iucunda: Facit enim bene de se sentire: & Ludi certaminaque omnia, Iucunda; quia qui certant victoriam imaginantur. Placeat autem maxime certamina ingeniorum; ut in quibus maximum sibi quisque putat positum esse præsidium. Itaque Vinci in certamine ingeniorum, molestum.

Laudari, Iucundum: facit enim ut bene sentiamus de nobis ipsis.

12. Pulchra sunt Boni signa siue Indicia. Itaque signum Potentiæ egregiæ, Pulchrum. Itaque facere quod & Bonum est & factu difficile, Pulchrum: Nam indicium potentiæ non vulgaris. Forma egregia, Pulchrum: signum enim in unaquaque re est, operis ad quod natum est egregie perficiendi. Formosum autem est, quod formam ejus rei habet quam in suo genere optimum esse experti sumus.

Lau-

Laudari, Amari, Magnifici, Pulchrum : Sunt enim de virtute & potentia testimonia. Ad ministeria publica adhiberi, Pulchrum : Est enim virtutis testimonium publicum.

In Artibus Inventiva nova, si Utilia, Pulchra : Nam signa sunt potentiae egregiae. Nugae contra, quo difficiliiores, minus Pulchrae. Signa quidem potentiae sed inutilis, simulque animi indicium ad non magna conantis.

Artes didicisse ab aliis, id est, doctum esse, utile quidem, sed non Pulchrum ; ut in quo nihil est egregium. Nam pauci sunt qui doceri non possunt.

Audere in periculis cum res postulat, Pulchrum : Quia non vulgare. Sin res non postulet, stultitia est, id est, turpe. Agere in omni loco congruenter ingenio & Professioni in viris conspicuis, Pulchrum ; ut indicium ingenii liberi. Contra facere, in personis conspicuis, turpe est & animi servilis & habentis quod tegat : Pulchra autem tegit nemo. Recta reprehendere, Ignorantiae signum, turpe. Nam scire est posse. Insuper convitari turpius, signum Ineruditi. Errare non turpe, quia omnibus commune. Saepius errare, Doctori turpe : quia contra Professionem.

Fiducia sui, Pulchrum : Nempe signum conscii virtutis suae. Ostentatio, Turpis : Nam oritur ab indigentia laudis.

Contemptus divitiarum. (non maximarum) Pulchrum : Indicium enim non indigentis Parvo. Amor pecuniae, turpe : Signum ejus qui ad quidlibet duci potest mercede. Praeterea signum est indigentiae etiam in hominibus pecuniosis.

Ignoscere veniam petenti, Pulchrum, Nam indicium fidei sui. Inimicos placare beneficiis, Turpe. Est enim redemptio sui, seu Pacis emptio, signum indigentiae ; solent enim homines non cedere nisi ea quibus indigent.

14. Bona & Mala si comparentur, Majus est (caeteris paribus) quod est diuturnius, ut totum parte.

Et quod (caeteris paribus) vehementius, ob eandem causam. Differunt enim Magis & Minus ut Majus & Minus.

Et (caeteris paribus) quod pluribus Bonum quam quod paucioribus. Nam generalius & specialius differunt ut Majus & Minus.

Bonum recipere quam non perdidisse, Melius. Nam rectius aestimatur propter memoriam Mali. Itaque convalescere quam non decubuisse, Melius.

15. De jucundis quorum est satietas, quales sunt voluptates carnis, quia jucunditas eorum fastidio compensatur, & nimis nota sunt, & eorum aliqua fœtent, nihil dicam. Summum Bonum, sive ut vocatur, felici-

tas & finis ultimus, in præsentē vita reperiri non potest. Nam si finis sit ultimus nihil desideratur, nihil appetitur; unde sequitur non modo nihil ab eo tempore ipsi esse Bonum, sed ne sentire quidem Hominem; omnis enim sensio cum aliquo appetitu vel fuga conjuncta est; & non sentire est non vivere.

Bonorum autem maximum est, ad fines semper ulteriores minime impedita progressio. Ipsa cupiti Fructio tunc cum fruimur appetitus est, nimirum motus animi Fruentis per partes rei qua fruitor. Nam vita motus est perpetuus, qui cum rectè progredi non potest convertitur in motum circularem.

C A P U T X I I.

De Affectibus, sive Perturbationibus Animi.

1. *Perturbatio Animi quid.* 2. *Gaudium & Odium.* 3. *Spes & Metus.* 4. *ira.* 5. *Metus invisibilem.* 6. *Gloria & Pudor.* 7. *Risus & Fletus.* 8. *Amor verum externarum.* 9. *Sui Estimatio.* 10. *Misericordia.* 11. *Emulatio & Invidia.* 12. *Admiratio.*

1. **A**ffectus, sive Perturbationes Animi, sunt Appetitionis & Fugæ species, assumptis differentiis ab Objectorum quæ appetimus fugimusve diversitate & circumstantiis. Dicuntur autem Perturbationes, propterea quod officiant plerumque rectæ ratiocinationi. Officiunt autem ratiocinationi rectæ in eo quod contra Bonum verum, pro Apparente & Præsentissimo bono militant, quod plerumque (perpetuis omnibus adjunctis) invenitur esse Malum. Nam ex fœdere animi & corporis est, ut instium quidem exequendi ab Appetitu, Consilium autem à Ratione sit. Itaque cum Bonum verum in longinquum prospiciendo quærendum sit, id quod Rationis opus est, arripit Appetitus Bonum præsens, non prævisis quæ ipsi necessario adhærent majora Mala. Perturbat ergo & impedit operationem rationis, unde rectè dicitur *Perturbatio*.

Consistunt autem Affectus in diversis motibus sanguinis & spirituum animalium, prout se variè modo expandunt, modo ad fontem se recipiunt; quorum motuum causæ sunt Phantasmata circa Bonum & Malum ab objectis in Animo excitata.

2. Quatenus concepitur ab aliquo Bonum sibi adveniens, sine compensatione ullius mali consequentis (quæ Boni Fructio est) Affectus vocatur *Gaudium*. Contra autem, qui concepit malum sibi incumbens sine conceptu Boni quod malum illum compenset, Affectus ejus vocatur

Odium;

Odium; & Malum omne quatenus incumbit *Odiosum* dicitur. Itaque Mala, quæ neque superare neque evitare possumus, *Odium*.

3. Quando vero concipimus unâ cum malo mutationem ejus per modum aliquem quo ipsum malum evitetur, *Affectus* ille oritur quàm vocamus *Spem*. Similiter si incumbente Bono concipimus modum aliquem quo amittatur, vel si Malum aliquod illi connexum trahi imaginamur, *Metus* dicitur. Itaque manifestum est *Spem* & *Metum* ita alternari inter se, ut nullum ferè tempus tam breve sit, ut non possit eorum vicissitudinem continere. Itaque *Spes* & *Metus* Perturbationes dicendæ tunc sunt, quando ambæ brevissimo tempore continentur, nominanturque secundum Affectum prævalentem simpliciter, *Spes* vel *Metus*.

4. Si incumbente vel ingruente Malo *Spes* subita concipiatur superari illud Malum posse repugnando sive resistendo; oritur *Passio* quæ appellatur *Ira*: Et oritur quidem sæpissimè ab opinione contemptus. Vult ergo Iratus facere quantum potest vel posse sperat, ne aliorum ludibrio idoneus & obnoxius esse videatur, nimirum malum contemptori inferendo quantum sibi satis esse videbitur ad efficiendum ut mali illati poeniteat. Sed non est semper cum *Ira* conjuncta Hypolepsis illa contemptus: Nam procedentes ad quemcunque finem propositum, quæcunque res progredientibus obstant, (etiam si animata non sint neque ergo contempnere possunt) simulatque *Spes* apparuerit obstacula talia via moveri posse, vim evocant, id est, *Iram* ostendunt qua amovenda sunt.

Affinis *Ira* est Affectus qui Græcis *μῆνις* dicitur, nimirum *Cupido Vindictæ*, id est, constans & diuturna voluntas alicui male faciendi eo fine ut suppositæ injuriæ ab illo illatæ illum poeniteat, vel alios ab injuria sibi inferenda absterreat. Qualis erat *Ira* *Achillis* contra Græcos propter injuriam illatam sibi ab *Agamemnone*. Differt autem ab illa altera *Ira*, eo quod illa repentina sit, hæc contra constantissimè tam diu duret quam diu expectari potest conversio Animi ejus cui irascimur ad voluntatem nostram. Itaque vindictam non explet illum occidere qui Injuriam fecit; nam mortuum nunquam cujusquam rei poenitet. Objectum ergo *Ira* est Molestum, sed quatenus vi superabile. Quem enim conviciis lacefferis nudus; Iratum; armatus, tremebundum facies: *Iram* ut *Spes* effert, ita *Metus* temperat. Id est, sicut per imaginationem spiritus Animales effunduntur in Nervos ad faciendam vim in Malum quod ingruit; ita per imaginationem majoris Mali retrahuntur ad cor suæ defensionis causa, vel ad fugam. *Spes* Objectum est Bonum apparens; *Metus* Objectum, Malum. Bonum enim speratum unde ad nos venire debeat nunquam satis perspicimus; nam si perspiceremus res certa esset,

nec *expectatio* nostra amplius diceretur *Spes* sed *Gaudium*. Ad *Spem* sufficiunt etiam levissima argumenta. Imo res quæ *de* animo quidem concipi potest, sperari tamen potest, si dici potest. Similiter metui quidlibet potest quanquam non concipiatur, modo terribile esse vulgo dicatur, vel si multos simul fugere videamus; nam (quanquam incognita causa) fugimus quoque nos, ut in terroribus quos vocant *Panicos*. Credimus enim eos qui primi fugiunt fugæ causam vidisse periculum aliquod. Itaque *Affectus* isti ratione gubernari opus habent. Ratio enim est, quæ tam nostras quam objectorum vires mensurans comparansque, tum *Spei* tum *Metui* modum statuit, ne aut sperantes illudamur, aut timentes, ea bona quæ habemus sine causa iusta amittamus. Quod enim *Spem* perfidam & *Metum* proditorem toties experimur sola facit imperitia nostra.

5. Omnes homines opinione tenentur esse invisibile aliquid vel invisibilia, à quo vel quibus (prout propitia sunt vel infesta) omnia Bona sporanda, omnia Mala timenda sunt. Homines enim quorum potentia exigua est, cum aspicerent ingentia illa opera cælum & terram mundumque aspectabilem, illumque subtilissimæ excogitationis motum & intellectum animale, organorumque ingeniosissimam fabricam, non potuerunt ingenium suum, quia nihil horum imitari non contemnere, neque ergo incomprehensibile illud à quo condita sunt maxima non admirari, aut non ab eo propicio omnia Bona, ab irato mala expectare. Atque hic est *Affectus* quæ vocatur *Pietas* naturalis, & est religionum omnium fundamentum primum.

6. Effertur Spiritus animales in congressibus, aliquando gaudio quodam quod oritur cogitantibus se *ἰδοκίμειν*, quæ animi elatio, Gloria dicitur causamque habet in eo, quod sentientibus comprobari ea quæ dicunt vel faciunt Spiritus è Corde in vultum ascendunt bonæ opinionis de seipso conceptæ testis.

Huic contraria Passio est Pudor, in quo efferentes se Spiritus, subito propter conscientiam vel suspicionem alicujus amissi indecori conturbantur, sanguinemque cogunt in musculos faciei, quod est erubescere. Pudor ergo molestia est quæ iis contingit qui amant laudes, tunc cum deprehenso sunt facientes vel dicentes id quod factum vel dictum est indecorum: erubescere ergo signum est cupientis omnia dicere & agere decenter; & proinde in adolescentibus laudabile, in aliis non item. Nam à viris maturis non tantum ut decore studeant, sed etiam ut sciant, postulatur.

7. Præterea effertur Spiritus Animales gaudio subitaneo ex dicto, facto, vel cogitato aliquo sup decore, vel indecoro alieno quæ est passio Ridendum. Nam si quis dictum aliquod dixerit, vel factum aliquod egregium,

gium, ut sibi videtur, fecerit, pronum ei est Ridere. Item si alius dixerit feceritve aliquid indecorè; quicum se comparans commendatior sibi sit quam ante, vix poterit sese à Rifu abstinere. Et universaliter passio Ridentium est sui sibi ex indecoro alieno subita commendatio. Ridetur ergo nihil ferè nisi subitum; neque eadem res neque iidem joci sæpius Ridentur ab iisdem. Amicorum autem vel consanguineorum indecora non Ridentur, quia non sunt aliena. Quæ Rifum ergo movent tria sunt conjuncta; indecorum, alienum, & subitum.

Flentium passio contra est, quando quis ab aliqua vehementi Spe subito se dejectum concipit. Itaque Spe dilatati spiritus Animales, subito fallente Spe contracti, impetum in organa lacrimandi facientes, humorem qui in illis est in oculos cogit redundare. Plurimum & sæpius Flent qui Spem in se minimam, in amicis plurimam habent, ut feminæ & infantes. Plurimum rident qui à factis suis laudabilibus paucissima, ab aliorum factis turpibus virtutis suæ plurima argumenta colligunt. Flent quoque aliquando post iras amici in gratiam redeuntes. Est enim reditio in gratiam, tendentis ad vindictam subita animi repulsa. Flent ergo ut pueri inulti.

Amor, si conspicuus sit, in tot passiones fere dividitur quot sunt Amoris Objecta. Ut Amor pecuniæ, Amor potentæ, Amor scientiæ, &c. Amor pecuniæ si modum excedat, Avaritia; Amor potentæ Civilis, si immoderatus sit, Ambitio nominatur. Perturbant enim & pervertunt animum.

8. Amor autem quo homo hominem amat duplici modo intelligitur; & utrique modo inest Benevolentia. Sed uno modo nominatur amor quando nobis, alio quando aliis bene Volumus. Itaque aliter Vicinus, aliter Vicina amari solet: Nam illum amando, illi; hanc amando nobis bonum quærimus.

Item Amor famæ sive Celebritatis inter perturbationes (si nimius sit) ponendus est, sed modus tam in cupiditate famæ quam in cupiditate cæterarum rerum externarum est Utilitas; nempe quoad præsidio esse possunt. Et si enim de fama post mortem non injucunde, nec (aliis) inutiliter cogitamus, fallimur tamen, futurum quod sensuri non sumus aut parvi æstimaturi, contemplantes tanquam Præsens. Idem enim facimus, ac si ideo doleremus quod celebres non fuimus antequam essemus nati.

9. Sui Æstimatio nimia rationem impedit; & propterea animi Perturbatio est, in qua efferentibus se spiritibus animalibus tumor quidam sentitur ipsius animi: Cui contraria passio est Diffidentia nimia sive animi Contractio. Itaque his solitudo, illis frequentia hominum placere solet. Sui autem Æstimatio iusta, Perturbatio non est, sed animi status is qui esse

esse debet. Qui autem recte se æstimant, ex factis suis præteritis se æstimant itaque quæ fecere, iterum tentare audent. Qui vero nimium se æstimant, vel fingunt se esse quod non sunt, vel credunt adulatoribus cum ventum est ad pericula ipsa animis deficiunt.

10. Dolere ob malum alienum, id est, Condolere sive compati, id est, malum alienum sibi accidere posse imaginari, Misericordia dicitur. Itaque qui similibus malis assueti sunt, magis sunt Misericordes; & contra. Nam Malum quod quis minus expertus est minus metuit sibi. Item eorum qui criminum poenas dant, minus miseresчимur, quia aut odimus malefactores, aut in nobis esse credimus ne in simile peccatum incidamus. Itaque quod eorum qui æternum cruciari apud Inferos dicuntur, idque cruciatibus intensissimis, nemo fere miserescat, ratio esse potest vel quia credimus idem non posse accidere nobis, vel quia imaginatio nostra cruciatus illos non satis fortiter comprehendit, vel quia qui hæc ita esse docent non ita vivunt ac si ipsi sibi met ipsis in ea re crederent.

11. Dolor ob prælatum sibi alium conjunctus cum conatu proprio, est *Æmulatio*: Sed conjunctus cum voluntate prælatum sibi retrahendi, *Invidia* est.

12. Admiratio passio est gaudentium novitate: Homini enim novitatem amare naturale est. Nova autem dicimus quæ raro accidunt; quæ autem in unoquoque genere rerum magna sunt, etiam rara sunt. Est autem hæc passio hominum fere propria: Et si enim cætera animalia, quando novum aut inusitatum aliquid aspiciunt, consueque admirantur dum an ipsis noxium sit vel innoxium possint judicare; homines tamen quod novum vident, unde productum sit, & ad quid eo uti possint quaerunt. Itaque novitate gaudent ut causarum effectuumque cognoscendarum occasione: ex quo sequitur quod qui plura quam alii admiratur, aliis vel imperitior vel ingeniosior sit; nimirum, si plura ei contingant nova, imperitior; si eadem nova magis admiratur, ingeniosior. Infinitus pene esset numerus Passionum, si ad omnem earum quantulamcunque differentiam diversa illis imponeremus nomina. Sed cum nulla sit quæ non sit harum quas descripsimus alicui affinis, de his dixisse contenti erimus.

C A P U T X I I I.

De Ingeniis & Moribus.

1. *Ingenii Definitio.* 2. *Diversitas Ingeniorum à Temperie Corporis.* 3. *A Consuetudine.* 4. *Ab Experientia.* 5. *A Bonis Fortunæ.* 6. *Ab opinione*

nione quam quisque habet de se. 7. Ab Authoribus. 8. Virtutes diversis diversæ. 9. Mensura Morum Lex.

1. **I**ngenia, id est, hominum ad certas res propensiones, à sextuplici fere fonte oriuntur; nimirum, à Temperie, ab Experientia, à Consuetudine, à Bonis fortunæ, ab Opinione quam quisque habet de seipso, ab Authoribus. Quibus mutatis mutantur etiam Ingenia.

2. A Temperie, quod qui Temperie calidiores sunt, plerumque etiam ceteris paribus audaciores sunt; qui frigidiores, timidiores. A mobilitate spirituum animalium, id est, à celeritate imaginandi differunt Ingenia dupliciter: Primum, quod alia acutiora sunt; unde alii Ingenio vivo, alii tardo sunt; Secundo, quod eorum qui celeri Ingenio sunt partim cogitationes per ampla spatia vagantur, partim circa unum aliquid convertuntur; unde aliquibus laudabilis est Phantasia, aliis Iudicium probabile est. Atque his ingenium est idoneum ad cognoscendas controversias, & ad Philosophiam omnis generis, id est, ad Ratiocinandum; Illis ad Poësin & ad Inventionem: Utrumque simul ad Oratoriam. Et Iudicium quidem distinguit subtiliter in Objectis similibus: Phantasia autem confundit jucunde objecta dissimilia. Illud senum plerumque, hoc Juvenum. Sæpe tamen utrumque in utrisque invenitur. Phantasia si modum excedat exit in stultitiam, qualis est, eorum qui inceptum sermonem finire non possunt, abducti cogitationibus à proposito alienis. Tarditas contra, si modum excedat desinit in aliam stultitiæ speciem, qui est Stupor.

Quod dicitur vulgo, Senes Ingenio esse ad divitias nimis attento, verum non est. Nam quod senum magna pars divitias quibus minimè usuri sunt acervare solent, non id faciunt ex Ingenio senili, sed ex studio perpetuo; nam ante senectutem idem erat studium, nempe ut experiundo quousque prudentiâ suâ & Ingenio in acquirendis divitiis procedere possunt sibi et ipsis possent applaudere, nec ut divitiis illis, sed prudentiâ suâ frui possent qua illas congesserunt. Neque hoc mirum videri debet; nam & qui literis student, quanto ætate magis provehuntur tanto magis scientiam augere soliti sunt, Spectantes animi sui virtutem in scientia, tanquam in speculo. Denique omnes institutum quod elegerint, ut jucundissimum usque ad senectutem ornare & excolere solent quantum valent; & in senectute maximè, non quia seniores, sed quia profecerunt magis, more earum rerum quæ sua natura, quo longius eo velocius semper feruntur.

3. A Consuetudine. Propterea quod quæ nova offendunt, id est, quibus in principio resistit natura hominis, eadem sæpius iterata naturam

E. Phil. sect. 2.

K K

subi-

subigunt ; & primò quidem ferre se, mox autem amare cogit. Id quod in regimine corporis maximè, deinde etiam in operationibus animi perspicuum est. Itaque vino ab adolescentia assueti, haud facile desuescunt ; & opinionibus quibuscunque à pueritia imbuti, eas plerumque retinent etiam in senectute, præsertim homines qui non nisi in rebus pertinentibus ad rem familiarem, de Vero & Falso magnopere solliciti sunt. Itaque apud omnes gentes Religio & Doctrina quas quique à primis annis didicerunt, ita eas servant perpetuò, ut dissentientes oderint & convitentur ut manifestum est ex libris præcipuè Theologorum (quos omninimè omnium decet) atrocissimorum convitiis plenis. Quorum hominum Ingenium paci & societati aptum non est.

Consuetudine item fit ut qui in periculis sæpe & diu versati sint ingenium habeant minus meticulosum ; & qui in honoribus à tempore longissimo versati sint, ingenio sint minus insolente, ut qui desierunt jam sese admirari.

4. Ab experientia rerum externarum. Hinc fit ut Ingenium reddatur cautum. Contra qui paucarum rerum habent experientiam Ingenio sunt plerumque temerario. Nam animus humanus ratiocinando procedit à cognitis ad incognita ; neque potest rerum consequentias in magnam longitudinem prospicere sine cognitione quæ est à Sensibus, id est, sine multarum consequentiarum experientia. Fit inde ut Ingenia hominum adversis eventis corrigantur ; nimirum, Ingenium audax frequentibus infortuniis, Ingenium ambitiosum crebris repulsis, Ingenium protervum crebris refrigerationibus, denique puerorum Ingenia ad omnia formantur quæ volunt parentes & magistri vergis.

5. A Bonis fortunæ, hoc est, à divitiis, à nobilitate generis, à potentia civili fit ut Ingenia aliquatenus varientur ; nam à divitiis, & potentia civili, Ingenia plerumque fiunt superbiora ; nam qui plus possunt, plus licere sibi postulant, id est, ad injurias inferendas magis propensi sunt, & ad societatem cum iis qui minus possunt æquis legibus ineundam ineptiores sunt. Nobilitas antiqua ingenium facit come, propterea quod in tribuendo cuique honorem, tuto largi & benigni esse possunt, cum debiti sibi meritis ipsis honoris satis sint securi. Nobilitatis novæ Ingenium magis est suspicax, ut qui nondum satis certi quantus honor sibi tribui debet fiunt, versùs inferiores sæpe nimis asperi, versùs æquales nimis verecundi.

6. Ab Opinione quam habet quisque de seipso. Inde enim fit ut qui sibi videntur sapientes, nec sunt, Ingenium ad sua ipsorum vitia corrigenda ineptum habeant. Non enim in seipsis esse putant quod corrigi debet. Contra ad aliorum facta vel corrigenda, vel vituperanda, vel deridenda

ridenda proclives sunt, ut qui quicquid factum vident præter sententiam suam non rectè factum putant. Itaque Civitatem etiã male gubernari existimant quæ non ut ipsi volunt gubernatur; & per consequens ad res novas cæteris hominibus aptiores sunt. Eorum qui sibi videntur docti idem est Ingenium; videntur enim sibi sapientes, nam doctum esse nisi doctum ad sapientiam nemo cuperet. Hinc fit ut pædagogi sæpissime Ingenio sint censorio, & ad convictum odiofo; ut qui cum electos se videant ad formandos mores puerorum, vix abstinere à censendis moribus ipsorum patrum, nedum conviventium. Etiam qui adhibentur ad regendos doctrina sua mores publicos, nimirum doctores Ecclesiæ, ne sciantesque à quo ad ministerium tantum evocantur, ipsos Reges & Ecclesiæ rectores summos à se regendos esse postulant; imo non Regibus & iis quorum curæ salus populi à Deo commissa est, sed sibi immediate à Deo munus illud concessum esse videri volunt summo cum periculo Civitatis. Similiter ii qui à Civitate eliguntur ad interpretationem Legum; propter tam amplum civitatis testimonium, vix possunt non videri sibi cæteris hominibus sapientiores. Itaque munere suo non tantum ad jus dicendum, id est, ad leges, id est, ad mandata Civitatis explicanda*, sed sæpe etiam ad jus dandum, id est, ad summos Imperantes, id est, ad Civitatem in ordinem cogendam uti postulant. Id quod plerumque bellorum Civilium initium esse solet, nimirum rectoribus Civitatis injustitiæ accusatis, ab iis qui habentur juris peritissimi, imperitissimum vulgus (ducentibus iis quibus res novæ & bellum Civile vel propter ambitionem jucundum, vel propter rem familiarem attritam utile est) contra Civitatis rectores, id est, contra ipsam Civitatem arma sumunt.

7. Ab Authoribus. Authores autem cuique cujusque rei eos voco quorum quis Præcepta aut exemplum sequitur, ductus opinione sapientiæ ejus. Ab his si boni, Ingenia adolescentum formantur bona; prava si pravi, sive Magistri ii sint, sive Patres, sive alii quicumque quos vulgo à sapientia laudari audiant; nam laudatos reverentur & dignos existimant quos imitentur. Ex quo intelligitur, primo, non modo quam veris & bonis præceptis adolescentum animos imbuere debeant Patres, Magistri, & Tutores eorum, sed etiam, quam sanctè & justè in eorum præsentia sese gerant; ut quorum Ingenia non minus sed multo magis ad mores malos exemplo, quam ad bonos Præceptis disponuntur. Secundo, quàm, quos lecturi sunt libros, sint sani, casti, & utiles. Sunt autem libri scripti à civibus Romano florebat Democratia aut recens extincta, nec non à Græcis florebat republica Atheniensi, tum Præceptorum, tum Exemplorum pleni, quibus ingenium vulgi Regibus suis infestum redditur; idque ob nullam aliam causam quam quod ab Hominibus perfidis

perpetrata Flagitia in illis libris laudari vident, nimirum regicidia si modo Reges antequam occidant Tyrannos vocent. Verum Ingenium vulgi corrumpitur adhuc magis à lectione librorum & auditione Concionantium eorum qui Regnum in Regno, Ecclesiasticum in Civili esse volunt. Hinc enim pro Cassiis & Brutis oriuntur Ravilliaci & Clementes qui cum Reges suos occidendo, ambitioni inservirent alienæ, Deo se servire arbitrabantur.

8. Ingenia quando assuescendo ita confirmata sunt ut facile, nec reluctantè ratione, suas edant actiones, dicuntur *Mores*. Mores autem si boni sint, *Virtutes*; si mali, *Vitia* appellantur. Quoniam autem non eadem omnibus Bona & Mala sunt, contingit eosdem Mores ab his laudari ab illis culpari, id est, ab aliis Bonos, ab aliis Malos, ab aliis Virtutes, ab aliis Vitia appellari. Quare ut (quod dici solet) quot capita tot sententiæ, ita etiam dici potest, quot homines tot Virtutis & Vitii diversæ Regulæ. Quod tamen de Hominibus eatenus intelligendum est, quatenus homines tantum, non etiam quatenus Cives; nam eorum qui extra Civitatem sunt alter alterius sententiam sequi non obligatur, in Civitate vero Pactis obligantur. Ex quo intelligitur Scientiam Moralem nullam habere posse eos, qui Homines considerant per se & quasi extra societatem civilem, propter defectum mensuræ certæ, qua Virtus & Vitium æstimari, & definiri possint. Nam scientiæ omnes incipiunt à Definitionibus, nec aliter Scientiæ dicendæ sunt, sed sermones meri.

9. Itaque nisi in vita Civili, Virtutum & Vitiiorum communis mensura non invenitur; quæ mensura ob eam causam, alia esse non potest præter uniuscujusque Civitatis Leges; nam Leges Naturales, constituta Civitate, Legum civilium fiunt pars. Neque impedit quo minus ita sit, quod innumeræ sint, & olim fuerint Civitates diversis legibus. Quæcunque enim sunt Leges, illas Leges non violare semper & ubique civium Virtus habita est, & easdem negligere Vitium. Quare etsi actiones quædam, quæ in una Civitate justæ sunt, in alia sint injustæ, Justitia tamen (id est, non violare Leges) ubique eadem est, & erit. Virtus autem Moralis, quam quidem mensurare possumus Legibus civilibus, quæ diversis civitatibus diversæ sunt, sola est Justitia, & Æquitas; quam autem mensuramus per Leges merè Naturales Charitas sola est. Atque in his duabus continetur omnis Virtus Morum. Quod autem attinet ad Virtutes alias tres præter Justitiam quas vocant Cardinales, *Fortitudinem*, *Prudentiam*, & *Temperantiam*, non sunt illæ Civium Virtutes ut Civium, sed ut hominum; ut quæ non tam Civitati quam ipsis Hominibus singularibus qui ipsas habent, utiles sunt. Civitas enim sicut nisi per Fortitudinem, Prudentiam, & Temperantiam bonorum Civium non conservatur, ita nisi per

per Fortitudinem, Prudentiam & Temperantiam hostium non destruitur. Sunt enim tum Fortitudo, tum Prudentia, vis animi potius quam bonitas Morum; & Temperantia privatio potius vitiorum quæ oriuntur ab ingentibus cupidis (quibus non læditur civitas, sed ipsi) quam Virtus moralis. Ut enim civis omnis Bonum suum sibi privatim habet; ita & Civitas Bonum suum sibi Publicum. Neque vero Fortitudinem & Prudentiam privati hominis, si ipsi soli utiles sint; à Civitatibus aut à quibusvis aliis hominibus, quibus eadem utiles non sunt, laudari, id est, pro Virtute haberi, postulari debet. Sed totam hanc Doctrinam de Moribus & Ingeniis in paucissima verba contrahens, dico Ingenia quidem Bona esse, ea quæ idonea sunt societati Civili ineundæ; & Mores Bonos, (id est, Virtutes Morales) eos esse quibus inita optimè conservari potest. Contineri autem Virtutes omnes in Iustitia & Charitate. Unde intelligi etiam potest Ingenia his contraria prava esse; & Mores contrarios Vitæque omnia contineri in Injustitia & animo ad aliena mala stupido, id est in defectu Charitatis.

C A P U T X I V.

De Religione.

1. Religionis Definitio. 2. Amare & Timere Deum quid sit. 3. Fides quid. 4. Fides dependet à Legibus. 5. Iustitia à Deo Cordibus insculpta. 6. Deus peccata remittere sine Injustitia potest nulla exacta pœna. 7. Nemini Opera justa peccata sunt. 8. Cultus Definitio, & Divisio. 9. Cultus Publicus quid. 10. Cultus partes, Preces, Gratiarum actiones. Ieiunia publica. Dona. 11. Cultus superstitiosi variis. 12. Cultuum Finis quis, mortalibus futuri Anxiiis. 13. Quæ sint quæ Religiones mutant.

I. **R**eligio est hominum qui Deum sincere honorant Cultus externus. Deum autem sincere honorant, qui illum non modo existere, sed etiam rerum omnium Omnipotentem & Omniscium creatorem & rectorem, & præterea rerum prosperarum & adversarum Arbitrio suo distributorem esse credunt. Itaque Religionis simpliciter, id est, naturalis, duæ sunt partes, quarum altera est Fides, sive credere Deum esse, & omnia gubernare, altera est Cultus. Prior autem pars illa de Fide in Deum vocari solet *Pietas* erga Deum. Nam qui id credit non potest non conari in rebus omnibus illi obedire, neque illi in prosperis gratias non agere, neque in adversis non supplicare; quæ sunt propriissima opera Pietatis; in his enim continentur Amor & Metus quibus jubemur Amare & Timere Deum.

2. Non autem ita ab Homine amandus est Deus, ut ab Homine Homo.

Nam per Amorem Hominis erga Hominem intelligimus semper aut Cupidinem amplectendi aut Benevolentiam; quorum utrumque de Amore erga Deum intelligere ineptum esset. Amare Deum est Dei iussa lætum facere. Timere Deum est cavere ne incidamus in Peccata, eo modo quo solemus Timere Leges.

3. Fides autem, præterquam eam qua credimus Deum condidisse & Regere omnia, si sit de Rebus quæ supra naturæ humanæ captum posita sunt, opinio est, quæ nascitur ab Authoritate Dicentium. Nisi ergo præcesserit opinio quod is qui dicit, ea quæ dicit modo aliquo supernaturali scierit, nulla esse potest causa quare illi credere debeamus. Circa res ergo supernaturales nemini credimus nisi quos prius factum aliquod fecisse supernaturale credimus. Dicenti autem alicui ea quæ dicit vel docet confirmata miraculis esse quomodo credi potest nisi & ipse miraculum ediderit? Nam si Homini privato sine miraculo credendum sit, cur diversa docentium uni magis quam alteri? Religionis ergo nostræ pars maxima & Deo gratissima Fides, ab Hominibus privatis, nisi faciant miracula dependere non debet.

4. Si Religio (præter eam quæ consistit in Pietate naturali) ab Hominibus privatis non dependeat, tunc necessarium est (cessantibus jam dudum miraculis) ut dependeat à Legibus Civitatis. Religio itaque Philosophia non est, sed in omni civitate Lex; & propterea non disputanda est, sed implenda. Neque enim an honorificè de Deo sentiendum sit, neque an sit amandus, timendus, colendus, dubitari potest. Sunt enim hæc Religionum per omnes gentes communia. Disputantur ea sola quibus unus homo ab alio dissentit; quæ propterea de Fide in Deum non sunt. In his autem disputationibus dum scientiam quærimus earum rerum quæ sub scientiam non cadunt, Fidem in Deum, quantum in nobis est, destruimus. Posita enim scientia tollitur Fides, sicut posita Fruitione tollitur Spes. Docet autem Apostolus, ex tribus Virtutibus *Fide*, *Spe*, *Charitate* (adveniente regno Dei) *Fidem* & *Spem* amplius non existere, sed solam manere *Charitatem*. Quæstiones ergo de natura Dei Naturæ Conditoris nimis curiosæ sunt, nec operibus Pietatis accensendæ; & qui disputant de Deo non tam Deo Fidem (cui jam omnes credunt) quam sibi met ipsi conciliare cupiunt.

5. Quoniam autem *amare* Deum idem est quod *mandatis* ejus *Obedire*, & *Timere* Deum idem quod *Timere* ne quicquam contra mandata ejus faciamus, quæri iterum potest unde sciri potest, quæ sint ea quæ Deus imperavit. Cui quæstioni respondere potest, Deum eo ipso quod Homines fecerit rationales, hoc illis præcipisse, & cordibus omnium hanc legem insculplisse, ne quisquam cuiquam faceret quod alium sibi facere iniquum

quum duceret. In quo præcepto universa iustitia & obedientia Civilis continetur. Quis enim est qui si in Civitate cum summo imperio constitutus esset à populo, regendi sui & legum condendarum causa, non iniquum esse Leges suas à quolibet subdito sperni, vel auctoritatem suam negligi nedum disputari judicaret. Cum ergo Rex si esses, iniquum id esse duceres, nonne Legem habes actionum tuarum regulam certissimam? Ea autem etiam divina est, quæ supremis potestatibus, id est, supremorum Imperantium Legibus obedire præcipit.

6. Sed cum homines mandata Dei jam violaverint, peccantque quotidie, quomodo (dicet aliquis) cum iustitia divina stare potest, ut peccatorum poenas non ab illis requirat Deus? Sed Homo si injurias sibi illatas nunquam ulciscatur, si ita ignoscat ut nullam omnino vindictam, ne poenitentiam quidem exigit, an illum injustum, an potius sanctum esse existimabimus? Nisi ergo Deum minus misericordem esse dicamus quam homines, causa nulla est, cur non possit Deus peccatoribus saltem poenitentibus, sine ulla ipsorum aut aliorum pro illis accepta poena ignoscere. Quod Deus olim pro peccatis populi exigeret sacrificia, non habebant illa sacrificia rationem poenæ, sed erant constituta pro peccantium sese ad Deum convertentium, & ad obedientiam pristinam redeuntium *Signis*. Itaque Servatoris nostri mors non erat peccantium poena, sed pro peccatis sacrificium. Et quod peccata nostra bajulare dicitur, non magis de poena intelligendum est, quam sacrificia olim ita intelligebantur, quæ non erant in illis animalibus peccatorum quæ commiserunt Iudæi punitiones, sed gratorum hominum Oblationes. Requisivit ab Israelitis Deus quotannis duos Hircos; quorum alter qui pro *oblacione* erat, immolabatur, alter qui *peccatis populi oneratus* erat abigebatur in desertum quasi peccata populi absportaturus. Similiter Christus quatenus oblati in Cruce, occisus est; quatenus vero peccatis nostris oneratus est resurrexit. Nisi Christus resuscitatus sit, manent (inquit Apostolus) peccata nostra.

7. Cum ergo Pietas constet *Fide, Iustitia & Charitate*; Iustitia autem & Charitas, Virtutes sint Morales, non possum iis assentiri qui eas appellant *splendida peccata*. Siquidem enim peccata essent, quanto quis cæteris hominibus sanctior esset, tanto illi minus credi deberet, ut minus iusto. Quid igitur est quod Deo in iis displicet qui iustitiam faciunt? Displicet Fide, id est Pietatis maxima parte carentium simulatio. Nam etsi opera eorum permulta iusta fuerint, ipsi tamen qui opera iusta & eleemosynas faciunt ad gloriam tantum, vel ad opes acquirendas, vel ad poenam vitandam injusti sunt. Itaque sacrificia populi sui odisse dicitur Deus, quæ tamen cum à Deo iusta fuerint, peccata

cata esse non potuerunt. Sed Deo, sicut opera iusta sine Fide, ita etiam sacrificium, & Cultus omnis sine Iustitia & Charitate abominatio est.

8. Colere propriè dicimur illud quicquid est, quod officiis & labore studemus nobis facere quantum possumus Beneficium. Sic terram colimus ut feracior nobis sit; homines potentes colimus potentiæ vel præsidii alicujus nostri causa; sic quoque Deum colimus, ut eum habeamus propitium nobis. Est ergo cultus Divinus; illas actiones agere quæ pietatis erga Deum signa sunt. Hæ enim Deo gratæ sunt, & his solis propitius nobis reddi potest. Sunt autem actiones illæ ejusdem plerumque generis cum illis actionibus quas facimus quando colimus homines, sed in unoquoque genere optimas; nam signa alia Pietatis naturaliter ostendere non possumus. Cultum autem alius est *privatus*, alius *publicus*. Privatus est quem exhibent homines singuli arbitrio suo. Publicus est quem exhibent iidem jussu Civitatis. Privatus rursus vel ab uno, secretò, vel à pluribus collectis exhibetur; quorum ille Pietatis sinceræ signum est, (quorum enim simulare illi qui à nemine videtur nisi ab eo qui simulationem etiam videt?) hic simulatus vel ambitiosus esse potest. In cultu secreto ceremoniæ nullæ sunt. Ceremonias appello operum Pietatis signa illa quæ non à natura operis oriuntur, sed ab arbitrio civitatis; nam precantem vel adorantem procumbere vel genua flectere pro signo humiliationis & subjectionis coram Deo omnibus natura dedit quibus esse Deum dedit credere. In cultu privato plurimum simul, ceremoniæ esse possunt, quia possunt inter se de decoro actionis communis communiter statuere; modo nihil faciant contra Leges Civitatis. Sed locus hic est, & invitamentum simulationis, quæ tamen aliquando culpa vacat. Homines enim si in unum locum convenerint multi simul, habent hoc à natura multitudinis, ut à singulis timeri velint; postulentque ut nemo neque ad illos, neque coram illis securiliter, inconsideratè, rusticè, incompolitè, aut non quantum illi intelligunt, ornatissimè loquantur, nec non gestum exigunt decorum gravitate, & quali nemo utitur domi suæ. Qua propter illi quoad multitudinem vel in eorum præsentia cæteris omnibus tacentibus loquitur induenda *persona* est gravior sanctiorque quam alioqui faceret; quæ species quidem Historionica est, sed culpa vacat. Ita scilicet postulante multitudine singulis multò potentiore.

9. Cultus Publicus sine ceremoniis esse non potest; nam Cultus Publicus is est quem in signum habiti honoris Deo exhiberi ab omnibus Civibus, idque locis, & temporibus constitutis, imperavit Civitas. Itaque judicandi quid sit decorum quid non, in Publico Cultu Dei penes Civitatem jus est. Ceremoniæ sunt operum pietatis signa illa non quæ à natu-

natura operis tantum, (qui Cultus est Rationalis) sed etiam illa quæ imperantur ad arbitrium Civitatis. Et propterea in diversis gentibus necesse est ut in Cultu Dei multa sint apud unam gentem quæ apud aliam non sunt; & ut aliorum Cultus quandoque ab aliis rideatur. Cultus à Deo immediatè ordinatus nullus unquam fuit præterquam apud Iudæos regnante ipso. Aliarum gentium ceremoniarum aliarum quidem aliis magis erant rationales, apud omnes tamen ceremoniis Lege Civili iussis uti, rationale erat.

Cultus partes sunt vel Rationales vel superstitiosæ sive Phantasticæ. Rationales sunt, Primò, Preces; his enim credere nos significamus bona omnia Futura à Deo & ab eo solo speranda esse. Secundo, Gratiarum actiones, nam his significamus credere nos à Deo & ab illius solius Gratia bona præterita omnia nobis data esse. Deum autem precibus flectere, etiam vincere homines pii dicuntur aliquando, non quod Deum sententiam suam, & decreta æterna mutare unquam cogerint, sed quod omnium rerum ordinator Deus, dona sua hominum preces quandoque antecedere quandoque consequi voluit. Adeo ut non improprie tum Preces tum Gratiarum actiones uno nomine *Supplicationes* appellati sint. Tertio, Ieiunia Publica aliique actus peccata Lugentium. Signa enim sunt poenitentiarum, id est, quod peccatorum pudet; deinde quod minus viribus propriis præteritorum lapsuum consilii confidamus, & quod in futurum cauti esse volumus ne in peccatum rursus incidamus. Humilitatem autem & Luctum Cinere & Sacco & Prostratione significare soliti sunt, non quod Pudor & Humilitas sine his vera non sit; sed quia natura ipsa docet iisdem rebus Deum colere qui corda nostra videt, quibus vidimus coli Homines qui nisi talibus signis de poenitentia vera judicare non possunt. Qui vero peccata sua simulatque respuerint condonata esse pro certo habent, iidemque se sciunt respuisse (nisi quod doloris Species aliqua sit etiam Pudor) dolere ulterius non possunt; nam si dolent signum manifestum est, quod ideo dolent quia eo miseria se reductos vident, ut vel ipsi vel peccata quæ amant abijcenda sunt; quemadmodum in mari mercator dolet quando aut se aut mercem perituram esse videt. Itaque in cultu divino tristitia post peccata decora est, & naturalis, sed tristitia illa non repugnantis, sed pudentis & humiliati animi esse debet. Quarto, Cultus divini Rationalis Publici pars sunt *Dona*, id est, sacrificia & oblationes. Rationis enim non est ut illi à quo accepimus omnia, nihil retribuamus, id est, Deo nihil consecremus, id est, partem seponamus nullam divini Cultus Publici ministris, pro dignitate illius Ministerii, alendis. Sicut enim in Ecclesia, Ministri Christi ab Evangelio (id est, ab iis rebus quæ ob bonum nuntium ab Hominibus gratis

datæ erant) & apud Iudæos plurimasque alias gentes ab oblationibus & sacrificiis sacerdotes alebantur; ita Rationis est ut in omni civitate Ministris Cultus divini alantur à Deo consecratis, quæ propterea in omni genere debent esse perfectissima.

11. Cultus superstitiosus propter diversitatem opinionum, eorum hominum qui plures Deos esse credebant, nimirum qui gentem quandam Cælitum, quasi hominum æriorum Civitatem, esse putabant, majorem habet varietatem quam ut narrari possit. Etiam diis illis linguam propriam sibi fuisse in cælo, aliterque ab Hominibus aliter à diis easdem res nominari crediderunt; ut qui Romulus in terris Quirinus in Cælo diceretur, similiterque in aliis nominibus ut apud Poetas Græcos (Ecclesiæ Ethnicæ Patres) videre est; eodem fere modo quo quam nos *Civitatem*, Populus clericus appellat *Ecclesiam*, id quod in Civitate *Lex*, in Ecclesia *Canon*, & quod in regno *majestas* in Ecclesia *sanctitas* appellatur. Nec una Deorum Civitate contenti, aliam statuerunt Deorum marinorum sub regimine Neptuni, & tertiam apud inferos sub Plutone. Præterea creatura fere nulla erat quam non invocarent ut Deum vel Deam. Nulla fere Virtus (præter Laborem & Industriam numina per se propitia) sine Ara aut Templo erat. Quicquid denique nominabile, idem & Deificabile erat. Quod quam Rationi naturali incongruum sit pemo est qui non intelligit, Superstitionem autem hanc facere potuit Lex loci ut Religio appellaretur, & Cultus omnes alii superstitiones.

12. Finis quem Cultui divino Civitates omnes prætendunt, is est, ut eorum Deus vel Dii tum ipsi Civitati, tum etiam singulis Civibus propitii sint. Veruntamen plerisque Divina gratia simpliciter non sufficit. Cogitant enim, *Deus mihi daturus quidem Dona est sed alia fortasse quam quæ ego volo; avertet mala, sed per prudentiam meam. Vixim ergo scirem quæ bona illa sunt quæ dare mihi parat, & quæ sunt mala quæ ita prope me ventura sunt, ut abigi opus habeant.* Itaque sic colunt, ut tamen aut de sapientia aut de Indulgentia divina semper dubitare videantur. Atque hinc est quod omnes ferè mortales futuri temporis anxii convertant se ad Prognostica plurimum generum quam ut facile possint enumerari. Prognosticorum autem unicum genus certum est, nimirum, vox Prophetæ, sed tamen si Prophetæ ille fecerit Miraculum; cætera falsæ sunt. Quod Astrologia Contemplatione siderum de futuris eventibus fortuitis judicare vel in utramvis partem pronuntiare audet, non scientiæ est; sed fugiendæ egestatis causa, hominis stratagema est, ut prædam auferat à populo stulto. Idem sentiendum est de iis qui nullo Miraculo facto Prophetas se esse simulant. Quod somniatores somnia sua (nullo edito Miraculo) futurarum rerum Prognostica esse putant, stultitia est; quod postulant sibi credi, insania est; quod

quod prædicant temere Civitati mala, crimen est. Quod Maleficæ à plurimis credantur nocere illis quibus volunt male, verum non est; sed cum mala quæ imprecantur contingunt ut volunt, tunc ipsæ suis precibus, à Dæmone (quem somniant se vidisse, ejusque operam pacto conduxisse) mala illa facta esse autumant, & tanquam à se facta aliquando confitentur. Illæ ergo futura non sciunt, sed quæ optant, futura esse sperant. Veruntamen, tum propter nocendi voluntatem, tum etiam propter nefarium Cultum non immeritò puniuntur. Præterea animi Præsentia (id est, Metus & Spes) etiam sua cuique Somnia pro Propheticiis habita sunt. Item transitus avium fortuitus, Augurium erat. Intestinis pecudum inhiabant homines ut Futura prædicturis. Verba sine intentione loquentis Futuri Omina credebantur. Inusitata omnia, Portenta, & Offensa, (quia Dū per illa videbantur ventura ostendere) dicebantur. Etiam Sortibus diversorum generum utebantur, id est, in omnibus fortuitis fortunam suam experiebantur. Cæterum innumeros alios modos divinationis, ne stultitiæ hominum nimis diu immerer prætereo.

13. Quæ Religionēs mutant duæ solent esse res, ambæ in Sacerdotibus, Dogmata absurda; & Religioni quam docent contrarii mores. Erraverunt enim homines prudentes Ecclesiæ Romanæ, cum vulgi ignorantia eo usque abuti se posse arbitrabantur ut sperarent efficere se posse, ut verba inter se pugnancia non modo tunc sed semper vulgo crederentur. Paulatim eruditior vulgus, & verborum quibus utitur tandem aliquando vim intelligit. Ex quo fit, ut cum doctores Religionis ea quæ non cohærent inter se non modo ipsos loqui videant, sed etiam alios ita loqui Religiosè jubere, proni sint, tum ipsos contemnere ut ignorantes, tum ipsam Religionem ut falsam suspicari, & eam aut corrigere aut ejicere à Civitate. Cavendum ergo imprimis est Doctoribus Religionis ne regulis colendi Deum quicquam immisceant ex doctrina Physicorum. Nam evitari vix potest (cum rerum naturalium nullam habeant scientiam) quin aliquando incidant in Propositiones absurdas; quæ postea, etiam ab indoctis detectæ, faciant ut omnia quæ docebantur contemnantur; quemadmodum detectæ à Luthero Doctorum Romanorum ignorantia, non modo magnam partem Religionis Romanæ tum in nostra, tum in aliis gentibus abolevit, sed etiam ipsas gentes avulsit à Romana clientela. Quod si de Transubstantiatione (id est, de natura Corporis & Loci) de Libero Arbitrio (id est, de Natura Voluntatis & Intellectus) & de aliis rebus (quas brevitatis causa prætereo) tacuissent, potuissent quas lucrati erant retinere. Quod ad alteram mutandarum Religionum causam attinet, nempe mores, manifestum est neminem è vulgo ita esse stupidum, ut cum illum qui credere

jubet res aliqui creditu difficiles, ita vivere viderit ac si ipse non crederet, non impostorem putet, & credenda non esse, quæ credi jubet; præsertim si ut ille credat, jubenti credere sit utile. Si doceant ergo, (ut ubique docent) credentium esse minus avaros esse quam alii, minus ambitiosos, minus superbos, minus sensibus indulgere, minus se immiscere negotiis mundanis, id est civilibus, minus convitari, minus invidere, magis quam alii corde simplici esse (id est magis apertos) magis misericordes, magis veraces, nec tamen ipsi tales sint, non debent conqueri si fides illis postea non adhibeatur. Equidem quod Religio Christiana tempore Sanctorum Apostolorum insigniter creverit, in magna parte causæ fuisse credo, Sacerdotum Ethnicorum vitam non sanctam. Scilicet præter vitia cum vulgo illis communia, immiscebant se civitatum inter se controversiis; custodiebantque Deos quemadmodum Nutrices custodire Infantes solent; nimirum ne cuiquam, nisi sibi illi volunt ad illos accessus sit, aut quemquam ament nisi à seipsis commendatum. Commendabant autem (homines avari) eos solos à quibus beneficia accipiebant.

C A P U T X V.

De Homine Fictitio.

1. *Personæ Definitio.* 2. *Author & Authoritas quid sint.* 3. *Sponsor, sive Fidei jussor quid.* 4. *Personam habere intelligi possunt alie res præter hominem.*

1. **Q**UOD Græci *πρῶτον*, Latini dicunt quandoque *Faciem* sive *Os* hominis, quandoque *Personam*. *Faciem* si de homine vero, *Personam* si de *Fictitiq* intelligi volunt, qualem in Theatro solebant habere Comædi & Tragædi. Intelligebatur enim in Theatro loqui non ipse Histrio, sed aliquis alius, puta, Agamemnon, nimirum *Faciem Fictitiam* Agamemnonis induente Histrione, qui pro illo tempore erat Agamemnon. Quod tamen postea intelligebatur etiam sine *Facie ficta* nimirum, proficiente se actore quam *Personam* acturus erat. Nec minus necessariae sunt in Civitate *Fictiones* hujusmodi (propter absentium Commercium & Contractus) quam in Theatro. Quod autem ad usum *Personæ* Civilem attinet, definiri potest hoc modo; *Persona est cui Verba & Actiones hominum attribuantur vel suæ vel alienæ.* Si suæ, *Persona naturalis* est; si alienæ, *Fictitia* est. Ut ergo idem Histrio potest diversas *Personas* diversis temporibus inquere, ita quilibet homo plures homines præsentare potest. Ego (inquit Cicero) *unus sustineo res Personas, mei, & adver-*

adversarii & iudicis. Quasi diceret unus Cicero considerari possum ut ego-
met ipse, ut Adversarius, ut Iudex.

Eorum qui in Civitate Personas sustinent, alii jubente eo cujus Personam gerunt, alii non jubente id faciunt. Quicquid ergo facit aliquis in Persona ejus qui repræsentari ab eo non vult, ipsi, id est actori soli, imputatur. Sed quod jubente alio facit, actus jubentis semper est, sed aliquando etiam repræsentantis, id est, utriusque tum Authoris tum Actoris. *Author enim vocatur is qui Actionem quam facit alius pro suo habere se velle declarat.* Et quod in Possessionibus Dominus, in Actionibus Author appellatur: Itaque Authoritatem habere dicuntur qui quid jure faciunt alieno. Nisi enim is qui Author est jus habeat agendi ipse, Actor agendi Authoritatem non habet. Itaque si quis cum Actore paciscatur vel contractum quemcumque fecerit nescius an Authoritatem habeat necne, suo periculo id facit. Quod si quis alterius jussu peccat, uterque peccat, quia neuter jure fecit, nisi forte Civitas jusserit, ita ut recusare Actor non debeat.

3. Item in sponsonibus Sponsor Personam illius induit pro quo spondet. Nam fidei quam habet promissori is qui credit, Author est, jubetque credere suo ipsius sponsoris periculo. Unde Fide jussor dicitur.

4. Neque solum Homo singularis, hominis singularis, sed etiam unus multorum, & multi unius Personam gerere possunt. Si enim consentiant Homines plures ut quicquid fecerit unus aliquis, vel cætus ex pluribus, id se pro actione uniuscujusque ipsorum habituros esse, erit unusquisque, Actionum quas is homo vel cætus faciet, Author. Neque ergo actionem ullam illorum accusare potest, quin seipsum accuset. Item Reges omnes & Civitatum cujuscunque generis Rectores summi, si Dominum agnoscant Deum, Dei Personam gerunt. Speciatim vero Dei regnantis Personam gerebant primò Moyses, deinde Christus, & nunc (postquam die Pentecostes Spiritus Sanctus in Apostolos visibiliter descendisset) Ecclesia, id est Ecclesiæ in omni Civitate rector summus. Habet ergo in omnibus gentibus Deus Possessiones (more hominum) Terras, Iura & alia bona sua, nempe sibi consecrata. Sed hæc non nisi Civitate constituta. Cum enim voluntas Dei nisi per Civitatem non cognoscatur, requiratur autem voluntas illius qui repræsentatur, ut Author sit Actionum quas faciunt illi à quo repræsentatur, necesse est ut Persona fiat per voluntatem Civitatis.

Etiam rei inanimatæ Persona esse potest, id est possessiones & alia bona habere, & jure agere potest, ut Templum, Pons vel alia res quæcunque, ad cujus conservationem sumptibus opus est. Et Personam ejus gerent curatores à Civitate constituti, ut quæ voluntatem non habet præter voluntatem Civitatis.

Hujusmodi autem Fictionum quis sit usus in Civitate (est autem maximus) dicemus in Sectione tertia, quæ est de Cive. Quanquam Leges naturales hominem quatenus hominem respiciunt, de illis tamen nili ut continentur in bonis Moribus mentionem in hac Sectione non fecimus. Sed quia nili Legibus Civilibus & Potestate coercendi præexistentibus observari non possunt, de illis ut de Legibus in eadem Sectione tertia satis ampliter differemus.

F I N I S.



ELEMENTORVM
PHILOSOPHIÆ
SECTIO TERTIA

D E

C I V E.

EXCELLENTISSIMO
V I R O,
G V L I E L M O
C O M I T I
D E V O N I Æ,
Domino meo Colendissimo.



Opuli Romani, memoriâ Tarquiniorum, & civitatis instituto, Regibus iniqui, vox erat (*Excellentiss. Domine*) prolata ore *Marci Catonis Censoris*, Reges omnes de genere esse bestiarum rapacium. Ipse autem Populus Romanus, qui per *Africanos, Asiaticos, Macedonicos, Achaïcos*, cæterosque à spoliatis gentibus cognominatos cives, torum ferè orbem terrarum diripuerat, qualis bellua erat? Non minus ergò quam *Cato*, sapienter dixit *Pontius Telesinus*. Is prælio ad *Portam Collinam* contra *Syllam* circumvolans ordines exercitus sui; vociferatusque, eruendam delendamque ipsam Romam, adjiciebat, nunquam defuturos Raptores Italicæ libertatis *Lupos*, nisi *Sylla*, in quam refugere solerent, esset excisa. Profecto utrumque verè dictum est, *Homo homini Deus*, & *Homo homini Lupus*. Illud, si concives inter se; Hoc, si civitates comparemus. Illic justitia, & caritate, virtutibus pacis, ad similitudinem Dei acceditur; Hic propter malorum pravitatem, recurrendum etiam bonis est, si se tueri volunt, ad virtutes Bellicas vim & dolum, id est, ad ferinam rapacitatem. Quam etsi homines

E P I S T O L A

pro convitio invicem obijciant, more innato, facta sua in personis aliorum, tanquam in speculo, sinistra dextra, dextra sinistra existimantes; vitium tamen esse non sinit profectum à necessitate conservationis propriæ jus naturale. Quod autem *Catoni*, viro sapientiæ celebratissimæ, Odium pro Judicio, Affectus pro Ratione imponere in tantum potuit, ut quod æquum in populo suo, idem Reges facere iniquum censeret, mirari fortasse alii poterunt, ego sanè in ea opinione jam diu sum, neque egregiam sententiam unquam fuisse quæ placuit populo, neque sapientiam vulgari majorem vulgo agnosci posse; quippe quam vel non intelligunt, vel intelligentes æquant. Græcorum Romanorumque facta & dicta celebria, non Ratio, sed magnitudo, & sæpè illud ipsum lupinum, quod mutuo exprobrant Historiæ, commendavit, quæ unà cum publicis actionibus actores per cursum seculorum devolvit qualescunque. Sapientia vera nihil aliud est quàm in omni materia veritatis scientia. Ea vero cum à memoria rerum per appellationes certas & definitas excitata derivetur, non animi acris & repentini impetus, sed Rationis rectæ, id est, Philosophiæ opus est. Per hanc enim à rerum singularum contemplatione ad præcepta universalis via aperitur. Quot autem genera rerum sunt, in quibus Ratio humana locum habet, in tot ramos se diffundit Philosophia, diversè tamen pro diversitate subjectæ materiæ nominata. Nam quæ de figuris tractans, GEOMETRIA; de motu, PHYSICA; de jure naturali, MORALIS dicitur, tota PHILOSOPHIA est: quemadmodum mare, quod hîc Britannicum, illic Atlanticum, aliàs Indicum, à singulis litoribus appellatum, totum tamen est Oceanus. Et Geometriæ quidem provinciam suam egregiè administraverunt. Quicquid enim humanæ vitæ auxilii contingit à siderum observatione, à terrarum descriptione, à temporum notatione, à longinquis navigationibus; quicquid in ædificiis

DEDICATORIA.

ædificiis pulchrum, in propugnaculis validum, in machinis mirabile est; quicquid denique hodiernum tempus à prisca barbarie distinguit, totum ferè beneficium est *Geometria*. Nam quod *Physica* debemus, id debet *Physica* eidem *Geometria*. Si Philosophi morales munere suo pari felicitate functi essent, non video, ad felicitatem suam in hac vita quid amplius contribuere humana industria posset. Cognita enim, pari certitudine, ratione actionum humanarum, qua cognoscitur ratio magnitudinum in figuris, ambitio & avaritia, quarum potentia falsis vulgi circa *jus* & *injuriam* opinionibus innitur, inermes essent, fruereturque gens humana pace adeò constante, ut non videatur (nisi de loco, crescente scilicet hominum multitudine) unquam pugnandum esse. Nunc quod bellum gladiis vel calamis perpetuum est: quod non sit juris & legum naturalium major scientia hodiè quam olim: quod sententiis Philosophorum utraque pars suum jus tueatur: quod alii laudent, alii vituperent eandem actionem: quod idem nunc prober, quæ alio tempore damnat, & sua facta in aliis aliter æstimet: signa manifestissima sunt, nihil profuisse ad scientiam veritatis quæ hætenus scripta sunt à Philosophis moralibus; placuisse verò, non illuminando animum, sed venusta & secunda affectibus oratione, opiniones temerè receptas confirmando. Huic ergo Philosophiæ parti idem contigit quod viis publicis, quibus omnes ingrediuntur, euntque prorsum & retrorsum, alii animi causa inambulant, alii rixantur, sed nihil seritur. Cujus rei unica hæc videtur esse ratio, quod nemo eorum qui materiam hanc tractarunt, commodo usus sit docendi principio. Non enim, ut in circulo, initium scientiæ arbitrio nostro sumi potest. Incipit in ipsis dubitandi tenebris filum quoddam rationis, cujus ductu evaditur in lucem clarissimam; ibi principium docendi est; inde ad solvenda dubia converso itinere lux referenda est. Quoties ergo scriptor filum illud, vel inscitiam deserit, vel cupiditatibus

E P I S T O L A

ratibus abruptis, non scientiæ, sed errationum suarum vestigia literis describit. Quapropter, cum cogitationes meas ad inquisitionem iustitiæ naturalis convertissem, admonitus sum ab ipsa iustitiæ appellatione, qua constans voluntas unicuique *ius suum* tribuendi significatur, quærendum prius esse, unde esset quod quis rem aliquam *suam* potius quam *alienam* esse diceret. Quod cum non à natura, sed à consensu hominum profectum constaret; (nam quæ natura in medium protulit, homines postea distribuerunt;) ducebar inde ad quæstionem aliam, nimirum, cui bono, & qua necessitate coacti, cum omnia essent omnium, voluerint potius sua cuique esse propria. Videbam autem, ex communitate rerum bellum, atque inde omne genus calamitatis, hominibus de earum usu per vim certantibus, necessario sequuturum esse; id quod omnes natura fugiunt. Nactus ergo duo certissima naturæ humanæ postulata, unum cupiditatis naturalis, qua quisque rerum communium usum postulat sibi proprium; alterum rationis naturalis, qua quisque mortem violentam tanquam summum naturæ malum studet evitare. Ab his principiis pactorum & fidei conservandæ necessitatem, atque inde virtutis moralis officiorumque civilium Elementa, in hac opella, evidentissima connexione videor mihi demonstrasse. Quod adjectum est de Regno Dei, eo consilio factum est, ne quid inter dictata Dei per naturam, & legem Dei traditam in Scripturis, repugnantia esse videretur. Operam etiam diligentem per totum cursum orationis meæ dedi, ne quid de legibus cujuscunque nationis civilibus dicerem, id est, ne ad litora accederem, tum scopulis, tum præsentibus procellis periculosa. Quantum laboris diligentiaque in veritate investiganda abhbitum sit, scio. Quid effecerim, nescio. nam inventa nostra omnes præ amore minus rectè æstimamus. Itaque libellum hunc censuræ tuæ quam favori prius offero, ut apud quem certissimis experimentis explo-

DEDICATORIA.

exploratum habeam, opiniones neque celebritate autorum, neque novitate sua, neque specie orationis, sed firmitudine rationum favorabiles fieri. Si arrideat, id est, si nervosus, si utilis, si non vulgaris sit, tum demum eum tibi (*Excellentissime Domine, praesidium & decus meum*) humillimè dico dedicoque; sin erraverim, testem tamen habes gratitudinis meæ, quod otium, beneficio tuo concessum, ad gratiam tuam promerendam uti voluerim. Te Deus Opt. Max. in statione hac mortali civem optimum protegat, eâque peractâ, sed longissimâ, civitatis cœlestis gloriâ coronet.

*Excellentia Tuâ servus
humillimus*

Parisiis, Nov. I.
1646.

THOMAS HOBBS.

P R Æ.

P R Æ F A T I O

A D

L E C T O R E S.



*Q*uæ res attentam Lectionem promissa efficere maximè posse videntur, Rei tractandæ Dignitas, & Utilitas, tractandi recta Methodus, causa & consilium in scribendo probum, scribentis denique Moderatio, eas, Lectores, vobis promitto, atque oculis aliquatenus ex hoc loco prospiciendas exhibeo. Describuntur hoc libello hominum officia, primo ut hominum, deinde ut civium, postremo ut Christianorum. Quibus officiis cum Iuris naturalis gentiumque elementa, justitiæque origo & vis, tum etiam Religionis Christianæ (quantum patitur instituti modus) essentia continentur.

Quod quidem doctrinæ genus (excepto quod spectat ad Religionem Christianam) sapientium antiquissimi non nisi carminibus decoratum, vel Allegoriis adumbratum, quasi imperis mysterium quoddam pulcherrimum & sacrosanctum, ne privatorum hominum disputationibus contaminaretur, posteris tradendum esse censuere. Philosophi interea alii cum generis humani commodo rerum figuras & motus, alii sine incommodo rerum naturas & causas contemplantur. Temporibus autem quæ insequuta sunt, scientiam hanc crudelem, etsi non penitus perspectam, aliqua tamen ex parte in Reipublicæ regimine, tanquam per nubem pelluentem, primus adamasse dicuntur Socrates, itaque coluisse, ut despectâ desertaque omni aliâ Philosophiæ parte, solam hanc ingenio suo dignam iudicaret. Post eum Plato, Aristoteles, Cicero, cæterique Philosophi Græci, Latini, denique omnes omnium gentium non modo Philosophi, sed etiam otiosi, quasi facilem, nullo studio ambiendam, cuiuslibet ingenii naturalis expositioni & prostitutioni attrectaverunt attrectamque. Quodque ad dignitatem ejus præcipue facit, illi qui eam se habere putant, vel eo loco sumi, ut habere debeant, adeo sibi in ejus specie vehementer placent, ut reliquarum scientiarum studiosos haberi & vocari ingeniosos, doctos, eruditos, quidlibet præter Prudentes, æquo animo ferant. Nam nomen hoc propter excellentiam peritæ civilis sibi solis deberi arbitrantur. Sive igitur scientiarum dignitas ex dignitate eorum ad quos pertinent, sive ex numero eorum qui de ipsis scripserunt, sive ex judicio sapientissimorum hominum æstimanda est, dignissima certe scientiarum hæc ipsa est, quæ ad Principes pertinet, hominesque in regendo genere humano occupatos; cuius etiam falsa specie omnes ferè homines delectantur; & in qua Philosophorum excellentissima ingenia maxime versata sunt. Eiusdem Utilitatem, sed recte traditæ, id est, ex veris principibus evidenti nexu derivatæ, sic optimè perspicimus, si, quæ falsam ejus & loquacem speciem humano generi consequuntur, damna consideraverimus. Nam in iis rebus quas ingenii exercendi causa speculamur, si quis error irrepserit, innoxius est, neque

PRÆFATIO AD LECTORES.

neque sit jactura nisi temporis tantum. In iis verò quæ quisque vivendi causa meditari debet, non modo ab errore, sed etiam ab ignorantia, offensiones, rixas, cædes vitari necesse est. Quanta ergo hæc damna sunt, tanta est ab officiorum doctrina bene tradita Utilitas. Quot Reges, eosdemque viros bonos, error unus, posse Regem Tyrannum à subdito suo jure occidi, occidi feci? Error hic, posse Principem summum certis de causis à certis hominibus regno spoliari, quantum hominum jugulavi? Quantum hominum interfecit doctrina hæc erronea, Reges summos multitudine superiorum non esse, sed ministros ejus? Denique illa quot Rebellionum causa fuit, qua docetur, Imperata Regnum vitrum justa an injusta sint, cognitionem ad privatos homines pertinere, & priusquam fiant, disputari non modo jure posse, sed etiam oportere? Præterea in communiter recepta Philosophia morali alia sunt multa non minus his periculosa, quæ recitari non est opus. Fuit, hæc prospexisse veteres illos, qui Iustitiæ scientiam fabulis comectant, quàm disputationibus expositam esse maverunt. Antequam enim quæstiones illiusmodi agitari cæperunt, Principes potestatem summam non possulabant, sed exercebant. Imperium suum non argumentis, sed hominum sceleratorum quidem poena, proborum verò defensione tuebantur. Vicissim crues Iustitiam non sermonibus hominum privatorum, sed legibus civitatis metuebantur: nec disputationibus, sed vi Imperii in Pace continebantur. Imò potestatem summam sive in uno homine, sive in uno Consilio ea resideret, tanquam divinitatem quandam visibilem venerabantur. Itaque ambulosis perditivæ hominibus ad everendum civitatis statum minime, ut nunc, se adjuungebant. Nam, ut eam rem, per quam conservabantur ipsi, conservatam esse nolent, in animum inducere non poterant. Scilicet illorum temporum simplicitas tam doctam stultitiam non capiebat. Itaque pax erat & seculum autem, quod non ante finem habuit, quam Saturno expulso contra reges arma ferri posse doceri cæperat. Hæc, inquam, veteres non modo vidisse, sed in una suarum fabularum apertissime videntur significasse. Dicunt enim, Ixionem, cum esset à Jove adhibitus in convivium, adamasse, atque sollicitasse ipsam Iunonem. Illi pro Dea, nubem in ejus speciem formatam oblata esse. Inde genitos esse Centauros, naturæ partim humane, partim equinæ genus pugnax & inquietum. Id quod mutatis nominibus idem est ac si dixissent, Homines privatos, ad Concilia de summa Republicæ vocatos, Iustitiam, Imperii summi sortem & conjugem, subjicere suæ ipsorum cognitioni cupere, æternum falsam & inanem ejus speciem quasi nubem amplexantes, dogmata illa Philosophorum moralium bisformia, partim recta & speciosa, partim vitia & ferina, rixarum omnium & cædum causas, genuisse. Cum tales igitur opinionem quotidie oriantur si quis discussit nubes illas, rationibusque firmissimis ostenderit, Doctrinas de justo & injusto, bono & malo, præter leges in unaquaque civitate constitutas, antenicas esse nullas, & vitrum aliqua actio justa, vel injusta, bona vel mala futura sit, à nemine inquirendum esse, præterquam ab iis ad quos legum suarum interpretationem demandaverit, is certe non modo pacis viam regiam, sed etiam seditionis opacas & tenebrosas semitas demonstrabit. qua re nullus nihil excogitari potest.

B B B

Quod

P R Æ F A T I O

Quod attinet ad Methodum, non orationis ordinem, quamquam conspicuus ille sit, solum sufficere, sed à civitatis materia incipiendum, deinde ad generationem & formam ejus, & justitiae originem primam, progrediendum esse existimavi. Nam ex quibus rebus quæque res constituitur, ex iisdem etiam optime cognoscitur. Sicut enim in Horologio automato aliave machina paulo implicatore, quod sit cuiusque partis rotæque officium, nisi dissolvatur, partiumque materia, figura, motus, seorsim inspiciantur, sciri non potest: Ita in jure civitatis, civiumque officiis investigandis opus est, non quidem ut dissolvatur civitas, sed tamen ut tanquam dissoluta consideretur, id est, ut qualis sit natura humana, quibus rebus ad civitatem compaginandam apta vel inepta sit, & quomodo homines inter se componi debeant qui coalescere volunt, recte intelligatur. Talem ergo Methodum secutus; Pono primo loco pro Principio omnibus per experientiam noto, quodque nemo est qui non confiteatur, nimirum, Ingenia hominum ejusmodi esse à natura, ut, nisi metu potentie alicujus communis coarceantur, fore ut sibi invicem dissident & sese mutuo metuant, & ut propriis viribus singulis sibi cavere cum jure possint, tum necessario velint. Obijcietur fortasse, nonnullos hoc negare. Ita verò est: permulti enim negant. Numquam igitur, qui eosdem idem & fateri & negare dico, mecum ipse pugno? Minime quidem ego, sed illi qui, quod actionibus consentiunt, id ipsam oratione negant. Videmus, civitates omnes, etiamsi cum vicinis pacem habeant, fines tamen suos præsidis militum, urbes mœnibus, portis, vigiliis tueri. Quorsum hæc, si à vicinis nihil metuerent? Videmus etiam in ipsis civitatibus, ubi leges sunt & pœne in malos constitutæ, cives tamen singulares neque in itinere esse sine telo suis defendendi causa, neque dormitum ire nisi observatis non modo foribus contra concives, sed etiam arcis capsulisque contra domesticos. Possintne homines, sibi inter invicem omnesque omnibus dissidere sese, apertius significare? Quoniam autem omnes sic faciunt, iam civitates quam homines metum suum & dissidentiam mutuam consentiunt. Inter disputandum autem negant, hoc est, studio contradicendi aliis, contradicunt sibi inter ipsos. Obiectionum porro à nonnullis est, quod admissio hoc principio, continuo sequatur, Homines omnes non modo malos, (quod forte etiam dictum, concedendum tamen est, cum id clare dictum videatur in Scripturis sacris) sed etiam (quod concedi sine impietate non potest) naturâ malos esse. Illud verò, homines naturâ malos esse, ex hoc Principio non sequitur. Nam etsi pauciores essent mali quam boni, quoniam tamen bonos a malis internoscere non possumus; necessitas dissidendi, cavendi, anticipandi, subjugandi, quoquo modo se defendendi, inest omnibus perpetuo etiam bonis & modestis. Minus verò sequitur, eos ipsos qui mali sunt, ita factos esse à natura. Quamquam enim à natura, hoc est, ab ipsâ naturitate, ex eo quod nascantur, animalia hoc habeant, ut statim omnia quæ sibi placent, cupiant faciantque quantum possunt, ut quæ impendent mala, aut metu fugiant, aut ita repellant, non tamen ob eam causam mali censeri solent: nam affectus animi qui à natura animali proficiuntur, mali non sunt ipsi, sed actiones inde provenientes, male aliquando sunt; nimirum quando & noxiæ sunt, & contra officium, Infantes

nisi

A D L E C T O R E S.

nisi omnia quæ cupiunt, dederis, plorant atque irascuntur, etiam parentes ipsos verberant, habentque à natura, ut ita faciant; at tamen culpâ vacanti, neque mali sunt; primo quia nocere non possunt, deinde quia rationis usum carentes officiorum omnium immunes sunt. Idem si adulta ætate, acquisitis viribus quibus nocere possint, eadem facere pergant, tum verò mali & esse & appellari incipiunt. Ita ut vir malus idem scire sit, quod puer robustus, vel vir animo puerili, & malitia, idem quod defectus rationis ea ætate, qua per naturam, disciplinâ atque damnoꝝ experientiâ gubernatam, accidere hominibus solet. Nisi ergo homines idco à natura factos, malos esse dixerimus, quod disciplinam & usum rationis à natura non habent, consuetudinem est, posse homines à natura cupiditatem, metum, iram, cæterosque affectus habere animales, ut tamen mali facti à natura non sint. Immo igitur quod jeci fundamento, ostendo primò, conditionem hominum extra societatem civilem (quam conditionem appellare licet statum naturæ) aliam non esse quam bellum omnium contra omnes; atque in eo bello jus esse omnibus in omnia. Deinde homines omnes ex eo statu misero & odioso, necessitate naturæ suæ simul atque miseriam illam intellexerint, exire velle. Id autem, nisi initis pactis à jure suo in omnia decedant, fieri non posse. Porro quæ sit pactorum natura, quo modo jura ab alio in alium, ut pacta valida fiant, transferri debeant; item quæ jura & quibus, ad stabilendam pacem necessario concedenda sunt, id est, quæ sint rationis dictamina ea quæ leges naturales appellari proprie possunt, explico & confirmo. Atque hæc sunt in ea parte libri quæ inscribuntur Libertas.

His consuetis ostendo, quid & quoduplex sit, & quo modo fiat civitas, summumque civitatis Imperium; quæque à singulis hominibus civitatem constituturis jura in summum imperantem, sive is unus homo sit, sive unus hominum cætus, ita necessario transferenda sint, ut nisi sint translata, civitas nulla fiat, & jus omnium in omnia, id est, jus belli maneat. Deinde civitatum diversas species, Monarchiam, Aristocratiam, Democratiam, Dominium paternum, & Despoticum, distinguo; quomodo consuevantur, docco, & commoda incommodaque singulorum inter se comparo. Præterea quæ res civitatem destruant, & quæ sint summum imperium administrantis officia, expono. Postremo legis & peccati naturas explico, & legem à consilio, à pacto, à jure distinguo; quæ omnia sub titulo Imperii continentur.

In parte ultima cui inscribitur Religio, ne jus illud quod in præcedentibus summum Imperantes in cives habere rationibus confirmaveram, Scripturis sacris repugnare videretur; Ostendo primo loco, non repugnare illud juri Divino, quatenus imperantibus imperat Deus per naturam, id est, per dictamina rationis naturalis. Secundo, idem non repugnare juri Divino, quatenus imperium habuit Deus in Indæos peculiare per pactum antiquum circumcisionis. Tertio, idem non repugnare juri Divino, quatenus Deus imperat in Christianos per pactum baptismale, adæoque jus illud summorum Imperantium, sive jus civitatis, cum Religione omnino non pugnare. Postremo, ostendo quæ officia ad introitum in Regnum calorum requiruntur necessa-

P R Æ F A T I O

riò; atque ex illis, Obedientiam quam à civibus singulis Christianis Principi suo Christiano deberi affirmaveram, Religioni Christianæ repugnare non posse, ex Scripturæ sacræ testimonio, secundum receptam ab omnibus interpretationem, evidentiſſime demonſtro & concludo. Methodum vidisti; causam jam & consilium scribendis accipito. Dabam operam Philosophiæ animi causâ, ejusque in omni genere Elementa prima congregabam, & in tres Sectiones digesta paulatim conscribebam, ita ut in prima, de corpore, proprietatibusque ejus generalibus; in secunda, de Homine & facultatibus affectibusque ejus speciatim; in tertia, de Civitate, civiumque officiis ageretur. Itaque Sectio prima, Philosophiam primam, & Physicæ elementa aliquot continet. in ea Temporis, Loci, Causæ, Potentiæ, Relationis, Proportionis, Quantitatis, Figure, Motus, rationes computantur. Secunda circa imaginationem, memoriam, intellectum, ratiocinationem, appetitum, voluntatem, Bonum, Malum, Honestum, & Turpe, aliæque ejus generis occupatur. Tertia hæc quid agat, jam antè dictum est. Hæc dum compleo, ordino, lenè moroseque conscribo (non enim disſero, sed computo) accidit interea, patriam meam, antè annos aliquot quam bellum civile exarscisset, questionibus de jure Imperii, & debitâ civium obedientiâ, belli propinqui præcursoribus, fervescere. Id quod partis hujus tertie, cæteris dilatis, maturandæ absolvendæque causâ fuit. Itaque factum est, ut quæ ordine ultima esset, tempore tamen prior prodierit; præsertim cum eam, principis propriis, experientiis cognitis, immixtam, præcedentibus indigere non viderem.

Feci tamen non eo consilio ut laudarer, (quamquam si fecissem, exensatione hac uti possem, nisi qui laudem amant, paucos esse qui laudabilia faciunt) sed vestri causa, Lectores, qui cum doctrinam quam affero, cognitam & perspectam haberetis, sperabam fore, ut aliqua incommoda in re famulari, quoniam res humane sine incommodo esse non possunt, æquo animo ferre, quam Reipublicæ statum contrahi malletis. Vt insisterent earum rerum quas facere cogitatis, non sermone vel consilio privatorum, sed legibus civitatis metientes, non amplius sanguine vestro ad suam potentiam ambitiosos homines abuti pueremini. Vt statum præſente, etsi non optimo, vos ipsos frui, quam bello excitato, vobis interfectis, vel etate consumitis, alios homines alio sæculo statum habere reformationem, statum duceretis. Præterea qui Magistratus civis subditos sese esse nolunt, onerumque publicorum immunes esse volunt, in civitate tamen esse, atque ab ea protegi à vi & injuriis postulant, ne illos, cives, sed hostes exploratoresque, esse putaretis, neque omnia, quæ illi pro Verbo Dei vobis vel palam vel secreto proponunt, temerè reciperetis. Aperiùs dicam. Si quis Concionator, vel Confessor, vel Castigator, doctrinam hanc, summum Imperantem, imò quemlibet hominem, unjusti summi Imperantis, jure a civè interfici, aut rebellionem, conjurationem, seditionem quodlibet civium contra civitatem jure iniuri posse, verbo Dei conscientiam esse dixerit, illi ne crederetis, sed nomen ejus denuntiaretis. Hæc qui probat, is meum quoque in scribendo consilium probum esse existimabit.

Postremo per totam orationem meam modum talem conservandum mihi proposui,
primo

primò ne de Iustitia singularium actionum quicquam determinarem, sed legibus determinandum relinquerem. Deinde, ne quicquam differerem de conjunctivæ civitatis legibus speciatim, id est, ne quæ sint, sed quid sint leges, dicerem. Tertiò, ne civitatis Aristocraticæ, vel Democraticæ, minorem à civibus obedientiam deberi quam Monarchicæ existimare viderer. Licet enim Monarchiam cæteris Civitatis speciebus Capite decimo commodiorem esse, argumentis aliquot suadere conatus sim; (quam rem unam in hoc libro non demonstratam, sed probabiliter positam esse confiteor) omniam tamen civitati potestatem summam & æqualem tribuendam esse, passim & expresse dico. Quarto, de doctrinis Theologorum, præterquam de illis quæ civium obedientiam tollunt, & civitatis statum labefaciunt, ne quid in ullam partem disputarem. Postremo, ne quid per imprudentiam ederem, quod edito opus non esset, id quod conscripseram, publici juris esse illico nolui: itaque exemplaria pauca privatim impressa, amicis distribuenda curavi, ut sententiis aliorum exploratis, si quæ erronea, aut obscuræ esse viderentur, ea emendarem, mollirem atque explicarem.

Accutimè vero reprehensa hæc reperi; quod potentiam civilem immodicam fecerim, sed ab Ecclesiasticis; quod libertatem conscientie abstulerim, sed à Sectariis; quod summos Imperantes legibus civilibus exsolverim, sed à Legistis; horum itaque reprehensionibus, ut qui rem suam agunt, nisi ut eos nodos fortius adstringerem, non magnopere commovebar. Ceterum eorum causa qui circa ipsa principia hæserunt, nempe naturam hominum, jus naturæ, naturam patrum, & generationem civitatis, quoniam non affectus, sed sensus suos genuinos in reprehendendo sequuti sunt, annotationes quibusdam in locis adjeci, quales dissentientibus satisfacere posse judicavi. Denique, ne quemquam offenderem præter eos, quorum inceptis hæc repugnant, eosque, quorum animi omni opinionum dissensione offendi solent, operam ubique diligenter dedi.

Quapropter, si aliqua inveneritis aut minus certa, aut magis quam necesse erat, actuer dicta, cum non Patrium, sed Pacis studio, & ab eo dicta sint, cuius, propter patriæ præsentem calamitatem, dolori iusto aliquid condonari æquum est, ea ut æquo animo ferre dignemini, Lectores, oro postuloque.

Per-erudito ac per-amico Viro

SAMVELI SORBERIO,

PETRVS GASSENDVS S.

QUod epistolium ad me Caletō vela mox facturus dedisti, accepi. Nihil opus fuit excusare, quòd vale coram non dixeris; nam præclarus noster Martellus sat declaravit, quàm improvīsa discedendi occasio fuerit, & quàm requisieris me tamen, utcumque non adfuerim domi. Quod addis autem, potuisse te ante discessum extorquere ab Eximio illo HOBBSIO id exemplum libri de CIVIBUS, cui ipse manu propria marginaleis notas apposuit, ut cum isthuc, ubi te voveo incolumem, perveneris, edi iteratò procures, id summopere delectavit. Videlicet tam pauca fuere excusa libri exemplaria, ut illa sui sitim potius fecerint, quàm expleverint; siquidem innumeros video, qui librum ardentè, sed frustra requirant. Et liber certè est non vulgaris, dignusque, qui omnium, qui altiora sapiunt, manibus teratur; neque (si illa seposuero, quæ Religionem, in qua sumus *ἐνπέδοζον*, adtinent) scriptorem agnosco, qui argumentum scrutetur, quàm ille, profundius. Utinam verò cætera etiam, quæ ille versavit, perinde extorsisses! Quippe & ex ipsis in lucem prolatis, summè beasses nationem totam philosophantium solidè; cum ego quidem neminem norim, qui sit inter philosophandum magis à præjudiciis liber, quique penitus quicquid rerum edisseruerit, introspiciat. Enimvero tu virum satis nostri; frustra que foret, si quid præterea in commendationem ejus adderetur. Vale, & amicos optimos saluta, imprimisque Curcellium, Heereboordium, Bornium, & alios. Parisiis, IV Kalend. Maji, CIO IO C XLVI.

Ern-

Eruditissimo Virq

D. SAMVELI SORBERIO,

Doctori Medico S. D.

M A R I N V S M E R S E N N V S M.

EN audio, doctissime Sorberi, tecum illud egregium opus de CIVE, incomparabilis viri D. H O B B I I, te Hagam Comitum, hoc est, ingentem thesaurum literarium tulisse, novis auctum cogitationibus, quæ singulis difficultatibus satisfaciunt, planum iter exhibeant. Vide igitur, ut quis egregius Typographus librum illum aureum, gemmis auctum & ornatum, in lucem edat, neque diutius patiaris eum à nobis desiderari. Sed & autorem pro viribus urgeas, ne totum corpus philosophicum, quod mente premit, & calamo explicat, deinceps arcâ, (nobis fatali) concludat, ne tandem nos ad auctoritatem regiam provocare cogat, quâ ipsius arcam invidiam effringamus. Quantâ autem voluptate à nobis afficeris, quando videris nobilem illam Philosophiam, non minus quàm Euclidis Elementa demonstrari! quàm libenter illi tuæ Epochæ, & Scepticis næniis renuntiaturus es, cum dogmaticam firmissimis innixam fulcris fateri cogêris! Vale. Vbi verò D. Rivetum, ubi Hugenum mirabilem virum videris, millies eos meo nomine salutes velim, meque tui credas memorem & obsequentem. Aureliæ, xxv April. c1515 c XLVI.

I N D E X C A P I T U M,

Sub titulo

L I B E R T A T I S.

C A P. L

D	E Hominum statum extra societatem.	pag. 1
II	De Lege Naturæ circa contractus.	8
III	De Legibus naturæ reliquis.	16
IV	Quod Lex naturalis, est lex divina.	28

Sub titulo

I M P E R I I

C A P. V.

D	E causis & generatione Civitatis.	34
VI	De Iure ejus sive Concilii, sive Hominis unius, qui in Civitate cum summa potestate est.	38
VII	De tribus Civitatum speciebus, Democratia, Aristocratia, Monarchia.	51
VIII	De Iure Dominorum in servos.	60
IX	De Iure parentum in liberos, & de Regno Patrimoniali.	63
X	Specierum trium Civitatis, quoad incommoda singularum, comparatio.	69
XI	Loca & Exempla Scripturæ sacræ de Iure Regni, quæ secunda videntur antedictis.	78
XII	De causis internis Civitatem dissolventibus.	82
XIII	De officiis eorum qui summum Imperium administrant.	90
XIV	De legibus & peccatis.	99

Sub titulo

R E L I G I O N I S.

C A P. XV.

D	E Regno Dei per Naturam.	110
XV	De Regno Dei per Pactum vetus.	123
XVII	De Regno Dei per Pactum novum.	136
XVIII	De Necessariis ad introitum in Regnum Cælorum.	162


E L E-

E L E M E N T A P H I L O S O P H I C A , D E C I V E . L I B E R T A S .

C A P V T I .

De statu hominum extra Societatem civilem.

- I. *Introductio.* II. Societatis civilis initium esse à mutuo metu. III. Homines naturā æquales inter se esse. IV. Unde nascitur mutuo se lædendi voluntas. V. Discordia à comparatione ingeniorum. VI. Ab appetitu plerumque ad eandem rem. VII. Definitio iuris. VIII. Ius ad finem, dicitur Ius ad media necessaria. IX. Iure naturali, unumquemque iudicem esse mediorum ad sui conservationem. X. Iure naturali omnia esse communia. XI. Ius omnium ad omnia inutile esse. XII. Statum hominum extra Societatem bellum esse. Belli & Pacis definitiones. XIII. Bellum conservationis hominum adversum esse. XIV. Iure naturali licere cuique, alium in sua potestate existentem cogere ad cautionem præstandam futuræ obedientiæ. XV. Naturam dicere, quærendam esse pacem.

I.  *Introductio.* Aturæ humanæ facultates ad quatuor genera reduci possunt, Vim corpoream, Experientiam, Rationem, Affectum. Ab his sequentis doctrinæ initium capientes dicemus primo loco, quid animi habeant homines illis facultatibus præditi, alteri adversus alteros : & an, & qua facultate, apti hant sint ad societatem, & ad conservandum se adversus mutuam vim : deinde progredientes, quid consilii in eam rem necessariò capiendum fuit, & quæ sint societatis sive Pacis humanæ conditiones, hoc est, mutato tantum nomine, quæ sint naturæ leges fundamentales, ostendemus.

II. Eorum qui de Rebus publicis aliquid conscripserunt, maxima pars vel supponunt, vel petunt, vel postulant, Hominem esse animal (*) aptum natum ad Societatem, Græci dicunt Ζῷον πολιτικόν, *Societati civilis initium esse à mutuo metu.*
El. Phil. sect. 3. C C C ἦεν ,

* Aptum natum] Cum Societatem inter homines ætenu jam constitutam ; cum extra Societatem vivere neminem ; cum appetere congressum & colloquia mutua omnes videntur.

xv, eoque fundamento ita superædificant doctrinam civilem, tanquam ad conservationem pacis, & totius generis humani regimen, nihil aliud opus esset, quam ut homines in pacta & conditiones quasdam, quas ipsi jam tum leges appellant, consentirent. Quod Axioma, quamquam à plurimis receptum, falsum tamen; errorque à nimis levi naturæ humanæ contemplatione profectus est. Causas enim, quibus homines congregantur, & societate mutuâ gaudent, penitus inspectantibus, facile constabit, non ideo id fieri, quod aliter fieri naturâ non possit, sed ex accidehte. Nam si homo hominem amaret naturaliter, id est, ut hominem; nulla ratio reddi posset, quare unusquisque unumquemque non æquè amaret, ut æquè hominem; aut cur eos frequentaret potius, in quorum societate ipsi potius quam aliis desertur honor & utilitas. Non socios igitur, sed ab illis honore vel commodo affici, naturâ quarimus; hæc primariò, illos secundariò appetimus. Quo autem consilio homines congregentur, ex iis cognoscitur quæ faciunt congregati. Si coëant enim commercii causâ, unusquisque non socium, sed rem suam colit. Si officii causâ, nascitur forensis quædam amicitia, plus habens mutui metûs quam amoris; unde factio aliquando nascitur, sed benevolentia nunquam. Si animi & hilaritatis causâ; solet maxime perplacere sibi unusquisque iis rebus, quæ risum excitant, unde possit, (prout est natura ridiculi) comparatione turpitudinis vel infirmitatis alienæ, ipse sibi commendatior evadere. Etiam si autem hoc innocuum aliquando & sine offensâ fit; manifestum tamen est,

videamus; mira quædam videri potest stupiditas in ipso doctrina civilis limine, hujusmodi offendiculum legentibus opponere: Hominem ad Societatem aptum natum non esse. Itaque explicatius dicendum est: Verum quidem esse, homini per naturam, siue quatenus est homo, id est, statim atque est natus, solitudinem perpetuam molestam esse. Nam infantes ad vivendum, adulti ad bene vivendum aliorum ope indigent. Itaque homines alterum alterius congressum natura cogente appetere non nego. Societates autem civiles non sunt meri congressus, sed Federa, quibus faciendis fides & pacta necessaria sunt. Horum, ab infantibus quidem & indoctis, Vix; ab iis autem qui damnorum à defectu Societatis inexpertis sunt, Utilitas ignoratur: unde fit ut illi, quia quid sit Societas non intelligunt, eam inire non possint; hi quia nesciunt quid prodest, non curent. Manifestum ergo est, omnes homines (cum sint nati infantes) ad societatem ineptor natos esse: per multos etiam (fortasse plurimos) vel morbo animi, vel defectu disciplina, per omnem vitam ineptos manere. Habent tamen illi tam infantes quam adulti naturam humanam. Ad Societatem ergo homo aptus, non naturâ, sed disciplinâ factus est. Porro tametsi ea conditione natus esset homo ut societatem appetere, non sequitur eundem ita natum esse ut societati inunda sit idoneus. Alia res est appetere, alia capacem esse. Appetunt enim illi, qui tamen conditiones aquas, sine quibus societas esse non potest, accipere per superbiam non dignantur.

est, delectari eos non prius societate quam gloriâ suâ. Cæterum plerumque in hujusmodi congressibus læduntur absentes, eorum tota vita, dicta, facta, examinantur, judicantur, condemnantur, & dictariis traduntur; neque parcitur ipsismet confabulantibus, quin idem patiantur simul atque è confessu exierint; adeo ut non absurdum fuerit consilium ejus, qui à scena confabulantium exire novissimus solebat. Atque hæ veræ sunt deliciæ societatis, ad quas naturâ, id est, ab affectibus omni animanti insitis ferimur, donec nocumentis vel præceptis fiat (quod in multis nunquam fit) ut appetitus præsentium, memoriâ præteritorum retundatur: sine quibus plurimorum hominum in materiâ hac facundissimorum, frigida & jejuna est oratio. Quod si accidat confidentes historiolas narrare, unus autem eorum de se aliquam proferat, unusquisque cæterorum cupidissimè quoque de se loquitur: si unus mirabile aliquod narret, cæteri miracula, si habent, referunt; si non habent, fingunt. Denique ut loquar de iis qui profitentur præ cæteris sapere, si Philosophiæ gratia coëatur, quot homines, tot sunt qui cæteros docent, nempe tot volunt Magistri haberi; alioqui socios non modo, ut alii, non se amant mutuo, sed odio prosequuntur. Clarum adeo est experientiâ omnibus, qui res humanas paulo attentius considerant, quod congressus omnis spontaneus vel egestate mutuâ conciliatur, vel captandâ gloriâ: unde referre student congregientes vel commodum aliquod, vel illud *ἑδονικόν*, existimationem & honorem apud socios. Idem quoque ratione colligitur ex ipsis definitionibus *Voluntatis, Boni, Honoris, Utilis*. Cum enim societas voluntariò contrahatur, in omni societate quæritur voluntatis Objectum, hoc est, id quod videtur unicuique congregientium Bonum sibi. Quicquid autem videtur Bonum, jucundum est, pertinetque ad organa, vel ad animum. Animi autem voluptas omnis, vel gloria est, (sive bene opinari de se ipso) vel ad gloriam ultimò refertur; cætera sensualia sunt, vel ad sensuale conducentia, quæ omnia commodorum nomine comprehendi possunt. Omnis igitur societas vel commodi causâ, vel gloriæ, hoc est, sui, non sociorum amore contrahitur. Gloriæ autem studio nulla iniri neque multorum hominum, neque multi temporis, societas potest; propterea quod gloriatio, sicut & honor, si omnibus adsit, nulli adest; quippe quæ comparatione & præcellentiâ constant: neque ut quis causam gloriandi in se habeat, adjumentum ullum accedit ex aliorum societate. Tanti enim quisque est, quantum sine aliorum ope ipse potest. Quamquam autem comoda hujus vitæ augeri mutuâ ope possunt, cum tamen id

fieri multo magis dominio possit quàm societate aliorum nemini dubium esse debet, quin avidius ferentur homines natura sua, si metus abesset, ad dominationem, quam ad societatem. Statuendum igitur est, originem magnarum & diuturnarum societatum non à mutua hominum benevolentia, sed à mutuo (*) metu existisse.

Homines natura aequales esse inter se.

III. Causa metûs mutui consistit, partim in naturali hominum æqualitate, partim in mutua lædendi voluntate. Ex quo fit, ut neque ab aliis expectare, neque nobismet ipsis securitatem præstare valeamus. Si spectemus enim maturos homines, atque animadvertamus, quàm fragilis sit compages humani corporis: (quo ruente, corruit omnis ejus vis, robur, & sapientia) quamque facile sit infirmissimo cuique robustiorem occidere: non est quod quis viribus fidens superiorem se aliis factum putet à natura. Æquales sunt, qui æqualia contra se invicem possunt. At qui maxima possunt, nimirum occidere, æqualia possunt. Sunt igitur omnes homines naturâ inter se æquales. Inæqualitas quæ nunc est, à lege civili introducta est.

Vnde nascitur mutuo se lædendi voluntas.

I V. Voluntas lædendi omnibus quidem inest in statu naturæ, sed non ab eadem causa, neque æquè culpanda. Alius enim secundum æqualitatem naturalem permittit cæteris eadem omnia, quæ sibi: (quod modesti hominis est, & vires suas rectè æstimantis.) Alius superiorem se aliis existimans, omnia licere sibi soli vult, & præ cæteris honorem sibi arrogat; (quod ingenii ferocis est.) Huic igitur voluntas lædendi est ab inani gloria & falsa virium æstimatione; Illi ex necessitate res suas & libertatem contra hunc defendendi.

Discordia à comparatione ingeniorum.

V. Præterea cum maximum sit certamen ingeniorum, necesse est oriri ex ea contentione maximas discordias. Etenim non modo contra contendere, sed etiam hoc ipsum non consentire, odiosum est. Nam non consentire alicui in re aliqua, est eum erroris in ea re tacitè accu-

accu-

Annotatio.

* A mutuo metu] Objectum est. Tantum abesse, ut homines in societatem civilem coalescere propter metum possent, ut si mutuo se metuisissent, ne consensum quidem mutuum ferre potuissent. Sentiant, opinor, nihil aliud esse metuere, præterquam perterreris. Ego ea voce futuri mali prospectum quemlibet comprehendo. Neque solum fugam, sed etiam diffidere, suspicari, cavere, ne metuant providere, metuentium esse judico. Qui dormitum eunt, fores claudunt; qui iter facit, cum telo est, quia metunt latrones. Civitates fines suos præditiis, urbes moenibus, tueri solent, metu vicinarum civitatum, etiam fortissimi exercitus, comparatique ad pugnam, de pace tamen colloquia habent aliquando, metuentes vim mutuatam, & ne vincantur. Per metum est quod homines sibi cavent: fugâ quidem & latebris, si caveri aliter posse non putant: sapissime verò armis atque instrumentis defensionis, quo fit, ut prodire audentes, alter alterius cognoscere ingenium possit; Tunc autem, sive pugnant, ex victoriâ; sive consentiunt, ex consensione civitas nasci solet.

accusare, sicut in valde multis dissentire, idem est, atque pro stulto eum habere; quod ex eo apparere potest, quòd nulla acrius gerantur bella quàm inter ejusdem religionis sectas, & ejusdem reipublicæ factiones, ubi certamen est vel de doctrinis, vel de prudentia politica. Cumque omnis animi voluptas omnisque alacritas in eo sita sit, quod quis habeat, quibuscum conferens se possit magnificè sentire de se ipso; impossibile est quin odium & contemtrum mutuum ostendant aliquando vel risu, vel verbis, vel gestu, vel aliquo signo; qua quidem nulla major animi est molestia, neque ex qua lædendi libido major oriri solet.

VI. Frequentissima autem causa, quare homines se mutuo lædere cupiunt, ex eo nascitur, quod multi simul eandem rem appetant, quā tamen sæpiissime neque frui communiter, nec eam dividere possunt; unde sequitur, fortiori dandam esse: quis autem fortior sit, pugna judicandum est.

Ab appetitu plurium ad eandem rem.

VII. Inter tot pericula igitur, quæ quotidie à cupiditate hominum naturali unicuique eorum intenduntur, cavere sibi adeo vituperandum non est, ut aliter velle facere non possimus. Fertur enim unusquisque ad appetitionem ejus quod sibi bonum, & ad fugam ejus quod sibi malum est, maximè autem maximi malorum naturalium, quæ est mors; idque necessitate quadam naturæ non minore, quam quā fertur lapis deorsum. Non igitur absurdum neque reprehendendum, neque contra rectam rationem est, si quis omnem operam det, ut à morte & doloribus proprium corpus & membra defendat conservetque. Quod autem contra rectam rationem non est, id justè & *Iure* factum omnes dicunt. Neque enim *Iuris* nomine aliud significatur quam libertas, quam quisque habet facultatibus naturalibus secundum rectam rationem utendi. Itaque *Iuris* naturalis fundamentum primum est, ut *quisque vitam & membra sua quantum potest teneatur*.

Definitio Iuris & Iure facti.

VIII. Quoniam autem *jus* ad finem frustra habet cui *jus* ad media necessaria denegatur, consequens est, cum unusquisque se conservandi *jus* habeat, ut unusquisque *jus* etiam habeat *utendi omnibus mediis, & agendi omnem actionem, sine qua conservare se non potest*.

Ius ad finem, das jus ad media necessaria.

IX. Utrum autem media quibus usus quispiam est, & actio quam acturus est, ad conservationem vitæ vel membrorum suorum necessaria sint necne, ipse jure naturali *judex* est. Si enim contra rectam rationem sit, ut de proprio periculo ipse judicem, judicet alius. Quoniam ergo alius judicat de iis rebus quæ ad me spectant, eadem ratione, quia æquales naturâ sumus, judicabo ego de iis rebus quæ ad ipsum

Iure naturalis unusquisque judicem esse mediatorum ad sui conservationem.

ipsum spectant. Itaque rectæ rationis, hoc est, juris naturalis est, ut ego de illius judicem sententiâ, scilicet an ad conservationem meam conducatur, necne.

Jure naturali omnia esse omnium.

X. Natura dedit *unicuique jus in omnia*. (Hoc est, in statu (*) merè naturali, sive antequam homines ullis pactis sese invicem obstrinxissent, unicuique licebat facere quæcunque & in quoscunque libebat, & possidere, uti frui omnibus quæ volebat & poterat.) Quoniam enim, quæcunque quis voluerit, ided bona sibi videntur quia ea vult, possuntque vel conducere ad sui conservationem, vel saltem conducere videri: (judicem autem an verè conducant necne, præcedente articulo ipsum constituimus, ita ut habenda sint pro necessariis, quæ ipse talia judicat:) & per articulum 7 *jure naturæ* fiunt & habentur, quæ necessario conducunt ad tuitionem propriæ vitæ & membrorum: sequitur, omnia habere & facere in statu naturæ omnibus licere. Et hoc est quod vulgo dicitur, *Natura dedit omnia omnibus*. Ex quo etiam intelligitur, in statu naturæ *Mensuram juris* esse Utilitatem.

Jus omnium ad omnia inutile esse.

XI. Minime autem utile hominibus fuit, quod hujusmodi habuerit *in omnia jus* commune. Nam effectus ejus *juris* idem penè est, acsi nullum omnino *jus* exstiterit. Quamquam enim quis de re omni poterat dicere, *hoc meum est*; frui tamen eâ non poterat propter vicinum, qui æquali *jure* & æquali vi prætendebat idem esse suum.

Statum hominum extra societatem bellum esse.

XII. Ad naturalem hominum proclivitatem ad se mutuo lacescendum, quam ab effectibus, præsertim vero ab inani sui æstimatione deri-

Annotatio.

* In statu merè naturali &c.] Hoc ita intelligendum est, quod quis fecerit in statu merè naturali, id injurium homini quidem nemini esse. Non quod in tali statu peccare in Deum, aut Leges Naturales violare impossibile sit. Nam injustitia erga homines supponit Leges Humanas, quales in statu naturali nulla sunt. Propositionis autem sic intellecta veritas ex articulis immediatis præcedentibus Lectori memori sibi demonstrata est. Sed quia in quibusdam casibus conclusionis duritiam, præmissarum memoriam expellit, contrahere argumentum volo, unoque intuitu oculis conspiciendum subijcere. Unicuique jus est se conservandi, per Art. 7. Eidem ergo jus est, omnibus uti mediis ad eum finem necessariis, per Art. 8. Media autem necessaria sunt, quæ ipse talia esse judicabit, per Art. 9. Eidem ergo jus est omnia facere & possidere, quæ ipse ad sui conservationem necessaria esse judicabit. Ipsius ergo facientis iudicio id quod fit, jure fit, vel injuria, itaque jure fit. Verum ergo est in statu merè naturali, &c. Quod si quis ad sui conservationem pertinere præsumit, quod ne ipse quidem pertinere putat, peccare potest contra Leges Naturales; ut capite tertio suis explicatum est. Objectum est à quibusdam: Si filius patrem interfecerit, utrum patri injuriam non fecerit. Respondi; Filium in statu naturali, intelligi non posse, ut qui simul atque natus est, in potestate & sub imperio est ejus cui debet conservationem sui: scilicet, Matris, vel Patris, vel ejus qui præbet ipsi alimenta; ut capite nono demonstratum est.

derivant, si addas jam jus omnium in omnia, quo alter *jure* invadit, alter *jure* resistit, atque ex quo oriuntur omnium adversus omnes perpetuæ suspiciones & studium, & quam difficile sit præcavere hostes parvo numero & apparatu, cum animo nos prævertendi opprimendique invadentes, negari non potest, quin status hominum naturalis antequam in societatem coiretur, Bellum fuerit; neque hoc simpliciter, sed bellum omnium in omnes. *BELLVM* enim quid est, præter tempus illud in quo voluntas certandi per vim verbis factisve satis declaratur? Tempus reliquum *PAX* vocatur.

Belli & Pacis definitiones.

XIII. Sempiternum autem *Bellum* quam parum idonea res sit ad conservationem vel humani generis, vel uniuscujuscumque hominis, facile judicatur. At suâ naturâ sempiternum est, quod præcertantium æqualitate victoriâ nullâ potest finire; in eo enim ipsis victoribus periculum semper aded imminet, ut pro miraculo haberi debeat, si quis, quamquam fortissimus, annis & senectute conficiendus sit. Exemplum huic rei sæculum præfens Americanos exhibet; sæcula antiqua cæteras gentes, nunc quidem civiles florentesque, tunc verò paucos, feros, brevis ævi, pauperes, fœdos, omni eo vitæ solatio atque ornatu carentes, quem *pax* & societas ministrare solent. Quicumque igitur manendum in eo statu censuerit, in quo omnia liceant omnibus, contradicit sibi ipse. Nam unusquisque naturali necessitate bonum sibi appetit, neque est quisquam qui *bellum* istud omnium contra omnes, quod tali statui naturaliter adhæret, sibi existimat esse bonum. Atque ita evenit, ut mutuo metu, è tali statu exeundum & quærendos socios putemus; ut si *bellum* habendum sit, non sit tamen contra omnes, nec sine auxiliis.

Bellum conservatio hominum adversum esse.

XIV. Quærentur socii vel vi, vel consensu: vi, quando pugna victor victum servire sibi cogit metu mortis, vel vinculis inditis; consensu, quando societas initur mutuæ opis causa, consentiente utraque parte sine vi. Potest autem victor victum, vel fortior debiliorem (ut sanus & robustus infirmum, vel maturus infantem) ad præstandam cautionem futuræ obedientiæ, ni velit potius mori, *jure* cogere. Cum enim *jus* protegendum nosmet ipsos nostro arbitrio à periculo nostro, atque periculum ab æqualitate profectum sit, magis rationi consentaneum est, certiusque ad conservationem nostram, utendo præfenti commodo comparare nobis ipsis securitatem quæsitam, accepta cautione, quam cum adoleverint, convulnerint, & è nostra potestate se receperint, eandem dubio certamine postea repetere conari. Contrâque, absurdus cogitari nihil potest, quam ut quem debilem in potestate tenes, cum amittendo, fortem

Jure naturali licere cuique alium in sua potestate existentem cogere ad cautionem præstandam futuræ obedientiæ.

fortem simul & hostem facias. Ex quo intelligitur etiam, tanquam collarium, in statu hominum naturali, *potentiam certam & irresistibilem, jus conferre regendi, imperandique in eos, qui resistere non possunt*; adeo ut omnipotentiae, ab eâ causâ, omnium rerum agendarum jus essentialiter & immediatè adhæreat.

*Naturam
dictare, qua-
rendam esse
pacem.*

XV. Propter tamen æqualitatem illam virium, cæterarumque facultatum humanarum hominibus in statu naturæ, hoc est, in statu belli constitutis, conservatio sui diuturna expectari non potest. *Quare querendam esse pacem, quatenus habendæ ejus spes aliqua assulserit; ubi haberi ea non potest, querenda esse belli auxilia, rectæ rationis dictamen est*; hoc est, *lex naturæ*, ut proximè ostendetur.

CAPUT II.

De lege Naturæ circa contractus.

- i. Legem naturalem non esse consensum hominum, sed dictamen rationis. ii. Legem naturæ fundamentalem esse, Quærendam esse Pacem, si haberi potest; si haberi non potest, defensionem. iii. Lex naturæ specialis prima, Jus in omnia non esse retinendum. iv. *Quid sit jus relinquere, quid transferre.* v. *Ad translationem Juris necessariam esse voluntatem acceptantis.* vi. *Verba non transferunt Jus, nisi de præsentis.* vii. *Verba de futuro, si alia signa voluntatis adsint, valere ad Jus transferendum.* viii. *In libera donatione, Verbis de futuro Jus non transit.* ix. *Definitio Contractus & Pacti.* x. *In Pactis transit Jus per verba de futuro.* xi. *Pacta mutuae fidei, in statu naturæ frustra & invalida sunt; in civitate non item.* xii. *Pacisci cum bellis neminem posse; neque cum Deo, sine revelatione.* xiii. *Neque Deo vovete.* xiv. *Pacta ultra summum conatum non obligant.* xv. *Quibus modis Pactis liberemur.* xvi. *Promissa metum mortis extorta in statu naturæ valida esse.* xvii. *Pactum posterius priori contradictorium, invalidum est.* xviii. *Pactum de non resistendo inferenti damnum corporis, invalidum est.* xix. *Pactum de se accusando invalidum est.* xx. *Jurisjurandi definitio.* xxi. *Jusjurandum concipiendum esse ea formula, qua utitur is qui accipit.* xxii. *Jusjurandum nihil superaddit obligationi, quæ est ex Pacto.* xxviii. *Iuramentum non exigendum, nisi ubi pactorum violatio vel latere potest, vel non potest puniri nisi à Deo.*

*Legem Na-
turalem non
esse consen-*

- I. DE definitione legis Naturalis non consentiunt autores; qui eâ voce frequentissimè tamen in scriptis suis usi sunt. Methodus scilicet

scilicet qua incipitur à definitionibus & exclusionem æquivoci, propria eorum est qui locum contra disputandi non relinquunt. Cæterorum si quis quid factum dicat contra legem naturalem, ex eo probat alius, quod contra consensum factum sit omnium, vel sapientissimarum, vel eruditissimarum gentium. Quis autem de sapientiâ, eruditione, & moribus omnium gentium judicabit, id minime docet. Alius, quod factum sit contra consensum totius generis humani. Quæ definitio nullo modo recipienda est; alioquin enim impossibile esset cuicumque, exceptis infantibus, & mente captis, contra talem legem peccare. Nam voce illa *genus Humanum* comprehendunt certe omnes homines ratione actu utentes. Illi igitur contra eam vel non faciunt, vel faciunt non consentientes, ideoque excusandi sunt. Naturæ autem leges ab eorum consensu recipere, qui eas violant sæpius quàm observant, sane iniquum est. Præterea homines eadem in aliis tamnant, in se ipsis probant; contra publicè laudant, quod secretò pernunt, & consuetudine audiendi, non propria speculatione sententiam ferunt, consentiuntque odio, metu, spe, amore, vel aliqua illa animi perturbatione magis, quàm ratione. Ideoque non raro accidit totos populos summo consensu & contentione ea agere, quæ scriptores illi contra *legem esse naturalem* libentissimè confitentur. Sed tum concedant omnes, *jure fieri*, quod non fit contra rectam Rationem, *injuriâ* factum censere debemus, quod rectæ rationi repugnat, hoc est, quod contradicit alicui veritati à veris principiis rectè ratiocinando collectæ.) Quod autem *injuria* factum est, contra *legem* aliquam fieri dicimus. Est igitur *lex* quædam *recta Ratio*, quæ (cum non minùs sit pars naturæ humanæ, quàm quælibet alia facultas vel affectus animi) naturalis quoque dicitur. Est igitur *lex naturalis*, ut iam definiam, Dictamen rectæ (*) rationis circa ea, quæ agenda vel

sum hominum, sed dictamen rationis.

El. Phil. sect. 3.

DDD

omit-

* Rectæ rationis] Per Rectam rationem, in statu hominum naturali, intelligo, non ut multis Facultatem infallibilem, sed ratiocinandi actum, id est, Ratiocinationem uniuscujusque propriam, & veram circa actiones suas, qua in utilitatem, vel damnum cæcerorum hominum redundare possint. Propriam dico, quia quamquam in Civitate, usus Civitatis ratio (hoc est, Lex civilis) à singulis civibus pro recta habenda sit; tamen extra Civitatem, ubi rectam rationem à falsa dignoscere nisi comparatione factum sua nemo potest, sua cujusque ratio non modo pro actionum propriarum, qua suo periculo sunt, regulâ, sed etiam in suis rebus pro rationis aliena mensurâ censenda est. Veram dico, id est, ex veris principiis rectè compositis concludentem. Propterea quod & ratiocinatione falsâ, sive in stultitia hominum, officia sua erga ceteros homines ad conservationem propriam necessaria non videntium, omnis consistit Legum Naturalium violatio. Principia autem rectæ Ratiocinationis circa ejusmodi officia, ea sunt quæ Capituli primi articulis 2, 3, 4, 5, 6, & 7, explicata sunt.

Annotatio.

omittenda sunt ad vitæ membrorumque conservationem, quantum fieri potest, diuturnam.

*Legem natura-
ra fundamen-
talem
esse, quæ-
rendam esse
pacem si
haberi po-
test: si haberi
non potest,
defensionem.*

II. Prima autem & fundamentalis *lex naturæ est, quærendam esse pacem ubi haberi potest; ubi non potest, quærendam esse belli auxilia.* Ostendimus enim articulo ultimo præcedentis capitis, præceptum hoc dictamen esse rectæ rationis. Esse autem dictamina rectæ rationis leges naturales, id proximè supra definitum est. Prima autem est, quia cæteræ sunt ab hac derivatæ, præcipiuntque vias vel pacis vel defensionis acquirendæ.

*Lex natura
specialis pri-
ma: Ius in
omnia non
esse retinen-
dum.*

III. *Legum autem Naturalium à fundamentalis illà derivatarum una est, Ius omnium in omnia retinendum non esse, sed jura quædam transfe-
renda, vel relinquenda esse.* Nam si retineret unusquisque suum *jus in omnia*, necesse est sequi ut *jure* alii invaderent, alii defenderent. (quisque enim & corpus suum, & ea quæ corpori tuendo necessaria sunt, necessitate naturæ conatur defendere.) *Bellum* ergo sequeretur. Facit itaque contra rationes pacis, hoc est, contra *legem naturæ*, si quis de *jure suo in omnia* non decedat.

*Quid sit de-
cedere de ju-
re suo: quid,
aliud trans-
ferre.*

IV. *Decedere autem de jure suo* dicitur, qui juri suo vel simpliciter renunciat, vel in alium transfert. *Simpliciter renunciat*, qui signo vel signis idoneis declarat, velle se non licitum sibi amplius fore certum aliquid facere, quod *jure* antè fecisse poterat. *Transfert* autem in alterum, qui signo vel signis idoneis illi alteri, id *juris* volenti ab eo accipere, declarat velle se, non licitum sibi amplius fore ipsi resistere certum aliquid agenti, prout ei resistere *jure* antea poterat. *Juris autem translationem* in solâ non resistantiâ consistere, ex eo intelligitur, quod ante *juris translationem*, is in quem transfertur, jus habebat jam tum in omnia; unde novum *jus* dare non potuit, sed iusta transferentis resistantiâ, propter quam *jure* suo alter frui non potuit, extinguitur. Quicunque igitur *jus* acquirit in statu hominum naturali, id agit tantum ut securè & sine justâ molestiâ *jure* suo *primævo* frui possit. Exempli causâ, si quis fundum suum alteri vel venum vel dono dederit, sibi soli *jus* in eum fundum, non aliis item, adimit.

*Ad transla-
tionem juris
necessariam
esse volunta-
tem accep-
tantis.*

V. Requiritur autem ad *juris translationem* voluntas non modo transferentis, sed etiam acceptantis. Si utraque absit, *jus* manet. Non enim si quod meum est accipere recusanti dare voluerim, propterea simpliciter juri meo renunciavi, siue ad quemlibet id transiit. Nam causa propter quam uni dare volui, in eo uno est, in cæteris non item.

*Verba non
transferunt
nisi de præ-
senti.*

VI. Voluntatis autem in jure vel relinquendo, vel transferendo, si signa nulla alia extiterint præter verba, verba ea de *præsenti* vel *præterito* esse oportet. Nam si de *future* sunt, nihil transferunt. Qui enim, exempli

exempli causâ, de futuro sic dicit, *cras dabo*, apertè significat se non dedisse. Toto itaque hodie jus immotum est, manetque etiam crastino die, nisi interea actu dederit. Quod enim meum est, meum manet, nisi post dederim. Quod si *de præsentis* loquar, puta hoc modo, *do*, vel *tedis*, habendum cras, illis verbis significatur, me dedisse, & jus habentem *cras*, transulisse *hodie*.

VII. Veruntamen, quoniam verba sola ad voluntatis declarationem signa sufficientia non sunt verba de futuro, si alia adsint signa voluntatis, valere possunt, tanquam dicta essent de præsentis. Siquidem enim propter alia signa constiterit, ipsum de futuro loquentem velle valere verba sua ad perfectam *juris sui translationem*, valere debent. Dependet enim *juris translatio*, non à verbis; sed, ut dictum est articulo 4. hujus capituli, à declaratione voluntatis.

VIII. Si quis jus aliquod suum ad alterum transferat, neque id faciat propter bonum mutuo acceptum, vel propter pactum; ejusmodi translatio *Donum* vocatur, live *Donatio libera*. In donatione autem liberâ, obligant ea verba sola, quæ *de præsentis* sunt, vel *de præteritis*. Nam si *de futuro* sint, non obligant *ut verba*, propter rationem articulo proximè superiore adductam. Oportet igitur ut ab aliis signis voluntatis nascatur obligatio. Quoniam autem quicquid fit *voluntatis*, propter bonum aliquod fit *volentis*, nullum signum voluntatis dandi assignari potest, præter aliquod *bonum* tali donatione acquisitum, vel acquirendum. Supponitur autem, nullum tale *bonum* acquisitum esse, neque pactum existere; quia sic non esset *donatio libera*. Restat igitur ut *bonum mutuum* sine pacto expectandum sit. Signum autem nullum dari potest, quare is qui verbis de futuro usus est, adversus eum qui ad mutuum beneficium non teneretur, sic vellet verba ejus intelligi, ut obligaretur ipse. Neque rationis est, ut qui aliis faciliè bene volunt, omni promissio præsentem affectum testante obligentur. Et propterea promissio talis deliberare intelligendus est, & mutare affectum posse, quemadmodum & is cui promittitur, mutare meritum potest. Qui liberat autem, & tenuis liber est; neque donasse dicitur. Quod si promittat sæpe, donet autem raro, levitatis condemnari debet, nec vocari Donans, sed *Dofon*.

IX. Duorum autem, vel plurium *jura* sua mutuo *transferentium* actio vocatur *CONTRACTUS*. In omni autem contractu, vel iterque statim præstat id de quo contractum est, ita ut alter alteri nihil concedat; vel alter præstat, alteri creditur; vel neuter præstat. Ubi uterque statim præstat, ibi *contractus* simul ac præstitum est, finitur. Ubi verò vel alteri vel utrique creditur, ibi is cui creditur,

Verba de futuro, si alia signa voluntatis adsint, valere ad jus transferendum.

In libera donatione, verbi de futuro jus non transferunt.

Definitio contractus & pacti.

promittit se præstiturum postea, appellaturque hujusmodi promissum **PACTUM**.

*In pactum
transit jus
per verba
de futuro.*

X. *Pactum* autem quod fit ab eo, cui creditur, cum eo qui jam præstitit, etiam si promissio facta sit verbis de futuro, non minus futuri temporis *jus* transfert, quam si facta esset verbis de præsentis vel præterito. Præstatio enim signum manifestissimum est, eum qui præstitit, ita intellexisse orationem alterius cui credebatur, tanquam volentis præstare condicto tempore; eoque signo cognovit is, sic se intelligi; quod quia non correxit, voluit fieri. *Promissa* igitur quæ fiunt propter *bonum* acceptum (quæ & pacta sunt) signa sunt voluntatis, hoc est, ultimi actûs deliberandi, quo libertas non præstandi tollitur, & per consequens sunt obligatoria. Ubi enim libertas definit, ibi incipit obligatio.

*Pacta mutua
fidei, in statu
naturæ, frus-
tra & in-
valida sunt,
in civitate
non item.*

XI. Pacta autem quæ fiunt in contractu ubi fides mutua est, neutro quicquam statim præstante, in statu naturæ, si justus ex utraque parte metus (*) oriatur, sunt invalida. Nam qui prior præstat, propter pravum ingenium maximæ partis hominum, commodo suo jure & injuriâ juxta studentium, cupidini se prodat illius quicum contrahit. Rationis enim non est, ut aliquis præstet prior, si verisimile non sit, alterum esse præstiturum potest. Quod utrum verisimile sit necne, is qui metuit, judicabit: ut ostensum est capite præcedente, articulo 9. Hæc, inquam, ita se habent, in statu naturali. Cæterum in statu civili, ubi est qui utrumque cogere potest, is qui per contractum prior est ad præstandum, prior præstare debet; quoniam cum alter cogi potest, cessat ratio, propter quam, ne non præstaret, metuebat.

*Pacisci cum
bellum nemini
posse:
neque cum
Deo, sine
revelatione.*

XII. Ex eo autem, quod in omni *donatione*, & *pactis* omnibus, requiritur acceptatio *juris* quod transfertur, sequitur *pacisci* neminem posse cum eo, qui acceptationem illam non significat. Neque igitur *pacisci* cum belluis, neque jus ullum illis tribuere aut auferre possumus, propter defectum sermonis & intellectus. Neque *pacta* inire quisquam cum divinâ majestate potest, neque illi *voto* obligari, nisi quatenus visum illi est per scripturas sacras substituere sibi aliquos homines, qui auctoritatem habeant, *vota* & *pacta* ejusmodi expendendi & acceptandi, tanquam illius vicem gerentes.

*Neque Deo
vovetur.*

XIII. Qui igitur in statu naturæ constituti sunt, ubi nullâ tenentur lege civili, (nisi illis certissima revelatione voluntas Dei, *votum* vel *pactum*

Annotatio.

* Oriatur, &c.] Nam nisi causa metus nova existat, ex facto, vel alio signo voluntas non præstandi à parte alterâ, metus justus censeri non potest. Causa enim qua impedire non poterat, quoniam pacisceretur, impedire non debet, quin pactum præstet.

pactum suum accipientis, cognita sit.) frustra vovent. Siquidem enim id quod *vovent*, contra legem naturæ sit, non tenentur *voire*; quia illicitum præstare tenetur nemo; si verò id quod vovent, lege aliqua naturæ præceptum sit, *non voire*, sed ipsa tenentur *lege*; si liberum ante *voitum* sit, facere vel non facere, libertas manet; propterea quod, ut obligemur *voire*, requiritur voluntas obligantis aperte significata, quæ in casu proposito supponitur non haberi. *Obligantem* autem voco illum, cui aliquis tenetur vel obligatur: *obligatum* verò eum, qui tenetur.

XIV. Pacta fiunt de actionibus illis solis, quæ cadunt sub deliberationem. Pactio enim non fit sine voluntate paciscentis. Voluntas autem ultimus actus est deliberantis. *Sunt ergo de possibilibus tantum, & futuris.* Nemo igitur *pacto* suo obligat se ad impossibile. Quoniam autem paciscimur sæpissimè eas res, quæ possibiles tum videntur cum promittimus, quas tamen post constare esse impossibiles, non ideo omni obligatione liberamur. Ratio cujus rei ea est, quod is qui futurum incertum promittit, beneficium præsens ea lege accipit ut mutuum reddat. Voluntas enim ejus qui præsens beneficium præstat, pro objecto simpliciter habet *bonum sibi*, quanti erat res promissa; ipsam autem rem non simpliciter, sed si fieri potest. Verum si accidat neque id possibile esse, præstandum est quantum præstari potest. Obligant igitur *pacta* non ad ipsam rem pactam, sed ad summum cognatum: hoc enim solum, non res ipsæ, in nostra potestate sunt.

Pacta ultra summum cognatum non obligant.

XV. *Pactis* liberamur duabus rebus, vel si præstitum, vel si condonatum sit. Si præstitum; quia ultra id nos non obligavimus. Si condonatum; quia is cui obligamur, condonando intelligitur facere, ut *jus* à nobis in eum translatus, ad nos denuo redeat: est enim condonatio, *donatio*, hoc est, per articulum 4. capitis hujus, juris traslatio ad eum cui donatio facta est.

Quibus modo pactu liberemur.

XVI. Quæri solet, An *pacta* ea quæ metu extorquentur, obligatoria sint necne. Exempli causa, si ad vitam à latrone redimendam, *pactus* ei fuero, traditurum me illi mille aureos postero die, neque facturum quicquam quo comprehensus in jus duci possit, utrum tenear necne. Quamquam autem aliquando *pactum* ejusmodi invalidum censeari debeat, non tamen eo nomine invalidum erit, quod à metu processerit; propterea quod inde sequeretur, *pacta* ea, quibus in vitam civilem homines congregantur, & leges conjunt, invalida esse: (procedit enim à metu mutux cædis, quod alter alterius regimini se submittat:) neque cum ratione eum facere, qui captivo *paciscenti* pretium redemptionis suæ fidem adhibet. Universaliter verum est, obligare *pacta*, quando acceptum est bonum, & promittere, & id quod promit-

Promissa metu metu exteriori, in statu naturæ valida non esse.

mittitur, licitum est. Licitum autem est & ad redimendam vitam promittere, & de meo dare quicquid voluero cuiquam, etiam latroni. Obligamur ergo pactis, à metu profectis, nisi lex civilis aliqua prohibeat, per quam id quod promittitur, fiat illicitum.

Pactum posterius priori contradicendum, invalidum est.

XVII. Qui uni facturum se vel omisurum aliquid pactus ante fuerit, & postea alteri paciscitur contrarium, facit, ut *pactum* non prius, sed posterius illicitum sit. Nam qui prioribus *pactis* *jus* suum in alterum transtulerat, faciendi vel non faciendi *jus* non amplius habet. Quare posterioribus *pactis* jus nullum transfert; & quod promissum est, sine jure promissum est. Tenetur igitur prioribus tantum *pactis*; quæ violare est illicitum.

Pactum de non resistendo inferenti damnum corporis, invalidum est.

XVIII. Mortem, vel vulnera, vel aliud damnum corporis inferenti nemo *pactis* suis quibuscunque obligatur non resistere. Est enim in unoquoque gradus quidam timiditatis summus, per quem, malum quod inferitur, apprehendit ut maximum, ideoque necessitate naturali quantum potest, fugit, intelligiturque aliter facere non posse. Ad talem gradum metûs cum perventum fuerit, non est expectandum, quin vel fugâ, vel pugnâ sibi consulat. Cum igitur nemo teneatur ad impossibile, illi quibus *mors* (quod maximum naturæ malum est,) vel quibus vulnera, aut alia corporis damna inferuntur, nec ad ea ferenda constantes satis sunt, ea ferre non obligantur. Præterea, ei qui pacto tenetur, creditur: (pactorum enim vinculum sola fides est:) qui verò ad supplicium ducuntur, sive capitale, sive capitali mitius, constringuntur vinculis, vel satellitibus custodiuntur. Quod signum certissimum est, non videri illos pactis ad non resistendum satis obligatos esse. Aliud est, si sic paciscor: Nisi fecero constituta die, interfice. Aliud, si sic, Nisi fecero, interficienti non resistam. Primo modo, paciscuntur omnes; si opus est; opus autem est aliquando: secundo modo nemo, nec unquam opus est. Nam in statu merè naturali, si occidere cupis, jus habes ex ipso statu; ita ut opus non sit prius credere, ut fallentem pòst interficias. In statu verò civili, ubi jus vitæ & necis, omnisque poenæ corporalis penes civitatem est, illud ipsum jus interficiendi privato concedi non potest. Neque ipsi civitati opus est, ut aliquem puniat, postulare pacto, ut patientiam præstet, sed tantum, ne quisquam defendat alios. Si in statu naturæ, velut inter duas civitates, fieret pactum de interficiendo ni fecerit, intelligitur præcessisse aliud pactum de non interficiendo ante præstitutum diem. Itaque eo die si præstitum non sit, redit jus belli, hoc est, status hostilis, in quo omnia licent, ideoque etiam resistere. Postremo, pacto non resistendi obligamur, duorum malorum præsentium

tium eligere illud quod majus videbitur. Nam mors certa majus malum est, quàm pugna. Sed duorum malorum impossibile est non eligere minus. Tali ergo pacto teneremur ad impossibile, quod naturæ pactorum repugnat.

XIX. Similiter neque tenetur quisquam pactis ullis ad se accusandum, vel alium cujus damnatione vita sibi acerba futura est. Itaque neque pater in filium, neque conjux in conjugem, neque filius in patrem, neque quisquam in eum sine quo ali non potest, testimonium dicere obligatur: frustra enim est testimonium, quod à natura corrumpi præsumitur. Quamvis autem pacto ad se accusandum aliquis non teneatur, in quæstione tamen publica ad respondendum cruciatus cogi potest. Responsiones autem illæ facti testimonium non sunt, sed investigandæ veritatis adjumenta. Ita ut si verum siue falsum cruciatus respondeat, siue non omnino respondeat, jure faciat.

Pactum de se accusando invalidum est.

XX. *Insjrandum* oratio est promissioni adjuncta, qua significat promissor, nisi præstiterit, renunciare sese misericordiæ divinæ. Quæ definitio ex ipsis colligitur verbis, quibus essentia *jurisjurandi* continetur, nimirum, *Ita me adjuvet Deus*, vel aliis æquipollentibus, ut apud Romanos: *Tu Iupiter macta eum qui sefellerit, ut ego hanc macta porcam*. Neque obstat, quod *Ins-jurandum* non solum promissorium, sed aliquando affirmatorium dici possit: nam qui affirmationem *juramentum* confirmat, promittit se vera respondere. Quamquam autem quibusdam in locis moris erat subditis, per Reges suos jurare, id ex eo natum est quodd Reges illi divinos sibi honores haberi volebant. Nam *Ins-jurandum* idèd introductum est, ut major metus violandæ fidei, quàm is quo homines (quos facta nostra latere possunt) timemus, divinæ potentis consideratione atque religione incuteretur.

Jurisjurandi definitio.

XXI. Ex quo sequitur, *Ins-jurandum* concipi debere ea formula, qua utitur is qui accipit. Frustra enim adigitur aliquis ad *Ins-jurandum* per Deum quem non credit, ideoque neque metuit. Etsi enim lumine naturali sciri possit Deum esse, nemo tamen per illum se jurare arbitratur aliâ formulâ, vel alio nomine, quàm quod suæ ipsius, hoc est (ut existimat is qui jurat) veræ religionis præceptis continetur.

Ins-jurandum concipiendum esse ea formula, qua utitur is qui accipit.

XXII. Ex allata *Juris-jurandi* definitione intelligi potest, *pactum* nudum non minus obligare, quàm in quod juravimus. *Pactum* enim est, quo adstringimur; *juramentum* ad punishmentem divinam attinet, quam provocare ineptum esset, si pacti violatio non esset per se illicita. Illicita autem non esset, nisi *pactum* esset obligatorium. Præterea qui renunciat misericordiæ divinæ, non obligat se ad pœnam: quia semper licitum est, pœnam utcumque provocatam deprecari, atque divi-

Ins-jurandum nihil superaddit obligationi qua est ex pacto.

divina, si concedatur frui indulgentia. Effectus ergo *Juramenti* is solus est, ut hominibus naturâ prout ad violationem datâ fidei major juratis causâ sit metuendi.

Juramentum non exigendum, nisi ubi pactum violatio vel latere potest, vel non potest puniri nisi a Deo.

X XIII. *Juramentum* exigere, ubi neque violatio pactorum, si qua fiat, latere potest, neque ei cui sit sponsio, deest potestas pœnas exigendi, est facere amplius aliquid quàm ad sui defensionem sit necesse; significatque animum cupiendi non tam ut sibi bene, quam ut illi male sit. *Juramentum* enim ex formula jurandi, pertinet ad iram Dei provocandam, hoc est, *omnipotentis* in eos qui fidem ideo violant, quia potentia sua pœnam humanam effugere se posse sentiunt, & *omnis* in eos qui fidem violare idè solent, quia oculos hominum latere se posse sperant.

C A P V T III.

De legibus Natura reliquis.

1. *Lex naturæ secunda.* Pactis standum. II. *Fides cum omnibus servanda sine exceptione.* III. *Injuria quid.* IV. *Injuria ei soli fieri potest, quicum contrahimus.* V. *Iustitiæ distinctio in iustitiam hominum & actionum.* VI. *Distinctio iustitiæ in commutativam & distributivam examinata.* VII. *Volenti non fit injuria.* VIII. *Lex naturæ tertia, de ingratitude.* IX. *Lex naturæ quarta, ut quisque se præstet commodum.* X. *Lex naturæ quinta, de misericordia.* XI. *Lex naturæ sexta, quod pœnæ futurum tantum spectant.* XII. *Lex naturæ septima, contra contumeliam.* XIII. *Lex naturæ octava, contra Superbiam.* XIV. *Lex naturæ nona, de modestia.* XV. *Lex naturæ decima, de Æquitate, sive contra acceptionem personarum.* XVI. *Lex naturæ undecima, de habendis in communi.* XVII. *Lex naturæ duodecima, de sorte dividendis.* XVIII. *Lex naturæ decima tertia, de primogenitura & prima occupatione.* XIX. *Lex naturæ decima quarta, de incolumitate mediatorum pacis.* XX. *Lex naturæ decima quinta, de constituendo arbitro.* XXI. *Lex naturæ decima sexta, neminem esse arbitrum causæ suæ.* XXII. *Lex naturæ decima septima, Arbitros debere esse sine spe præmii ab iis referendi quorum causa judicatur.* XXIII. *Lex naturæ decima octava, de testibus.* XXIV. *Lex naturæ decima nona, nullum cum arbitro pactum fieri.* XXV. *Lex naturæ vigesima, contra crapulam, & ea quæ rationis usum impediunt.* XXVI. *Regula per quam statim cognosci potest, an, quod facturi sumus, sit contra legem naturæ, nec ne.* XXVII. *Leges naturæ obligant in foro interno tantum.* XXVIII. *Violantur*

lantur leges naturæ quandoque, factæ legibus consentaneo. xxix. Leges naturæ sunt immutabiles. xxx. Qui leges naturæ conatur implere, iustus est. xxxi. Lex naturalis eadem cum morali. xxxii. Vnde fiat, quod quæ dicta sunt de legē naturali, non sint eadem quæ traduntur à Philosophis circa virtutes. xxxiii. Lex naturalis non est, propriè loquendo, lex, nisi quatenus traditur in scriptura facta.

I. Legum naturalium derivatarum altera est, *Pactis standum esse*, si-
 ve fidem observandam esse. Oñsum enim est capite præce-
 dente, Legem naturæ præcipere tanquam rem conciliandæ paci ne-
 cessariam, unumquemque jura quædam sua mutuò transferre, atque
 hoc vocari *pactum*, quorics futurum sit quod transfertur. Hoc autem
 ad pacem conciliandam conducibile est, quatenus quæ pacificum faci-
 endi vel omittenda, ea re ipsa facimus vel omittimus; frustra-
 que essent pacta, nisi illis staretur. Quoniam ergo *Pactis stare*, si-
 ve *fidem servare*, necessarium est ad pacem conciliandam, erit per articulum 2.
 cap. 2. præceptum *legis naturalis*.

*Lex natura
secunda, Pa-
ctis stan-
dum.*

II. Neque personarum quibuscum paciscimur ulla datur bac in re
 exceptio, puta, si illi fidem cum aliis nec servant, nec servandam pu-
 tent, aut aliud quodlibet habeant vitium. Nam qui paciscitur, eo quòd
 paciscitur, frustraneam eam esse actionem negat. Et contra rationem
 est, scientem frustra facere. Idem si præstandum pactum non putet, eo
 quòd sic putat, pactiōem eandem frustraneam esse affirmat. Qui er-
 go paciscitur cum eo, quicum fidem servare se teneri non putat, simul
pactiōem esse rem frustraneam, & non frustraneam, quod est absurdum.
 Cum omni igitur homine, vel servanda est fides, vel non paciscendum,
 hoc est, vel declaratum bellum, vel certa & fida habenda est Pax.

*Fides enim
omnibus ser-
vanda sine
exceptione.*

III. *Pacti* violatio, sicut & dati repetitio, (quæ semper sita est in
 aliqua actione, vel omissione) vocatur INJURIA. Actio autem illa
 vel ommissio, *injusta* dicitur; ut idem significant *injuria*, & actio vel omis-
 sio *injusta*, atque utraque idem quod *pacti* vel *fides violatio*. Videturque
injuria nomen inde actioni vel omissioni tribui, quia *sine jure* est, utpo-
 te quod ab eo qui agit vel omittit translatus antea in alium fuerat. Et
 est similitudo quædam inter id, quod in vita communi vocatur *injuria*;
 & id, quod in scholis solet appellari *Absurdum*. Quemadmodum
 enim is qui argumentis cogitur ad negationem assertionis quam prius
 sustinuerat, dicitur redigi ad *absurdum*; eodem modo is qui præ
 animi impotentia facit vel omittit id, quod se non facturum, vel
 non omisurum *pacto suo* antè promiserat, *injuriā* facit: neque minùs
 in contradictionem incidit, quam qui in scholis reducitur ad absur-
 dum.

*Injuria
quid.*

dum. Nam futuram actionem paciscendo, vult fieri; non faciendo, vult non fieri: quod est velle fieri & non fieri idem eodem tempore; quæ contradictio est. Est itaque *injuria*, *absurditas* quædam in conversatione, sicut *absurditas injuria* quædam est in disputatione.

*Injuria ei
sola fieri po-
test, quocum
contrale-
num.*

I V. Ex his sequitur, injuriam (*) nemini fieri posse, nisi ei quocum initur *pactum*, sive cui aliquid dono datum est, vel cui *pacto* aliquid est promissum. Ideoque *damnum* & *injuria* sapissime disjunguntur. Nam si dominus servo, qui obedientiam sibi *pactus* est, imperet, ut pecuniam tertio numeret, vel beneficium conferat; is si non faciat, *damnum* quidem tertio, injuriam autem domino soli facit. Sic quoque in civitate, si quis alicui noceat, quocum nihil *pactus* est, *damnum* ei infert cui malum; *injuriam* soli illi, qui totius civitatis potestatem habet. Etenim si is qui *damnum* recipit, injuriam expostularet, is qui fecit, sic diceret, quid tu mihi? quare facerem ego tuo potius quàm meo libitu, siquidem, quin tu tuo, non meo arbitratu facias, non impedio? in qua oratione, ubi nulla intercesserunt *pacta*, non video, quid sit quod possit reprehendi.

*Justitia di-
stinctio in
justitiam
hominum,
& alio-
rum.*

V. Nomina hæc, *Iustum*, & *Injustum*, sicut & *Justitia* & *Injustitia*, æquivoca sunt: aliud enim significant cùm Personis, aliud cùm Actionibus tribuuntur. Cùm actionibus tribuuntur, idem significat *Iustum*, quod jure factum; & *Injustum*, quod *Injuria*. Ille autem qui fecit *Iustum* aliquid, ideo *Insons*, non *Iustus* dicitur: eum autem qui fecit aliquid *Injustum*, non ideo *injustum*, sed *sonsem* dicimus. Quando vero de personis usurpantur, esse *justum* significat idem quod justè faciendo delectari, justitiæ studere, vel conari facere in omni re id quod justum est. Et esse *Injustum*, est negligere justitiam, vel eam non pacto suo, sed præsentis commodo mensurandam existimare. Ita ut alia sit animi, instituti, sive hominis, alia unius actionis vel omissionis *justitia* & *injustitia*; possintque hominis *justi* actiones innumeræ *injustæ*, & *injusti* *justæ* esse. *Iustus* autem homo dicendus est, qui justa facit propter præceptum Legis; injusta non nisi per infirmitatem; *Injustus* qui justa facit propter poenam legi adjunctam; injusta per animi iniquitatem.

V I. Iu-

Annotatio.

Injuriam nemini, &c.] *Injustitia nomen significat relativè ad legem; Injuria, tum ad legem; tum ad Personam certam. Nam injustum, omnibus injustum est; Injuria verò potest esse, nec tamen mihi vel illi, sed alii; & quandoque nemini privato, sed civitati tantum; etiam nec homini cuiquam nec civitati, sed soli Deo. Nam pacto, & juris translatione, fit, ut injuria in hunc vel illum fieri dicatur. Hinc est, (quod in omni civitate fieri videmus) quæ privati homines inter se verbo vel scripto contrahunt, exigi vel remitti arbitrio obligantis. Damna verò qua inferuntur contra leges civitatis, ut furtum, homicidium & similia, non ad voluntatem ejus cui *damnum* est illatum, sed arbitrio civitatis, id est, juxta leges constitutas vindicari. Itaque injuria in hunc, nisi post juris in hunc translationem existere non potest.*

VI. Iustitia actionum distingui vulgò solet in duas species, *commutativam* & *distributivam*; quarum priorem sitam esse ajunt in proportionem Arithmeticâ, posteriorem in Geometricâ. Illamque versari in permutatione, venditione, emtione, mutatione, mutui redditione, locatione, conductione, cæterisque, si qui sunt, actibus inter se contrahentium; ubi si æquale pro æquali reddatur, nasci inquit *justitiam commutativam*. Hanc verò circa dignitatem, & merita hominum, ita ut si cuique tribuatur *ut dicitur*, majus ei qui dignior, minus ei qui minus dignus, idque proportionatè, oriatur *justitia distributiva*. Agnosco hic distinctionem quandam æqualitatis: nempe ut una sit æqualitas simpliciter, veluti quando comparantur inter se duæ res æqualis pretii, ut libra argenti, cum 12 uncis ejusdem argenti: altera æqualitas secundum quid, ut cum centum hominibus distribuendæ sint mille libræ, sexcentæ dentur sexaginta hominibus, & quadringentæ quadraginta; ubi non est æqualitas inter 600 & 400; sed cum eandem contingit æqualitatem esse inter numerum eorum quibus distribuuntur, unusquisque eorum æqualem partem auferet; unde dicitur æqualis distributio. Talis autem æqualitas eadem res est cum porportionem Geometrica. Sed quid hæc ad justitiam? nam neque si res nostras vendamus quanti possumus, injuria ulla sit emtori qui id voluit, & petiit; neque si de meo distribuero plus merenti minus, modo id dederò quod pactus sum, neutri fit injuria. Id quod testatur ipse Servator noster Christus Deus in Euangelio. Non igitur est ea justitiæ distinctio, sed æqualitatis. Negari tamen fortè non potest quin justitia sit æqualitas aliqua, nimirum quæ in eo tantum sita sit, ut cum æquales naturâ omnes simus, alter non arroget sibi plus *juris*, quàm alteri concedat, nisi id *juris* sibi pactis acquisitum sit. Atque hæc contra distinctionem illam *justitiæ*, quamquam ab omnibus penè receptam, dicta sint: ne quis *injuriæ* aliud esse putet, quàm fidei, sive pactorum violationem; prout supra definitum est.

*Distinctio
justitiæ in
commutativam & distributivam
examinatur.*

VII. Vetus est, *volenti non fit injuria*. Veritatem tamen dicti liceat ex principiis nostris derivare. Factum enim sit id, quod quis injurium sibi putet volenti: ergo, volente eo, fit id quod per pactum non licuit. Sed volente eo fieri, id quod pacto non licebat, pactum ipsum (per articulum 15. capitis præcedentis) fit irritum; *jus* ergo faciendi reddit; fit igitur *jure*; quare *injuria* non est.

*Volenti non
fit injuria.*

VIII. Legis naturalis præceptum tertium est, *Ne cum qui fiducia tui tibi prior benefecerit, eam ob rem, deteriore conditione esse patiaris, sive ne accipiat quisquam beneficium, nisi animo nitendi ne dantem dati merito poeniteat*. Nam absque hoc, contra rationem fecerit, si quis quod per-

*Lex natura
tertia, de in-
gratitudine.*

turum videt beneficium, prior contulerit; atque eo modo omnis sublata erit inter homines beneficentia & fiducia, unaque omnis benevolentia; neque esset inter eos quidquam mutæ opis, nec ullum gratiæ conciliandæ initium. Ex quo status belli necessario mansurus est, contra *Legem naturæ fundamentalem*. Quoniam verò Legis hujus violatio, non est fidei sive pactorum violatio: (supponitur enim nulla inter eos intercessisse pacta:) ideo neque *injuria* nominari solet; sed, quia respiciunt se mutuo *beneficium & gratia*, *INGRATITUDO* appellatur.

*Lex natura
quarta, ut
quisque se
præstet com-
modum.*

I X. Quartum præceptum naturæ est, *ut unusquisque se cæteris commodum præstet*. Quod ut rectè intelligatur, animadvertere oportet, esse in hominibus ad societatem ineundam diversitatem ingeniorum ortam à diversitate affectuum, haud dissimilem illi quæ reperitur in lapidibus ad ædificandum comportatis à diversitate materiæ & figuræ. Nam ut lapis qui præ figura aspera & angulosa, plus loci cæteris aufert quàm ipse implet, neque præ materiæ duritie comprimi vel secari facile potest, nec compaginari ædificium sinit, tanquam *incommodus* abjicitur: ita homo qui præ ingenii asperitate, retentis superfluis sibi, necessaria aliis adimit, neque præ affectuum contumacia corrigi potest, cæteris *incommodus* molestusque dici solet. Quoniam jam unusquisque non *jure* modo, sed etiam *necessitate naturali* totis viribus in id incumbere supponitur, ut necessaria ad sui conservationem consequatur: si quis velit pro superfluis contrà contendere, illius culpâ oriatur bellum: propterea quòd illi soli nulla certandi incumbere necessitas. Facit ergo contra *legem naturæ fundamentalem*. Unde sequitur, (quod ostendendum erat) præceptum naturæ esse, ut unusquisque se cæteris præstet commodum. Qui verò *Legem* hanc violat, *incommodus & molestus* dici potest. Cicero tamen *commodo* opponit *inhumanum*, tanquam ad hanc ipsam legem adspiciens.

*Lex natura
quinta, de
misericordi-
dia.*

X. Legis naturæ quintum præceptum est, *oportere alterum alteri, summa cautione futuri temporis, præteriti veniam, petenti & poenitenti, concedere*. *Venia* (præteriti) sive remissio offensæ, nihil aliud est quàm illi, qui cùm lacerasset ad bellum, facti poenitens *pacem* orat, *pax* concessa. *Pax* autem *concessa* non poenitenti, hoc est, animum hostilem retinenti, vel futuri temporis cautionem non danti, hoc est, non pacem sed opportunitatem captanti, non est *pax*, sed *metus*: neque igitur à natura præcipitur. Cæterum qui poenitenti & de futuro cautionem adhibenti, nolit ignoscere, ei *pax* ipsa non placet; quod est contra *legem naturalem*.

*Lex natura
sexta, quod*

X I. Sextum *Legis naturalis* præceptum est, *In ultione, sive Panis, spe-
Elan-*

Etandum esse, non malum præteritum, sed bonum futurum: hoc est, infligere poenam nullo alio fine licitum esse, nisi ut ipse qui peccavit, corrigatur, vel alii supplicio ejus moniti fiant meliores. Hoc autem ex eo primùm confirmatur, quod unusquisque *lege naturali* teneatur alteri ignoscere; modo cautum prius sit de futuro tempore, ut articulo præcedente ostensum est. Præterea, quia *ultio*, quatenus solum præteritum consideratur, nihil aliud est præter triumphum, & gloriam animi, quæ ad nullum finem dirigitur; (nam præteritum tantum contempletur, finis autem futura res est:) quodque ad nullum finem dirigitur, *Vanum* est: Ultio, ut quæ futurum non spectat, à vana gloria proficiscitur, ideoque præter rationem est. At lædere alium præter rationem, introducit bellum, & est contra *legem naturæ fundamentalem*. Est igitur *legis naturæ* præceptum, In ultione non esse respiciendum, sed prospiciendum. Violatio autem Legis hujus, **CRUELITAS** solet appellari.

pœna futurum tantum spectant.

XII. Quoniam autem signa omnia odii & contemtionis, ad rixam & pugnam maximè omnium provocant, adeo ut plerique vitam, nedum pacem amittere, quàm contumeliam pati malint; sequitur septimo loco, *lege naturali* præscriptum esse, *nequis vel factis, vel verbis, vel vulnere, vel visu, alteri ostendat se illum vel odisse, vel contemnere*. Cujus legis violatio **CONTUMELIA** nominatur. Quamquam autem nihil frequentius sit, quàm potentiam erga minus potentes, & nominatim judicum adversus reos scommata atque opprobria, quæ neque ad rei crimen, neque ad judicis pertinent officium; hujusmodi tamen homines contra *legem faciunt naturalem*, & pro *contumeliosis* habendi sunt.

Lex natura septima, contra contumeliam.

XIII. Quæstio uter duorum hominum dignior sit, non ad statum naturæ, sed ad statum civilem pertinet. Ostensum enim antea est Cap. I. articulo 3. naturam omnes homines æquales inter se esse, ideoque inæqualitatem quæ nunc est, puta à divitiis, à potentia, à nobilitate generis, profectam esse à *lege civili*. Scio, *Aristotelem* libro primo Politicorum, tanquam fundamentum totius scientiæ politicæ affirmare, hominum alios à natura factos esse dignos qui imperent, alios qui serviant, tanquam Dominus & servus non consensu hominum, sed aptitudine, hoc est, scientia vel inscitia naturali distinguerentur. Quod fundamentum non modo contra rationem (ut ostensum est supra) sed etiam contra experientiam est. Nam neque penè quisquam ingenio ita stupidus est, ut non rectius arbitretur sibi met se, quam aliis regendum tradere. Neque si contendant inter se sapientiores, & robustiores, sunt illi his semper aut sæpe superiores. Sive igitur natura homines æquales inter se sint, agnoscenda est æqualitas,

Lex natura octava, contra superbiam.

sive inæquales, quia certaturi sunt de imperio, necessarium est ad *pacem consequendam*, ut pro æqualibus habeantur, & propterea Legis naturalis octavo loco præceptum est, *Ut unusquisque naturâ unicuique æqualis habeatur*. Cui legi contraria est SUPERBIA.

*Lex natura
nona, de Mo-
destia.*

XIV. Sicut necessarium erat ad uniuscujusque conservationem, ut de quibusdam *juribus* suis cederet; ita non minus necessarium est ad eandem conservationem, ut *jura* quædam retineat, nimirum *Ins* corporis tuendi, *jus* fruendi aëre libero, aquâ, & cæteris omnibus vitæ necessariis. Cum igitur à *pacem* ineuntibus multa *jura* retineantur communia, multa etiam acquirantur propria, dictamen *legis naturalis* nonum oritur, nempe *ut quæcumque jura unusquisque sibi ipse possidet, eadem etiam unicuique concedat cæterorum*. Alioquin æqualitatem præcedente articulo agnitam frustraneam facit. Quid enim aliud est æqualitatem personarum agnoscere in societate ineunda, quàm æqualia ipsis tribuere, quos alioqui societatem inire ratio nulla exigit? *Æqualia autem æqualibus*, idem est quod *proportionalia proportionalibus* tribuere. Vocatur observatio hujus legis *Modestia*; violatio autem *ἀπειρία*: violantes latinis *immodici* & *immodesti* nuncupantur.

*Lex natura
decima, de
Æquitate,
sive contra
acceptiorem
personarum.*

XV. Decimo loco, imperatur *lege naturali*, *Ut unusquisque in jura aliis distribuendo utrique parti æqualem se præbeat*. Lege præcedente prohibitum est, ne nobis plus juris per naturam arrogemus, quàm cæteris concedimus. Possumus minus, si volumus; etenim id aliquando *molestia* est. Sed si quando *Ins* aliis distribuendum à nobis sit, prohibemur hac lege, ne uni plus vel minus indulgeamus quàm alteri. Nam qui uni præ altero indulgendo naturalem æqualitatem non observat, facit in eum qui posthabitus est *contumeliam*. Est autem supra ostensum, *contumeliam* esse contra *leges naturales*. Præcepti hujus observatio *ÆQUITAS*, violatio *acceptio personarum*, Græcis uno vocabulo *ἀρεσσωπληψία* appellatur.

*Lex natura
undecima,
de habendu
in communem.*

XVI. Ex lege præcedente colligitur undecima, *Quæ dividi non possunt communiter (si fieri potest) utenda esse, idque (si quantitas rei permittat) quantum quisque velit*. Sin *quantitas rei* non permittat, tum præsumit, & proportionate ad numerum utentium. Aliiter enim nullo modo servari potest æqualitas illa, quam præcedente articulo à lege naturali imperatam esse demonstravimus.

*Lex natura
duodecima,
de sorte di-
videndi.*

XVII. Item; si neque dividi, neque communiter haberi potest, *lege naturali* institutum est (quod sit præceptum duodecimum) *ut ejus rei usus vel alternus sit, vel uni tantum sorte adjudicandum, neque in alterno usu sorte quoque, quis ad utendum prior sit, judicetur*. Nam hic quo-

quoque æqualitas spectanda est, alia autem inveniri præter sortem non potest.

XVIII. Sors autem duplex est: vel *arbitraria*, vel *naturalis*. Arbitraria illa est, quæ fit consensu contendentium. Et sita est in casu mero, & fortè, quod ajunt, fortunâ. Naturalis est, *Primogenitura*, (Græcè κληρονομία, quasi sorte tributum) & *Prima occupatio*. Itaque quæ neque dividi, neque communiter haberi possunt, cedunt Primo occupanti; item Primogenito, ea quæ patris fuerunt, nisi pater ipse *Ius* illud transfulerit prius. Sit igitur ea *lex naturæ* decima tertia.

*Lex natura
decima ter-
tia, de Pri-
mogenitura,
& Prima
occupatione.*

XIX. Legis naturalis decimum quartum præceptum est, *Pacis Mediatoribus præstandam esse Incolumitatem*. Ratio enim quæ jubet finem, jubet etiam media necessaria. Primum autem rationis dictamen, *Pax* est, cætera sunt ad *Pacem* media, sine quibus *Pax* esse non potest, sed nec sine *Mediatione Pax*, nec sine *Incolumitate* mediatio haberi potest; Est ergo dictamen rationis, hoc est, *lex naturæ*, *Pacis* mediatoribus præstandam esse incolumitatem.

*Lex natura
decima
quarta, de
Incolumita-
te mediato-
rum pacis.*

XX. Porro, quoniam, etsi homines in omnes has, & si quæ aliæ sunt, *naturæ leges* consentirent, easque studerent observare, dubia tamen, & controversiæ quotidie orientur, de legum harum ad facta applicatione: nimirum an quod *factum* sit, sit contra *legem* necne, (quæ quæstio juris dicitur:) ex quibus sequetur pugna inter partes, utrimque se læsos esse existimantes. Ad *Pacis* igitur conservationem (quia aliud in hoc casu remedium æquum excogitari non potest) necessarium est, ut ambo dissidentes in tertium aliquem consentiant, cujus sententiæ de re controversa staturos esse, *pactis mutuis* se obligent. Atque in quem sic consensum est, *Arbiter* vocatur. Est igitur legis naturalis præceptum decimum quintum, *Oportere utrumque, de jure inter se disceptantium, submittere se alicujus tertii arbitrio*.

*Lex natura
decima
quinta, de
constituendo
Arbitro.*

XXI. Ex eo autem quod *Arbiter* sive *Judex* à disceptantibus electus sit ad determinandam controversiam, colligitur, oportere Arbitrum non esse unum ex ipsis disceptantibus. Nam unusquisque præsumitur, *bonum sibi* naturaliter, *Iustum* propter *pacem* tantum, & per accidens quærere; idèoque non posse æqualitatem illam, à *lege naturali* præceptam, tam accuratè observare quàm faceret tertius. Continetur itaque in *lege naturæ* decimo sexto loco, *neminem judicem vel Arbitrum esse debere suæ ipsius causæ*.

*Lex natura
decima sex-
ta, Nemi-
nem esse ar-
bitrum causæ suæ.*

XXII. Ex eodem sequitur decimo septimo loco, *Neminem arbitrum esse oportere, cui commodi vel gloriæ spes aliqua apparet major ex victoria unius partis, quàm a'terius*. Par enim ratio militat hic, atque in lege præcedente.

*Lex natura
decima se-
ptima, Ar-
bitros debere
esse sine spe
premiis ab
iis referen-
di, quorum
causâ judi-
catur.*

XXIII.

*Lex natura
decima octa-
va, de Testi-
bus.*

XXIII. Quando verò de ipso facto controversia oritur, nempe an factum sit necne, quod factum esse dicitur, *legis naturalis* est (per articulum 15.) ut Arbitrarius æquè utrique, id est (quia contradictoria affirmant) neutri credat. Tertio igitur, vel tertio & quarto, vel pluribus credere oportet; ut de facto, quoties aliis signis sciri non potest, sententiam ferat. *Lex* igitur decima octava naturalis, *arbitris & iudicibus* facti injungit, *ut ubi signa certa facti non apparent, ibi secundum testes, qui utriusque parii videntur æqui, sententiam regant.*

*Lex natura
decimanona,
nullum cum
arbitrio pactum fieri.*

XXIV. Ex supra adducta *arbitri* definitione intelligi porro potest, nullum pactum vel promissum intercedere, inter ipsum & partes quorum arbitri constitutus est, cuius vi teneatur in gratiam alterutrius partis pronunciare; neque cuius vi teneatur, ad id pronunciandum, quod æquum est, vel æquum esse censeat. Obligatur quidem arbitri sententiam illam ferre, quam censet esse æquam per *legem naturæ*, quæ recensetur articulo 15. Cujus legis obligationi nihil est quod addi possit ex pacto. Frustra igitur esset pactum tale. Præterea si sententiam iniquam ferens, æquam eam esse contenderet, nisi pactum tale invalidum sit, maneret controversia post sententiam latam; quod est contra *Arbitri constitutionem*, qui ab eis ita electus est, ut invicem obligaverint se, pro rata habere sententiam, quam ille pronuntiaverit. *Arbitrium* ergo *lex naturæ* liberum jubet esse id, quod sit secundum præceptum ejus decimum nonum.

*Lex natura
vigesima,
contra crapu-
lam, & ea
qua rationis
usum impe-
diunt.*

XXV. Porro quandoquidem *leges naturæ* nihil aliud sunt, præter dictata rectæ rationis, ita ut nisi quis rectè ratiocinandi facultatem conservare conetur, *Leges naturæ* observare non possit, manifestum est eum qui volens sciensque ea fecerit, quibus facultas rationalis destruat vel labefactetur, volentem præter officium faciat quis, an id faciat volens, quo minus officium implere possit. Ratiocinandi autem facultatem destruunt vel labefactant homines qui faciunt ea, quibus mens de statu suo naturali deturbatur. id quod manifestissime contingit *Ebriis & crapulâ gravatis*. Peccatur ergo vicesimo loco contra *legem naturalem Ebrietate*.

*Regula per
quam statim
cognosci po-
test, an quod
factum sit
contra legem
naturæ,
necne.*

XXVI. Dicit fortasse aliquis, qui viderit præcedentia præcepta naturalia artificio quodam ab unico rationis, nos ad nostri conservationem & incolumitatem hortantis, dictamine derivata, aded difficilem esse deductionem harum legum, ut expectandum non sit, eas vulgo cognititas fore; neque ideo obligare. Etenim *leges* nisi cognitæ, non obligant, immò non sunt *leges*. Huic respondeo, verum esse,

esse, *spem, metum, iram, ambitionem, avaritiam, gloriam inanem, & cæteras* perturbationes animi impedire, ne quis *leges naturæ* pro eo tempore quo *passiones istæ prævalent*, cognoscere possit. Cæterum nemo est, qui non aliquando sedato animo est. Eo igitur tempore nihil illi quamquam indocto & rudi, scitu est facilius; unicâ scilicet hac regulâ, ut cum dubitet, id quod facturus in alterum sit, *jure facturus sit naturali*, necne, putet se esse in illius alterius loco. Ibi statim perturbationes illæ, quæ instigabant ad faciendum, tanquam translatae in alteram trutinæ lancem, à faciundo dehortabuntur. Atque hæc regula non modo facilis, sed etiam dudum celebrata his verbis est, *Quod tibi fieri non vis, alteri ne feceris.*

XXV II. Quoniam autem plerique homines, præ iniquo præsentis commodi appetitu, prædictas *leges quantumvis agnitas* observare minimè apti sunt; si forte aliqui, cæteris modestiores, illam æquitatem commoditatemque, quam ratio dicat, exercerent, cæteris non idem facientibus, nihil minus quam rationem sectarentur. Neque enim pacem, sed certum & maturius exitium sibi compararent, cederentque observantes non observantibus in prædam. Non est igitur existimandum; natura, hoc est, ratione obligari homines ad exercitium (*) earum omnium, in eo statu hominum, in quo non exercentur ab aliis. Interea tamen obligamur ad animum eas observandi, quandoque ad finem ad quem ordinantur, earum observatio conducere videbitur. Ideoque concludendum est, *legem naturæ semper & ubique obligare in Foro interno, sive conscientia*, non semper *in foro externo*: sed tum solummodo, cum securè id fieri possit.

XXV III. Quæ verò *leges conscientiam obligant*, violari possunt facto, non solum iis contrario, sed & consentaneo: siquidem qui facit, contrarium putet. Quamquam enim actio ipsa secundum *leges sit*, conscientia tamen contra est.

El. Phil. scilicet. 3.

FFF

XXIX.

* Exercitium earum omnium, &c.] Imò inter has *Leges aliqua sunt, quorum in statu naturali ommissio, (modo id Pacis, vel sui conservandi causa fiat) Legis naturalis adimpletio potius videtur, quam violatio.* Nam qui omnia facit contra omnia facientes, eripitque rapientibus, æquum facit. Contra autem, id facere quod in pace modus est & modesti hominis, in bello ignavia est, & sui proditio. Sunt autem *leges aliqua naturales, quarum ne in bello quidem exercitium desinit.* Nam quid ebrietas, quidve crudelitas (id est, vindicta qua futurum bonum non respicit) ad pacem vel conservationem cujusquam hominis conferre possit, non intelligo. Breviter, in statu natura, Iustum & Injustum non ex actionibus, sed ex consilio & conscientia agentium estimandum est. Quod necessarium, quod studio pacis, quod sui conservandi causa sit, rectè fit. Alioquin omne damnum homini illatum, *Legis naturalis violatio atque in Deum injuria est.*

Leges natura obligant in foro interno tantum.

Violantur leges natura quandoque, facta legibus consentanea.

Annotatio.

*Leges natura
sunt immutabiles.*

XXIX. *Leges naturæ immutabiles & æternæ* sunt. quod vetant, nunquam licitum esse potest: quod jubent, nunquam illicitum. Numquam enim *superbia, ingratitude, peccatorum violatio, (sive injuria) inhumanitas, contumelia* licitæ, nec contrariæ his virtutes illicitæ erunt, quatenus pro animi dispositionibus intelliguntur, hoc est, quatenus *in foro conscientia* spectantur, ubi solum obligant, & sunt leges. Actiones tamen ita diversificari possunt circumstantiis, & lege civili, ut quæ uno tempore æquæ, alio iniquæ; & quæ uno tempore cum ratione, alio contra rationem sint. Ratio tamen eadem neque finem mutat, quæ est *pax & defensio*, neque media; nempe animi virtutes eas, quas supra declaravimus, quæque nullâ vel consuetudine vel lege civili abrogari possunt.

*Qui leges
naturæ con-
natur im-
plere, justus
est.*

XXX. Patet ex hæcenus dictis, quam faciles observatu sint *naturæ leges*, quippe quæ conatum solum (sed verum & constantem) requirunt, quem qui præstiterit, eum rectè possumus IUSTUM appellare. Nam qui toto conatu ad id tendit, ut omnes actiones suæ sint secundum *præcepta naturæ*, clarè ostendit, animum se habere leges eas omnes adimplendi. quod est omne id ad quod obligamur à natura rationali. Qui verò totum id præstiterit, ad quod obligatus erat, *justus* est.

*Lex natura-
lis eadem
cum morali.*

XXXI. *Legem naturalem* eandem esse cum *lege morali*, consentiunt omnes scriptores. Id quare sit verum, videamus. Sciendum igitur est, *bonum & malum* nomina esse rebus imposita ad significandum appetitum, vel aversionem eorum à quibus sic nominantur. Appetitus autem hominum pro diversis eorum temperamentis, consuetudinibus, opinionibusque, diversi sunt; ut videre est in iis rebus quas sensu percipimus, puta gustu, tactu, olfactu: sed multo magis in iis rebus quæ pertinent ad actiones vitæ communes, ubi quod hic *laudat*, id est, appellat *bonum*, alter *vituperat* ut *malum*; immò sæpissime idem homo diversis temporibus idem & *laudat* & *culpat*. Hæc dum faciunt, necesse est oriri discordiam & pugnas. Sunt igitur tamdiu in statu belli, quàm *bonum & malum* præ appetituum præsentium diversitate, diversis mensuris metiuntur. Hunc statum facile omnes, dum in eo sunt, agnoscunt esse malum; & per consequens, *pacem* esse *bonam*. Qui igitur de bono præsentī convenire non poterant, conveniunt de futuro; quod quidem opus rationis est. nam *præsentia* sensibus, *futura* non nisi Ratione percipiuntur. Præcipientē ratione pacem esse bonam, sequitur eadem ratione, omnia media ad pacem necessaria bona esse. ideoque *modestiam, æquitatem, fidem, humanitatem, misericordiam*, (quas demonstravimus ad pacem esse necessarias) *bonos* esse *mores*, sive habitus, hoc est, *virtutes*. Lex ergo eo ipso, quod præcipit

cipit media ad pacem, præcipit *bonos mores, sive virtutes*. Vocatur ergo *moralis*.

XXXII. Quia verò homines exuere non possunt appetitum illum irrationalem, quo bona præsentia (quibus, arctâ consequentiâ, multa adhærent improvisa mala) præ futuris appetunt, factum est, ut quanquam consentiant omnes in laude dictarum virtutum, tamen dissentiant adhuc de earum naturâ, in quo nempe unaquæque earum consistat. Quoties enim cuiquam displicet aliena bona actio, ei actioni imponitur nomen alicujus vitii vicini; similiter nequitia quæ placet, ad virtutem aliquam referuntur. Unde evenit, eandem actionem ab his laudari & virtutem appellari, ab illis culpâ & vitio verti. Neque huic rei remedii quicquam à Philosophis hæcenus inventum est. Cum enim non observarent, bonitatem actionum in eo sitam esse, quod in ordine ad pacem; malitiam in eo, quod in ordine ad discordiam essent: *moralement Philosophiam* condiderunt, à *moralis lege* alienam, & sibi non constantem. Voluerunt enim, naturam *virtutum* in *mediocritate* quadam inter duo *extrema* sitam esse, vitia verò in ipsis *extremis* sita: quod est apertè falsum. nam audere, laudatur, & nomine *fortitudinis* pro virtute habetur, quamquam extremum sit, si causa approbatur. Quantitas item rei quæ dono datur, sive magna, sive parva, sive media sit, non facit *liberalitatem*, sed donandi causa. Neque *injustitia* est, si cui de meo plus dederò quàm debitum est. Sunt igitur *leges naturales* summa Philosophiæ *moralis*: cujus præcepta hoc loco ea tantum tradidi, quæ pertinent ad conservationem nostram, contra pericula quæ à discordiâ oriuntur. Sunt autem alia præcepta naturæ rationalis, ex quibus aliæ nascuntur virtutes. nam & *Temperantia* præceptum rationis est, quia intemperantia tendit ad morbos & interitum. Item fortitudo, hoc est, facultas valde resistendi in periculis præsentibus, quæque difficilior declinantur quàm superantur; quia medium est ad conservationem illius qui resistit.

XXXIII. Naturæ autem quas vocamus *leges*, cum nihil aliud sint, quàm conclusiones quædam ratione intellectæ, de agendis & omitendis; lex autem, propriè atque accuratè loquendo, sit oratio ejus qui aliquid fieri vel non fieri aliis jure imperat: non sunt illæ propriè loquendo *leges*, quatenus à naturâ procedunt. Quatenus tamen eædem à Deo in scripturis sacris latæ sunt, ut videbimus capite sequente, Legum nomine propriissimè appellantur. Est enim *scriptura sacra* in omnia maximo jure imperantis Dei oratio.

Vnde fiat, quod quæ dicta sunt de lege naturali, non sint eadem quæ traduntur à Philosophis circa virtutes.

Lex naturalis non est propriè loquendo lex, nisi quatenus traditur in scriptura sacra.

CAPUT IV.

Quod lex naturalis, est lex divina.

Lex naturalis & moralis, est lex divina.

Id quod generatim confirmatur ex scriptura.

Speciatim, respectu legis naturalis fundamentalis, de querenda pace.

I. **Q**UÆ *Naturalis, & Moralis, eadem & Divina lex* appellari solet. Nec immeritò. tum quia *ratio*, quæ est ipsa *lex naturæ*, immediatè à Deo unicuique pro suarum actionum Regula tributa est. tum quia vivendi præcepta quæ inde derivantur, eadem sunt quæ à divina Majestate, pro *legibus Regni cælestis*, per Dominum nostrum *Iesum Christum*, & per sanctos *Prophetas*, & *Apostolos* promulgata sunt. Quæ igitur de *lege naturali* ratiocinando suprà intellecta sunt, ea hoc capite ex scriptura sacrâ confirmare conabimur.

II. In primis autem ea loca indicabimus, in quibus legem divinam in recta ratione sitam esse declaratur. Psalm. 36. 30, 31, *Os iusti meditabitur sapientiam, & lingua ejus loquetur justitiam. Lex Dei in corde ipsius.* Jerem. 31. 33, *Dabo legem meam in visceribus eorum, & in corde eorum scribam eam.* Psal. 18. 8, *Lex Domini immaculata, convertens animam.* vers. 9, *Præceptum Domini lucidum, illuminans oculos.* Deut. 30. 11. *Mandatum hoc, quod ego præcipio tibi hodie, non supra te est, neque procul positum, &c.* vers. 14, *Sed juxta te est sermo valde, in ore tuo, & in corde tuo.* Psalm. 118. 34, *Da mihi intellectum, & scrutabor legem tuam.* vers. 105, *Lucerna pedibus meis tuum Verbum, & lumen semitis meis.* Prov. 9. 20, *Scientia sanctorum, prudentia.* Ioan. 1. 1. ipse Legis promulgator *Christus* appellatur λόγος. Vers. 9, vocatur idem *Christus lux vera, illuminans omnem hominem venientem in hunc mundum.* Quæ omnia, descriptiones sunt *veræ rationis*, cujus dictamina leges esse *naturales*, antè ostensum est.

III. Quod autem ea, quam posuimus pro *naturæ lege fundamentalis*, nempe *querendam esse pacem*, sit etiam summa *legis divinæ*, ex his locis manifestum erit. Rom. 3. 17, *Iustitia* (quæ est summa legis,) vocatur *via ad pacem.* Psal. 84. 11, *Iustitia & Pax osculatae sunt.* Matth. 5. 9, *Beati Pacifici, quia filii Dei vocabuntur.* Et postquam sanctus Paulus ad Hebr. Cap. 6. versu ultimo, *Christum* (legis de qua agitur, legislato-rem) dixerat esse *secundum ordinem Melchisedech Pontificem in æternum*, addit Capite sequenti, versu primo, *Hic Melchisedech erat Rex Salem, Sacerdos Dei summi, &c.* Vers. 2. *Primum quidem qui interpretatur Rex iustitiæ; deinde autem & Rex Salem, quod est Rex pacis.* Ex quo constat, *Christum Regem* in regno suo *iustitiam cum pace* colligare. Psalm. 33. 15. *Direrte à malo, & fac bonum; inquire Pacem, & persequere eam.*

eam. Isaïæ 9. 6, 7, *Parvulus enim est natus nobis, & filius datus est nobis; & factus est principatus super humerum ejus, & vocabitur nomen ejus, Admirabilis, Consiliarius, Deus fortis, Pater futuri seculi, Princeps Pacis.* Isaï. 52. 7, *Quam pulchri super montes pedes predicantis & annunciantis pacem, annunciantis bonum, predicantis salutem, dicentis Sion, Regnabis Deus tuus.* Luc. 2. 14. in nativitate Christi vox laudantium Deum & dicentium, gloria Deo in altissimis, & in terrâ pax hominibus bonæ voluntatis. Et Isaï. 53. 6. vocatur Evangelium, disciplina pacis. Isaï. 59. 8. vocatur justitia, via pacis. *Viam pacis nescierunt, & non est iudicium in gressibus eorum.* Michæas 5. 5. loquens de Messia, sic ait: *Stabit & pascet in fortitudine Domini, &c. quia magnificabitur usque ad terminos terræ, & erit iste Pax.* Prov. 3. 1, *Fili mi, ne obliviscaris legis meæ; & præcepta mea cor tuum custodiat; longitudinem enim dierum, & annos vitæ, & pacem apponent tibi.*

IV. Quod attinet ad legem primam, de communitate omnium rerum abolendâ, sive de introductione *Mei & Tui*, habemus primum, quàm adversa sit paci communitas illa, ex verbis *Abrahami* ad *Lotum*, Gen. 13. 8, *Ne quæso sit iurgium inter me & te, & inter pastores meos & pastores tuos. Ecce univerſa terra est coram te, recede à me obsecro.* Et legem de distinctione *Nostri & Alieni*, confirmant omnia illa Scripturæ sacræ loca, quibus invalio in alienum prohibetur, ut, *Non occides, non furaberis, non machaberis.* Supponunt enim, *Ius omnium in omnia sublatum esse.*

Item prima legis naturalis, de communitate omnium rerum abolendâ.

V. Eadem præcepta stabiliunt legem naturalem secundam de servanda fide. Quid enim aliud est, *Non invades in alienum*, quàm, *non invades in id, quod pacto tuo tuum esse defuit?* Expresse autem, Psalm. 14. vers. 5. quærenti, *Domine, quis habitabit in tabernaculo tuo?* responsum est, *qui iurati proximo suo, & non decipit.* Et Proverb. 6. 1, *Fili mi, si sponderis pro amico tuo, laqueatus es verbis oris tui.*

Item secunda legis naturalis, de servandâ fide.

VI. Tertiam legem, de gratitudine, asserunt hæc loca. Deut. 25. 4, *Non obturbabis os bovis triturantis.* Id quod sanctus Paulus 1 Cor. 9. 9. de hominibus dictum interpretatur, non de bubus tantum. Prov. 17. 13, *Qui reddit mala pro bonis, non recedet malum à domo ejus.* Et Deut. 20. 10, 11, *Si quando acceſſeris ad expugnandam civitatem, offeras ei primum pacem: si receperis, & aperuerit tibi portas, cunctus populus qui in ea est, salvabitur, & servies tibi sub tributo.* Prov. 3. 29, *Ne moliaris amico tuo malum, cum ille in te habeas fiduciam.*

Item tertia legis naturalis, de gratitudine.

VII. Quartæ de exhibendo se commodo conformia sunt divina præcepta hæc. Exod. 23. 4, 5, *Si occurreris bovi inimici tui aut asino erranti, redue ad eum. Si videris asinum odientis te jacere sub onere, non per-*

Item quarta legis naturalis, de exhibendo se commode.

transibis, sed subleuabis eum eo. verſ. 9, *Peregrino moleſtus non eris.* Prov. 3. 30, *Ne contendas aduerſus hominem fruſtra, cum ipſe tibi nihil mali fecerit.* Prov. 12. 26, *Qui negligit diuinum propter amicum, Inſultus eſt.* 15. 18, *Vir iracundus provocat rixas. qui paſiens eſt, mitigat ſuſcitatas.* Prov. 18. 24, *Vir amabilis ad ſocietatem, magis amicus erit quam frater.* Idem confirmatur Luc. 10. Parabolâ Samaritani, qui Iudæi à latronibus vulnerati miſertus eſt. Et præcepto Chriſti, Matth. 5. 39, *Ego autem dico vobis, non reſiſtere malo: ſed ſi quis te percuſſerit in dextram maxillam tuam, præbe illi & alteram, &c.*

Item quinta
legis natura-
lis, de miſe-
ricordia.

VIII. Quæ legem quintam probant, inter infinita alia loca hæc ſunt. Matth. 9. 15, *Si enim dimiſeritis hominibus peccata eorum, dimittet & vobis Pater veſter cœleſtis peccata veſtra: ſi autem non dimiſeritis hominibus: nec Pater veſter dimittet vobis peccata veſtra, &c.* Matth. 18. 21, *Domine, quoties peccabit in me frater meus, & dimittam ei? uſque ſepties? Dicit illi Ieſus: Non dico tibi uſque ſepties, ſed uſque ſeptuagies ſepties; hoc eſt, toties quoties.*

Item ſexta
legis natura-
lis, quod pa-
na futurum
tantum ſpe-
ciant.

IX. Ad ſextam legem confirmandam pertinent omnia ea loca, quæ jubent fieri *miſericordiam*. Qualia ſunt: Matth. 5. 7. *Beati miſericordes: quoniam ipſi miſericordiam conſequentur.* Levitic. 19. 18. *Non queras ultionem, neque memor eris injuriæ civium tuorum.* Sunt autem, qui hanc legem non modo non confirmatam, ſed & infirmatam ſcripturis putant, ex eo quod impiis poſt mortem, ubi nullus emendationi, neque exemplo locus eſt, pœna tamen maneat æterna. Solvunt objectionem hanc aliqui, dicendo, Deum nullâ obſtrictum lege omnia referre ad gloriam ſuam, ſed homini non licere idem facere. Quafi Deus gloriam quæreretur, hoc eſt, placeret ſibi, in morte peccatoris! Rectius reſpondetur, institutionem pœnæ æternæ fuiſſe ante peccatum, & reſpexiſſe hoc tantum, ut metuerent homines peccare in futurum.

Item ſepti-
ma legis na-
turæ, con-
tra contumeli-
am.

X. Septimam comprobant verba Chriſti, Matth. 5. 22. *Ego autem dico vobis, quia omnis qui irascitur fratri ſuo, reus eris iudicio; qui autem dixerit, Fatue, reus eris Gehennæ ignis.* Proverb. 10. 18. *Qui proferit contumeliam, inſipiens eſt.* Proverb. 14. 21. *Qui deſpicit proximum ſuum, peccat.* 15. 1. *Sermo durus ſuſcitatur irorem.* 12. 10. *Ecce deriſorem; & exitit eum eo iurgium, ceſſabuntque cauſæ, & contumeliæ.*

Idem octava
legis natu-
ræ, contra
ſuperbiam.

XI. Legem octavam de agnoſcendâ æqualitate naturæ, hoc eſt, de humilitate, ſtabiliunt hæc loca. Matth. 5. 3. *Beati pauperes ſpiritu, quoniam ipſorum eſt regnum cœlorum.* Proverb. 6. 16. 19. *Sex ſunt quæ odit Dominus, & ſeptimum deſteſtatur anima ejus: Oculos ſublimes, &c.* Proverb. 16. 5. *Abominatio Domini eſt omnis arrogans: etiamſi manus*
ad

ad marum fuerit, non est innocens. Prov. 11. 2. *Vbi fuerit superbia, ibi erit & contumelia*; ubi autem est humilitas, ibi & sapientia. Item Isai. 40. 3. (*Vbi advenit Messias annunciat, pro præparatione ad regnum ejus*) vox clamantis in deserto, hæc est: *Parate viam Domini, rectas facite in solitudine semitas Dei nostri. Omnis vallis exaltabitur, & omnis mons & collis humiliabitur. Quod absque dubio non ad montes, sed ad homines refertur.*

XII. *Æquitas* autem, quam posuimus nono loco, esse *legem naturæ*, quæ unicuique præcipitur cæteris eadem jura permittere, quæ sibi permitti cupit, quæque cæteras omnes leges in se complectitur, eadem est quam & Moses ponit. Levit. 19. 18. *Diliges amicum tuum sicut te ipsum. & Servator noster, summam ait esse Legis moralis*, Matth. 22. 36. *Magister, quod est mandatum magnum in lege? Ait illi Iesus: Diliges Dominum Deum tuum, &c. hoc est maximum & primum mandatum; secundum autem simile est huic, Diliges proximum tuum, sicut te ipsum: in his duobus mandatis universa lex pendet, & Prophetæ. Diligere autem proximum sicut se ipsum, nihil aliud est, quàm ei omnia permittere quæ nobismet ipsis permittenda esse postulamus.*

XIII. Lege decima vetatur *acceptio personarum*; quemadmodum etiam locis sequentibus. Matth. 5. 45. *Vi sis filii Patris vestri, qui facit Solem sursum irradiare super justos & injustos. Coloss. 3. 11. Non est Gentilis & Indæus, Barbarus & Scythæ, servus & liber; sed omnia, & in omnibus Christus. Act. 10. 34. In veritate comperi, quia non est personarum acceptor Deus. 2 Par. 19. 7. Non est apud Dominum nostrum iniquitas, neque acceptio personarum. Ecclesiastic. 35. 16. Dominus iudex est, non apud illum gloria personæ. Rom. 2. 11. Non enim acceptio personarum apud Deum est.*

XIV. Undecima lex, quæ jubet *communiter habenda esse quæ dividi non possunt*, nescio an expresse habeatur in sacris scripturis, necne; praxis autem passim occurrit in communi usu puteorum, viarum, fluminum, rerum sacrarum, &c. aliter enim fieri non poterat, ut homines viverent.

XV. Loco duodecimo *legem naturæ* esse diximus, ea quæ neque dividi, neque communiter possideri possunt, sorte tribuenda esse; id quod cùm exemplo *Mosis* confirmatur, qui ex præcepto Dei, Num. 34. partes terræ promissionis tribubus sorte possidendas dedit: tùm Act. 1. exemplo *Apostolorum*, qui in numerum suum, (sic præfati, *Tu Domine ostende, quem elegeris, &c.*) *Matthiam* præ iusto, sorte ascripserunt. Idem colligitur ex Prov. 16. 33. *Sortes mittuntur in sinum, sed à Domino temperantur.* Er, quæ decima tertia est lex, successio debebatur

Esaïo,

Item nona legis naturalis, de moderata.

Item decima legis naturalis, contra acceptiorem personarum.

Item undecima legis naturalis, de habendis communiter, quæ dividi non possunt.

Item duodecima legis naturalis, de sorte dividendis.

Eſau, ſcilicet Primogenito *Iſaaci*, ni ipſe eam (Gen. 25. 43.) vendidiſſet, vel pater aliter ſtatueret.

Item decima
quinta legi
naturalis,
de conſu-
tuendo arbi-
træ.

XVI. Sanctus Paulus, ſcribens ad Corinthios, Epist. 1. cap. 6. corripit illius civitatis Chriſtianos, quod judiciis forenſibus apud iudices infideles (ſuos hoſtes) inter ſe contenderent. Delictum eſſe inquit, quod non malint injuriam accipere & fraudem pati. Eſt enim illud contra legem illam, qua jubemur *mutuo commodi eſſe*. Sed ſi accidat controverſiam eſſe de rebus neceſſariis, quid faciendum eſt? Itaque Apoſtolus verſ. 5. ſic loquitur: *Ad verecundiam veſtram dico. Sic non eſt inter vos ſapiens quiſquam, qui poteſt judicare inter fratres ſuos?* Confirmat igitur illis verbis legem naturæ, quam numeravimus decimam quintam, nimirum ubi controverſiæ vitari non poſſunt, conſtituendum eſſe ex conſenſu partium aliquem arbitrum, eumque tertium, ita ut (quæ eſt lex decima ſexta) neuter litigantium iudex ſit in cauſa propriâ.

Item decima
ſeptima legi
naturalis,
Arbitros
præmiū
pro ſenten-
tiæ accipere
non debere.

XVII. Quod autem iudex ſive arbitri præmiū pro ſententiâ accipere non debeat, (quæ lex decimā ſeptima eſt) conſtat. Exod. 23. 8, *Nec accipies munera, quæ etiam excæcant prudentes, & ſubvertunt verba juſtorum*. Et Eccleſiaſtic. 20. 31, *Xenia & dona excæcant oculos iudicium*. Ex quo ſequitur, neque obligari cum parti uni magis, quàm alteri, quæ eſt lex decima nona; confirmaturque etiam Deut. 1. 17, *Nulla erit diſtinctio perſonarum; ita parvum audietis ut magnum; & omnibus eis locis, quæ adducta ſunt contra perſonarum acceptionem*.

Item decima
oſtava legi
naturalis, de
Teſtibus.

XVIII. Quod in iudicio *Facti*, teſtes adhibendi ſint, (quæ eſt lex decima oſtava) non modò confirmat Scriptura, ſed requirit plures. Deut. 17. 6, *In ore duorum aut trium teſtium peribit, qui interficietur*. Idem repetitur Deut. 19. 15.

Item vigefi-
ma legi na-
turalis, con-
tra Ebrietate-
tem.

XIX. Ebrietas, quam idè inter violatōnes *Legis naturalis* ultimo loco numeravimus, quia rectæ rationis uſum impedit, prohibetur in Scripturis ſacris etiam propter eandem cauſam. Proverb. Cap. 20. verſ. 1, *Luxurioſa res vinum, & tumultuoſa Ebrietas. quicunque his delectatur, non erit ſapiens*. & Cap. 31. verſ. 4. & 5, *Noli regibus dare vinum, ne forſe bibant, & oblivſcantur iudiciorum, & mutant cauſam filiorum pauperis*. Ut autem ſciamus malitiam huius vitii conſiſtere formaliter, non in quantitate vini quod bibitur, ſed in eo quod iudicium & rationem labefactet, ſequitur proximo verſu, *Date ſicceram morientibus, & vinum his qui amaro ſunt animo. Bibant & oblivſcantur egeſtatis ſuæ, & doloris ſui non recordentur amplius*. Eadè ratione in prohibenda Ebrietate utitur Chriſtus, Lucæ Cap. 21. verſ. 34, *Attendite autem vobis, ne forſe graventur corda veſtra in crapula & ebrietate*.

Item reſpon-
ſum ejus

XX. Quod diximus ſuperiore capite, *legem naturæ eſſe æternam*, pro-

probatur ex Matt. 5, 18, *Amen dico vobis, donec transeat cælum & terra, jota unum, aut apex unius, non præteribit à lege.* & Psal. 118, 160, *in æternum omnia judicia justitiæ tue.*

quod dictum est, Legem naturæ esse æternam.

XX. Diximus quoque, naturæ Leges pertinere ad conscientiam; hoc est, *Iustum esse* qui omni conatu eas implere nititur. Et quamquam quis omnes actiones fecerit tales (quod attinet ad externam obedientiam) quales lex jubet, sed non ob legem ipsam, sed propter pœnam adjunctam, vel gloriæ causâ; tamen eum *injustum esse*. Utrumque confirmatur Scripturis sacris. Primum, Isai. 55, 7, *Derelinquæ impius viam suam, & vir iniquus cogitationes suas, & revertatur ad Dominum, & miserebitur ejus.* Ezech. 18, 31, *Projiciè à vobis omnes prævicationes vestras, in quibus prævaricati estis, & facite vobis cor novum: & quare moriemini, domus Israël?* Ex quibus, & similibus locis, satis intelligi potest, non puniturum Deum facta eorum, quorum cor rectum est. Secundum, ex Isaiæ c. 29, versu 13, *Et dixit Dominus, eò quod appropinquat populus iste ore suo, & labiis glorificat me, cor autem ejus longè est à me; ideo ecce ego addam, &c.* Matth. 5, 20, *Dico enim vobis, nisi abundaverit justitia vestra plus quam Scribarum & Phariseorum, non intrabitis in regnum cælorum.* Et in sequentibus explicat Servator noster, mandata Dei violari, non factis modo, sed etiam voluntate. Scribæ enim & Pharisei externis factis observabant legem quàm maximè; sed gloriæ tantum causâ, aliter eandem violaturi. Occurrunt præterea innumera passim Scripturæ sacræ loca, quibus manifestissimè dicitur, Deum voluntatem accipere pro facto; idque tam in bonis, quàm in malis actionibus.

XXII. Quod lex naturæ facilis observatu sit, declarat Christus, Matth. 11, 28, 29, 30, *Venite ad me omnes qui laboratis, &c. Tollite jugum meum super vos, & discite à me, quia mitis sum & humilis corde; & invenietis requiem animabus vestris. Jugum enim meum suave est, & onus meum leve.*

Item Lex naturæ esse observatu.

XXIII. Regula denique illa, quâ dignoscere unumquemque posse dixi, utrum id quod facturus sit, contra legem naturæ sit, necne, nempe, *Quod tibi fieri non vis, alteri ne feceris*, totidem penè verbis enunciatur à nostro Servatore, Matth. 6, 12, *Omnia ergo, quæcumque vultis ut faciant vobis homines, & vos facite illis.*

Denique respectu regulæ per quam statim cognosci potest, an aliquid sit contra legem naturæ necne.

XXIV. Sicut lex naturæ omnis divina est; ita lex Christi è converso (quæ tota explicatur Matthæi capitibus 5, 6, 7.) tota quoque (excepto uno mandato) de non ducendâ eâ quæ propter fornicationem est dimissa. quod pro divinæ legis positivæ explicatione adduxit Christus, contra Judæos, qui legem Mosaicam non rectè interpreta-

Christi lex, est natura lex.

bantur.) naturæ doctrina est. Tota, dixi, lex Christi in dictis capitibus explicatur, non tota Christi doctrina. Nam doctrinæ Christianæ pars est *Fides*, quæ sub *Legis* nomine non comprehenditur. Leges enim feruntur de *actionibus* quæ voluntatem sequuntur nostram, non de *opinionibus*, neque de *fide*; quæ extra potestatem nostram existentes, voluntatem nostram non sequuntur.

C A P U T V.

De causis & generatione Civitatis.

- I. Leges naturales non sufficere ad Pacis conservationem. II. Leges naturæ, in statu naturæ silere. III. Securitatem vivendi secundum leges naturæ consistere in concordia multorum. IV. Concordiam multorum non esse satis constantem ad Pacem diuturnam. V. Cuiusmodi regimines quorundam animalium solâ sit concordia; hominum non item. VI. Requiri ad Pacem hominum, non modo consensionem, sed etiam unionem. VII. Quid sit unio. VIII. In unionem, *Ius omnium* in unum transfertur. IX. Quid sit civitas. X. Quid sit persona civilis. XI. Quid sit summum habere imperium, & quid subditus. XII. Duo genera civitatum, naturale & institutum.

Leges naturales non sufficere ad Pacis conservationem.

I. **M**anifestum est per se, actiones hominum à voluntate, voluntatem à ipse & metu proficisci, adeo ut quoties Bonum majus, vel Malum minus videtur à violatione Legum sibi proventurum, quàm ab observatione, volentes violent. Spes igitur unicuique securitatis conservationisque suæ in eo sita est, ut viribus artibusque propriis, proximum suum, vel palam, vel ex insidiis præoccupare possit. Ex quo intelligitur, *leges naturales* non statim, ut cognitæ sunt, securitatem cuiquam præstare ipsas observandi: & proinde, quamdiu cautio ab inviolatione aliorum non habeatur, cavendi sibi quibuscunque modis voluerit & potuerit, unicuique manere *Ius primævum*, hoc est, *jus in omnia*, sive *Ius belli*; sufficitque ad impletionem *legis naturalis*, ut quis paratus animo sit ad pacem habendam, ubi haberi potest.

Leges naturæ in statu naturæ silere.

II. Tritum est, inter arma silere leges; & verum est, non modo de legibus civilibus, sed etiam de lege naturali, si non ad animum, sed ad actiones referatur, per cap. 3, art. 27. & bellum tale intelligatur, ut sit omnium contra omnes. qualis est *status naturæ* meræ, quamquam in bello nationis contra nationem modus quidam custodiri solebat. Ideoque præcis temporibus vitæ institutum, & quasi œconomia quæ-

quædam erat, quam vocabant *λυσπικλὺν*, *Rapio vivere*; quæ neque contra legem naturæ erat, rebus sic stantibus, neque sine gloriâ illis qui eam fortiter, nec crudeliter exercebant. Mos erat illis, cætera rapientibus, & vitæ parcere, & à bubus aratoribus, omnique instrumento agriculturæ abstinere. Quod tamen non ita est accipiendum, tanquam ad id adstringerentur lege naturæ, sed quod gloriæ suæ confulerent, & ne nimia crudelitate, metûs arguerentur.

III. Cum ergo ad pacem conservandam necessarium sit *legis naturalis* exercitium; & ad *legis naturalis* exercitium necessaria sit *securitas*, considerandum est quid sit quod talem securitatem præstare possit. Ad hanc rem excogitari aliud non potest, præterquam ut unusquisque auxilia idonea sibi compareret, quibus invasio alterius in alterum adeo periculosa reddatur, ut satius sibi esse uterque putet, manus cohibere quàm conferre. Primum autem manifestum est, quod duorum vel trium consensio securitatem talem minimè præstare possit; propterea quoddam additio ex altera parte unius, vel paucorum hominum, sufficit ad certam & indubitatam victoriam, datque animum adversario ad aggrediendum. Necessarium itaque est ad securitatem quam quærimus obtinendam, ut numerus eorum qui in mutuam opem conspirant, tantus sit, ut paucorum hominum ad hostes accessio non sit ipsis conspicui momenti ad victoriam.

*Securitatem
vivendi se-
cundum le-
gem natura,
consistere in
concordia
multorum.*

IV. Deinde, quantuscumque sit numerus eorum qui ad se defendendum coeunt, si tamen non consentiant inter se de optimâ ratione quâ id fieri debeat, sed unusquisque suo modo suis viribus utatur, nihil efficietur; propterea quod distracti sententiis, impedimento invicem erunt; aut si in unam actionem spe victoriæ, vel prædæ, vel vindictæ, satis consentiant, postea tamen diversitate ingeniorum consiliorumque, vel æmulatione & invidiâ, quibus naturaliter homines inter se contendunt, ita divellentur, ut neque mutuam opem conferre, neque pacem inter se habere velint, nisi communi aliquo metu coërceantur. Ex quo sequitur, *consensionem* plurium, (quæ consistit in eo tantum, quod actiones suas, omnes ad eundem finem, & *bonum commune* dirigant) hoc est, societatem mutui tantum auxilii, non præstare consentientibus, sive sociis, securitatem quam quærimus, exercendi inter se ipsos *leges naturæ* supra dictas; sed oportere amplius quiddam fieri, ut qui semel ad pacem, & mutuum auxilium, causâ *communis boni* consenserint, ne postea, cum *bonum* suum aliquod *privatum* à *communi* discrepaverit, iterum dissentiant, metu prohibeantur.

*Concordiam
multorum
non esse satis
constantem
ad pacem
diuturnam.*

V. Numerat Aristoteles inter animalia, quæ Politica appellat, non modo

*Cur brutum
quo-*

nam
animantium
regimen sa-
la flet con-
cordia; im-
mense non
item.

modo *Hominem*, sed etiam multa alia, ut *Formicam*, *Apem*, &c. quæ, quamquam ratione destituuntur, per quam pacta facere, & submittere se regimini possint, nihilominus, consentiendo, id est, eadem cupiendo, & eadem fugiendo, ita actiones suas dirigunt ad finem communem, ut cœtus eorum nullis seditionibus sint obnoxii. Non sunt tamen cœtus eorum *civitates*, neque idem ipsa animalia *politica* dicenda sunt; quippe quorum regimen consensus tantum est; siue multæ voluntates ad unum objectum; non (ut in civitate opus est) una voluntas. Verum est, in creaturis illis solo sensu & appetitu viventibus *consensionem* animorum ita esse durabilem, ut nullâ aliâ re opus sit ad eam, & (ex consequenti) ad pacem inter se conservandam, præterquam naturali eorum appetitu. In hominibus autem aliter res se habet. Nam primò inter homines certamen est honoris & dignitatis: inter bestias non est: unde *odium* & *invidia*, ex quibus nascitur seditio & bellum, inter homines est, inter illas non est. Secundò, appetitus naturalis apum & similibus creaturarum conformes sunt, & feruntur ad bonum commune, quod inter illas non differt à privato. homini autem nihil penè pro bono habetur, in quo non sit possessori aliquid præcipui & eximii præ eo quod possident cæteri. Tertiò, animantia quæ rationem non habent, nullum defectum vident, vel videre se putant, in administratione suarum rerumpublicarum. sed in multitudine hominum plurimi sunt qui præ cæteris sapere existimantes, conantur res novare; & diversi novatores, innovant diversis modis: id quod est distractio, & bellum civile. Quartò, animantia bruta, utcumque possint vocis suæ usum aliquem habere, ad significandum inter se affectus suos; carent tamen illâ verborum arte, quæ necessariò requiritur ad perturbationes animi concitandas, nimirum, quæ Bonum, melius; Malum, pejus repræsentatur animo, quàm revera est: hominis autem lingua tuba quædam belli est & seditionis; diciturque *Pericles* suis quondam orationibus, tonuisse, fulgurasse, & confudisse totam *Græciam*. Quintò, non distinguunt illa *injuriam* à *damno*. Inde accidit, ut dum bene ipsis sit, socios non culpent. Homines autem maximè reipublicæ molesti sunt, quibus maximè licet esse otiosos, non enim antè certare de dignitate publica solent, quàm in certamine contra famem & frigus victoriam reportaverint. Postremò, consensus creaturarum illarum brutarum naturalis est, hominum pactitia tantum, hoc est, artificiosa est. non igitur mirandum est, si hominibus ad vivendum in pace aliquid amplius opus sit. *Consensio* itaque, siue *societas* contracta sine potestate aliquâ communi, per quam metu pœnæ singuli regantur, non sufficit ad securitatem, quæ requiritur ad exercitium *justitiæ naturalis*.

VI. Quo-

VI. Quoniam igitur *conspiratio* plurium voluntatum ad eundem finem non sufficit ad conservationem pacis, & defensionem stabilem, requiritur ut circa ea quæ ad pacem & defensionem sunt necessaria, *una* omnium sit *voluntas*. Hoc autem fieri non potest, nisi unusquisque *voluntatem* suam, alterius *unius*, nimirum unius *Hominis*, vel unius *Concilii* *voluntati* ita subiciat, ut pro *voluntate* omnium & singulorum habendum sit, quicquid de iis rebus quæ necessariae sunt ad pacem communem ille *voluerit*. CONCILIVM autem voco, cœtum plurium hominum deliberantium de eo quod agendum, vel non agendum est, ad commune omnium bonum.

Requiri ad pacem hominum non modo consensionem, sed etiam unionem.

VII. *Voluntatum* hæc *submissio* omnium illorum, *unius hominis voluntati*, vel *unius Concilii*, tunc fit, quando unusquisque eorum unicuique cæterorum se pacto obligat ad non resistendum *voluntati* illius *hominis*, vel illius *Concilii* cui se submiserit, id est, ne usum opum & virium suarum (quoniam jus se ipsum contra vim defendendi retinere intelligitur) contra alios quoscumque illi deneget. Vocaturque UNIO. *Voluntas* autem *Concilii*, ea intelligitur esse, quæ est *voluntas majoris partis* eorum hominum, ex quibus Concilium constitit.

Quid sit unio.

VIII. Quamquam autem *voluntas* non sit ipsa voluntaria, sed tantum actionum voluntariarum principium, (non enim voluntas velle, sed *facere*) ideoque minimè cadat sub deliberationem & pacta; tamen qui subicit *voluntatem* suam alterius voluntati, transfert in illum alterum *ius virium & facultatum* suarum: ut cum cæteri idem fecerint, habeat is cui submittitur, tantas vires, ut terrore eorum, singulorum voluntates ad unitatem & concordiam possit conformare.

In unione, jus omnium in unum transfertur.

IX. *Unio* autem sic facta, appellatur *civitas*, sive *societas civilis*, atque etiam *persona civilis*. nam cum *una* sit omnium *voluntas*, pro *una* *personâ* habenda est; & nomine *uno* ab omnibus hominibus particulare distinguenda & dignoscenda, habens jura sua, & res sibi proprias. Ita ut neque civis aliquis, neque omnes simul, (si excipiamus eum cujus voluntas sit pro voluntate omnium) pro *civitate* censenda sit. CIVITAS ergo (ut eam definiamus) est *persona una*, cujus *voluntas*, ex pactis plurium hominum, pro *voluntate* habenda est ipsorum omnium; ut singulorum viribus & facultatibus uti possit, ad pacem & defensionem communem.

Quid sit civitas.

X. Quamquam autem *civitas* omnis *persona civilis* sit; non tamen, è converso, omnis *persona civilis* est *civitas*. fieri enim potest ut *civitates* plures, permittente civitate suâ, cœant in *unam personam*,

Quid sit persona civilis.

certarum rerum agendarum causâ. Hæ jam *personæ civiles* erunt, ut *sodalitates mercatorum*, & *conventus alii* quamplurimi; *civitates* tamen non sunt, quia non subjecerunt se voluntati *conventus simpliciter*, & in omnibus, sed in certis rebus à civitate determinatis; atque ita ut cuilibet eorum contra ipsum *Corpus sodalitatis*, contendere iudicio licitum sit apud alios; quod *civis* contra *civitatem* licitum non est. Huiusmodi igitur *societates* sunt *personæ civiles*, *civibus* subordinatæ.

*Quid sit
summum
habere im-
perium, &
quid subdi-
tus.*

XI. In omni civitate, *Homo* ille, vel *Concilium* illud, cuius voluntati singuli voluntatem suam (ita ut dictum est) subjecerunt, *SVMMAM POTESTATEM*, sive *SVMMVM IMPERIVM*, sive *DOMINIVM* habere dicitur. Quæ *Potestas* & *Ius imperandi* in eo consistit, quod unusquisque civium omnem suam vim & potentiam, in illum *hominem*, vel *Concilium* transtulit. Quod fecisse, (quia vim suam in alium transferre naturali modo nemo potest) nihil aliud est, quàm de jure suo resistendi decessisse. *Civium* unusquisque, sicut etiam omnis *persona civilis subordinata*, ejus qui *Summum imperium* habet, *SVBDITVS* appellatur.

*Duo genera
civitatum,
naturale &
institutum.*

XII. Ex ante dictis satis ostensum est, quo modo, & quibus gradibus *multæ personæ naturales* in *unam personam civilem*, quam *civitatem* appellavimus, studio sese conservandi, mutuo metu coaluere. Cæterum qui se subjiciunt alteri propter metum, vel ipsi quem metuunt se subjiciunt, vel alicui alii, cui confidunt, ut ab eo protegantur. Priore modo faciunt bello victi, ne occidantur; posteriore, nondum victi, ne vincantur. Prior modus initium habet à *potentiâ naturali*, & dici potest *civitatis origo naturalis*; posterior à *consilio* & *constitutione* coëuntium, quæ *origo ex instituto* est. Hinc est quod duo sint genera *civitatum*: alterum *naturale*, quale est *Paternum* & *Despoticum*; alterum *institutivum*, quod & *politicum* dici potest. In primo *Dominus* acquirit sibi *cives* sua voluntate; in altero *cives* arbitrio suo imponunt sibi met ipsis *Dominum*, sive is sit *unus homo*, sive *unus cætus hominum*, cum *summo imperio*. Dicemus autem primo loco de *civitate institutiva*, deinde de *naturali*.

C A P U T V I.

De jure ejus, sive Concilii, sive Hominis unius, qui in civitate cum summa potestate est.

- I. *Multiitudini extra civitatem non potest attribui Ius aliquod, neque actio aliqua, in quam non sigillatim consenserunt.* II. *Initium civitatis est Ius;*

*Ius majoris numeri consentientis. XII. Vnumquemque Ius retinere prote-
gendis se arbitrio proprio, quamdiu securitati suæ non sit prospectum.
Iv. Potestatem coactivam necessariam esse ad securitatem. v. Quid sit
Gladium Iustitiæ. vi. Gladium Iustitiæ penes eum esse qui habet
summum imperium. vii. Gladium belli penes eundem esse. viii. Iu-
dicia penes eundem esse. ix. Legislationem penes eundem esse. x. Ma-
gistratum & Ministrorum civitatis nominationem penes eundem esse.
xi. Doctrinarum examinationem penes eundem esse. xii. Quic-
quid is fecerit, impune esse. xiii. Eidem à civibus imperium ab-
solutum concessum esse: quantaque ei debeat obedientia.
xiv. Eundem legibus civitatis non teneri. xv. Nemini proprium
esse quicquam contra illum qui habet summum imperium. xvi. Quid
sit furtum, homicidium, adulterium & injuria, cognosci ex le-
gibus civilibus. xvii. Opinio eorum qui civitatem constituere vel-
lent, ubi non esset quisquam cum potentiâ absolutâ. xviii. Notæ
Imperii summi. xix. Si conferatur civitas cum homine, is qui
habet summum Imperium, est ad civitatem in ea ratione, in qua est
anima humana ad ipsum hominem. xx. Summum Imperium non posse
jure dissolvi consensu eorum, quorum pactis est constitutum.*

- I. **C**onsideranda inprimis est ipsa hominum (coëuntium in
unam civitatem suo ipsorum arbitrio) *Multitudo* (*) quid sit;
nimis

*Multitudi-
ni extra ci-
vitatem non
potest attri-*

* *Multitudo, &c.] Doctrina de Civitatu in civis potestate, tota ferè dependet à
cognitione differentia, qua est inter multitudinem hominum qua regit, & eam qua re-
gitur. Ea enim civitatis natura est, ut civium multitudo sive aggregatum, non mo-
do imperet, sed etiam imperanti subijciatur; sed alio atque alio sensu. Quam differen-
tiam in primo hoc Articulo satis explicatam esse credideram. Verum, ex multorum con-
tra ea qua sequuntur objectionibus, aliter esse sentio. Itaque uberius explicacionis cau-
sa pauca hac adijcere visum est.*

Annotatio.

*Multitudo, quia vox collectivæ est, significare intelligitur res plures, ut hominum
multitudo idem sit quod multi homines. Vox eadem quia numeri est singularis, unam
rem significat, nempe unam multitudinem. At neutro modo intelligitur multitudo ha-
bere unam voluntatem à natura datam, sed alius aliam. Neque ergo attribuenda illi
est una actio, quæcumque ea sit. Itaque promittere, pacisci, jus acquirere, jus trans-
ferre, facere, habere, possidere, & similia, multitudo non potest, nisi sigillatim sive vi-
vitiis, ut sint promissa, pacta, jura, actiones, tot quot sunt homines. Quapropter
multitudo, personæ naturalis non est. Ceterum eadem multitudo, si viritum paci-
fiscantur, fore ut unius alicujus hominis voluntas, vel majoris partis ipsorum voluntates
consentanea, pro voluntate omnium habeantur, tunc persona una fit: voluntas
enim prædita est, ideoque actiones facere potest voluntarias, quales sunt, imperare, leges
condere, jus acquirere & transferre, & cætera; & populus sapius quam multitudo deci-
ditur. Distinguendum itaque sic est; per Populum vel multitudinem, quoties ipsam aliquid
velle, imperare, vel facere dicimus, intelligitur civitas qua imperat, vult & agit per vo-
luntatem*

bui jus ali-
quod, neque
alio ali-
quo, in
quam non
legitimum
consense-
runt.

nimirum quod non sit *unum* aliquid, sed plures homines, quorum unusquisque suam habet sibi voluntatem, & suum circa omnia proponenda iudicium. Et siquidem per contractus particulares singuli suum sibi habeant *Ius & proprietatem*, ut alter *hoc*, alter *illud* dicat esse *suum*, nihil erit de quo tota multitudo, ut *persona* à singulo quopiam distincta, possit rectè dicere, hoc *meum* est, magis quam *alienum*. Neque est actio ulla, quæ multitudini attribui debet, ut *sua*; sed (si omnes vel plures consenserint) actio non erit, sed tot actiones, quot homines. Quamquam enim in magnâ aliquâ seditione vulgo dici soleat *populum* illius civitatis cepisse arma; verum tamen est de illis solis qui in armis sunt, vel qui iis consentiunt. *Civitas* enim, quæ *una persona* est, capere arma in se ipsam non potest. Quicquid igitur à multitudine factum est, intelligendum est factum esse ab unoquoque eorum ex quibus illa confatur. Atque is qui in multitudine illa existens, tamen iis quæ facta sunt non consenserit, neque opem tulerit, non fecisse censendus est. Præterea in multitudine nondum in unam personam, eo modo quo dictum est, coalitâ, manet ille *naturalis status*, in quo *omnia omnium sunt*; neque locum habet illud *meum & tuum*; quod vocatur *dominium*, & *proprietas*: propterea quod nondum existat securitas illa, quam suprà ad exercitium *legum naturalium* requiri ostendimus.

Iustum ci-
vitatem est
ius majoris
numeri con-
sentientium.

II. Considerandum deinde est, unumquemque ex multitudine (quo constituendæ civitatis principium fiat) debere consentire cum cæteris, ut in iis rebus quæ à quopiam in cœtu proponuntur, pro voluntate omnium habeatur id, quod voluerit eorum major pars. Alio enim modo multitudinis hominum, quorum ingenia & vota inter se tam variè differunt, nulla omnino erit voluntas. Quod si quis nolit consentire, cæteri sine eo civitatem nihilo minus inter se constituent. Ex quo fiet ut civitas in dissentientem Ius suum primævum retineat, hoc est, *ius belli*, ut in hostem.

Unumquem-
que ius retine-
re præter-
gentis se ar-
bitrio pro-
prio, quomodo
securitati
eius non
est posse-
rium.

III. Quoniam autem capite præcedente, articulo 6, requiri ad securitatem hominum diximus, non modo consensionem, sed etiam subjectionem voluntatum, circa eas res quæ ad Pacem & Defensionem sunt necessariae; & in ea *unione*, sive *subjectione*, consistere naturam *civitatis*; videndum hoc loco est, ex iis rebus quæ in cœtu ho-
minum

luntatem unius hominis, vel per voluntates plurium hominum consentaneas: quod nisi in conventu fieri nequit. Quoties autem à multitudine hominum, sive magna sive parva, aliquid fieri dicitur sine voluntate illius hominis vel conventus; id factum esse à populo subdito, id est, à multis simul civibus singularibus, neque ex una voluntate, sed ex pluribus provenire plurium hominum; qui cives sunt, & subditi, civitas non sunt.

minum (quorum voluntates omnes in majoris partis voluntate continentur) proponi, discuti, & statui possunt, quænam res ad Pacem, & defensionem communem sint necessariae. Inprimis autem *paci necessarium* est, ut unusquisque in tantum protegatur contra cæterorum violentiam, ut possit securè vivere, hoc est, ne habeat causam justam metuendi à cæteris, quamdiu ipse alios injuriâ nullâ affecerit. Tutos quidem reddere homines à mutuis damnis, ita ut lædi, vel occidi injuriâ non possint, impossibile est; neque ergo cadit in deliberationem. Sed ne sit metuendi causa justa, prospici potest. Securitas enim Finis est, propter quem homines se subjiciunt aliis: quæ si non habeatur, nemo intelligitur se aliis subjecisse, aut jus se arbitrio suo defendendi amisisse. Neque antè intelligendus est quisquam se obstrinxisse ad quicquam, vel jus suum in omnia reliquisse, quam securitati ejus sit prospectum.

I V. Ad securitatem hanc non sufficit, ut unusquisque eorum qui in civitatem coalituri sunt, cum cæteris paciscatur, vel verbis, vel scripto, de *non occidendo, non furando*, & similibus Legibus observandis. Manifesta enim omnibus est ingenii humani pravitas, & experientia nimis cognitum, quàm parùm, amotâ poenâ, conscientia promissorum homines in officio contineantur. Securitati itaque, non *pactis*, sed *pœnis* providendum est. Tunc autem satis provisum est, cum poenæ tantæ in singulas injurias constituuntur, ut apertè majus malum sit fecisse, quàm non fecisse. Omnes enim homines necessitate naturæ id eligunt, quod *sibi ipsis apparenter bonum* est.

Potestatem constitutam necessariam esse ad securitatem.

V. Jus autem poenas sumendi tunc intelligitur datum esse alicui, quando unusquisque paciscitur, se non auxiliaturum esse ei qui poenas daturus est. Vocabo autem *Jus* hoc *Gladium justitiæ*. Hujusmodi autem pacta satis plerumque observant homines, nisi ubi ipsi vel illorum proximi puniendi sunt.

Quid sit gladius justitiæ.

VI. Quoniam ergo ad securitatem singulorum, atque adedò ad pacem communem *necessarium* est, ut *Jus* utendi *gladio* ad poenas, in aliquem *hominem* vel *concilium* transferatur; is *homo*, vel illud *concilium*, necessario intelligitur *summum* in civitate *imperium* jure habere. Qui enim poenas suo arbitrio jure sumit, jure omnes cogit ad omnia, quæ ipse vult; quo imperium majus excogitari nullum potest.

Gladium justitiæ poenas esse, qui habet imperium summum.

VII. Frustra autem pacem inter se colunt, qui se contra externos tueri non possunt; neque possibile est iis se tutari contra externos, quorum vires unitæ non sunt: ideoque *necessarium* est ad singulorum conservationem, ut sit *Concilium* aliquod *unum*, vel *hom. 6 unus* qui jus habeat armandi, congregandi, & uniendi tot cives in omni

Gladium belli poenas eundem esse.

periculo, vel occasione, quot pro incerto numero & viribus hostium ad communem defensionem opus erit; rursusque cum hostibus quoties expediet pacem faciendi. Intelligendum ergo est, singulos cives, in *unum* vel *hominem* vel *concilium*, totum hoc *ius belli & pacis* transtulisse: Atque jus hoc (quod *Gladium belli* appellare possumus) esse ejusdem *hominis vel concilii*, cujus est *Gladius justitiæ*. Nemo enim ad arma & ad belli sumtus cives potest jure cogere, nisi qui jure punire eum potest qui non obedierit. *Summo* itaque *Imperio* uterque *Gladius*, tam *belli* quam *justitiæ*, ex ipsa civitatis constitutione & essentialiter adhæret.

Judicia penes eundem esse.

VIII. Quoniam autem *ius gladii* nihil aliud est, quam jure posse, suo arbitrio, gladio uti; sequitur, *Arbitrium* sive *judicium* de recto ejus usu ad eundem pertinere. Si enim *potestas judicandi* penes unum esset, & potestas exsequendi penes alterum, nihil efficeretur: frustra enim judicaret, qui mandata exsequi non posset; aut si exsequatur per jus alterius, non ipse *ius gladii* habere dicitur, sed alter, cujus ille minister tantum est. Omne igitur *judicium* in *civitate* est illius qui *Gladios* habet, hoc est, ejus cujus est *imperium summum*.

Legislatio nem penes eundem esse.

IX. Porro, cum non minus, imò multò magis ad pacem conducatur, prævenire ne rixæ oriantur, quam ortas compescere: controversiæ autem omnes nascantur ex eo, quod differunt inter se opiniones hominum de *meo & tuo, justo & injusto, utili & inutili, bono & malo, honesto & inhonesto*, & similibus, quæ quisque proprio æstimat judicio: ejusdem *Summi Imperii* est, communes omnibus exhibere regulas, sive mensuras, & publicè eas declarare, quibus unusquisque sciat quid *suum*, quid *alienum*, quid *justum*, quid *injustum*, quid *honestum*, quid *inhonestum*, quid *bonum*, quid *malum*, appellandum sit: hoc est summam, quid *agendum* & quid *fugendum* sit in vita communi. Regulæ autem, sive mensuræ illæ, vocari solent *leges civiles* sive *leges civitatis*, ut quæ ejus qui *summum* in civitate *imperium* obtinet, sunt *mandata*. Et *LEGES CIVILES* (ut eas definiamus) nihil aliud sunt, quam ejus qui in civitate *summâ potestate* præditus est, de civium futuris actionibus mandata.

Magistratum & ministrorum civitatis nominationem penes eundem esse.

X. Præterea cum, civitatis negotia, *belli, & pacis*, ab *uno homine, vel concilio uno*, absque *ministria* & *magistratibus subordinatis* omnia administrari, impossibile sit; pertineatque ad pacem & defensionem, ut quibus de controversiis justè judicare, vicinorum consilia pervidere, bella prudenter gerere, utilitati civitatis undiquaque prospicere incumbit, rectè suis officiis fungantur, rationi consentaneum est, ut ab eo dependant, & eligantur, qui habet *summum Imperium* tam in *bello*, quam in *pace*.

XI. Ma-

XI. Manifestum quoque est, actiones omnes voluntarias initium habere & necessariò dependere à voluntate; voluntatem autem faciendi vel non faciendi dependere ab opinione *boni vel mali*, *præmiis vel pœna*, quam sibi quisque conceperit ex facto vel omisso sequuturam esse; ita ut actiones omnium à suis cujusque opinionibus regantur. Quare illatione necessariâ & evidenti intelligitur, pacis communis interesse plurimùm, ut nullæ opiniones vel doctrinæ civibus proponantur, quibus putent, vel se jure non posse *legibus* civitatis, hoc est, mandatis illius *hominis*, vel *concilii*, cbi *summum* civitatis *imperium* commissum est, obtemperare; vel licitum sibi esse ei resistere; vel majorem pœnam manere sibi neganti, quàm præstanti obsequium. Si enim unus imperet aliquid facere sub pœna mortis naturalis, alius vetet sub pœnâ mortis æternæ, uterque jure; sequetur, non tantùm cives, etsi innocentes, puniri jure posse, sed penitus dissolvi civitatem. Neque enim servire quisquam duobus dominis potest, neque is cui obediendum esse credimus metu damnationis, minùs dominus est, quàm, is cui obeditur metu mortis temporalis, sed potius magis: Sequitur ergo, illud *unum* sive *hominem*, sive *curiam*, cui commissum est à civitate *summum imperium*, hoc quoque habere juris, ut (*) & judicet quæ opiniones & doctrinæ paci inimicæ sunt, & vetet ne doceantur.

HHH 2

XII. Po-

Doctrinarum examinationem ponens eundem esse.

* Et judicet quæ opiniones, &c.] Dogma ferè nullum est, neque circa cultum Dei, neque circa scientias humanas, unde dissensiones, deinde discordia, convitia, & paulatim bellum oriri non possit. Neque accidit hoc propter Dogmati falsitatem, sed propter ingenium hominum, qui sapientes sibi visi, idem videri volunt omnibus. Verum hujusmodi dissensiones quamquam impediri non possunt, ne oriantur, attamen ne impediant pacem publicam, Imperii summi exercitio coerceri possunt. De opinionibus itaque istiusmodi loquutus hoc loco non sum. Sunt doctrina quædam, quibus imbuti crues obedientiam civitati negari, & contra Principes summos summasque potestates pugnari, idque jure posse, imò oportere, arbitrantur. Quales sunt quæ sive directe & aperte, sive obscurius per consequentiam, hominibus aliis præter eos quibus imperium summum traditum est, obedientiam postulant. Spectare hoc ad potestatem, quam in aliena civitate Ecclesia Romana Principi multi attribuunt. Et ad potestatem etiam quam alicubi extra Ecclesiam Romanam Episcopi in civitate sua sibi postulant; denique ad libertatem quam prætextu Religionis sumunt sibi etiam crues infirmi, non dissimulo. Nam quod bellum civile in orbe Christiano unquam exstitit, quod ab hac radice oritur aut alitum non fuerit? Doctrinarum igitur judicium, utrum obedientia civili repugnent necne, & siquidem repugnent, potestatem prohibendi ne doceantur, imperio civili hic attribue. Nam cum nemo sit, qui earum rerum quæ ad pacem & defensionem civitatis pertinent, judicium civitati non concedat, & manifestum sit, opiniones quales jam recitari, pertinere ad pacem civitatis, sequitur necessariò, opinionum examen, an tales sint nec ne, ad civitatem, id est, ad eum pœnes quem est summum Civitatis imperium referri oportere. Annotation.

*Quicquid in
proceris, im-
pane esse.*

XII. Postremò, ex eo quod civium unusquisque voluntatem suam voluntati ejus subjecit, qui *summum* in civitate *imperium* habet, ita ut viribus propriis contra eum uti non possit; sequitur manifestè, impunè debere esse, quicquid ab eo factum erit. Nam ut punire naturaliter eum nemo potest, qui satis virium non habet; ita neque jure punire, qui satis virium non habet.

*Eidem à ci-
vibus impe-
rium absolu-
tum concess-
um esse,
quantoque
ei debeat
obedientia.*

XIII. Ex his quæ dicta jam sunt, manifestissimum est, in omni civitate perfectâ (hoc est, ubi nulli civium *ius* est, viribus suis ad propriam conservationem suo arbitrio utendi, sive ubi *gladii privati ius* excluditur) esse *summum* in aliquo *Imperium*, quo majus ab hominibus jure conferri non potest, sive quo majus nemo mortalium habere potest in se ipsum. Imperium autem quo majus ab hominibus in hominem transferri non potest, vocamus (*) **A B S O L U -**

T U M.

Annotatio.

* **A B S O L U T U M.**] *Imperium absolutum status popularis apertè sibi postulat: nec repugnant cives. Nam in conventu multorum hominum civitatis faciem agnoscunt, & consilio res geri intelligunt etiam imperiti. Civitas tamen non minus est Monarchia, quam Democratia, habentque Reges absoluti Consiliarios suos, à quibus moneri & imperia sua in rebus omnibus majoris momenti expendi quidem, etsi non revocari, volunt. Sed civitatem in persona Regis contineri, minus manifestum est plerique. Itaque contra imperium absolutum obijciunt primò quod si quisquam tali jure esset, civium conditio misera esset. Sic enim cogitant, rapiet, spoliabit, occidet. Et tantum non jam spoliatum & occisum se quisque putat. Quare autem faceret? non quia potest; nam nisi vult, non faciet. An in unius vel paucorum gratiam ceteros omnes spoliare vult? Primò etsi jure, id est, sine injuria sibi illatâ, non tamen jussè, id est, sine violatione legum naturalium & injuriâ in Deum faciet. Itaque à jurejurando Principum securitas subditis oritur nonnulla. Deinde se jussè id facere posset, vel si jussurandum nihil penderet, ratio quare spoliare cives suos vellet, cum id sibi bonum non sit, nulla apparet. Quin princeps aliquando iniquè faciendi animum habere possit, negandum non est. Sed fac te dedisse ei imperium non absolutum, sed quantum ad te ipsum ab injuriis aliorum defendendum satis sit, quod ut des, si salvus esse vis, necesse est; nonne eadem omnia sunt timenda? Nam qui satis habet virium ad omnes protegendo, satis quoque habet ad omnes opprimendo. Nihil ergo hic duri est, præterquam quod res humana sine incommodo aliquo esse non possunt. Atque hoc ipsum incommodum à civibus, non ab imperio est. Nam si homines propriis singulorum imperiis regere se possent, hoc est, vivere secundum leges naturales, opus omnino civitate non esset, neque communi imperio coireri.*

Obijciunt secundo, imperium in orbe Christiano absolutum nullum esse. Quod certè non est verum. Nam omnes Monarchia, omnesque alii status civitatum tales sunt. Quamquam enim illi qui summum imperium habent, non omnia faciunt quæ velint, & quæ civitati utilia esse sciunt, causa ejus rei non est defectus juris, sed consideratio civium, qui private rei attentis, & earum rerum, quæ ad publicum spectant, ignari, ad officium quandoque sine periculo civitatis cogi non possunt. Itaque Principes ab exercitio juris sui abstinent aliquando, prudenterque de re aliquid, de jure autem nihil remittunt.

T U M. Quicumque enim voluntatem suam ita voluntati civitatis subjecit, ut quidlibet possit *impune facere, leges condere, lites judicare, poenas sumere, viribus & opibus* omnium suo arbitrio uti, atque hæc omnia jure; sanè imperium ei maximum quod concedi potest, concessit. Idem experienciâ per omnes civitates quæ sunt, vel fuerunt unquam, confirmari potest. Quamquam enim quandoque dubitetur, *quis homo, vel quod concilium, summum* in civitate *imperium* habeat, existit tamen semper & exercetur tale imperium, nisi tempore seditionis & belli civilis, & tunc duo fiunt *summa imperia* ex uno. Seditiosi verò qui contra absolutam potentiam differere solent, non tam tollere eam, quàm in alios transferre satagunt. Sublatâ enim hac potentiâ, unâ tollitur civitas, & redit confusio omnium rerum. Cum jure absoluto summi Imperantis, tanta connectitur civium obedientia, quanta ad civitatis regimen necessario requiritur, id est, tanta ut jus illud frustra non sit concessum. Hujusmodi autem obedientiam, licet ea aliquibus de causis aliquando negari jure possit, quia tamen præstari major non potest, **SIMPLICEM** vocabimus. Nascitur autem ad eam præstandam obligatio non immediatè ex eo pacto, in quo jus nostrum omne ad civitatem transtulimus; sed mediatè, nempe ex eo quod sine obedientia jus Imperii frustra esset, & per consequens omnino constituta civitas non fuisset. Aliud enim est, si dico, Jus tibi do quidlibet imperandi; aliud, si dico, Faciam quicquid imperabis. Potestque tale esse mandatum, ut interfici malim quàm facere. Si quidem ergo teneri nemo potest, ut velit interfici, multo minus tenetur ad id quod morte est gravius. Si jubeam ergo interficere me ipsum, non teneor. Nam etsi negavero, nec jus imperii frustra est, cum alii haberi possint qui id facere jussi non recusabunt, neque id recuso quod facere pactus sum. Similiter si is qui summum habet Imperium, se ipsum, imperantem dico, interficere alicui imperet, non tenetur: quia intelligi non potest, ut id pactus fuerit. Neque parentem, sive is innocens, sive nocens sit, & jure condemnatus; cum & alii sint qui id facere jussi volunt, & filius mori quàm vivere infamis atque exosus malit. Multi alii casus sunt, in quibus, cum mandata aliis quidem factu inhonesta sunt, aliis autem non sunt, obedientia ab his præstari, ab illis negari jure potest: atque id salvo jure, quod Imperanti concessum est absolutum. Nam illi in nullo casu, eos qui obedientiam negabunt, interficiendi jus adimitur. Cæterum qui sic interficiunt, etiam jure concesso ab eo qui habet, tamen eo jure aliter atque recta ratio postulat utentes, peccant contra leges naturales, id est, contra Deum.

Eandem legibus civibus non tenentur.

XIV. Neque sibi dare aliquid quisquam potest, quia jam habere supponitur quod dare sibi potest; neque sibi obligari. Nam cum idem esset *obligatus* & *obligans*, obligans autem obligatum possit liberare, frustra esset sibi obligari, quia liberare se ipsum potest arbitrato suo; & qui hoc potest, jam actu liber est. Ex quo constat, *legibus civilibus* non teneri ipsam civitatem. Nam leges civiles sunt leges civitatis; quibus si obligaretur, ipsa obligaretur sibi. Neque obligari potest civitas civi. Quoniam enim hic illam, si voluerit, potest obligatione liberare, & vult quoties ipsa vult, (quia civis cujusque voluntas in omnibus rebus, comprehenditur in voluntate civitatis) libera est civitas quando vult, hoc est, actu jam libera est. *Concilii* autem, sive *hominis* cui *summum imperium* commissum est, voluntas, est voluntas civitatis. Complectitur ergo voluntates singulorum civium. neque igitur tenetur is, cui *summum imperium* commissum est, *legibus civilibus*; hoc enim est obligari sibi, neque cuiquam civium.

Nemini proprium esse quicquam contra alium qui habet summum imperium.

XV. Quoniam autem, ut supra ostensum est, ante constitutionem civitatis *omnia omnium* sunt, neque est quod quis ita *suum* esse dicat, quod non alius quilibet idem eodem jure vendicat pro *suo*, (ubi enim omnia *communis* sunt, nihil cuiquam *proprium* esse potest) sequitur, *proprietatem* initium summissee cum ipsis civitatibus, atque esse id cuique *proprium*, quod sibi retinere potest per leges, & potentiam totius civitatis, hoc est, per eum cui *summum* ejus *imperium* delatum est. Ex quo intelligitur, singulos cives *suum* sibi *proprium* habere, in quod nemo concivium suorum jus habet, quia iidem legibus tenentur; non autem *proprium* ita habere quicquam, in quod non habeat jus ille qui habet *imperium summum*, cujus mandata sunt ipsæ leges, cujus voluntate voluntas singulorum continetur, & qui à singulis constituitur iudex supremus. Quamquam autem multa sint, quæ civitas civibus permittit, ideoque aliquando contra habentem *summum imperium* lege agi possit: actio tamen ea non est *juris civilis*, sed *aquitalis naturalis*; neque agitur de eo quod jure possit is, qui *summum imperium* habet,

Annotationis.

[Proprietatem initium summissee cum civitatibus, &c.] Quod ab aliquibus obiectum est, bonorum proprietatem etiam ante constitutas civitates in partibus familiarum existisse, id, quoniam familiam civitatem parvam esse dixeram, frustra obiectum est. Nam filis familias, proprietatem rerum suarum à patre concessam habent, distinctam quidem à ceteris filis ejusdem familia, sed non à proprietate ipsius patris. Patres vero diversarum familiarum, qui nec patri nec domino communi subiacentur, jus commune in omnia habent.

Annotationis.

[Neque agitur de eo quod jure possit, &c.] Quoties actio legis civi contra summum Imperantem, id est, contra civitatem conceditur; ea actione non quaritur, an civitas

habet, sed de eo quod *voluit*; ideoque ipse erit iudex, tanquam si cognitiâ æquitate, non posset iniquè judicare.

XVI. *Furtum, Homicidium, Adulterium*, atque *injuriæ* omnes legibus naturæ prohibentur. Cæterum quid in cive *furtum*, quid *homicidium*, quid *adulterium*, quid denique *injuria* appellandum sit, id non *naturali*, sed *civili lege* determinandum est. Non enim omnis ablatio rei, quam alter possidet, sed rei *alienæ* tantum, *furtum* est. Quid autem *nostrum* est, quid *alienum*, *legis civilis* quæstio est. Similiter non omnis occisio hominis *Homicidium* est, sed ejus tantum quem occidere vetat *lex civilis*; neque omnis concubitus *adulterium* est, sed is tantum quem *leges civiles* prohibent. Denique promissi violatio *injuria* est, ubi ipsum promissum licitum est; ubi verò *jus* non est paciscendi, ibi nullum *jus* transit; ideoque nulla sequitur *injuria*, ut dictum est capite 2. artic. 17. Quæ autem pacisci possumus, & quæ non possumus, à *lege civili* pendent. Rectè igitur sanxit civitas *Lacedæmoniorum*, impune fore adolescentibus, si quasdam res ita aliis auferrent, ut non deprehenderentur. nihil enim aliud erat, quàm legem facere, ut *suum* non *alienum* esset, quod sic acquireretur. Rectè item ubique occiditur, quem bello vel necessitate propriæ defensionis occidimus. Similiter qui concubitus in una civitate *matrimonium* est, in aliâ *adulterium* judicabitur, & è converso. Item ea pacta quæ faciunt *matrimonium* in uno cive, non idem faciunt in alio, quamquam ejusdem civitatis; propterea quod qui prohibetur à civitate, (hoc est, ab eo vel *Homine* vel *Concilio*, cujus est *summum* in civitate *Imperium*) quidpiam pacisci, non habet jus paciscendi. Neque ergo pactum ejus validum est; non sit ergo *matrimonium*. Ejus autem pactum, qui minimè prohibebatur, ideo validum est, & *matrimonium*. Neque addit quibuscunque pactis illicitis validitatem ullam, quòd facta fuerint cum jurejurando, (*) aut Sacramento. Nihil enim ad-

Quid sit furtum, homicidium, adulterium, & injuria; cognosci ex legibus civilibus.

visas rem de qua agitur, possidere jure possit, sed an legibus ante latis eam possidere voluerit. Est enim lex summi Imperantis voluntas declarata. Cum itaque pecuniam duobus nominibus civitas à cive petere possit, nimirum ut tributum, vel ut debitum, in prioris casu actio legis non conceditur: nam quæri non potest, an civitas tributi exigendi jus habeat: in secundo conceditur, propterea quod nihil vult auferre civitas à cive per calliditatem; & tamen, si opus est, omnia aperit. Itaque quod reprehendit quidam hunc locum, dicens, facile, ex hac doctrina, esse principibus are alieno se liberare, inopè reprehendit.

* Quod facta fuerint cum jurejurando aut Sacramento, &c.] *Utrum Matrimonium Sacramentum sit, (quo sensu ea vox à Theologis usurpatur) an non sit, non est hujus instituti disputare. Tamen dico, viri & mulieris ad cohabitationem contractum legitimum, id est, lege civili concessum, sive Sacramentum idem sit, sive non sit, certè esse matrimonium.*

Annotatio.

dunt hæc paſtorum ſermitati, ut dictum ſupra eſt cap. 2. articulo 22. Quid igitur *Furtum*, quid *Homicidium*, quid *Adulterium*, & in uniuersum, quid ſit *injuria*, cognoscitur ex *lege civili*, hoc eſt, ex mandatis ejus qui in civitate cum *ſummo imperio* eſt.

Opinio eorum qui civitatem conſtituere velent, ubi non eſſet quinquam cum potentia abſoluta.

XVII. Aded durum maximè parti hominum videtur eſſe *ſummum hoc imperium* & *potentia abſoluta*, ut ipſa etiam nomina oderint. Id quod accidit maximè per inſcitiam *humane naturæ* & *legum naturalium*, partim autem etiam per eorum culpam, qui cum in tali imperio conſtituti ſint, poteſtate ſua ad propriam libidinem abutuntur. Ut fugiant igitur hujusmodi *ſummam poteſtatem*, quidam eorum civitatem ſatis rectè conſtitutam volunt, ſi illi qui cives futuri ſunt, coeuntes, de certis articulis propoſitis & in cœtu agitatis probatiſque conſentiant, jubeantque eos obſervari, pœnasque præſcriptas de iis ſumendas eſſe qui eos violaverint. Ad quam rem, atque etiam ad propuſſationem externorum hoſtium, præſcribunt reditum certum & limitatum, ea lege, ut ſi non ſufficiat, redeundum ſit ad novam cœtus conventionem. Quis non videt in civitate ſic conſtitutâ, cœtum illum qui hæc præſcripſit, habuiſſe *poteſtatem abſolutam*? ſi manet igitur *cœtus*, vel de tempore in tempus ad certum diem & locum conventus celebret, erit perpetua *potentia* illa. Sin penitus ſe diſſolvant, vel unâ diſſolvitur civitas, atque ita revertuntur ad *ſtatum belli*, vel relinquitur alicubi poteſtas puniendi eos qui leges transgredientur, quicumque demum & quotcumque illi fuerint; quod fieri non poteſt ſine *poteſtate abſolutâ*. Nam qui *jure* tantum ſibi conceſſum virium habet, ut poſſit quotlibet cives pœnis coercere, habet potentiam tantam, ut à civibus major contribui non poſſit.

Nota Imperii ſummum.

XVIII. Maniſteſtum eſt igitur, eſſe in omni civitate aliquem *hominem unum*, vel *conſilium* ſive *civium unam*, quæ potentiam in cives ſingulos jure habet tantam, quantam extra civitatem unusquiſque habet in ſe ipſum: id eſt, *ſummam* ſive *abſolutam*, viribus civitatis, neque ullâ

trimonium legitimum. Cohabitationem autem qualem aut inter quos civitas fieri prohibet, matrimonium non eſſe, cum ſit de eſſentia matrimonii, ut ſit contractus legitimus. Matrimonia fuerunt legitima permixtis in locis, ut apud Iudeos, Græcos, Romanos, quæ tamen ſolvi poterant. Apud eos autem qui non permittunt hujusmodi contractus, niſi ea lege ut nunquam diſſolvantur, matrimonium ſolvi quidem non poteſt; Et ratio eſt quod civitas illud ſolubile fieri vetuit, non quod matrimonium ſit Sacramentum. Itaque circa matrimonium nuptiarum ceremonias, quæ in Templo peragenda ſunt, peragere, conjugibus benedicere, vel, ſi ita dicendum eſt, eos conſecrare, ad Eccleſiaſticos fortasſe ſolos pertinebit; ceterâ omnia, nempe qui, quando, quibus paſſis matrimonia ſiant, penes leges civitatis ſunt.

ullâ alia re limitandam. Si enim potestas ejus limitaretur, necesse est, ut id fiat à majori potestate : oportet enim eum qui limites præscribit, majorem potentiam habere, quam is qui limitibus cohibetur. Potentia itaque illa cohibens, vel sine limite est, vel iterum cohibetur ab aliâ majori ; & sic tandem deveniatur ad potestatem, sine alio limite præter eum qui terminus ultimus est virium civium simul omnium. Eadem dicitur quoque *imperium summum*, & siquidem *concilio* id commissum sit, vocatur illud *concilium supremum* ; si verò homini uni datum sit, vocatur ille homo, *supremus civitatis Dominus*. *Imperii autem summi* notæ sunt hæc, *leges condere, & abrogare Bellum & pacem* decernere ; *controversias omnes* per se, vel per *judices* à se constitutos *cognoscere & dijudicare* ; *Magistratus, Ministros, Consiliarios omnes* eligere. Denique si quis sit qui unam quamcunque actionem jure agere potest, quæ nulli civi, neque civibus, præterquam ipsi soli licita est, is *summum imperium* in civitate obtinet. Nam ea quæ fieri neque à cive ullo, neque à pluribus civibus jure possunt, civitas sola potest facere. Is igitur qui ea facit, jure utitur civitatis, quod est *imperium summum*.

XIX. Qui civitatem & cives cum homine & membris ejus comparare solent, dicunt penè omnes, eum qui *summum imperium* obtinet in civitate, esse ad civitatem totam id quod caput est ad totum hominem. Cæterum ex antedictis apparet, eum qui tali imperio præditus est, (sive *Homo* sit, sive *civitas*) habere ad civitatem, rationem non capitis, sed animæ. Nam anima est, per quam homo habet voluntatem, hoc est, potest velle & nolle. Ita per eum qui *summum* habet *imperium*, & non aliter, voluntatem habet, & potest velle & nolle civitas. Cum capite conferendus potiùs est cœtus consiliariorum, sive consiliarius unus, cujus solius consilio (si alicujus solius) is qui habet *summum imperium* in regendâ civitate, in rebus maximi momenti utitur. Capitis enim officium consulere est, sicut animæ imperare.

XX. Siquidem *imperium summum*, vi pactorum, quæ cives sive subditi inter se singuli cum singulis mutuò ineunt, constitutum sit ; pacta autem omnia, ut à voluntate contrahentium vim suam sortiuntur, ita consensu eorundem vim suam perdant, & dissolvantur ; inferet forte aliquis, *summum imperium* consensu omnium simul subditorum posse tolli. Quod etsi verum esset, non video tamen quid periculi inde *summis imperantibus* oriri jure posset. Quoniam enim supponitur, unumquemque unicuique se obligasse, si quilibet unus civium id fieri nolit, cæteri omnes utcumque consenserint, tenebuntur. Nec potest

El. Phil. sect. 3.

III

quis-

Si conferatur civitas cum homine, is qui habet summum imperium, est ad civitatem in ea ratione, in qua est anima humana ad ipsum hominem.
Per cap. 6. art. 1.

Summum imperium non posse jure dissolvi consensu eorum, quorum potestas est constitutum.

quisquam eorum sine *injuriâ* facere, quod pacto mecum inito non facere se obligavit. Non est autem putandum, accidere unquam, ut omnes simul cives, ne uno quidem excepto, contra *summum imperium* consentiant. Non ergo periculum est *summis imperantibus*, ne *jure* possint autoritate sua spoliari. Si tamen concederetur, jus eorum dependere à solo pacto, quod unusquisque init cum unoquoque suo concive, faciliè accidere posset ut imperio spoliarentur prætextu *juris*. Subditis enim sive convocatis imperio civitatis, sive seditiosè concurrentibus, plurimi arbitrantur consensum omnium contineri in consensu majoris partis. Quod quidem falsum est. Non enim à natura est, quod consensus majoris partis habeatur pro consensu omnium, neque verum est in tumultibus; sed procedit ab institutione civili, & verum est tunc tantum, quando is *homo* vel *civitas* illa quæ summum habet imperium, cives convocans, propter numerum magnum, electis esse vult potestatem loquendi pro eligentibus, & loquentium majorem partem, circa eas res quæ ab eo discutiendæ proponuntur, haberi pro omnibus. Non autem intelligitur is qui habet *summum Imperium*, convocasse cives ad disputandum de ipsius jure, nisi pertæsus rerum, disertis verbis, imperium abjiciat. Quoniam autem plurimi, per inscitiam, pro consensu civitatis habent, non modo consensum majoris partis civium, sed etiam valde paucorum, si secum sentiant, posset iis videri, *Imperium summum* jure abrogari, modò id fiat in magno aliquo conventu civium per suffragia majoris numeri. Sed quamquam imperium, per pacta singulorum cum singulis constituitur, non tamen ab ea sola obligatione dependet imperii jus. Accedit obligatio erga habentem imperium. Civis enim unusquisque cum unoquoque paciscens, sic dicit, *ego jus meum transfero in hunc, ut tuum transferas in eundem*. Unde jus quod unusquisque habebat utendi viribus suis ad proprium beneficium, totum translatum est in aliquem hominem vel concilium ad beneficium commune. Itaque intercedentibus pactis, quibus singulis singuli obligantur, & juris donatione, quam ratam habere obligantur imperanti, duplici obligatione civium munitur imperium, ea quæ est ad concives, & ea quæ est ad imperantem. Non ergo cives quotcunque fuerint, sine consensu etiam ipsius imperantis, eum spoliare imperio jure possunt.

C A P U T VII.

*De tribus Civitatum speciebus, Democratiâ,
Aristocratiâ, Monarchiâ.*

- i. Civitatis tres esse tantum species, Democratiâ, Aristocratiâ, Monarchiam. ii. Oligarchiam non esse statum civitatis diversum ab Aristocratiâ, neque Anarchiam esse statum omnino. iii. Tyrannidem non esse statum civitatis diversum à legitimâ Monarchiâ. iv. Non dari statum civitatis mixtum ex speciebus dictis. v. Democratiâ, nisi certa tempora & loca conveniendi constituantur, dissolvi. vi. In Democratiâ, temporum conveniendi intervalla oportet esse parva, vel summi Imperii usum pro intervallis uni alicui esse concedendum. vii. In Democratiâ singuli cum singulis obediunt se populo paciscuntur, Populus ipse nemini obligatur. viii. Aristocratiâ quibus actibus constituta. ix. In Aristocratiâ, Optimates nihil paciscuntur; neque civi cuiquam, aut toti populo obligantur. x. Optimatibus necessaria est consilio conventum. xi. Monarchia quibus actibus constituta. xii. Monarchia nemini ob receptum imperium pactis obligatur. xiii. Monarchia semper in potentiâ proximâ est ad exercendum omnes actus qui ad Imperium requiruntur. xiv. Quid genus peccati, & quorum hominum sit, quando civitas adversus cives, vel cives adversus civitatem officio suo non funguntur. xv. Monarcha factus sine temporis limitatione, potest successorem suum eligere. xvi. De Monarchis ad tempus. xvii. Monarcha, remoto jure Imperii, non intelligitur nullo promisso transulisse jus in media ad Imperium necessaria. xviii. Quibus modis civis subiectione liberetur.

I. DICTUM jam est de civitate per institutionem in genere. Dicendum est de ejus speciebus. Differentia autem civitatum sumitur à differentiâ personarum, quibus commissum est summum Imperium. Committitur autem summum Imperium, vel uni homini, vel Concilio sive curiæ uni multorum hominum. Rursus Concilium multorum hominum, vel est omnium civium, (ita ut quilibet eorum jus habeat suffragii, possitque interesse rebus discutiendis, si voluerit) vel partium tantum est. Unde tres nascuntur civitatis species. Una ubi summum imperium est penes Concilium, in quo quilibet civis jus habet suffragii, & vocatur DEMOCRATIÂ. Altera, ubi summum imperium penes Concilium est, in quo non omnes, sed certa aliqua pars suffragium habet; & dicitur ARISTOCRATIÂ. Tertiâ, ubi summum

Civitatis tres tantum esse species: Democratiâ, Aristocratiâ, Monarchiam.

imperium penes *unum* est, & appellatur *MONARCHIA*. In primâ, is qui rerum potitur, *Δῆμος*, *POPVLVS*. In secundâ, *OPTIMATES*. In tertiâ, *MONARCHIA*, nominatur.

Oligarchiam non esse statum civitatis diversum ab Aristocratiâ; neque Anarchiam esse statum omnino.

II. Quod autem introduxerunt antiqui rerum Politicarum scriptores tres alias species his oppositas, nempe *Democratia*, *Anarchiam*, sive confusionem; *Aristocratia*, *Oligarchiam*, hoc est, imperium paucorum; *Monarchia*, *Tyrannidem*; non sunt illæ tres aliæ species civitatis, sed tria nomina diversa, quæ illis indidere ii, quibus vel regimen, vel regentes displicuerunt. Solent enim homines per nomina, non res tantum, sed & proprios affectus, puta *amorem*, *odium*, *iram*, &c. unâ significare; ex quo fit, ut quod ab altero *Democratia*, idem ab altero *Anarchia*; quod his *Aristocratia*, illis *Oligarchia*, soleat nominari; & quem alius *Regem*, alius *Tyrannum* esse diceret. Ita ut his nominibus non designentur *diversæ species* civitatis, sed civium *diversæ sententiæ* de imperante. Primum autem quis non videt, *Anarchiam* opponi æquè omnibus dictis speciebus? significat enim ea vox, nullum omnino regimen esse, hoc est, ne civitatem quidem esse. Quomodo autem fieri potest, ut *non-civitas* sit *civitas* species? Deinde, quæ differentia est inter *Oligarchiam*, qua significatur imperium *paucorum* vel *magnarum*, & *Aristocratiam*, quæ est imperium *optimarum* sive *meliorum*, præterquam quod homines inter se ita differunt, ut non eadem omnibus bona sint; quo fit ut qui aliis *optimi*, aliis *pestimi* videantur.

Tyrannidem non esse statum civitatis diversum a legitima Monarchia.

III. Quod autem *regnum* & *Tyrannis* non sint diversæ species civitatis, haud facile persuadebitur propter affectus hominum, qui etsi civitatem *uni* subjectam esse mallent quàm *pluribus* non tamen rectè eam gubernari putant, nisi gubernetur ad arbitrium suum. Sed quid differat *Rex* à *Tyranno*, ratione investigandum est, non affectu. Primum autem non in eo differunt, quod major sit potentia hujus quam illius; quia *summo imperio* majus dari non potest. Neque quod alter potentiam habeat præscriptam, alter non. Cujus enim potentia præscripta est, non est *Rex*, sed *subditi* præscribentis. Deinde neque modo acquirendi differunt. si quidem enim in civitate *Democratia*, vel *Aristocratia*, *summum imperium* civis aliquis vi occuparet, habito civium consensu, legitimus fit *Monarcha*; eo consensu non habito, *hostis* est, non *Tyrannus*. Differunt ergo solo imperii exercitio, ut *rex* sit qui rectè regit, *Tyrannus* qui aliter. Huc igitur res redit, ut ciyes *Regem* legitime in *summo imperio* constitutum, si imperium ipsis rectè videbitur exercere, cum *Regem*, aliter *Tyrannum* appellandum censeant. Non sunt igitur diversi civitatis status *Regnum* & *Tyrannis*, sed eidem *Monarchia* nomen *Regis* pro honore, *Tyranni* pro convicio datur. Quæ autem

autem passim contra *Tyrannos* dicta in libris reperiuntur, originem à Græcis Romanis scriptoribus traxerunt, qui partim à *populo*, partim ab *optimatibus* regebantur, ideoque non modo *Tyrannos* sed etiam *Reges* exoli sunt.

I V. Sunt qui necessarium quidem esse putant, ut *summum imperium* alicubi in civitate existat; sed si illud penes *unum* esset, sive *hominem* sive *Concilium*, sequeretur, inquit, cives omnes esse servos. Hanc conditionem fugientes, posse esse statum quendam civitatis arbitrantur, *mixtum* ex dictis tribus speciebus, diversum tamen à singulis, quam *mixtam* vocant *Monarchiam*, vel *mixtam Aristocratiam*, vel *mixtam Democratiam*, prout aliqua trium specierum præ cæteris emineat. Exempli causa, si nominatio Magistratuum, & Arbitrium belli & pacis, penes *Regem* esset, judicia apud *magnates*, pecuniarum contributio penes *populum*, & legum ferendarum potentia penes *omnes* simul: hujusmodi statum vocarent *Monarchiam mixtam*. Quod si fieri posset, ut hujusmodi status existeret, nihilo magis civium libertati consultum esset. Quamdiu enim omnes consentiunt inter se, subjectio singulorum civium tanta est, ut major esse non possit; sed si dissentiant, bellum civile reducitur, & jus *Gladii privati*, quod est omni subjectione pejus. Sed fieri hujusmodi *Imperii summi* (*) divisionem non posse, satis demonstratum est capite præcedente, articulis 6, 7, 8, 9, 10, 11, 12.

Non dari statum civitatis mixtum ex spectebat dictis.

V. Videamus jam in unaquaque civitatis specie constituendâ, quid faciant constituentes. Quid coierunt ad civitatem erigendam, penè eo ipso quod coierunt, *Democratia* sunt. Nam ex eo quod volentes convenerunt, intelliguntur obligati ad id, quod consensu majoris partis decerneretur. Id quod quamdiu conventus durat, vel in certos dies & loca differtur, *Democratia* est. Nam conventus is, cujus voluntas est voluntas omnium civium, *summum imperium* habet. Et quia in conventu hoc, supponitur, unumquemque habere jus suffragii: sequitur eam esse *Democratiam*, per definitionem traditam articulo 1. capitis hujus. Quod si discedant, solvaturque coeventus, neque

Democratiam, nisi certa tempora & loca conveniendi constituantur, dissolvitur.

III 3

quic-

* Sed fieri hujusmodi summi Imperii divisionem non posse, &c.] Imperium dividi non oportere, plerique dicunt; sed temperari, & limite aliquo contineri volumus. Ita sane æquum est, sed illi cum temperari & limitari dicunt, si dividi intelligunt, ineptè distinguunt. Vellem quidem ego, non modo Reges, sed etiam cætos illos qui sunt cum imperio summo, velle temperare sibi à maleficio, cogitantesque de officio suo, intra legum naturalium & divinarum limites se ipsos continere. At illi qui sic distinguunt, summos imperantes ab aliis limitari & coerceri volunt: quod quia fieri non potest, quin illi limitatores potestatis partem aliquam qua id facere possint, habere debeant, dicitur Imperium, non temperatur.

Associatio.

quicquam antè constitutum sit de tempore & loco se denuò congregandi, redit res ad *Anarchiam*, & statum illum in quo erat antequam convenissent, hoc est, ad statum belli omnium contra omnes. *Populus* igitur *summum Imperium* non amplius retinet, quam dies & locus, certus, cognitus & constitutus palam sit, ad quem convenire quicunque volent, possint. Nisi enim id cognitum & statutum sit, possunt vel diversis temporibus & locis, hoc est, in factiones, vel non omninò convenire. Neque est amplius *Δῆμος*, id est, *Populus*, sed multitudo dissoluta, cui nulla neque *actio* neque *jus* attribui potest. Dux igitur res constituunt *Democratiam*, quarum una (nempe conditio perpetua conventuum) *Δῆμος*, altera (quæ est pluralitas suffragiorum) *πῶς ἐστὶν* sive potestatem constituit.

In Democra-
tia, tem-
porum can-
veniendi in-
tervalla
oportet esse
parva, vel
summi im-
perii usum
pro inter-
vallis uni
alicui esse
conceden-
dum.

In Democra-
tia singu-
li cum sin-
gulis obedi-
untur se po-
pulo paci-
fiscuntur; po-
pulus ipse
nemini obli-
gatur.

VI. Præterea, non sufficit *Populo* ad *summum imperium* retinendum, ut tempora & loca certa conveniendi cognita sint, nisi etiam vel temporum intervalla minùs inter se distent, quàm ut interea quicquam possit intervenire, quo (propter defectum *summi Imperii*) civitas in discrimen adducatur, vel saltem usum summi Imperii alicui homini *uni*, vel concilio *uni* pro tempore intermedio concedant. Hoc enim nisi fiat, non satis cautum est defensionì, & paci singulorum. Neque igitur civitas dicenda erit; quippe in quâ propter defectum securitatis redit unicuique jus se ipsum proprio arbitratu defendendi.

VII. *Democratia* non constituitur per acta singulorum cum *Populo*, sed mutuis pactis singulorum cum singulis cæteris. Primum autem ex eo patet, quod prius debent in omni pacto exsistere personæ pacificantes, quàm ipsum pactum; sed ante constitutionem civitatis, *Populus* non existit, ut quæ non erat persona aliqua, sed multitudo personarum singularium; non potuit igitur inter *populum* & *civem* pactum ullum intercedere. Postquam autem civitas constituta est, si civis cum *Populo* paciscitur, frustra est; quia *Populus* voluntate suâ voluntatem civis illius (cui supponitur obligari) complectitur, ideòque liberare se potest arbitrio suo; & per consequens, jam actu liber est. Secundum autem, quod singuli cum singulis paciscuntur, ex eo inferri potest, quod frustra esset constituta civitas, si cives nullis obstringerentur pactis, ad faciendâ omittendâque ea quæ civitas facere & omittere imperaret. Quoniam ergo pacta talia intercedere in civitate constituendâ intelliguntur ut necessaria, nulla autem, ut jam ostensum est, intercedant inter *civem* & *populum*; sequitur fieri ea inter cives singulos: scilicet ut unusquisque civium paciscatur voluntatem suam se subjecturum esse voluntati majoris partis, eâ lege, ut reliqui quoque idem faciant; tanquam si unusquisque sic diceret, *ego jus meum*

ad

ad populum transfero, in tuam gratiam; ut tu tuum, in gratiam meam, transferas ad eundem.

VIII. *Aristocratia* sive *curia optimatum* cum summo imperio, originem habet à *Democratia*, quæ jus suum in illam transfert. Vbi intelligendum est, certos homines nominibus, vel genere, vel aliqua aliâ notâ ab aliis dignoscendos proponi ad *populum*, & pluralitate suffragiorum eligi, in electos autem transferri jus omne totius *populi*, sive civitatis, ita ut quod jure *populus* prius poterat, id nunc jure possit *curia electorum optimatum*. Quo facto patet, *Populum*, ut personam unam, *summo imperio* ad hostranslato, non amplius existere.

Aristocratia quibus aliis constituta.

IX. Sicut in *Democratia* *populus*, ita in *Aristocratia* *curia optimatum* omni obligatione libera est. Quoniam enim cives non paciscentes cum *populo*, sed mutuis inter se pactis tenebantur ad omnia quæ *populus* faceret, tenebantur inde ad factum *populi*, transferentis jus civitatis in *optimates*. Neque enim *curia optimatum* potuit, quamquam electa à *populo*, ad quicquam ab eo obligari; nam eâ erectâ, *populus* simul dissolvitur, ut proximè supra dictum est, peritque ratio illa quam habebat ut *Persona*. Quare perit quoque unâ & dissolvitur, quæ facta erat ad *personam* obligatio.

In *Aristocratia*, *optimates* nihil paciscuntur; neque erant cuiquam aut toti *populo* obligantur.

X. Hæc quoque cum *Democratia* communia habet *Aristocratia*. Primum quod sine constitutione certorum temporum, & locorum, ad quæ, *curia optimatum* possit convenire, non amplius sit *curia*, neque persona una, sed dissoluta multitudo, sine summo imperio. Secundum, quod tempora conventuum longis intervallis, salvo summo imperio, nisi usus ejus in unum aliquem hominem transferatur, non possint disjungi. Rationes autem quare hoc contingit, eadem sunt, quas adduximus articulo quinto.

Optimates necessaria est conditio conventuum.

XI. Ut *Aristocratia*, ita quoque *Monarchia* à potestate *populi* derivatur, scilicet jus suum, hoc est, *summum imperium*, in unum hominem transferentis. Hic quoque intelligendum est, unum certum hominem, nomine, vel aliâ notâ à cæteris omnibus dignoscendum, proponi, atque in eum jus omne *populi* pluralitate suffragiorum transferri; ita ut quicquid potuerat *populus*, antequam eligeretur, id omne postea jure possit facere electus. Quod cum factum est, *populus* non amplius est *persona* una, sed dissoluta multitudo, quippe quæ una erat virtute tantum *summi imperii*, quod jam à se in hunc transtulerunt.

Monarchia quibus aliis constituta.

XII. Neque ergo *Monarcha* ullis se pactis cuiquam ob receptum imperium obstringit. Recipit enim imperium à *populo*; sed ut proximè supra ostensum est, *populus* statim atque id factum est, *persona* esse definit; pereunte autem *persona*, perit omnis ad *personam* obligatio. Tenentur

Monarcha nemini ob receptum imperium pactis obligatur.

nentur itaque cives ad obedientiam *Monarchæ* præstandam, pactis illis tantum, quibus mutuo se obligaverant ad ea omnia quæ *populus* censeret, facienda, hoc est, ad obediendum *Monarchæ*, si à *populo* constitueretur.

Monarcha
semper in
potentia
proxima est
ad exercen-
dum omnes
actus, qui
ad impe-
rium requi-
runtur.

XIII. Differt autem *Monarchia*, tum ab *Aristocratia*, tum à *Democratia* in hoc, quod hic ut deliberari & decerni, hoc est, ut imperium actu exerceri possit, temporibus quibusdam & locis conditis opus est; illic omni tempore & loco deliberatur & decernitur. *Populus* enim, ut & *optimatibus*, quia non sunt *unum naturale*, congressu opus est. *Monarcha*, qui unus natura est, semper in potentia proxima est ad actus imperii exercendos.

Quid genus
peccati, &
quorum ho-
minum sit,
quando civi-
tas adver-
sus cives, &
vel cives ad-
versus civi-
tatem efficit
sua non sum-
untur.

XIV. Quoniam ostensum est supra, articulis 7, 9, 12. eos qui *summum* in civitate *imperium* adepti sunt, nullis cuiquam pactis obligari; sequitur, eosdem nullam civibus posse facere *injuriam*. *Injuria* enim, per definitionem supra allatam capite tertio, articulo tertio, nihil aliud est quam pactorum violatio; ideoque ubi nulla pacta præcedunt, ibi nulla sequi potest *injuria*. Potest tamen & *populus*, & *civitas optimatum*, & *Monarcha*, multis modis peccare contra cæteras leges naturales, ut *credulitate*, *iniquitate*, *contumeliâ*, aliisque vitiis, quæ sub hac strictâ & accuratâ *injuriæ* significatione non veniunt. Cæterum civis si obedientiam summo imperio non præstiterit, *injuriæ* & in cæteros concives omnes etiam propriè loquendo dicetur; propterea quod unusquisque cum unoquoque pactus est obedientiam præstare, atque etiam in *summum imperantem*; quod jus quod ei dederant, sine consensu ejus resumunt. Et in *populo* quidem, vel *civitatè Optimatum*, si quid decretum sit contra *legem* aliquam *naturalem*, non peccat ipsa civitas, hoc est, persona civilis, sed cives illi quorum suffragiis decretum est. Peccatum enim sequitur voluntatem naturalem, & expressam, non politicam, quæ artificiosa est; quia si hoc esset, peccarent & illi quibus decretum displicuit. In *Monarchiâ* autem, *Monarcha* si quid decreverit contra *leges naturales*, ipse peccat: quia in ipso voluntas civilis eadem est cum naturali.

Monarcha
salvus sine
temporis li-
mitatione,
potest succes-
sorem suum
eligere.

XV. *Populus* qui *Monarcham* facturus est, potest ei *summum imperium* tradere, vel simpliciter sine temporis limitatione, vel pro tempore certo & determinato. Si simpliciter, intelligitur ita esse imperium ejus cui traditur, sicut erat *populi* qui tradidit. Quâ igitur ratione *populus jure* *Monarcham* *liberum*, eadem ille *Monarcham alium* facere potest; ita ut *Monarchæ* cui simpliciter traditum est imperium, competat *jus* non modo *possessionis*, sed etiam *successionis*, ut possit suo arbitrio declarare successorem suum.

XVI. Quodsi

XVI. Quodsi imperium pro tempore determinato tantum traditum sit, alia præter ipsam traditionem spectanda sunt. Primum, utrum *populus*, cum in eum imperium contulerit, reliquerit sibi *jus* ad tempora & loco præfinita coëundi, necne. Secundum, si reliquerit sibi potestatem illam, utrum reliquerit sibi potestatem conveniendi antè quam tempus illud expiraret, quod *Monarchæ* ad habendum imperium summum præscripserat. Tertium, utrum convocari voluerit ad arbitrium *Monarchæ* illius temporarii, & non aliter. Supponamus jam, *populum* tradidisse *summum imperium* alicui uni homini, habendum pro tempore tantum vitæ suæ; quod cum fecisset, putemus primò, è coetu unumquemque ita discessisse, ut de loco, ubi (post mortem ejus) ad novam electionem congregarentur, nihil omnino ordinatum sit. In hoc casu manifestum est, per articulum quintum hujus capituli, *populum* non esse amplius *personam*, sed multitudinem dissolutam, quorum cuilibet cum quibuslibet convenire diverso tempore, & loco quo libuerit, vel imperium sibi rapere si potuerit, æquo jure, nimirum naturali, licitum est. Quicumque igitur *Monarcha* tali conditione imperium habet, tenetur *lege naturali*, quæ habetur capite tertio, articulo octavo *de non reddendo malo pro bono*, cavere, ne per mortem suam civitas dissolvatur, nimirum vel statuendo diem & locum certum, quo cive, qui voluerit, convenire possint, vel successorem ipse nominando, prout sibi ad civium communem utilitatem conducere videbitur. Is igitur qui *summam potestatem* pro tempore vitæ accepit, eo modo quo dictum est, absolute eam habet, & potest disponere de successione. Secundo, si ponatur *populus* ab electione *Monarchæ temporarii* ita discessisse, ut decretum prius factum sit de conveniendo ad diem & locum certum post mortem ejus, tunc mortuo *Monarcha*, consolidatur imperium in *populo*, nullo novo actu civium, sed jure priore. Toto enim medio tempore, *summum imperium* (ut *Dominium*) in *populo* erat, *usus* autem, sive exercitium ejus tantum in *Monarcha temporario*; ut *usufructuario*. Quodsi *populus* electo *Monarcha temporario* ita discesserit è curia, ut tempora & loca certa conveniendi habiturus sit, durante termino illi præscripto, (quemadmodum apud *populum Romanum* facti sunt olim *Dictatores*) non habendus est talis pro *Monarcha*, sed pro primo *populi* ministro, potestque *populus*, si videbitur, eum administratione sua privare, etiam ante tempus, ut fecit *populus Romanus*, qui *Minutio* Magistro Equitum æqualem dedit potestatem cum *Quinto Fabio Maximo*, quem antè fecerat *Dictatorem*. Ratio cujus rei ea est, quod cogitari non potest, eum sive hominem, sive coetum,

El. Phil. sect. 3.

K K K

qui

qui in potentia proxima & immediata est ad agendum, ita imperium retinere, ut non possit actu imperare. Imperium enim nihil aliud est, quam jus imperandi quoties per naturam possibile est. Postremo, si *populus*, declarato *Monarcha temporario*, ita discedat à curia, ut injussu declarati non sit licitum iterum convenire, intelligitur *populus* statim dissolvi; imperiumque ejus esse absolute, qui sic declaratur: propterea, quod non est in potestate civium, ut civitas renascatur, nisi velit is qui imperium solus habet. Neque refert quod potuerit promittere, se cives certis temporibus convocaturum, cum non existeret jam, nisi arbitrio ejus, *persona* cui promissum est. Quæ diximus de quatuor prædictis casibus *populi*, *Monarcham temporarium* eligentis, plenius explicabuntur, per comparationem cum *Monarcha absoluto*, cui nullus apparet hæres. *Populus* enim *Dominus* civium talis est, ut hæredem, nisi quem nominat ipse, habere non possit. Præterea, intervalla inter tempora conventus civium, comparari possunt ad tempora dormiendi in *Monarcha*. Vtrobique enim *actus* imperandi cessant, *potentia* retinetur. Denique ita dissolvi conventum, ut non possit iterum convenire, mors *populi* est: sicut ita dormire, ut nunquam vigilare possit, mors hominis est. Quemadmodum igitur Rex cui hæres ullus est, dormiturus ita ut nunquam possit expergiscere, hoc est moriturus, si tradit alicui summum imperium exercendum donec evigilaverit, tradit ei per consequens successionem; ita quoque *populus*, qui *Monarcham temporarium* eligens simul aufert sibi potestatem conveniendi, tradit ipsi dominium civitatis. Porro, ut rex qui dormiturus in tempus aliquod, summum imperium alii dat administrandum, idem expergefactus recipit; sic *populus*, *Monarcha temporario electo*, retinens jus coeundi ad certum diem & locum, eo die recipit imperium suum. Et sicut rex qui Imperium administrandum alii dedit, ipso interea evigilante, potest idem revocare quando vult; ita *populus* qui per tempus *Monarcha temporario* præscriptum jure convenit, potest eundem imperio, si velit, spoliare. Denique rex qui imperium administrandum alii tradit dum ipse dormit, nec evigilare potest, nisi is, cui traditum est, voluerit, unà perdidit imperium cum vita; sic *populus*, qui *Monarcha temporario* imperium commisit, ita ut injussu ejus non possit iterum convenire, penitus dissolutus est, manetque imperium penes electum.

Monarcha, retento jure imperii, non intelligitur nullo promisso transiisse jura in media ad imperium necessaria.

XVII. *Monarcha* si quid promiserit civi, vel pluribus simul civibus, propter quod per consequens, summum Imperium exerceri non potest, *Promissum* illud, sive *Pactum* jurato vel injurato factum, irritum est. *Pactum* enim est juris translatio, quæ per ea quæ capite secundo,

cundo, articulo 4. dicta sunt, requirit signa idonea voluntatis in transferente. Qui verò sufficienter significat voluntatem retinendi finem, sufficienter declarat, se non decedere de jure ad media ad eum finem necessaria. Iam verò qui promissit aliquod necessarium ad *summum imperium*, ipsum tamen *imperium* retinet, satis idonea signa dat, se non aliter promississe, nisi quatenus *summum imperium* sine eo retineri potest. Quandoque igitur apparuerit, id quod promissum est, præstari non posse, salvo *summo imperio*, promissum pro non promisso, id est, invalidum censi debet.

XVII. Vidimus quo modo cives naturâ dictante obligarunt se mutuis pactis ad obediendum *summo imperio*. Videndum porro est, quibus modis fieri potest, ut obedientiæ hujusmodi vinculis liberentur. Primò autem id fit *abdicatione*, id est, si quis *jus imperii* non in alium transfert, sed abjicit, sive derelinquit: nam quod abjicitur, in medium æquè omnibus rapiendum projicitur: unde iterum jure naturali unusquisque civium suæ conservationi suo providere arbitrio potest. Secundò, si civitas venerit in potestatem hostium, ita ut resisti eis non possit, intelligitur is qui prius *summum* habebat *potestatem*, eam jam amisisse. Cives enim cum omnem conatum fecerint, ne in manus hostium venirent, pacta quæ inierunt singuli cum singulis de obedientiâ præstandâ adimplerunt. Et quæ promiserint postea victi, necis vitandæ causâ, ea quoque ut præstent, omni conatu laborandum est. Tertio, in *Monarchiâ* (nam *Δῆμος* & *Curia optimatum* deficere non possunt) si successor nullus omnino appareat, omnes cives obligationibus suis liberantur. Nemo enim teneri intelligitur, qui, cui tenetur, nescit; quia præstatio in tali casu esset impossibilis. Atque his tribus modis à subjectione civili, in libertatem omnium ad omnia, hoc est, naturalem & belluinam, (nam status naturæ ad statum civilem, hoc est, libertas ad subjectionem, eam habet proportionem, quam cupiditas ad rationem, vel bellua ad Hominem) simul se recipiunt cuncti cives. Præterea vero, singuli cives liberari subjectione jure possunt, voluntate ejus, penes quem summum est imperium; nimirum si solum vertent: quod duobus modis accidere potest; vel permissione, ut si quis veniâ imperatâ aliud volens habitatum abit; vel jussu, ut *Exsul*. Utroque casu, liber erit legibus prioris civitatis, propterea quod obstringitur legibus posterioris.

Quibus modis civis subjectione liberatur.

C A P U T V I I I.

De jure Dominorum in servos.

- I. Dominus & servus quid sint. II. Distinctio servorum in eos qui fide habita, libertate fruantur naturali, & Ergastulos sive eos qui carcere vel compedibus vincti serviunt. III. Obligatio servi nascitur ex concessa ei à Domino libertate corporis. IV. Servi vincti Dominis non tenentur pacto. V. Servi non habent proprietatem in bonis suis contra Dominum. VI. Dominus servum potest vendere, vel testamento alienare. VII. Dominus in servum injurius esse non potest. VIII. Dominus Domini est Dominus servorum. IX. Quibus modis servi liberantur. X. Dominum in bestias juris naturalis est.

Dominus & servus quid sint.

I. **D**Vobis capitibus proximè superioribus dictum est de civitate instituta, nempe quæ multorum consensione qui se invicem pactis & fide mutuo data obstrinxerunt, inita est. Sequuntur jam quæ dicenda sunt de civitate naturali, quæ & Acquisita d' i potest, quippe quæ acquiritur potentia & viribus naturalibus. Sciendum autem in primis est, quibus modis jus *Dominus* acquiri potest in personas hominum. Vbi tale jus acquisitum est, ibi *parvum* quoddam regnum est. *Regem* enim esse, nihil aliud est, quàm *Dominium* habere in personas multas, atque adeò *familia magna, regnum*; & *regnum parvum, familia* est. Ut redeamus iterum in statum naturalem, consideremusque homines tanquam si essent jamjam subito è terrâ (fungorum more) exorti & adulti, sine omni unius ad alterum obligatione, tres tantum modi sunt, quibus alter in alterius *personam Dominium* habere potest. Quorum primus est, si volentes (paci & mutue defensionis causâ) in ditionem & *Dominium* alicujus hominis, vel coetus hominum, ipsi sese pactis mutuis inter se initis tradiderint. Atque de hoc modo dictum jam est. Secundus modus est, siquis bello captus, vel victus, aut viribus diffidens (ut mortem declinet) victori vel fortiori promittit, se ei *servitutum*, hoc est, omnia facturum quæ imperabit. In quo contractu bonum quidem quod victus, vel viribus inferior accipit, est vitæ condonatio, quæ jure belli in statu hominum naturali tolli poterat: bonum autem quod promittit, ministerium & obedientia est. Hujus ergo promissi vi debetur à victo victori ministerium, & obedientia absoluta, quantum fieri potest, nisi quæ repugnet legibus divinis. Nam qui mandatis cujusquam obedire, antè obligatur, quàm quid imperaturus sit sciat, tenetur

netur ad omnia mandata simpliciter, & sine restrictione. Iam qui sic tenetur, *SERVUS*, is cui tenetur, *DOMINUS* appellatur. Tertio, acquiritur jus in personam per generationem; de quo acquisitionis modo dicetur capite sequenti.

II. Non omnis bello captus, cujus vitæ paritum est, pacisci cum domino intelligitur: quia non omni ita creditur, ut relinquatur ei tantum libertatis naturalis, ut vel aufugere, vel ministerium detrectare, vel machinari *Domino* malum aut damnum aliquod, si cupiat, possit. Et serviunt quidem hi, sed intra ergastula, vel compedibus vincti, ideoque vocabantur non modo *servi* communi nomine, sed etiam peculiari appellatione *ergastuli*; sicut & hodie diversa significant, *un serviteur*. & *un serf*, vel *un esclave*.

Distinctio servorum in eos qui fide habitæ, libertate fruantur naturali, & ergastuli sive eos qui carere vel compedibus vincti serviunt.

III. Obligatio igitur *servi*, adversus *Domini*, non nascitur ex simplici vitæ condonatione, sed ex eo quod non vinctum eum, vel in carceratum teneat. Obligatio enim ex pacto oritur, pactum autem nili fide habitæ nullum est, ut patet ex cap. 2, articulo 9, ubi definitur: Pactum esse promissum ejus cui creditur. Cum beneficio ergo vitæ condonata conjuncta est fiducia, qua *Dominus* eum in libertate corporali relinquit, ita ut nili intervenissent obligatio, & vincula pactitia, non modo aufugere, sed etiam *Dominum* conservatorem vitæ ejus, vitâ spoliare possit.

Obligatio servi nascitur ex concessu ei a domino libertate curpæ.

IV. *Servi* itaque hujusmodi, qui carceribus, ergastulis, vinculisve cohibentur, non comprehenduntur definitione *servorum* supra traditâ, quia serviunt hi, non pacto, sed ne vapulent. Ideoque si aufugerint, vel *Dominum* interfecerint, nihil faciunt contra leges naturales. Etenim vinculis ligare, signum est, illum qui ligat, supponere, ligatum nullâ aliâ obligatione satis teneri.

Servi vincti domini non tenentur pacto.

V. Non minus igitur juris & domini habet *Dominus* in *servum non vinctum*, quam in *vinctum*: summum enim habet in utrumque; potestque de *servo* non minus quam de quâlibet aliâ re, sive animatâ, sive inanimatâ, dicere, *Hoc meum est*. Ex quo sequitur, quicquid *servi* erat ante servitutem, id postea *Domini* esse; & quicquid *servus* acquisierit, id *Domino* acquisitum esse. Qui enim jure disponit de *persona* hominis, de omnibus rebus disponit, de quibus disponere potuit *persona*. Nihil igitur est, quod *servus* possit ut *sum* retinere contra *Dominum*. Est tamen ei, *Domini* distributione, *proprietas* & *dominium* in res suas, ita ut eas retinere & defendere possit *servus* contra *conservum*; eo modo quo antè ostensum est, civi nihil esse propriè *sum*, contra voluntatem *civitatis*, sive ejus qui habet summum imperium; esse autem *sua* cuique civi contra concivem.

Servi non habent proprietatem in bonis suis contra dominum.

*Dominus
servum po-
test vendere,
vel testa-
mento alie-
nare.*

*Dominus in
servum in-
juriæ esse
non potest.*

*Dominus
domini, est
dominus ser-
vorum.*

*Quibus mo-
dis servus li-
beretur.*

VI. Quoniam ergo & *servus* ipse & ea quæ habet, omnia *Domini* sunt, disponere autem de suo unusquisque jure naturali potest eo modo quo voluerit, poterit *Dominus* Dominium suum in *servum* vendere, oppignorare, vel testamento transferre, pro arbitrio suo.

VII. Præterea id quod antè de subditis in civitate institutivâ demonstratum est, nimirum; quod is qui summum civitatis imperium habet, nullam iis injuriam facere potest, verum quoque de *servis* est, propterea quod voluntatem suam, *Domini* voluntati subjecere. Quare quicquid iste fecerit, ipsis volentibus fit: volenti autem injuria fieri non potest.

VIII. Si vero accadat, ut *Dominus* five captivitate, five subjectione voluntariâ, *servus* vel *subditus* alterius fiat, ille alter non modo ipse, sed etiam *servorum* ejus, *Dominus* erit; horum quidem *Dominus supremus*, illius *immediatus*. Quoniam enim non modò *servus*, sed etiam ea quæ habet, *Domini* sunt, ideo & *servi* illius hujus sunt; neque potest *Dominus medius* de iis aliter disponere, quàm *Dominus supremus* visum fuerit. Et propterea in civitatibus, si quando *Dominus* in *servos* potentia absoluta fuerit, ea à jure naturæ orta esse censetur, & lege civili non constituta, sed præterita.

IX. *Servus* iisdem modis *servitutis* liberatur, quibus *subditus* in civitate institutivâ liberatur subjectione. Primo, si *Dominus* eum libertate donaverit. Nam quod jus in se *servus* *Domino* transtulit, idem potest *Dominus* *servo* rursus reddere. Atque libertatis donatio talis, MANUMISSIO dicitur. Quod simile est, ac si civitas civi permiserit in aliam civitatem se transferre. Secundo, si *Dominus* *servum* à se abigat; id quod in civitate *exsilium* est. neque differt quoad effectum à *manumissione*, sed quoad modum. libertas enim hîc in pœnam, illic in gratiam data est. Utrobique autem *Dominio* renunciatur. Tercio, *servus* si captus fuerit, *vetus* servitutem *novâ* abolet. Nam sicut & res cæteræ omnes, ita quoque & *servi* bello acquiruntur, quos æquum est ut *Dominus* protegat, si suos esse velit. Quartò, liberatur *servus* ignorance successoris, puta moriente *Domino* sine testamento, & sine hærede. Nemo enim obligari intelligitur, nisi scire possit cui præstandum sit quod debetur. Postremò; *servus* qui in vincula conjicitur, vel quoquo modo libertate corporali privatur, alterâ illâ obligatione pactitiâ liberatur. Non enim existit pactum, nisi ubi paciscenti creditur; nec violari potest fides, quæ non est habita. *Dominus* autem qui ipse alii servit, *servos* suos non potest ita liberare, quin semper sint in potestate *Domini supremi*. Nam ut supra ostensum est, sunt tales *servi*, non sui, sed *domini supremi*.

X. Eodem

X. Eodem modo acquiritur jus in animalia ratione carentia, quo in *personas* hominum; nimirum viribus & potentiis naturalibus. Siquidem enim in statu naturali, propter bellum omnium in omnes, subjugare, vel etiam occidere Homines, cuique licitum sit, quoties id suo bono conducere videbitur; multo magis idem licitum erit adversus belluas, hoc est, arbitrato suo eas in servitutem subigere, quæ per ingenium cicurari & usui esse possunt, cæteras bello perpetuo, ut noxias persequi & destruere. *Dominium* igitur in bestias originem habet à *jure naturæ*, non à *jure divino positivo*. Nam si non exstitisset tale jus ante promulgationem Scripturæ sacræ, nemo jure potuisset bestias ad cibum jugulare, durissimâ sanè hominum conditione quos bestię devorare sine injuriâ possent, illi bestias non possent. Siquidem ergo à jure naturali sit, quod bestia hominem occidat ab eodem jure erit, quod homo jugulet bestiam.

Dominium in bestias a jure naturalis est.

C A P U T IX.

De jure parentum in liberos, & de Regno Patrimoniali.

- i. *Dominium paternum non oritur à generatione.* ii. *Dominium in infantes ejus est, qui primus eos in potestate sua habet.* iii. *Dominium in infantes originaliter matris est.* iv. *Infans expositus ejus est, à quo conservatur.* v. *Natus ex cive & habente summum imperium, imperantis est.* vi. *In conjunctione Maris & feminae, statim neuter alteri imperet, Nati matris sunt, nisi pacto vel lege civili aliter statuatur.* vii. *Liberi subjunguntur Patribus, non minus quam servi Dominis, & cives civitati.* viii. *De Honore Parentum & Dominorum.* ix. *In quo consistat libertas, & differentia civium & servorum.* x. *Idem est jus in cives in Regno Patrimoniali, quod in instituto.* xi. *Quæstio de jure successionis in sola Monarchia locum habet.* xii. *Monarcha potest summum imperium civitatis, testamentum disponere.* xiii. *Vel donare vel vendere.* xiv. *Monarcha intestatus, semper intelligitur velle fore sibi Monarcham successorum.* xv. *Et aliquem ex suis liberis.* xvi. *Et masculinum potius quam feminam.* xvii. *Et filiorum natu maximum, quam minorem.* xviii. *Et fratrem, si prole careat, præ omnibus aliis.* xix. *Eodem modo quo succeditur in imperium succeditur etiam in jus successionis.*

- I. Socrates est homo, ergo & animal, recta argumentatio est, eademque evidentissima, propterea quod nihil opus est ad consequen-

Dominium paternum non oritur à generatione.

sequentiae veritatem agnoscendam, nisi ut vox, *homo*, intelligatur, quia *animal* est in ipsa *hominis* definitione; suppletque unusquisque propositionem quae desiderabatur, nempe hanc, *homo est animal*. Et hæc, *Sophroniscus Socratis pater est*, ergo & *Dominus*, recta forte illatio est, cæterum non evidentissima, quia *Dominus* non est in definitione *patris*; itaque opus est ad evidentiam, ut *patris* & *Dominus* connexio explicetur. Qui hactenus *Dominium patris* in *liberos* asserere conati sunt, argumentum nullum attulere præter *generationem*; quasi per se evidens sit, quod à me genitum est meum esse; similiter facientes, ac si quis putet si triangulum sit, statim apparere, sine aliâ ratiocinatione angulos ejus esse æquales duobus rectis. Præterea, cum *Dominium*, hoc est, *imperium supremum* indivisibile sit, ita ut nemo duobus *Dominis* servire possit, ad *generationem* autem duæ personæ concurrant, *Mas* & *fæmina*, impossibile est ut *Dominium* omnino acquiratur sola *generatione*. Quare origo *Dominus patrem* diligentius hoc loco quaerenda est.

Dominium in infantes ejus est, qui primus eis in potestate sua habet.

II. Redeundum igitur est ad statum naturalem, in quo propter æqualitatem naturæ, omnes homines naturæ ætatis inter se æquales habendi sunt. ibi *jure naturæ* victor victi *Dominus* est. *jure igitur naturæ* *Dominium infantis* ad eum primum pertinet, qui primus in potestate suâ ipsum habet. Manifestum autem est, *eum* qui modo *nascitur*, prius esse in potestate *matris*, quàm cujusquam alterius, ita ut illum vel educare, vel exponere, suo arbitrio & *jure* possit.

Dominium in infantes originaliter matris est.

III. Siquidem ergo educet (quoniam status naturæ status belli est) ea lege educare intelligitur, ne adultus, hostis fiat, hoc est, ea lege ut ipsi obediat. Cum enim necessitate naturali *velimus* omnes id quod *nobismet ipsis* apparet *bonum*; intelligi non potest, quemquam ita vitam dedisse cuiquam, ut possit simul, & vires ætate acquirere, & *jure* hostis esse. Hostis autem est quisque cuique, cui neque paret neque imperat. Arque hoc modo, in statu naturæ, omnis puerpera simul & *mater* fit & *Dominus*. Quod verò quidam ajunt, non *matrem*, in hoc casu, sed *Patrem* fieri *Dominum*, propter præstantiam sexus, nihil est; nam & ratio in contrarium est, quia inæqualitas virium naturalium minor est, quam ut *mas* in *fæminam* imperium sine bello acquirere possit. Et consuetudo in contrarium non est; quia *fæmine*, nimirum *Amazones*, quondam bella contra hostes gesserunt, & de prole suâ suo libitu statuerunt; hodieque pluribus in locis *fæmine* sunt cum *summo imperio*. Neque de harum *liberis* statuunt *mariti*, sed *ipsæ*; quod sanè *jure naturæ* faciunt, siquidem qui summum habent imperium, legibus civilibus, ut supra ostensum est, non tenentur. Adde quod in

in statu naturæ sciri non potest, cujus *patrius filius* est, nisi indicio *matris*. Ejus igitur est quem *mater* vult eum esse, & proinde *matris* est. Originale igitur in *liberos* Dominium, *matris* est; & apud homines non minus quam cætera animantia, partus ventrem sequitur.

I V. *A matre* autem ad alios transit *Dominium* diversis modis. Primò, si jus suum dereliquerit, sive abjecerit *filium exponendo*. Is igitur qui expositum educaverit, idem habebit *Dominium*, quod habebat *mater*. Vitam enim quam *mater* (non *generando*, sed *alendo*) dederat, *exponendo* tollit. Quare & obligatio, quæ orta est ex vitæ donatione, per *expositionem* sublata est. Ei autem qui ipsum *alendo* conservavit, omnia debet conservatus, & nomine alumni, tanquam *matris*, & nomine *servi*, tanquam *Dominio*. Et si enim *mater* *filium* in statu naturæ ubi omnia sunt omnium, repetere possit, (eodem scilicet jure, quo quilibet alius) tamen *filius* jure non potest ad matrem se transferre.

Infans expositus ejus est a quo conservatur.

V. Secundò, si *mater* bello capta sit, *natus* ex ea capientis est, propterea quod qui *Dominium* in *personam* habet, *Dominium* habet in omnia quæ sunt ejus: quare & in *filium*, ut capite præcedente, articulo 5, dictum est. Tertiò, si *mater* civis sit cujuscunque civitatis, is qui in ea civitate habet summum imperium, *Dominium* habebit ejus qui ab ea nascetur: nam & *matris* Dominus est, quæ habenti summum Imperium in omnibus tenetur obedire. Quartò, si *mulier* viro se tradiderit in vitæ societatem, eâ lege ut imperium apud *virum* sit, qui nascitur ex ambobus, *patrius* est, propter imperium in *matrem*. Sed si *femina* imperium habens, *filios* ex *subdito* susceperit, suscepti *matris* sunt. Aliiter enim, salvo imperio, *mulier* *filios* habere non potest. Atque universaliter, si *maris* & *femine* societas unio sit, ut alter alterius imperio subjiaciatur, *liberi* sunt *imperantis*.

Natus ex civitate & habente summum imperium, imperantis est.

VI. Cæterum in statu naturæ, siquidem *mas* & *femina* societatem contrahant, ita ut alter alterius imperio non sublit, *nati* ex iis *matris* sunt, propter rationes adductas supra articulo tertio, nisi aliter pactis provisum sit. Pactis enim *mater* de jure suo disponere potest prout velit, quemadmodum factum est olim ab *Amazonibus*, quæ ex vicinis susceptos liberos, *mares* quidem illis remisérunt, *feminas* sibi ipsi pacto retinuerunt. In civitate vero, si contractus sit inter *matrem* & *feminam* ad cohabitationem, *liberi* geniti, *patrius* sunt: quia in omnibus civitatibus, scilicet constitutis à *Patriibus*, non à *matribus* *familias*, imperium domesticum viri est. Vocatur autem talis contractus, si fiat secundum leges civiles, MATRIMONIUM. Si verò contrahant concubinatum tantum, *filii* sunt vel *matris*, vel *patrius*, variè, prout in diversis civitatibus Leges civiles diversæ sunt.

In conjunctione maris & feminae, ita ut neuter alteri imperet, nati matris sunt, nisi pacto vel lege erit aliter statutum.

*Liberi sub-
jiciuntur
Patribus,
non minus
quam servi
domini, &
aves civi-
tatis.*

*De bono
parentum
& domina-
rum.*

VII. Quoniam, per articulum tertium, *mater originaliter liberorum Domina est, & ab illa pater, vel alius quispiam jure derivato; manifestum est, non minus liberos illis esse subiectos à quibus aluntur & educantur, quam servi Dominis, vel subditi illi qui summum habet imperium in civitate; neque posse parentem, quam diu in ejus potestate est, filio injurium esse. Etiam subjectione iisdem modis Filius liberatur, quibus subditi & servi. Eadem enim res est emancipatio cum manumissione, & abdicatio cum exilio.*

VIII. *Pauperem-familias emancipatus filius, vel manumissus servus, privatum jam patriæ & herili potestate minus metuunt, & (si quidem verus & internus spectetur honor) minus honorant quam antè. Est enim honor nihil aliud, quam potentiae alienae aestimatio; ideoque cui minus potentiae est, minus semper est honoris. Non est autem putandum, manumittentem manumissum, vel emancipantem emancipatum, ita voluisse sibi æquare, ut ne beneficii quidem reus esset, sed in omnibus se gereret, tanquam æqualis sibi esset. Intelligendum igitur semper est, eum qui liberatur subjectione, sive sit servus, sive filius, sive colonia aliqua, promittere saltem externa signa omnia, quibus superiores ab inferioribus solent honorari. Ex quo sequitur, præceptum illud de parentibus honorandis esse legis naturalis, non modo sub titulo gratitudinis, sed etiam Pactionis.*

*In quo con-
sistat liber-
tas, & dif-
ferentia ci-
vium &
servorum.*

IX. Quænam ergo est, quæret aliquis, inter liberum, vel inter civem, & servum differentia? neque enim quod sciam, à quoquam scriptore explicatum est, quid sit libertas, & quid servitus. Vulgo omnia nostro arbitratu facere, atque id impunè, libertas; id non posse, servitus judicatur: quod in civitate, & cum pace humani generis fieri non potest; quia civitas sine imperio & jure coercendi nulla est. LIBERTAS, ut eam definiamus, nihil aliud est quam *absentia impedimentorum motus*; ut aqua vase conclusa idèd non est libera, quia vas impedimento est ne effluat; quæ fracto vase liberatur. Et est cuique libertas major vel minor, prout plus vel minus spatii est in quo versatur; ut majorem habeat libertatem qui in amplo carcere, quam qui in angusto custoditur. Et potest esse homo liber versus unam partem, nec tamen versus alteram; ut qui iter faciens sepibus & maceris, ne vineas & segetes viæ vicinas conterat, hinc & inde cohibetur. Et hujusmodi quidem impedimenta externa & absoluta sunt: quo sensu omnes servi & subditi liberi sunt, qui non sunt vincti, vel incarcerationi. Alia sunt arbitraria, quæ non absolute impediunt motum, sed per accidens, nimirum per electionem nostram: ut qui in nave est, non ita impeditur quin se in mare præcipitare possit, si velle possit.

Atque

Atque hic quoque, quo quis pluribus viis movere se potest, eo majorem habet *libertatem*. Atque in hoc consistit *libertas* civilis. nemo enim sive *subditus*, sive *filius* familias, sive *servus*, ita *civilitatis* vel *patriæ* vel *Domus* sui, utcunque severi, pœnis propositis impeditur, quin omnia facere, & ad omnia se convertere possit, quæ ad vitam & sanitatem tuendam sunt necessaria. Non igitur reperio quid sit, de quo vel *servus* quisquam conqueri possit eo nomine quod *libertatis* careat, nisi miseria sit, ita cohiberi ne ipse sibi noceat, & vitam, quam bello, vel infortunio, vel demum inertia sua amisit, unâ cum omnibus alimentis, & omnibus rebus ad vitam & sanitatem necessariis, ea lege recipere ut regatur. Qui enim ita cohibetur pœnis propositis, ne omnia quæ vult, faciat, non opprimitur *servitute*, sed regitur & sustentatur. Hoc autem (in omni civitate & familia, ubi servi existunt) *cives liberi*, & *filii* familias præ *servis* eximium habent, ut & ministeria civitatis, vel familiæ obeant honoratiora, & plus possideant rerum superfluarum. Atque in hoc sita est differentia inter *civem liberum* & *servum*, quod **L I B E R** quidem is sit qui soli civitati, **S E R V U S** autem qui etiam concivi servit. Libertas alia omnis, exemptio est à legibus civitatis, & propria imperantium.

X. *Pater-familias*, *liberi* servique ejus, virtute imperii paterni, in unam personam civilem coaliti, **F A M I L I A** dicitur. Eadem, si multiplicatione *prolis*, & *servorum* acquisitione, numerosa fiat, ita ut sine belli incertâ alêa subjugari non possit, appellabitur **R E G N U M P A T R I M O N I A L E**. Quod quamquam vi acquisitum differat à *Monarchiâ institutivâ* origine & modo constituendi, constitutum tamen omnes easdem habet proprietates, & idem est utrobique imperii jus, ut non sit opus quidlibet de iis seorsim dicere.

Idem est jus in eodem in regno patri-monialibus, quod in institutivis.

XI. Quo jure summa imperia constituta sunt, dictum est: breviter jam, quo jure continentur, dicendum est. Jus autem quo continentur, illud est quod appellatur jus **S U C C E S S I O N I S**. Quoniam autem in *Democratiâ*, summum imperium apud *populum* est, quamdiu *cives* existunt, tamdiu penes eandem est personam. Populus enim *successorem* non habet. Similiter in *Aristocratiâ*, moriente uno optimatum, aliquis alius in ejus locum à cæteris substituitur; ideoque nisi simul deficiant, quod suppono nunquam accidere, *successio* nulla est. Quæstio igitur de jure *successionis* in solâ *Monarchiâ absolutâ* locum habet. Nam qui ad tempus tantum summum exercent imperium, non sunt ipsi *Monarchæ*, sed *ministri* civitatis.

Quæstio de jure successionis in solâ Monarchiâ locum habet.

Monarcha potest summum imperium civilis, testamentis dispo-nere.

XII. Primum autem, si *Monarcha successorem* sibi testamento instituerit, institutus *succedet*. nam si à *populo* instituitur, habebit omne

jus in civitatem quod *populus* habebat; ut ostensum est Cap. 7, art. 12. Sed *populus* potuit ipsum eligere, ergo eodem jure ipse alium. Sed in regno etiam *Patrimoniali* eadem sunt jura, quæ in *institutivo*. Quare monarcha omnis potest *successorem* sibi testamento facere.

Vel donare,
vel vendere.

Monarcha
intestatus,
semper in-
telligitur
velle fore fi-
lii Monar-
chæ suc-
cessorem.

XIII. Quod autem quis testamento transferre in alium potest, id eodem jure donare, vel vendere, vivens potest. cuicumque ergo is summum imperium tradiderit, sive dono, sive pretio, jure traditur.

XIV. Quod si neque Testamento, neque aliter, voluntatem suam de *successore* vivens declaraverit, intelligitur primum, noluisse eum redire civitatem ad Anarchiam, sive statum belli, id est, ad perniciem civium: tum quia non potuit id facere sine violatione legum naturalium, quibus in foro conscientiæ obligatus erat ad omnia quæ ad pacem necessariò conducunt: tum etiam quia si voluisset, non erat difficile id apertè declarasse. Deinde, quia jus transit secundum voluntatem patris, censendum est de *successore* per signa voluntatis ejus. Intelligitur ergo, voluisse eum, subditos suos sub regimine esse *Monarchico*, potius quàm alio, propterea quod & ipse eum statum exemplo suo, regnando commendavit antè, nec alio facto aut verbo post damnavit.

Et aliquem
ex suis libe-
ris.

XV. Porro quoniam naturali necessitate omnes homines bene illis esse malunt, per quos sibi honor & gloria est, quam aliis; honor autem & gloria unicuique post mortem per liberorum potius quàm per aliorum quorumcumque hominum potentiam contingit: colligitur, patrem melius velle liberis suis, quam quibuscunque aliis. Intelligitur itaque voluntas patris intestati ea fuisse ut *successor* ei aliquis esset ex liberis suis. Hoc tamen ita intelligendum est, si alia signa apertiora in contrarium non existant; cujus generis, post *successiones* plures, potest esse consuetudo qui enim de *successione* tacet, intelligitur consuetudini Regni consentire.

Et masculinum potius
quàm femi-
ninum.

XVI. Inter liberos, masculi foeminis præferuntur; principio quidem forte quod plerumque (licet non semper) aptiores sunt ad rerum magnarum, præsertim verò bellorum administrationem; post autem, ubi in consuetudinem abiit, quod consuetudini non sit contradicendum; ideòque voluntas *Patris* in eorum favorem, nisi consuetudo alia vel signum aliud apertius repugnet, interpretanda est.

Et filiorum
nati maxi-
mum, quam
minorem.

XVII. *Filiorum* autem, quia æquales sunt, nec dividi imperium potest, is *succedat*, qui maximus natu est. Nam si differentia sit aliqua propter ætatem, dignior maximus est. nam naturâ judice annis provecior (quia solet esse) prudentior est. Alius autem judex dari non potest. Si verò fratres omnes pro æqualibus habendi sunt, forte fiet *successor*. Est autem sors naturalis, *primogenitura*; eâ vero jam præfer-
tur

tur natu maximus; neque est qui potestatem habeat judicandi, utrum eo, an alio genere sortium res decidenda sit. Quæ autem ratio pro primogenito, eadem pro primogenita militat.

XVIII. Quod si liberi nulli sint, tunc ad fratres & sorores imperium transibit, propter eandem rationem, qua liberi *succederent*, si essent; nam naturâ proximi, benevolentia proximi esse supponuntur; & in Fratres prius quam in sorores; item in majores natu prius quam in minores. Ratio enim hic eadem est, quæ in liberis.

Et fratrem, si prole careat, præ omnibus aliis.

XIX. Porro qua ratione *succedunt* ad imperium, eadem quoque succeditur ad jus *successionis*. nam primogenitus, si ante patrem moriatur, censebitur, nisi pater aliter statuerit, jus suum *successionis* transulisse ad liberos suos; ideoque nepotes & neptes priores ad *succedendum* erunt quam ipsorum avunculi. Hæc, inquam, omnia ita se habent, si consuetudo loci (cui pater non contradicendo censebitur consentire) non impediatur.

Eodem modo qua succeditur in imperium, succeditur etiam in jus successionis.

C A P U T X.

Specierum trium civitatis, quoad incommoda singulorum, comparatio.

- I. Comparatio status naturalis cum statu civili.
- II. Imperantis & civium eadem sunt commoda & incommoda.
- III. Commendatio Monarchiæ.
- IV. Regimen unius non esse eo nomine iniquum, quod unus plus possit cæteris omnibus.
- V. Rejectione opinionis eorum qui dicunt, Dominum cum servis non posse esse civitatem.
- VI. Exactiones graviore esse sub populo imperante, quam sub Monarchâ.
- VII. Cives innocentes minus obnoxios esse pœnis sub Monarchâ, quam sub populo.
- VIII. Libertatem civium singulorum non minorem esse sub Monarchâ, quam sub populo.
- IX. Non esse civibus incommodum, quod non omnes ad publicas deliberationes admittantur.
- X. Deliberationes civiles magnis cætibus male committuntur, propter plurimorum imperitiam.
- XI. Propter eloquentiam.
- XII. Propter factionem.
- XIII. Propter instabilitatem Legum.
- XIV. Propter defectum taciturnitatis.
- XV. Ea incommoda Democratiæ adherere, quatenus homines naturaliter delectantur exultatione ingenii.
- XVI. Incommoda civitatis ex rege puero.
- XVII. Monarchiæ præstantiæ signum, potestas Ducum Castrensium.
- XVIII. Optimus status civitatis est, ubi cives imperantis sunt hereditas.
- XIX. Aristocratia tanto melior est, quanto Monarchiæ propior; pejor, quanto ab eâ remotior.

- I. Democratiæ, Aristocratia & Monarchia quid sint, dictum est. Utra autem ad civium pacem conservandam, & com-

Comparatio status naturalis cum statu civili.

moda eorum procuranda, aptior sit, earum comparatione videndum est. Primum autem commoda & incommoda civitatis in universum conferamus, ne quis forte satius esse ducat, vivere unumquemque arbitrio suo, quàm civitatem omnino constituere. Extra statum civitatis, unusquisque libertatem habet integerrimam quidem, sed infructuosam; propterea quod qui propter libertatem suam omnia agit arbitrio suo, propter libertatem aliorum omnia patitur arbitrio alieno. At civitate constitutà, unusquisque civium tantum libertatis sibi retinet, quantum sufficit ad bene & tranquillè vivendum, tantum item aliis adimitur, ut non sint metuendi. Extra civitatem, unicuique ita jus est ad omnia, ut tamen nulla re frui possit. In civitate verò, unusquisque finito jure securè fruitur. Extra civitatem, quilibet à quolibet jure spoliari & occidi potest. In civitate ab uno tantum. Extra civitatem, propriis tantum viribus protegimur; in civitate, omnium. Extra civitatem, fructus ab industrià nemini certus; in civitate omnibus. Denique extra civitatem, imperium affectuum, bellum, metus, paupertas, fœditas, solitudo, barbaries, ignorantia, feritas. in civitate, Imperium rationis, Pax, securitas, divitiæ, ornatus, societas, elegantia, scientiæ, benevolentia.

*Imperantis
& civium
eadem sunt
commoda
& incommoda.*

I I. *Aristoteles* Politicorum lib. 7, cap. 14, duo esse ait genera regiminum, quorum alterum ad *imperantis*, alterum ad *subditorum* commodum dirigitur. Quasi ubi cives durius tractantur, ibi *ma*; ubi mitius, ibi *alia* species esset civitatis; quod ei minimè concedendum est. Sunt enim *imperantis* & *subditorum*, eadem & communia commoda & incommoda omnia, quæ ex regimine oriuntur. Incommoda quæ civi alicui, infortunio, stultitiâ, negligentia, ignavia, vel luxuriâ suâ accidunt, à Regentis incommodis separari possunt: sed non sunt illa Regiminis incommoda, ut quæ in qualibet civitate accidere possunt. Eadem si accidunt à primâ civitatis institutione, dicentur quidem Regiminis incommoda, sed ipsi imperanti cum civibus communia erunt, sicut communia etiam sunt eorum commoda. Primum autem & maximum commodum, Pax & defensio, idem utriusque est. Nam & is qui imperat, & is cui imperatur, ad vitæ suæ defensionem, viribus utitur simul omnium concivium. Et maximo incommodo quod in civitate contingere potest, nimirum cæde civium, quæ ab Anarchiâ oritur, & is qui summum imperium habet, & quilibet unus civium æquè obruitur. Secundò, si is qui summum imperium obtinet, pecuniarum tantum à civibus exegerit, ut se & familias suas alere, & vires corporum suorum conservare non possint, incommodum non magis illorum est, quam imperantis, qui quantis-

quantiscunque divitiis sine corporibus civium, Imperium suum & divitias tueri non potest. Si verò tantum exegerit, quantum ad imperii administrationem sufficit, id commodum æquè est & ipsi & civibus ad communem pacem & defensionem. Neque imaginabile est, quomodo divitiæ publicæ civibus privatis incommodo esse possint, modo privati non ita exhauriantur, ut per industriam suam necessaria ad corporis & animi vires sustentandas acquirere sit impossibile. Nam sic incommodum & ad ipsum imperantem pertineret, nec oriretur ab institutione vel ordinatione pravâ, (quia in omni genere civitatis, cives opprimi possunt) sed à bene ordinatæ civitatis pravâ administratione.

III. Quod autem dictarum specierum civitatis, *Democratice*, & *Aristocratice*, & *Monarchice*, optima sit *Monarchia*, ex comparatione commodorum & incommodorum in singulis ostendendum est. Hæc igitur, quod *universum* ab uno Deo regitur; quod *Antiqui* statum *Monarchicum* cæteris prætulērunt, regimen Deorum uni *Jovi* adscribentes; quod principio rerum, nationumque, arbitria Principum pro legibus fuerint; quod imperium *Pæternum* institutum à Deo in creatione, *Monarchicum* fuerit; quod regimina cætera ex *Monarchia* per seditiones dissolutæ ruderibus artificio hominum (*) post conglutinata sint; quodque populus Dei sub regibus fuerint; quamquam *Monarchiam* commendatiorem nobis exhibeant, tamen quia id non rationibus, sed exemplis & testimoniis faciunt, omitemus.

I V. Sunt quibus *unius* Regimen eo nomine displicet, quia *unius* est; quasi iniquum esset inter tam multos tantâ potestate eminere *unum* aliquem, ut arbitrio suo possit de cæteris omnibus statuere. Hi sanè subtrahere se ab imperio *unius* Dei, si possent, vellent. Sed exceptionem hanc contra *unum* suggerit invidia, dum vident unum habere quod omnes cupiunt. idem iniquum esse censerent eadem ratione, si *pauca* imperarent, nisi ipsi vel essent, vel esse sperarent ex eorum numero. nam si iniquum sit non esse jus æquale omnibus, iniquum

Commendatio Monarchia.

Regimen unius non esse eo nomine iniquum, quod unus plus possit cæteris omnibus.

* Artificio hominum conglutinata sint, &c.] Videntur huc spectasse antiqui, *Annalia*, qui fabulam nobis confinxerunt de *Prometheo*. Narrant, *Prometheum* surrepto à Sole igne, ex luto fecisse hominem: atque ob id factum perpetua jecoris laceratione irato *Jovi* dedisse poenas. Hoc est, ingenio humano (id quod significatur per *Prometheum*) leges, & justitiam à *Monarchia* per imitationem summas esse, quarum vi (tanquam igne à fonte suo naturali surrepto) multitudo (quasi lutum & sax hominum) in unam personam civilem animata & conflata est, quæ *Aristocratia* vel *Democratia* appellatur. Inventi autem auctores & fautores, qui cum securâ atque otiosè sub imperio Regum naturali vivere potuissent. hanc poenam dant, ut perpetuis curis, suspicionibus dissensionibusque alto loco expositi crucientur.

iniquum etiam est regimen optimatum. Quoniam autem ostensum est, statum æqualitatis esse statum belli : ideoque inæqualitatem introductam esse consensu omnium, inæqualitas illa non est amplius habenda pro re iniquâ, ubi plus habet is, cui plus volentes dedimus. Incommoda igitur quæ sequuntur *unius hominis* imperium, sequuntur *hominem*, non *unitatem*. Videndum igitur est, utrum imperium *hominis*, an *hominum*, plura civibus adferat incommoda.

Rejctio opinionis eorum, qui dicunt, dominum cum servis non posse esse civitatem.

V. Sed primum amolienda est sententia eorum, qui negant omnino, civitatem esse, quæ conflatur ex quantovis numero servorum sub communi Domino; cap. 5, articulo 9, definitur, *civitas* esse *persona* una facta ex pluribus hominibus, cujus voluntas, ex ipsorum patetis, pro ipsorum omnium voluntatibus habenda est, ut singulorum viribus & facultatibus uti possit, ad pacem & defensionem communem. *Persona* autem una est, per ejusdem capitis articulum eundem, quando plurium voluntates unius voluntate continentur. Sed voluntas uniuscujusque servi continetur in voluntate Domini, ut ostensum est capite 8, articulo 5, ita ut possit eorum viribus & facultatibus uti, prout voluerit. Sequitur ergo, civitatem esse quæ constituitur ex Domino & pluribus servis. Neque potest ulla ratio in contrarium adduci, quæ non æque militet contra civitatem constitutam à *patre* & *liberis*. Nam apud *Dominum*, cui *liberi* non sunt, *servi liberorum* rationem subeunt. Sunt enim & honor & præsidium ejus : neque magis subjiuntur *servi Domini*, quam *liberi patribus*, ut supra ostensum est capite 8, articulo 5.

Exactiones graviores esse sub populo imperante, quam sub monarcha.

VI. Inter incommoda imperii summi unum est, quod imperans præter pecunias ad sumtus publicos, hoc est, ad ministros publicos alendos, præsidia ædificanda & tuenda, bella gerenda, rem domesticam honorificè sustentandam necessarias, possit etiam, si velit, alias exigere per libidinem, quibus *filios*, *cognatos*, *gratiosos*, atque etiam *adulatores* ditare possit. Constatendum est, incommodum quidem hoc esse, sed ex numero eorum quæ in omni genere civitatis reperiuntur; in *Monarchiâ* autem tolerabiliora, quàm in *Democratiâ*. Nam & si velit *Monarcha* illos locupletare, pauci sunt, quia unius sunt. Sed in *Democratiâ*, quot sunt *Demagogi*, id est, potentes apud populum *oratores*, (qui & simul plures sunt, & quotidie novi suboriuntur) tot sunt qui *liberos*, *cognatos*, *amicos*, *adulatoresque* ditandos habent. Cupiunt enim singuli, non modo familias suas divitiis potentes illustresque reddere, quantum possunt, sed etiam alios sui muniendi causâ beneficiis devincire. *Monarcha* ministros & amicos suos, quia non sunt numerosi, sine civium dispendio, deferendo scilicet illis belli

belli pacisque munia , magna ex parte explere potest ; in *Democratia* , ubi multi satiandi sunt , & semper novi , fieri id sine oppressione civium non potest. *Monarchia* quamquam possit indignos promovere , sæpe tamen id facere non vult ; *Oratores* autem in *Democratia* semper hoc omnes velle intelliguntur , ideo quia opus est. Aliter enim potentia eorum qui id soli facerent , ita cresceret , ut non modo sibi , sed & civitati formidanda esset.

VII. Summi imperii incommodum aliud est , metus ille mortis perpetuus , in quo unumquemque versari necesse est dum reputat secum , posse eum qui imperat , non modo poenas quas velit , in quæ velit peccata constituere , sed etiam cives innocentes , & qui nihil contra leges commiserunt , irâ & libidine jugulare. Atque magnum hoc reverâ in omni civitatis specie incommodum est , ubi fit : (incommodum enim ideo est quia fit , non quia fieri potest :) sed vitium est Regentis , non Regiminis : non enim *Neronis* facta *Monarchiæ* sunt omnia essentialia. Minus tamen sæpe damnantur cives immeritò , regnante *Homine* , quàm *populo*. Nam Reges sæviunt in eos tantum , qui vel consiliis intempestivis molesti , vel verbis contumeliosis , vel voluntate adversi ipsis solis sunt. Faciunt autem ut potentia excessus , quem habere unus civis supra alium possit , innoxius sit. Itaque *Nerone* vel *Caligulâ* aliquo regnante , pati immerito nemo potest , nisi qui ipsi cogniti sunt , nimirum Aulici , vel munere aliquo conspicui ; neque omnes , sed illi soli , quibus est quod is habere cupit ; nam qui molesti aut contumeliosi in eum sunt , merito plectuntur. In *Monarchia* igitur , is qui latere vult , qualiscunque sit qui regnat , extra periculum est. Patiuntur enim soli ambitiosi , cæteri ab injuriis potentiorum defenduntur. Sed in *dominatione populari* tot possunt esse *Nerones* , quot sunt *Oratores* qui *populo* adulantur. tantum enim potest unusquisque eorum , quantum ipse *populus* : atque in subtrahendis à poena iis , qui per libidinem & odia privata concives immeritò occiderunt , quasi tacito quodam inter se pacto , *Hodie mihi* , *cras tibi* , alter alterius cupidini mutuo cedunt. Præterea potentia privata terminus quidam est , ultra quem civitati perniciosâ futura est , & propter quam *Monarchis* aliquando necessarium est providere , ne quid inde *Respublica* capiat detrimenti. Illam igitur potentiam , quando in divitiis sita erat , divitiarum diminutione diminuebant ; si quando vero consisteret in *aura populari* , ipsum potentem sine alio crimine sustulerunt. Idem in *Democratia* fieri solet. Nam *ostracismo* exulabant potentes *Athenenses* sine crimine , propter potentiam solam , & necabantur *Romæ* tanquam regnum affectaverint , qui plebis favorem captabant be-

El. Phil. sect. 3.

M M M

nefi-

Cives innocentes poenas abnoxios esse pati sub Monarchia quam sub populo.

neficiis. Pares in hoc *Democratia* & *Monarchia*, impares tamen fama fuerunt : quia fama à populo est ; & quod à multis fit, à multis laudatur. Ideoque invidia in virtutem eorum factum esse dicitur, si faciunt *Monarchæ*, quod si factum esset à populo, politia esset.

*Libertatem
singulorum
non mino-
rem esse sub
Monarchia,
quam sub
populo.*

VIII. Sunt qui ideo *Monarchiam* *Democratia* incommodiorem putent, quod illic minus libertatis sit quam hic. Si per *libertatem* intellegant exemptionem à subjectione, quæ legibus, hoc est, mandatis debetur populi, neque in *Democratia*, neque in alio statu civitatis quocunque ulla omnino *libertas* est. Si *libertatem* in eo sitam esse intelligant, ut pauca sint leges, pauca vetita, & ea talia quæ nisi verentur, non sit Pax, tunc nego plus esse *libertatis* in *Democratia* quam in *Monarchia*. potest enim non minus hæc quam illa cum tali libertate recte consistere. Et si enim portis turribusque civitatis cujuscunque, characteribus quantumvis amplis *libertas* inscribatur, non est ea cujuscunque *civis*, sed *civitatis* libertas ; neque meliori jure verbum illud civitati inscribitur, quæ à populo, quam quæ à *Monarcha* regitur. Sed quando cives privati, id est, subditi libertatem possunt, nomine libertatis non *libertatem*, sed *Dominium* possunt ; quod tamen præ incitiis minime animadvertunt. Si enim quam libertatem quisque sibi expetit, eandem prout lege naturæ præceptum est, aliis concederet, rediret ille status naturalis, in quo omnes jure possunt omnia ; quem ut omni subjectione civili pejorem, si scirent, respuerent. Sed si quis liberum esse solum poscat, cæteris obstrictis, quid aliud quam *Dominium* possit ? Nam qui solutus est omni vinculo, victorum omnium, quotquot sunt, *Dominus* est. Non est ergo major libertas civium in statu populari, quam *Monarchico*. Id quod imponit, est *participatio* æqualis munerum publicorum, & Imperii. Nam ubi Imperium populi est, cives eatenus imperium singuli participant, quatenus populus imperantis partes sunt. Munera autem publica æqualiter participant, quatenus in magistratibus & ministris publicis eligendis æqualia habent suffragia. Atque hoc est quod voluit *Aristoteles*, ipse quoque consuetudine temporis libertatem pro imperio nominans. Lib. 6 *Politicorum*, cap. 2, *In statu populari libertas est ex suppositione. Quod vulgo dicunt, tanquam extra statum hunc liber esset nemo.* Ex quo obiter colligere licet, cives eos qui in *Monarchia* sublatam libertatem plorant, hoc tantum stomachari, quod non adhibeantur ad Reipublicæ gubernacula.

*Nem esse ci-
vibus incom-
modum,
quod non
amici ad*

IX. Sed ob hoc ipsum fortasse aliquis statum popularem maximo intervallo *Monarchiæ* antefendum esse dicet, quod illic, ubi scilicet negotia publica omnes tractant, prudentiam, scientiam, eloquentiamque

publicas deliberationes admittantur.

tiamque suam in deliberationibus circa res maximæ difficultatis & momenti publicè ostentandi potestas omnibus facta sit ; id quod propter naturæ humanæ innatam laudis cupiditatem , omnibus iis qui vel talibus virtutibus antecellunt , vel sibi videntur cæteris antecellere , omnium rerum est jucundissimum. hic vero via illa ad laudem & dignitates obtinendas, maximæ parti civium præclusa est. Quid autem est, si hoc non est incommodum ? Dicam. Sententiam ejus quem contemnimus, nostræ prælatam videre ; sapientiam nostram in conspectu nostro negligi ; incerto certamine inanis gloriæ, certissimas suscipere inimicitias ; (hoc enim declinari non potest, sive vicerimus, sive vincamur,) odisse & odio esse ob dissimilitudinem opinionum ; concilia & vota nostra ubi non est opus, sine fructu omnibus patefacere ; rem domesticam negligere : Hæc, inquam, incommoda sunt. Abeffe verò à certamine ingeniorum , quamquam ea certamina facundis jucunda sint , non est ideo illis incommodum , nisi etiam viris fortibus incommodum dicemus esse pugnâ prohiberi, propterea quod eâ delectantur.

Deliberationes civiles magnis civibus male committuntur, propter plurimum impetiam.

X. Præterea multæ causæ sunt , quare minus rectè in magnis conventibus deliberatur, quam ubi consiliarii sunt pauci. Quarum una est, quod ad rectè deliberandum de omnibus quæ ad salutem civitatis conducunt, cognitu necessaria sunt , non modo ea quæ intus, sed etiam ea quæ foris sunt , intus quidem quibus rebus , & unde quæsitis , civitas alitur & defenditur; quæ loca præfidiis habendis apta; unde milites & habendi & alendi sint ; quis sit civibus animorum habitus versus principem, vel civitatis gubernatores, & multa similia. Foris autem, quantæ & in quibus rebus sita sit potentia singularum civitatum vicinarum; quid nobis ab illis commodi & incommodi proveniat ; qui affectus eorum & erga nos, & se invicem; & quid quotidie apud eos consilii capiatur. Hæc autem quia paucissimi cognoscunt in numero cœtu hominum, maxima ex parte talium rerum imperitorum , ne dicam incapacium, quid numerus ille deliberantium ineptis sententiis contri- buere ad consilia, aliud quam impedimentum potest ?

Propter eloquentiam.

XI. Alia causa, quare magnus cœtus ad deliberationem minus idoneus sit , ea est , quod unusquisque eorum qui sententiam suam explicant, necesse habet perpetuâ & longâ uti oratione; eamque, estimationis causâ, audientibus , quantum potest , ornatam gratamque eloquentia reddere. Eloquentiæ autem munus est, *Bonum & malum, Visile & invisibile, Honestum & inhonestum* , facere apparere majora vel minora , quam revera sunt, & *Iustum* videri, quod *iniustum* est, prout ad finem dicentis videbitur conducere. Hoc enim est persuadere; & quamquam ratiocinentur, non procedunt tamen à principiis veris, sed ab *ἐνδοξοις*,

id est, opinionibus jam vulgo receptis, quæ maxima ex parte erroneæ esse solent, neque orationem suam naturæ rerum, sed affectibus animorum convenientem esse student. Unde accidit, non recta ratione, sed impetu animi sententias ferri. Neque est hoc *hominis*, sed ipsius *Eloquentiæ* vitium, cuius finis (ut magistri Rhetoriæ omnes docent) non veritas est, (nisi per accidens) sed victoria; & munus, non docere, sed suadere.

Propter factiones.

XII. Tertia causa, quare in magno cœtu minus utiliter deliberatur, ea est, quod inde *factiones* in civitate oriantur, & ex *factionibus* seditio & bellum civile. Quando enim contrariis sententiis orationibusque pugnant æquales oratores, victus victorem, eosque una omnes qui illius sententiam sequuti sunt, tanquam consilium & sapientiam suam contempsissent, odit, studetque quomodo faciat, ut consilium adversarii exitum sortiatur civitati damnosum; sic enim sibi restitutum, illi ademtum gloriam iri videt. Præterea ubi suffragia non sunt ita inæqualia, quin spes victis sit, posse se in conventu alio, accessione paucorum hominum sibi consentientium, partes habere superiores, ibi præcipui eorum cæteros convocant; seorsum deliberant, quomodo sententiam ante latam abrogare possint; statuunt inter se ad proximum conventum frequentes & primi adesce; disponunt quid quisque, & quo ordine dicere debeat, ut res denuo agitur, & quod frequentibus adversariis raturum, id iisdem, aliqua ex parte, per negligentiam absentibus, fiat irritum. Atque huiusmodi industria diligentiaque, quæ utuntur ad *faciendum* populum, *factio* appellari solet. Quando autem *factio* suffragiis minor, viribus major vel non multo minor est, tunc quod eloquentiâ & arte obtinere non potuere, id armis tentant, & bellum nascitur civile. Sed hæc, dicet aliquis, non necessario, nec sæpe accidunt. Idem dicere posset, Oratores non esse necessario cupidos gloriæ, & non sæpe in magnis rebus magnos Oratores dissentire.

Propter instabilitatem legum.

XIII. Sequitur ex his, ubi legum ferendarum potestas summa ad conventus tales defertur, leges instabiles esse, mutarique, non ad mutationem status rerum, neque ad mutationem animorum, sed prout major numerus hominum nunc ex hac, nunc ex illâ *factione* confluerit ad *curiam*; ita ut leges ibi, tanquam super undas, huc illuc fluctuent.

Propter defectum taciturnitatis.

XIV. Hoc etiam quarto loco deliberationes magnorum cœtuum incommodi habent, quod civitatis consilia, quæ tacita esse sæpissime permagni interest, antè ad inimicos proferantur, quam possint perducere ad effectum; & quid possit, quid non possit, quid velit, quid nolit, exploratum externis sit, non minus quam ipsi *imperanti populo*.

Ea incommoda Deo.

XV. Incommoda hæc quæ in deliberationibus magnorum conventuum

ventuum reperiuntur, eatenus *Monarchiam* *Democratia* meliorem esse evincunt, quatenus in *Democratia* res maximi momenti, talibus conventibus discutiendæ sæpius committuntur, quam in *Monarchia*; nec enim aliter fieri facile potest. Nihil enim est propter quod non malit quisquam *rei familiaris* potius, quam *publicæ* vacare, præterquam quodd locum esse videt facundiæ suæ, qua possit ingenii & prudentiæ existimationem acquirere, & domum reversus apud amicos, parentes, uxoresque, re bene gesta, triumphare; sicut olim *Marco Coriolano* omnis à factis bellicis jucunditas in eo sita erat, quod videret laudes suas placere matri. Quodsi in *Democratia* *populus* deliberationes de bello & pace & de legibus ferendis ad unum tantum, vel valde paucos deferre vellet, contentus nominatione magistratuum, & ministrorum publicorum, hoc est, autoritate sine ministerio, tunc fatendum est, *Democratiam* & *Monarchiam* hac in re æquales fore.

*democratia
adherere,
quatenus
hominis na-
turaliter de-
lectatur
existimatio-
ne ingenti.*

XVI. Neque commoda vel incommoda, quæ magis in una quam in alia civitatis specie reperiuntur, ex eo procedunt, quod ipsum imperium, seu imperii negotia administranda melius uni quam pluribus, vel contra, pluribus quam paucioribus committuntur. Nam imperium *potentia*, administratio gubernandi *actus*. *Potentia* autem in omni civitatis specie æqualis est; soli *actus* differunt, hoc est, *motus* atque *actiones* civitatis, prout proveniunt à plurium vel pauciorum, peritorum vel imperitorum deliberationibus. Ex quo intelligitur, regiminis commoda & incommoda, non illum in quo residet civitatis auctoritas, sed imperii ministros sequi; ideoque nihil impedire, quin civitas recte gubernari possit, quamquam *Monarchia* scœmina vel puer vel infans sit, modo ii negotiis pares sint, qui ministeriis & muneribus publicis præfecti sunt. Atque id quod dicitur, *ut regno cuius Rex Puer est*, non significare *Monarchiæ* conditionem statu populari inferiori esse, sed contra nimirum incommodatam Regni per accidens esse, quod *Rege puero* accadat quandoque, ut multis per ambitionem & vim in consilia publica sese intrudentibus, civitas administretur *Democratice*, atque ex eo nasci infelicitates illas, quæ *imperium populi* maxima ex parte comirantur.

*Incommoda
civitatis ex
Rege pueri.*

XVII. Signum autem quod *Monarchia* absolutissima, civitatis sit optimus omnium status, manifestissimum illud est, quod non solum Reges, sed etiam civitates illæ quæ *populo* & *optimatibus* subjæctæ sunt, non nisi uni soli totum belli imperium deferunt, idque ita absolutum, ut nihil possit esse amplius: (in quo obiter notandum quoque hoc est, quod Rex nullus Duci plus imperii iu exercitum concedere, quam ipse in cives omnes exercere jure possit.) *Monarchia* itaque

*Monarchia
præstantia
signum, po-
testatem Du-
cum castroru-
m.*

omnium optimum in castris regimen est. Quid autem aliud sunt plures respublicæ, quam totidem castra præsidii & armis contra se invicem munita; quorum status (quia nulla communi potentia coercetur, utcunque incerta pax tanquam induciæ breves, intercedat) pro statu naturali, hoc est, pro statu belli habendus est?

Optimus status civitatis est, ubi cives imperantis sunt hæreditas.

XVIII. Postremò quoniam ad conservationem nostram, subditos nos esse alicui homini vel concilio necessarium erat, optimà conditione illi subjicimur, cujus interest, ut salvi & sani simus. Atque hoc fit, quando imperantis hæreditas sumus; unusquisque enim sponte suà hæreditatem suam conservare studet. Sunt autem civium non fundi & pecuniæ, sed corpora & animi vegeti, principum divitiæ: id quod facile concedetur ab iis, qui animadvertunt quam magnis pecuniis parvarum civitatum dominia æstimantur, & quanto facilius homines pecuniam, quam pecunia homines acquirit. Neque exemplum facile occurrit subditi alicujus à Principe suo, vitæ vel bonis, sine culpa propria, per solam licentiam imperii spoliati.

Aristocratia tanto melior est, quanto monarchia propior; poterit, quanto ab ea remotior.

XIX. Hucusque facta est comparatio inter statum *Monarchicum* & *Popularem*; de *Aristocratia* tacitum est. De hac, ex iis quæ de illis dicta sunt, videtur concludi posse, quæ hæreditaria est, & quæ contenta Magistratuum electione, deliberationes ad paucos, & maxime idoneos transmittit, & simpliciter quæ *Monarchicum* regimen maxime, *populi* minimè imitatur, eam civibus singulis & meliorem, cæteris & diuturniorem esse.

C A P U T X I.

Loca & exempla Scriptura sacra de jure Regni, quæ secunda videntur antedictis.

- I. *Initium civitatis institutive, à consensu populi.* II. *Iudicia & Bella dependere ab arbitrio imperantium summorum.* III. *Eos qui summum imperium habent, jure puniri non posse.* IV. *Sine summo imperio non esse Civitatem, sed Anarchiam.* V. *Servos & Filios debere Dominis & Parentibus simplicem obedientiam.* VI. *Absolutum imperium evidentissimam tam Novi quam Veteris Testamenti locis comprobatum.*

Initium civitatis institutive à consensu populi.

- I. **I**nitium civitatis institutivæ, sive politicæ, cap. 6. art. 2. à consensu multitudinis ita derivavimus, ut omnes consentire, vel pro hostibus censi oportere appareat. Tale fuit initium Regni Dei super Iudæos institutum per Moysen: Si audieritis vocem meam, &c. eritis mihi in regnum Sacerdotale, &c. Venit Moyses, & convocatis majoribus

nam

nam populi, &c. respondique omnis populus simul: *cuncta que loquutus est Dominus, faciemus*. Tale quoque fuit initium potestatis Moysis sub Deo, sive potestatis proregiæ. *Cunctus populus videbat voces, & lampades, &c. dicentes Moysi: Loquere in nobis, & audiemus*. Simile erat initium regni Saulis. *Videntes autem, quod Naas Rex filiorum Ammon venisset adversum vos, dixistis mihi; Nequaquam, sed rex imperabit nobis, cum Dominus vester regnaret in vobis*. Nunc ergo præsto est rex vester, quem elegistis & petistis, 1 Sam. 12, vers. 12. Consentientibus autem non omnibus, sed maiore parte, (nam erant Filii Belial, qui dixerunt, Num salutare nos poterit iste? & despexerunt eum, 1 Sam. 10, vers. 27,) illi qui non consenserunt, tanquam hostes ad necem quærebantur. *Quis est (ait populus ad Samuëlem) qui dixit, Saul non regnabit super nos: ducite viros, & interficiemus eos?* 1 Sam. 11, vers. 12.

II. Eodem capite 6, articulis 6, & 7. ostensum est, tum *Judicia*, tum *Bella*, ab arbitrio dependere ejus qui summum habet in civitate imperium; id est, in *Monarchiâ* unius *Monarchæ*, sive *Regis*. Id autem confirmatur iudicio ipsius populi. *Erimus nos quoque sicut omnes gentes, & IUDICABIT nos rex noster, & egredietur ante nos, & pugnabit BELLA nostra pro nobis*, 1 Sam. 8, vers. 20. Et testimonio Regis Salomonis, quod attinet ad *judicia*, & ad omnia de quibus disputari potest, an sint bona an mala. *Dabis ergo servo tuo cor docile, ut populum tuum IUDICARE possit, & discernere inter BONUM & MALUM*. 1 Reg. 3, vers. 9. Et Absalonis, *Non est qui te audiat constitutus à Rege*. 2 Sam. 15, vers. 3.

Judicia & Bella dependere ab arbitrio imperantis summorum.

III. Quod Reges puniri à subditis non possint, sicut ostensum est supra, cap. 6, art. 12. confirmat Rex David, qui cum quæreretur à Saule ad mortem, abstinuit tamen à cæde ejus, prohibuitque Abisaïum dicens, *Ne interficias eum; quis enim extendet manum suam in Christum Domini, & innocens erit?* 1 Sam. 22, vers. 9. Et cum præcidisset oram chlamydis ejus, *Propitius (inquit) mihi sit Dominus, ne faciam hanc rem Domino meo, Christo Domini, ut mittam manum meam in eum*, 1 Sam. 24, vers. 7. Et *Amalekitam* qui *Saulem*, quamquam in ipsius gratiam, interfecerat, iussit tamen interfici, 2 Sam. 1, vers. 15.

Ei qui summum imperium habent, jure puniri non posse.

IV. Quod habetur Iudic. cap. 17, vers. 6, *In diebus illis non erat Rex in Israël, sed unusquisque quod sibi rectum videbatur, hoc faciebat*, (tandem ubi non sit *Monarchia*, ibi sit *Anarchia*, seu confusio omnium rerum) adduci posset ad probandum excellentiam Regni supra omnes alias civitatis formas; nisi quod per vocem *Rex*, possit forte intelligi non modo *unus homo*, sed etiam *una curia*, modo summum

Sine summo imperio, non esse Civitatem, sed Anarchiam.

in ca

in ea resideat imperium. Quod si sic accipiatur, hoc tamen inde efficitur, ut sine summo & absoluto imperio (quod toto capite sexto probare conati sumus) cuilibet licebit quicquid libebit, sive quicquid sibi rectum videbitur; quod stare non potest cum conservatione generis humani, ideoque imperium summum ex lege naturæ in omni civitate intelligitur existere alicubi.

Servus & filius debere dominis & parentibus simplicem obedientiam.

V. *Servos Dominis* simplicem debere obedientiam diximus, cap. 8, art. 7, 8, & *Filios Patribus*, cap. 9, art. 7. Idem dicit sanctus Paulus; nimirum de servis: *Servi obedite per OMNIA Dominis carnalibus, non ad oculum serviens, quasi hominibus placens, sed in simplicitate cordis timentes Deum*; Col. 3, vers. 22. De Filiis, *Filii obedite parentibus per OMNIA*; hoc enim placitum est in Domino, Col. 3, vers. 20. Sicut autem nos per simplicem obedientiam intelligimus OMNIA quæ non sunt contra leges Dei, ita in locis illis sancti Pauli citatis, post vocem OMNIA, subintelligendum est, præter ea quæ sunt contra leges Dei.

Absolutum imperium evidentissimum tam novi quam veteris Testamenti locis comprobatur.

VI. Sed ne jus Principum minutatim persequar, ea jam producā quæ totam potestatem eorum (nempe deberi iis à subditis suis obedientiam simplicem & absolutam) simul stabiliunt. Et primum ex novo Testamento: *Super cathedram Moysis sederunt Scribæ & Pharisæi. OMNIA ergo quæcunque dixerint vobis, servate & facite*, Matth. 22, vers. 2. *Omnia*, inquit, *facite*, hoc est, obedite simpliciter. Quare? quia sedent super cathedram Moysis, nimirum, principis civilis, non Aaronis Sacerdotis. *Omnis anima potestatibus sublimioribus subdita sit*; non est enim potestas nisi à Deo. *Quæ autem sunt, à Deo ordinatæ sunt. Itaque qui resistit potestati, Dei ordinationi resistit. Qui autem resistunt, ipsi sibi damnationem acquirunt*, &c. Rom. 13, vers. 1, &c. Quoniam ergo potestates quæ erant tempore sancti Pauli, à Deo ordinatæ fuerunt, omnes autem Reges eo tempore requirebant à subditis suis integram obedientiam, sequitur, talem potestatem à Deo fuisse ordinatam. *Subjecli igitur estote omni humane creature propter Deum, sive Regi quasi præcellenti, sive ducibus tanquam ab eo missis ad vindictam malefactorum, laudem vero bonorum*; quia sic est voluntas Dei, 1 Pet. 2, vers. 13. Rursus sanctus Paulus ad Titum; *Admone illos, Principibus & potestatibus subditos esse, dicto obedire*, cap. 3, vers. 1. Quibus Principibus? nonne Principibus temporum illorum, qui obedientiam exigebant simplicem? Deinde, ut veniamus ad exemplum ipsius Christi, cui jure hæreditario à Davide derivato, debebatur regnum Iudæorum, is cum more subditi viveret, tributum Cæsari & pendebat, & Cæsaris esse pronuntiabat: *Reddite (inquit) quæ sunt Cæsaris, Cæsari, & quæ sunt Dei, Deo.*

Deo. Matth. 22, vers. 21. Idem, cum placuisset ei Regem agere, obedientiam integram requirebat. *Ite* (inquit) *in castellum quod contra vos est, & statim invenietis asinam alligatum, & pullum cum ea; solveite & adducite mihi: & si quis aliquid dixerit, dicite, quod Dominus his opus habet*, Matth. 21, vers. 2. Fecit igitur hoc jure Domini, sive Regis Iudæorum. Tollere vero subdito bona sua, eo nomine quod Dominus opus habet, Imperium absolutum est. Loca Testamenti veteris in eandem sententiam evidentissima hæc sunt: *Tu accede, & audi CVNCTA quæ dixerit Dominus Deus noster tibi, loquensque ad nos, & nos audientes faciemus ea*, Dent. 5, vers. 27. At sub vocem illam *cuncta*, integra continetur obedientia. Rursus ad Iosuen: *Responderruntque ad Iosuen, atque dixerunt, OMNIA quæ præcepisti nobis, faciemus, & quocunque miseris, ibimus; sicut obedivimus in CVNCTIS Moyse, ita obediemus & tibi; tantum sit Dominus Deus tuus tecum, sicut fuit cum Moyse. Qui contradixerit ori tuo, & non obedierit CVNCTIS sermonibus, quos præceperis ei, moriatur*, Iosua 1, vers. 16. Et parabola Rhamni: *Dixeruntque omnia ligna ad Rhamnum, Veni & impera super nos. quæ respondit eis, Si vere me Regem constitutis, venite, & sub umbra mea requiescite; sin autem non vultis, egrediamur ignis de Rhamno, & devoret cedros Libani*, Iud. 9, vers. 14. Quorum verborum sententia est, acquiescendum esse dictis eorum quos vere Reges in nos constituimus, ni velimus incendio belli civilis consumi. Particularius autem describitur potentia regia à Deo ipso per Samuëlem: *Prædicis ius Regis, qui regnaturus est super eos, &c. Hoc erit ius Regis qui imperaturus est vobis: Filios vestros tollet, & ponet in curribus suis, &c. Filias quoque vestras faciet sibi unguentarias, &c. Oliveto optima tollet, & dabit servis suis, &c.* 1 Sam. 8, vers. 8, &c. Nonne est potentia huiusmodi absoluta? veruntamen ab ipso Deo appellatur *Jus REGIS*. Neque videtur ququam, ne Sacerdos quidem *summus* apud Iudæos, ab obedientia hac exemptus fuisse. Ubi enim *Abiatharo* Sacerdoti dixit Rex, (nimirum Salomon) *Vade in Anathot ad agrum tuum, equidem vir mortis es: sed hodie te non interficiam; quia portasti arcam Domini Dei coram David patre meo, & sustinisti laborem in omnibus, in quibus laboravit pater meus: & eiecit Salomon Abiatharum, ut non esset Sacerdos Domini: 1 Reg. 2, vers. 16.* nullo argumento colligi potest, factum illud Deo displicuisse; neque enim reprehendi Salomonem, aut personam ejus eo tempore parum Deo acceptam fuisse legimus.

C A P U T X I I.

De causis internis civitatem dissolventibus.

- i. Iudicationem boni & mali ad singulos pertinere, *seditiosa opinio.*
 ii. Peccare subditos obediendo Principibus suis, *seditiosa opinio.*
 iii. Tyrannicidium esse licitum, *seditiosa opinio.* iv. Subjectos esse legibus civilibus etiam eos qui habent summum imperium, *seditiosa opinio.* v. Imperium summum posse dividi, *seditiosa opinio.*
 vi. Fidem & sanctitatem non studio & ratione acquiri, sed semper supernaturaliter infundi & inspirari, *seditiosa opinio.* vii. Civibus singulis esse rerum suarum proprietatem, sive dominium absolutum, *seditiosa opinio.* viii. Ad seditionem disponit, nescire differentiam inter populum & multitudinem. ix. Ad seditionem disponit exaltio nimia pecuniarum, quamvis iusta & necessaria. x. Ad seditionem disponit ambitio. xi. Ad seditionem disponit spes successus. xii. Virtus qua opus est ad seditiones excitandas, sola eloquentia est sine sapientia. xiii. Quomodo stultitia vulgi, & eloquentia ambitiosorum, concitant ad rempublicam dissolvendam.

Iudicationem boni & mali ad singulos pertinere, seditiosa opinio.

I. **H**Actenus quibus causis, & quibus pactis civitates constitutæ sint, & quæ sint imperantium in cives jura, dictum est. Iam quibus causis eadem dissolvantur, sive de causis seditionum, breviter dicendum est. Quemadmodum autem in motu corporum naturalium, considerata tria sunt, nimirum, *dispositio interna*, ut sint producendi motus susceptibilia: *Agens externum*, quo motus certus & determinatus actu producat; *Et ipsa actio*: Ita etiam in civitate, ubi cives tumultuantur, tria considerata occurrunt: primum *doctrinae & affectus* paci contrarii, quibus singulorum animi disponuntur; secundum, quales sunt qui jam dispositos ad secessionem & arma sollicitant, convocant, diriguntque; tertium, modus quo id fit, sive ipsa *factio*. Doctrinarum autem quæ ad seditionem disponunt, una & prima hæc est; *Cognitionem de bono & malo pertinere ad singulos*. In statu quidem naturali, ubi jure æquali singuli vivunt, nec se per pacta sua aliorum imperio submiserunt, veram eam esse concedimus, imo cap. i, art. 9, probavimus. Sed in statu civili, falsa est. Ostensum enim est, cap. 6, art. 9. Regulas boni & mali, *justi & injusti, honesti & inhonesti*, esse leges civiles, ideoque quod legislator præceperit, id pro bono; quod vetuerit, id pro malo habendum esse. Legislator autem semper is est, cujus est in civitate impe-

rium

rium summum, hoc est, in Monarchia Monarcha. Idem confirmavimus cap. 11, art. 6, ex verbis *Salomonis*. Siquidem enim sequendum ut bonum, & fugiendum ut malum esset id quod singulis visum fuerit, quorsum spectant verba ejus, *Dabis servo tuo cor docile; ut populum tuum judicare possit, & discernere inter bonum & malum*. Quoniam ergo Regum est discernere inter bonum & malum, iniquæ sunt illæ, quamquam quotidianæ voces: *Regem esse, qui recte facit*. Et *Regibus non esse obtemperandum, nisi justa præceperint*; & aliæ similes. Ante imperia, justum & injustum non exstiteret; ut quorum natura ad mandatum sit relativa; actioque omnis suâ naturâ adiaphora est. Quod *justa* vel *injusta* sit, à jure imperantis provenit. Reges igitur legitimi quæ imperant, justa faciunt imperando, quæ vetant vetando injusta. Privati autem homines dum cognitionem boni & mali ad se trahunt, cupiunt esse sicut Reges; quod salva civitate fieri non potest. Omnium Dei præceptorum antiquissimum est, Gen. cap. 2, vers. 15, *De ligno scientiæ boni & mali ne comedas*. & antiquissima tentationum diabolicarum, cap. 3, vers. 5, *Eritis sicut dii, scientes bonum & malum*. Et prima Dei cum homine expositulatio, vers. 11, *Quis indicavit tibi quod nudus esses, nisi quod ex ligno, de quo præceperam tibi ne comederes, comedisti?* Quasi diceret, unde judicasti nuditatem, in qua visum est mihi te creare, inhonestam esse, nisi quod cognitionem Honesti & Inhonesti tute tibi arrogasti?

II. Peccatum est quicquid quis fecerit contra conscientiam; nam qui id faciunt, legem spernunt. Sed distinguendum est; Peccatum meum est, quod faciens, peccatum meum esse puto; quod vero peccatum alienum esse puto, possum quandoque sine peccato meo facere. Nam si jubeam facere quod peccatum jubentis est, modo qui jubet, jure Dominus meus sit, id si facio, non pecco; non enim si militavero iustu civitatis, putans bellum injuste susceptum esse, idcirco injuste fecero, sed potius si militare recusavero, cognitionem justî & injusti, quæ pertinet ad civitatem, mihi arrogans. Qui distinctionem hanc non observant, quotiescunque eis aliquid imperatum erit, quod illicitum vel est, vel videtur esse, incident in peccandi necessitatem. Nam facient contra conscientiam, si obediverint; contra jus, si non obediverint. Si fecerint contra conscientiam, monstrant, se non metuere pœnas futuri seculi; si fecerint contra jus, tollunt quantum in se est, societatem humanam, & vitam civilem seculi præsentis. Opinio igitur eorum qui docent, *peccare subditos, quoties mandata Principum suorum, quæ sibi injusta videntur esse, exsequuntur*, & erronea est, & inter eas numeranda quæ obedientiæ civili adversantur. Dependet autem ab ori-

Peccare subditos obediendo Principibus suis, seditiosa opinio.

ginali illo errore quem supra præcedente articulo notavimus. Nam per judicium nostrum *boni & mali*, facimus ipsi, ut tam obedientia nostra, quam inobedientia sit peccatum.

*Tyrannici-
dium esse il-
licitum, sedi-
tiosa opinio.*

III. Tertia doctrina seditiosa ab eadem radice orta est, *Tyrannici-
dium esse licitum*. Imò hodie à nonnullis Theologis, & olim ab omni-
bus Sophistis *Platone, Aristotele, Cicerone, Seneca, Plutarcho*, cæteris-
que Græcæ & Romanæ Anarchiæ fautoribus non modo licitum, sed
etiam maximâ laude dignum existimatum est. *Tyrannorum* autem no-
mine intelligunt non solum Monarchas, sed omnes eos qui impe-
rium summum in quocunque genere civitatis administrant. Non
enim Athenis *Pisistratus* tantum, qui solus imperium habuit, sed
post eum *Trigintaviri*, qui simul dominati sunt, singuli *Tyranni* appel-
labantur. Sed is quem occidi, ut *Tyrannum*, volunt, vel jure imperat,
vel absque jure; si absque jure, hostis est, & jure occiditur: sed dici
debet hoc non *Tyrannicidium*, sed *homicidium*. si jure imperium obtinet,
locum habet interrogatio divina, *quis indicavit tibi, quod Tyrannus esset,
nisi quod ex ligno de quo præceperam tibi, ne comederes, comedis?* Quare
enim appellas tu *Tyrannum*, quem Deus *Regem* fecit, nisi tu privatus
existens, cognitionem ad te trahas *boni & mali*? Quam perniciofa verò
civitatis, præsertim vero *Anarchiis*, opinio hæc sit, ex eo facile
intelligitur, quod per eam quilibet *Rex*, sive malus, sive bonus, unius
ficarii & judicio condemnandus, & manu jugulandus exponitur.

*Subjectus
esse legibus
civilibus
etiam eis
qui habent
summum
imperium,
seditiosa opi-
nio.*

IV. Quarta, societati civili adversa opinio eorum est, qui censent,
legibus civilibus subjectos esse etiam eos qui habent summum imperium. Quam
veram non esse satis ostensum est supra, cap. 6, art. 14. ex eo quod
civitas, neque sibi ipsi, neque civi cuiquam obligari potest: non tibi,
quia nemo obligatur nisi alii; non civi, quia civium voluntates singu-
læ in voluntate civitatis continentur, ita ut si civitas se liberam à tali
obligatione esse velit, etiam cives velint, & proinde libera sit. Quod
autem de civitate verum est, id verum esse intelligitur de eo homi-
ne, vel cœtu hominum, qui summam habet potestatem; illi enim civi-
tas sunt, quæ nisi per summam eorum potestatem non existit. Quod
autem opinio hæc cum essentia civitatis consistere non possit, ex eo
patet, quod per eam *cognitio justis & injustis*, hoc est, quid sit, quid non
sit, contra leges civiles, definire, ad singulos rediret. Cessabit ergo
obedientia, quoties imperatum aliquod videbitur contra leges, atque
unà omnis potestas coactiva, quod salvâ civitatis essentia fieri non
potest. Magnos tamen habet error hic fautores, *Aristotelem* & alios,
qui propter impotentiam humanam, civitatis potestatem summam,
solis legibus deferendam esse arbitrantur. Videntur autem in natu-
ram

ram civitatis parum profundè inspexisse, qui potestatem coactivam, legum interpretationem, & legum lationem (quæ necessariæ civitati potestates sunt) ipsis legibus relinquendas esse existimaverint. Quamquam autem cives singuli cum ipsa civitate contendere iudicio, & lege agere interdum possint, id tamen locum habet tunc solum, quando quæstio non est de eo quod civitas possit, sed de eo quod certâ quâdam lege voluit. Ut, cum de capite civis agitur quacunque lege, quæstio non est, an civitas jure suo absoluto vitam ejus tollere possit, sed an per legem illam tollendam esse voluerit. Voluit autem, si legem violavit, alioqui noluit. Quod igitur civitas suis ipsius legibus obstricta sit non satis argumenti est, quod actio legis competat civi adversus civitatem. In contrarium, patet, civitatem suis ipsius legibus non teneri, quia nemo obligatur sibi. Ponuntur ergo leges *Tullio* & *Cicero*, non civitati: utcunque ambitione Juris-consultorum factum sit, ut leges non ab autoritate civitatis, sed ab eorum prudentia dependere, imperitis videantur.

V. Quinta, *Imperium summum dividi posse*, exitiosissima civitatibus doctrina est. Alii autem aliter dividunt. Sunt enim qui ita dividunt, ut summum imperium in iis rebus quæ ad pacem & commoda hujus vitæ pertinent, potestati civili concedant; in iis verò quæ ad salutem animæ spectant, in alios transferant. Contingit autem, quia justitia ad salutem maximè omnium rerum necessaria est, ut cives justitiam metientes, non sicut debent, per leges civiles, sed per mandata & doctrinas eorum qui respectu civitatis vel privati sunt, vel externi, supersticioso metu obedientiam Principibus debitam præstare nolint; ipso metu in id quod metunt, incidentes. Quid autem perniciosius civitati esse potest, quam ut homines ne principibus, hoc est, ne legibus obediant, seu, ne justi sint, æternorum cruciatuum intimatione deterreantur? Sunt etiam qui summum imperium ita dividunt, ut potestatem summam Belli & Pacis, uni (quem *Monarcham* vocant) sed pecuniam imperandi jus, non illi, sed aliis tribuunt. Quoniam autem & belli & pacis nervi sunt pecuniæ, qui sic dividunt, aut non rem ipsam dividunt, sed imperium quidem illis dant, in quorum potestate est pecunia, nomen vero alteri; vel si dividunt, civitatem dissolvunt. neque enim bellum si opus est geri, neque pax publica sine pecunia conservari potest.

VI. Vulgo docetur, *Fidem & sanctitatem non studio & ratione naturalis acquiri, sed semper supernaturaliter hominibus infundi vel inspirari*. Quod si verum esset, non video quare rationem fidei nostræ reddere juberemur, aut cur is non sit Propheta, quisquis verè Christianus

Imperium summum posse dividi, sed ita opinio.

Fidem & sanctitatem non studio & ratione acquiri, sed semper supernaturaliter infundi & inspirari, sed ita opinio.

est; aut denique quare non unusquisque quid faciendum, & quid fugiendum sibi sit, ex propria potius inspiratione, quam ex præceptis imperantium, aut recta ratione æstimeret. Rediit igitur ad *cognitionem privatam boni & mali*, quæ concedi non potest sine civitatum dissolutione. Opinio hæc adeo latè per orbem Christianum diffusæ est, ut numerus Apostatarum à ratione naturali penè infinitus sit. Nata autem est ab insanis hominibus, qui Scripturarum lectione copiam verborum sacrorum nacti, ita ea concionando connectere soliti sunt, ut eorum oratio nihil significans, imperitis tamen hominibus divina videatur. cujus enim ratio nulla, oratio divina apparet, is necessariò divinitus videbitur inspiratus.

Civibus singulis esse verum suarum proprietatem, seu dominium absolutum, se distosa opinio.

VII. Septima civitatibus adversa doctrina est, *Civibus singulis earum verum quas possident, absolutum esse Dominium*. Hoc est, proprietatem talen, quæ jus cæterorum omnium, non modo concivium, sed etiam ipsius civitatis in easdem res excludit. Id quod verum non est. Nam qui *Dominium* habent, *Dominium* non habent, ut probatum est c. 8, art. 5. Civitas autem civium omnium Domina est, ex constitutione. Ante susceptum jugum civile, nemini erat quicquam *juris proprii*, omnia omnibus *communis* erant. dic ergo, unde tibi *proprietatis* hæc, nisi à civitate? Unde autem civitati, nisi quod unusquisque jus suum in civitatem transulisset? Et tu ergo tuum jus civitati quoque concessisti. *Dominium* ergo & *proprietas* tua tanta est, & tamdiu durat, quanta & quamdiu ipsa vult. Sicut in familia filiorum singulorum *propria* sunt bona, quæ & quamdiu vult pater. Sed multo maxima pars hominum, qui prudentiam civilem profitentur, rationem aliter colligunt. Æquales, inquit, natura sumus; nulla causa est quare quis rem meam mihi meliore jure auferat, quam ego illi suam; scimus, ad defensionem publicam pecunià aliquando opus esse, sed qui eam exigunt, opus esse monstrent, & à volentibus, accipiant. Nesciunt qui sic loquuntur ea quæ fieri volunt, jam ab initio in ipsa civitatis constitutione facta esse; ideoque loquentes tanquam in multitudine dissoluta & nondum facta civitate, factam dissolvunt.

Ad seditionem dissonant, nesciunt differentiam inter populum & multitudinem.

VIII. Ultimo loco Regimini civili adversatur, præsertim vero Monarchico, quod homines non satis distinguant inter *populum* & *multitudinem*. *Populus* est *unum* quid, *unam* habens *voluntatem*, & cui actio *una* attribui possit. Nullum horum de multitudine dici potest. *Populus* in omni civitate regnat; nam & in *Monarchiis* *populus* imperat, vult enim *populus* per voluntatem *unius* hominis. *Multitudo* vero cives sunt, hoc est, subditi. In *Democratia* & *Aristocratia*, cives sunt *multitudo*; sed *civitas* est *populus*. Et in *Monarchia*, subditi sunt *multitudo*,

uirudo, & (quamquam paradoxum sit) *Rex est populus*. Vulgus hominum, & alii qui hæc ita esse minimè animadvertunt, de magno numero hominum semper loquuntur tanquam de populo, hoc est, de civitate; dicuntque rebellasse civitatem contra regem (quod est impossibile) & populum velle & nolle, quod volunt & nolunt molesti & mustitantes subdiri, sub prætextu populi, cives contra civitatem, hoc est, Multitudinem contra populum animantes. Atque hæc ferè sunt opiniones, quibus imbuti cives faciles sunt ad tumultuandum; & si quidem majestas in omni civitate, ei vel eis conservanda sit, qui summum habet, vel habent imperium, his opinionibus crimen læsæ majestatis adhæret naturaliter.

I X. Animum humanum ægritudine afficit maximè omnium rerum egestas; siue earum rerum quæ ad vitam & dignitatem tuendam necessariæ sunt, inopia. Et quamquam nemo sit, qui nesciat, opes industriâ comparandas, & parcimoniâ conservandas esse, omnes tamen inopes culpam ab ignavia & luxuria propria in regimen civitatis, tanquam re privatâ publicis exactionibus detractâ, transferre solent. Debent autem homines considerare; non modo laborandum esse iis quibus patrimonium non est, ut vivant, sed etiam pugnandum, ut laborarent. Unusquisque Iudeorum qui tempore *Esdræ* muros Hierusalem ædificabant, unâ manu faciebat opus, alterâ tenebat gladium. In omni civitate cogitandum est, manum quæ gladium tenet, esse Regem, vel civem summam, & ab industria civium, non minus alendam esse, illâ quâ quisque fortunam suam privatam fabricatur; vestigalia autem & tributa nihil aliud esse, præter mercedem eorum qui armati vigilant, ne industria singulorum incursum hostium impediatur; nec magis justam quærimoniam esse eorum, qui paupertatem suam pensionibus publicis imputant, quam si dicerent, inopes se fieri propter solutionem debitorum. Sed nihil horum cogitat maxima pars hominum. patiuntur enim idem quod in morbo qui appellatur *Incubus*, qui ortus ab ingluvie, facit tamen homines putare se invadi, & magno pondere opprimi & suffocari. Quod autem ii qui videntur sibi totâ civitatis mole oppressi, proni ad seditiones sint, quodque novis rebus delectentur quibus præsentis nocent, satis per se manifestum est.

X. Altera animi ægritudo, civitatibus noxia, eorum est, qui otio abundantes, carent dignitate. Ad honores & claritudinem naturâ quidem omnes contendunt, illi vero maximè qui minimè rerum necessariorum sollicitudine distringuntur. Hos enim partim ad dissendendum inter se de Republicâ, partim ad Historicorum, Oratorum,

Ad seditionem dispositio exalto nomina pecuniarum, quamvis iusta & necessaria.

Ad seditionem dispositio ambicio.

Politicorum, aliorumque librorum facilem lectionem otium cogit. Inde autem contingit, ut ad res maximi momenti adiuuandas, & ab ingenio, & à doctrina instructos se esse arbitrentur. Quoniam autem non omnes sunt, quod sibi videntur esse, & si essent, non tamen omnes propter multitudinem ad munera publica adhiberi possent, necesse est multos præteriri. Hi igitur contumeliam sibi fieri existimantes, nihil magis in votis habere possunt, tum invidia in sibi prælatos, tum emergendi spe, quam ut consilia publica eventus infelices fortiantur. Ideoque mirum non est, si rerum novarum occasiones cupidis animis opperiantur.

Ad seditionem diffundit spes successus.

XI. Inter affectus seditiosos numeranda est etiam spes vincendi. Sint enim homines quantum quis voluerit, opinionibus paci & regimini civili repugnantibus imbuti; sint quantum fieri potest, injuriis & contumeliis, ab iis qui in autoritate sunt, læsi, & laceffiti, si tamen vincendi spes nulla, aut non satis magna appareat, nulla sequetur seditio; dissimulabunt singuli, & gravia potius ferent quàm graviora. Ad hanc spem necessariò requiruntur quatuor, *numerus, instrumenta, mutua fiducia, & Duxes*. Sine numero magno Magistratibus publicis resistere non seditio, sed desperatio est. Per instrumenta intelligo arma & communitatem, quæ si absint, numerus nihil valet, sicut neque arma sine mutua fiducia, neque hæc omnia sine unione, sub duce aliquo, cui obedire, non ut obligati quod se ipsius imperio submiserint, (supposuimus enim hoc ipso capite, hujusmodi homines nescire se obligari ultra id quod libimet ipsis rectum & bonum visum fuerit,) sed propter estimationem virtutis, & prudentiæ militaris, vel similitudinem affectuum, sponte velint. Quatuor hæc si hominibus præsentia molestè ferentibus, & jus actionum suarum proprio judicio metientibus, in propinquo sint, ad seditionem & civitatis confusionem præterea nihil deest præter aliquem, qui ipsos acuat & conciet.

Virtus quid opus est ad seditiones excitandas, sola eloquentia est. sine sapientia.

XII. *Catiline*, quo nemo unquam magis ad seditiones factus fuit, character apud *Salustium* hic est, quod haberet eloquentiæ suæ, sapientiæ parum. Separat ille sapientiam ab eloquentia, hanc homini ad turbas nato, ut necessariam attribuens, illam ut pacis dictatricem abjudicans. Eloquentia autem duplex est, altera sententiæ & conceptuum animi perspicua & elegans explicatrix, oriturque partim à rerum ipsarum contemplatione, partim à verborum in propria & definita significatione acceptorum intelligentia; altera est affectuum animi (quales sunt spes, metus, ira, misericordia) commotrix, oriturque ex usu verborum metaphorico, & ad affectus accommodato. Illa ex veris principiis, hæc ex jam receptis opinionibus, qualescunque erant,

sint, orationem texit. Illius ars Logica; hujus Rhetorica est. Illius finis veritas est; hujus victoria. Utraque suum usum habet, illa in deliberationibus; hæc in hortationibus. Illa enim à *sapientia* nunquam disjungitur; hæc vero ferè semper. Quod autem hujusmodi *eloquentia loquens*, separata à rerum scientia, hoc est, à sapientia, verus character sit eorum qui populum ad res novas sollicitant & concitant, ex ipso opere quod faciendum habent, facile colligitur. Neque enim imbuere populum absurdus illis opinionibus paci & societati civili contrariis possent, nisi ipsi easdem tenerent; quod ignorantia majoris est, quàm quæ possit cadere in hominem sapientem. Quis enim qui nescit unde leges vim suam derivent; quæ sint *justi*, *injusti*, *honesti*, *inhonesti*, *boni*, *mali*, regulæ; quid pacem inter homines conciliet & conservet, quid destruat; quid sit *suum*, quid *alienum*; quid denique sibi fieri velit (ut idem alteri faciat) vel mediocriter sapiens existimandus est? Quod autem auditores suos, ex stultis insanos reddere possunt; quod facere possunt ut quibus malè est, pejus, quibus rectè, malè esse videatur; quod spem amplificare, pericula extenuare, præter rationem iidem possunt, id ab eloquentia habent, non ab ea, quæ res sicut sunt, ita explicat, sed ab altera illa quæ commovendo animos, facit apparere omnia, qualia ipsi animis priùs commotis ea conceperunt.

XIII. Ad disponendum civium animos ad *seditiones*, multi etiam eorum qui bene erga civitatem affecti sunt, dum dictis opinionibus conformem doctrinam adolescentibus in scholis, & omni populo è cathedris insinuant, per inscitiam cooperantur. Qui vero dispositionem illam in actum perducere volunt; totum ambitionis laborem in eo ponunt, primum ut male affectos in *factionem* & *conspirationem* conjungant; deinde ut ipsi in *factione* plurimum polleant. In *factionem* conjungunt, dum internuncios se & interpretes faciunt consiliorum & actionum singulorum, nominantque personas & loca ad conveniendum, & de iis rebus, quibus regimen civitatis, prout sibi videbitur commodum, reformetur, deliberandum. Ut vero in *factione* ipsi dominantur, *factio* in *factione* habenda est; scilicet seorsim cum paucioribus conventus secretos habere oportet, ubi ordinare possint, quid postea in conventu generali proponendum sit, & à quibus, & quid quisque eorum, & quo ordine debeat dicere, & quomodo potentissimos & existimatione apud *factionis* vulgus florentissimos ad suam sententiam possint trahere. Atque hoc modo cum *factionem* facis magnam habeant, in qua per eloquentiam dominantur, incitant eam ad res capeffendas, atque ita rempublicam aliquando quidem opprimunt, nimirum, cum *factio* contraria nulla sit, plerumque vero

Quomodo
Fultra vul-
gi, & elo-
quentia am-
bitiosorum,
concurrant
ad Rempu-
blicam dis-
solvendam.

lacerant, & bellum civile introducunt. Concurrunt enim *stultitia* & *eloquentia* ad subversionem civitatis, eo modo quo conspirarunt quondam (ut est in fabula) filiae *Pelæ* Régis Thessaliæ cum *Medeâ* contra patrem suum. Volentes illæ decrepito sèni restituere adolescentiam; concilio *Medeæ* in frustra concisum igni coquendum imponunt, expectantes frustra dum revivisceret. Eodem modo vulgus stultitiâ suâ, velut puellæ *Pelæ*, cupientes civitatem veterem renovare, ducti *eloquentiâ* ambitiosorum hominum tanquam veneficio *Medeæ*, eam factionibus divisam incendio sæpius consumunt quàm reformant.

C A P U T X I I I .

De officiis eorum qui summum imperium administrant.

- I. *Distinguitur summi imperii jus ab exercitio.* II. *Salus populi suprema lex.* III. *Imperantium est respicere ad utilitatem plurimum communem, non ad hujus vel illius propriam.* IV. *Per salutem intelligi omnia commoda.* V. *Querunt an Regum officium sit salutis animarum civium suorum providere, prout ipsis secundum conscientiam propriam optimum videbitur.* VI. *Salus populi in quo consistat.* VII. *Exploratores necessarios esse ad defensionem populi.* VIII. *Milites, arma, præsidia, pecuniam tempore pacis parata habere, necessarium etiam ad defensionem populi.* IX. *Recta institutio civium in doctrina civili, paci conservandæ necessaria.* X. *Onera publica æqualiter distribuere, paci conservandæ conducibile.* XI. *Æquitatis naturalis esse, ut pecuniæ taxentur, pro ratione eorum quæ quisque consumit, non quæ possidet.* XII. *Ad pacem conservandam conducere, ambitiosos premere.* XIII. *Et factiones dissolvere.* XIV. *Ad locupletandos cives condicere leges, quibus artes lucrative foveantur, & quibus summus coercantur.* XV. *Non esse plura ex legibus definienda, quam postulat civium & civitatis commodum.* XVI. *Pœnas non majores sumendas quam quæ legibus præfinitæ sunt.* XVII. *Cruces contra judices corruptos pro reddenis.*

Distinguitur summi imperii jus ab exercitio.

I. **A**pparent ex hæcenus dictis in unoquoque civitatis genere officia civium & subditorum; & quid summi imperantes in eos gerere se debeant, nondum dictum est. Distingendum autem est inter summi imperii *jus* & *exercitium*. Possunt enim separari; ut puta, cum is qui habet *jus*, vel non possit, vel nolit litibus judicandis, vel rebus deliberandis, ipse interesse. Reges enim aliquando per ætatem res gerere non possunt, quandoque etiam et si possunt, rectius tamen esse judi-

cant,

cant, contenti electione ministrorum & consiliariorum, imperium per eos exercere. Ubi autem separantur *jus & exercitium*, ibi regimen civitatis simile est regimini mundi ordinario, quo Deus, primus omnium motor, effectus naturales producit per ordinem causarum secundarum. Ubi vero, qui jus regni obtinet, omnibus judiciis, consultationibus, actionibusque publicis ipse interesse vult, ibi administratio talis est, ac si Deus præter naturæ ordinem, se ipsum ad materiam omnem immediatè applicaret. De officiis igitur eorum qui summum imperium, sive proprio, sive alieno jure administrant, hoc capite summum & breviter dicemus. Neque enim instituti mei est, in ea descendere quæ Principes alii ab aliis diversa agere possint. hoc enim politicis practicis in singulis civitatibus relinquendum est.

II. Imperantium autem officia omnia hoc uno dicto continentur: *Salus populi suprema lex.* Quamquam enim ii qui summum inter homines imperium obtinent, legibus propriè dictis, hoc est, hominum voluntati subjici non possunt; quia summum esse, & aliis subjici, contradictoria sunt, officii tamen eorum est, rectæ rationi, quæ lex est naturalis, moralis, & divina, quantum possunt, in omnibus obedire. Quoniam autem imperia pacis causa constituta sunt, & pax propter salutem quæsitæ, qui in imperio positus, eo aliter quam ad salutem populi uteretur, faceret contra pacis rationes, hoc est, contra legem naturalem. Sicut autem salus populi legem dicat, per quam Principes cognoscunt officium; ita etiam artem docet, per quam iidem comparant beneficium. Potentia enim civium, potentia est civitatis, id est, ejus qui summum in civitate habet imperium.

III. Per populum intelligitur hoc loco, non persona una civilis, nempe ipsa civitas quæ regit, sed multitudo civium qui reguntur. Civitas enim non sui, sed civium causa instituta est. Neque tamen *hujus* & *illius* ratio habenda est. non enim imperans, quatenus talis, civium saluti aliter prospicit, quàm per leges, quæ universales sunt; ideoque officio satisfecit, si toto conatu id egerit, ut per salutares constitutiones quam plurimis rectè sit, & quam diutissime; neque malè cuiquam, nisi suâ culpâ, aut casu cui provideri non potuerat. expedit autem aliquando saluti plurimorum, ut malè iis sit qui mali sunt.

IV. Per salutem autem intelligi debet non sola vitæ qualitercunque conservatio, sed quatenus fieri potest, vita beata. Nam eo fine homines in civitates *instituti* sponte colere, ut possent, quantum conditio fert humana, jucundissimè vivere. Facerent ergo ii qui summum imperium in eo genere civitatis administrandum in se susceperunt, contra legem naturæ, (quia contra fiduciam eorum qui imperii admi-

Salus populi, suprema lex.

Imperantium est respicere ad utilitatem plurimum communem, non ad hujus vel illius propriam.

Per salutem intelligi omnia communia.

nistrationem eis commiserunt) si non studerent, quantum legibus fieri potest, ut cives bonis omnibus, non ad vitam modo, sed etiam ad delectationem abunde instruantur. Qui vero armis imperia acquisiverunt, cupiunt omnes, ut subditi sui viribus tam animi quam corporis idonei sint ut ipsis serviant; quare finem & scopum proprium facerent, si non conarentur, ut iis non modo ea quibus vivere, sed etiam quibus fortes esse possint, præbeantur.

*Quæritur,
an Regnum
officium sit,
salutis civi-
um suorum
providere, prout
ipsis secundum
conscientiam
propriam
optimum
videbitur.*

V. Inprimis autem ad *salutem æternam* plurimum interesse Principes omnes credunt, quales de Deo teneantur opiniones, qualisque ei cultus exhibeatur. Quo supposito, quæri potest, utrum summi Imperatores, & quicunque sunt, live unus live plures, qui summum civitatis imperium administrant, non peccent contra legem naturæ, si talem doctrinam, & talem cultum quem ipsi civibus ad *salutem æternam* necessariò conducere credunt, non faciant doceri & exhiberi, vel contrariam doceri vel exhiberi permittant? Manifestum est facere eos contra conscientiam, & velle, quantum in se est, æternam civium perditionem. Nam, si non vellent, rationem non video, quare committerent, (cum summi existentes cogi non possint,) ut ea docerentur & facerent, propter quæ damnandos eos esse credunt. Difficultatem autem hanc in medio relinquemus.

*Salus populi
in quo con-
sistat.*

VI. Commoda civium quæ hanc tantùm vitam spectant, in quatuor genera distribui possunt. 1. ut ab hostibus externis defendantur. 2. ut pax interna conservetur. 3. ut quantum cum securitate publica consistere potest, locupletentur. 4. ut libertate innoxia perfruantur. Amplius enim ad felicitatem civilem, quam ut à bello externo & civili tuti, opibus industria patris frui possint, summi imperatores conferre non possunt.

*Explorato-
res necessa-
rius esse ad
defensionem
populi.*

VII. Ad defensionem populi duo necessaria sunt; *Præmoneri* & *Præmuniri*. Status enim civitatum inter se; *naturalis*, id est, hostilis est. Neque si pugnare cessent, idcirco Pax dicenda est, sed respiratio; in qua hostis alter alterius motum vulgumque observans, securitatem suam non ex pactis, sed ex viribus & consiliis adversarii æstimat. Atque id jure naturali, ut capite 2, articulo 10. ex eo quod pacta in statu naturali quoties justus metus intercedit sunt invalida, ostensum est. Necessarium igitur est ad civitatis defensionem, primum, ut sit qui omnium eorum qui civitati nocere possunt, quantum fieri potest, consilia & motus exploret & præsentiat. Sunt enim sibi *exploratores* ad eos qui summum imperium administrant, idem quod radii lucis ad animam humanam; Atque in visione politica, quàm in naturali rectius dicemus, species rerum externarum sensibi-
les

les intelligibilesque ad animam, (hoc est, eos qui summum imperium civitatis administrant) ab aliis non animadversas per aërem transportari; Ideoque non minus necessarii sunt ad salutem civitatis, quam lucis radii ad salutem hominis. Vel si comparentur araneorum telis, quæ extensæ undique subtilissimis filis, motus externos ipsi intus in cavernulis suis residentibus significant; non magis ii qui imperant, quid ad subditorum suorum defensionem imperato opus est, sine *exploratoribus*, quam illæ quando exeundum, & quo accurrendum sit, sine filis suis scire possunt.

VIII. Deinde ad defensionem populi requiritur necessario ut sint *præmunus*. Præmuniri autem est, militibus, armis, classē, propugnaculis, antequam inflet periculum, comparatis, & pecunia jam comportata instrui. Nam milites conscribere, arma conquirere, post acceptam cladem, si non impossibile, saltem serum est. Similiter propugnacula & præsidia non antè locis opportunis constituere, quam fines invadantur, simile est rusticorum, ut dixit Demosthenes, qui ignari artis gladiatoriae, ab una parte corporis ad aliam, ictibus moniti clypeos transferunt. Qui vero pecuniam ad milites alendos, & cæteras exercituum impensas, tunc imperari fati opportune putant, quando periculum incipit apparere, illi certè non considerant quam difficile sit tam magnam pecuniæ vim ab hominibus tenacibus subito corraderere. Nam omnes ferè, quod semel in bonis suis numeraverunt; ita suum & sibi proprium esse judicant, ut injuriam sibi fieri putent, quoties vel minimam ejus partem coguntur in publicum erogare. Ex eo autem quod à portoriis & rerum venalium vectigali ad ærarium accedit, pecunia satis magna ad civitatem armis defendendam subito confici non potest. Pecunia itaque belli causâ, si civitatem salvam esse volumus, tempore pacis congerenda est. Cum ergo explorare hostium consilia, arma & præsidia tenere, pecuniam in promptu habere, imperantibus ad salutem civium necessaria sint; salutem autem civium omni conatu procurare lege naturæ principes teneantur, sequitur, non modo licitum eis esse, exploratores emitte, milites alere, propugnacula ædificare, & pecuniam in eas res exigere, sed etiam ea non facere, illicitum. Quibus etiam addi potest quicquid ad potentiam externorum à quibus metuunt, vel arte vel vi minuendam, conducere videbitur: obligantur enim Rectores civitatum, mala quæ metuunt, curare pro viribus, ne contingant.

IX. Ad conservationem autem Pacis internæ, multa requiruntur, quia multa concurrunt (ut capite præcedente ostensum est) ad eam perturbandam. Ostendimus ibi alia esse, quæ disponunt animos ad

Milites, arma, præsidia, pecuniam, tempore pacis parata habere, necessarium etiam ad defensionem populi.

Relia instituta civium in doctrina civili, paci conservanda necessaria.

seditionem, alia quæ dispositos movent & excitant. Inter ea quæ disponunt, numeravimus primo loco quasdam pravas doctrinas. Has igitur eradicare ex animis civium, & contrarias insinuare, officium eorum est, qui summa imperia administrant. Quoniam autem opiniones non imperando, sed docendo; non terrore poenarum, sed perspicuitate rationum animis hominum inferuntur, leges quibus huic malo obviandum est, non in errantes, sed in ipsos errores constitutendæ sunt. Errores illi quos præcedente capite cum quiete civitatis consistere non posse affirmavimus, in animos rudium irrepserunt partim à concionatorum cathedris, partim à sermonibus quotidianis hominum propter rei familiaris laxitatem studiis vacantium; & in animos horum à doctoribus adolescentiæ suæ in Academiis publicis. Quare etiam vice versa, si quis sanam doctrinam introducere voluerit, incipiendum ei est ab Academiis. Illic fundamenta doctrinæ civilis vera, & verè demonstrata jacienda sunt, quibus imbuti adolescentes, plebem postea privatim & publicè instruere possint. Id autem tanto alacrius, & potentius facient, quanto ipsi de veritate eorum quæ docent & prædicant, certiores erunt. Siquidem enim propositiones propter consuetudinem audiendi, quamquam falsæ, nec magis intelligibiles, quam si quis vocabula forte ex urna extracta copularet, hodie receptæ sunt, quanto magis imbiberent homines, propter eandem causam, doctrinas veras, intellectui suo & rerum naturæ conformes? Officii igitur summorum imperantium esse arbitror, Elementa vera doctrinæ civilis conscribi facere, & imperare ut in omnibus civitatis Academiis doceantur.

Onera publica equaliter distribuire, pacis conservanda conducibile.

X. Secundo loco disponere cives ad seditionem ostendimus, ægritudinem animi ab *egestate*; quam quidem egestatem licet à luxuria vel ignavia propria profectam, imputant tamen iis qui regunt civitatem, tanquam pensionibus publicis exhausti & oppressi. Fieri tamen potest aliquando ut querimonia illa iusta sit, nimirum cum onera civitatis civibus inæqualiter imponuntur. Quod enim omnibus simul leve onus est, si multi se subtrahunt, cæteris grave, imò intolerabile erit. Neque homines tam onus ipsum, quam inæqualitatem graviter ferre solent. Maxima enim ambitione de immunitate certatur, & in eo certamine minus felices magis felicibus tanquam victi invident. Ad tollendam ergo justam querimoniam, quietis publicæ interest, & per consequens ad officium pertinet imperantium, ut onera publica æqualiter ferantur. Præterea, cum id quod à civibus in publicum confertur, nihil aliud sit præter emtæ pacis pretium, rationis est, ut ii qui æquè pacis participant, æquas partes solvant, vel pecunias, vel opes

ras

ras reipublicæ contribuendo. Lex autem naturalis est (per art. 15, cap. 3.) unusquisque in jure aliis distribuendo, omnibus æqualem se præbeat; quare imperantes, ut onera civitatis civibus æqualiter imponent, lege naturali obligantur.

XI. Æqualitas autem hoc loco intelligitur, non pecuniæ, sed oneris, hoc est, æqualitas rationis inter onera & beneficia. Quamquam enim pace omnes æqualiter fruuntur, non tamen beneficia à pace omnibus æqualia sunt. Nam alii plus, alii minus bonorum acquirunt. Et rursus alii plus, alii minus consumunt. Quæri igitur potest, an debeant cives in publicum contribuere, pro ratione eorum quæ lucrantur, an eorum quæ consumunt, hoc est, an personæ taxari debeant, ut pro ratione opum contribuant, an res ipsæ, ut contribuat quisque pro ratione eorum quæ consumit. Sed si consideremus ubi pecuniæ conferuntur pro ratione opum, ibi eos qui æqualia luctati sunt, non æqualia possidere, propterea quod alter parta per parsimoniam conservat, alter per luxuriam dissipat, ideoque beneficio pacis æqualiter gaudentes, civitatis onera non æqualiter sustinere: & ex altera parte, ubi res ipsæ taxantur, ibi unumquemque dum rem privatam consumit, partem civitati debitam pro ratione eorum non quæ habet, sed quæ beneficio civitatis habuit, eo ipso quod sua consumit, imperceptibiliter persolvit: dubium amplius non est quin prior ille modus pecunias imperandi contra æquitatem, & proinde contra officium imperantium sit, posterior autem rationi & officio eorum consentaneus.

Æquitatis naturalis efficitur, ut pecunia taxetur, pro ratione eorum quæ quique consumit, non quæ possidet.

XII. Tertio, officere paci publicæ diximus, ægritudinem animi quæ oritur ex ambitione. Sunt enim qui cum sibi præ cæteris sapere, & magis ad res gerendas idonei videantur, quam ii qui reipublicam in præsentia administrant; virtus sua quantum civitati prodesse queat, quando aliter ostendere non possunt, ostendunt nocendo. Quoniam autem tolli ex animis hominum ambitio & honorum aviditas non potest, officii imperantium non est, ut in id incumbant. Possunt autem præmiorum & pœnarum constanti applicatione facere, ut homines sciant, viam ad honores non esse per vituperationem regiminis præsentis, neque per factiones, & auram popularem; sed per contraria. Viri boni sunt, qui consulta patrum, qui leges juraque servant. Hos si honoribus ornari, factiosos vero ab iis qui summa imperia administrant, puniri & contemptui haberi, constanti tenore videremus, parendi quam obstandi major ambitio esset. Accidit tamen aliquando, ut, sicut equo propter ferociam, ita civi contumaci propter potentiam blandiendum sit. Sed ut illud sessoris, ita hoc imperatoris jam penè excussit

Ad pacem conservandam conducere, seditiones premere.

excussi est. Loquimur autem hic de iis quorum autoritas & potentia integra est. Horum officium esse, inquam, obediens cives fovere, factiosos quantum possunt imperio premere. neque enim alio modo potentia publica, nec sine ea civium quies conservari potest.

Et solennes
disputatio.

XIII. Si vero factiosos homines coercere, multo magis factiones ipsas dissolvere & dissipare ad officium pertinet imperantium. **FACTIONEM** autem voco, multitudinem civium, vel *pactis* inter se, vel unius alicujus potentia, absque ejus, vel eorum qui summum imperium obtinent, autoritate unitam. Est itaque *factio* tanquam civitas in civitate. Sicut enim unione hominum in statu naturali fit civitas, ita civium unione nova, fit factio. Secundum hanc definitionem, multitudo civium qui externo cuicunque sive Principi, sive civi, simpliciter obdituros se obstrinxerunt, vel qui pacta aut foedus inter se mutue defensionis contra omnes homines fecerunt, non exceptis iis qui summam potestatem habent in civitate, *factio* est. Etiam gratia apud plebem si tanta sit, ut per eam comparari exercitus possit, nisi obsidibus, aut alio pignore publice caveatur, *factionem* continet. Atque idem de divitiis privatis dicendum est, si sint immodicæ; quia pecuniæ obediunt omnia. Siquidem ergo verum sit, civitatum inter se statum naturalem & hostilem esse, Principes qui factionem permittunt, idem faciunt, ac si hostem intra mœnia reciperent. Quod est contra civium salutem, & propterea etiam contra leges naturales.

Ad locupletandos
cives
conducere
leges quibus
artes lucra-
tiva fovean-
tur, & quibus
sumus
coerceantur.

XIV. Ad locupletandos cives necessaria duo sunt, *labor & passio-
monia*; conducit etiam tertium, nempe terræ aquæque *proventus natu-
ralis*; est autem & quartum, *militia*, quæ rem civium quando-
que auget, sæpius vero attenuat. priora duo sola necessaria sunt. Potest enim civitas in insula maris constituta, non majore, quam ut habitationi locum præstet, sine semente, sine piscatura, solâ Mercaturâ & opificiis ditescere. sed non est dubium, si habeant territorium, quin ditiores eodem numero, vel æque divites majore numero esse possint. Quartum autem, nimirum *militia*, in numerum quidem olim venit artium lucrativorum, sub nomine *lestricæ*, sive *prædatorie*. Et genere humano ante constitutionem civitatum per familias dispersio, iusta & honorifica habita est. Est enim nihil aliud prædatio, quàm quod parvis copiis geritur bellum. Et magnæ civitates nominatim *Romana & Atheniensis* spoliis belli, vectigalibus externis, & territorio armis acquisito, ita aliquando rempublicam auxerunt, ut tenuioribus civibus non modo nullam pecuniam publicam imperarint, sed etiam pecuniam & agros viritum diviserint. Hujus modi autem divitiarum incrementa in rationes minimè referenda sunt.

Est

Est enim, quod ad lucrum spectat, militia sicut alea, qua plurimi rem suam labefactant, paucissimi ampliorem reddunt. Cum ergo tria tantum sint, *proventus terræ & aquæ, labor, & parsimonia*, quæ conducunt ad civium locupletationem, circa ea tantum versabitur officium imperantium. Ad primum utiles erunt leges, quæ favent artibus quibus terræ & aquæ proventus reddantur meliores; quales sunt *Agricoltura, & Piscicultura*. Ad secundum utiles sunt leges omnes quibus ignavia prohibeatur, industria excitetur, *ars navigandi* (per quam commoda totius mundi solo penè labore emta in unam civitatem comportantur,) item *mechanica* (sub qua omnes excellentium opificiorum artes comprehendo,) & *Scientiæ Mathematicæ, Nauticæ & Mechanicæ* fontes, in honore habeantur. Ad tertium utiles sunt leges illæ, quibus sumtus tam in cibos quam in vestes, & universim in res omnes, quæ usu consumuntur, immodici prohibeantur. Quoniam autem leges tales ad fines supra dictos utiles sunt, pertinet etiam ad officium imperantium eas sancire.

XV. Libertas civium non in eo sita est, ut legibus civitatis exempti sint, vel ut ii qui civitatis summam potestatem habent, non possint leges ferre quasunque volent. Sed quoniam omnes motus & actiones civium legibus nunquam circumscriptæ sunt, neque circumscribi propter varietatem possunt, necesse est, ut infinita pene sint, quæ neque jubentur neque prohibentur; sed facere vel non facere suo quisque arbitrio potest. In his unusquisque dicitur suâ frui libertate, atque in hoc sensu libertas hoc loco intelligenda est, nempe pro juris naturalis parte ea, quæ civibus à legibus civilibus permessa, & relicta est. Sicut aqua ripis undiquaque conclusa stagnat & corrumpitur; undiquaque aperta expanditur, & quo plures exitus invenit, eo liberior fluit: ita quoque cives si nihil injussu legum facerent, torperent; sic omnia dissiparentur: & quo plura legibus indeterminata relinquuntur, eo majore fruuntur libertate. Utrumque extremum vitiosum est: non enim ad actiones hominum tollendas, sed dirigendas, inventæ leges sunt; sicut neque ripas ad sistendum cûrsum fluminis, sed ad dirigendum Natura ordinavit. Mensura hujus libertatis ex bono civium & civitatis capienda est. Quare contra officium eorum qui imperant, & legum ferendarum auctoritatem habent, in primis est, ut plures leges sint, quam ad bonum civium & civitatis necessario conducant. Nam cum de eo quod facere vel non facere debent, sæpius per rationem naturalem, quàm per scientiam legum homines deliberare soleant; ubi leges plures sunt, quàm ut earum facile meminisse possimus, & per eas prohibentur ea, quæ ratio per se non prohibet;

Non esse plura legibus definitas, quam postulat civium & civitatis commodum.

neceſſe eſt ut per ignorantiam, ſine ulla prava intentione, incidant tamen in leges, tanquam in laqueos, contra libertatem innoxiam, quam imperantes civibus conſervare lege naturali obligantur.

*Pœnae non
maiores ſe-
mendas,
quam qua
legibus præ-
ſcripta ſunt.*

XVI. *Libertatis* civitati innoxiae, & ſingulis civibus ad beate vivendum neceſſariae, pars magna etiam eſt, ut pœnae nullae timendae ſint, niſi quas prævidere, aut exſpectare poſſint. Præſtatur autem hoc, ubi vel nullae omnino pœnae legibus definiuntur, vel maiores definitis non exiguntur. Ubi nullae definiuntur, ibi is, qui primus legem tranſgreſſus eſt, pœnam exſpectat indefinitam, ſive arbitriariam, ſupponiturque metus ejus infinitus, quia mali infiniti. Præcipit autem lex naturæ iis qui legibus civilibus non ſubjiciuntur, per ea quæ diximus cap. 3, articulo 11, ideoque ſummis imperantibus in ultione, & pœnis ſumendis, ſpectandum eſſe non malum præteritum, ſed bonum futurum: peccantque pœnarum arbitriarum aliam menſuram habentes, quam utilitatem publicam. Ubi vero pœna definita eſt, ſive lege præſcripta, ut quando verbis diſertis ponitur, *qui ſic facit, ſic patietur*; ſive praxi, ut quando pœna, lege non præſcripta, ſed arbitrarie ab initio) determinata eſt poſtea per punitionem primi delinquentis, (æquæ enim tranſgredientes æqualiter puniri jubet æquitas naturalis:) ibi pœnam, quam quæ lege definitur, majorem exigere, contra legem naturæ eſt. Finis enim punitionis eſt, voluntatem hominis non cogere, ſed formare, & talent facere, qualem eam eſſe cupit is, qui pœnam ſtatuit. Et deliberatio nihil aliud eſt niſi commodorum & incommodorum facti quod aggredimur, tanquam in balance ponderatio, ubi quod præponderat, neceſſario ſecundum inclinationem ſuam procedit. Siquidem ergo legiſlator pœnam minorem crimini appendit, quam ut libidini metus præponderet, libidinis ſupra metum pœnae exceſſus quo crimen committitur, legiſlatori attribuendus eſt, hoc eſt, ſummo imperanti; ideoque ſi punit majori pœnâ, quam ipſe legibus præſcripſit, punit in alio quod peccavit ipſe.

*Civibus con-
tra judices
corruptos ju-
reddendum.*

XVII. Etiam ad innoxiam & neceſſariam civibus libertatem pertinet, ut quæ jura legibus ſibi quiſque conceſſa habet, iis ſine metu frui poſſit. Fruſtra enim eſt *ſuum* ab *alieno* legibus diſtingui, ſi falſo judicio, latrocinio, vel furto rursus confundantur. Contingit autem falſa judicia, latrocinia, & furta fieri, ubi judices corrumpi poſſunt. Metus enim quo homines à male faciendo deterrentur, non ab eo oritur quod pœnae ſtatuuntur, ſed quod exiguntur. Futurum enim ex præterito æſtimamus, quæ raro fieri ſolent, raro exſpectantes. Si igitur judices muneribus, gratia, vel etiam miſericordia corrupti pœnas lege debitas ſæper emittant atque eo modo improbis ſpem faciant im-
impu-

impunitatis , bonis civibus à sicariis , latronibus , veteratoribusque oblectis , neque conversari inter se , neque omnino se movere liberum erit ; imò civitas ipsa dissolvitur , & redit cuique jus se ipsum suo arbitratu protegendum. Præcipit igitur lex naturæ summis imperantibus , ut iusticiam non modo ipsi exercent , sed etiam ut iudices à se positos , idem facere pœnis cogant , hoc est , querelis civium aurem præbeant , & delegent , quoties opus est , iudices extra ordinem qui de ordinariis cognoscant.

C A P V T XIV.

De Legibus & Peccatis.

- I. Lex quomodo differt à consilio. II. Quomodo differt à Pacto. III. Quomodo à jure. IV. Divisio legum in Divinas & Humanas ; & Divinarum in Naturales & Positivas ; & naturalium in leges singulorum hominum , & Gentium. V. Legum Humanarum , id est , civilium , divisio in sacras , & sæculares. VI. In Distributivam & Vindicativam. VII. Distributivam & vindicativam non esse species legum , sed partes. VIII. Omni legi pœna appensa intelligitur. IX. Præcepta Decalogi de parentibus honorandis , de homicidio , adulterio , furto , & falso testimonio , leges civiles esse. X. Impossibile esse lege civili quicquam jubere contra legem naturæ. XI. Legi essentiale esse , ut cognoscatur & ipsa & legislator. XII. Unde cognoscatur legislator. XIII. Ad cognoscendam legem necessaria sunt promulgatio & interpretatio. XIV. Legis civilis divisio in scriptam & non scriptam. XV. Leges naturales non esse leges scriptas ; neque Responsa Iurisprudentum , neque consuetudinem esse leges per se , sed per consensum summæ potestatis. XVI. Peccati nomen latissime acceptum quid significet. XVII. Peccati definitio. XVIII. Differentia inter peccatum infirmitatis , & malitiam. XIX. In quo genere peccati continentur Atheismus. XX. Quid sit crimen læsæ Majestatis. XXI. Crimine læsæ Majestatis non leges civiles sed naturales violari. XXII. Ideoque non jure Imperii , sed jure belli puniri. XXIII. Obedientiam non recte distinguere in activam & passivam.*

L Ex ab iis qui vim verborum minus morosè pensant , aliquando cum consilio , aliquando cum pacto , aliquando cum jure confunditur. Confundunt legem cum consilio , qui putant , Monarcharum officium esse consiliarios non modo audire , sed etiam iis obedire ; tanquam si consilium capere , nisi etiam quod consultum est , fiat , frustra esset. Distinctio inter consilium & legem petenda est à differentia in-

Lex quomodo differat à consilio.

ter *consilium* & *mandatum*. Iam *CONSILIUM* est *præceptum*, in quo ratio quare paremus, sumitur *ab ipsa re* quæ præcipitur. *MANDATUM* autem est *præceptum* in quo parendi ratio sumitur à *voluntate præcipientis*. Proprie enim non dicitur, *Sic volo, sic jubeo*, nisi sit pro ratione *voluntatis*. Cum vero legibus obediatur non propter rem ipsam, sed propter voluntatem præcipientis, *lex* non *consilium*, sed *mandatum* est; definiturque hoc modo: *LEX* est *mandatum* ejus personæ (sive hominis, sive civis) cujus *præceptum* continet obedientie rationem. Ut præcepta Dei respectu hominum, civitatis respectu civium, & universaliter omnium potentium, respectu eorum qui non possunt resistere, eorum leges dicendæ sint. Differunt ergo multifariam inter se *lex* & *consilium*. *Lex* enim ejus est, qui potestatem habet in eos quibus præcipit: *consilium*, ejus qui potestatem non habet. Facere id quod *lege* præcipitur officium, quod *consilio*, arbitrium est. *Consilium* dirigitur ad finem ejus cui præcipitur, *lex* autem ad finem ejus qui præcipit. *Consilium* non nisi volentibus datur, *lex* etiam nolentibus. Denique jus consiliarius tollitur arbitrio ejus cui *consilium* dat, jus legislatoris non tollitur arbitrio ejus cui imponitur *lex*.

Quomodo
differat à
pactis.

II. *Legem* cum pacto confundunt ii, qui leges putant nihil aliud esse quam *ἐμολογήματα*, sive formulas vivendi, communi consensu hominum determinatas. Inter quos est *Aristoteles*, qui *Legem* hoc modo definit. Νόμος ἐστὶ λόγος ὡς ἐμφύνης καὶ ἐμολογίας κεινῶν πόλεως; μὴ νόον πῶς δεῖ πράττειν ἑκάστη, id est, *Lex* est oratio definita juxta consensum communem civitatis, indicans quomodo singula oportet agere. Quæ definitio non est *Legis* simpliciter, sed *civilis*. Manifestum enim est, *leges divinas* non esse ortas à consensu hominum, neque etiam *naturales*. Nam si à consensu hominum originem haberent, etiam eorundem consensu abrogari possent; sunt autem immutabiles. Neque verò est ea definitio legitima *Legis civilis*. Civitas enim eo loco sumitur, vel pro una persona civili, unam habente voluntatem, vel pro multitudine hominum, quorum unicuique sua voluntas privata libera est. Si pro una personâ; illud *communi consensu*, non rectè ponitur; non enim habet una persona *consensum communem*. Neque oportebat ponere *indicans* quid facto opus esset, sed *jubens*. Civitas enim civibus quæ indicat, imperat. Intellexit ergo per civitatem, multitudinem hominum communi consensu (puta scripto suffragiis confirmato) formulas vivendi indicantem. Hæ autem nihil aliud sunt præter mutua pacta; quæ non ante quemquam obligant, neque ideo leges sunt, quam constituto imperio summo, quod possit cogere, cautum ei sit erga ceteros qui aliter ea observaturi non sunt. *Leges* itaque juxta definitionem

tionem hanc *Aristoteles*, nihil aliud sunt quam nuda & invalida pacta, quæ tum demum, cum sit qui potentiam civitatis jure exercet, *leges* fient vel non fient, illius arbitrio. Confundit ergo pacta cum legibus, quod non oportuit; est enim pactum promissum; lex mandatum. In pactis, *Faci*am dicitur: in legibus, *Fac. Pa*cto * obligamur; lege obligati tenemur. Pactum obligat per se; lex obligatum tenet virtute pacti universalis de præstanda obedientia. Ideoque in pacto, prius determinatur quid faciendum est, quàm ad faciendum obligamur; sed in lege ante obligamur ad faciendum, quid verò faciendum sit, determinatur post. Debebat igitur *Aristoteles* definire legem civilem hoc modo, *Lex civilis est oratio definita per voluntatem civitatis, singula imperans quæ oportet facere.* Quæ eadem est cum eà quam attulimus supra cap. 6, articulo 9, nimirum *leges civiles esse ejus (sive hominis, sive civitatis) qui in civitate summam potestatem præditus est, de criminis futuris actionibus mandata.*

III. Legem cum jure confundunt ii, qui quod jure divino permixtum est, facere perseverant, quamquam lege civitatis prohibeatur. Quod lege divina prohibetur, lege civili permitti non potest, nec quod lege divina imperatur, prohiberi potest lege civili. Veruntamen quod jure divino permittitur, id est, quod jure divino fieri potest, nihil impedit, quo minus idem lege civili prohibeatur. Leges enim inferiores libertatem à superioribus relictam restringere possunt, quamquam ampliare non possunt. Est autem jus, liberum naturalis, à legibus non constituta, sed relicta. Remotis enim legibus, libertas integra est; hanc primo restringit naturalis lex, & divina; residuam restringunt leges civiles; & quæ legi civili superest, restringi rursus potest à constitutionibus particularium urbium & societatum. Multum ergo interest inter legem, & jus; lex enim vinculum, jus libertas est, differuntque ut contraria.

IV. Lex omnis dividi potest, primum pro diversitate auctorum in Divinam & Humanam. Divina autem pro duobus modis, quibus Deus voluntatem suam hominibus notam facit, duplex est: Naturalis (sive Moralis) & Positiva. Naturalis ea est, quam Deus omnibus hominibus patefecit per Verbum suum æternum ipsis innatum, nimirum *Rationem naturalem.* Atque hæc est ea lex, quam toto hoc libello explicare conatus sum. Positiva est, quam Deus nobis patefecit per Verbum Propheticum, quo locutus est ad homines tanquam ho-

Quando à jure.

Diviso legum in Divinas & Humanas; & Divinas in Naturales & Positivas; & Naturales in leges singulorum hominum & gentium.

PPP 3

mo;

* Pacto obligamur, &c.] Visum est aliquibus, idem esse Obligari & Obligatum teneri, & proinde distinctionem in verbis aliquam, in re nullam esse. Clarius ergo hoc dico. Pacto obligari hominem, id est, propter promissionem præstare debere. Lege vero obligatum teneri, id est, met u pœna quæ in Lege constituitur, ad præstationem cogi.

Annotatione.

mo; quales sunt leges quas tradidit *Iudæis* circa politicam & cultum divinum; possuntque appellari *leges divinæ civiles*, quia civitati *Israelitarum* populi sui peculiaris peculiare erant. Rursus *naturalis* dividi potest, in naturalem *hominum*, quæ sola obtinuit dici *lex naturæ*, & naturalem *civitatum*, quæ dici potest *lex Gentium*, vulgo autem *jus Gentium* appellatur. Præcepta utriusque eadem sunt: sed quia civitates semel institutæ induunt proprietates hominum personales, *lex* quam loquentes de hominum singulorum officio, *naturalem* dicimus, applicata totis civitatibus, nationibus, sive gentibus, vocatur *jus Gentium*. Et quæ *Legis* & *juris naturalis* Elementa hæcenus tradita sunt, translata ad *civitates* & *gentes* integras, pro *legum*, & *juris Gentium* Elementis sumi possunt.

Legum humanarum, id est, civilium, divisio in sacras & seculares.

V. *Humana lex omnis civilis* est. Nam extra civitates status hominum hostilis est, in quo quia alter alteri non subijcitur, leges præter dictamina rationis naturalis, quæ lex divina est, nullæ sunt. In civitate verò, sola civitas, hoc est, homo, vel curia cui summum civitatis imperium committitur, legislator est, civitatis autem leges civiles sunt. *Civiles leges* possunt dividi pro diversitate subjectæ materiæ in *sacras* & *seculares*. *Sacræ* sunt quæ pertinent ad Religionem, hoc est, ad ceremonias & cultum Dei, (nimirum quæ & quo ritu personæ, res, loca, consecranda sunt, quæ opiniones circa numen divinum publicè docendæ, & quibus verbis ritibusque supplicationes faciendæ sunt, & similia) & nulla lege divinâ positivâ definiuntur. Nam *leges civiles sacræ* sunt *humane* (quæ & *Ecclesiasticæ* dicuntur) circa res *sacras*; *seculares* res autem generali nomine *civiles* appellari solent.

In Distributivam, & Vindicativam.

VI. Rursus *lex civilis* pro duobus legislatoris officiis, quorum alterum est *judicare*, alterum *cogere* ut judiciis acquiescant, duas habet partes, alteram *distributivam*, alteram *vindicativam*, sive *penariam*. *Distributiva* est, qua jus suum cuique distribuitur, hoc est, quæ regulas omnium rerum constituit, quibus sciamus quid nobis, quid aliis proprium sit, ita ut nos nostris uti & frui alii non impediunt, neque nos impediamus illos ne utantur & fruantur suis; & quid cuique licitum sit facere vel omittere, quid illicitum *Vindicativa* est, qua, quæ poenæ sumendæ sunt de iis qui legem violant, definitur.

Distributivam & Vindicativam non esse species legum, sed partes.

VII. *Distributiva* autem & *vindicativa* non sunt duæ legum species, sed ejusdem legis duæ partes. Siquidem enim lex nihil amplius dicat, quàm, verbi gratia, *tuum esto, quod in tuo rei cepisti in mari*, frustra est. Quamquam enim alter eripiat tibi quod cepisti, non impedit quin adhuc tuum sit. nam in statu naturæ, ubi omnia omnium sunt communia, idem est & *tuum* & *alienum*; ita, quod lex definit esse

tuum,

tuum, *tuum* erat etiam ante legem, & post legem *tuum* esse non definit, quamquam ab alio possessum. Nihil ergo lex agit, nisi ita intelligatur, ut licet *tuum* sit, ut omnes alij prohibeantur, ne impediatur quominus omni tempore eo possis tuo arbitratu secute uti & frui. Hoc enim est quod requiritur ad proprietatem bonorum, non ut quis iis possit uti, sed possit solus, quod fit prohibendo alios ne sint impedimento. Sed frustra etiam prohibent, qui metum poenarum non incutiunt. frustra ergo lex est nisi utramque partem contineat, & illam quæ prohibet injurias fieri, & illam quæ facientes punit. Harum prima, quæ distributiva dicitur, prohibitoria est, & loquitur ad omnes; secunda, quæ vindicativa vel poenaria appellatur, mandatoria est, & loquitur tantum ad ministros publicos.

VIII. Ex quo etiam intelligitur, omni legi civili annexam esse poenam, vel explicitè vel implicitè. Nam ubi poena neque scripto, neque exemplo alicujus qui poenas legis transgressæ jam dedit, definitur, ibi subintelligitur poenam arbitrariam esse, nimirum, ex arbitrio pendere legislatoris, hoc est, summi imperantis. frustra enim est lex, quæ impunè violari potest.

Omni legi poena appensa intelligitur.

IX. Quoniam autem à legibus civilibus oritur, tum quod unusquisque jus suum sibi proprium & ab alieno distinctum habeat, tum etiam quod prohibeatur aliena invadere; sequitur, præcepta hæc, *Honorem parentibus, legibus definitum non denegabis: Hominem quem veritas leges occidere, non occides: Legibus vetitum concubitum fugies: Rem alienam Domino invito non auferes: Leges & judicia falso testimonio non frustrabere*, esse leges civiles. Leges naturales eadem præcipiunt, sed implicitè: nam lex naturalis; (ut cap. 3. art. 2. dictum est) jubet observari pacta, ideoque etiam obedientiam præstare, quando obedientiam pacti fuerint, & alieno abstinere, quando quid sit alienum, lege civili definitum fuerit. cives autem omnes (per cap. 6. art. 13.) obedientiam præstare mandatis ejus qui habet summam potestatem, hoc est, legibus civilibus, ex ipsa civitatis constitutione participant, etiam ante quam violari possunt. Nam lex naturalis obligabat in statu naturali, ubi primò (quia natura omnia omnibus dedit) nihil alienum erat, & proinde alienum invadere, impossibile; deinde ubi omnia communia erant, quare etiam concubitus omnes liciti; tertio, ubi status belli erat, ideoque licitum occidere; quarto, ubi omnia proprio cujusque judicio definita erant, ideoque honores etiam paterni; postremo ubi nulla judicia publica erant, & propterea nullus usus testimonii dicendi neque veri neque falsi.

Præcepta Decalogi, de parentibus honorandis, de homicidio, adultério, furto, & falso testimonio, leges civiles esse.

Impossibile est lege civili quicquam jubere contra legem naturæ.

X. Cum ergo obligatio ad leges illas observandas antiquior sit quam

quam ipsarum legum promulgatio, utpote contenta in ipsa civitatis constitutione, virtute legis naturalis quæ prohibet violari pacta, lex naturalis omnes leges civiles jubet observari. Nam ubi obligamur ad obedientiam antequam sciamus quid imperabitur, ibi universaliter & in omnibus obedire obligamur. Ex quo sequitur, legem civilem nullam, quæ non sit lata in contumeliam Dei (cujus respectu ipsæ civitates non sunt sui juris, nec dicuntur leges ferre) contra legem naturalem esse posse. Nam etsi naturæ lex prohibet furtum, adulterium, &c. si tamen lex civilis jubeat invadere aliquid, non est illud furtum, adulterium; &c. Nam Lacædemonii olim cum permitterent pueris certa lege surripere bona aliena, ea bona non aliena, sed propria surripientis esse jusserunt; ideoque tales surreptiones non erant furti, similiter ethnicorum copulationes sexuum, secundum leges suas, conjugia erant legitima.

Legi essentia esse, ut cognoscatur & ipsa & legislator.

XI. Ad essentiam legis necessarium est, ut civibus duo innotuerint, primum quis homo, vel quæ curia summam potestatem, hoc est, legum ferendarum jus habet. Secundum, quid ipsa lex dicat. Is enim qui nunquam cognovit, aut cui, aut ad quid tenetur; obedire non potest, & perinde est, ac si non teneretur. Non dico necessarium esse ad essentiam legis, ut vel hoc vel illud perpetuò cognitum sit, sed tantum ut cognitum semel fuerit: quod si postea civis obliviscatur, vel juris quod is habet qui legem fert, vel ipsius legis, id non impedit quo minus teneatur obedire, cum potuerit meminisse, si voluntatem obediendi, prout naturalis lex jubet, habuisset.

Vnde cognoscatur legislator.

XII. *Cognitio legislatoris* dependet ab ipso cive; nam sine consensu & pacto suo proprio, vel expresso, vel subaudito jus legislationis conferri in neminem potuit. Expresso, quando cives ab initio formam regendæ civitatis inter se constituunt, vel quando promisso suo submittunt se alicujus imperio; vel saltem subaudito, ut quando utuntur beneficio imperii, & legum alicujus, ad protectionem & conservationem sui adversus alios. Cujus enim imperio concives nostros obedire postulamus bono nostro, illius imperium legitimum esse, eà ipsâ postulatione confitemur. Ideoque ignorantia potestatis legum ferendarum obtendi nunquam potest. unusquisque enim quod ipse fecit, fecisse se cognovit.

Ad cognoscendam legem necessariam sunt promulgatio & interpretatio.

XIII. *Cognitio legum* dependet à legislatore, qui eas promulgare debet; aliter enim non sunt leges. Est enim lex legislatoris mandatum; mandatum autem est declaratio voluntatis. non ergo lex est, nisi voluntas legislatoris declaratur; id quod fit *promulgatione*. In *promulgatione* autem duo constare debent, quorum alterum est, ut is vel ii qui

qui legem promulgant; vel habeant ipsius legislationis, vel id faciant autoritate ejus vel eorum qui habent. Alterum est ipsa legis sententia. Primum autem quod leges promulgatæ procedant ab eo qui summum habet imperium, constare, hoc est sciri accuratè & philosophicè loquendo non potest, nisi ab iis qui ab ore ipsius imperantis eas accipiunt; cæteri credunt; sed credendi rationes tantæ sunt, ut non credere vix sit possibile. Et in civitate quidem *Democratice*, ubi legibus ferendis unusquisque interesse, si velit, potest, qui absens fuerit, præsentibus credere debet. Sed in *Monarchiis* & *Aristocraticis*, quia paucis mandata *Monarchæ* & *Optimatum* præsentibus & coram audire conceditur, illis paucis necesse erat potestatem facere, ea cæteris promulgandi. Et sic *Edicta* & *Decreta* Principum esse credimus, quæ pro talibus vel scripto, vel voce eorum quorum id munus est, nobis proponuntur. Sed tamen cum credendi causas habeamus has, vidisse quod princeps, vel curia summa talibus *consiliariis*, *scribis*, *præconibus*, *sigillis*, & similibus argumentis ad voluntatem suam declarandam constanter usus sit; quod nunquam auctoritatem illis detraxerit; quod de iis qui hujusmodi promulgationi non credentes legem transgressi sunt, poenæ sumtæ fuerint; non modo qui sic credens obediverit *edictis* & *decretis* per illos editis, ubique terrarum exculatur, sed etiam qui non credens non obediverit, punitur. Nam permittere ut hæc constanter fiant, satis manifestum signum, & declaratio voluntatis ejus qui imperat, satis perspicua est; modo nihil in *lege*, edicto seu *decreto* contineatur, quod summæ potestati ipsius imperantis derogat. Non est enim putandum, eum velle potestati suæ à quibuscunque ministris suis quicquam detrahi, dum voluntatem retinet imperandi. *Sententia vero legum*, ubi de ea dubitatur, petenda est ab iis quibus à summa potestate commissæ sunt *Causarum cognitio*, sive *judicia*. *Indicare* enim nihil aliud est quam *leges* singulis casibus *interpretando* applicare. Quibus autem id munus commissum est, eodem modo cognoscitur, quo cognoscimus qui sint ii, quibus commissæ sunt auctoritas leges promulgandi.

XIV. Rursus *lex civilis*, pro duplici modo promulgandi, duorum generum est: *Scripta* & *non scripta*. Per *scriptam* intelligo eam quæ voce sive signo aliquo alio voluntatis legislatoris indiget ut fiat *lex*. Legum enim genus omne & naturæ & tempore coævum est generi humano, & propterea inventione literarum & scribendi arte antiquius. Non ergo *legis scriptæ* necessaria est *scriptura*, sed *vox*; hæc sola ad *essentiam*, illa ad *recognitionem legis* adhibita est. Nam ante

El. Phil. sect. 3.

QQQ.

inven-

*Legis civilis
divisa in
Scriptam &
Non scriptam.*

inventas literas ad memoriâ adjuyandam, *leges* in metra redactas cantitari solitas esse legimus. *Non scripta* est ea, quæ non alia indiget promulgatione præter vocem naturæ, sive rationem naturalem, quales sunt *leges naturales*. Lex enim naturalis, quamquam à civili distinguatur, quatenus voluntati præcipit, tamen quod ad actiones attinet, civilis est; exempli gratia, hæc, *Non concupisces*, quæ pertinet tantum ad animum, lex naturalis tantum est; hæc verò, *Non invades*, & naturalis, & civilis est. Cum enim regulas præscribere universales; quibus omnes futuræ lites quæ fortè infinitæ sunt, dijudicari possint, impossibile sit, intelligitur, in omni casu *legibus scriptis* prætermisso sequendam esse *legem æquitatis naturalis*, quæ jubet æqualia æqualibus distribuere: atque hoc, vi *legis civilis*, quæ pœnas etiam de iis exigit qui scientes & volentes *leges naturales* factò transgrediuntur.

Leges naturales non esse leges scriptas: neque responsa jurisprudentum, neque consuetudinem esse leges per se, sed per consensum summæ potestatis.

Peccati nomen latissimè acceptum, quid significet.

¶ XV. His intellectis, apparet primum, *leges naturales*, quamquam in libris Philosophorum descriptæ fuerint, non esse ob eam rem vocandas leges scriptas; neque scripta jurisprudentum, esse leges, ob defectum autoritatis summæ; neque etiam *Responsa prudentium*, id est, *iudicium*, nisi quatenus consensu summæ potestatis in consuetudinem abiierint. tunc autem inter *leges scriptas* habenda esse; non propter consuetudinem ipsam, (quæ vi sua legem non constituit) sed propter voluntatem summi imperantis; quæ ex eo arguitur, quod *sententiam*, sive æquam sive iniquam, in consuetudinem ire perpessus est.

¶ XVI. *Peccatum* significatione latissimâ comprehendit omne *factum, dictum, & volutum* contra rectam rationem. Unusquisque enim media ad finem quam sibi ipse proponit, ratiocinando quærit. si ergo rectè ratiocinetur, (hoc est, incipiens à principiis evidentissimis texat discursum ex consequentibus continuò necessariis) progredietur itinere directissimo, aliter deviabitis; id est; *faciet, dicet, vel commisit* aliquid contra finem proprium: quod cum fecerit, dicitur ratiocinando quidem *errasse*, actione verò & voluntate *peccasse*; nam *peccatum* ita sequitur *errationem*, sicut *voluntas intellectionem*. Atque hæc est vocis acceptio generalissima, qua continetur omne *factum imprudens*, sive contra legem, ut, alienam domum evertere; sive non contra legem, ut propriam, super arenam ædificare.

Peccati de finis.

¶ XVII. Ubi vero de *legibus* sermo est, ibi *peccati* nomen arctius est, significatque non omne factum contra rectam rationem, sed illud tantum quod *culpatur*, atque ob eam causam *malum culpæ* appellatur. Nec tamen si quid culpetur, *peccatum* statim, aut *culpa* dicenda est, sed si cum ratione culpetur. Quærendum igitur est, quid sit cum *ratione culpæ*, & quid contra rationem. Ea est natura hominis,

ut

ut unusquisque id quod ipse sibi cupit fieri, *bonum*, quod fugit *malum* vocet. itaque diversitate affectuum contingit, ut quod alter *bonum*, alter *malum*; & idem homo quod nunc *bonum*, mox *malum*; & eandem rem, in se ipso *bonam*, in alio *malam* esse dicat. *Bonum* enim & *malum* delectatione & molestia nostra, (vel eâ quæ nunc est, vel quæ expectatur) omnes æstimamus. Quoniam jam propriè facta inimicorum (quia honorem, rem, & potentiam eorum augeat) & æqualium (propter certamen honorum) *molesta* omnibus, adeoque *mala* & videntur, & sunt; soleantque homines, *malos* putare, hoc est, *culpam* attribuerè iis, unde sibi *malum* advenit, fieri non potest, ut quæ facta culpanda, quæ non culpanda sint, consensu singulorum quibus non eadem placent & displicent, definiatur. Possunt quidem convenire in generalia quædam, veluti *furtum*, *adulterium*, & similia, esse *peccata*; tanquam dicerent *mala* omnes vocare ea quibus nomina imponunt, quæ in malam partem accipi solent. Sed non quærimus an furtum sit peccatum; quærimus quid furtum dicendum sit, & sic de cæteris similibus. Siquidem igitur quid ratione culpandum sit, in tanta diversitate sententiarum, non sit mensurandum per rationem unius, magis quam alterius, propter æqualitatem naturæ humanæ; neque ratio ulla existat præter rationes *singulorum*, & rationem *civitatis*; sequitur quid sit *ratione culpandum*, definiendum esse à civitate; ut *culpa*, hoc est, **P E C C A T U M**, quod quis fecerit, omiserit, dixerit, vel voluerit contra *rationem civitatis*, id est contra leges.

XVIII. Facere autem aliquis potest contra leges per infirmitatem humanam, etiamsi eas implere cupiat, tamen ejus factum, ut contra leges rectè culpatur & *peccatum* dicitur. Sunt autem qui leges negligunt, quotiesque lucri impunitatisque spes apparet, nulla pactorum & datæ fidei conscientia retinentur; quin eas violent. Horum non modò facta, sed etiam ingenia adversa legibus sunt. Qui per infirmitatem tantum peccant, etiam quando peccant, *virii boni* sunt; hi vero etiam quando non peccant, *malii* sunt. Quamquam autem utrumque, & actio & animus, legibus repugnet, differentiis tamen appellationibus, repugnantia illæ distinguuntur. Nam actionis irregularitas *adixia*, *injuste factum*; animi *adixia* & *noxia*, *injustitia* & *malitia*: Illa perturbatæ mentis *infirmitas*; hæc animi sedati *pravitas*.

XIX. Si quidem autem peccatum non sit, quod non sit contra aliquam legem, neque lex ulla sit, quæ non sit mandatum ejus qui summum habet imperium; neque quisquam summum imperium habeat, quod non sit ei nostro consensu delatum: quo modo peccare

*Differentia
inter peccatum
infirmitatis
& malitiam.*

*In quo genere
peccati
continentur
Atheismi
mores.*

dicetur is qui vel non existere Deum vel non gubernare mundum affirmaverit, vel aliam contumeliam in ipsum evomuerit? Dicer enim, *se voluntatem suam Dei voluntati nunquam subiecisse, ut quem ne esse quidem opinatus fuerit. Et quamquam opinio sua erronea esset, idcirco etiam peccatum; numerandum tamen esse inter peccata imprudentiæ, sive ignorantie, quæ puniti jure non possunt.* Oratio hæc eo usque admittenda esse videtur, ut hujusmodi peccatum, quamquam sit maximum damnosissimumque, referri tamen debeat * ad peccata imprudentiæ; sed ut per imprudentiam aut ignorantiam excusandum sit, absurdum est. Punitur enim Atheus sive à Deo immediatè, sive à Regibus sub Deo constitutis, non ut subditus punitur à Rege, propterea quod leges non observaverit; sed ut hostis ab hoste, quod leges noluerit accipere; hoc est, jure belli, ut Gigantes Γεομάρχοι. Hostes enim inter se sunt, quicumque neque communi imperanti, neque alter alteri subficiuntur.

*Quid sit
crimen laesæ
Majestatis.*

XX. Quoniam à vi pacti quo cives singuli singulis ad obedientiam civitati, hoc est, summo imperanti sive is unus homo sive una curia sit, absolutam & universalem (qualem sup. capite & articulo definivimus) præstandam obligantur, derivatur obligatio ad singulas leges civiles observandas; ita ut illud pactum contineat in se leges omnes simul; manifestum est civem qui pacto generali obedientiæ renunciaverit, omnibus simul legibus renunciare. Quod malum tanto gravius

Annotatio.

* Referri tamen debeat ad peccata imprudentiæ.] Quod Atheismus non ad injustitiam, sed ad imprudentiam retulerim, à pluribus reprehensum est: imò à nonnullis in eam partem acceptum, tanquam Atheus non satis acrem adversarium me ostenderit. Objectiones præterea, quod Deum esse ratione naturali sciri possedixerim alicubi, confiteri deberem, peccare eos, saltem contra legem naturæ, itaque non imprudentia tantum, sed etiam injustitia reos esse. Ego vero ita Atheis inimicus sum, ut legem aliquam juxta quam condemnare eos injustitia possem, & diligentissime quaesiverim & vehementer cupiverim; sed cum nullam invenerim, quasvis proximè, quo nomine, tantopere Deo exosi: homines ab ipso appellarentur. Deus autem de Atheo sic loquitur. Dixit insipiens in corde suo: non est Deus. Itaque peccatum eorum in eo genere collocavi, in quod genus ab ipso Deo relatum fuerat. Deinde Atheos hostes Dei esse ostendo; Nomen autem hostis, quam injusti, aliquando atrocius esse puto. Postremo justè & à Deo, & à summis imperantibus eo nomine puniri posse convinco, itaque peccatum hoc nullo modo excuso neque extenuo. Quod autem Deum esse ratione naturali sciri possedixerim, ita accipiendum est, non tanquam omnes id sciri posse putaverim; nisi quoniam ratione naturali quam proportionem habent Sphæra ad Cylindrum, invenit Archimedes, ex eo sequi putant, quemlibet ex vulgo idem invenire potuisse. Dico igitur etsi ab aliquibus Deum esse, lumine rationis sciri possit; tamen homines in voluptatibus, vel divitiis, vel honoribus, perquirendis continuo occupatos, item homines qui rectè ratiocinari non solent, vel non valent, vel non curant, denique insipientes, in quo numero Athei sunt, scire id non posse.

gravius est quolibet peccato uno, quanto peccare *semper*, gravius est quam *semel*. Atque hoc est peccatum illud quod vocatur CRIMEN LÆSÆ MAJESTATIS, & est factum vel dictum quo civis, seu subditus, declarat non esse sibi amplius voluntatem, ei homini vel curiæ cui commissum est summum civitatis imperium, obediendi. Et factum quidem, hujusmodi voluntatem declarat civis, quando vim infert vel inferre conatur personis eorum qui vel summum imperium habent, vel habentium mandata exsequuntur, quales sunt proditores, Regicidæ, & qui arma contra civitatem gerunt, vel ad hostes durante bello transfugiunt. Dicto autem voluntatem eandem ostendunt qui directè negant, se, aut cives cæteros, ad talem obedientiam obligari, vel in toto, ut qui diceret, non esse iis obediendum (salvâ obedientiâ, quam debemus Deo) simpliciter, absolute & universaliter, vel in parte, ut si quis diceret, non esse iis jus suo arbitrio bellum gerendi, pacem faciendi, milites conscribendi, pecunias exigendi, magistratus & ministros publicos eligendi, leges ferendi, controversias determinandi, pœnas statuendi, vel aliud aliquod sine quo consistere civitas non potest. Atque hæc & similia dicta & facta, crimina læsæ majestatis, ex vi legis (non civilis, sed) naturalis sunt. Potest autem esse ut aliquid, quod factum ante legem civilem latam non erat crimen læsæ majestatis, sit tamen, si fiat pōst. Ut si lege declaretur, pro signo obedientiæ civilis renunciatæ habendum esse (hoc est pro crimine læsæ Majestatis) si quis vel monetam cuderit, vel sigilla civitatis adulteraverit; is qui postea id fecerit, reus majestatis non minus est quam ille alter, minus tamen peccat, quia non omnes leges simul, sed unam tantum legem violat. nam lex vocando crimen majestatis, id quod naturâ non ita est, nomen quidem invidiosum, & fortè pœnam majorem in reum jure statuit, sed ut peccatum ipsum gravius sit, non efficit.

XXI. Peccatum autem id, quod per legem naturalem crimen læsæ majestatis est, legis naturalis transgressio est; non civilis. Cum enim obligatio ad obedientiam civilem, cujus vi leges civiles validæ sunt, omni lege civili prior sit, sitque crimen læsæ majestatis naturaliter nihil aliud, quam obligationis illius violatio; sequitur, crimine læsæ majestatis violari legem quæ præcessit legem civilem: nempe naturalem, qua prohibemur violare pacta & fidem datam. Quod si quis Princeps summus legem civilem in hanc formulam conciperet, *non rebellabis*; nihil efficeret. Nam nisi prius obligentur cives ad obedientiam, hoc est, ad non rebellandum, omnis lex invalida est. obligatio autem, quæ obligat ad id, ad quod antè obligati erant, superflua est.

Crimina læsæ Majestatis non leges civiles sed naturales violant.

*Id æque non
jure imperii
sed jure belli pu-
nitur.*

XXII. Sequitur ex hoc, puniri *rebelles*, & cæteros *læsæ majestatis* convictos, non *jure civili*, sed *naturali*, hoc est, non ut *civis malos*, sed ut *civitatis hostes*, nec *jure imperii* sive *dominii*, sed *jure belli*.

*Obedien-
tiam non re-
lle distin-
guam in Acti-
vum &
Passivum.*


XXIII. Sunt qui facta contra legem civilem, quando poena ipsa lege definitur, expiari putant, si poenam volentes subeant, neque reos esse coram Deo violatæ legis naturalis (quamquam violando civiles leges, violamus quoque naturales, quæ jubent civiles observari) eos qui poenam solverunt, quam lex exigebat. Tanquam lege non vetaretur factum, sed poena pretii loco proponeretur, quo licentia faciendi ea quæ lege prohibentur, venundaretur. Per eandem rationem possent inferre etiam, nullam omnino legis transgressionem peccatum esse, sed quam suo periculo libertatem quisque emerit, eam jure habere. Sciendum autem est, verba legis duplici sensu intelligi posse. Altero, ut duas partes (prout dictum est supra articulo 7.) contineat, nempe prohibentem absolute, ut *Non facies*; & vindicantem, ut, *Qui facit, poenas dabit*. Altero, ut unum contineat conditionale ut, *Non facies; nisi poenas velisolvere*. Et sic lex non simpliciter, sed conditionaliter prohibet. Si primo modo intelligitur, qui facit, peccat, quia quod lege vetitum est, facit. Si secundo, non peccat, quia facere, vetitum non est implenti conditionem. Nam in primo sensu omnes facere prohibentur; in secundo ii soli, qui se poenæ subtrahunt. In primo sensu, legis pars vindicativa non Reum obligat, sed magistratum poenas exigere; in secundo obligatur ad poenas exigendas ipse qui poenas debet; ad quas solvendas si capitales, aut alioqui graves sint, obligari non potest. Vtro verò sensu lex accipienda sit, ab arbitrio dependet ejus, qui summum habet imperium. Vbi ergo de sententia legis dubitatur, quia certi sumus non peccasse qui non faciunt, peccatum erit, si facimus, utcunque lex postea explicari possit. Nam quod dubitas an sit peccatum necne, id facere, cum abstinere liberum sit, contemptio legum est; ideoque per cap. 3, art. 28, peccatum contra legem naturalem. Inanis igitur est distinctio illa *obedientiæ* in *Activam* & *Passivam*, quasi poenis humano arbitrio positæ expiari possit, quod peccatum est contra legem naturalem, quæ est lex Dei; aut quasi non peccent, qui peccant suo damno.

C A P U T X V.

De Regno Dei per naturam.

- I. *Propositio sequentium.* II. *In quos dicatur Deus regnare.* III. *Verbum*

hum. Dei triplex: Ratio, Revelatio, Prophetia. iv. Regnum Dei duplex, naturale & Propheticum. v. In quo regnat Deus, situm est in Omnipotentia ejus. vi. Idem ex Scriptura sacra. vii. Obligationem obedientie Deo præstandæ procedere ab imbecillitate humana. viii. Leges Dei in Regno naturali esse eas, quæ 2. & 3. Cap. supra recitatae sunt. ix. Honor & cultus quid sunt. x. Cultum consistere vel in Attributis, vel in Actionibus. xi. Et esse alium naturalem, alium Arbitrarium. xii. Alium iustum, alium spontaneum. xiii. Quis sit cultus finis seu scopus. xiv. Quænam sint leges naturales circa Dei Attributa. xv. Quænam sint actiones quibus exhibetur cultus naturaliter. xvi. In regno Dei naturali, civitatem posse cultum Dei institueræ arbitrio suo. xvii. Regnante Deo per naturam solum, legum omnium interpretem esse civitatem, id est, eum hominem vel curiam, quæ habet sub Deo civitatis imperium summum. xviii. Dubitationes quædam sublatae. xix. In Regno Dei naturali, quid sit peccatum, & quid crimen læsæ Majestatis Divinæ.

I.  Vod status naturæ, hoc est libertatis absolutæ, qualis est eorum, qui neque Regnant neque Regnantur, Anarchia sit & status hostilis; Quod præcepta quibus talis status evitatur, sint *leges naturæ*; Quod civitas existere sine summo imperio non possit; Quod iis qui summum imperium obtinent, obediendum sit simpliciter, id est, in omnibus quæ mandatis Dei non repugnant: in antecedentibus, & ratione, & sacre Scripturæ testimoniis comprobatum est. Deest ad integram civilis officii cognitionem hoc unicum, ut sciamus quæ sint leges sive mandata Dei. Aliter enim sciri non potest, utrum ea quæ jubemur facere autoritate imperii civilis, sint contra leges Dei, necne. Ex quo contingere necesse est, ut vel nimia obedientiâ erga civitatem contumaces simus erga majestatem divinam; vel metu peccandi in Deum incurramus in contumaciam erga civitatem. Ut utrumque hunc scopulum effugiamus, necessaria est cognitio legum Divinarum. Quoniam verò legum cognitio dependet à cognitione regni, dicendum est in sequentibus *de Regno Dei.*

*Propositio
sequens.*

II. Psal. 96, v. 1, *Dominus regnavit, exultet terra, dicit Psalmista.* Et rursus idem Psalmista, Psal. 98, v. 1, *Dominus regnavit, irascantur populi; qui sedet super Cherubin, moveatur terra.* Scilicet velint nolint homines, Deus est Rex universæ terræ; neque si sint qui *Existentiam* ejus, vel *Providentiam* negaverint, ideo solio suo excutitur. Quamquam autem Deus homines universos ita per potentiam regat, ut nemo possit

*In quo
Deus dicatur
regnare.*

possit quidquam facere quod ille factum nolit, non est tamen hoc, proprie & accuratè loquendo, Regnare. Regnare enim dicitur non qui *agendo*, sed qui *loquendo*, id est, *præceptis*, & *minis* regit. In regno igitur Dei pro subditis habemus, non corpora inanimata, neque irrationalia, licet potentiæ divinæ subjiciantur; quia *præcepta & minis* Dei non intelligunt; neque etiam *Atheos*, quia Deum esse non credunt; neque eos qui Deum esse credentes eum tamen inferiora hæc regere non credunt. Nam & hi quamquam regantur à potentiâ Dei; *præceptis* ejus nulla agnoscunt, neque minas metuunt. Soli igitur in Regno Dei censendi sunt, qui ipsum & rectorem omnium rerum esse, & *præcepta* hominibus dedisse, & *pœnas* in transgressores *statuisse* agnoscunt. Cæteros non subditos, sed hostes Dei appellare debemus.

Verbum Dei
triplex: Ra-
tio, Revela-
tio & Pro-
phetia.

III. Regere autem *præceptis* non dicitur, nisi qui regendis *præcepta* sua aperitè declarat. Nam *præcepta* regentium leges sunt iis qui reguntur. Leges autem non, nisi quæ perspicuè promulgantur, ita ut omnis tollatur ignorantia exculatio. Leges suas homines quidem verbo sive voce promulgant, nec alio modo voluntatem suam universali-ter significare possunt. Dei autem leges triplici modo declarantur. Primò, per tacita rectæ rationis dictamina. Secundò, per revelationem immediatam, quæ intelligitur fieri per vocem supernaturalem, vel per visionem, vel somnium, vel inspirationem seu afflatum divinum. Tertiò, per vocem alicujus hominis, quem Deus per vera miracula edita, ut fide dignum, cæteris commendavit. Is autem cujus voce sic utitur Deus ad voluntatem suam aliis significandam, vocatur PROPHETA. Tres hi modi dici possunt triplex Verbum Dei, nimirum, Verbum rationale, Verbum sensibile, & Verbum Propheticum. Quibus respondent tres modi quibus audire Deum dicimur, Ratiocinatio recta, Sensus, & Fides. Verbum Dei sensibile ad paucos factum est, neque Deus per Revelationem hominibus loquutus est, nisi viritum, & diversis diversa; neque ullæ leges Regni hoc modo populo ulli promulgatæ fuerunt.

Regnum Dei
duplex, na-
turale &
Propheti-
cum.

IV. Pro differentiâ autem quæ est inter Verbum Dei Rationale & Propheticum, Deo Regnum duplex attributum est: Naturale, in quo regit per dictamina rectæ Rationis; quodque universale est, in omnes qui divinam agnoscunt potentiam, propter naturam rationalem omnibus communem; & Propheticum, in quo regit etiam per Verbum Propheticum; quod peculiare est, propterea quod non omnibus dedit leges positivas, sed populo peculiari, & certis quibusdam hominibus à se electis.

Ius quo re-
gnat Deus
situm est in
omnipotentia
ejus.

V. In Regno naturali regnandi & puniendi eos qui leges suas violant, jus Deo est à sola potentia irresistibili. Ius enim omne in alios vel

vel à *Natura* est, vel à *Pato*. Quomodo jus regnandi ex *Pato* oritur, ostensum est capite 6. A *Natura* autem idem jus derivatur, eo ipso quod à natura non sit sublatum. Cum enim per naturam jus esset omnibus in omnia, unicuique erat jus in omnes regnandi ipsi naturæ cœvum. causa autem quare inter homines id abolitum fuerit, alia non erat præter mutuum metum, ut supra capite secundo, articulo 3 ostensum est; dictante scilicet ratione decedendum esse à jure illo propter conservationem humani generis; quia æqualitatem hominum inter se quoad vires & potentias naturales necessariò consequeretur bellum; cum bello autem generis humani pernicies conjuncta est. Quodsi quis cæteros potentiâ in tantum anteisset, ut resistere ei ne omnes quidem conjunctis viribus potuissent, ratio quare de jure sibi à natura concessio decederet, nulla omnino fuisset. Mansisset igitur ipsi jus domini in cæteros omnes propter potentiæ excessum, quæ se & illos conservare potuisset. Iis igitur quorum potentiæ resisti non potest, & per consequens Deo *omnipotenti*, jus dominandi ab ipsa *potentia* derivatur. Et quotiescunque Deus peccatorem punit, vel etiam interficit, etsi ideo puniat quia peccaverat, non tamen dicendum est, non potuisse eum eundem juste affligere, vel etiam occidere, etsi non peccasset. Neque si voluntas Dei in puniendo, peccatum antecedens respicere possit, ided sequitur quod affligendi vel occidendi jus non à *potentia divina* dependeat, sed à *peccato hominis*.

V I. Quæstio ista disputationibus antiquorum nobilitata, *quare* Idem ex Scriptura facta. *bonis mala & malis bona contingunt*, eadem est cum hac nostra, *quo jure Deus bona & mala hominibus dispenset*. Et difficultate suâ non solum vulgi, sed etiam Philosophorum, & quod majus est, sanctorum hominum, de divina providentia fidem vacillare fecit. Psal. 72, vers. 1, 2, *Quam bonus* (inquit David) *Israëlis Deus his qui recto sunt corde; mei autem pene moti sunt pedes, pene effusi sunt gressus mei, quia zelatus super iniquos, pacem peccatorum videns*. Et Iob, quam acriter cum Deo expostulabat, quod *justus* cum esset, tantis tamen calamitatibus affligeretur? Solvit difficultatem hanc, in casu Iob, ipse Deus vivâ voce, & jus suum argumentis non à peccato ejus, sed à potentia propria desumptis confirmavit. Ita enim disputarunt inter se Iob, & amici ejus, ut hi illum reum facerent, propterea quod puniretur; ille horum accusationem argumentis ab innocentia sua redargueret. Atqui Deus cum & illum & hos audivisset, expostulationem illius refutat, non injustitiæ aut peccati alicujus ipsum damnando, sed propriam potentiam explicando. Iob 38, vers. 3, & sequentibus. *Ubi* (inquit) *eris tu, quando ponebam fundamenta terræ?* &c. De amicis autem Iob 42, 7, *El. Phil. sect. 3.*

iratus se ait contra eos quod non locuti fuerim, restum coram eo, sicut servus ejus Job. Sententiæ huic consentanea est ea quam dixit Servator noster in casu ejus qui cæcus natus erat, cum interrogantibus discipulis an ipse peccasset, quod nasceretur cæcus, an parentes, respondit, Ioh. 9, vers. 3, *Neque hic peccavit, neque parentes ejus; sed ut manifesta- rentur opera Dei in illo.* Quamquam autem dictum sit, Rom. 5, 12, *Mortem intrasse in hunc mundum per peccatum,* non sequitur quin Deus jure suo potuerit homines & morbis & morti obnoxios fecisse, etiam si nunquam peccassent, quemadmodum cætera animalia mortalia fecit & morbosa, etiam si peccare non possunt.

*Obligatio-
nem obe-
dientiæ Dei
præstanda
procedere ab
imbecillitate
humana.*

VII. Quod si jus Regnandi habeat Deus ab omnipotentia sua, manifestum est, obligationem ad præstandam ipsi obedientiam, incumbere hominibus propter * imbecillitatem. *Obligatio* enim quæ ex pacto oritur, de qua dictum est capite secundo, hic ubi jus imperandi, nullo intercedente pacto, à natura oritur, locum habere non potest. Sunt autem obligationis naturalis duæ species; Vna ubi libertas impedimenti corporeis tollitur; juxta quam cælum & terram & creaturas omnes communibus suæ creationis legibus obedire dicimus. Altera ubi tollitur spe & metu; juxta quam, infirmior potentiori cui resistere se posse desperat, non potest non obedire. A secundo hoc obligationis genere nascitur, hoc est, à metu, sive imbecillitatis propriæ (respectu divinæ potentiae) conscientia, quod in Regno Dei naturali, ad obediendum Deo obligemur; dictante scilicet ratione, omnibus Dei potentiam & providentiam agnoscantibus non esse calcitrandum contra stimulum.

*Leges Dei
in regno na-
turali esse
væ, quæ 2.
& 3. cap.
supra recita-
ta sunt.*

VIII. Quoniam Verbum Dei per naturam solam regnantis aliud non supponitur præter rectam rationem; leges autem Regum ab eorum Verbo solo cognosci possunt, manifestum est, leges Dei per solam naturam regnantis, solas esse leges naturales; nempe illas quas cap. 2. & 3. enumeravimus, & à rationis dictatis deduximus, *Humilitatem, Æquitatem, Iustitiam, Misericordiam,* cæterasque viuentes morales pacis conciliatrices, quæ pertinent ad officia hominum erga se invicem; & illas quas ratio recta dictaverit præterea, circa honorem & cultum divinæ majestatis. Quæ sint illæ leges naturales, sive virtutes morales, non

annotatio.

* Propter imbecillitatem] Si cui durum hoc videbitur, illum rogo ut iacta cogitatione considerare velit, si essent duo omnipotentes, uter utri obedire obligaretur. Considerabitur, credo, neutrum neutri obligari. Hoc si verum est, verum quoque est quod posui, homines ideo Deo subiectos esse, quia omnipotentes non sunt. Etenim Servator noster Paulum admonens (qui eo tempore Ecclesiæ hostis erat) ne contra stimulum calcitraret, obedientiam ab illo, eo nomine videtur exegisse, quod ad resistendum satis virium non haberet.

non est opus repetere. Quos honores autem, & quem cultum divinum, id est, quas *leges sacras* eadem dicet *ratio naturalis*, videndum est.

IX. HONOR, proprie loquendo, nihil aliud est quam opinio alienæ *potentiæ* conjunctæ cum *bonitatæ*. Et honorare aliquem, idem est quod magni æstimare. Et sic Honor non in *Honorato*, sed in *Honorante* est. *Honorem* autem in opinione situm consequuntur necessarîo tres affectus: *Amor*, qui ad *Bonitatem*, *Spes* & *Timor*, qui ad *Potentiam* referuntur. Ex his autem oriuntur actiones externæ, quibus potentes placari, & propitii fieri solent, & quæ sunt ipsius honoris effectus, ideoque & signa naturalia. Sed nomen *Honor* translatum est etiam ad effectus illos honoris externos; quo sensu, *Honorare* eum, dicimur, de cujus potentia testamur, verbis vel factis, nos egregiè sentire; ut *Honor* idem sit quod *Cultus*. CUL-TUS autem est actus externus Honoris interni signum. Et quos officiis placare si irati sint, vel utcumque propitios nobis reddere studemus, eos *colere* dicimur.

Honor & cultus quid sint.

X. Signa animi omnia, vel *verbis* sunt vel *factis*; ideoque *Cultus* omnis, vel *verbis* vel *factis* constat. Utraque autem ad tria genera referuntur; quorum primum, *Laus* est sive *predicatio bonitatis*; secundum *predicatio potentiæ præsentis*, quod est *Magnificare*, *μεγαλυνσις*; tertium *predicatio felicitatis* sive *potentiæ in futurum* etiam securæ; quæ *μακαρισμός* dicitur. Honorum, inquam, unumquodque genus, non in *Verbis* modo, sed etiam in *Factis* spectari potest. *Verbis* autem *laudamus* celebramusque tunc, quando fit per propositionem, sive *dogmaticè*, hoc est, per *attributa*, sive *nomina*, quod *enunciativè* & *categoricè* laudare vel celebrare dici potest; ut cum dicimus illum quem honoramus esse *liberalem*, *fortem*, *sapientem*. *Factis* vero, quando fit per consequens, sive per *hypothefin*, ut *gratiarum actione*, quæ *bonitatem*; *obedientiâ*, quæ *potentiam*; *congratulatione*, quæ *felicitatem* supponit.

Cultum consistere vel in attributis, vel in actionibus.

XI. Sive autem *verbis*, sive *factis* aliquem celebrare velimus, inveniemus alia quæ honorem apud omnes significant; qualia sunt inter *attributa*, nomina *virtutum* & *potentiarum* generalia, quæ in malam partem accipi non possunt. Ut *Bonus*, *Pulcher*, *Fortis*, *Iustus*, & similia. Inter *actiones* autem *Obedientiâ*, *Gratiarum actio*, *Preces*, aliaque ejus generis, quibus agnitio potentiæ & virtutis semper subintelligitur. Alia quæ honorem apud quosdam significant, apud alios vero contumeliam, vel neutrum; qualia sunt in *Attributis* nomina quæ ad virtutes vel vitia, honesta vel inhonesta, pro diversitate opinionum diversè referuntur; ut quod occiderit inimicum; quod fugerit; quod sit *Philosophus*; quod *Orator*, & similia, quæ apud alios

Et esse alium naturalem, alium Arbitrarium.

in honore, aliis contemptui habentur: in *factis*, ea quæ dependent à consuetudine loci, vel præscriptis legum civilium; ut inter salutando caput nudare, calceos deponere, corpus inclinare, stantem, prostratum; vel genibus innixum aliquid petere, ceremoniarum formulæ, & similia. *Cultus* autem ille qui apud omnes & semper honorificus est, *naturalis*; alter vero qui loca & mores sequitur, *arbitrarius* dici potest.

Alium iustum, alium spontaneum.

XII. Porro *Cultus* esse potest *imperatus*; scilicet iussu ejus qui colitur; & potest esse *spontaneus*, nimirum talis qualis videbitur colenti. Si *imperatus*, actiones quæ adhibentur, non significant honorem ut *cales*, sed ut *imperatæ*, significant enim *obedientiam* immediatè, *obedientia potentiam*; ita ut *cultus imperatus* consistat *obedientiâ*; *spontaneus* solâ naturâ actionum fit honorificus; quæ si honoris significativæ sint apud spectantes, *cultus*, aliter *contumelia* est. Rursus *cultus* vel *publicus*; vel *privatus* esse potest. *Publicus* autem *spontaneus* esse respectu colentium singulorum non potest; respectu civitatis potest. Cum enim quod spontaneè fit, arbitrio fiat facientis, non esset *cultus* unus qui exhiberetur, sed tot *cultus* quot colentes, nisi unius imperio arbitria omnium unirentur. *Privatus* autem *spontaneus* esse potest, si exhibeatur secretò. quod enim palam fit, vel legibus, vel verecundiâ coercitum est, quod naturæ *spontanei* adversatur.

Quis sit cultus finis seu scopus.

XIII. Ut autem qui sit *colendi* alios *scopus* & *finis* cognoscatur, consideranda causâ est, quare homines cultu gaudeant. Sumendum autem est, quod alias ostendimus, *Gaudium* in eo situm esse quod quis virtutem, vim, scientiam, formam, amicos, divitias, aut quamcumque aliam *potentiam* suam, vel tanquam suam, contempletur, neque aliud esse præter *Gloriam*, seu triumphum animi putantis se honorari, hoc est, amari, & timeri, hoc est, servitia & auxilia hominum præstò habere. Quoniam vero homines, quem honorari, id est, pro ponente haberi, ab aliis vident, potentem esse credunt, contingit honorem cultu propagari; & potentia existimatione, potentiam acquiri veram. *Finis* ergo ejus qui se coli vel jubet, vel patitur, is est, ut quam-plurimos eo modo sibi vel amore vel metu obediens reddat.

Quoniam sunt leges naturales circa Dei attributa.

XIV. Ut sciamus autem, quem *cultum* Dei assignet *ratio naturalis*, incipiamus ab *attributis*. Ubi inprimis manifestum est, attribuendam ei esse *existentiam*. Voluntas enim honorandi eum, quem non putamus esse, nulla esse potest. Deinde Philosophos qui ipsum mundum, vel mundi animam (id est partem) dixerunt esse Deum, indignè de Deo loquutos esse. non enim quicquam ei attribuunt, sed

ominino

omnino esse negant : nam per nomen illud , *Deus* intelligitur *mundi causa* ; dicens autem *mundum esse Deum* , dicunt *nullum esse ejus causam* , hoc est , *Deum non esse* . Similiter eos qui mundum non creatum , sed æternum esse asserunt , quoniam æterni causa esse non potest , *causam mundi esse* , id est , *Deum esse* negare . Indigne item de Deo sentire , qui otium ipsi attribuentes , mundi generisque humani regimen eidem auferunt . Nam ut omnipotentem esse fateantur , si tamen inferiora hæc non curet , locum habet apud eos tritum illud : *quod supra nos , nihil ad nos* . cumque non sit , propter quod eum ament , aut timeant , illis certe est tanquam non existeret . Præterea in *attributis* quæ significant *magnitudinem & potentiam* ; ea quæ finitum , seu determinatum aliquod significant , minime signa esse animi honorantis ; non enim Deum dignè honoramus , si minus ei *potentiæ* aut *magnitudinis* attribuimus quàm possumus . Finitum autem omne minus est quàm possumus ; finito enim majus semper assignari & attribui facillimè potest . Non igitur Deo tribuetur *figura* , omnis enim *figura finita* ; neque dicetur concipi , sive comprehendi imaginatione , vel quacunque facultate animæ nostræ ; quicquid enim concipimus , *finitum* est . Et quamquam vox hæc *infinitum* significet conceptum animi , non tamen sequitur conceptum nobis aliquem esse *rei infinitæ* : quando enim dicimus aliquid esse *infinitum* , non aliquid in re significamus , sed impotentiam in animo nostro ; tanquam si diceremus nescire nos , an & ubi terminetur . Neque dici de Deo honorifice , quod *idea ejus* animo nostro insit , *idea* enim conceptus noster est , conceptus autem nisi *finitis* non est . Neque quod habeat *partes* , aut quod sit *totum* aliquid , quæ attributa quoque *finitorum* sunt . Neque quod in loco aliquo sit . in loco enim non est , nisi quod undiquaque *fines* & terminos habeat magnitudinis . neque quod *moveatur* aut *quiescat* ; utrumque enim supponit *esse in loco* . Neque plures esse Deos , quia nec plura infinita . Porro circa *attributa Felicitatis* , indigna Deo ea esse quæ significant *dolorem* (nisi intelligantur , non pro effectu , sed per metonymiam pro effectu) qualia sunt *pœnitentia* , *ira* , *misericordia* : vel *egestatem* , ut *appetitus* , *spes* , *concupiscentia* : & *amor* ille , qui & *cupido* dicitur ; signa enim *indigentiae* sunt , cum intelligi non possit , ut quis *appetatur* , *speret* , *cupiat* , nisi ea quibus *caret* , *indiget* . vel *suavitate passivam* ; pati enim *potentiæ* limitatæ est , & quæ dependet ab alio . Quando igitur attribuimus Deo *volumatem* , non est intelligenda similis nostræ ; qui *appetitus rationalis* dicitur . Deus enim si *appetatur* , *indiget* ; quod contumelia est dicere ; sed supponendum est aliquid analogum quod concipere non possumus . Similiter

quando attribuimus ei *visionem* & cæteros *sensuum actus*, vel *scientiam* & *intellectum*, quæ in nobis nihil aliud sunt, quàm suscitatus à rebus externis organa prementibus animi tumultus; non est putandum aliquid tale accidere Deo; signum enim est potentiae ab alio *dependentis*, id quod non est beatissimum. Illum igitur qui nolit attribuire Deo alia nomina, quam jubet ratio, oportet uti nominibus, quæ vel negativa sunt, ut *infinitus*, *aeternus*, *incomprehensibilis*, vel superlativa, ut *optimus*, *maximus*, *fortissimus*, &c. vel indefinita, ut *bonus*, *justus*, *fortis*, *creator*, *rex*, & similia; eo sensu, ut non velimus, quid sit, dicere, (quod esset cum limitibus nostræ phantasie circumscribere;) sed propriam admirationem, & obedientiam confiteri, quod humilitatis est, & proprium animi honorantis, quantum potest. Vnicum enim ratio dictat *naturæ* significativum Dei nomen, *existens*, sive simpliciter, quod est, unumque *relationis* ad nos, nempe *Deus*, quo continetur & *Rex*, & *Dominus*, & *Pater*.

Quam
vis actiones
quibus cul-
tus exhibetur
naturæ
dicere.

XV. Circa *actiones externas* quibus Deus colendus est (quemadmodum & circa *attributa*) generalissimum rationis præceptum est, ut sint signa animi honorantis; sub quo continentur, Primò, *preces*. *Qui fingit sacros arces vel marmore vultus, Non facit ille Deos; qui rogat, ille facit.* Sunt enim *preces* signa spei; spes vero *potentie* & *bonitatis* divinæ agnitio est.

Secundò, *Gratiarum actio*, quæ ejusdem affectus signum est, nisi quod beneficium *antecedant preces*, *gratie consequantur*.

Tertiò, *Dona*, id est, *oblationes* & *sacrificia*. sunt enim *Gratiarum actiones*.

Quartò, *Non jurare per alium*. Est enim juramentum hominis contra se ipsum, si fallat; iræ imprecatio ejus, qui & scire, utrum fefellerit, necne, & punire quamvis potentem potest. Id quod solius Dei est. Siquidem enim Homo aliquis esset, cui neque abscondi subditorum suorum *malitia*, neque resistere potentia humana posset, sufficeret fides data, sine juramento; quæ violata posset ab Homine vindicari; neque igitur juramento esset opus.

Quintò, *De Deo considerate loqui*. Signum enim *Timoris* est; *Timor* autem *Potentie* confessio est. Sequitur ex præcepto hoc: *non esse mendacium Dei nomine temerè, aut frustra*; utrumque enim *inconsideratum* est. *Non esse jurandum ubi non est opus*; est enim frustra. Opus autem non est; nisi inter civitates, ad vitandum, vel tollendum certamen per vim, quod oriri necesse est, ubi promissis fides deest, vel in civitate ad judiciorum certitudinem. Item *non esse disputandum de divina natura*. Suppositum enim est, in *regno Dei naturalis solâ ratione omnia* inquiri,

inquiri, hoc est, ex principiis scientiæ naturalis. His autem tantum abest, ut sciamus naturam Dei, ut ne quidem nostri corporis, aut cuiusque creaturæ proprietates satis assequi possimus. Ex hujusmodi igitur disputationibus nihil provenit, præterquam quod ad modulum conceptionum nostrarum nomina divinæ majestati temere imponamus. Sequitur quoque (quod attinet ad jus Regni Dei) inconsideratam & temerariam loquutionem esse eorum qui dicunt, *Hoc vel illud non consistere cum justitiâ divinâ*. Nam & homines contumeliæ ducunt si filii sui jus eorum disputent, aut justitiam aliter quam imperatis suis metiantur.

Sexto, in *Precibus, Gratiarum actionibus, Sacrificiisque quidquid exhibetur, oportere esse in suo genere optimum, & honoris significativum*; nimirum *orationem* esse non subitam, aut levem, aut plebeiam sed pulchram & bene compositam. Nam etsi absurdum erat, quod Ethnici Deum sub imagine colerent, non tamen à ratione alienum erat, quod carminibus, & musicâ in sacris uterentur. Item *Vultus pulchros, & Donaria magnifica, & quæ aguntur, vel submissionis vel gratitudinis significativa, vel beneficiorum acceptorum memorativa* esse; proficiunt enim hæc omnia à studio honorandi.

Septimo, *Deum non solum secretò, sed palam & publice in conspectu hominum coli oportere*. Etenim cultus eo maxime placet, ut dictum est supra, articulo 13. quod signat honorem in aliis. Nisi ergo alii videant, quod in cultu gratissimum est, perit. Postremo, summo conatu *observandas esse leges naturales*. Etenim Domini imperium parvi pendere, superat omnes alias contumelias; sicut & è contrario, omnibus sacrificiis acceptior est obedientia. Atque hæ sunt legum naturalium circa cultum Dei præcipuæ, earum (inquam) quas dicat ratio hominibus singulis. Totis autem civitatibus, quarum unaquæque una est Persona, eadem Ratio naturalis præterea imperat *Cultus Publici uniformitatem*. Nam quæ actiones sunt à singulis secundum rationem privatam, eæ civitatis actiones non sunt, neque ergo civitatis cultus. Quod autem fit à civitate, fieri intelligitur ejus, vel eorum qui summum habent imperium, ideoque consensu civium simul omnium, id est, *uniformiter*.

XVI. *Leges naturales* circa cultum divinum, quæ præcedente articulo numerantur, signa honoris naturalia tantum exhiberi præcipiunt. Considerandum autem est, duo esse genera signorum; alterum *Naturalium*, alterum *Positivorum*, sive ex constituto expresso, vel tacito. Quoniam jam in omni lingua, *Nominum* sive *Appellationum* usus ex constituto oritur, etiam ex constituto poterit mutari. Quod enim dependet & vim suam derivat à voluntate hominum,

*In regno Dei
naturalis co-
nstatem posse
cultum Dei
instituire
arbitrio suo*

num, eorundem consentientium voluntate mutari, vel aboleri potest. *Nomina* ergo quæ ex constituto hominum obtinuerunt Deo attribui, eorundem constituto cessare possunt: quod autem constituto hominum potest fieri, id constituere civitati licet. Iure ergo civitas (hoc est ii, qui totius civitatis potestatem habent) quæ *nomina* sive *appellationes* Deo *honorificæ* sint, quæ non sint, hoc est, quæ doctrinæ de natura & operationibus Dei publicè tenendæ, vel profitendæ sunt, iudicabit. Actiones autem significant non ex constituto hominum, sed naturaliter, sicut effectus sunt signa suarum causarum, quarum quædam semper signa sunt contemptus eorum, coram quibus fiunt, nimirum quibus ostentatur corporis immundities, & quæcunque pudet facere coram iis quos reveremur. Aliæ semper signa sunt honoris, ut, accedere, & alloqui decenter, & humiliter, cedere de via, vel de alio quocunque commodo. Nihil in his mutare civitas potest. Sed infinitæ aliæ sunt, quæ, quod attinet ad honorem aut contumeliam, adiaphoræ sunt; eæ verò in signa honoris à civitate & institui possunt, & institutæ revera honorificæ sunt. Ex quo intelligi potest, civitati obediendum esse, quicquid iusserit pro signo honorandi Deum, id est, pro cultu usurpari, modo id in signum honoris institui possit; quia honoris signum est, quod iussu civitatis pro tali usurpatur.

Regnante
Deo per na-
turam so-
lam, legum
omnium in-
terpretem
esse civita-
tem, id est,
eum homi-
nem, vel
curiam, vel
qua habet
sub Deo ci-
vitatibus im-
perium suum.

XVII. Regnante Deo per solam naturam, quæ sint leges ejus, tam sacræ quam seculares, diximus jam. Quoniam autem nemo est, quin falli ratiocinando possit, contingatque circa plerasque actiones, homines discordi sententiâ esse, quæri ulterius potest, quemnam, *rectæ rationis*, hoc est, legum suarum *interpretem* Deus esse voluerit. Et de *legibus* quidem *secularibus*, id est, de iis quæ pertinent ad iustitiam, & mores hominum versus homines, ex antè dictis de civitatis constitutione, rationi consentaneum esse demonstravimus, *judicia* omnia esse penes civitatem; *judicia* autem nihil aliud esse, quam legum interpretationes: & per consequens *legum interpretes* ubique esse civitates, hoc est, eos qui civitatum habent imperium summum. De *legibus* autem *sacris* considerandum est, quod supra cap. 5, artic. 13, demonstravimus, singulos cives tantum juris in eum vel eos qui imperium habent civitatis, quantum transferre potuerunt, transeulisse. Potuerunt autem transferre jus decernendi de modo quo Deus honorandus sit. Ergo & transtulerunt. Quod autem id potuerint, ex eo manifestum est, quod modus honorandi Deum ante constitutam civitatem ab uniuscujusque *ratione privata* petendus erat. Unusquisque autem *rationem privatam*, *rationi totius civitatis* submittere potest. Præterea si singuli propriam rationem in colendo Deo

Deo sequerentur, in tanta diversitate colentium, alter alterius cultum indecorum, vel etiam impium judicaret; neque alter alteri Deum honorare videretur. non esset ergo *cultus*, ne is quidem qui maximè cum ratione congrueret, propterea quod natura *cultus* in eo consistit, ut sit *signum honoris interni*: signum autem non est nisi quo aliquid innotescit aliis. neque ergo signum honoris est, nisi quod aliis sic videtur. Rursus signum verum est, quod consensu hominum fit signum, ergo etiam honorificum est, quod consensu hominum, id est, jussu civitatis fit signum honoris. Non est ergo contra voluntatem Dei, per solam rationem declaratam, exhibere ipsi signa honoris quæ imperabit civitas. Possunt ergo cives jus decernendi de modo colendi Deum, in eum vel eos transferre, qui civitatis habent imperium summum. Imò debent; alioquin enim, omnes absurdæ opiniones de natura Dei, ceremoniæque omnes ridiculæ, quæ apud ullas gentes exsistere, in eadem simul civitate conspicerentur; ex quo contingeret unicuique credere, cæteros omnes Deum contumeliâ afficere. Itaque de nemine rectè dici posset, quod Deum coleret: nemo enim Deum colit, id est, honorat externè, nisi is qui ea facit, quibus aliis appareat honorare. Concludi itaque potest, *legum naturalium*, tam *sacrarum*, quam *secularium*, regnante Deo per solam naturam, *interpretationem*, dependere ab autoritate civitatis, hoc est, ejus hominis, vel curiæ, cui concessum est summum civitatis imperium; & Deum, quicquid imperat, per ejus vocem imperare. Et, è converso, quod ab iis imperatur & circa modum honorandi Deum, & circa secularia, imperari à Deo.

XV III. In contrarium autem interrogare quis poterit, Primo, an non sequatur, obediendum civitati esse, si directè imperat, Deum contumeliâ afficere, vel prohibeat colere? Dico, non sequi, neque esse obediendum. Nam contumeliâ afficere, aut non omnino colere, à nemine intelligi potest pro modo colendi: neque etiam habuit quisquam ante civitatem constitutam, eorum, qui Deum regnare agnoverunt, jus negandi honorem ipsi inde debitum: neque ergo jus talia imperandi in civitatem transferre potuit. Deinde, si quærat, an obediendum civitati sit, si impetet aliquid dici, vel fieri, quod non est directè in Dei contumeliâ, sed ex quo per ratiocinationem consequentiæ contumeliæ possunt derivari; veluti si imperetur Deum colere sub imaginè, coram iis, qui id fieri honorificum esse putant? Certè faciendum (*) est.

El. Phil. sect. 3.

SSS

Cul-

*Dubitatio-
nes quædam
sublatæ.*

* Certè faciendum est.] Diximus capitis presentis articulo 14. qui Deo terminos attribuit, facere eos contra legem de cultu Dei naturalem. Iam qui Deum colunt sub imaginè, terminos illi statuunt. faciunt ergo quod faciendum non est, &

locus

Cultus enim instituitur in signum honoris, sic autem colere, signum honoris est, & honorem Dei propagat apud eos quibus pro signo habetur. Vel si imperetur Deo nomen attribuire; quod non intelligimus quid significet, aut quomodo cum hoc ipso nomine, *Deo*, cohaereat; id quoque faciendum est; quia quæ facimus honoris causâ, nec intelligimus aliter se habere, si pro signis honoris accipiuntur, signa honoris sunt, ideoque, si ea facere recusamus, recusamus Dei honorem propagare. Idem sentiendum est de omnibus *attributis & actionibus* circa cultum Dei mere rationalem, quæ cadere in controversiam, vel disputari possunt. Quamquam enim huiusmodi imperata possunt esse interdum contra rectam rationem, ideoque peccata in iis qui imperant, non tamen sunt contra rectam rationem, neque peccata in subditis, quorum in rebus controversis recta ratio est ea quæ submittitur rationi civitatis. Postremo, si is homo vel curia cui commissa est summa potestas civitatis, jubeat se coli *attributis & actionibus* illis, quibus colendus est Deus, quæri potest an obediendum sit. Multa sunt quæ & Deo & hominibus communiter attribui possunt; nam & homines *laudari*, & *magnificari* possunt; multæque actiones, quibus & Deus & homines coli possunt. Sed *attributorum & actionum* significationes tantum spectandæ sunt. *Attributis* ergo quibus significamus sentire nos, hominem aliquem ita imperium habere, ut a Deo non dependeat; vel esse immortalem, vel potentia infinitæ, & similibus, quamquam jubeant Reges, abstinendum est; sicut & *actionibus* idem significantibus, ut precari absente, rogare ea quæ solus Deus dare potest, ut pluvias, & serenitatem; offerre ei quæ solus Deus accipere potest, ut holocausta; vel cultum exhibere, quo major exhiberi potest, ut sacrificium. Hæc enim eo tendunt, ne Deus regnare existimetur, contra id quod ab initio supponitur. Cæterum genuflexio, prostratio, vel alius quicunque actus corporis adhiberi licet potest, etiam in cultu civili: possunt enim significare agnitionem potestatis civilis tantum. Cultus enim divinus a civili, non motu, situ, habitu, aut gestu corporis distinguitur, sed sententia de eo qui

locus hic priori videtur esse contrarius. Sciendum igitur est primum, non illos qui imperio coacti sic colunt, Deo terminos assignare, sed qui imperant. nam qui inuicti colunt, revera colunt; sed eo in loco stare vel procumbunt in quo loco stare vel procumbere à legitimo imperante iussi sunt. Secundo; faciendum esse dico, non semper & ubique, sed supposito nullam aliam esse colendi Deum regulam præter diclamina humanæ rationis; nam tunc voluntas civitatis pro ratione est. At in Regno Dei per Patrem, sive antiquum sive novum, ubi expresse prohibetur idololatria, etsi civitas sic colere jubeatur, tamen faciendum non est. Quæ si consideraveris; qui repugnantiam putavis esse aliquam inter articulum hunc & decimum quartum, ita putare desinet.

qui colitur declaratione; ut si prosternamus nos ante aliquem animo declarandi eo signo quod habemus eum pro Deo, cultus divinus est: si idem facimus in signum agnitionis imperii civilis, cultus civilis est. Neque distinguitur *cultus divinus à civili* per ullam actionem quæ intelligi solita est sub nominibus *λατρεία & θυλαία*, quorum prius servorum officium, posterius *servum* denotans, nomina sunt ejusdem numero actionis.

XIX. Ex iis quæ dicta sunt, colligitur, Regnante Deo per solam rationem naturalem, peccare subditos, primò, si violant leges morales illas, quæ explicatæ sunt cap. 2. & 3. Secundo, si violant leges sive mandata civitatis in iis rebus quæ pertinent ad justitiam. Tercio, si non colant Deum *τὸ τὸ νόμιμα*. Quarto, si non confiteantur coram hominibus verbis & factis, unum esse Deum Optimum, Maximum, Beatissimum, totius mundi, mundanorumque Regum Regem supremum: hoc est, si Deum non colunt. Quartum hoc peccatum in Regno Dei naturali, per ea quæ dicta sunt capite præcedente, articulo 2, *læse divinæ Majestatis crimen* est. Est enim negatio divinæ potestatis, sive *Atheismus*. Procedunt enim Peccata hic similiter ac si supponeremus aliquem hominem esse supremum Regem, qui absens regnaret per Proregem, contra quem peccarent quidem illi, qui Proregi non obedirent in omnibus, excepto si regnum sibi ipsi arrogaret, vel alii tradere voluerit, illi verò qui ita absolutè eidem obedirent, ut illud non exciperent, Rei majestatis dicerentur.

C A P V T X V I.

De Regno Dei per pactum vetus.

- i. *Veram religionem (superstitione exterarum nationes occupante) instituit Deus per Abrahamum.*
- ii. *Pactum inter Deum & Adamum, prohibita est disputatio de mandatis superiorum.*
- iii. *Pacti inter Deum & Abrahamum formula.*
- iv. *In pacto illo continetur agnitio Dei non simpliciter, sed ejus qui apparuit Abrahamo.*
- v. *Leges quibus Abrahamus tenebatur, alia non erant præter leges naturæ, & legem Circumcisionis.*
- vi. *Abrahamus verbi Dei, & legum omnium apud suos interpret erat.*
- vii. *Subditi Abrahami peccare non potuerunt ipsi obediendo.*
- viii. *Pactum Dei cum populo Hebræo ad montem Sinai.*
- ix. *Inde regimen Dei nomen Regni sortitum est.*
- x. *Quænam leges Indici à Deo imposite sint.*
- xi. *Quid sit, & quomodo cognoscendum Verbum Dei.*
- xii. *Quodnam fuerit Verbum Dei*

Dei scriptum *apud Iudeos.* *xiii.* Potestatem interpretandi Verbum Dei, & summam potestatem civilem conjunctas fuisse in Mose, dum viveret. *xiv.* Easdem conjunctas fuisse in summo Sacerdote, vivente Iosua. *xv.* Easdem conjunctas fuisse in summa Sacerdote usque ad Saulem Regem. *xvi.* Easdem conjunctas fuisse in Regibus usque ad captivitatem. *xvii.* Easdem in Sacerdotibus post captivitatem. *xviii.* Apud Iudeos, negatio providentie divinæ, & Idololatria, sola erant crimina læsæ Majestatis divinæ; in cæteris omnibus, Principibus suis parere debebant.

Veram Robi-
gionem (sup-
posititione
ceteros na-
tiones occu-
pante) insti-
tuit Deus
per Abra-
hamum.

I. **H**abet hoc humanum Genus, ab imbecillitatis propriæ conscientia, & admiratione eventuum naturalium, ut plerique credant esse omnium rerum visibilibus, Opitemic invisibilem Deum; quem etiam metuunt sentientes non esse sibi satis tutelæ in se ipsis. Cæterum, ut eum rectè colerent imperfectus usus rationis, & affectuum vehementia obstitere. Metus autem invisibilem, quando à recta ratione separatur, superstitionis est. Hominibus itaque sine speciali Dei auxilio, utrumque scopulum effugere *Atheismum* & *superstitionem*, penè erat impossibile. Hæc enim à metu sine recta ratione, ille à rationis opinione sine metu proficiscitur. Maximam itaque partem hominum facile occupavit *Idoloatria*; & coluerunt Deum omnes pene Gentes sub imaginibus & figuris rerum finitarum, spectacula sive phantasmata, forte ex metu dæmonia appellantes, coluere. Placuit autem divinæ majestati (ut in Historia sacra scriptum legimus) ex genere humanorum unum per quem ad rerum sui cultum homines perduceret, evocare *Abrahamum*; illi se supernaturaliter revelare; & cum illo atque illius semine celeberrimum illud inire Pactum, quod appellatur *Pactum*, & *Fœdus*, & *Testamentum Antiquum*. Is igitur Religionis veræ caput est; is *Post diluvium unum esse Deum Creatorem Univerſi primus docuit*. Et ab eo *Regnum Dei per Pacta* initium sumit. Ioseph. Antiq. Iud. lib. 1. cap. 7.

Pactum inter
Deum &
Adamum,
prohibita est
dispositio
de mandatis
superstitionum.

II. Initio mundi regnavit quidem Deus, non solum naturaliter, sed etiam per *pactum*, super *Adamum* & *Evam*; ut videatur nullam voluisse obedientiam præstari sibi, præter illam quam diceret ratio naturalis, nisi per *pactum*, id est, ex ipsorum hominum consensu. Quoniam autem *pactum* hoc statim irritum factum est, neque unquam post renovatum, non est inde *Regni Dei* (de quo hoc loco agimus) deducenda origo. Hoc tamen obiter notandum, præcepto illo de non comedendo de arbore *scientiæ Boni & Mali*; (sive *judicatio de Bono & Malo* prohibita sit, sive esus fructus alicujus arboris) Deum postulas præceptis suis obedientiam simplicissimam, sine disputatione,

an Bonum vel Malum esset quod præciperetur fructus enim arboris, si mandatum absit, nihil habet in natura sua, quo esus ejus moraliter malus, hoc est, peccatum esse possit.

III. Pactum autem inter Deum & Abrahamum hac formulâ initum est. Gen. 17. vers. 7, 8, *Statuam pactum meum inter me & te, & inter semen tuum post te in generationibus suis fœdere sempiterno, ut sim Deus tuus & seminis tui post te in sempiternum. Daboque tibi & semini tuo terram peregrinationis tue, omnem terram Chanaan in possessionem eternam. Quo verò Abrahamus & semen ejus memoriam fœderis hujus conservare posset, necessaria erat signi institutio. Adjecta ergo est pacto Circumcisio, sed tamen ut signum tantum. vers. 10, Hoc est pactum meum quod observabis inter me & te, & semen tuum post te: Circumcidetur ex vobis omne masculinum, & circumcidetur carnem præputii vestri, ut sit in signum Fœderis inter me & vos. Pactum ergo est, ut Abrahamus agnoscat, Deum esse Deum ipsius & seminis ejus, hoc est, illi submittat se regendum; & ut Deus det Abrahamo hæreditatem terræ illius in qua tunc habitabat, sed ut peregrinus; utque Abrahamus in signum memoriale hujus pacti curaret se & semen ejus masculinum circumcidi.*

Pacti inter Deum & Abrahamum formula.

IV. Cum verò Abrahamus etiam ante pactum Deum agnovisset mundi creatorem & regem, (neque enim de existentia, neque de Providentia Dei unquam dubitavit:) quomodo superfluum non erat, quod obedientiam sibi naturâ debitam voluerit Deus pretio & per contractum acquirere, promittendo scilicet Abrahamo Regnum terræ Chanaan, hac lege, ut acciperet eum pro Deo suo, cum jure naturali id jam ante esset. Illis itaque verbis, *ut sim Deus tuus & seminis tui post te*, non intelligitur satisfieri huic pacto ab Abrahamo, solâ agnitione potestatis, & dominii, quod Deus habet in homines naturaliter, hoc est, agnoscendo Deum indefinitè, quod rationis natura est, sed oportere eum agnoscere definitè illum, qui dixerat ipsi, Gen. 12, vers. 34, *Egredere de Terra tua*, &c. Gen. 13, vers. 14, *Leva oculos*, &c. Qui apparuit ei, Gen. 18, v. 1, sub specie trium virorum Collectum: & Gen. 15, vers. 1, per visionem: & vers. 3, per somnium, quod Fidei est. Quâ specie apparuerit Deus Abrahamo, quali sono eum alloquutus sit, non explicatur; constat tamen, credidisse Abrahamum, vocem illam fuisse vocem Dei, & revelationem veram, & voluisse à suis cõli illum, qui sic eum alloquutus erat, pro Deo universi creator; fidemque ejus in eo sitam fuisse, non quod crediderit Deum esse, aut in promissis veracem esse, id quod credunt omnes, sed quod non dubitaverit Deum fuisse illum, cujus vocem & promissa audierat. Et Deum Abra-

In Pacto illo continetur agnitio Dei, non simpliciter, sed ejus, qui apparuit Abrahamo.

hami significare, non simpliciter *Deum*, sed *Deum* illi apparentem, quemadmodum cultus quem *Abrahamus* debebat Deo, eo nomine non erat cultus *rationis*, sed *religionis & fidei*; nec quem *ratio*, sed quem *Deus supernaturaliter* revelaverat.

Leges quibus Abrahamus tenebatur, alia non erant præter leges naturæ, & legem circumcissionis.

Abrahamus tam. verbi Dei, & legum antiquarum, apud suos interpretatur.

V. Leges autem *Abrahamo* à Deo, vel ab *Abrahamo* familiæ suæ positas, tunc vel post, seculares, vel sacras, (excepto mandato de *circumcissione*, quod in ipso *Pacto* continetur) nullas legimus. Ex quo manifestum est, non fuisse alias leges, aut cultum quibus *Abrahamus* tenebatur, præter leges naturales, & cultum rationalem, & circumcissionem.

VI. Erat autem *legem* omnium *interpretis*, tam sacrarum, quàm secularium, apud suos *Abrahamus*, non modò naturaliter, quatenus legibus uteretur naturalibus tantùm, sed etiam ex ipsa pacti formula, quâ promittitur ab *Abrahamo* obedientia, non pro se tantùm, sed etiam pro semine suo. Quod frustra fuisset nisi filii ejus illius mandatis obedire tenerentur. Atque quod dicit Deus, Gen. 18. vers. 18, *Benedicendæ sunt in illo omnes nationes terræ: scio enim quòd præcepturus sis filiis & domui suæ post te, ut custodiant viam Domini, & faciant iudicium & justitiam.* quomodo intelligi potest, nisi filii & domus ejus teneri ad obedientiam illius mandatis præstandam supponerentur?

Subditi Abrahami, qui peccato non præteritis, isti obediendo.

VII. Sequitur hinc, subditos *Abrahami* ipsi obediendo peccare non potuisse, modò *Abrahamus* non imperasset *Dei* existentiam vel *Providentiam* negare, vel facere aliquid, quod esset expresse contra honorem Dei. In cæteris rebus omnibus *Verbum Dei* ex illius folius ore petendum erat, ut *legem* omnium & *verborum Dei* *interpretis*. Deus enim *Abrahami* quis fuerit & quomodo colendus, ab *Abrahamo* solo doceri poterant. Qui vero post *Abrahami* mortem subditi erant imperio *Isacii* aut *Jacobi*, sine peccato per eandem rationem ipsis in omnibus parere, quamdiu pro Deo & Rege suo agnoscerent & profiterentur *Deum Abrahami*. Prius enim *Deo* simpliciter se submiserant, quàm *Abrahamo*; prius autem *Abrahamo*, quàm *Deo Abrahami*, & rursus prius *Deo Abrahami*, quàm *Isaaco*. In subditis itaque *Abrahami*, unicum erat crimen læsæ majestatis divine, negare Deum; sed in posteris eorum, læsæ majestatis crimen hoc quoque erat, *negare Deum Abrahami*, hoc est, colere Deum aliter quàm ab *Abrahamo* est institutum, nimirum sub imaginibus (*) manu-factis, prout

Annotatio.

* Sub Imaginibus manu-factis] Vide cap. 15. art. 14. ibi cultum salem irrationalem esse ostendimus. At si iussu civitatis fiat, cui verbum Dei scriptum non est cognitum nequa

prout fecerunt cæteræ nationes, quæ propter eam causam appellabantur *Idolatryæ*. Atque hucusque subditi circa mandata principum suorum, quid faciendum & quid fugiendum erat, satis facile dignoscere potuerunt.

VIII. Ut pergamus jam, ductum sequendo Scripturæ sacræ, idem *Pactum* renovatum est, Gen. 26. vers. 3, 4. cum *Isaaco*; & Gen. 28. vers. 14, cum *Iacobo*, ubi Deus se appellat non simpliciter *Deum*, quem natura esse dicat; sed distinctè, *Deum Abrahami & Isaac*: & post, idem *Pactum* renovaturus per *Mosen* cum toto populo *Israëlis*, Exod. 3. vers. 6, *Ego*, inquit, *sum Deus patris tui, Deus Abraham, Deus Isaac, & Deus Iacob*. Deinde cum populus ille constitisset in deserto prope montem *Sinai*, non modo liberrimus, sed etiam subjectionis humanæ propter memoriam recentem servitutis *Ægyptiæ* inimicissimus, *Pactum* illud antiquum propositum est omnibus redintegrandum, hac formula, Exod. 19. vers. 5, *Si ergo audieritis vocem meam & custodieritis Pactum meum* (nimirum *Pactum* initum cum *Abrahamo*, *Isaac*, & *Iacobo*) *eritis mihi in peculum ex cunctis populis, mea est enim omnis terra, & vos eritis mihi in Regnum Sacerdotale, & gens sancta*. Respondit autem omnis populus simul, vers. 8, *Cuncta quæ loquutus est Dominus, faciemus*.

Pactum Dei cum populo Hebræo ad montem Sinai.

IX. In hoc *Fœdere* animadvertenda est inter alia, appellatio *Regni* non ante usurpata. Quamquam enim Deus & per naturam, & per *Pactum* cum *Abrahamo* esset ipsorum Rex, debebant tamen ei obedientiam & cultum naturalem tantum, quatenus subditi ipsius; religiosum verò qualem instituit *Abrahamus*, quatenus subditi *Abrahami*, *Isaac*, vel *Iacobi* suorum Principum naturalium. ipsi enim *Verbum Dei* nullum acceperant præter illud naturale verbum rectæ rationis, neque *pactum* inter Deum & ipsos ullum intercesserat, nisi quatenus voluntates eorum includerentur in voluntate *Abrahami*, ut Principis sui. Iam verò per *pactum* initum ad montem *Sinai*, consensu habito singulorum, fit *regnum Dei super eos institutum*. Ab hoc tempore initium habet celeberrimum illud in Scripturis sacris, & scriptis Theologorum *Regnum Dei*: atque huc spectat, quod cum *Israëlitæ* Regem exposcerent, dixit Deus *Samueli*, 1 Sam. 8, vers. 7, *Non te abiecerunt, sed me, ne regnem super eos*. & quod dixit *Samuel* *Israëlitis*, 1 Sam. 12. vers. 12, *Dixistis, Rex imperabit nobis, cum Dominus Deus vester regnaret in vobis*. & quod dicitur *Jerem.* 31. vers. 31, *Pactum,*

Inde regnum Dei, & nomen regni sortitum est.

neque receptum, cultum talem cap. 15. art. 18. ostendimus esse rationalem. Cæterum ubi Deus regnat per *pactum*, in quo, ne sic colant, expresse cavetur, ut per *pactum Abrahami*, ubi sive in iussu sive in iussu civitatis fiat, male fit.

Paſſum, quod pepigi cum, &c. Et ego dominatus ſum eorum. atque etiam doctrina Iudæ Galilæi; cuius mentio fit apud Joſeph. Ant. Jud. lib. 18. cap. 2, his verbis: Quarta autem ſtudium ſapientiæ ſeclantem viæ primus auctor fuit Iudæ Galilæus. Hi cætera cum Phariſæis conſentiunt, niſi quod conſtantiffimo libertatis amore flagent, credentes ſolum Deum, Dominum habendum ac Principem, Et facilius vel exquisitiſſima pænarum genera latiri, unâ cum cognatis ſuis ac cariſſimis, quam mortalem aliquem appellare Dominum.

Quoniam leges Iudæ a Deo impoſita ſint.

X. Jure regni per Paſſum ſic conſtituto, videndum proximo loco eſt, quaſnam eis Deus propoſuerit *leges*. Eæ verò omnibus notæ ſunt, nimirum *Decalogus*, & illæ aliæ tam *iudiciales*, quàm *ceremoniæ*, quæ habentur à vicesimo capite *Exodi* uſque ad finem *Pentateuchi*, & obitum *Moſis*. *Legum* autem in univerſum per manum *Moſis* traditarum, aliæ ſunt quæ naturaliter obligant, ut quæ à Deo, quatenus Deo naturæ, latæ ſunt, & vim ſuam obtinuerunt etiam ante *Abrahamum*. Aliæ quæ obligant ex vi paſſi initi cum *Abrahamo*, utpote latæ à Deo, quatenus Deo *Abrahami*, quæ vim ſuam habuerunt ante *Moſen*, propter Paſſum illud prius. Aliæ verò obligant ex paſſo illo ſolo quod poſtremum initum eſt cum ipſo populo, utpote latæ à Deo quatenus Rege peculiari *Iſraelitarum*. Primi generis ſunt omnia præcepta *Decalogi* quæ pertinent ad mores, qualia ſunt; *Parentes honorabis; non occides; non mæchaberis; non furaberis; non dices falſum teſtimonium; non concupiſces*. Sunt enim leges naturales. Præterea præceptum de non aſſumendo Dei nomine in vanum; eſt enim pars cultus naturalis, ut oſtenſum eſt capite præcedente, articulo 15. Item ſecundum, de non adorando per imaginem à ſe ipſis factam; eſt enim & hoc Religionis naturalis, ut eodem articulo oſtenditur. Secundi generis eſt præceptum *Decalogi* primum, de non habendis dii alienis; in eo enim conſiſtit eſſentia paſſi *Abrahami*, per quod Deus nihil aliud exigit, quam ut ipſe Deus ipſius eſſet & ſeminiſ ejus. Item præceptum de ſanctificando ſabbato. Eſt enim inſtituta ſeptimi diei ſanctificatio in memoriam creationis *Hexemeræ*, ut apparet ex his verbis, *Exod. 31. v. 17, Paſſum eſt (ſubauditur ſabbatum) ſen piternum inter me Et filios Iſrael, ſignum quo perpetuum: ſex enim diebus fecit Dominus cælum & terram, Et in ſeptimo die ab opere ceſſavit*. Terti generis ſunt leges politicae, iudiciales, ceremoniales ſque, quæ ſpectabant ad *Iudæos* ſolos. Primi & ſecundi generis leges in tabulis lapideis ſcriptæ, nempe *Decalogus*, in ipſa *Arca* conſervabantur: cæteræ ſcriptæ in totius legis volumine reponerantur in *arca* latere. *Deut. 3. v. 26.* hæ enim recentâ fide *Abrahami* poterant mutari, illæ non poterant.

XI. *Leges Dei omnes sunt Verbum Dei*, sed non è converso omne *Verbum Dei est Lex*. Ego sum Dominus Deus tuus qui eduxit te de terra *Aegypti*, Verbum Dei est, Lex non est. Neque omne id quod ad *Verbum Dei* declarandum, una cum ipso enunciat, aut scribitur, statim *Verbum Dei* est. Nam, *hæc dicit Dominus*, non est Domini vox, sed præconis, sive Prophetæ. Id omne & solum Verbum Dei est, quod Deum loquutum esse pronunciavit Prophetæ verus. Scripta autem Prophetarum comprehendentia tam quæ Deus, quam quæ ipse Prophetæ dicit, ideo Verbum Dei appellantur, quia Verbum Dei continent. Quoniam autem *Verbum Dei* id omne & solum est, quod pro tali exhibetur à vero Prophetæ, sciri quid sit *Verbum Dei*, antè non potest, quàm cognoscatur quis sit Prophetæ verus; nec *Verbo Dei* credi, quàm credatur Prophetæ. *Mos* à populo *Israëlitico* creditum est propter duas res: *miracula*, & *fides*. utcunque enim magna & evidentissima miracula operatus fuerat, non tamen ei credidissent, saltem non credendum erat, si ad alium cultum eos ex *Aegypto* evocasset, quàm ad cultum Dei *Abrahami*, *Isaac*, & *Iacobi*, patrum suorum. Fuisset enim contra *Pactum* ab illis cum Deo initum. Similiter duæ res sunt; nimirum *prædictio futurorum supernaturalis*, quod est ingens miraculum, & *fides in Deum Abrahami liberatorem eorum ex Aegypto*, quas Deus omnibus *Judeis* pro notis veri Prophetæ habendas proposuit. Cui alterutra harum deest, is prophetæ verus non est, nec pro verbo Dei habendum est, quod pro tali obtendit. Si desit fides, reprobatur his verbis: Deut. 13, vers. 1, 2, 3, 4, 5, *Si surrexerit in medio tui Prophetæ, aut qui somnium vidisse se dicat, & prædixerit signum, & evenerit quod loquutus est, & dixerit tibi: eamus, & sequamur Deos alienos; &c. Prophetæ ille, aut sceler somniorum interficietur*. Si prædictio eventuum desit, rejicitur his verbis: Deut. 18, vers. 21, 22. *Quod si tacita cogitatione responderis, quomodo possum intelligere, quod Verbum Dominus non est loquutus? Hoc habebis signum. Quod in nomine Domini Prophetæ ille prædixerit, & non evenerit, hoc Dominus non est loquutus, sed per tumorem animi sui Prophetæ confinxit*. Jam quod *Verbum Dei* sit id quod per verum Prophetam pro tali enunciat, & quod verus Prophetæ apud *Judeos* fuerit, cujus fides vera erat, & cujus prædictionibus eventus respondebant, extra controversiam est. Sed quid sit sequi Deos alienos, & utrum eventus, qui prædictionibus respondere affirmantur, eis verè respondeant, necne, multas controversias pati potest, præsertim in prædictionibus quæ obscure atque enigmaticè eventum præsignificant, quales sunt prædictiones prophetarum ferè omnium, ut qui non palam, sicut *Moses*, sed per

El. Phil. sect. 3.

T T T

enigma-

æigmata & figuras Dominum vident, Num. 12, vers. 8. De his autem judicari aliter non potest, quam per *Rationem naturalem*. dependet enim judicatio illa ex interpretatione Prophetæ & comparatione ejusdem cum eventu.

*Quod in
fuerit ver-
bum Dei
scriptum.*

XII. Pro *Verbo Dei scripto* habebant *Judei* librum legis totius, qui appellabatur *Deuteronomium*; usque autem ad captivitatem; quantum ex Historia sacra colligi potest, illum solum. nam liber hic traditus est ab ipso *Mose* Sacerdotibus, asservandus & reponendus in latere Arcæ Fœderis, & à Regibus describendus, Deut. 3, vers. 9, 26, idemque longo post tempore autoritate Regis *Iosias* pro *Verbo Dei* recognitus; 2 Reg. 23, vers. 1. Cæteri verò libri Testamenti veteris quando fuerint in canonem primum recepti, non apparet. Quod autem attinet ad Prophetas, *Isaiam* & cæteros, cum prædicerent non nisi ea, quæ vel in captivitate, vel post captivitatem futura erant, eorum scripta non potuerunt pro Propheticiis illico haberi, propter legem supra citatam ex Deut. 18, vers. 21, 22. quæ jubebantur *Israëlitæ*, ne pro Propheta haberent, nisi cum cujus prædictionibus eventus responderent. Atque hinc fortè est, quod *Judei*, quos interfece- runt, eum prophetarent, eorum scripta post, propter eventum prædictionum; pro Propheticiis, hoc est, pro verbo Dei habuerunt.

*Potestatem
interpretan-
di Verbum
Dei, & sum-
mam potes-
tatem civi-
tatem, conjun-
ctam fuisse in
Mose dum
viveret.*

XIII. Cognitò, quæ fuerint sub *Pactò vetere* leges, & quod *Verbum Divinum* ab initio receptum; considerandum deinceps est, penes quem, vel quos, de scriptis Prophetarum post surgentiam, an recipienda essent pro *Verbo Dei*, id est, an eventus prædictionibus responderent, necne, judicandi, & apud quem, vel quos leges jam receptas & *Verbum Dei scriptum* interpretandi resideret autoritas; id quod per singula tempora, & mutationes Reipublicæ *Israëliticæ* investigandum est.

Manifestum autem est, potestatem hanc, vivente *Mose*, totam fuisse penes ipsum. Nam si ipse *interpretas legum & Verbi* non esset, oportet ut munus illud pertinuerit vel ad singulos privatim, vel ad congregationem sive *Synagogam* plurium, vel ad summum Sacerdotem, vel ad alios Prophetas. Primo, munus illud minimè fuisse privatorum hominum, aut congregationis ex illis compositæ, ex eo constat, quod non adhibiti, imò prohibiti fuerint gravissimis minis, ne aliter quam per *Mosen*, Deum audirent. Nam scriptum est, *Sacerdotes autem & populus ne transceant terminos, nec ascendam ad Dominum, ne forte interficiat illos. descenditque Moses ad populum, & omnia narravit eis*; Exod. 19, 24, 25. Deinde neque singuli, neque congregatio debeat prætere, quod Deus per illos loquutus sit, & per consequens, quod ipsi *Verbum Dei interpretandi jus* habeant, ortà occasione ex ledi-

tione

tionem *Core*, *Dathan*, *Abiron*, & ducentorum & quinquaginta Synagogarum procerum, manifestè & expressè declaratur. Nam contendentibus illis, Dominum non minus loqui per ipsos, quam per Moysen, sic arguunt: *sufficiat vobis: quia omnis multitudo sanctorum est, & in ipsis est Dominus; cur elevamini super populum Domini?* Num. 16. v. 3. Quid autem de hac controversia statuerit Dominus, ex eo intelligitur, quod *descenderunt (Core, Dathan & Abiron) vivi in infernum, & ignis egressus à Domino interfecit ducentos quinquaginta viros.* ibid. v. 33, & 35.

Secundo, Autoritatem illam non fuisse penes Aaronem summum Sacerdotem, manifestum est ex simili controversia inter ipsum unum cum *Maria* sorore, & Moysen. Quæstio enim erat an Deus per Moysen solum loquutus fuerit, an etiam per ipsos, hoc est, an solus *Moses*, an etiam ipsi *Verbi Dei interpretes* essent. Sic enim dixerunt: *Num per Moysen loquutus est Dominus? non & nobis similiter loquutus est?* Num. 12, v. 2. Deus autem hos increpavit, distinguitque inter Moysen & alios Prophetas. *Siquis (inquiens) fuerit inter vos Propheta, in visione apparebo ei, vel per somnium loquar ad illum. at non talis servus meus Moses, &c. Cre enim ad os loquor ei, & non per anigmata & figurat Dominum videt. quare ergo non timuistis?* &c. ibid. v. 6, 7, 8. Postremo, quod interpretatio *Verbi Dei*, vivente *Mose*, non fuerit penes Prophetas alios quoscunque, ex eo colligitur, quod iam citavimus de excellentia ejus super omnes alios; & ex ratione naturali, quandoquidem ejusdem Prophetæ est, mandata Dei & ferre & explicare; aliud autem *verbum Dei* tunc non erat præter illud, quod per Moysen annuntiaturum est. Et ex eo etiam quod Propheta eo tempore alius existeret nemo, qui ad populum prophetaverit, præter 70 seniores, qui per spiritum Moysi prophetaverunt. Atque id quoque injuria factum credebatur *Iosua*, Moysi tunc minister, post successorem, donec consentiente Moysen factum sciret. id quod ex ipso textu Scripturæ manifestum est. *Descendit Dominus per nubem, &c. auferens de spiritu, qui erat in Moysen, & dans septuaginta viris;* Num. 11, v. 25. Postquam autem nuntiaturum esset, quod prophetarent, dixit *Iosua* ad Moysen: *Domine mi, prohibe eos. Moyses* autem respondit, *quid amularis pro me?* &c. Cum ergo *Moses* solus *Verbi Dei nuncius* esset, neque erat munus interpretandi penes privatos, nec penes Synagogam, nec penes Sacerdotem, nec penes alios Prophetas; restat, interpretem *Verbi Dei* unum fuisse Moysen, qui summam etiam potestatem habebat in rebus civilibus. Certamen autem *Core*, & cæterorum conjuratorum contra Moysen & Aaronem; & Aaronis cum sorore contra Moysen, suscitatum fuisse

non propter animarum suarum salutem, sed propter ambitionem, & regnum in populum.

*Et idem con-
iunctum fuisse
in summo
Sacerdote
provenit sa-
tis.*

XIV. Tempore *Iosue interpretatio legum & Verbi Dei erat* penes *Eleazarum* summum Sacerdotem, eundemque Regem sub Deo absolutum. Id quod colligitur primo ex ipso *pacto*, in quo *Reipublica Israelitarum* appellatur *Regnum Sacerdotale*, vel, ut recitatur *1 Pet. 2. 9. Sacerdotium Regale*: quod nullo modo dici poterat, nisi per institutionem & *pactum* populi potestas Regia intelligeretur esse penes *Sacerdotem*. Neque repugnat antè dictis, ubi non *Aaron* sed *Moses* regnum sub Deo habuit: cum necessarium sit ubi unus homo instituit *Reipublicæ* futuræ formam, illum unum, Regnum pro suo tempore moderari (sive *Monarchia*, sive *Aristocratia*, sive *Democratia* sit) quod instituit; & habere potentiam omnem in præsens, quam aliis tributurus sit in futurum. Habuisse autem *Eleazarum* Sacerdotem non modo *Sacerdotium*, sed etiam *Imperium summum*, expresse habetur per ipsam *Iosue* ad administrationem rerum vocationem. Sic enim scriptum est: *Tolle Iosue filium Nun, &c. qui stabit coram Eleazaro Sacerdote, & omni multitudine, & dabis ei præcepta cunctis videntibus, & partem gloriæ tuæ, ut audiat eum omnis Synagoga filiorum Israël.* Pro hoc, si quid agendum est, *Eleazar Sacerdos consulat Dominum. Ad verbum ejus egredietur, & ingredietur ipse, & omnes filii Israël cum eo.* Num. 27, v. 18, 19, 20, 21. Ubi *consulere Deum, quicquid agendum sit, hoc est, Verbum Dei interpretari*, & in nomine Dei imperare in omnibus, pertinet ad *Eleazarum*; *Egredi autem & ingredi ad verbum ejus, hoc est, ei obedire*, pertinet & ad *Iosue* & ad omnem populum. Notandum quoque est, vocem illam, *partem gloriæ tuæ*, aperte significare, non habuisse *Iosue* potestatem æqualem ei, quam habuerat *Moses*. Interim manifestum est, etiam tempore *Iosue* potestatem summam civilem, & auctoritatem interpretandi verbum Dei, fuisse ambas in eadem persona.

*Postea con-
iunctum fuisse
in summo
Sacerdote
usque ad
Saulem Re-
gem.*

XV. Post mortem *Iosue* sequuntur tempora *Judicium* usque ad *Saulem* Regem; in quibus manifestum est jus regni à Deo instituti mansisse apud Sacerdotem. Erat enim *regnum* ex pacto *Sacerdotale*, id est, regnum Dei per Sacerdotem. atque tale esse debuit, usque dum forma illa à populo ipso, consentiente Deo, mutaretur: id quod non est factum, antequam petentibus Regem consensisset Deus, dixissetque Samueli: *Audi populum in omnibus, quæ loquuntur tibi: non enim te, sed me abiecerunt, ne regnem super eos.* 1 Sam. 8, v. 7. Potestas itaque civilis summa debebatur jure, ex institutione Dei, Sacerdoti summo. Pacto autem potestas illa in Prophetis erat, quibus (à Deo extraordinarie suscitatis) *Israëlitæ* (gens Prophetarum avida) propter existima-

tionem

tionem prophetiæ protegendos se & judicandos subjecerunt. Ratio hujus rei erat, quod institutione Regni Dei sacerdotalis, etsi poenæ statuta fuerint & Magistratus qui judicarent; jus tamen poenas sumendi dependebat ab arbitrio privato. Et penes dissolutam multitudinem & singulos erat, punire vel non punire, prout à privato zelo excitarentur. Ideoque Moles imperio proprio morte multavit neminem; sed quando interficiendus aliquis esset, unus vel plures, in eum vel eos, (autoritate divina, dicendoque, *Hec dicit Dominus*) multitudinem concitavit. Erat autem conforme hoc naturæ regni Dei peculiaris. Ibi enim verè regnat Deus, ubi legibus, non hominum, sed Dei metu obeditur. Et si quidem homines tales essent, quales esse debent, optimus is esset civitatis status. Sed hominibus quales sunt regendis, necessaria est potentia (qua & jus comprehendo & vires) cogendi. Et propterea etiam ab initio per *Mosen* præscripsit Deus leges futuris Regibus; Deut. 17. v. 14. & Moles ultimis ad populum verbis prædixit, *Novi quod post mortem meam inique ageris & declinabis cito de via, quam præcepi vobis* Deuter. 31. 29. Cum ergo secundum hanc prædictionem surrexerit alia generatio, quæ non novit Dominum & opera, quæ fecerat cum Israël, fecerunt filii Israël malum in conspectu Dei, & servierunt Baalim: Iud. 2. 10, 11. scilicet abjecerunt regimen Dei, hoc est, Sacerdotis per quem Deus regebat, & postea cum ab hostibus vincerentur & servitute premerentur, Dei voluntatem non amplius à Sacerdote, sed à Prophetis expectavere. Hi igitur judicabant Israël de facto, jure autem obedientia eorum debita erat Sacerdoti summo. Quamquam igitur Regnum Sacerdotale post mortem Moles & Josue sine viribus erat, non erat tamen sine jure. Quod autem ad eundem Sacerdotem pertineret interpretatio Verbi Dei, ex manifestum est, quod Deus post tabernaculum, & aream foederis consecratam, non amplius loquutus sit in monte Sinai, sed in tabernaculo Foederis, à propitiatorio quod erat inter Cherubinos, quo præter Sacerdotem nemini accedere licebat. Siquidem igitur jus Regni spectetur, simul erat summum imperium civile, & Verbum Dei interpretandi autoritas in Sacerdote; si vero factum consideres, simul erant in Prophetis qui Israëlitas judicabant. Nam, ut iudices, auctoritatem habebant civilem; ut Prophete, interpretabantur verbum Dei; atque ita omni modo hucusque duæ illæ potestates inseparabiles existerent.

XVI. Constitutis Regibus, dubium non est, quin *Autoritas civilis* penes Reges esset. Cum enim Regnum Dei per Sacerdotem, petentibus Israëlitis & consentiente Deo, finitum esset; quod notat etiam Hie-

Eastem conjunctas fuisse in Regibus, utque ad auctoritatem.

ronymus loquens de libris *Samuelis*: Samuel (inquit) mortuo *Heli*, & occiso *Saul*, veterem legem abolitam monstrat. Porro in *Sadoc* atque *David* novi Sacerdotii & novi imperii Sacramenta testantur, jus, quo Reges gubernabant, in ipsa populi concessione fundatum fuisse. Sacerdos id tantum jure poterat quod Deus juberet, Rex autem jure poterat quicquid poterat jure unusquisque in se. Illi enim *Israëlitæ*; juri de omnibus judicandi, & pro omnibus *Bellum gerendi* concesserunt; in quibus duobus continetur quidquid juris ab homine in hominem transferri potest. *Judicabit* (inquiunt) *nos Rex noster*, & egredietur ante nos & pugnabit bella nostra pro nobis, 1 Sam. 8, vers. 20. *Judicia* ergo penes Reges erant. *Judicare* autem nihil aliud est, quam *leges* ad facta interpretando applicare; ad eosdem ergo pertinebat *legum interpretatio*. Et quia præter *legem Mosaicam*, aliud Verbum Dei scriptum ulque ad captivitatem non agnoscebatur, penes Reges etiam erat autoritas interpretandi Verbum Dei. Imò siquidem Verbum Dei pro lege recipiendum sit; quamquam fuisset aliud Verbum Dei scriptum præter *legem Mosaicam*, cum interpretatio legum esset penes Reges, interpretatio ejus debebat esse penes eosdem. Quando *Deuteronomium* (in quo continebatur *lex Mosaica*) longo tempore perditum, rursus inventum erat, consulere quidem Dominum Sacerdotes de libro illo; non autem autoritate sua, sed præcipiente *Iosia*, nec immediate, sed per *Holdam* Prophetissam. Ex quo apparet, autoritatem admittendi libros pro Verbo Dei, non fuisse penes Sacerdotem. Neque tamen sequitur, autoritatem illam fuisse penes Prophetissam; quia de Prophetis, utrum pro veris habendi essent, necne, judicabant alii. Quorsum enim dedit Deus, notas & signa omni populo, quibus Prophetæ veri à falsis distinguerentur, nimirum prædictionum eventum, & conformitatem cum Religione à Mose instituta, si illis notis uti non liceret? Autoritas ergo admittendi libros pro Verbo Dei, penes Regem erat, adeoque liber ille legis approbatus & receptus fuit autoritate *Iessæ* Regis, ut apparet ex 4 Reg. 22, & 23, ubi narratur, convocasse eum Regni ordines, nempe Senes, Sacerdotes, Prophetas, & omnem populum; & coram ipsis librum legisse, & verba fœderis ejus suscitasse, hoc est, fecisse, ut Fœdus illud agnitum fuerit pro fœdere Mosaico, id est, pro Verbo Dei, & denuo receptum & confirmatum ab Israëlitis. Erat ergo etiam temporibus Regum potestas civilis, & potestas discernendi Verbum Dei à verbo hominum; & Verbum Dei interpretandi, omnis penes ipsos. Prophetæ missi erant non cum auctoritate, sed formâ & jure præconum seu prædicatorum, de quibus auditores judicabant: & siquidem, qui ipsi facilia perspicere docentibus non

non auscultarent, punirentur, non sequitur ex eo, obligatos fuisse Reges omnia sequi, quæ illi Dei nomine sequenda dicerent. Quamquam enim interfectus fuerit *Iosia* bonus Rex Iudæ, quod sermonibus Dei ex ore *Necho* Regis *Ægypti* non obediverit, id est, quod bonum consilium, quamquam ab hoste videretur proficisci, respiceret, non tamen dicit quisquam, fuisse *Iosiam* ullo vinculo *legum divinarum* vel *humanarum* obligatum credere *Pharaoni* *Necho* Regi *Ægypti*, quod diceret, *Deum sibi loquutum esse*. Quod autem obijcere quis possit, Reges propter defectum doctrinæ raro satis idoneos esse ad libros antiquos, quibus Verbum Dei continetur, interpretandum; atque ob eam rem non æquum esse, munus illud ab eorum auctoritate dependere; obijcere idem possit contra Sacerdotes & omnes mortales; possunt enim errare; licetque essent Sacerdotes ceteris hominibus naturâ & artibus melius instructi, sunt tamen Reges satis idonei ad tales interpretes sub se constituendos. Atque ita, quamquam Reges non interpretentur ipsi Verbum Dei, tamen interpretandi munus ab eorum auctoritate dependere potest; & qui idcirco auctoritatem illam Regibus abjudicant, quod ipsum munus exercere non possint, idem faciunt, ac si dicerent, non debere auctoritatem docendi Geometriam à Regibus dependere, nisi ipsi fuerint Geometræ. Reges orasse pro populo, populo benedixisse, templum consecrassse, Sacerdotibus præcepisse, Sacerdotes officio suo amovisse, alios constituisse legimus. Sacrificia quidem non obtulerunt, quia id *Aaroni* & filiis hæreditarium erat. Manifestum autem est, fuisse Sacerdotium, sicut vivente *Mosè*, ita per omne tempus à *Sancto* Rege ad captivitatem *Babylonicam*, non magisterium, sed ministerium.

XVII. Post reditum à servitute *Babylonica*, renovato & signato *facere* restitutum est *regnum Sacerdotale*, quale erat à morte *Iosue* ad initium Regum; nisi quod non haberetur expresse, quod *Ezra* (cujus auspiciis *Judei* reduces statum suum ordinabant) aut cuiquam alii præterquam ipsi Deo jus tradiderint imperii. Videtur potius reformatio illa nihil aliud esse, quam singulorum de iis quæ in libro legis scripta erant, observandis vota & promissa nuda. Veruntamen (forte non ex populi intentione) ex pacto, quod tum renovabant, (nam pactum erat idem cum eo quod factum est ad mortem *Sinai*) erat ille status *Regnum Sacerdotale*, hoc est, suprema autoritas civilis & sacra unica erat in Sacerdotibus. Utcunque autem ambitione eorum, qui de Sacerdotio contenderunt, & interventu Principum externorum, ita turbatum postea sit usque ad tempora *Servatoris nostri Jesu Christi*, ut ex historiis temporum illorum sciri non possit, ubi

Eisdem
fuisse in Sa-
cerdotibus
post captivi-
tatem.

ubi auctoritas illa resideret ; constat tamen, non fuisse illis temporibus potestatem interpretandi *Verbum Dei* à summa potestate civili separatum.

Apud Iudaeos negatio Providentiae divinae, & idololatria, sola erant crimina laesa Majestati divinae ; in ceteris omnibus Principibus suis parere debuerant.

XVIII. Ex his facile cognitu est, quid Iudaeis per omne tempus ab *Abrahamo* ad *Christum* circa mandata principum suorum faciendum erat. Sicut enim in Regnis merè humanis, magistratui subordinato obediendum est in omnibus, praeterquam cum mandata ejus continent in se crimen laesae majestatis ; ita in regno Dei, Principibus *Abrahamo, Isaaco, Jacobo, Moysi, Sacerdoti, Regi* cuique pro tempore suo obediendum in omnibus erat ; nisi ubi mandata eorum continebant crimen laesae majestatis divinae. Crimen vero laesae majestatis divinae erat, primo, negatio providentiae divinae ; erat enim hoc, negare Deum esse Regem per naturam. Deinde *Idololatria*, sive cultus deorum, non aliorum (unus enim est Deus) sed alienorum, hoc est, cultus, quamquam unius Dei, sub aliis nominibus, attributis, ritibusque, quam qui ab *Abrahamo & Moysi* instituti erant. Erat enim hoc negare Deum *Abraham* esse eorum Regem per Pactum cum *Abrahamo* & ipsis initum. In ceteris rebus omnibus obediendum erat : & siquidem Rex vel Sacerdos habeas summum imperium jussisset aliud aliquid contra leges, peccatum erat illud ejus, qui summum habebat imperium, non subditi ; cujus officium est mandata superiorum non disputare, sed exsequi.

C A P V T X V I I.

De Regno Dei per pactum novum.

- I. *Vaticinia de Christi dignitate.* II. *Vaticinia de Christi humilitate & passione.* III. *Iesum esse ILLUM CHRISTUM.* IV. *Regnum Dei per Pactum novum non esse Regnum Christi, ut Christi, sed ut Dei.* V. *Regnum Dei per pactum novum, caeleste esse, & incipere à die judicii.* VI. *Regimen Christi in hoc mundo non fuisse imperium, sed consilium, sive regimen per doctrinam & persuasionem.* VII. *Pacti novi promissa utrinque quoniam sint.* VIII. *Leges à Christo nullae additae praeter institutionem Sacramentorum.* IX. *Panitemini, Baptizamini, Serva mandata, & similes formulae non sunt leges.* X. *Pertinet ad auctoritatem civilem definire, quid sit peccatum injuriae.* XI. *Pertinet ad auctoritatem civilem definire, quid conducat ad pacem & defensionem civitatis.* XII. *Pertinet ad auctoritatem civilem judicare (quando opus est) quae definitiones, & quae illationes, verae sunt.* XIII. *Pertinet ad officium Christi docere moralia, non ut theoretica, sed ut leges ;*

leges; remittere peccata; & docere omnia, quorum non est scientia propriè dicta. xiv. *Distinctio Temporalium à Spiritualibus.* xv. *Verbum Dei quomultipliciter intelligatur.* xvi. *Non omnia quæ habentur in Scriptura sacra pertinere ad Canonem fidei Christianæ.* xvii. *Verbum legitimi interpretis sacrarum Scripturarum esse Verbum Dei.* xviii. *Autoritas interpretantis Scripturas eadem est, quæ determinandi fidei controversias.* xix. *Ecclesiæ plures significationes.* xx. *Quid sit Ecclesia, cui attribuantur iura, actiones, & similia personalia.* xxi. *Civitas Christiana idem quod Ecclesia Christiana.* xxii. *Plures civitates non constituunt unam Ecclesiam.* xxiii. *Ecclesiastici qui,* xxiv. *Electionem Ecclesiasticorum spectare ad Ecclesiam, consecrationem ad Pastores.* xxv. *Potestatem peccata penitentibus remittendi, non penitentium retinendi, spectare ad Pastores; sed de penitentia judicandi, ad Ecclesiam.* xxvi. *Excommunicatio quid, & in quos cadere non potest.* xxvii. *Interpretationem Scripturæ dependere ab auctoritate civitatis.* xxviii. *Christianam civitatem Scripturas interpretari debere per Pastores Ecclesiasticos.*

i. **D**E Iesu Christo Salvatore nostro, qui Regnum Dei per passum novum restitutus erat, partim dignitatem ejus Regalem, partim humilitatem & passionem prænunciantes, multæ in Testamento vetere exstant Prophetiæ non obscuræ. De dignitate inter alias hæ; benedicens Deus Abrahamo promittit ei filium Isaac, additque: *Et Reges populorum orientur ex eo*, Gen. 17, vers. 16. Iacobus benedicens filio suo Judæ: *Non auferetur (inquit) sceptrum de Juda*, Gen. 49, vers. 10. Deus ad Moysen: *Prophetam (inquit) suscitabo eis ex medio fratrum suorum similem tui, & ponam verba mea in ore ejus; loqueturque ad eos omnia quæ præcepero illi. Qui autem verba ejus, quæ loquetur, in nomine meo audire noluerit, ego ultor existam*, Deut. 18, vers. 18. Isaïas: *Dabit Dominus ipse vobis signum. Ecce virgo concipiet & pariet filium, & vocabitur nomen ejus Emmanuel*, Isa. 7, vers. 14. Idem: *Parvulus natus est nobis, & filius datus est nobis, & factus est Principatus super humerum ejus: & vocabitur nomen ejus Admirabilis, Consiliarius, Deus fortis, Pater futuri sæculi, Princeps pacis*, Isa. 9, 6. Rursus: *Egredietur virga de Radice Jesse, & flos de Radice ejus ascendet: requiescat super eum Spiritus sapientiæ, &c. Non secundum visionem oculorum judicabit; neque secundum auditum aurium arguet; sed judicabit in iustitiis pauperes, &c. & percutiet terram virgâ oris sui, & spiritui labiorum interficiet impium*, Isa. 11, vers. 1, 2, 3, 4, 5. Præterea ejusdem Isaïæ capitibus 51, 52, 53; 54, 55, 56, 60, 61, 62, penè nihil aliud continetur, præter descriptionem adventus & operum futuri Christi.

El. Phil. sect. 3.

V V V

Icre-

Vaticinia de
Christi di-
gnitate.

Jeremias : Ecce dies venient , dicit Dominus , & feriam domui Israel & domui Iudæ fœdus novum , &c. Ier. 31. vers. 31. Baruch : Hic est Deus noster , &c. Post hæc in terris visus est , & cum hominibus conversatus est. Bar. 3. vers. 36, 38. Ezechiel : Suscitabo super eas pastorem unum qui pascat eas , servum meum David , & faciam cum eis Pactum pacis. Ezech. 34. vers. 23. Daniel : Aspiciebam ergo in visione noctis , & ecce cum nubibus cœli quasi filius hominis veniebat , & usque ad antiquum dierum pervenit , & dedit ei potestatem & honorem & regnum , & omnes populi , & tribus & lingua ipsi servient , potestas ejus potestas æterna. Dan. 7. vers. 13. Aggæus : Adhuc unum modicum est , & ego commovebo cælum & terram , & mare & aridam , & movebo omnes gentes , & veniet desideratus cunctis gentibus. Aggæus 2. vers. 7, 8. Zacharias sub visione Iesu magni Sacerdotis : Adducam servum meum Orientem , &c. Zachar. 3. vers. 8. & rursus : Ecce vir Oriens nomen ejus. Zach. 6. vers. 12. Et rursus : Exulta satis filia Sion , jubila filia Ierusalem , Ecce Rex tuus & Salvator. Zach. 9. vers. 9. His aliisque vaticiniis permoti , expectarunt Iudæi Christum , Regem à Deo mittendum , qui ipsos redimeret , & præterea omnibus gentibus imperaret. Imo in totum imperium Romanum vaticinium emanaverat (quod etiam in favorem inceptorum suorum , etsi falso interpretatus est imperator Vespasianus) Ex Iudæa venturum , qui verum potiretur.

Vaticinia de
Christi hu-
militate &
passione.

II. Vaticinia autem de humilitate & passione Christi. inter alia hæc sunt. Iesaiæ : Languores nostros ipse tulit , & dolores nostros ipse portavit : & nos putavimus eum quasi leprosum , & percussum à Deo & humilitatum. Iesa. 53. vers. 4. Et mox : Oblatus quia ipse voluit , & non aperuit os suum , sicut ovis ad occisionem ducetur , & quasi agnus coram tondente se , obmutescet , &c. vers. 7. Et rursus : Abscisus est de terra viventium , propter scelus populi percussus enim , &c. vers. 8. Et ideo disperitiam ei plurimos , & fortium dividet spolia , pro eo , quod tradidit in mortem animam suam & cum sceleratis reputatus est , & ipse peccata multorum tulit , & pro transgressoribus rogavit. vers. 12. Et Zachariæ : Ipse pauper ascendens super asinam , & super pullum filium asinæ. Zach. 9. vers. 9.

Iesum esse
vitem Chris-
tum.

III. Imperante Tiberio Cesare prædicare cœpit Servator noster IESUS Galilæus , filius (ut putabatur) Iosephi , annuncians populo Iudæorum Regnum Dei ab ipsis expectatum appropinquasse ; & esse se Regem , id est , CHRISTUM ILLUM ; Legem explicans : Apostolos duodecim , & discipulos septuaginta , secundum numerum Principum tribuum , & septuaginta Seniorum , (ad similitudinem Moysi) in ministerium assumens ; viam salutis per se & per illos docens ; Tem-

Templum purgans, signa ingentia faciens, & ea omnia adimplens, quæ Prophetæ de futuro *Christo* vaticinati fuerant. Hunc Pharisæis (quorum doctrinam falsam, & simulatam sanctitatem reprehenderat) & per eos populo invisum, regni affectati accusatum, & crucifixum, descriptâ ejus Genealogiâ, nativitate, vitâ, doctrinâ, morte & resurrectione, comparandoque ea quæ fecit, cum iis quæ prædicta fuerunt, verum fuisse *CHRISTUM*, & *Regem* à Deo promissum, & ad renovandum inter ipsos & Deum *Pactum novum* à Deo Patre missum, & ostendunt Evangelistæ, & Christiani omnes consentiunt.

IV. Ex eo, quod *CHRISTUS* à Deo Patre missus fuerit ad percutiendum *sædus* inter ipsum & populum, manifestum est, et si *Christus* Patri suo æqualis sit quoad naturam, minorem tamen fuisse quoad jus Regni. Etenim munus tale propriè loquendo, non Regium est; sed Pro-regium, quale erat regimen Moïsis. Regnum enim non ejus, sed *Patris* erat. id quod *CHRISTUS* significavit ipse, cum ut subditus baptizaretur, & apertè professus est, quando orare docuit: *Pater noster, &c. adveniat Regnum tuum.* Et ubi dixit: *Non bibam, &c. usque in diem illud, cum bibam illud vobiscum novum in Regno Patris mei.* Matth. 26, vers. 29. & Sanctus Paulus: *Sicut in Adam omnes moriuntur; ita in Christo omnes vivificabuntur; unusquisque autem in suo ordine; primitiæ Christus; deinde ii qui sunt Christi, qui in adventu ejus crediderunt; deinde finis, cum tradiderit Regnum Deo & Patri.* 1 Cor. 15, vers. 22, 23, 24. Idem tamen appellatur etiam *Regnum Christi*. Nam & mater filiorum Zebedæi rogavit *CHRISTUM* dicens: *Dic, sed deant hi duo filii mei unus ad dextram tuam & unus ad sinistram in Regno tuo.* Matth. 20, vers. 21. Et latro in cruce: *Domine, memento mei, cum veneris in Regnum tuum.* Luc. 23, vers. 42. Et Sanctus Paulus: *Hoc enim scire intelligentes, quod omnis fornicator &c. non habet hereditatem in Regno Christi & Dei.* Eph. 5, v. 5. Alibi: *Testificor coram Deo & Iesu Christo qui judicaturus est vivos & mortuos per adventum ipsius & Regnum ejus.* 2 Tim. 4, v. 1. Et, *liberavit me Dominus ab omni opere malo, & salvum faciet in Regnum suum cæleste.* v. 18. Neque mirandum est idem regnum utrisque tribui; quum uterque *Pater* & *Filius*, idem sit *Deus*; & *Pactum novum* de Regno Dei non sit propositum in nomine *PATRIS*, sed in nomine, *PATRIS, FILII, & SPIRITUS SANCTI*, ut *unius Dei*.

V. Regnum autem Dei, cujus restituendi causa *CHRISTUS* à Deo Patre missus est, non antè initium sumit, quàm ab adventu ejus secundo, nimirum à die *juicii*, cum venturus est in majestate comitantibus Angelis. Promissum enim est Apostolis, in Regno Dei, judica-

Regnum Dei per Pactum novum, non esse regnum Christi, ut Christi, sed ut Dei.

Regnum Dei per pactum novum cæleste esse, & incipere à die judicii.

turos se duodecim tribus Israel. *Vos qui sequuti estis me in regeneratione, cum sederit filius hominis in sede maiestatis suæ, sedebitis & vos iudicantes duodecim tribus Israel*, Matth. 19, vers. 29. Id quod præstandum non est, nisi in die iudicii. nondum ergo est CHRISTUS in sede Maiestatis suæ. Neque tempus quo CHRISTUS in terris versatus est, regnum dicitur, sed regeneratio, hoc est, renovatio, sive restitutio Regni Dei, & evocatio eorum qui in regnum futurum recipiendi erant. Et ubi dicitur, *Cum venerit filius hominis in maiestate sua, & omnes Angeli cum eo, tunc sedebit super sedem maiestatis suæ, & congregabuntur ante eum omnes Gentes, & separabit eos ab invicem; sicut Pastor segregat oves ab hædis*; Matth. 25, v. 31. manifestè colligitur, nullam futuram separationem, quoad locum, subditorum Dei ab ipsius hostibus; sed permixtim victuros esse usque in adventum CHRISTI futurum. Id quod confirmatur etiam per comparationem Regni Cœlorum tum tritico zizaniis mixto; & cum reti omne genus piscium comprehendente. At regnum propriè dici non potest multitudo hominum ex subditis & hostibus simul promiscuè habitantibus. Præterea Apostoli, cum Servatorem nostrum interrogarent, an in eo tempore, quo ascenderet in cœlum, restitutus esset Regnum Israël, aperte testabantur, putare se tunc, cum CHRISTUS ascenderet, Regnum Dei nondum advenisse. Porro verba CHRISTI, *Non est regnum meum de hoc mundo. Et: non bibam &c. donec Regnum Dei veniat. Et: Non misit Deus filium suum in hunc mundum, ut iudicet mundum, sed ut salvetur mundus per illum. Et: si quis non audierit verba mea, & non custodierit, ego non iudico eum; non enim veni, ut iudicem mundum, sed salvificem mundum. Et: Homo, quis me constituit iudicem, aut divisorem inter vos?* & ipsa appellatio Regni cœlestis idem testatur. Idem colligitur ex verbis Prophetæ Ieremiæ loquentis de Regno Dei per pascuum rovrin: *Non docebit vir ultra proximum suum, & vir fratrem suum, dicens, cognosce Dominum; omnes enim cognoscent me à minimo eorum usque ad maximum, ait Dominus, Jerem. 31, vers. 34.* Id quod de Regno huius mundi intelligi non potest. Regnum igitur Dei cuius constituendi causa CHRISTUS in hunc mundum venit; de quo Prophetæ vaticinati sunt; & de quo orantes dicimus: *Adveniat Regnum tuum*, (si subditos ab hostibus loco separatos, si iudicia, si maiestatem habere debet, prout est prædictum,) ab eo tempore incipiet, in quo Deus oves ab hædis separabit; in quo Apostoli iudicabunt 12 Tribus Israël; in quo CHRISTUS veniet in Maiestate & gloria; in quo denique omnes cognoscent Deum, ita

ut non opus sit doceri, id est, in secundo CHRISTI adventu, sive die iudicii ultimi. Quodsi regnum Dei restitutum jam esset, nulla ratio reddi posset, quare CHRISTUS completo opere propter quod missus est, iterum venire, aut quare sic precaremur: Adventat Regnum tuum.

V I. Quamquam autem *Regnum Dei per CHRISTUM Facere novo* constituendum, cœleste fuerit, non est ideo putandum, eos, qui in CHRISTUM credentes Pactum illud intrent, non fore etiam in terris ita regendos, ut in fide sua & obedientia pacto promissa perseverarent. Frustra enim fuisset regnum cœleste, & promissa patria, nisi in ipsam perducendi essemus. Perduci autem non possunt; nisi qui in via diriguntur. *Moses* cum instituisse *Regnum Sacerdotale*; ipse per totum tempus peregrinationis usque ad ingressum terræ promissæ, etsi non esset Sacerdos, populum tamen rexit, & conduxit. Eadem ratione Servatoris nostri est, (quem similem *Mosi* ea in re Deus esse voluit) quatenus à Patre missi, Cœlestis civitatis futuros cives, etiam in hac vita ita regere, ut in illam pervenire & ingredi possint, etiam si Regnum non ejus propriè, sed Patris fuerit. Sed Regimen quo fideles suos in hac vita CHRISTUS regit, non est propriè *Regnum*, sive *Imperium*; sed *munus Pastoritum* sive *jus docendi*, id est, non dedit ei Deus Pater potestatem *judicandi*, de meo & tuo, sicut Regibus terræ; nec potestatem *cogendi* per pœnas; neque *leges ferendi*; sed mundo ostendendi, & *docendi viam & scientiam salutis*, hoc est, *prædicandi & explicandi*, quid faciendum iis est, qui in *regnum cœlorum* intraturi sunt. Quod non habuerit CHRISTUS potestatem à Patre ad *judicandum* in quæstionibus *Mei & Tui*, hoc est, in omnibus quæstionibus juris, inter eos, qui non crediderunt; satis ostendunt verba illa CHRISTI suprâ citata: *Homò, quis me constituit judicem aut divisorem inter vos?* Et ratione confirmatur; cum enim CHRISTUS missus fuerit ad *Pactum* inter Deum & homines *percutiendum*, neque obligatur quisquam ad obedientiam præstandam ante pactum initum, si judicasset de quæstionibus juris, nemo sententiæ ejus teneretur obedire. Sed cognitionem juris non fuisse CHRISTO commissam in hoc mundo, neque inter fideles, neque inter infideles, ex eo apparet, quod jus illud sine controversia pertineat ad *Principes*, quamdiu auctoritati eorum à Deo non derogatur. non autem derogatur ante diem iudicii, ut apparet ex verbis sancti Pauli loquentis de die iudicii: *Deinde finis* (inquit) *cum tradideris regnum Deo & Patri, cum evanuerit omnem Principatum & potestatem, & virtutem*, 1 Cor. 75.

v. 24. Secundo, verba Servatoris nostri, *Iacobum & Iohannem*, ubi dixissent, *Vs dicamus ut ignis descendat de caelo & consumat illos?* (nimirum Samaritanos, qui euntem in *Ierusalem* noluerunt hospitio accipere) increpantis dicentisque: *Filius hominis non venit animas perdere sed salvare.* & illa: *ecce misit vos, ut oves in medio luporum.* Excussit pulverem. & similia. & verba illa: *Non misit Deus Filium suum in hunc mundum, ut iudicet mundum, sed ut salvetur mundus per illum.* Et illa, *Si quis audierit verba mea & non custodierit, ego non iudico eum, non enim veni, ut iudicem mundum, &c.* ostendunt non fuisse datam ei potestatem quemquam condemnandi, aut puniendi. Legitur quidem: *Pater non iudicat quemquam, sed omne iudicium dedit Filio.* illud verò cum intelligi possit & debeat de die iudicii futuri, antecedentibus non repugnat. Quod denique missus non sit ad leges novas ferendas, neque ergo fuerit ex officio & missione legislator propriè dictus, sicuti neque *Moses*, sed lator & promulgator legum paternarum (Deus enim, non *Moses* neque *CHRISTUS*, ex pacto Rex erat) ex eo colligitur, quod dixerit: *Non veni solvere*, (nimirum leges antea à Deo latas per *Mosen*, quas statim interpretatur) *sed adimplere.* Et: *Qui solverit unum de mandatis illis minimis & docuerit sic homines, minimus vocabitur in Regno Caelorum.* Non ergo habuit *CHRISTUS* à Patre sibi commissam auctoritatem Regiam aut imperatoriam in mundo, sed consiliariam & doctrinalem tantum; id quod significat ipse tum ubi vocat *Apostolos* non venatores, sed piscatores hominum; tum ubi comparat regnum Dei grano sinapis & fermento abscondito in farina.

VII. Promisit Deus primum *Abrahamo* semen numerosum, possessionem terræ *Chanaan*, & benedictionem gentium in semine ejus, ea lege, ut ipse & semen ejus ei servirent; deinde semini *Abrahami* secundum carnem *Regnum Sacerdotale*, *Regimen liberrimum*, in quo nulli humano imperio subijciendi erant, ea lege ut servirent Deo *Abrahami* eo ritu, quem doceret *Moses*; Postremò & illis & omnibus gentibus *Regnum Cæleste*, & æternum, ea lege ut servirent Deo *Abrahami* eo ritu, quem doceret *CHRISTUS*. Pacto enim novo, hoc est, *Christiano*, conventum est ex parte Hominum, ut Deo servirent *Abrahami*, eo ritu, quem doceret *IESUS*: ex parte Dei, ut remitteret illis peccata, & in *Regnum Cæleste* ipsos introduceret. De Regno Cælesti, quale fuerit, diximus supra articulo quinto. Appellari autem solet, quandoque *Regnum Cælorum*, quandoque *Regnum Gloriæ*, quandoque *vita æterna*. Quod requiritur ex parte Hominum, nempe servire Deo, prout docuerit *CHRISTUS*, duo continet, *obedientiam Deo præstandam*, (hoc enim est servire Deo) & *Fidem in IESUM*, nempe,

de Pacti novi
promissa
utrumque
quantum
fuit.

ut credamus, JESUM esse ILLUM CHRISTUM, à Deo promissum; ea enim sola causa est, quare illius potius quam alterius sequenda sit doctrina. *Obedientiæ* autem loco in sacris Scripturis sæpius ponitur *pœnitentia*, propterea quod CHRISTUS ubique docet, voluntatem apud Deum pro facto haberi: *pœnitentia* autem obedientis animi signum est infallibile. His intellectis, eas esse *fœderis Christiani* condiciones, quas diximus; nempe ex parte Dei, dare hominibus Remissionem peccatorum & vitam æternam; ex parte hominum, pœnitere, & credere in JESUM CHRISTUM: ex multis locis Scripturæ sacræ evidentissimè apparebit. Primò verba illa: *Appropinquavit Regnum Dei, pœnitementi & credite Evangelio*; Marc. 1, v. 15, continent pactum totum. Similiter illa: *Quoniam sic scriptum est, & sic oportebat Christum pati & resurgere à mortuis tertia die, & prædicari in nomine ejus Pœnitentiam, & Remissionem peccatorum in omnes Gentes, incipientibus ab Ierosolymis*. Luc. 24, v. 46, 47. & illa: *Pœnitementi & convertimini, ut deleantur peccata vestra, ut cum venerint tempora refrigerii, &c.* Act. 3, v. 19. Aliquando vero altera pars proponitur expresse, altera subintelligitur, ut hic: *Qui credit in filium habet vitam æternam; qui incredulus est filio, non videbit vitam, sed ira Dei manet super eum*. Joh. 3, v. 36. Ubi *Fides* exprimitur, *Pœnitentia* tacetur. Et in Prædicatione CHRISTI, *Pœnitementi*: *appropinquavit enim Regnum Dei*. Matth. 4, v. 17. Ubi *Pœnitentia* exprimitur, subauditur *fides*. Sed manifestissime, & formalissimè *contractus novi*, partes ibi explicantur, ubi Princeps quidam regnum Dei tanquam licitans, Servatorem nostrum interrogat: *Magister bone, quid faciens vitam æternam possidebo?* Luc. 18, v. 18. Proponit autem primo CHRISTUS partem pretii-unam, nempe observationem præceptorum, sive obedientiam, quam cum præstitisse se respondisset, adjungit alteram, *Vnum*, inquit, *desest; omnia quæcumque habes vende, & da pauperibus, & habebis thesaurum in cælo, & veni sequere me*. v. 22. Hoc *fidei* erat. Is itaque non satis credens CHRISTO & thesauris cœlestibus tristis abiit. Continetur autem idem pactum his verbis: *Qui crediderit & baptizatus fuerit salvus erit, qui vero non crediderit condemnabitur*. Marc. 16, v. 15, 16. Ubi *Fides* exprimitur, *Pœnitentia* in baptizatis supponitur. Et his, *Nisi quis renatus fuerit ex aqua & Spiritu sancto, non potest introire in Regnum Dei*. Joh. 3, v. 5. Ubi *renasci ex aqua* idem est quod regeneratio, id est, conversio ad CHRISTUM. Quod autem duobus locis proximè citatis, aliisque requiratur *Baptismus*, intelligendum est, sicut *circumcisio* erat, ad pactum vetus; ita esse *Baptismus* ad pactum novum. Cum ergo illa non ad essentiam, sed ad memoriam

pacti

pacti veteris, ut ceremonia, & signum pertinuerit (quod in deserto omisum est) similiter etiam hæc, non ad essentiam ipiti fœderis novi, sed ad memoriam & signum adhibita est; & modo voluntas adsit, per necessitatem omitti quoad actum potest; *Pœnitentia* autem & *Fides*, quæ de essentia *pacti* sunt, semper requiuntur.

Leges à Christo nullæ additæ, præter institutionem Sacramentorum.

VIII. In Regno Dei post hanc vitam *leges futuræ nullæ sunt*; tum quia neque legibus locus est, ubi peccato non est; tum etiam quia leges à Deo nobis datæ sunt, non ut in cælo, sed ad cælum dirigamur. Quas igitur leges CHRISTUS (non ipse sanxit, nam auctoritatem legislativam, ut supra articulo sexto ostensum est, assumere sibi noluit, sed) pro paternis proposuit, id nunc inquiramus. Habemus autem locum Scripturæ, ubi *leges Dei* usque ad id tempus traditæ, omnes contrahit in præcepta duo: *Diliges Dominum Deum tuum in toto corde, & in tota anima tua, & in tota mente tua: hoc est maximum & primum mandatum.* Secundum autem simile est huic: *diliges proximum tuum sicut te ipsum: in his duobus mandatis universa lex pendet, & Propheta,* Matth. 22, v. 37, 38, 39, 40. Horum quidem primum datum antè est per Moysen totidem verbis, Deut. 6, v. 5. Secundum autem etiam ante Moysen. est enim lex naturalis, initium habens cum ipsa natura rationali. Est autem utrumque simul omnium legum summa. nam continentur omnes leges cultus divini naturalis in his verbis, *diliges Deum*: & omnes leges cultus divini, ex *pacti veteri* debiti, in eo, quod dicitur: *diliges Deum tuum*, hoc est, Deum quatenus Regem peculiariter Abrahami & seminis ejus: & omnes leges naturales & civiles his verbis: *diliges proximum tuum, sicut te ipsum.* Nam qui diligit Deum, & proximum, animum habet obediendi, & divinis & humanis legibus. Amplius autem quam animum obediendi Deus nihil exigit. Habemus alium locum, ubi CHRISTUS *leges interpretatur*, nempe quintum, sextum, & septimum Sancti Matthæi capita integra. Ex verò leges omnes habentur, vel in *decalogo*, vel in *lege morali*, vel continentur in *fide Abrahami*. ut continentur in *fide Abrahami* illa de non repudianda uxore. illud enim, *erunt duo in carne una*, neque à CHRISTO primo, neque à Moysen, sed ab Abrahamo traditum est, qui primus mundi creationem prædicavit. Leges igitur quas CHRISTUS in altero loco contrahit, in altero explicat, aliæ non sunt quam illæ, ad quas tenentur omnes mortales qui agnoscunt Deum Abrahami. Præter has nullam legem à CHRISTO traditam legimus præter institutionem Sacramentorum: *Baptismi & Eucharistiæ.*

Pœnitentini, baptizantini, serva.

IX. Quid ergo dicetur de præceptis hujusmodi: *Pœnitentini. Baptizantini. Serva mandatum. Credite Evangelio. Venite ad me. Vende omnia quæ habes,*

habes, da pauperibus, sequere me. & similibus? Dicendum est, non esse leges, sed vocationem ad fidem, quale est illud Iesaiæ, *Venite, emite absque argento & absque ulla commutatione vinum & lac*, Isa. 55, v. 1. Neque si vocati non veniunt, propterea peccant contra ullam legem, sed contra prudentiam tantum; neque punietur infidelitas, sed peccata priora. Quare sanctus Iohannes de incredulo dicit: *ira Dei manet super illum*. non dicit: *ira Dei veniet super illum*. Et: *Qui non credit jam iudicatus est, quia non credit*. non dicit: *iudicabitur*, sed *jam iudicatus est*. Imo non satis concipi animo potest, remissionem peccatorum, beneficium esse à fide, nisi etiam è contrariò intelligatur, punitionem peccatorum, damnum esse ab infidelitate.

*mandata
& similes
formulae, non
sunt leges.*

X. Ex eo, quod Servator noster Principum subditis & civitatum civibus, nullas leges præscripfit distributivas, hoc est, regulas nullas dedit, quibus civis scire, & dignoscere possit, quid sit *summi* sibi proprium, quid *alienum*, neque quibus formulis, verbis, circumstantiisve dari, tradi, invadi, possideri rem oporteat ut accipientis, invadentis, vel possidentis jure existimetur, intelligendum necessarium est, non tantum apud infideles inter quos ipse CHRISTUS iudicem se & distributionem esse negavit, sed etiam apud Christianos, cives singulos regulas illas accipere debere à civitate, hoc est, ab eo homine vel eâ curiâ, quæ civitatis summum habet imperium. Sequitur ergo legibus illis non Occides, non Machabere, non Furabere, Parentes honorabis, nihil aliud præcepisse, quam ut cives & subditi suis principibus & summis Imperantibus in quæstionibus omnibus, circa *meum, tuum, suum, alienum*, absolute obedirent. Etenim præcepto: *Non occides*, non omnis occisio prohibetur. nam qui dixit *non occides*, idem dixit: *occidatur is, qui fecerit opus in subbato*, Exod. 35, v. 2. Neque omnis occisio causa inaudita. dixit enim occidat unusquisque fratrem & amicum & proximum suum, Exod. 32, v. 27. & occisa sunt tria & viginti millia hominum. Neque omnis occisio hominis innocentis. vocit enim Iephthe, *quicumque fueris egressus, &c. eum holocaustum offeram Domino*, Iud. 11, v. 31. & votum ejus Deo acceptum est. Quid ergo prohibetur? Hoc tantum, ne quis occidat quemquam, quem occidere non sit ipsi jus, id est, nemo occidat, nisi id facere *suum* sit. Iubet ergo lex CHRISTI, circa occisionem, & proinde etiam circa omnem læsionem hominis & circa pœnas statuendas, soli civitati obedire. Similiter præcepto *non Machabere* non prohibetur omnis concubitus, sed tantum cum *aliena*; quæ vero *aliena* est, judicatio ad civitatem pertinet, & per regulas quas præscribet civitas, determinanda est. Imperatur ergo præcepto hoc mari & foeminae, servare fidem, quam dederint mutuo,

*Pertinet ad
antiquitatem
evangelii de-
finire, quid
sit peccatum
iniustitia.*

ex præscripto civitatis. Pariter præcepto, *non Furabere*, non prohibetur omnis rei invasio, aut clandestina ablatio, sed alienæ tantum: jubetur ergo civis hoc unum, ne invadat aut surripiat quicquam, quod invadi aut surripi prohibet civitas; & in universum non vocare quicquam *homicidium*, *adulterium*, vel *furtum*, nisi quod fiat contra leges civiles. Postremò, cum jusserit CHRISTUS parentes honorare, nec præscripsit quibus ritibus, quibus appellationibus, quali obedientia honorandi sunt, intelligitur honorandos esse voluntate quidem & internè, ut filiorum suorum reges & dominos, externè verò non ulterius, quàm permittit civitas, quæ *summum cuique* (sicut & res alias) *honorem* assignabit. Cum autem natura justitiæ in eo consistat, ut *summum* cuique tribuatur, manifestum est, ad civitatem pertinere etiam Christianam, quid sit justitia, & quid injustitia, sive peccatum contra justitiam, determinare. Quod autem ad civitatem pertinet, id pertinere censendum est ad eum vel eos, qui habent summum civitatis imperium.

Pertinet ad
auctoritatem
civilem de-
finire, quid
conducatur ad
pacem &
defensionem
civitatis.

XI. Porro quoniam Servator noster civibus nullas indicavit leges circa civitatis regimen, præter leges naturæ, hoc est, præter mandatum obedientiæ civilis, non potest civis quisquam privatim determinare, quis sit amicus, vel quis hostis publicus, quando bellum, quando fœdus, quando pax, quando induciæ ineundæ sint; neque qui cives, quæ & quorum hominum autoritas, quæ doctrinæ, qui mores, quæ orationes, quæ combinationes, & quorum hominum, salutis civitatis vel commodæ vel adversæ sint. Hæc ergo & similia omnia, à civitate, id est, à summis imperantibus, si opus sit, discenda sunt.

Pertinet ad
auctoritatem
civilem, ju-
dicare
(quando
opus est) qua
definitiones,
& quæ illas
tiones vera
sint.

XII. Præterea, hæc omnia, propugnacula, domos, templa ædificare; pondera ingentia movere, ferre, tollere; maria tutò transmittere; machinas ad omnem vitæ usum construere; orbis terrarum faciem, siderum cursus, anni tempestates, temporum rationes, & denique naturam rerum cognoscere; jura naturalia & civilia callere; scientiæque omnes, quæ Philosophiæ nomine comprehenduntur, partim ad vivendum, partim ad bene vivendum necessariæ sunt. Horum scientia (quia CHRISTUS eam non tradidit) ratiocinatione, id est, texendo consequentias initio sumto ab experientiis, addiscenda est. Sed ratiocinationes hominum, interdum rectæ, interdum erroneæ sunt, & proinde id quod concluditur & tenetur pro veritate, quandoque veritas, quandoque error est. Errores autem, etiam circa Philosophica hæc, aliquando nocent publicè, magnarumque seditionum & injuriarum occasionem præbent. Oportet igitur, quoties repugnans bono publico, & paci communi controversia de his rebus oritur, esse aliquem qui de ratiocinatione, id est, an quod inferitur,

rectè

rectè inferatur, necne, sententiam ferat, ut controversia finiatur. Nullæ autem in hanc rem datæ regulæ sunt à CHRISTO; neque enim venit in hunc mundum ut doceret *logicam*. Reliquum igitur est, iudices talium controversiarum eisdem esse, quos Deus per naturam prius instituerat, nimirum, eos, qui à summo Imperante in unaquaque civitate constituuntur. Porro si controversia, de eorum, quæ in usu communi sunt, nominum sive appellationum significatione accurata, & propria, id est, de definitionibus susciteretur, ita ut ad pacem civitatis, vel ad juris distributionem opus sit, ut determinetur, pertinebit determinatio ad civitatem. nam huiusmodi definitiones ex observatione diversorum conceptuum, ad quos significandos appellationes illæ diversis temporibus & causis adhibentur, homines ratiocinando expiscantur. Decisio autem quæstionis, an quis rectè ratiocinatus fuerit, civitatis est. Exempli causa: si mulier partum ediderit formæ insolitæ; vetet autem *lex* hominem occidere; nascitur quæstio an partus sit homo. Quæritur ergo, quid sit homo. Nemo dubitat, quin iudicabit civitas, idque nulla habita ratione definitionis Aristotelicæ, quod Homo sit Animal rationale. Atque hæc (nimirum *jus, politia, & scientiæ naturales*) subjecta sunt, de quibus CHRISTUS præcepta tradere, aut quicquam docere, præter hoc unum, ut in omnibus circa illa controversiis cives singuli civitatis suæ legibus & sententiis obedirent, ad officium suum pertinere negat. Hoc tamen meminisse oportet, eundem CHRISTUM ut Deum potuisse jure non modo docere, sed etiam imperare quæ voluit.

XIII. Officii Servatoris nostri summa erat, viam docere, & media omnia ad salutem & vitam æternam; mediorum autem ad salutem unum est, *justitia & obedientia civilis, & observatio omnium legum naturalium*. Doceri autem possunt hæc duobus modis. altero, ut theorematibus per rationem naturalem; deducendo jus & leges naturales à principiis contractibusque humanis; atque doctrina ea sic tradita, examini potestatum civilium subjecta est. altero, ut leges, per autoritatem divinam, ostendendo, talem esse voluntatem Dei; atque hoc modo docere, ad eum solum pertinet, cui voluntas Dei supernaturaliter cognita est, hoc est, ad CHRISTUM. Secundo, ad officium CHRISTI pertinebat condonare pœnitentibus peccata; nam id ad hominum, qui jam peccaverant, salutem necessarium erat, neque ab alio fieri potuit. Non enim pœnitentiam sequitur remissio peccatorum naturaliter, (ut debita) sed dependet (ut gratuita) à voluntate Dei supernaturaliter revelanda. Tertio, ad Christi officium pertinebat, docere ea mandata Dei omnia, sive circa cultum, sive circa dogmata fidei, quæ

Pertinet ad officium Christi docere moralia, non ut theorematibus, sed ut leges, remittere peccata, & docere omnia quorum non est scientia propria dicta.

ratione naturali sciri non possunt, sed revelatione tantum; qualia sunt ipsum esse Christum; *Regnum suum non esse terrestre, sed cœleste; esse præmia & pœnas post hanc vitam; animam esse immortalem; Sacramenta tot & talia fore; & similia.*

*Distinctio
temporalium a spiri-
tualibus.*

XIV. Ex iis, quæ dicta sunt in articulis proxime præcedentibus, non est difficile distinguere inter *spiritualia & temporalia*. Cum enim per *spiritualia* ea intelligantur quæ fundamentum habent in autoritate & officio CHRISTI, neque nisi ea CHRISTUS docuisset, sciri possent; sintque cætera omnia temporalia; sequitur, definitionem & sententiælationem, circa *justum & injustum*, cognitionem controversiarum omnium circa *media pacis vel defensionis publicæ*, & examen doctrinarum librorumque in omni *scientia rationali, iuris esse temporalis*. Quæ verò à CHRISTI verbo & autoritate tantum dependentia, *mysteria fidei* sunt, eorum judicationem *iuris esse spiritualis*. Definire autem, quid sit *spirituale*, quid *temporale*, quoniam Servator noster distinctionem illam non tradidit, rationis inquisitio est, pertinetque ad *ius temporale*. Quamquam enim sanctus Paulus multis in locis distinguat inter *spiritualia & carnalia*, vocetque *spirituala*, ea, quæ sunt Spiritus, nimirum *sapientiam, sermonem scientiæ, fidem, facultatem sanandi morbos, operationem miraculorum, prophetiam, discretionem spirituum, scientiam linguarum, interpretationem sermonum*, Rom. 8, 5. 1 Cor. 12, 8, 9. omnia per Spiritum Sanctum supernaturaliter inspirata, & ea quæ *animalis homo* non potest intelligere, sed ille tantum, qui cognovit sensum Christi: 2 Cor. 2, 14, 15, 16. bona verò fortunæ *carnalia* vocet, Rom. 15, 27. & eos, qui homines sunt, *carnales*: 1 Cor. 3, 1, 2, 3. non tamen definiit, neque regulas dedit, quibus sciamus quid à ratione naturali, quid à supernaturali inspiratione proficiatur.

*Verbum Dei
quæsuppliciter
intelligatur.*

XV. Cum igitur constet, Servatorem nostrum judicandi determinandique controversias omnes circa *temporalia*, summam autoritatem commisisse, vel potius non abstulisse Principibus, iisque qui in singulis civitatibus summum obtinent imperium. Videndum deinceps est, cui commiserit similem autoritatem circa *spiritualia*. Id quia sciri non potest nisi ex *Verbo Dei*, & *Ecclesiæ traditione* inquirendum proximo loco est; quid sit *Verbum Dei*; quid illud interpretari; quid *Ecclesia* sit, & quid *Ecclesiæ voluntas & mandatum*. Ut omittamus, quod *Verbum Dei* in Scriptura sacra ponatur aliquando pro *Filip Dei*: accipitur ea vox tripliciter. Primo propriissime pro eo, quod Deus loquutus est; sic Verbum Dei est quicquid loquutus est Deus ad *Abrahamum & Patriarchas, Moysen & Prophetas*; vel Servator noster

noſter ad diſcipulos, & alios quoscuque. Secundò, quicquid dictum eſt ab hominibus juſſu vel impuſſu Spiritus ſancti; quo ſenſu agnoſcimus, Scripturas ſacras eſſe *Verbum Dei*. Tertiò quidem in novo teſtamento frequentiffimè *Verbum Dei* ſignificat doctrinam Evangelicam, ſive *verbum de Deo*, ſive *verbum de Regno Dei* per **CHRISTUM**. Ut ubi dicitur **CHRISTUS** prædicàſſe *Euangelium Regni*, Matth. 4, v. 23. Ubi Apoſtoli dicuntur prædicare *Verbum Dei*, Act. 13, v. 46. Ubi *Verbum Dei* appellatur *Verbum vitæ*, Act. 5, v. 20. *Verbum Evangelii*, Act. 15, verſ. 7. *Verbum Fidei*, Rom. 10, verſ. 8. *Verbum veritatis*, (addita interpretatione) id eſt, *Euangelium ſalutis*, Ephes. 1, 13. Et ubi appellatur *Verbum Apoſtolorum*. Dicit enim Sanctus Paulus: *Siquis non obediit verbo noſtro*, &c. 2 Theſſ. 3, v. 14. Quæ loca intelligi aliter non poſſunt quam de doctrina Evangelica. Similiter ubi dicitur *Verbum Dei diſſeminari*, *creſcere*, & *multiplicari*, Act. 12, v. 24. & cap. 13, v. 49. id de ipſa voce Dei, vel Apoſtolorum concipere difficile eſt; de doctrina facile. Atque in hac tertia acceptione, *Verbum Dei*, eſt omnis quæ hodie è cathedris docetur, & in Theologorum libri continetur doctrina de fide Chriſtiana.

XVI. Iam Scriptura ſacra, ut quam agnoſcimus à Deo inſpiratam, tota *Verbum Dei* eſt in ſecunda acceptione. Et innumera ejuſdem loca in prima. Et cum maxima pars ejus verſetur in *Regni caeleſtis* vel prædictione, vel præfiguratione, ante **CHRISTI** incarnationem, vel in Euangelizatione & explicatione, poſt etiam in tertia ſignificatione, ubi *Verbum Dei* ſumitur pro *Verbo de Deo*, id eſt, pro *Euangelio*, Scriptura ſacra eſt *Verbum Dei*, ideoque etiam *canon* & *regula* omniſ *doctrinæ Evangelicæ*. Quoniam autem in iſdem Scripturis multa leguntur *Politica*, *Hiſtorica*, *Moralia*, *Phyſica*, & alia, quæ nihil omnino ſpectant ad *Myſteria fidei*, ea loca etſi veram doctrinam contineant, & Canon ſint talium doctrinarum, non tamen Canon eſſe poſſunt myſteriorum Religionis Chriſtianæ.

XVII. Et quidem *Verbi Dei* non vox, & litera, doctrinæ Chriſtianæ Canon eſt, ſed ſententia vera & genuina; non enim regitur animus per Scripturas niſi intellectas. Scripturis igitur, ut fiant Canon interprete opus eſt. Sequitur autem hinc duorum alterum, aut verbum interpretis eſſe *Verbum Dei*, aut Canonem doctrinæ Chriſtianæ non eſſe *Verbum Dei*. Horum poſterius falſum eſſe neceſſe eſt. Doctrinæ enim, quæ nulla ratione humana, ſed per revelationem divinam tantum ſciri poteſt, regula eſſe non poteſt niſi divina. Quem enim fatemur ſcire non poſſe, an doctrina aliqua vera ſit necne, ejus ſententiam in eadem doctrina pro regula habere impoſſibile eſt. Prius igitur

Non omnia, quæ habentur in Scriptura ſacra, pertinere ad canonem fidei Chriſtianæ.

Verbum legitimi interpretu Scripturæ eſſe *Verbum Dei*.

verum est : *verbum interpretis* Scripturarum , esse *Verbum Dei*.

*Autoritas
interpretan-
di scriptu-
ras eadem
est , qua de-
terminandi
fides contra-
versas.*

XVIII. Interpres autem is , cujus sententiæ tantum honoris deferretur , ut habeatur pro *Verbo Dei* , non est quilibet qui ex lingua Hebræa & Græca vertit Scripturam auditoribus suis Latinis , Latine ; Gallis , Gallicè ; & cæteris singulis vernaculè ; non enim est hoc interpretari. Est enim ea universum sermonis natura , ut quamquam inter signa quibus conceptus nostros aliis patefacimus , principem locum mereatur , non tamen id munus explere solus sine ope multarum circumstantiarum possit. Habet enim viva vox præsentis interpretis , nimium tempus , locum , vultum , gestum , consilium loquentis , atque etiam ipsum , qui loquitur , animum suum aliis verbis , quories opus est , explicantem. Hæc interpretationis adjumenta in scriptis veteris ævi desiderata revocare , neque ingenii quotidiani , neque sine eruditione & rerum antiquarum summa peritia omnino ingenii est. Non sufficit igitur ad interpretationem scripturarum , ut quis linguam calleat , quæ loquuntur. Neque interpres Scripturæ canonicus unusquisque est , qui commentarios in eas scribit. Possunt enim homines errare , possunt etiam eam vel ad ambitionem suam inflectere , vel in servitutem præjudicii suis trahere etiam repugnantem : unde sequetur habendam esse sententiam erroneam pro *Verbo Dei*. Etiam si autem accidere hoc non posset , tamen statim ut commentatores hi discesserint , commentarii eorum explicationibus , & procedente tempore , explicationes expositionibus , expositiones novis commentariis indigebunt sine fine , ut nullo modo doctrinæ Christianæ canon sive regula qua controversiæ Religionis determinandæ sint , consistere possit in quacunque interpretatione scriptâ. Restat , ut interpres canonicus debeat esse aliquis , cujus munus legitimum sit , ortas controversias , *Verbum Dei* in ipsis judiciis explicando , terminare ; & cujus propterea auctoritati standum non minus sit , quam eorum , qui Scripturam ipsam pro Canone fidei primi nobis commendaverunt , idemque sit *interpres Scripturæ* , & *doctrinarum omnium iudex supremus*.

*Ecclesia plur-
res significat-
iones.*

XIX. Quod ad nomen attinet *Ecclesiæ* , ab origine idem sonat quod Latine *Concio* , sive conventus civium , sicut & *Ecclesiastes* idem quod *concionator* , id est , is qui ad conventum loquitur. Quo sensu legimus in Actis Apostolorum *Ecclesiam legitimam* , & *Ecclesiam confusam* : Act. 19, v. 32, 40. illam pro cœtu convocato , hanc pro concursu populi per tumultum. Cæterum per *Ecclesiam Christianorum* in Scriptura sacra intelligitur interdum quidem conventus , interdum vero ipsi Christiani , etsi non actu congregati , siquidem in cœtum introire , & communicare cum congregatis concessum sit. Exempli ca-
sa :

sa: *Dic Ecclesia*, Matth. 18. v. 17. de congregata intelligitur; aliter enim dicere aliquid *Ecclesie* impossibile est. Sed, *devastavit Ecclesiam*, Act. 8, v. 3, de non congregata. Sumitur autem *Ecclesia* aliquando pro baptizatis, sive fidei Christianæ professoribus, sive illi sint interne Christiani, sive simulate; ut ubi legimus aliquid dictum, vel scriptum, ad *Ecclesiam*, vel dictum, decretum, factum ab *Ecclesia*; aliquando autem pro electis tantum, ut ubi dicitur *sancta & immaculata Ecclesia*; Ephes. 5, v. 27. Non autem sunt electi, quatenus militant, proprie dicta *Ecclesia*; nam convenire nesciunt, sed sunt *Ecclesia futura*, nimirum in die illa in qua à reprobis segregati triumphaturi sunt. Rursus *Ecclesia* sumi aliquando potest pro omnibus simul Christianis collective. ut ubi *CHRISTUS* vocatur *caput Ecclesie*; & *caput corporis Ecclesie*, Eph. 5, v. 23, Col. 1, v. 18. aliquando pro partibus ejus, ut *Ecclesia Ephesi*, *Ecclesia quæ est in domo ejus*, *septem Ecclesie*, &c. Postremo, *Ecclesia* prout pro cœtu actu congregato sumitur, pro diverso fine congregandi, significat aliquando eos, qui congregantur ad deliberationes & judicia, quo sensu vocatur etiam concilium, & synodus; aliquando eos, qui conveniunt in domum orationis ad colendum Deum, qua significatione ponitur 1 Cor. 14, vers. 4, 5, 23, 28, &c.

XX. *Ecclesia* autem, cui attribuuntur *personalia*, & propria *jura* actionesque, & de qua necesse est intelligi illa; *dic Ecclesie*; *qui non obediatis Ecclesie*; & ejusmodi omnes loquendi formulas; definienda ita est, ut intelligatur ea voce *multitudo hominum qui Patrum novum cum Deo per Christum iniungunt*, (hoc est, multitudo eorum, qui susceperunt Sacramentum Baptismi) *quæ multitudo, & jure in unum locum convocari possit ab aliquo, & eo convocante, adesse omnes vel per se, vel per alios obligantur*. Nam multitudo hominum, si coire in unum cœtum, ubi opus est, non potest, una *persona* dicenda non est. *Ecclesia* enim neque loqui, neque discernere, neque audire potest, nisi ut cœtus. Quæ à singulis dicta sunt, nempe tot sententiæ ferè, quot capita, unumquodque eorum hominis uniùs, non *Ecclesie* dictum est. Porro si cœtus fiat, sed illicitus, considerabitur ut nullus. Nemo igitur eorum qui adsunt in tumultu, decreto cæterorum tenebitur, præsertim verò si dissenserit. neque itaque *Ecclesia* talis discernere aliquid potest; tum enim discernere aliquid multitudo dicitur, cum unusquisque decreto majoris partis obligatur. Oportet igitur ad *Ecclesie*, (cui quidem *personalia* tribuimus) definitionem accedere, ut possit non modo congregari; sed & jure. Præterea, etsi sit, qui jure cæteros convocet, possint tamen, qui vocantur, jure non venire, (id quod accidere potest inter homines, quorum alius alii non subijcitur) non est

Quid sit Ecclesia, cui attribuuntur jura, actiones, & personalia

est illa *Ecclesia persona una*. Nam quo jure ii, qui ad tempus & locum, quo vocantur, conveniunt, *una Ecclesia*, eodem etiam ii, qui ad alium locum à se constitutum confluunt, *alia Ecclesia* est. Et quilibet *homo-*
doxorum numerus *Ecclesia* est; & per consequens tot *Ecclesie* erunt, quot sunt opiniones diversæ; hoc est, eadem multitudo hominum erit simul & *una* & *plures Ecclesie*. Itaque *Ecclesia* nisi ubi certa & cognita, hoc est, legitima potestas sit, per quam singuli per se, vel per alios in cætu adesse obligentur, *una non est*. Atque unitate legitimæ potestatis convocandi Synodos & conventus Christianorum, non uniformitate doctrinæ, sit *una* & capax functionum *personalium*; quæ alioquin est multitudo, & *personæ* in plurali, utcumque opinionibus consentientes.

Civitas Christiana, idem quod Ecclesia Christiana.

XXI. Iis, quæ dicta jam sunt, necessariâ connexionē adhæret, *civitatem Christianorum* hominum, & *Ecclesiam* eorundem, prorsus eandem rem esse, duobus nominibus propter duas causas appellatam. Nam *materia civitatis* & *Ecclesiæ* eadem est, nimirum iidem homines Christiani. *Forma* autem quæ consistit in legitima potestate eos convocandi, eadem quoque est; constat enim, singulos cives obligari eo venire, quo à civitate convocantur. Quæ vero *civitas* vocatur, quatenus constatur ex *hominibus*, eadem quatenus constat ex *Christianis*, *Ecclesia* nominatur.

Plures civitates non constituunt unam Ecclesiam.

XXII. Cum iidem cohæret & hoc, si *plures sint Civitates Christianæ*, eas simul omnes *Ecclesiam personaliter unam non esse*. Possunt quidem consensu mutuo una fieri, sed non aliter, quam, ut fiant etiam una civitas. Convenire enim nisi ad certum tempus & locum constitutum, non possunt. Sunt autem personæ, loca, & tempora conventuum juris civilis; neque quisquam civis, vel externus, pedem in ullum locum inferre jure potest, nisi permittente civitate, quæ loci domina est. Quæ vero nisi permittente civitate fieri jure non possunt, ea, si jure fiant, fiunt per auctoritatem civitatis. Est certe *Ecclesia universalis* unum *Corpus mysticum*, cujus caput est CHRISTUS, sed eadem ratione, qua omnes simul homines Deum rectorem mundi agnoscences, unum regnum, & *una civitas* sunt, quæ tamen neque *una persona* est, neque unam actionem aut sententiam communem habet. Præterea ubi dicitur CHRISTUS esse *caput corporis Ecclesiæ*, manifestè apparet, dictum id esse ab Apostolo de electis, qui quamdiu in hoc mundo sunt, potentia tantum *Ecclesia* sunt, quæ actu antè non erit, quam à reprobis quidem segregentur, inter se verò congregentur in die judicii. *Ecclesia Romana* permagna olim fuit, sed fines imperii egressa non est; neque ergo *universalis*, nisi eo sensu, quo dictum etiam est de *Romana*

civita-

civitate, Orbem jam totum victor Romanus habebat, cum non haberet partem ejus vicissimam. Postquam autem imperium civile in partes discerptum fuit, singulæ civitates inde exortæ, totidem erant Ecclesiæ, & quam habuit in eas Ecclesia Romana potestatem, ea tota pendere potuit ex ipsarum autoritate, quæ excussis Imperatoribus, Doctores tamen Romanos habere contentæ sunt.

XXIII. Ecclesiastici appellari possunt, qui munus in Ecclesia exercent publicum. Munus autem erat aliud Ministerium, aliud Magistrum. Ministerum munus erat inservire mensis, procurare bona Ecclesiæ temporalia, portionesque (quo tempore divitiarum omni abolitâ proprietate de communi alebantur) in singulos distribuire. Magistri autem pro ordine, alii Apostoli, alii Episcopi, alii Presbyteri, hoc est, majores natu sive seniores, appellabantur; non tamen ut Presbyteri nomine etas, sed officium distingueretur. Fuit enim Timotheus Presbyter, quamquam juvenis; sed quia plerumque Seniores ad magisteria adhibebantur, nomen ætatis ad significandum munus usurpatum est. Idem Magistri pro diversitate munerum vocabantur alii Apostoli, alii Prophetæ, alii Evangelistæ, alii Pastores seu doctores. Et opus quidem Apostolicum autem, revelationes proprias in Ecclesia proponere; Evangelisticum, prædicare, sive præcones esse Evangelii apud infideles; Pastoritium, docere, confirmare & regere animos eorum, qui jam crediderant.

Ecclesiastici
qui.

XXIV. In Electione Ecclesiasticorum duo consideranda sunt, electio personarum, & consecratio sive institutio, quæ & ordinatio appellatur. Primos Apostolos duodecim ipse CHRISTUS & elegit & ordinavit. Post ascensionem CHRISTI, Matthias in locum Judæ proditoris suffectus est, Ecclesiâ (quæ ex hominibus circiter centum & viginti tunc temporis congregata est) duos eligente; sternerunt enim duos: Ieseph & Matthiam; sed Deo ipso forte unum Matthiam approbante. Atque duodecim hos appellat sanctus Paulus magnos & primos Apostolos; item Apostolos circumcisoris. Postea additi duo alii Apostoli, Paulus & Barnabas; ordinati quidem à Doctoribus & Prophetis Ecclesiæ Antiochenæ (quæ erat Ecclesia particularis) per impositionem manuum, electi verò jussu Spiritus sancti. Quod fuerint ambo Apostoli, constat ex decimo quarto Actorum, versu 13. Quod Apostolorum ex eo receperunt, quod jussu Spiritus sancti à Prophetis Doctoribusque Ecclesiæ Antiochenæ segregati fuerint ad opus Dei, ostendit ipse sanctus Paulus, qui distinctionis causa vocat se Apostolum segregatum in Evangelium Dei; Rom. 1, v. 1. Sed si queratur ulterius, quâ autoritate factum sit, ut pro jussu Spiritus sancti receptum sit, quod

Electio
Ecclesiasticorum
spectare
ad Eccle-
siam; conse-
crationem
ad Pastores.

El. Phil. sect. 3.

YYY

Pro-

Prophetæ & Doctores illi profectum à Spiritu Sancto esse dixerint, respondendum necessarium est, *Autoritate Ecclesiæ Antiochenæ*; Prophetæ enim & Doctores antequam admittantur, examinandi sunt ab Ecclesiâ; dicit enim sanctus Iohannes, *Nolite omni spiritui credere, sed probate spiritum, si ex Deo sunt, quoniam multi Pseudo-Prophetæ exierunt in mundum.* A qua autem Ecclesiâ, nisi ad quam scripta est ea Epistola? Similiter reprehendit sanctus Paulus Ecclesiâ Galatiæ quod Iudaizarent; Gal. 2, v. 14. etiamsi viderentur ipsi id facere Auctore Petro. nam cum dixisset, se Petrum ipsum reprehendisse his verbis: *Si tu, cum Iudæus sis, gentiliter vivis & non Iudæice, quomodo Gentes cogis Iudaizare?* non multo post interrogat ipsos dicens: *Hoc solum à vobis volo discere: ex operibus legis Spiritum accepistis, an ex auditu fidei?* Gal. 3, vers. 2. Ex quo patet id quod reprehendit in Galatis, fuisse Iudaismum, quamquam Petrus Apostolus Iudaizare cogeret. Cum igitur, quos Doctores sequeretur Ecclesiâ, non Petri, neque ergo hominis erat determinare, etiam Ecclesiæ Antiochenæ autoritati innotebatur Doctorum & Prophetarum suorum electio. Quoniam autem per doctorum, sic electorum, impositionem manuum, Spiritus Sanctus segregavit sibi Apostolos Paulum & Barnabam; manifestum est, summorum in Ecclesiâ qualibet Doctorum consecrationem & impositionem manuum ad ejusdem Ecclesiæ Doctores pertinere. Episcopos autem, qui & Presbyteri vocati erant, etsi non omnes Presbyteri Episcopi, ordinaverunt cum Apostoli, (nam Paulus & Barnabas cum docuissent in Derbe, Lystra, & Iconio, Presbyteros constituerunt per singulas Ecclesiâs, Act. 14, v. 22.) tum etiam Episcopi alii: Titus enim in Creta relictus est à Paulo, ut constitueret per civitates Presbyteros: Tit. 1, v. 5. Et Timotheo dictum est: *Noli negligere gratiam Dei quæ in te est, quæ data est tibi per Prophetiam, cum impositione manuum presbyterii:* 1 Tim. 4, v. 14. Eisdemque datæ regulæ sunt circa Presbyterorum electionem. Non autem intelligi id potest, nisi de ordinatione eorum, qui ab Ecclesiâ eligerentur. Constituire enim doctorem in Ecclesiâ, nisi Ecclesiâ permittente, nemo potuit. Nam ipsorum Apostolorum munus erat, non imperare, sed docere, & quamquam qui commendati ab Apostolis vel presbyteris fuerant, propter existimationem commendantium non rejicerentur, cum tamen sine voluntate Ecclesiæ eligi non possent, etiam per autoritatem Ecclesiæ electi cepebantur. Similiter ministri qui Diaconi vocantur, ab Apostolis ordinati, ab Ecclesiâ tamen electi erant. Nam cum septem Diaconi eligendi ordinandique erant, non eos eligebant Apostoli, sed considerate, inquit, fratres, viros ex vobis boni testimonii septem, &c. atque illi elegerunt Stephanum, &c. & statuerunt eos ante conspe-

consecratorum Apostolorum, Act. 6, v. 3. 6. Constat itaque ex consuetudine Ecclesiæ sub Apostolis, Ecclesiasticorum omnium ordinationem quidem, live consecrationem, quæ fit per orationem & manuum impositionem, ad Apostolos & Doctores spectasse, electionem verò ordinandorum ad Ecclesiam.

X XV. De potestate solvendi & ligandi, id est, peccata remittendi & retinendi; dubium esse non potest, quin ea data sit à Christo futuris tunc Pastoribus, eodem modo quo præsentibus Apostolis. Data autem est Apostolis omnis potestas remittendi peccata, quam ipse habuit Christus: Sicut misit me pater, inquit Christus, & ego mitto vos, Joh. 20, v. 21. subjungitque, quorum remisistis peccata, remittuntur, & quorum retinueritis, retenta sunt, v. 23. Sed quid sit solvere & ligare, live peccata remittere & retinere, dubitationem habet. Primum enim peccata ejus retinere, qui baptizatus in remissionem peccatorum verè pœnitens est, videtur contra ipsum pactum novi Testamenti, neque ergo à Christo fieri, nedum à pastoribus posse. Remittere autem non pœnitenti, videtur esse contra voluntatem Dei Patris, à quo Christus ad convertendum mundum, hominesque ad obedientiam reducendum missus est. Deinde si Pastoribus singulis eo modo remittere & retinere peccata concessum esset, omnis metus Principum, & Magistratum civilium, unaque omne regimen civile destrueretur. Dictum enim est à Christo, immo etiam natura ipsa dicat: Nolite timere eos, qui occidunt corpus, animam autem non possunt occidere; sed potius timeite eum, qui potest & animam & corpus perdere in Gehennam, Matth. 10, vers. 28. Neque est quisquam ita mente captus, ut non potius mallet iis, qui peccata remittere & retinere possunt, quam regibus potentissimis obtemperare. Neque tamen ex altera parte existimandum est; remissionem peccatorum nihil aliud esse præter exemptionem à pœnis ecclesiasticis. quid enim mali habet excommunicatio præter consequentem ex ea pœnam æternam; vel boni, in Ecclesiam recipi, si extra eam esset salus? Tenendum igitur est, Pastores habere potestatem peccata verè & absolute remittendi, sed pœnitentibus; & retinendi, sed impœnitentium. Dum autem putant homines, pœnitere nihil aliud esse, quam ut facta sua quisque condemnet, mutetque consilia, quæ sibi met ipsis peccata esse & culpam habere videantur; orta est opinio, posse esse pœnitentiam ante confessionem peccatorum coram hominibus; & esse pœnitentiam non effectum, sed causam confessionis. atque inde difficultas dicentium, peccata eorum, quos pœnitet, jam remissa esse in Baptismo; non pœnitentium omnino remitti non posse; contra Scripturam est, & contra verba Christi dicentis,

*Per solam
peccata pœ-
nitentibus
remittendi,
non pœnitentium
retinendi, spe-
ctare ad Pa-
stres: sed de
pœnitentia
judicandi,
ad Eccle-
siam.*

quorum remiseritis, &c. Sciendum igitur primo loco ad difficultatis hujus solutionem, peccati veram agnitionem esse ipsam pœnitentiam. nam qui scit se peccasse, scit se errasse, errare autem velle impossibile est; itaque qui scit se peccasse, nollet factum; id quod est pœnitere. Deinde ubi dubium esse potest, an quod factum est, peccatum sit, necne; considerandum est, pœnitentiam non antecedere confessionem peccatorum, sed subsequi. Pœnitentia enim non est, nisi de peccato agnito. Oportet igitur pœnitentiam, & factum agnoscere, & cognoscere quod sit peccatum, hoc est, quod sit contra legem. Si quis igitur, quod à se factum est, putet non esse contra legem, impossibile est, ut ejus pœniteat. Ergo ante pœnitentiam necessaria est factorum ad legem applicatio. Ad legem autem sine interprete facta applicare, frustra est; non enim verba legis, sed sententia legislatoris, actionum regula est. Est autem legis interpretes certè homo vel homines; non enim iudex est unusquisque facti sui, an sit peccatum necne. Itaque explicandum factum est, de quo dubitatur, an sit peccatum, ante hominem vel homines. Atqui hoc facere, confessio est. Iam, quando legis interpretes judicaverit, factum ejus esse peccatum; si acquiescat peccator iudicio, statuaturque apud se, non facere amplius, pœnitentia est. Atque hoc modo vera pœnitentia aut non est, aut confessionem non antecedit sed sequitur. His ita explicatis non est intellectu difficile, qualis illa sit potestas *solvendi & ligandi*. Cum enim in remissione duo sint: Alterum, *judicium* sive *condemnatio*, qua factum judicatur esse peccatum; alterum, (ubi condemnatus iudicio acquiescens obediverit, id est, pœnituerit) *peccati remissio*, vel (si non pœnituerit) *retentio*: primum eorum, id est, judicare an sit peccatum, ad *interpretem legis*, id est, *judicem summum*; secundum, remissio vel retentio peccati pertinet ad *Pasorem*; & est illa ipsa, de qua agitur *potestas ligandi & solvendi*. Atque hanc veram fuisse sententiam nostri Servatoris in ejusmodi potestatis institutione, ex 18 capite sancti Matthæi, v. 15, 16, 17, 18, sic apparet, Discipulos alloquens: *Si peccaverit*, inquit, *in te frater tuus, vade & corripe eum inter te & ipsum solum*. (Notandum obiter est, si peccaverit in te, idem esse quod si injuriam tibi fecerit, ideoque loqui *Christum* de iis, quæ pertinent ad *tribunal civile*) addit, *si te non audierit* (hoc est, si neget fecisse, vel si factum confessus, fecisse injuriam neget) *adhibe tecum adhuc unum aut duos*. *Quod si hos non audierit, dic Ecclesie*. Quare autem *Ecclesie*, nisi ut ipsa judicet an peccatum sit necne? *Quod si Ecclesiam non audierit*, hoc est, si sententiæ *Ecclesie* non acquieverit, sed sustinuerit, non esse peccatum, quod ea peccatum esse judicaverit, hoc est, si non pœnituerit, (nam certum est,

pœni-

poenitere facti neminem, quod non existimat esse peccatum) non dicit, *sic Apostolis*, ut sciamus, sententiam definitivam in quaestione an sit peccatum necne, relinqui non illis, sed *Ecclesiae*, sed *sic tibi*, inquit, *sicut Ethnicus & Publicanus*, hoc est, tanquam extra *Ecclesiam*, tanquam non baptizatus, id est, tanquam is cujus peccata retinentur. Baptizabantur enim omnes Christiani in remissionem peccatorum. Quoniam autem quaeri poterat, quis haberet tantam potestatem, quanta est Baptismi beneficium impoenitentibus auferendi, ostendit *Christus*, eos ipsos, quibus autoritatem dederat poenitentes baptizandi in remissionem peccatorum, & faciendi ex Ethnicis Christianos, autoritatem quoque habere peccata eorum, qui ab *Ecclesia* judicarentur impoenitentes, retinendi, eosque ex Christianis reddendi Ethnicos. ideoque statim subjungit: *Amen dico vobis, quaecunque alligaveritis super terram, erunt ligata & in caelo, & quaecunque solveritis super terram, erunt soluta & in caelo*. Ex quo intelligi potest, potestatem solvendi & ligandi, sive remittendi & retinendi peccata, quæ & potestas clavium dicitur, aliam non esse à potestate data alio loco his verbis: *Euntes docete omnes gentes, baptizantes eos in nomine Patris, & Filii, & Spiritus sancti*: Matth. 28, v. 19. Et quemadmodum Pastores Baptismum negare non possunt ei, quem *Ecclesia* dignum censet, ita neque retinere peccata ejus, quem *Ecclesia* absolvendum judicat; neque etiam remittere peccata ejus, quem *Ecclesia* pronunciat esse contumacem. Et de peccato quidem judicare, *Ecclesiae* est: Pastorum verò, judicatos ab *Ecclesia* ejicere; vel intra eam recipere. Ita Sanctus Paulus ad *Ecclesiam Corinthiacam*: *Nonne de iis*, inquit, *qui intus sunt, vos judicatis?* ipse tamen fornicarium ab *Ecclesia* separandum pronuntiavit: *Ego quidem*, inquit, *absens corpore, præsens autem spiritu, &c.*

XXVI. Actus retentionis peccatorum is est, qui vocatur ab *Ecclesia* *Excommunicatio*, & à Sancto Paulo; *tradere Satanae*. Nomen *Excommunicationis*, idem sonans quod *ἔκκλησις ἀποκρίνω*, è *Synagoga* ejicere, tractum videtur à lege Moisaica, qua eos, qui à Sacerdote leprosi judicati sunt, extra castra seorsim habere imperatum est, donec rursus Sacerdotis judicio mundi, & certis ritibus (inter quos erat corporis lavatio) purificati essent. Levit. 13, vers. 46. Progrediente inde tempore Iudæis mos erat, eos etiam qui transibant à *Gentilismo* ad *Judaismum*, tanquam immundos, non recipere, nisi prius lavatos; & dissentientes à doctrina *Synagoga*, *Synagoga* ejicere. Ad similitudinem hujus ritus transeuntes ad Christianismum (sive Iudæi essent, sive Gentes) non nisi per Baptismum in *Ecclesiam* recipiebantur; & dissentientes ab *Ecclesia*, *communione Ecclesiae* privabantur. *Tradit autem*

Excommunicatio quidam, & in quas cadere non potest.

Satanæ ideo dicebantur, quia quod extra *Ecclesiam* erat, id omne regno *Satanæ* comprehendebatur. Finis hujusmodi disciplinæ erat, ut destituti ad tempus gratiâ & privilegiis *Ecclesiæ* spiritualibus, humiliarentur ad salutem. Effectus autem quoad secularia is erat, ut *excommunicatus* non modo cœtibus sive *Ecclesiis*, & participatione *Mysteriorum* prohiberetur, sed tanquam noxiis contagione, etiam peior *Ethnico*, à cæteris Christianis singulis fugeretur. Nam eum *Ethnicis commisceri* permisit Apostolus; cum his *ne cibum* quidem *unâ sumere*, 1 Cor. 5, v. 10, 11. Quum ergo talis sit *excommunicationis* effectus, manifestum est primo loco, *civitatem Christianam non posse excommunicari*. Est enim civitas Christiana, *Ecclesia Christiana*; ut ostensum est supra articulo 21, & ejusdem extensionis, *Ecclesia* autem *excommunicari* non potest; vel enim *excommunicabitur* ab alia *Ecclesia*, eaque vel *universalis*, vel *particularis*. *Universalis* autem *Ecclesia* cum *persona* non sit, (ut ostensum est articulo 22) neque ergo agat aut faciat quicquam, *excommunicare* neminem potest. *Particularis* autem *Ecclesia*, *excommunicando aliam Ecclesiam* nihil agit, nihil mutat. quorum enim *communis* non est cœtus. eorum *excommunicatio* esse non potest; neque si *Ecclesia* aliqua, puta *Ierosolymitana* aliam, puta *Romanam* *excommunicasset*, non illam magis *excommunicasset* quam se ipsam. Nam qui aliam sua *communione* privat, se quoque privat *communione* illius. Secundo, *neminem posse civitatis alicujus absolute, cives simul omnes excommunicare, vel templorum usum vel cultum Dei publicum eis interdicare*. Non enim *excommunicari* possunt ab *Ecclesia*, quam ipsi constituunt; siquidem enim id facerent, non modò non *Ecclesia*, sed ne *civitas* quidem essent, dissolverenturque sua sponte: id verò non est *excommunicari*, neque *interdicti*. Quod si ab alia *Ecclesia* *excommunicentur*, habendi sunt, illi *Ecclesiæ*, tanquam *ethnici*. Sed *Ethnicos*, per doctrinam *Christi*, nulla *Ecclesia Christiana* prohibere potest, quin congregent se, & inter se *communificent*, prout eorum civitatibus visum fuerit, præsertim si cœant ad colendum *Christum*, quamquam id fiat ritu & modo singulari. Ergo neque *excommunicatos*; qui ut *ethnici* tractandi sunt. Tercio, *excommunicari non posse Principem, qui habet summum civitatis imperium*. Neque enim per doctrinam *Christi* subditus unus, vel plures simul, Principi suo quamquam *Ethnico* loca publica, aut privata interdicare, aut introitum in quemcumque cœtum negare potest, aut prohibere, ne faciat, quicquid in sua ditione voluerit. Est enim crimen læsæ majestatis in omni civitate, civi cuicumque, vel quocunque civibus simul, autoritatem sibi quamcumque in totam civitatem arro-

arrogare. Qui vero auctoritatem arrogant sibi in eum qui habet civitatis summum imperium, eandem arrogant in ipsam civitatem. Præterea, Princeps summus, si Christianus sit, hoc amplius habet ut civitas, cujus voluntas continetur in ipsius voluntate, id ipsum sit, quod vocamus *Ecclesiam*. Neminem igitur excommunicat *Ecclesia*, nisi quem excommunicat auctoritate Principis. Sed Princeps non excommunicat se ipsum, non igitur excommunicari potest à subditis suis. Potest quidem esse, ut cœtus civium rebellium, vel proditorum, pronunciet Principem summum esse excommunicatum, sed non jure. Multo minus Princeps à Principe excommunicari potest. esset enim hoc, non excommunicatio, sed potius indictio belli per convicium. Nam cum una non sit *Ecclesia* quæ conflatur ex civibus duarum civitatum absolutarum, propter defectum (ut dictum supra est articulo 22,) potestatis ritè conveniendi in unum cœtum, illi qui unius Ecclesiæ sunt, non tenentur obedire alteri, neque ergo propter inobedientiam possunt excommunicari. Quod autem dicat aliquis, Principes, cum *Ecclesiæ universalis* membra sint, posse etiam *universali Ecclesiæ* auctoritate excommunicari, locum non habet, propterea quod *Ecclesia universalis* (ut dictum est articulo 22,) non est una persona, de qua possit dici, quod fecerit, decreverit, statuerit, excommunicaverit, absolverit, & similia personalia; neque habet rectorem ullum in terris, cujus jussu convenire & deliberare possit. Nam rectorem esse *Ecclesiæ universalis*, & posse eam convocare, idem est, ac rectorem esse & dominum omnium per universum orbem Christianorum, id quod nemini conceditur, præterquam soli Deo.

XXVII. Ostensum est supra articulo 18, auctoritatem interpretationis Scripturæ sacras non consistere in eo, quod interpretes possit impunè sententiam, quam inde elicit, aliis vel scripto vel viva voce exponere & explicare, sed in eo, quod non sit aliis contra sententiam ejus faciendi aut docendi jus; ita ut interpretatio de qua agimus, idem sit quod *Potestas* (in omnibus controversiis per Scripturam sacram determinandis) definiendi. Nunc ostendendum est, auctoritatem illam pertinere ad singulas *Ecclesias*, & dependere ab auctoritate ejus, vel eorum qui habent summum imperium, modo sint Christiani. Si enim ab auctoritate civili non dependeat, dependere eam oportet vel ab arbitrio singulorum civium, vel ab auctoritate externa. Ne verò ab arbitrio dependeat singulorum, prohibent inter alia, consequutura inde incommoda & absurda. Quorum præcipuum est hoc, quod non modò omnis tolleretur (contra præceptum *Christi*) obedientia civilis, sed etiam omnis societas & pax humana (contra leges naturales) dis-

Interpretationem Scripturæ dependere ab auctoritate civitatis.

solve-

solveretur. Cum enim Scripturam Sacram singuli interpretentur sibi, id est, unusquisque judicem se faciat, quid Deo placeat, quid displiceat, non ante Principibus obedire possunt, quàm ipsi de mandatis eorum, utrum conformia sint scripturæ necne, judicaverint. Atque lic vel non obediunt, vel obediunt propter iudicium proprium, hoc est, tibi obediunt, non civitati. Tollitur ergo obedientia civilis. Rursus cum unusquisque propriam sequatur sententiam, necesse est, controversias quæ oriuntur, innumerabiles fore, neque determinabiles: unde inter homines (qui natura sua dissensionem omnem habent pro contumelia) nasceretur primo odium, deinceps jurgium, & bellum; atque ita omnis periret societas & pax. Habemus præterea in exemplum, id quod sub lege vetere circa librum legis observari voluit Deus, nimirum scribi quidem, publicè haberi & Canonem doctrinæ divinæ esse voluit: sed non inde à singulis, sed à solis Sacerdotibus definiri controversias. Est denique præceptum Servatoris nostri, ut si quid oriatur offensionis inter singulos, ut *audiant Ecclesiam*. Itaque Ecclesiæ munus est controversias determinare. Non ergo singulorum, sed Ecclesiæ est Scripturas sacras interpretari. Ut sciamus autem, auctoritatem *interpretandi Verbum Dei*, hoc est, omnes quæstiones de Deo & Religione determinandi, non spectare ad personam quamcunque externam, perpendendum inprimis est, quid momenti ea potestas habeat in animis civium, civilibusque actionibus. Nemini enim ignotum esse potest, actiones hominum voluntarias necessitate naturali ipsorum sequi opiniones quas habent de bono & malo, præmiis & pœnis; ex quo fit ut obedientiam illis quorum arbitrio vel felices vel miserrimos in æternum futuros se credunt, præstare necesse sit velint. Quorum autem arbitrio, quæ doctrinæ & quæ actiones necessariae sunt ad salutem, statuitur, eorum arbitrio expectant homines felicitatem vel perditionem æternam; iis igitur in omnibus rebus obsequuntur. Quod cum ita sit, manifestissimum est, cives qui se obligari credunt, circa eas doctrinas, quæ ad salutem necessariae sunt, auctoritati externæ acquiescere, non constituere civitatem per se, sed esse externi illius subditos. Neque ergo, etsi Princeps aliquis summus tantum auctoritatis alii cuicunque scripto concederet, ita tamen ut imperium civile retinuisse intelligeretur, scriptum tale validum erit; nec quicquam transferet, quod ad retinendum, & bene administrandum imperium, sit necessarium. Nam per cap. 2. art. 4. *transferre jus nemo dicitur, nisi dederit signum idoneum voluntatis transferendi*. qui verò voluntatem retinendi imperium aperte significavit, non potest dedisse signum idoneum transferendi media ad imperium necessaria. Non erit igitur huiusmodi scri-

scriptum signum voluntatis, sed ignorantiae in contrahentibus. Secundo, considerandum est quam absurdum sit, civitatem, vel summum imperantem conscientias civium regendas committere hosti. Sunt enim, ut supra ostensum est cap. 5, art. 6, inter se in statu hostili, quicumque in unitatem personae non coaluerunt. Neque obstat quod non semper pugnent: (nam & inter hostes induciæ fiunt) sufficit ad hostilem animum, quod dissidentia sit, quod civitatum, Regnorum, imperiorum fines, praesidiis armati, statu vultuque gladiatorio se mutuo, etiam non feriant, ut hostes tamen intueantur. Postremo, quam iniquum est id postulare, quod ipsa postulandi ratione juris alieni esse confiteris? Interpres sum Scripturae sacrae, tibi, qui civitatis alienae civis es. Qui ratione? quibus pactis inter me & te? Autoritate divina. Unde cognita? ex sacra Scriptura. eu librum, lege. Frustra, nisi & eandem mihi interpretes. mei ergo juris est, & cæterorum singulorum civium, ea interpretatio; id quod negamus ambo. Restat ergo in omni Ecclesia Christiana, hoc est, in omni civitate Christiana, Scripturae sacrae interpretatio, hoc est, *jus controversias omnes determinandas* dependeat & derivetur ab autoritate illius hominis, vel cœtus, penes quem est summum imperium civitatis.

XXVIII. Quapropter omnino duo sunt genera controversiarum, unum circa *spiritualia*, hoc est, circa quaestiones fidei, quarum veritas ratione naturali investigari non potest; quales sunt quaestiones de *natura* & officio CHRISTI de *premiis* & *pœnis* futuris, de *resurrectione* corporum, de *natura* & officiis Angelorum, de *Sacramentis* & *cultu* externo, & similia; alterum circa quaestiones scientiae humanae, quarum veritas ratione naturali, & Syllogismis elicitur, ex pactis hominum & definitionibus (id est, receptis usu, & consensu communi, vocabulorum significationibus) quales sunt quaestiones omnes *Juris* & *Philosophiae*. Exempli causa, quando in *jure* quaeritur, an sit promissum & pactum, necne? id nihil aliud est, quam quaerere an verba talia, tali modo prolata, appellentur communi usu & consensu civium *promissum*, aut *Pactum*; quod si sic appellantur, verum est pepigisse; aliter, falsum. Veritas ergo ea dependet à pactis & consensu hominum. Similiter quando quaeritur in *Philosophia*, an idem possit esse totum in pluribus simul locis; determinatio quaestionis dependet à cognitione communis consensus hominum, circa significationem vocabuli *Totius*. siquidem enim homines quando dicunt; totum esse alicubi, significant communi consensu, intelligere se, nihil esse ejusdem alibi; falsum est, idem esse in pluribus simul locis. Veritas ergo ea dependet à consensu hominum, eademque ratione in cæteris omnibus

Christianam civitatem Scripturas interpretari debere per Pastores Ecclesiae.

Inris & Philosophiæ quæstionibus. Et qui contra hunc communem circa rerum appellationes consensum hominum, ex obscuris Scripturæ locis aliquid statui posse judicant, tollendum judicant & sermonis usum, & una omnem societatem humanam. Dicit enim qui vendiderit totum agrum, esse totum uno cespite, & reliquum tanquam non venditum retinebit: imo ipsam tollit rationem, quæ nihil aliud est præter veritatis per talem consensum factæ investigatio. Hujusmodi itaque quæstiones non necesse est ut determinet civitas per interpretationem Scripturæ sacræ. non enim pertinent ad *Verbum Dei*, eo sensu quo sumitur Verbum Dei pro *Verbo de Deo*, id est, *Doctrina Evangelica*. neque obligatur, qui habet *Ecclesiæ Imperium*, ad hujusmodi judicia adhibere *Doctores Ecclesiasticos*. quæstionibus autem fidei, id est, *de Deo*, quæ captum humanum superant, decidendis, opus est benedictione divina (ne possimus falli, saltem in necessariis) per *impositionem manuum* ab ipso CHRISTO derivanda. Nam cum ad salutem æternam obligemur ad doctrinam supernaturalem, & quam propterea intelligere est impossibile, ita destitui, ut falli possimus in necessariis, repugnat æquitati. *Infalibilitatem* hanc promisit Servator noster (in iis rebus quæ ad salutem sunt necessariæ) *Apostolis* usque ad diem judicii, hoc est, *Apostolis & Pastoribus*, ab Apostolis successivè per *impositionem manuum* consecrandis. Obligatur ergo quatenus Christianus, is qui habet civitatis imperium, Scripturas sacras, ubi quæstio est de *mysteriis fidei*, per *Ecclesiasticos* ritè ordinatos interpretari. Et sic in civitatibus Christianis iudicium & *spiritualium* & *temporalium* pertinet ad autoritatem civilem. Et is homo vel cætus qui summum habet imperium, caput est & *civitatis* & *Ecclesiæ*: una enim res est *Ecclesiæ & civitas Christiana*.

C A P U T XVIII.

De necessariis ad Introitum in Regnum Cælorum.

- i. Proposita difficultas de repugnantia obediendi Deo & hominibus, tollenda per distinctionem inter necessaria & non necessaria ad salutem. ii. Omnia necessaria ad salutem contineri in fide & obedientia. iii. Quæ sit ea quæ requiritur obedientia. iv. Quid sit Fides, & quomodo distinguatur à professione, à scientia, & ab opinione. v. Quid sit credere in CHRISTUM. vi. Unicum articulum, JESUM ESSE CHRISTUM, necessarium esse ad salutem, probatur ex scopo Evangelistarum. vii. Ex prædicatione Apostolorum. viii. Ex

facilitate Religionis Christianæ. ix. Ex eo quod sit fundamentum fidei. x. Ex disertissimis CHRISTI & Apostolorum verbis. xi. In eo Articulo contineri fidem veteris Testamenti. xii. Fides & obedientia quomodo concurrant ad salutem. xiii. In civitate Christiana, nullam esse repugnantiam inter mandata Dei & civitatis. xiv. Doctrinæ quæ hodie controuertuntur de Religione, spectare plerumque ad ius regnandi.

I. **A**utoritatem omnem in rebus *secularibus* derivari ab auctoritate ejus qui summum habet imperium, sive is unus homo sit, sive unus cœtus, in confesso semper fuit. Eandem in *spiritualibus* ab auctoritate Ecclesiæ dependere ex proximè antecedentibus manifestum est; & præterea hoc, *civitatem omnem Christianam esse Ecclesiam* hujusmodi auctoritate præditam. Ex quibus colligere etiam quantumlibet ingenio tardus potest, in *civitate Christiana*, (hoc est, in civitate cujus summum imperium habet Princeps vel cœtus Christianus) *omnem uniri sub Christo potestatem tam secularem quam spirituales*; ideoque in omnibus, iis esse obediendum. Contra autem, quia *obedire oportet Deo, magis quam hominibus*, orta est difficultas, quo pacto obedientia tunc iis præstari possit, si quando imperatum fuerit aliquid, quod CHRISTUS fieri prohibet. Causa difficultatis est, quod cum Deus non amplius per CHRISTUM & Prophetas vivā voce nos alloquatur, sed per Scripturas sacras, quæ à diversis diversè accipiuntur, sciunt quidem, quid Reges imperant & Ecclesia congregata; utrum verò id, quod imperant, sit contra imperata Dei, necne, id nesciunt, sed fluctuante obedientia inter pœnas mortis *temporalis*, & *spiritualis*, tanquam navigantes inter Scyllam & Charybdin incurrunt sæpe in utramque. Qui verò necessaria ad salutem, à non necessariis rectè distinguunt, nullam hujusmodi dubitationem habere possunt. Siquidem enim mandatum Principis vel civitatis tale sit, ut obediri ei possit sine jactura salutis æternæ, injustum est non obedire, & locum habent præcepta Apostolica: *Servi, obedite per omnia Dominis carnalibus. Filii, obedite parentibus per omnia*: Col. 3, v. 20, 22. & mandatum CHRISTI: *super Cathedram Moysi sederunt Scribe & Pharisei, omnia ergo quæcunque dixerint vobis, servate & facite*: Matth. 23, v. 2. Contra, si facere jusserint quæ puniuntur morte æterna, insanum est, non potius mori mortem naturalem, quam obediendo mori in æternum. Et locum habet quod dicit CHRISTUS; *Nolite timere eos, qui occidunt corpus; animam autem non possunt occidere*. Matth. 10, v. 28. Videndum itaque est quæ sint ea omnia, quæ ad salutem sunt necessaria.

Proposita difficultas de repugnantia obedientiæ Deo & hominibus, tollenda per distinctionem inter necessaria & non necessaria ad salutem.

Omnia necessaria ad salutem continentur in fide & obedientia.

I I. Sunt autem *necessaria* ad salutem omnia duabus virtutibus comprehensa, *Fide & Obedientia*. Harum posterior si perfecta esse posset, sola sufficeret, ne damnamur; sed quia, & jam diu omnes rei sumus contumaciæ adversus Deum, in Adamo; & præterea ipsi actu peccavimus: non sufficit *obedientia* sine *remissione peccatorum*. Ea vero, unaque introitus in Regnum cæli, *Fidei* præmium est. Aliud ad salutem requiritur nihil. Non enim clauditur regnum Dei, nisi peccantibus, id est iis, qui debitam legibus Dei *obedientiam* non præstiterunt; neque illis, si credant *articulos necessarios* Fidei Christianæ. Iam si cognoverimus, in quibus constat *obedientia*, & qui sint *articuli necessarii fidei* Christianæ; manifestum una erit, quæ civitatum Principumque jussu facere, & quibus abstinerere debeamus.

Quæ sit ea, qua requiritur obedientia.

III. Per *obedientiam* autem, hoc loco, significatur non *factum*, sed *voluntas & studium*, quo proponimus conari quantum possumus, obedire in futurum. Quo sensu vox *obedientia* æquivalet *Penitentia*. Consistit enim *Penitentia* virtus non in dolore, qui peccati recordationem comitatur, sed in conversione in viam, & instituto non peccandi amplius, sine quo dolor ille non poenitentis, sed desperantis esse dicitur. Quoniam autem qui Deum amant, non possunt non velle obedire legi Divinæ, & qui amant proximum, non possunt non velle obedire legi morali, quæ consistit, ut supra capite 3 ostensum est, in *superbiæ, ingrati tudinis, contumeliæ, inhumanitatis, inclementiæ, injuriæ*, similiumque offensarum prohibitione, quibus proximi læduntur. Itaque voci *obedientia* æquivalet etiam *Amor*, sive *Charitas*; Etiam *justitia*, (quæ constans voluntas est suum cuique tribuendi) æquivalet eidem. Iam sufficere ad salutem *Fidem & Penitentiam*, manifestum est. primum ex ipso fœdere Baptismi. nam interrogantibus Petrum iis, qui ab ipso die *Pentecostes* convertebantur, *Quid faciemus?* respondit; *Pœnitementi, & baptizetur unusquisque vestrum in nomine Iesu in remissionem peccatorum*: Act. 2, vers. 38. Nihil ergo ad obtinendum Baptismum, hoc est, introitum in Regnum Dei, faciendum aliud erat, nisi *pœnitere & credere* in nomen *JESU*. Pacto enim, quod fit in Baptismo, promittitur regnum cælorum. Deinde ex verbis *CHRISTI* respondentis ad Principem interrogantem, quid faciens vitam æternam possideret: *Mandata nosti, non occides, non moechaberis*, &c. quod *obedientiæ*; &, *Vende omnia quæ habes, veni, & sequere me*; quod *fidei* erat, Lucæ 18, v. 20. Marc. 10, v. 18. Et ex eo quod dicitur, *justus* (non quilibet, sed *justus*) *ex fide vivet*. est enim *justitia* voluntatis dispositio eadem, quæ *Pœnitentia & Obedientia*. Et ex verbis sancti Marci: *Quoniam impletum est tempus, & appropinqua-*

vit Regnum Dei, *pœnitementi & credite Evangelio*; quibus non obscure significatur, non opus esse ad ingressum in Regnum Dei, aliis virtutibus præter *pœnitentiam & fidem*. *Obedientia* itaque quæ ad salutem *necessariò* requiritur, nihil aliud est præter *voluntatem* sive *conatum obediendi*, id est, faciendi secundum leges Dei, id est, secundum leges morales quæ eadem omnibus sunt, & leges civiles, hoc est, mandata imperantium in rebus *temporalibus*, & leges Ecclesiasticas in *spiritualibus*; quæ duo genera legum in diversis civitatibus & Ecclesiis sunt diversa, & cognoscuntur promulgatione, vel sententiis publicis.

I V. Ut sciamus, quid sit *Fides Christiana*, definienda est in universum *Fides*, & à cæteris animi actibus quibuscum vulgò confundi solet, distinguenda. *Objectum Fidei* universaliter sumtæ, nimirum, id quod creditur, semper *propositio* est, (id est, oratio affirmans vel negans) quam veram esse concedimus. Sed quoniam conceduntur propositiones propter diversas causas, accidit, huiusmodi concessiones diversè nominari. Concedimus autem quandoque propositiones, quas tamen in animum non recipimus. Idque vel ad tempus, nimirum, tantisper donec ex consideratis consequentiis, earum veritatem examinaverimus, quod vocatur *supponere*; vel etiam simpliciter, ut metu legum, quod est *profiteri*, vel *confiteri* signis externis; vel obsequii spontanei causa, quod faciunt homines animo simplici erga eos, quos reverentur, & erga alios studio pacis, id quod simpliciter *concedere* est. Propositiones autem quas pro veris recipimus, concedimus semper propter aliquas rationes nostras. Eæ verò derivantur vel ab ipsa *propositione*, vel à *persona proponentis*. Derivantur autem ab ipsa *propositione* revocando in memoriam, quibus rebus significandis nomina, ex quibus propositio constatur, communi consensu usurpantur; quod si fiat, assensus quem præbemus, dicitur *Scire*. Si vero recordari non possimus, quid certò per ea nomina intelligendum sit, sed modò hoc videtur, modò illud, tum dicimur *opinari*. Exempli causa: si propositum sit, *duo & tria, esse quinque*; revocando autem in memoriam, ordinem nominum numeralium, ita consensu communi eorùm, qui ejusdem sunt linguæ, (quasi pacto quodam societati humanæ necessario) constitutum esse, ut *quinarius* totidem unitatum nomen sit, quot in *binario* & *ternario* continentur simul sumtis; ac assentiatur quis, verum id ideo esse, quia 2. & 3. simul idem sunt quod 5: dicitur assensus ille *scientia*. Et scire veritatem istam, nihil est aliud, quam agnoscere, esse eam à nobis ipsis factam. Quorum enim arbitrio & loquendi lege numerus.. vocatus est *binarius*, ... *ternarius*, & *quinarius*, eorum arbitrio factum est, ut vera sit propositio: *binarius & ternarius*

Quid sit Fides, & quomodo distinguatur à professione, à scientia, & ab opinione.

simul sumti faciunt *quinarium*. Similiter si meminerimus, quid sit, quod vocatur *furtum*, & quid *injuria*, *sciemus* ex ipsis vocibus, an verum sit, *furtum* esse *injuriam*, necne? *Veritas* idem est, quod *vera propositio*; *vera* autem est *propositio*, in qua *nomen consequens*, quod vocatur à Logicis *Prædicatum*, complectitur amplitudine sua *nomen antecedens*, quod vocatur *Subjectum*; & *veritatem* scire, idem quod, esse eam à nobismet ipsis ipsa nominum usurpatione factam, *meminisse*. Neque temere olim à Platone dictum est, *scientiam esse memoriam*. Accidit autem interdum, ut voces, etsi certam & ex constituto definitam habeant significationem, usu tamen vulgari, ad ornandum vel etiam fallendum particulari studio à propriis significationibus ita divellantur, ut conceptus, propter quos rebus impositæ fuerunt, revocare in memoriam difficultatem magnam habeat, neque nisi acri judicio, & diligentia maximâ superandam. Accidit quoque, plurimas voces nullam habere propriam sive determinatam & eadem ubique significationem, atque intelligi non sua vi, sed signorum aliorum simul adhibitiorum. Tertio, nomina quædam sunt rerum inconceptibilium. Earum ergo rerum, quarum ipsa sunt nomina, conceptus nulli sunt. Et propterea propositionum, quas constant, veritatem ex ipsis nominibus frustra quarimus. In his casibus dum considerando vocum definitiones veritatem alicujus propositionis investigamus, prout spes est inveniendi, putamus eam aliquando veram, aliquando falsam. Quorum utrumque seorsim, *opinari* dicitur, atque etiam *credere*, ambo simul *divinare*. Quando verò rationes nostræ propter quas assentimur propositioni alicui, non ab ipsa propositione, sed à persona proponentis derivantur, ut quem ita peritum judicamus, ut non fallatur, neque causam videmus quare velit fallere; assensus noster, quia nascitur non à nostræ, sed alienæ scientiæ fiducia, *Fides* appellatur. Et quorum fiducia credimus, illis vel in illos credere dicimur. Ex iis quæ dicta sunt, apparet differentia, primum, inter *Fidem* & *Professionem*: illa enim cum assensu interno semper conjungitur, hæc non semper. Illa animi persuasio interna, hæc obedientia externa est. Deinde inter *fidem* & *opinionem*; hæc enim nostræ rationi innititur, illa alienæ existimationi. Denique inter *fidem* & *scientiam*: hujus enim est propositionem examinatione communitam & mansam lentè admittere; illius autem integram deglutire. Prodest ad scientiam explicatio nominum, quibus id, quod inquirendum est, proponitur, imò unica via ad scientiam est, per definitiones; ad fidem autem nocet hoc. Nam quæ supra captum humanum credenda proponuntur, nunquam explicatione evidentiora, sed contrà obscuriora & creditu difficiliora fiunt. Acciditque homini, qui

myse-

mysteria fidei ratione naturali conatur demonstrare, idem quod ægroto, qui pilulas salubres, sed amaras, vult prius mandere, quam in stomachum demittere; ex quo fit, ut statim revomantur, quæ alioqui devoratae eum sanassent.

V. Vidimus ergo, quid sit credere. Credere autem in CHRISTUM quid est? vel, fidei in CHRISTUM quænam propositio est obiectum? Quando enim dicimus: Credo in CHRISTUM, significamus quidem, cui, non autem quid credimus. Est autem credere in CHRISTUM nihil aliud, quam credere, JESUM esse CHRISTUM, nimirum ILLUM, qui secundum *Mosis & Prophetarum* Israëlitarum vaticinia venturus erat in hunc mundum, ad instituumdum Regnum Dei. Id verò satis apparet ex verbis ipsius CHRISTI ad Martham. *Ego sum (inquit) resurrectio & vita, qui CREDIT IN ME, etiamsi mortuus fuerit, vivet; & omnis qui vivit, & CREDIT IN ME, non morietur in æternum. Credis hoc? At illi; Vtique, Domine, ego credidi, quia TU ES CHRISTUS Filius Dei vivi, qui in hunc mundum venisti.* Joh. II, vers. 25, 26, 27. Quibus verbis videmus: CREDERE IN ME, explicari per QUIA TU ES CHRISTUS. Est ergo credere in CHRISTUM nihil aliud, quam credere ipsi JESU dicenti, se esse CHRISTUM.

Quid sit credere in Christum

VI. Concurrentibus ad salutem fide & obedientiâ, utraque necessaria, qualis sit ea obedientia, & cui debita, monstratum est supra art. 3. Articuli autem fidei quinam requirantur, id nunc inquirendum est. Dico autem, alium Articulum fidei (*) præter hunc, JESUM ESSE CHRISTUM.

Vicium articulum Iesum esse Christum necessarium esse ad salutem, probatur ex scapo Evangelistarum. Annotatio.

* Dico autem alium Articulum fidei præter hunc, Assertionem hanc quam novitate sua Theologis plerisque displicere posse video, etsi satis in sequentibus confirmatam, amplius tamen explicare, opera pretium esse duxi. Primum igitur cum Articulum hunc, JESUM ESSE CHRISTUM, solum ad salutem necessarium esse dico, non dico, solam fidem ad salutem necessariam esse, sed requiro etiam Iustitiam, sive obedientiam legibus Dei debitam, hoc est, voluntatem recte vivendi. Secundo non nego, quin multorum aliorum articulorum professio, si modo professio eorum ab Ecclesia imperetur, ad salutem quoque necessaria sit, sed cum fides interna, professio externa sit, illam propriè fidem, hanc obedientie partem esse dico, ita ut articulus ille ad fidem internam, non autem ad professionem Christiani solus sufficiat. Postremo, quemadmodum, si veram & internam poenitentiam peccatorum, solam, ex parte Iustitiæ, ad salutem necessariam esse dixissem, tamen pro paradoxo habendum non fuisset, quoniam in ea iustitiam, obedientiam, atque animum ad omnes virtutes reformatum contineri intelligimus. ita, cum fidem unius Articuli sufficere ad salutem dico, mirandum minus est, cum in eo toti alii articuli comprehendantur. Nam verba hæc, JESUS EST CHRISTUS, significant, IESUM ESSE ILLUM, quem Deus venturum in mundum ad Regnum suum instituendum promiserat per Prophetas, hoc est, IESUM ESSE FILIUM DEI Creatoris coeli & terræ, natum ex virgine, mortuum pro peccatis eorum, qui essent in illum credituri; ESSE CHRISTUM, id est, Regem, revixisse (nam aliqui regnaturus non est,) judicaturum mundum & remuneraturum eorumdem opera; aliter enim Rex esse non potest; item resurrecturos esse

CHRISTUM, homini Christiano, ut *necessarium* ad salutem, requiri nullum. Distinguendum autem est, ut supra art. 4. inter *fidem* & *professionem*. *Professio* ergo plurium dogmatum (si jubeatur) *necessaria* esse potest; est enim pars *obedientiæ* legibus debitæ. sed non quærimus jam de *obedientiâ necessaria* ad salutem, sed de *fide*. Probatur autem primò, ex scopo Evangelistarum, qui erat per descriptionem vitæ Servatoris nostri illum unum articulum stabilire. Sciemus autem, talem fuisse scopum & consilium Evangelistarum, si observemus ipsam historiam. Sanctus Matthæus incipiens à Genealogia ejus, ostendit JESUM esse ex genere Davidis; natum ex Virgine; cap. 1. à *Magis* ut regem Judæorum adoratum; ab *Herode* eadem de causa quæritum ad necem; cap. 2. Regnum ejus & à *Ioanne Baptista* & à se ipso prædicatum; cap. 3, 4. leges docuisse, non ut Scribæ, sed ut qui haberet autoritatem; cap. 5, 6, 7. morbos miraculose sanasse; cap. 8, 9. *Apostolos* præcones Regni in omnes Judææ partes ad prædicationem Regni dimisisse; cap. 10. nunciis à Iohanne quærentibus, an is esset Christus, necne, respondisse, referrent quæ vidissent, nempe miracula, quæ in CHRISTUM solum competere; cap. 11. Regnum suum argumentis, parabolis, & signis apud Phariseos & alios comprobasse, & declarasse; cap. 12. & seqq. usque ad 21. salutatum fuisse in Regem, cum ingrederetur Ierosolymam; cap. 21. se Christum illum esse, contra Phariseos sustinuisse; alios de *Pseudo-Christis* præmonuisse; Regnum suum quale esset, parabolis ostendisse; cap. 22, 23, 24, 25. captum & accusatum fuisse eo nomine, quod se Regem esse dixerit; crucique titulum inscriptum, HIC EST JESUS REX JUDÆORUM; cap. 26, 27. denique post resurrectionem dixisse *Apostolis*, datam sibi esse omnem potestatem in cælo & in terra; cap. 28. Quæ omnia eo pertinent, ut credamus, Iesum esse illum Christum. Talis erat ergo in describendo Evangelio scopus Sancti Matthæi. qualis autem erat hujus, talis erat cæterorum Evangelistarum; id quod seorsum Sanctus Iohannes in fine Evangelii sui expresse habet, *Hec*, inquit, *scripta sunt*, ut sciatis, quia Iesus est Christus Filius Dei viventis, Ioh. 29, 31.

VII. Se-

esse homines: nam absque hoc ad iudicium venturi non sunt. Itaque unico hoc articulo totum continetur Symbolum Apostolorum: quod tamen sic contrahendum ideo existimavi, quod viderem, propter hunc solum, sine cæteris, qui ex eo per consequentiam deducuntur, permultos tum à Christo, tum ab Apostolis ejus in Regnum Dei admissos fuisse: ut Iacobi in cruce, ut Eunuchus à Philippo baptizatus, ut duo millia hominum ad Ecclesiam à Sancto Petro simul aggregata. Si quibus autem hoc displicet, quod eos omnes, qui articulo qualicunque ab Ecclesia definitio, assensum internum non præbent, (nec tamen contradicunt, sed, si jubeantur, concedunt) non damnos in æternum censent, quid illis faciam, nescio. Nam ut sententiam mutem, Scriptura sacra, quæ sequuntur, testimonia apertissima impediunt.

VII. Secundò probatur idem ex prædicatione Apostolorum, erant enim Regni præcones, nec Christus eos misit ad prædicandum aliud, quam Regnum Dei: Luc. 9, vers. 2. Actor. 15, vers. 6. Quid autem post Christi ascensionem fecerint, intelligi potest ex eorum accusatione. Trahebant (inquit sanctus Lucas) Iasonem & quosdam fratres ad Principes civitatis, clamantes: quod hi sunt, qui urbem concitant, & huc venerunt, quos suscepit Iason: & hi omnes contra decreta Cæsaris faciunt, Regem alium dicentes esse Iesum: Actor. 17, vers. 7. Etiam subjectum concionum Apostolicarum quale fuerit, apparet ex his verbis: De Scripturis (subaudi Veteris Testamenti) adapariens, & insinuas, quia Christum oportuit pati, & resurgere à mortuis, & quia HIC EST JESUS CHRISTUS: Act. 17, vers. 3.

Ex prædicatione Apostolorum.

VIII. Tertiò, ex iis locis, quibus eorum, quæ à Christo ad salutem requiruntur, declaratur facilitas. Nam si ad salutem necessariò requiratur assensus animi internus veritati omnium & singularum propositionum, quæ circa fidem Christianam hodie vel controvertuntur, vel à diversis Ecclesiis diversè definitæ sunt, nihil esset Religione Christiana difficilius. Quomodo ergo verum esset, *jugum meum suave est, & onus meum leve*? Matth. 11, v. 30. & *parvulos in eum credere*? Matth. 18, v. 6. & *placuisse Deo per stultitiam prædicationis salvos facere credentes*? 1 Cor. 1, v. 21. vel quomodo satis ad salutem instructus fuit latro pendens in cruce, cujus fidei confessio continebatur his verbis: *Memento mei, cum veneris in Regnum tuum*. Vel ipse Sanctus Paulus unde tam citò ex hoste doctor Christianorum fieri potuit?

Ex facilitate religionis Christianæ.

IX. Quartò, ex eo quod articulus ille fidei fundamentum sit, neque alii fundamento ipse innitatur. Si quis vobis dixerit: ecce hic est Christus aut illuc, nolite credere: surgent enim Pseudo-Christi, & Pseudo-Prophete, & dabunt signa magna, &c. Matth. 24, v. 23. Ex quo sequitur, propter fidem huius articuli, negandam esse fidem signis & prodigiis. Licet nos, aut Angelus de cælo, ait Apostolus, *euangelizetis vobis præterquam quod euangelizavimus vobis, Anathema sit*, Gal. 1, 8. Ergo propter hunc articulum neganda esset fides ipsis Apostolis & Angelis, (puto ego & Ecclesiæ) si contrarium docerent. *Carissimi, nolite* (inquit Sanctus Ioannes) *omni spiritui credere, sed probare spiritus si ex Deo sunt, quoniam multi Pseudo-Prophete exierunt in mundum. In hoc cognoscitur Spiritus Dei; Omnis spiritus qui confiteretur JESUM CHRISTUM VENISSE in carne, ex Deo est, &c.* 1 Ioh. 4. Est ergo Articulus ille, mensura spirituum, secundum quam autoritas Doctorum vel recipitur vel rejicitur. Negari quidem non potest, quin à Doctoribus didicerint, omnes qui hodie Christiani sunt, fuisse IESUM, qui ea omnia fecit, quibus Chri-

Ex eo quod sit fundamentum fides.

Itus esse agnosceretur. non tamen sequitur, eosdem articulum illum doctoribus credere, vel Ecclesiæ, sed ipsi Iesu. Erat enim ille articulus Ecclesiæ Christianæ prior, etsi cæteri omnes posteriores fuerint. Et Ecclesiæ super illum, non hic super Ecclesiam fundatus est. Matth. 16, v. 18. Præterea ita est articulus ille, *Iesus est Christus*, fundamentalis, ut cæteri omnes dicantur à Sancto Paulo illi superædificari. *Fundamentum aliud nemo potest ponere præter id, quod positum est, quod est Iesus Christus.* (hoc est, *Iesus est Christus.*) Si quis autem superædificat super fundamentum hoc, aurum, argentum, lapides preciosos, ligna, fœnum, stipulam, &c. uniuscuiusque opus manifestum erit. Si cuius opus manserit, quod superædificavit, mercedem accipiet; si cuius opus arserit, detrimentum patietur, ipse autem salvus erit, 1 Cor. 3, v. 11, 12, &c. Ex quibus patet, per fundamentum intelligi articulum hunc, **IESUM ESSE CHRISTUM**. Non enim superædificatur super personam Christi, aurum, argentum, fœnum, stipula, &c. quibus significantur doctrinæ. Et posse falsas doctrinas fundamento superstrui, nec tamen ut damnentur, qui eas docuerint.

*Bea. disertif-
simus Christi
& Apostolu-
rum verbu.*

X. Postremò, quod articulus ille solus necessariò tenendus sit fide interna, evidentissimè ex plurimis Sacræ Scripturæ locis, quocunque interprete, probari potest. *Scrutamini scripturas, quia vos putatis in ipsis vitam æternam habere, & illæ sunt, quæ perhibent testimonium de me,* Joh. 5, 39. Intelligit autem Christus Scripturas solius Testamenti veteris: nondum enim scriptum erat Testamentum novum. Jam verò testimonium de Christo in veteri Testamento nullum aliud exstat, præterquam quod venturus erat Rex æternus, tali loco, talibus parentibus nasciturus, talia docturus, & facturus, quibus rebus ut signis dignoscendus erat. Quæ omnia hoc unum testantur, **IESUM** qui ita natus, ea docuerit & fecerit, esse **CHRISTUM**. Aliâ igitur fides ad vitam æternam præter illum Articulum non requirebatur. *Omnis qui vivit, & credit in me, non morietur in æternum,* Ioh. 11, v. 25. Credere autem in Iesum, (ut ibidem explicatur) idem est, quod credere, **IESUM ESSE CHRISTUM**. Qui ergo id credit, non morietur in æternum, & per consequens, articulus ille solus est ad salutem necessarius. *Hæc scripta sunt, ut credatis, quia IESUS EST CHRISTUS Filius Dei, & ut credentes vitam habeatis in nomine ejus,* Ioh. 20, v. 31. Quare, qui sic credit, habebit vitam æternam; neque ergo opus habet aliâ fide. *Omnis spiritus, qui confitetur Iesum Christum venisse in carne, ex Deo est,* 1 Ioh. 4, v. 2. & omnis spiritus, qui credit, quoniam **IESUS EST CHRISTOS**, ex Deo natus est: 1 Ioh. 5, v. 1. &: *Quis est, qui vincit mundum, nisi qui credit, quoniam IESUS EST Filius Dei?* 1 Ioh. 5, v. 1. Si

Si igitur non sit opus aliud credere, ut quis sit *ex Deo*, *natus ex Deo*, & ut *vincat mundum*, quam *JESUM ESSE CHRISTUM*; unicus ille articulus sufficit ad salutem. *Ecce aqua*; quid prohibet me baptizari? dixit autem Philippus: si credis ex toto corde, licet. Respondens, ait: Credo, *Filium Dei esse Jesum Christum*, Act. 8, v. 36, 37. Si quidem ergo articulus ille ex toto corde, hoc est, fide internâ creditus, sufficit ad Baptismum, sufficit etiam ad salutem. Præter hæc loca, alia innumera sunt, quæ idem clarè & expressè affirmant. Imò ubicunque legimus, *Servatorem nostrum* cujuspiam fidem laudasse, vel dixisse, *Fides tua te salvum fecit*, vel sanasse quempiam propter fidem, ibi propositio credita alia non erat quam hæc, *JESUS EST CHRISTUS*, vel directè, vel per consequens.

XI. Quoniam autem credere *Jesum esse Christum* nemo potest, qui, cum sciat, per *Christum* intelligi Regem illum, qui à Deo promissus est per *Mosen* & *Prophetas* in *Regem* & *Servatorem* mundi, non credat etiam *Mosi* & *Prophetis*, neque credere his possit, qui non credit *Deum* & *existere*, & *mundum gubernare*, contineri necesse est fidem illam de Deo & de veteri Testamento, in fide hac Testamenti novi. Cum ergo in regno Dei per naturam crimen læsæ Majestatis divinæ, solus esset *Atheismus*; & negatio *Providentiæ divinæ*; in regno autem per Pactum vetus, etiam *Idololatria*; jam in regno per pactum novum additur etiam *Apostasia*; sive renunciatio hujus semel recepti articuli, *Jesum esse Christum*. Cæteris doctrinis, si modo à legitima Ecclesia definitæ fuerint, non est sanè contradicendum: est enim peccatum inobedientiæ; obedientia autem ad salutem necessaria est. Cæterum ut credantur *fide interna*, ostensum est ampliter in proximè antecedentibus, necessarium non esse.

XII. Partes in salute Christiani perficienda *Fides* & *Obedientia* diversas habent. hæc enim *potentiam* sive *capacitatem* contribuit; illa *actum*. Atque utraque suo modo justificare dicitur. *Christus* enim non omnibus, sed *pœnitentibus*, sive *obedientibus*, hoc est, justis (non dico *infontibus*, sed *justis*; *justitia* enim est voluntas obediendi legibus, & convenire in peccatorem potest; voluntas autem obediendi, obedientia est apud Christum) peccata remittit. Non enim quilibet, sed *justus ex fide vivet*. *Iustificat* ergo *Obedientia*, quia *facit justum*, eo modo, quo *Temperantia* facit *temperatum*, *Prudentia* *prudentem*, *Castitas* *castum*, nimirum essentialiter: constituitque hominem in eo statu, ut veniæ capax sit. Rursus *Christus* non omnibus justis peccata condonare promisit, sed *solis credentibus ipsum esse Christum*. *Iustificat* ergo *fides*, eo sensu, quo *justificare* dicitur *judex*, qui *absolvit*; nimirum per *sententiam*,

In eo articulo contineri fidem veteris Testamenti.

Fides & obedientia quomodo concurrant ad salutem.

quæ *Actu* saluum facit. Atque in hac acceptione justificationis (est enim vox æquivoca) justificat *fides sola*; in illa autem *sola obedientia*; sed neque iustitia sola, neque fides sola *salvificat*, sed simul ambæ.

In civitate
Christiana
nullam esse
repugnanti-
am inter
mandata
Dei & ci-
vilitatis.

XIII. Ex iis quæ hactenus dicta sunt, facile erit perspicere, quid sit officium civium Christianorum erga summos imperantes. Qui quamdiu Christianos esse se profitentur, subditis suis, ut Christum negent vel contumeliâ afficiant, imperare non possunt; nam si hoc imperarent, profiterentur se non esse Christianos. Cum enim ostensum sit, & ratione naturali, & ex Scripturis sacris, oportere cives principibus rectoribusque summis civitatis in omnibus obedire, præterquam in iis, quæ sunt contra mandata Dei; & mandata Dei in civitate Christiana, circa *temporalia* quidem, (id est, ea quæ ratione humana examinanda sunt) leges esse & sententias civitatis, prolatas ab iis, quibus legum ferendarum controversiarumque judicandarum autoritas à civitate commissa est; circa *spiritualia* verò, (id est, ea quæ per Scripturam sacram definienda sunt) leges esse & sententias civitatis, hoc est Ecclesiæ, (nam civitas Christiana & Ecclesia, ut ostensum est cap. præcedente, art. 20, eadem est res) prolatas à Pastoribus ritè ordinatis, & qui à civitate in eam rem auctoritatem acceperunt; sequitur manifeste, in civitate Christiana, obedientiam deberi summo imperantibus, in rebus omnibus, tam *spiritualibus*, quam *temporalibus*. Imperantibus autem non Christianis, in *temporalibus* quidem omnibus eandem deberi obedientiam, etiam à cive Christiano, extra controversiam est; in *spiritualibus* verò, hoc est, in iis quæ pertinent ad modum colendi Dei, sequenda est Ecclesia aliqua *Christianorum*. Etenim Deum non loqui in rebus supernaturalibus, nisi per Scripturæ sacræ interpretes Christianos, fidei Christianæ est hypothesis. Quid autem? an principibus resistendum est, ubi obediendum non est? Minimè sane; hoc enim contra pactum est civile. Quid ergo agendum? Eundem ad Christum per martyrium. Quod si cui dictum videatur, certissimum est, eum non credere ex toto corde *JESUM ESSE CHRISTUM Filium Dei viventis*, (cuperet enim dissolvi, & esse cum Christo,) sed velle simulatâ fide Christianâ pactam civitati obedientiam eludere.

Doctrina
que hodie
controver-
tuntur de
religione,
spectare plu-
rasque ad
ius regnan-
di.

XIV. Mirabitur autem forte quispiam, si excepto uno articulo, *JESUM ESSE CHRISTUM*, qui necessarius est ad salutem de fide interna, cæteri omnes pertineant ad obedientiam tantum, quæ quidem præstari potest, etsi quis non internè credat (modo cupiat credere, & externè profiteatur, quoties opus est) quæcunque ab Ecclesia proponuntur; unde factum sit, ut tot sint hodie dogmata, quæ dicuntur omnia ita de fide esse, ut nisi ea quis credat internè; intrare in Regnum cælo-

cœlorum non possit. Quod si idem consideret, in plenisque controversiis certamen esse de Regno humano, in aliquibus de quæstu, in aliquibus de gloria ingeniorum, minus mirabitur. Quæstio de *Ecclesiæ proprietatibus*, quæstio est de *jure imperii*. cognito enim, quid sit *Ecclesia*, cognoscitur una, cujus sit imperium in Christianos. Nam si quælibet civitas Christiana, Ecclesia illa sit, quam omnem Christianum illi civitati subiectum audire præcepit ipse Christus, tum civis quilibet teneatur civitati suæ, hoc est, ei vel iis obedire, quorum est imperium summum, non modo in *temporalibus*, sed etiam in *spiritualibus*. Sin quælibet civitas Christiana non sit Ecclesia illa, tum est aliqua alia Ecclesia universalior, cui oportet obedire. Omnes igitur Christiani illi obedire debent, sicut obedirent Christo si veniret in terras. Imperabit ergo illa vel per Monarcham, vel per cœtum aliquem. Quæstio itaque est de *jure imperii*. Eodem spectat quæstio de *infallibilitate*. quisquis enim verè & internè crederetur ab universo genere humano non posse errare, certus imperii, tam temporalis, quam spiritualis esset, nisi ipse nollet, in universum genus humanum. si dicat enim, obediendum tibi esse in *temporalibus*, eo quod putatur non errare, tale imperii jus ei conceditur. Eodem spectat privilegium interpretandi Scripturas. Cujus enim est controversias, quæ ex diversa Scripturarum interpretatione oriri possunt, determinare, ejus est omnes simpliciter controversias determinare. cujus autem est hoc, ejusdem est imperium in omnes, qui agnoscunt, Scripturas esse Verbum Dei. Eodem spectat disputatio de *potestate remittendi & retinendi peccata*, sive de *autoritate excommunicandi*. Unusquisque enim, si mentis compos sit, obedit in omnibus simpliciter ei, cujus arbitrio credi se salvandum aut damnandum esse. Eodem spectat potestas *instituendi societates*, ab eo enim dependent, per quem existunt, qui quot Monachos, tot habet subditos, quamquam in civitate hostium. Eodem spectat quæstio de *judicio legitimi Matrimonii*. Cujus enim est judicatio ea, ejus quoque est cognitio causarum de hæreditate & successione in omnia bona & jura, non modo privatorum hominum, sed etiam summorum Principum. Eodem quodammodo spectat *Cœlibatus Ecclesiasticum*. Cœlibes enim minus quam cæteri cohererent cum reliqua civitate. Et præterea incoinmodum non contemnendum est, necessarium esse Principibus vel Sacerdotum (quod magnum est vinculum civilis obedientiæ) amittere, vel regnum hæreditarium non habere. Eodem quoque spectat *Canonizatio Sanctorum*, quam Ethnici *Apotheosin* appellarunt. nam qui subditos alienos tanto præmio allicere potest, talis gloriæ avidos ad quidlibet audendum & faciendum inducere potest. Quid enim

enim nisi honorem apud posteros quæsierunt *Decii*, alique Romani, qui se devoverunt, & mille alii, qui in pericula incredibilia se con-
 jecerunt? Controversiæ de Purgatorio & indulgentiis, de quæstu sunt.
 Quæstiones de libero arbitrio, de justificatione, de modo recipiendi Christum
 in Sacramento, Philolophicæ sunt. Sunt & quæstiones de ritibus non
 introductis, sed relictis in Ecclesia non satis purgata à gentilismo: sed
 non est opus plures enumerare. Sciunt omnes, eam esse naturam ho-
 minum, ut dissidentes de quæstionibus, ubi agitur de potentia, vel
 lucro, vel præstantia ingenii, alteri alteros conviciantur & anathemati-
 zent. Non est ergo mirum, si dogmata fere omnia, postquam inca-
 luerint homines disputando, dicantur ab his vel illis, necessaria esse ad
 ingressum in Regnum Dei, non modò ut contumaciæ nomine dam-
 nentur, qui ea non concedunt, id quod post Ecclesiæ sententiam ve-
 rum est, sed infidelitatis: quod falsum esse ostendi supra ex pluribus
 evidentissimis Scripturæ locis; quibus addo hunc sancti Pauli: *Qui*
manducat, non manducantem non spernat; qui non manducat, manducantem
non judicet. Deus enim illum assumpsit. Alius judicat diem inter diem; alius
autem judicat omnem diem: unusquisque abundet in suo sensu, Rom. 14,
v. 3, 6.

F I N I S.





